



23.10.1954

B

JOANNIS LAURENTII BERTI
FLORENTINI
FRATRIS EREMITAE AUGUSTINIANI
LIBRORUM
DE THEOLOGICIS
DISCIPLINIS
TOMUS V.

In quo agitur de VERBO facto Homine,
& de mirabili humanæ Reparationis
Oeconomia.



ROMÆ APUD PANTHEON ANNO D. MDCCXL.
EXCUDERAT ANTONIUS DE RUBRIS

SUPERIORUM PERMISSU.

THE

LIBRARY

OF THE

UNIVERSITY OF CHICAGO
CHICAGO, ILL.





DE THEOLOGICIS DISCIPLINIS

LIBER VICESIMUS QUINTUS

*Demonstrans adversus Judæos, & Gen-
tiles divini Reparatoris adventum.*



SIVE illam Theologiæ partem spectemus, quæ virtutum, humanorumque Officiorum tradit institutiones, & in qua perexiguas ingenii mei vires exercendo quantum conscripsi Operis huius volumen: sive inspicimus partes scientiæ, atque sapientiæ nobiliores, in quibus illustrandis, vindicandisque versatur præcipuum studium clarissimorum Theologorum: nulla res est propter argumenti dignitatem, amplitudinem, atque utilitatem præstantior, nulla proinde, in quam intendere, magis debeamus assiduam meditationem, mentisque conatus, quam redemptionis nostræ mirabilis Oeconomia, & divinæ Incarnationis altissimum, sacratissimumque mysterium. Quid enim nobis ad formandos mores, ad vitam instituendam, ad singularum virtutum, percipiendam normam, ac perfectionem potest majoris esse adjumenti, quam divinum reparandi homines consilium, Dei erga nos caritas ineffabilis, æterni Verbi ex Virgine conceptio & nativitas, sanctissima cum hominibus conversatio, exinanitio & obedientia usque ad mortem crucis, gloriosa ad perennem vitam resurrectio, & assumptæ in consortium divinitatis naturæ humanæ ad Majestatis dexteram exaltatio? In his quidem apparet primum caritatis ordo, in quo dixi-

To.V.

A 2

mus

mus omnem sitam esse virtutem : quoniam in Christi *Incarnatione* demonstratum est homini , quem ipse locum teneat in rebus a Deo conditis , dum ita Deo conjungi potuit humana natura , ut ex duabus substantiis fieret una persona : commonstratumque quomodo deceptores spiritus nequeant eo titulo , quod carent corpore , se nobis præponere , atque suadere , ut ipsis , tanquam immortalibus diis cultum exhibeamus , dum in carne mortali nasci dignatus est ipse Deus . Deinde gratia virtutum effectrix , & quæ nullis præcedentibus meritis reppenditur , in ipso homine Christo summopere commendatur ; quia nec ipse , ut tanta unitate Deo vero conjunctus una cum illo persona , & naturalis Dei filius fieret , ullis est præcedentibus meritis affectus , recte propterea ab Augustino appellatus præclarissimum lumen prædestinationis & gratiæ . Præterea superbia hominis , quæ maximo impedimento est , ne rationalis animus Deo inhæreat , & ne sceleribus inquinatus atque depressus furgat ad pœnitentiam , per Incarnati Verbi humilitatem redarguitur , & sanatur , animadvertens quam longe recesserit a Deo , & quam affici debeat medicinali dolore , quando tali Mediatore indiguit , atque is ad peccatorum nostrorum expiationem subiit terriberrimum crudelissimumque supplicium . In hoc autem perferendo factus obediens Patri usque ad mortem , etiam magnum obedientiæ præbuit nobis exemplum : ejusdemque obedientiæ præmium ubinam , quæso , melius ostendi potest , quam in tanti Mediatoris carne , quæ ad vitam resurrexit æternam , & in augustissimo , sanctissimoque ipsius nomine , in quo omne flectitur genu , caelestium , terrestrium , & infernorum ? Valde itaque affinis est præcedentis voluminis lucubrationibus hæc de Verbo facto homine pertractatio , qua edocemur præceptiones , adjumenta , exemplum , & retributionem virtutis . Atque his accedit tanta argumenti hujus dignitas & præstantia , ut illud præ ceteris trahat contemplantium mentes *in omnes divitias plenitudinis intellectus* , scribente ad Colossenses Apostolo , latere in Mysterio Christi Jesu thesauros omnes *sapientiæ & scientiæ* . Enimvero scientiam in iis , quæ Verbum caro factum temporaliter & localiter egit ac pertulit , sapientiam in iis , quæ sine tempore ipsi Verbo immortalis , æterni , & ubique toti conveniunt , bene sapienterque Augustinus in tertiodécimo libro de Trinitate distinguit . Revera neque in rebus , quæ temporaliter fiunt , potest aliquid mirabilius excogitari , quam partus Virginis , Conditoris universorum nativitas temporalis , mors quam pertulit Auctor vitæ , ac tanto pretio soluta filiorum Adæ captivitas : neque in sempiternis divinisque aliquid difficilius inquiri , quam persistens in humilitate Virginei partus gloria antiquæ nativitatis , in corporis circumscriptione divinitatis immenfitas , in carnis infirmitate potestas omnipotentis : ita nimirum differentes de Christo acquirunt scientiæ & sapientiæ thesauros , dum versantur in humanarum divinarumque rerum

rerum ſublimiori contemplatione. Id vero ut nos majori cum voluptate aſſequamur, extra Scholarum fines per ſpatia Scripturarum ſanctarum, per loca Patrum, hiſtoricorum, nec non impie dogmatizantium hæreticorum excurrentes curabimus divina intueri myſteria, fidem Orthodoxam exponere, hæreſes proſigare, & magnum opus recollere perfectæ Reparationis. At cum Judæis adhuc ducem ſuum præſtolantibus videamur annuntiare *ſcandalum*, Gentibus autem ignorantibus myſteria Crucis prædicare *ſtultitiam*; cumque in qualibet diſputatione primum in quæſtionem veniat rei de qua agitur, veritas & extantia: inſtitui priori hoc libro ipſorum Judæorum pervicaciam retundere, & gentium refutare perſidiam, demonſtrans inviſtis argumentationibus advenſiſſe juxta Prophetarum oracula prænuntiatum humani generis Redemptorem, & hunc eſſe eundem Dominum Jeſum Chriſtum: in cujus Nomine, ut minimus filius Iſai adverſus Goliath, minimus & ego Auguſtini diſcipulus contra veritatis hoſtes certabo.

C A P U T I.

*Demonſtratur ex Vaticinio Jacob Genef. xlix. v. 10.
veniſſe Meſſiam in lege promiſſum.*

ARDUAM principio hujus libri provinciam ſuſcipio, Propheticum de Chriſto vaticinium omnium celeberrimum explicandi, & ad veram planiſſimamque reducendi intelligentiam. Illud namque primum pervicaces Hebræi interpretamentis compluribus tentarunt excutere, poſtmodum Chriſtiani ipſi Implexas inſtituendo diſputationes obſcuriſſimum reddiderunt. Animadvertentes enim ſceptrum a domo Juda per longa temporum intervalla defeciſſe, præſertim tempore Babylonicæ captivitatis, & imperium tenentibus Haſmonæis, mirum eſt in quot opiniones deflexerint, ut probe tuerentur factæ prophetiam cohærere. Quidam ideo de Juda ſceptrum non defeciſſe propugnant, quod licet Haſmonæi paterno genere pertinerent ad tribum Levi, materno tamen eſſent ex Tribu Juda prognati: quas duas tribus Sacerdotalem, & regiam, ideſt, Tribum Levi, & Tribum Juda fuiſſe conjunctas liquet ex matrimonio Aaron, qui uxorem duxit, filiam Aminadab, & ex Iojada, qui in matrimonium ſibi copulavit filiam regis Joram. Hanc ſententiam poſt Origenem tenuere complures, etiam Lyranus, Toſtatus, & Dionyſius Carthuſianus. Ut facilius nodum hunc ſolverent Genebrardus & Baronius affirmarunt Machabæos ex Juda etiam paterno genere ortos, nonnullis Scripturæ verbis proculdubio decepti. At alii opinantes faciliiori negotio difficultatem omnem poſſe expediti, ſi Ju-

si Judæ nomen ob singularem prærogativam ad universam Hebræorum gentem extendatur, conati sunt propugnare nunquam nisi Herodis tempore ablatum sceptrum de Juda; quod tenuerunt Justinus, Eusebius, Diodorus Tarfensis, Casaubonus, Pererius, & alii; qui diversam tamen rationem explicandi propheticum vaticinium adinvenire. Alii quippe causam proferunt, quod Tribus Juda ceteris fuerit gloria, & dignitate præstantior; alii quod ceteris tribubus nomen dederit; alii quod in Tribu Juda solum, sceptrumque perstiterit, etsi persona regia non semper ex eadem Tribu duxerit genus suum. Denique permulti Tribum Juda singulari prærogativa distinctam agnoscunt, sed non ita, ut Rector ac Princeps Judaici populi ex femore Judæ prodierit; sed, vel quia Tribus illa semper jus habuit ad regnum cum temporale, tum æternum instaurandum a Christo, ut docuerunt Cajetanus, & Daniel Huetius: vel quia ipsa Tribus Juda sponte Machabæis, quasi loco depositi Imperium contulit, ut inquit Melchior Canus: vel quia Principes regnaturi, etsi externo sanguine procreati, priusquam regni insignia capefferent, in tribum Juda adlecti erant, & jure hæreditatis, honore germinis, atque civitate donati, ut arbitratur Petavius: vel demum, quia sola tribus Juda fuit regno destinata, sola post captivitatem integra perseveravit, & de hac tribu erat major pars populi Regi Judæorum obtemperantis, in eadem tribu sedes Regni, Thronus, Magistratus, ac forma civilis regiminis, ita ut necessarium non sit ad demonstrandam sceptri Judaici in una Tribu Juda persistentiam, quod semper Moderator ac Princeps fuerint ex semine Judæ, sed sufficiat si una ex his conditionibus ad Messiam usque in ipsa Tribu perstiterit.

Quamquam vero hæc omnia a suis Auctoribus magna cum eruditione defendi videntur, unum est obvium, ac planissimum quod possunt Judæi pugnaciter contendere, promitti a Jacobo Legislatorem ac Ducem *ex femore Judæ*: quibus verbis & ego certissimum puto designari, non regionem, non thronum, non adlectum ex aliis tribubus Magistratum, sed virum aliquem Principem, & Jusdicentem vera & propria generatione ex lumbis Judæ progenitum. Quod verissimum esse paulo infra demonstrabo. Si ergo longe ante Jesum Nazarenum Persona hæc principatum tenens defecerit, poterunt Hebræi affirmare, etiam longe ante Christum Jacobi vaticinium fuisse completum; quandoquidem Machabæi, etiam si dicantur de Tribu Juda ob genus maternum, si non sunt quoque ob paternum, nequeunt appellari *de femore*; & multo minus id competere potest aut Civitati, aut Throno, aut formæ Regiminis, aut Magistratibus ex omni Tribu conflatis: cum apertissima linguæ sanctæ expressione *Dux de femore* aliquam individuum personam principantem, & jus dicentem proscætam carnali generatione ex lumbis Judæ, & nihil aliud designet. Hanc

vero perſonam cum in ſerie plurimorum Regum viri Eruditi minime inveni-
erint, varias opiniones ſuperius expoſitas promulgarunt: qui-
bus ſingulis cum non aſſentiantur Catholici, fruſtra conabimur, ut
ſubſcribant Judæi. Poſtquam ergo literalem Prophetiæ ſenſum tradide-
ro, demonſtrabo ex iſtis Hebraicis monumentis, nunquam a Davide
ad Chriſtum deſuiſſe Principem aliquem ex femore Judæ pro-
gnatum, qui judicia exerceret, leges ferret, & ſcep-
tri teneret auctoritatem. Diliam poſtea innumeras Hebræorum cavillationes,
& illorum quoque Catholicorum, a quibus recedo, argumentationibus ſatisfaciam.

VATICINIUM JACOB AFFERTUR ET EXPLICATUR.

Vaticinium itaque his verbis continetur: *Non auferetur ſceptrum
de Juda, & Dux de femore ejus, donec veniat qui mittendus eſt, &
ipſe erit expectatio gentium.* Ita Vulgata. Hebraica autem lectio ha-
bet: לא יסור שבט מיהודה ומח'ק שבין רגליו עד כי יבא שילה' לו:
י'קרת עמיה: *Non recedet virga de Juda, & Legislator de inter pedes
ejus, usquequo veniat Silo, & illi congregatio populorum.*

Particula שבט *Scevet* vel ſignificat ſceptrum, & regiam auctori-
tatem, ut Pf. xlv. מלכותך שבט *Virga regni tui.* Item Num. xxiv.
17. & Ezech. xxi. 13. Vel ſignificat Tribum, ut Judicum xviii. 19.
& Eſaiæ xix. 13. Ea enim vox שבט proprie ſignificat baculum, ideo-
que vel accipitur per metonymiam ſigni pro indicio regiæ poteſtatis,
& idem eſt ac ſceptrum, vel per metaphoram pro ſtirpe a primo pa-
rente derivata, ut baculus germinat e radice, & idem eſt ac proge-
nies vel tribus. Caſtigationem, & virgam tribulationis hoc loco ſi-
gnificare contendunt Rabbiorum nonnulli. Verum apertiſſime revin-
cuntur. I. Ipſorum Hebræorum teſtimonio: omnes enim veteres Rab-
bini, ipſumque Talmud *Scevet* pro Virga Dominationis accipere. II.
Chaldaeus pro שבט legit עבר *faciens poteſtatem.* III. Nul-
libi particula illa *Scevet* ſi ſolitaria ſit, & abſque adjuncto epitheto af-
ſiſtentionem, imperiumque tyrannicum ſonat; ſed tantum ubi ponit-
ur cum adjuncto exprimente ſurorem, & indignationem, ut Pfal. lxi.
9. & Eſaiæ x. 5. IV. Cum illa particula conjungitur in cap. xix. Gen. al-
tera demonſtrans, ut mox dicam, Legislatorem, & quidem natum
ex femore, ut nequeat intelligi Dominator exterus, & Tyrannus.
V. Quæcunque Judæ promittuntur fauſtiſſima ſunt, laus fratrum, vi-
ctoria inimicorum, agrorum fertilitas, vindemiarum ubertas: per-
petra ergo fingitur infaſtum aliquid prænuntiari. VI. A Davide ad
Sedeciam, atque poſt ſolutam captivitatem uſque ad Herodem non
fuerunt Judæi ſub virga tyrannici dominatus: ideoque non prædixerat
Jacob perſeveraturam uſque ad Chriſtum illorum ſervitutem & vexa-
tionem.

tionem. Non ergo virgam tyrannici imperii, sed sceptrum, atque proprii Principis regimen particula illa מַשְׁכָּת demonstrat. Quod si eandem particulam accipias pro ipsa Tribu, ita ut sensus sit, tribum Judam usque ad adventum Messiae nunquam ablatum iri, quemadmodum contigit ceteris in longinquas regiones asportatis; inferitur apertissime Messiam venisse, cum jam ipsa tribus Juda patria, penatibusque relictis dispersa, & ejecta experiatur miserabile ac diuturnum exilium.

Sequitur in Prophetico Oraculo Hebraica vox מְשִׁיחָא Latine *Dux* & Græce ἡγεμὼν. Auctore R. Kimchi significat *Dominatorem, qui legem sancit, & exercet judicia*. Juxta Rab. Salom. *Magnum Principem leges præscribentem*. Per Onckelon *Sapbram*, idest, *Scribarum Magistrum*, vel *Doctorem*. Nequit hæc interpretatio in dubium verti. I. Ob communem Sapientum consensionem. II. Ob radicalem קק, unde participium illud fluit, quæ idem est, ac *determinare, & præscribere*, unde a Græcis vertitur, διορίζω, διατάσσω, διατάττω, *describere, & ordinare*. III. Ex apertissimo Scripturæ contextu, videlicet Judicum v. 15. ubi מְשִׁכֵּי מֶלֶךְ Mechokekim, *Duces*, appellantur *Scribæ* Issachar. Quare apertissimus Prophetiæ sensus est, permansurum semper in familia, ac progenie Judæ Legislatorem ac principem, sive amplissima prædium auctoritate, qualem habent absoluti Monarchæ, ac Reges, sed quam minime hæc Prophetia in Tribu Juda diuturnam fore promittit; sive Dominatorem virgam tenentem; & civilem potestatem judicia etiam capitalia exercendi, atque Scribarum Præsidem; sive fungentem Legislatoris officio. Quem virum si præfuisse Judæis usque ad Christum adinvenerimus, & de illo vaticinatum Jacobum, non de Principe, qui semper Rex fuerit, & arma tractaverit, id enim neque prophetica verba, neque ipsi Hebræorum Magistri nullatenus exigunt, obstructæ erunt omnes cavillandi rimæ, neque aliquod erit perfugium perfidis obœcatisque Judæis.

At proxima verba מִבֵּין רַגְלָיו *De inter pedes ejus* commonstrant hunc virum principem, judicem, ac legislatorem, futurum ex stirpe, germine, ac semine Judæ: ideoque nunquam revinci poterunt Judæis, si contendas salvari sensum propheticum vel per Thronum, vel per Urbem, vel per Jura Magistratuum, vel per Principes Tribui Judæ adlectos: quod probatur I. Quoniam illa circumlocutio, *De inter pedes ejus* significat posteritatem, & honesta phrasi genitalia ipsa describit: ut liquet ex Deut. xxv 11. 57. ubi de secundinis legitur: *Quæ egrediuntur de inter pedes ejus*. II. Ex Latina, & Græca versione, quarum illa habet *de femore*, hæc vero ἐκ τῆς ὀστέων, *ex femoribus ejus*. III. Ex communi Doctorum interpretatione. Vertit enim Thargum, *A filiis filiorum ejus*: Jonathan, *De semine ejus*; R. Kimchi, *De medio pedum ejus*: Talmud Jerosolymitanum, *De filiis filiorum ortis ex semi-*

tur Hebræorum Chronologiæ, nec non Rabbini complures apud Helvicum, & Imbonatum.

Illustrissimus Daniel Huetius Demonstr. Evangel. Prop. ix. respondet hanc sententiam ceteris esse infirmiore, utpote ex Rabbīnorum commentationibus derivatam. Sed primum quis facile sibi persuadeat concorditer Rabbīnos omnes in sui perniciem tam splendide fuisse mentitos? Deinde apud Joseph Ben-Gorion lib. v. cap. 4. & Josephum Antiq. xiv. cap. 9. habetur oratio R. Sameas Principis Synhedrii, qui compulit Herodem cædis accusatum ad dicendam causam coram Hircano. Ex qua oratione apparet Synhedrium in judiciis etiam Capitalibus majorem habuisse auctoritatem, quam Regem. Vide orationem illam Tom. 1. Operum Josephi cum notis Hudsoni pag. 701. Præterea etiam Patres communiter docent usque ad Christum permanisse Sceptrum apud posteros David, quod nisi de Principe Synhedrii accipiat, falsum erit omnino. *Davidica Sedes* (inquit Epiphanius H. xxix., quæ est Nazaræorum) *perpetua successione ad Christum usque permansit, cum nullo unquam tempore de Juda tribu Principes desissent, donec ille venit, cui reposita erant.* Tandem quem ex femore Judæ Principem ac dominatorem regnantibus Hasmonæis & Herode adinvenies, nisi sit ille Dux, Aechmalotarcha, & Caput Synhedrii?

Demonstrandum est jam hunc Ducem non defecisse nisi sub adventum Messiae, idest, Christi. In Codice Jotta pag. 53. habetur sceptrum & honorem legis cessasse sub Gamaliel, quem Julius Bartholacius Tom. 1. Biblioth. Rabbīnicæ pag. 729. demonstrat obiisse ante Jerosolymitanum excidium an. 18. Hujus autem Gamalielis Epistolæ, & Decreta plenissimæ auctoritatis extant in Codice Synhedrim cap. 1. p. 11. & in eadem Bibliotheca Rabbīnica loco nuper citato. In Berescith Rabbā, ut vidimus, habetur permanisse usque ad migrationem Synhedrii in alium locum, quod contigit juxta Talmud Jerosolymitanum, anno ante Templi excidium quadragesimo. Quod Petrus Galatinus lib. iv. cap. 6. ex communi Rabbīnorum traditione confirmat. Et ne hæc quoque ad fabulas amandentur; certum est ex Josepho loco superius citato, atque ex Historicis aliis fide dignissimis, quod *Herodes regnum adeptus, omnes qui tum fuerant in Synhedrio, atque adeo Hircanum ipsum interfecit, excepto Samea: ipsum enim propter ejus justitiam magno habebat in honore; quod postea obfessa urbe ab Herode, & Sosio, populum monuisset, ut Herodem admitteret dicendo ipsos eum propter peccata effugere non posse.* Ita Josephus lib. xiv. Antiq. cap. 9. Recte ergo Galatinus ibidem: *Tunc proprie & vere de Tribu Juda regni sceptrum ablatum fuit, cum nemo de regio genere remansisse crederetur: tunc etiam judiciaria potestas ab eis amota est, cum omnes Sanhedrin Herodes ipse interimi fecit.* Sed revertendum ad textus expositionem,

Pro-

Proxima verba sunt שִׁילָה *Silo*. *Donec veniat Silo*. Quidam Hebræorum sic vertunt, *In æternum posteaquam venerit Messias*, ut sensus sit, nunquam sceptrum post Messiam adventum de Tribu Juda defuturum. Hoc probat Rab. Bachai, ex quo sub particula עַד *Ad* sit accentus *Setbibb*, illam disjungens a sequenti vocula כִּי *Chî*. Sed revincitur apertissime. I. Ex cap. xvi. Genes. v. 13. ubi non alium sensum habet utraque particula, nisi latinæ *donec*, usquequo, aut consimilis. II. Ex communi aliorum interpretatione: Onkelos enim, Jonathan, Jerosolymitanus, Abenezra, aliique verterunt, *Donec*. III. Ex probata ab omnibus regula Davidis Levitæ circa accentus. Nam Hebraica scriptura sex distinctionis accentus connumerat, *Sillue*, *Ashnach*, *Segoltha*, *Zakeph*, *Rebbia*, & *Setbibb*. Distinguit *Sillue* periodum: *Ashnach*, & *Segoltha* periodi membra; reliqui accentus signa sunt minimæ distinctionis. Est autem in hoc textu ante particulam עַד accentus *Ashnach*; ideoque particula illa pertinet ad membrum consequens.

Restat postrema particula שִׁילָה *Silo*. Aliqui hanc derivant a שִׁילָה & affixo feminini generis הָ, ita ut significet *Filiam ejus*, ex femina tantum progenitum; idem est enim שִׁילָה ac operimentum, vel *secundina* mulieris: unde vertit Jonathan, *Donec veniat Messias, parvulus filiorum ejus*. Deducunt alii ab שְׁלָח, quod significat *feliciem*, vel *sospitatore* esse, ita ut idem sit שִׁילָה, ac *Salvator*, & *Auctor felicitatis*. Propterea vertit Sammaritanus, *Donec veniat Pacificus*. Permulti a relativo שֶׁ, ac pronomine הוּ ut sensus sit, *Donec veniat cujus est regnum*, ut habet Onkelos; sive, *Donec veniat cui repositum est, aut, Donec veniant quæ reposita sunt ei*, quomodo legerunt lxx. nec non antiquiores Ecclesiæ Patres, ut Clemens Alexandrinus, Cyprianus, Eusebius, Cyrillus, & Augustinus. Arbitrantur permulti alii legendum esse שִׁילָה ab שְׁלַח quod est *mittere*, ut sensus sit, *Donec veniat qui mittendus est*, quemadmodum habet Latina Vulgata; atque hinc inferunt mendum irrepsisse in Codices Hebræorum. Huntler, Salméron, & Morinus. Sed Hebraicum Codicem facile est hoc loco defendere. Primo quoniam laudatæ Paraphrases antiquissimæ, & Græci, Latinique Interpretes videntur potius attigisse significationem שִׁילָה quam שְׁלַח Deinde quia non videtur Hebraicum Codicem habuisse hæc omnia verba שְׁלַח *Qui mittendus est*. Tertio quia etiam participium *Missus*, non שִׁילָה scribendum videtur, sed שְׁלַח. Nec proinde detrahitur Vulgatæ versionis auctoritati; quin maxime est commendanda, quod inter varias illius vocis שִׁילָה significationes elegerit propriissimum characterem. Messias, qui Isaie xvi. 1. appellatur *Mittendus*: maxime, quod cum Vulgata consentiat etiam præclarissimus Doctor Hieronymus. Si tamen mavis scriptum olim שְׁלַח, probabo maxime, & Hæreticis Ro-

manos arguentibus opponam Grotium in hunc locum, & in cap. ix. Joannis, & quod caput est, ipsa Evangelii verba, *Vade, lava in natatoria Siloe, quod interpretatur Missus.*

Verum quæcunque sit origo illius vocabuli *Silo*, certissimum est significare promissum in lege Messiam. I. Quia Onkelos reddidit *Donec veniat* משיח *Messias*; & Jerosolimitanus, *Donec veniat* משיח *Rex Messias*. II. Quia *Silo* esse nomen Messiae fatentur R. Johanan, & R. Schela cum ceteris innumeris, nec non ipsum Talmud Codice Sanhedrin cap. 11. fol. 98. III. Quoniam omnis allata Interpretatio Messiae quadrat, cum ipse sit *parvulus*, ac *filius Virginis*, Isaia v. 11. 14. & 1x. 6. Ipse *Dominator*, & *throni Davidici heres*, Psalm. cxxx1. 11. & Daniel. v. 11. 14. Ipse *princeps pacis*, & *salvator populi*, Isaia 1x. 7. & Michea v. 5. Ipse *venturus olim*, *mittendus*, ac *desideratus*, Habacuc 11. 3. & Aggaei 11. 8. De Messia ergo explicanda est particula שילה *Scilo*, undelibet derivata dicatur. Atque pro explanatione prophetici oraculi hæc dixisse sufficiat.

PROPOSITIO: Ex laudato vaticinio invictè demonstratur jam advenisse promissum in lege Messiam.

Jacobus enim prænuntiavit non recessurum Principem ac legislatorem, sive regia majestate fulgentem, nationemque Judaicam pleno regimine moderantem, sive Synhedrii Rectorem ac Præsidem ex successione ac germine Davidis, quoadusque veniret *Silo*, idest, desideratus cunctis gentibus, Princeps pacis, cujus potestas æterna, & regnum quod non auferetur. Hunc quippe sensum exhiberi præmissio vaticinio liquet ex positis notationibus, Scripturarum divinarum contextu, linguæ sanctæ proprietate, traditione Rabbinorum, coherentia Versionum, aliorumque documentorum præsidio firmatis. Atqui jam ab annis plurimis, atque a Regno Herodis Ascalonitæ cessavit in Tribu Juda Dominator, Scribarum princeps, Synedrii Nascl, nec remansit aliquis ex Davidico genere, qui in posterum polleret auctoritate, & exerceret judicia; ut pariter demonstratum est. Ergo ab eo tempore Messias in lege promissus advenit.

C A P U T II.

Rabbinorum commenta dispelluntur.

SUNT quidem præcedenti capite interpretamenta quælibet Rabbinorum dispuncta: sed ut penitus refutentur, ipsos adversum nos arguentes æquo animo patiamur. Primum ergo eorum objectamentum est: Particula שבע *Seves* Virgam significat, atque *Virgam* reddidere Pagninus, & alii, ideoque hunc sensum exhibet, Non recedet

a Ju-

a Judæis afflictiō , Tyrannorum poteſtas , & calamitoſa viciffitudo , quoaduſque veniat Meſſias Soſpitor , ac Dominator pacificus . At fuc̄e Judæi ad hæc uſque tempora captivi , diſperſi , Gentiumque ludibrium ſub virga illa gementes . Non ergo venit Auſtor illorum felicitatis , atque repromiſſus Dominator .

Reſp. falſam eſſe hanc illius particulæ שׁוּב interpretationem ; ut ſuper argumentis pluribus demonſtravi , 1. ex paraphraſtis . 2. ex ſolitaria hujus particulæ poſitione . 3. ex adjuncta voce *Umechokeh* . 4. ex prophetiæ contextu . 5. ex rerum eventu . Significat ergo eā vox vel Dominatorem , ut vertit Hieroſolymitanus , *Non deficiet exercens dominium* , vel ducem ſcribarum , Synhedrii Magiſtrum , ut habet Bereſcith Rabba , *Non recedet Synhedrim* , & R. Rambam , *Non deficiet Aechmalotarchæ* .

Deinde opponunt : Senſus prophetici oraculi eſt perpetuum futurum eſſe Sceptrum in Tribu Juda poſtquam Meſſias adveniet , cum particula שׁוּב a ſequenti accentu divulſa ſit , præſertim cum Meſſiæ regnum Eſaias , & Daniel ſempiternum fore prænuntient . At perenne illud ac fauſtiſſimum regnum nondum conſecuta eſt Tribus Juda . Jure ergo præſtolatur glorioliſſimum illum Dominatorem .

Reſp. a vero ſenſu particulam שׁוּב . detorqueri : quod pariter demonſtratum eſt , 1. quod nullibi particula שׁוּב & שׁוּב reperiuntur ita divulſæ , ut una ad præcedens membrum , altera ad ſequens ſit referenda . 2. ex regulis accentuum . 3. ex veterum omnium interpretationis . Explorenda eſt itaque illa Rab. Bachai commentatio , & ſomnium aliorum Judæorum expectantium perpetuum quoddam Imperium a Meſſia inſtaurandum , cum huic regnum ſpiritale , & alterius generis , ut poſt dicemus , fuerit repromiſſum .

Præterea obijciunt : Ad complexam illam particulam שׁוּב שׁוּב ſequitur verbum שׁוּב , quod non ſignificat *veniat* , ut communiter redditur , ſed *deſtruatur* , ut liquet ex Pſalmo lxxviii . 61. *Et repaliſ tabernaculum Silo* &c. : ideoque ſenſus eſt , *Non auferetur Sceptrum de Juda , uſque dum deſtruatur urbs Silo* , aut , *Transferetur ſceptrum in Juda , poſtquam Silo vaſtabitur* . Non ſpectat igitur ad Meſſiam hæc Jacobi vaticinatio .

Reſp. commentum iſtud ceteris eſſe deterius . 1. quia nuſquam reperies verbum שׁוּב pro *devaſtari* , aut *everti* . 2. quia Silo quando urbem ſignificat , ac præſertim Pſalmo ac verſu citato , ſcribitur שׁוּב , non , שׁוּב . 3. quia urbs Silo permansiſt etiam poſt Babylonicam captivitatem , ut liquet ex Jerem. cap. xli . 5. Tandem quia , ut probatum eſt , nec Judæi inciſantur , ante dirutam urbem Silo regnarunt David ; ejuſque poſteri , & poſt ſolutam quoque captivitatem ad Herodem uſque imperarunt Aechmalotarchæ .

Quarto loco obijciunt : Particula שׁוּב *donec* non ſignificat ubique rei ,

rei, de qua sermo est, intermissionem vel finem, sed frequentissime continuationem, ita, ut in propositionibus affirmantibus idem valeat ac *semper*, & in negantibus idem ac *nunquam*. Usurpatur pro *semper* Pl. cx. 1. *Sede a dextris meis, donec ponam inimicos tuos scabellum pedum tuorum*. Esaiæ xlv. 4. *Usque ad senectutem ego ipse, & usque ad canos ego portabo*. Matthæi xxv. 11. 20. *Et ecce ego vobiscum sum usque ad consummationem sæculi*. Act. 1. 11. 21. *Quem oportet cælum suscipere usque in tempora restitutionis eorum*. His enim locis perpetuum Christi regnum, perpetuam protectionem, perpetuum cæleste habitaculum designatur. E contra usurpatur particula *donec* pro *nunquam* Genes. v. 11. 7. *Non revertebatur donec siccarentur aquæ*. II. Regum 11. 23. *Michol filia Saul non est natus filius usque in diem mortis sue*. Matth. 1. 25. *Joseph non cognovit eam, donec peperit filium suum primogenitum*. Certum quippe est nunquam corvum rediisse ad arcam, nunquam post mortem Michol peperisse, nunquam Deiparam fecisse, iacturam virginitatis. Eapropter Helvidio hunc postremum locum, objicienti respondet Hieronymus, *Scriptura quod factum non sit, ostendit*. Illa ergo particula *donec* in Vaticinio Jacobi demonstrat *nunquam* a Juda post adventum Messæ sceptrum ablatum iri.

Respondet eandem particulam *donec* significare etiam terminum temporis, quo exacto evenit, quod ante illud tempus removetur; ut Gen. xix. 22. *Non potero facere quidquam, donec ingrediaris illuc*. Levit. xii. 4. *Non ingredietur in sanctuarium, donec implentur dies purificationis sue*, aliisque in locis. Porro in Prophetia Jacob ea particula non idem valet ac *semper*, aut, *nunquam*, quoniam aliquando sceptrum ablatum est. Significat ergo terminum temporis. Deinde, etsi particula illa *donec* nihil affirmet vel deneget post terminum prænuntiati temporis, definit tamen dubium quod maxime scire ex ipsa oratione cupimus, circa tempus præcedens. Ex hac enim Oratione, *Corvus non revertebatur, donec siccarentur aquæ*, etsi non inferatur quod corvus ad arcam redierit exsiccatæ jam aquis, deducitur tamen apertissime, nunquam corvum in arcam introiisse, priusquam aquæ exsiccarentur: quemadmodum ex altera enunciatione certo colligimus nunquam Michol peperisse; atque ex tertia perspicuum est Mariam semper virginitatem servasse ante partum. Quamquam ergo particula *donec* in prophetico Jacobi oraculo non enuntiaret quid de sceptro Judæ futurum sit post tempora adventus Messæ, declarat tamen apertissime semper permanfurum in domo Juda usque ad Messæ adventum; ideoque si ablatum est, Messias jam venit. Omnia ergo allata exempla pervicaciam Judæorum redarguunt. Ad hæc supponit ista argutatio particulam *donec* idem valere ac *postquam*; quod refutatum est supra. Insuper etsi *וְעַד*, *donec*, solitarium foret significationis ambiguae, hic tamen conjunctum est cum *וְ*, atque ad certum sensum

ſum contractum. Præterea Rabbiorum omnium conſenſu Jacobi ſcopus fuit tempus futuri Reparatoris præfigere, certamque adventus ejus notam proponere. Prætermitto haberi in Hebræorum Codice de corvo Gen. v. 11. 7. *Exiit exeundo, & redeundo*, יצא יוצא ורץ

Obijciunt rurfus Judæi: Tempore captivitatis Babylonice ſceptrum a Tribu Juda reſceſſit, atque poſt captivitatem regnarunt uſque ad Herodem Machabæi, qui erant de Tribu Levi; nec tamen credunt Chriſtiani eo tempore advenſiſſe Meſſiam. Non ergo præbet certum, hujus adventus characterem prænuntiatio Jacobi.

Reſp. Captivitatis tempore non ſolum Evilmerodachum iterum, ad Thronum ſublevaſſe Regem Joachin, ut habetur poſtremo capite librorum Regum, nec ſolum detento in carcere Joachimo conſtitutum ſuper Judam & Jeruſalem a Nabuchodonofore Sedeciam Joachimi patrum, ut legitur in fine Paralipomenon; quod argumento eſt Judæ ſceptrum tunc imminutum fuiſſe, non ablatum: ſed præterea tam in captivitate, quam ea ſoluta habuerunt Hebræi legiſlatorem, ſive Acchmalotarcham & Caput Synhedrii, in quo perſiſtiſſe Judæ ſceptrum, conſentiunt, ut vidimus, Rabbini. De hac Sceptri continuatione explicat Targum ea verba, Cantic. v. 1. *Dilectus meus deſcendit in hortum ſuum ad areolam aromatatum*, dicens, *Deſcendit in Babyloniam ad ſapientes Saubedrim*. Atque hujus Senatus Principes fuiſſe ex femore Juda uſque ad Herodem exploratiſſimum eſt apud Hæbræos. Et quidem uſque ad Nehemiam præuiſſe ex ſacris literis invenimus Zorobabelem filium Salathielis, de quo 2. Eſdræ x. 1. & Aggæi 1. 12. Commemoratur & Daniel, quem fuiſſe *de filiis Juda* conſtat ex cap. 1. v. 6. *adeptum vero ſummam auctoritatem & præfecturam Magiſtratum*, ex cap. 11. v. 48. Nehemias autem Cap. v. 15. memorat alios ante ſe *Duces*, eoſque appellat vocabulo מנהב designante ſupremum Præfectum. Ipſum Nehemiam fuiſſe de Tribu Juda conſtans eſt opinio Hebræorum, a qua nec alieni ſunt Græcorum Hiſtorici, ſcribente Eufebio Cæſarienſi in Chronico: *Nepias in γούλας Ἰούδα, & Cedreno expreſſus, Nepias in τὸ ἐπιματὸς Δαβὶδ, Neemias ex Tribu Juda, & ex ſemine David*. Qui enim Nehemiam adnumerant Sacerdotibus, ducuntur capite x. Eſdræ, & 2. Machabæorum 1. 18. ubi videtur cum Sacerdotibus recenſeri. At in lib. Machab. aſſeritur tantum Nehemiam ædificato templo ſacrificia obtuliſſe, & aperte diſtinguitur a Nepotibus Sacerdotum, quos miſit ad requirendum ignem: & in Eſdra adnumeratur ſacerdotibus ut Princeps, & populi Reſtor, non ut unus eorum; ſcribitur enim ibidem ſæderis literas obſignaviſſe Principes, Levitas, & Sacerdotes. Sed & Scaliger reſpondet plures fuiſſe Nehemias, Principem unum, Sacerdotem alterum, & hunc laudari c. x. Eſdræ probat ex adjuncto cognomine *Aberſatba*: quod mihi nulla ratione probatur, cum juxta Abenezram *Aberſatba* ſignificet Pincer-

nam

nam regis, vel Persica lingua Ducem ac Principem; idque colligitur etiam ex 1. Ezdræ 1. 8. & 11. 63. ubi eo vocabulo appellatur Zorobabel Princeps dubio procul ex Tribu Juda. Atque his magis corroboratur sententia nostra, quod Magistratum Præfectus semper usque ad Herodem fuerit de Judæa femoribus: unde ait Rab. Salomo: *Sceves significat principatum inferiorem: suntque ii, qui gubernant populum induktu Regum Persarum; & Rambam, Aechmalotarcha locum regis obtinent: iisque competit jus in populum dominandi, quia dictum est, Non auferetur sceptrum, &c.*

Præterea opponunt: Frustra detorquetur particula שילה Scilo ad significandum Messiam; cum potiori jure pluribus aliis conveniat. Ac primo designare potest Moysen, quem fuisse Legislatorem Hebræorum nemo ignorat. Competit & Sauli, is enim omnium primus regiam dignitatem obtinuit, cum in Silo servaretur sacrum oleum, & Arca. Propriissime etiam quadrat David, parvulo filio de tribu Juda, & minimo natorum Isai. Peculiari quoque charactere demonstrat Jeroboamum, a quo decem Tribus a regno Salomonis fuerunt discissæ: quod 3. libro Regum x1. 29. prædixit Ahias *Silonites* scindens in 12. partes pallium suum. Denique explicari potest Prophetia de externis Regibus missis ad Judæorum scelera puniendâ; quales fuerunt Nabuchodonosor, Pompejus, Herodes, Vespasianus.

Resp. Per vocabulum *Silo* non nisi Messiam significari probat omnis etymologia, omnis scripturarum collatio, omnis Rabbinarum consensus. Legant pervicaces Hebræi Targum, Onkelon, Jersolymitanum, Talmudistas, & quos superius commemoravimus. Legant & Masorethas, nec non Gematricæ Cabbalæ Auctores, quicumdem numerum 358. animadvertentes in שילה atque in ששון, vel ipsi ineptiis traditionem universorum comprobarunt. Revera Sauli nulla ratione competit particula שילה I. quia ante Saulem non fuit sceptrum in Tribu Juda, sed ab ipso Saule pertransiit in Davidem. II. Sauli a Deo, a suis, a gentibus reprobato nequit competere speciosum illud cognomen *Expectatio gentium*. III. Saul inunctus fuit in Regem, ut habetur lib. 1. Regum 1x. & x. in Masphath, non in Silo. IV. Tempore unctionis Saul Arcam Domini viri Cariathiarim asportaverunt in domum Aminadab. Neque *Silo* designare potest Moysen. I. Quia non est Moses de femore Judæ, sed Levi. II. Quia ante Moysen nulla fuit penes Judæa tribum sceptri auctoritas, vel potestas. III. Quia non principium dominationis, sed ablationem ac terminum Jacob prænuntiavit. IV. Quia ab illo prædicta sunt, quæ compleri debebant *in novissimis diebus*, & exitum de Aegypto non solius tribus Judæ, sed Hebræorum universorum jam prædixerat Deus Abrahamo Gen. xv. 14. Quid vero de David? In Davide transiit sceptrum ad tribum Juda, non inde divulsus est. Jeroboamus autem Judæ sceptrum dimi-

diminuit, non abstulit, neque in *Silo* unctionem Regis accepit, sed in *Sichem*, ut liquet ex 111. Regum x11. 1. Ineptissimum præterea est *Silo* scriptum שילה pro viro *Silonite* accipere, cum ex hæc literis nec urbem, nec urbis civem possimus deprehendere. Ceteri neque de femore *Juda* dici possunt, nec *desiderium gentium*: atque, ut vidimus, per Nabuchodonosor sceptrum de *Juda* non fuit ablatum, quemadmodum nec per Pompejum, qui devicto Aristobulo constituit regem *Hircanum*, nec Magistratum jura delevit. Imperante *Vespasiano*, atque sub *Herode* sceptrum defecisse dictum est supra.

Arguunt ulterius *Rabbini* יקרת עמים, quod Latini reddiderunt *Expectatio gentium*, significat gentium contusionem, atque oppressiorem; est enim a radicali קרה quod est oblupefcere & contundere, ut sensus sit adveniente *Messia* gentes omnes evertendas, & conterendas. Id vero nondum completum est, & consequenter promissus *Messias* non advenit.

Resp. non commentum istud esse, sed crassum somnium, & singularem dementiam. I. Quia litera *Jod* demonstrat derivatam vocem יקרת a radicali יקה, quod est audire & obedientiam præstare; unde nulla extat Versio, quæ illam vocem *Ichead* non expresserit hac alia expectatio, vel aggregatio, vel obedientia. II. Onkelos diseret vocabulum illud exponit sequentibus aliis וליה ישחמקון פממא Et illi obediant populi. III. In *Berkeith Rabba*, sive magna Expositione *Genesis* ad illam dictionem legitur: Futurum est, ut Gentes saculi deferant munera *Messia* filio *David*. IV. Cum de ablatione sceptri *Judaici* sermo sit, enuntiarentur pugnantia, si יקרת oppressiorem gentium significaret, & non potius aggregationem.

Objiciunt alii: Si יקרת significat obedientiam, עמים non Gentes designat, sed *Judæos*. Expectandus est ergo Rex ad quem *Hebræi* omnes confluentes felicissimo, amplissimoque regno fruantur.

Resp. *Judæos* unum populum esse, non plures, ideoque appellari עם, non עמים, neque constare cum ablatione sceptri auspiciū majestatis, & trium aggregationem.

Adhuc opponunt: Nondum de *Juda* sceptrum ablatum est; regnat quippe adhuc in *Asia* ortus de tribu *Juda* *Aechmalotarcha*: possident *Judæi* & regnum florentissimum in *Syria* ultra *Sabbaticum* flumen: ipse *Turcarum* Imperator alique Principes maximi ex *Judæorum* populo originem trahunt. Extant alibi illustria *Judaici* regni insignia; & dato, quod nullibi regnarent, retinent jus ad regnum; eoque jure summa adhuc auctoritas perseverat.

Respondeo has recentiorum *Judæorum* fabulas etiam a suis irrideri. Refutantur autem I. Ex *Talmude Jerosolymitano*, cujus in libro *Sanhedrim* extat sincera confessio: Va nobis, quia ablatam est sceptrum; & ex *Rab. Bachai* scribente, Hodie non habemus regem, neque

que principem. II. Ex proloquio Hebræorum, quod *mentiri dicendus est, qui procul facit testes suos*. III. Ex quo universi Orientis Principes, licet exorti forent ex decem Tribubus a Salmanazare trans Euphratem adductis, neque servant Mosaicam legem, neque pertinere ullatenus possunt ad Tribum Juda, quæ permansit in terra Chanaan. IV. Quia similia Judæis somniantibus circa annum Christi XCV. imperator Domitianus undique conquistos qui ex regia Davidis stirpe genus ducerent, duos tantum reperit ex ipsa cognatione Christi, sed adeo pauperes, ut suis manibus arva colerent, ad tributa solvenda, & comparanda sibi ad vitam necessaria. De qua re vide Eusebium lib. 111. H. E. cap. xx. V. Jus, quod jactant se habere ad regnum, cum tota stirps Davidica cessaverit, & universa gens Hebræorum dirutis Jerosolymis, Temploque everso per orbem dispersa sit, nonnisi crassum stultumque figmentum potest censi: maxime quod talia comminisci poterunt usque ad mundi finem, si fas sit somnia istiusmodi venditari. Propheticum denique vaticinium Osee 111. 4. ימים רבים ישבו בני ישראל אין מלך ואין שר *Dies multos sedebunt filii Israel sine rege, & sine principe*, quandonam, nisi forte in tam diuturna captivitate, complebitur?

Insuper objectant: Plures sunt in sacris literis prædictiones, quæ ob hominum peccata minime implentur, atque hujus generis esse promissionem Reparatoris, regnique Judaici perpetuam instaurationem.

Respondeo quandoque ab invitis pectoribus erumpere veritatem. Judæi utique ob gravissimum aliquod crimen tot, tantisque calamitatibus premuntur. Sed gravius erit peccatum filiarum Sion flagitiis Patrum suorum, qui adoraverunt idola, ac dæmoniis natos suos immolarunt, quoniam superat præteritas clades atque infortunia postremum Jerosolymorum excidium, & præsens captivitas. Peccatum istud maximum est occidisse Christum Domini, cujus mortem juxta Danielis oraculum 1x. 26. subsecuta est *vastitas, & post finem belli statuta desolatio*.

Ex his Judæorum effugiis colligimus, etiam oppositionibus suis ipsos damnari, & refelli. Dum enim coarctantur tam aperta de sceptro Judaico prophetia, reponunt non de sceptro regni, sed de virga afflictionis locutum esse Jacobum. Exploso hoc mendacio, Mosi vaticinium attribuunt. Refutati Saulem intrudunt. Implicati magis in scenam producant nunc Jeroboamum, nunc alios, coacti ad proprios hostes confugere. Dum vexationem maximam experiuntur, somnia narrant de felicitate regni, ad quod prohibentur accedere. Quasi a somno excitati poenam non denegant, sed perviciaciam non frangunt. Frustra ergo excutere argumenta nostra advenit sui Christus non prædicavit? cur sceptrum jam ablatum minime ostendit? Id miseri propriis oculis spectabant, & persuasum singulis erat proximum esse Christum venturum, aut jam adventasse. Nam & Judæorum quidam se Messiam

Meſſiam eſſe ambitioſe jaſtarunt, quidam alii Meſſiam latitare dixerunt. Etiam apud Gentiles percrebuerat fama egreſſurum eo tempore ex Judæa magnum Regem, qui rerum potiretur, ut inquit Hiſt. lib.v. Tacitus. In characteribus Meſſiæ dignoſcendis decepta principio eſt Judaica ſuperbia, quæ glorioſum, non humilem Regem præſtolabatur, opibusque & armis clariffimum, non ſanctitate & virtutibus. Propterea hortabatur illos piiffimus Salvator, ut Moyſi crederent, & ſcrutarentur ſcripturas, revocans, inquit Huetius Prop. ix. cap. iv. *in memoriam vaticiniorum ad ſe pertinentium.*

C A P U T III.

Reſpondetur Catholicis aliarum ſententiarum auctoribus.

AT inquirunt quidam Catholici: Via ad revincendos Judæos magis expedita eſt, ſi dicamus uſque ad Herodem ſceptrum permanſiſſe in Tribu Juda, quod ad ipſam Machabæi genere materno ſpectarent, & poſt ipſos regno potitus ſit Herodes Aſcalonita, ſub quo idcirco regia poteſtas a Judæorum gente defecit.

Reſpondeo parum hac ſententia urgeri Judæos. Nam I. Huetius demonſtrat nullo numero apud Judæos ipſos maternam ſtirpem cenſeri. II. Incertum eſt, atque inveriſimile omnes Sacerdotes mulierem de Tribu Juda in uxorem duxiſſe, ſpretis contribulibus ſuis nobiliſſimis. III. Quæmadmodum Chriſtus, licet Maria genere materno eſſet ex tribu Levi, non cenſetur niſi de Tribu Juda: ita Machabæi, licet materno genere ex Tribu Juda prognati, non poſſunt cenſeri, niſi de Tribu Levi. IV. Ea verba *De femore Juda* paternam, non maternam ſtirpem commonſtrant, cum deſignent generationis ſtipitem, rectamque poſteriorum germinationem.

Propugnemus, inquirunt alii, ſi prædicta ſententia minus valida eſt, alteram longe probabiliorem, quod Machabæi ad tribum Juda, paterna quoque linea ſpectabant. Nam id aperte deducitur ex libro i. Machabæorum cap. v. 63. ubi de Machabæis legitur: *Et viri Juda magnificati ſunt valde in conſpectu omnis Iſrael.*

Reſp. hanc alteram opinionem nec tolerabilem eſſe. I. Quia hoc loco *Juda* non ſignificat aliquam Tribum, ſed eſt proprium Machabæi nomen, ut conſtat ex præcedenti verſu 61. *Non audierunt Judam, & fratres ejus*; & ex ſeq. 63. *Et exivit Judas, & fratres ejus, &c.* II. Quia verſus ille 65. ita habetur in Græco: *Και ὁπὸν Ἰούδας, καὶ τὰ ἀδελφοὶ αὐτοῦ, Et vir Judas, & fratres ejus.* III. Quia Machabæi officio ſacerdotali fungebantur, ut conſtat de Mathathia lib. i. cap. 2. i. *In die-*

bus illis surrexit Mathathias filius Joannis, filii Simeonis, Sacerdos ex filiis Joarib ab Jerusalem: de tribu autem Juda nullus (inquit Paulus ad Hebræos cap. v. 11. 13.) *altari præsto fuit.* IV. Quia non hæreditario jure, sed ex populi electione Machabæi consecuti sunt regnum, ut constat ex 1. Mach. ix. 28. V. Quia etsi detur, quod falsum est tamen, Machabæos fuisse de Tribu Juda; quid de iis affirmabimus, qui ante Machabæos post solutam captivitatem, idest, ab anno mundi 3475. usque ad annum 3837. regnaverunt?

Ergo, dices, adhærebimus iis, qui tenent sceptrum non ablatum de domo David, quoniam ipsa Tribus Juda Affamonæos elegit, eisque quasi loco depositi proprium regnum asservandum commisit.

Resp. His nunquam Judæis satisfactum iri. I. Quia Sacerdotum Principes ante Mathathiam non electione Tribus Judæ, sed Regum Perfarum concessione novum Templum atque res sacras curarunt. II. Quia Mathathias ipse Affamonæorum primus non electus a viris Judæ thronum conscendit, sed collecto piorum exercitu, & cæso Antiochi præsidio, ut habetur cap. 2. prioris libri Machabæorum, versu 45. III. Quia Judas Machabæus, ut ibidem legitur v. 66., ab eodem Mathathia morti proximo constitutus est Dux belli, & Princeps militiæ: quæ provincia cap. ix. v. 28. commissa est Jonathæ ab omnibus amicis, & commilitonibus fratris sui, Simoni vero cap. x. v. 8. ab universo Exercitu, ac populo conclamante: *Tu es Dux noster loco Judæ, & Jonathæ fratris tui.* IV. Quia si defuit Tribui Judæ Contribulis ad regendum sceptrum idoneus, defuit dux מִיָּדָוּן, *De femore.*

Cum ita res se habeat, ais, amplectamur pervulgatam sententiam eorum, qui tradunt in vaticinio Jacobi nomine Tribus *Juda* ceteras etiam comprehendendi, eo quod fuerit illa præ aliis filiorum numero, divitiarum copia, regnique gloria præstantior, ita, ut Hebræi omnes fuerint *Judæi* ab hac una tribu promiscue appellati.

Resp. neque hac via insistentes nos aberrantibus Judæis obviam ituros. I. Quia Ducis & Legislatoris nomine non gentis suæ multitudinem, sed singularem personam de femoribus *Juda* exeuntem designari contendunt. II. Quia reliqua omnia a Jacob de *Juda* prænuntiata ita uni Tribui conveniunt, ut ceteris nequeant esse communia. III. Quia Duces diversarum Tribuum dici non possunt ex femore uno progeniti. IV. Quia nec certum est semper Tribum *Juda* fuisse ceteris præstantiorem, soluta præsertim captivitate, quando vix ei remansit pristinae dignitatis imago. V. Quia ideo Tribus *Juda* universæ Hebræorum genti de se nomen fecit, quia sola cum parte aliqua tribuum Simeon ac Benjamin, discisso sub Jeroboam regno, adhæsit Roboamo; non autem ob sceptri dignitatem, divitiarumque amplitudinem.

Accedamus itaque, asseris, ad scitum recentiorum affirmantium per ea verba, *sceptrum de Juda, & dux de femore*, significari vel perso-

personam Dominatoris , vel regiam urbem , vel thronum , vel formam regiminis , ita , ut , semper salvetur aliqua illius Tribus proprietatis sub Assamonzorum imperio .

Respond. Neque hoc ariete frangi pervicaciam Judaicam . I. Quia neque urbi , neque throno , neque regimini , neque adlectis aliunde Magistratibus competit esse *de femore Juda* . II. Quia vel hæc omnia Tribui Judæ conveniunt simul , & ablatum est sceptrum , cum pertransiit ad regiam alienæ Tribus personam ; vel sat est si convenienti disjunctim , & sic neque ablatum est sub Herode : qui licet dicatur alienigena , quod non omnes consentiunt , Jerosolymis tenuit principatum , inter filios postea divisum ; regnumque in familia Herodis permansit usque ad Agrippam illius generis septimum , qui obiit tertio Trajani anno . III. Quia in Prophetia Jacob nomen *Juda* significat duntaxat unum ex filiis ipsius Jacob , quem Patriarcha alloquitur , & cui fratrum laudes , & terræ Chanaan possessionem prænuntiat ; & consequenter ea verba *de femore ejus* commonstrant solam illius viri legitimam posteritatem .

Itaque asserendum erit eo sensu sceptrum permansisse in Tribu Juda usque ad Christum , quod illa Tribus a Jure sceptri ad illa usque tempora non exciderit ?

Resp. non obstrui juxta hanc sententiam os Judæorum . I. Quoniam de hoc ad regnum jure etiamnum gloriantur . II. Quia , etsi modo per orbem dispersi jus ad sceptrum amiserint , fuerunt tamen usque ad annum Christi XCV. , quo Domitianus Imperator jussit ad se adduci regie Judæorum stirpis reliquias , adinventi posteri quidam Davidis , penes quos comminisci poterunt extitisse jus sceptri . III. Quia etsi jus ad regnum sermonis consuetudine alicui tribuit Regis nomen ac dignitatem , quamvis regnum ipsum actu non administret ; Hebraica tamen vocabula שׂוֹכֵט & מַחֲקֵק virum significant actu judicia exercentem , saltem juxta interpretationem veterum Rabbiorum .

Sed præmissa , inquis , de Synedrio sententia multiplici capite excutitur . Primum derivata est a Rabbiorum commentis . Deinde Synedrii Assessores non fuerunt ex una Tribu Juda selecti . Hi tandem , si Reges imperabant , sceptrum profecto non tenuerunt .

Resp. Sententiam nostram esse ceteris præferendam . Atque ad 1. dico facilius retundi Judæos , si pro nobis pugnet Magistrorum suorum auctoritas ; quamquam non hæc sola nos movet , sed propria Jacobæi oraculi interpretatio , & reliquarum opinionum incoherentia . Ad alterum vero respondeo , non de singulis Assessoris a nobis Vaticinium exponi , sed de Nafel , sive Aechmalotarcha , quem in Captivitate , & usque ad Nehemiam fuisse de Tribu Juda colligimus ex sacris literis ; de subsecutis autem temporibus ipsa Judæorum convenientia arripimus testimonia . Ad postremum denique asserimus , neque verborum significatio-

ficationem, neque antiquos interpretes, neque Rabbīnorum aliquem a nobis exigere, ut de sola Regia persona interpretemur nomina *Legislatoris ac Ducis*, ideoque etiam sub alienis Regibus potuit in Tribu Juda perseverare שָׁכַן, & מַחֲקָן, usque ad dispersionem Synhedrii,

C A P U T IV.

Refelluntur Judæi ex vaticinio Danielis Cap. ix.

v. 24. & seqq.

PERDIFFICILEM aggredimur dissertationem de LXX. Danielis hebdomadibus, quarum præscriptio ut invictissime probat Messiam venisse, ita Chronologorum illas supputantium magnopere torquet ingenia. Revinci enim enuntiato oraculo recutitos Hebræos fere omnes propugnant, sed ubi eos ad Chronotaxin appellas, adeo discordant, & nutant, ut conciliari non valeant. Putandas hebdomades ab anno primo Monarchiæ Cyri docuit Eusebius lib. vii. Demonstratōnis Evang. ita ut septem priores hebdomadæ expletæ sint anno sexto Darii, & consummato Templi ædificio, reliquæ LXXI. exierint cum Hircanus jugulatus est ab Herode, post quæ tempora advenit prænuntiata Redemptio, postmodum sempiterna abominatio urbis ac templi. Idem opinatur circa initium hebdomadarum Jo. Frischmuth, nec est, ut quidam putant, hæc sententia fidei Christianorum adversa, cum minime deneget prædictum a Daniele adventum Christi post exactum circulum hebdomadarum, quamvis ad ipsum Christum definita supputatio non referatur. Joseph Scaliger, & Protestantium multi septimanas supputant ab anno 2. Darii Nothi, & producunt usque ad urbis excidium, cum tamen ab illo anno Darii fluxerint hebdomades LXX. principio regni Herodis, ut contra Scaligerum demonstrat Petavius lib. xii. de Doctr. Temp. cap. 35. Numerant alii ab exitu divini sermonis, sive a revelatione facta Danieli, ut Paulus Burgenſis, Lyranus, Galatinus. Sed missis aliis sententiis duæ sunt inter Recentiores magis receptæ: quarum una septimanas putat ab anno septimo Artaxerſis Longimani; cui subscribunt Jacobus, & Ludovicus Cappelli, Cornelius a Lapide, Nicolaus Abrahamus, Ayrolus, Graveſonius, noster Gulielmus Bonjour, & viri alii graves Chronologicæ disciplinæ peritissimi: altera supputat ab anno ejusdem Artaxerſis vicesimo cum Uſſerio, Huetio, Natali Alexandro, nostro Bouges, Lamy, aliisque viris gravissimis. Ab his omnibus discrepat Chronologia Hebræorum existimantium Monarchiam Persarum vix annis LII. stetiſſe, nec alios post Balthasarem habuisse Reges præter Cyrum, Cambysem, Assuerum, & Darium. Statuimus in tanta opinionum varietate tria præſtare:

ſtare: primum erit Judæos revincere ex propheticis oraculo, miſſis tricis Chronologorum: alterum illos magis urgere Chronologica illa ſupputatione, quæ nobis vibebitur magis exacta; tertium eos reſutare ex propria etiam Chronologia, licet in multis falſa, ac merito reprobata.

PROPOSITIO. Ex Vaticinio Danielis conſtat Meſſiam jam veniſſe.

His verbis Prophetia comprehenditur. שְׁבַעִים שָׁנָה וְחָמֵשׁ עָלֵי עוֹפָה וְעַל צִיר קָרָשָׁךְ לְכֹלָה הַפֶּשַׁע וְלַחֲתָם הַטָּאוֹת וּלְכַפֵּר עוֹן וְלִהְיֹא צֶדֶק עוֹלָמִים וְלַחֲתָם חֲזוֹר וּנְבִיא וּלְמִשְׁחָה קָרָשׁ קָרָשִׁים: וְחָנֹּעַ וְחִשְׁבֵּל מִן סָא דָּבָר לְהַשִּׁיב וּלְבָנוֹת יְרוּשָׁלַם עֲרִסְתִּיהֶן נִגְיֵר שְׁבַעִים שָׁנָה וְשָׁבַעִים שָׁנִים וְשָׁנִים חֲשׁוֹב וּנְבִנְתָה רְחוֹב וְחָרוֹץ וּבְצֹק הַתְּעִים: וְאַחֲרֵי הַשְׁבַּעִים שָׁנִים וְשָׁנִים יָבֹרֶת מִשְׁחָה וְאֵין לוֹ: וְהַעִיר וְהַקָּרָשׁ יִשְׁחָת עִם נִגְיֵר הַבָּא וְקָצוּ בְשִׁטָּף וְעֶרְקָן מִלְחָמָה נִחְרַצָּה שְׁמֹסוֹת: וְהַנִּבִּיר בְּרִית לְרִבִּים שְׁכֹנֵעַ אֶתְרוֹ: וְחָצִי הַשָּׁבָעִי יִשְׁבֹּת וְכֹחַ וּמִנְחָה: *Hebdomada septuaginta decise super populum tuum, & super civitatem ſanctitatis tue ad conſumendum pravariationem, & ad ſigillandum peccata, & ad expiandum iniquitatem, & ad adducendum juſtitiam ſeculorum, & ad ſigillandum viſionem, & prophetiam, & ad ungendum ſanctitatem ſanctitatum. Et ſcies, & intelliges ab exitu ſermonis ad reverti faciendum, & ad adificandum Jeruſalaim uſque ad Unctum ducem, hebdomada ſeptem, & hebdomada ſexaginta & dua: redibit, & adificabitur platea, & foſſa, & in coarctatione temporum. Et poſt hebdomadas ſexaginta, & duas excidetur Unctus, & non ei: & civitate, & ſanctitatem corrumpet populus Ducis venturi, & finis ejus in inundatione, & uſque ad finem belli decise deſolationes, & roborabit paſſum multis hebdomada una: & dimidio hebdomada ceſſare faciet ſacrificium, & munus, &c.*

Differt aliquantulum ab Hebraico Codice Latina vulgata. Primo legit pro *decise*, abbreviata ſunt recte exprimens Græcam verſionem *εὐκταῖς*, ideſt, in unam ſummam contractæ, ac definitæ: unde parum, aut nihil occurrit hic diſcrepantiæ. Deinde habet pro *super urbem ſanctitatis tue* Interpres noſter, *super urbem ſanctam tuam*: nec aliquid eſt diſcriminis: nam familiare eſt Hebræis ſubſtantivum pro adjectivo adhibere, atque hoc idem extat Pf. 11. 6. & 89. 21. Pro verbis illis, *ad ſigillandum peccata*, nos legimus, *ut finem accipias peccatum*: quod idem profeſto eſt, ut conſtat ex verbis proximis, *ut conſummetur pravariatio, & deleatur iniquitas*; unde ipſi Majorethæ legerunt *חָתָם* ad *conſumendum*, atque ita vertit etiam Aquila. Ubi legunt Hebræi *ad ungendum ſanctitatem ſanctitatum*, habent Latini, *ut ungatur Sanctus ſanctorum*, nulla fane differentia, propter conſuetudinem nuper laudatam ſubſtantiva locandi pro adjectivis. Verba Hebraici Codicis, *ad reverti faciendum & ad adificandum*

dum Jerusalem; nos reddimus, Ut iterum aedificetur Jerusalem; & profecto optime, nam infra reaedificatio Urbis exprimitur iisdem verbis, Redibit & aedificabitur platea. שׁוּב ergo hoc loco significat iterationem, & Vulgatæ consentit Syriaca quæ legit, Ab egressu verbi usque ad reedificationem Ierosolyma. Excidetur Vntius, extat in Hebræo; in Latino autem, occidetur Christus; nam etsi Græcus reddit Peribit nntio, ἡ ἀποκατασκευὴ τοῦ ἱεροῦ, יכרת denotat mortem, neque de arboribus dicitur, nisi dum exciduntur securi: ideoque prænuntiata est a Daniele mors Christi, cui solum respondet vocabulum משיח Vntius, phrasi consimili, ac apud Jerem. xi. 19. Quod sequitur in Vulgata, Et non erit populus ejus, qui eam negaturus est, apposite exprimit hebraicas particulas, Et non ei: quid enim potest his denotari, nisi quod non eris ei auxilium? aut, non obediet ei populus? aut, non servabitur illi iudicium? At hæc omnia quadrant optime lectioni Vulgatæ, & coherent cum citato Hieremiæ loco. Reliqua Prophetiæ verba, si discrepare videantur, constat sensum non immutare; immo, ut infra dicam, hebraica manifestius commentationes Rabbiorum infringunt.

Præmissa Vulgatæ cum hebraico textu cohærentia, observandum est non alias a Daniele numerari hebdomadas, nisi annorum. Quod primo fatentur omnes Hebræi cum Abenezra scribente: *Hebdomades hic intelliguntur de annis, ac si dixisset Angelus, Septuaginta sabbati ei sunt decisi.* Et demonstratur primo, nam שבע שבועות *septimana*, non significat hebdomadam dierum, nisi dies ipsi exprimantur, ut constet ex seq. cap. x. 2. & 3. atque ex Ezech. xlv. 21. Præterea Levitici xxv. 8. anni 49. appellantur *septem hebdomada*, sive שבע שבתות *septem sabbata*: ex quo apparet consuetum fuisse Hebræis supputare annorum hebdomadas. Insuper nil eorum, quæ Daniel prænuntiat, evenit intra dies 490. undecunque supputentur, cum sola Templi ædificatio spatio annorum viginti fuerit peracta, quamquam muri, & exteriores parietes fuerint excitati brevi temporum intervallo. Jubilæorum autem septimanæ, quas aliqui commenti sunt, nec ullibi a Scriptura recensentur, nec possunt in hoc vaticinio locum habere, cum a Daniele ad excidium templi impossibile sit connumerare annos MMMCCCL.

Constat supputandas esse lxx. illas annorum hebdomadas ab *Exitu sermonis*; sed an per hæc verba intelligatur revelatio facta Danieli, an edictum Cyri, vel Darii, vel Artaxerxis, res est, quæ aliquid habet difficultatis. Interim ergo incerta hæc prætermittimus, & adversus Judæos argumentum fabricamus. Prædixit Daniel ab exitu sermonis usque ad Christum præterlapsuros annos 490. sive hebdomadas, aut annos sabbaticos lxx., post quas hebdomadas, seu complete exactas, seu percurrente postrema, erat Christus ipse occidendus. At certissimum est jam definitum illud annorum spatium præteriisse, neque

Christi

Chriſti nomine poteſt aliquis intelligi præter verum Meſſiam . Verus ergo Meſſias jam advenit . Probatur minor 1. ex characteribus hujus Chriſti a Daniele prænuntiati : appellatur enim *Meſſias* absolute , & abſque addito , quod nullibi , niſi de vero Meſſia ſcriptum adinvenitur . Dicitur & *Dux* , ſive rector populi , quo nomine Meſſias appellatur apud Iſaiam lv. 4. & Michæam v. 6. Vocatur *Sanctus ſanctorum* , ideſt , ſumma ſanctitatis excellentia præclarus , quod Meſſiæ ſcripturæ omnes attribuant , Pſalm. xi. 10. Iſ. xii. 6. xlv. 8. Lxii. 1. Jerem xxiii. 6. , &c.

Probatur II. ex adjunctis , quæ Daniel commemorat . Ait ſeptimanis illis tranſactis conſumendam prævaricationem , delendam iniquitatem , & expiandum peccatum : id vero de Meſſia prædictum Iſ. i. 18. & iv. 4. Pſalm. cxxix. 7. &c. Ait ipſum Meſſiam firmatum eſſe paſſum : quod pariter de Chriſto ac Redemptore natiſcitur ex ſtirpe Davidis prædixerat Pſalmiſta Pf. lxxxviii. 29. Eccl. xlv. 7. Iſ. lv. 3. Jerem. xxxiii. 40. Bar. ii. 25. Ait ceſſaturum eo tempore ſacrificium , idque in textu Hebraico ita expreſſum eſt , ut ipſe prænuntiatus Meſſias debuerit abrogare veteres expiationes ; legitur enim *pro deficiet hoſtia & ſacrificium* *יִשָּׁכַח וְכָח וּמִנְחָה* *Ceſſare faciet ſacrificium & munus* : unde Syriaca , *Abolebit ſacrificium & oblationem* . Hoc de promiſſo Liberatore prædictum quoque Iſ. i. 11. Jerem. vi. 20. Amos v. 21. Ait denique tunc adducendam eſſe juſtitiam ſempiternam ; atque id Meſſiæ temporibus futurum prædixit Pſalmiſta Pf. lxxxi. 7. Iſ. lxi. 11. & Jerem. xxxiii. 15.

Tertio probatur ex prænuntiata Chriſti morte . Occidendum enim Meſſiam prophetarunt David Pf. ii. 2. Iſ. lxi. 8. Jer. xi. 9. Fore ut derelingeretur a ſuis præmonuerunt Pſalmes lxxviii. 21. Iſ. lxi. 5. Zacch. xiii. 7. Immolandum pro peccatis noſtris diſerte prænarraunt Iſaias lxi. v. 4. & ſeqq. ac Jerem. Thr. iv. 20. Chriſtus ergo , quem Daniel prædixit occidendum & deſerendum a ſuis , eſt verus , atque olim expectatus Meſſias .

Inſuper probatur ex deſolatione , quam poſt Chriſti mortem . Daniel prædixit , neque enim poſſumus aliam deſolationem hic accipere , quam excidium Urbis ſub Tito ac Veſpaſiano , juxta ipſius Domini expoſitionem Matth. xxiv. 15. Et probatur primo , quonium deſolationem Urbis poſt occiſionem Chriſti prædixere etiam Iſaias vi. xxv. 2. Zacch. xiii. 8. & xiv. 2. Confirmatur , quia ſtatuta deſolatio uſque in finem perfeveratura prædicatur , quod nonniſi de hac deſolatione completur : ut Orat. lxi. contra Judæos aperte demonſtrat Chryſoſtomus ex quo tam diuturnum tempus jam elapſum nullum Judæis veſtigium vel initium feliciſ mutationis ad hunc uſque diem oſtendet ; cum tamen inſultare templum ſæpius tentaverint . Hoc enim ſemel bis , ac tertio aggreſſi , ſub Hadriano , & Conſtantino , & Juliano repreſſi ſunt ,

Tu. V.

D

tunc

tunc quidem a militibus, postremo tandem ab igne e fundamentis erumpente, & in tempestive eorum conatu reprimente.

Accedit Rabbīnorum confessio. Nam in Bereschit Rabba ad v. 18. cap. xiv. de Melchisedech, extat: *Rem Messias est, de quo scriptum Dan. ix. Ad adducendum justitiam seculorum*. R. Moses filius Nachman Gerundenfis in idem caput Dan. *Sanctitas sanctitatum est Messias sanctificatus de filiis David*. Idem tradiderunt Rabbini reliqui, quorum testimonia suppediabit Raymundus Martini in Pugione Fidei P. 11. cap. 3. n. xvi. Raymundi expilator Galatinus lib. iv. cap. vii. Hadrianus Fini lib. v. cap. 5. &c. Sive ergo in vaticinio Danielis attendantur Christi characteres, sive præstanda ab eo beneficia, sive mortis ejus supplicium, sive subsecuta Jerosolymæ desolatio, sive antiquorum Rabbīnorum confessio, revincitur inde Judæorum cæcitas, ac pervicacia.

DISPELLUNTUR HEBRÆORUM CAVILLI.

Officiunt Hebræi: Messias de quo vaticinatus est Daniel, est Cyrus monarchiæ Persarum Fundator; de ipso enim legitur apud Isaiam xlv. 1. *Hæc dicit Dominus Christo meo Cyro, &c.*

Resp. facile retundi hanc Judæorum insaniam. I. Quia Messias, de quo Daniel, est משיח מלך Messias principalis, & Rex Judæorum. Cyrus autem non est ille, cui Messias nomen conveniat principaliter. II. Quia de Cyro citato cap. Isaiæ v. 4. legitur, quod non cognoverit Dominum; ideoque non est ille *Sanctitas sanctitatum*, & Auctor *sempiternæ justitiæ*. III. Quia Cyrus, neque oleo Spiritus sancti, neque oleo corporali inunctus est. IV. Quia ab everfione primi Templi, unde septimanas Hebræi supputant, usque ad templum secundum, nequeunt enumerari septem, & sexaginta duæ annorum hebdomadæ, cum septem exactæ jam fuerint postremo anno Evilmerodachi, reliquæ tantum post monarchiam Persarum, atque Græcorum. V. Quia præter allata Rabbīnorum testimonia, Aben-Ezra Comment. in Daniele ait: *Opinio ejus, qui dixit Cyrum esse Messiam, non est congrua*. At cur Cyrus, inquis, apud Isaiam Messias appellatur? Aliud interroganti Catholico respondebimus, aliud Judæo objicienti. Catholicis respondemus Cyrum dici Christum, sive *Unctum* allusione ad Reges Hebræorum, qui unctione consecrabantur, & quoniam erat figura Christi, qui nos a spiritali Babylonis captivitate redemit. Hebræis autem respondeo verba Isaiæ explicari in Talmud, libro qui inscribitur *Megilla*; ut nullatenus ad Cyrum, sed ad solum Messiam referantur: quod tamen non probo propter ea, quæ attulit in hunc locum Hieronymus. Septuaginta tamen, quos plures Patres sequuntur, reddiderunt & ipsi pro Cyro, κυρι, Domino, quæ versio acquit à Talmudistis refutari.

Obji-

Obijciunt 2. Diſpſcens Daniel ſeptem hebdomadas a duabus & ſexaginta, duos venturos Meſſias prædicit, unum poſt hebdomadas priores v11., alterum poſt hebdomadas 1x11. Si autem quæras quinquam ſint duo illi Meſſiæ, diverſa eſt, pro diverſa ſupputatione hebdomadarum, reſponſio. Si ſupputandas cenſeas ab excidio templi prioris, juxta Hebræorum Chronicon, earum initium eſt repetendum ab anno M. 3338. quibus ſi addas ſeptem annorum ſabbata, erit annus M. 3387. ac primus Cyri. Si vero connumerās ab eodem anno M. 3338. hebdomadas 62. ſive annos 434. pervenies ad annum M. 3772. cum Romani, qui templum vaſtarunt, Jeruſolymam aſcenderunt, & ad tempora Agrippæ, qui ante Urbis excidium occiſus eſt. Ergo juxta hanc ſupputationem primus Meſſias erit Cyrus, alter Agrippa. Si vero ſupputes hebdomadas ſeptem ab anno primo Darii, qui eſt in Chronologia Hebræorum an. M. 3389. pervenies ad tempora Joſue & Nehemiæ, qui ſub Artaxerſe ad urbem reædificandam perrexerant, & ad annum M. 3438. Putatis autem ab eodem anno Darii ſeptimanis 1x11. ſive annis 434. explebuntur in ipſa Jeruſolymorum vaſtatione. Atque ita prior Meſſias erit vel Nehemiās, vel Joſue, poſterior Agrippa filius Ariſtobuli.

Reſp. hæc omnia eſſe portentosa mendacia. Ac 1. de Cyro ſatis dictum ſupra. II. Juxta Chronicon Hebræorum, ut oſtendam cap. 6., ſi hebdomadæ ſupputentur ab anno ſeptimo Nabuchodonofor, ſi ab excidio templi, ſi a verbo quod egreſſus eſt de ore Hieremiæ, ſi a revelatione facta Danieli, ſi ab Edicto aut Cyri, aut Darii, aut Artaxerſis, neque diviſim acceptæ, neque ſimul terminant ſive in Cyro, ſive in Nehemiā, ſive in Joſue, ſive in Hircano, ſive in Agrippa, ſive in poſtrema templi everſione. III. Illa Judæorum Chronotaxis erroribus, ut videbimus, ſcatet innumeris. IV. Expoſiti ſupra characteres Meſſiæ nequeunt commemoratis viris competere, non enim dici poſſunt vel Sancti ſanctorum, vel Juſtitia ſæculorum, vel Auctores novi fœderis, vel ſacrificiorum veterum Abolitores; imo nec Unſti, cum non extiterit poſt primi templi everſionem apud Judæos oleum, vel chryſina. V. Repugnant etiam Rabbinī, qui propheticum oraculum fatentur ad verum Meſſiam pertinere.

Obijciunt 3. Exactæ ſunt ſeptem ac ſexaginta duæ annorum hebdomades, quomodo poſt Hebræorum perpaucos nritur demonſtrare, Auctor Chronici Aegyptiaci Marſhamus, in Antiocho Epiphane, quem Sacra Jeruſolymorum profanaſſe narrat liber primus Macab. cap. 1. 23. & ſeqq. Quod probatur ex Chronologia; nam a viſione Danielis uſque ad finem captivitatis fluxerunt anni 49. ſive ſeptem priores hebdomadæ. A templo autem a Chaldæis in cenſo uſque ad Antiochum præteriere Sabbatici anni 1x11. ideſt an. 434. Nam templum a Chaldæis profanatum eſt anno P. J. 4107. M. 3397. quibus ſi addas annos 434. exur-

get annus P. J. 4541. M. 3831. Post decennium autem, idest anno M. 3841. & P. J. 4551. Judas Machabæus pollutum ab Antiocho templum purgavit, & in medio utique hebdomadæ, idest, tribus post profanationem annis, ac sex mensibus.

Resp. plurimis ac validissimis argumentis expungi opinationem Marshami. I. Prædicit Daniel post hebdomadarum circulum, & ante abominationem desolationis, peccati finem, ac sempiternam justitiam: quemnam vero ex his, aliisque præmissis characteribus in viro scelestissimo Antiocho invenies? quam sanctitatem adduxit, quam expiationem fecit, quam iniquitatem delevit? II. Si Judas post dimidium hebdomadæ purgavit Templum ab Antiocho pollutum, neque a Chaldæis civitas everisa est, ac penitus diruta; quo pacto sub Antiocho defecit hostia, & post illatum ab ipso bellum erupit sempiternum urbis excidium? III. Non ad purgationem Templi, sed ad reedificationem Civitatis referenda sunt verba temere a Marshamo e proprio loco divulsa, *Et rursum ædificabitur platea*; neque in Danielis prophetia hebdomades 1211. præcedunt Urbis ædificationem, sed mortem Christi. IV. Prædixit Daniel plateam ac muros ædificandos, postea occidendum *Unctum*; ideoque non tantum sententia Marshami falsa est, quod reedificationem ad purgationem, Civitatem ad Templum, & sacrorum abolitionem ad profanationem detorqueat; verum etiam quod pervertens Angeli verba comminiscatur prius defecisse sacrificia, postmodum Urbem ædificatam, cum nequeat ante profanationem constitui peracta a Juda purgatio. V. Cum Angelus unum demonstret hebdomadarum initium iis verbis, *Ab exitu sermonis*; quare hebdomadæ septem a Visione Danielis supputandæ sunt, reliquæ autem 1211. ab invasione Chaldæorum, Templique incendio? VI. Unde in nos Marshami obtruditur Chronologia, cui, ut in proximo evincam, repugnant cum Hebræorum calculi, tum accuratæ recentiorum Chronologorum rationes?

Ob. 4. Ad Templi excidium spectant hebdomadæ Danielis, ac de Templo accipienda sunt ea verba *excidetur Christus*, tum quia unctio *Sancti*, vel *Sanctuarii*, de qua v. 24., proprie spectat ad Templi consecrationem: tum quia v. 26. ubi legimus, *Occidetur Christus*, sive, *Excidetur Unctus*, habent Græci, *Peribit unctio*, idest, Sacerdotum ministerium, & series Pontificum, quemadmodum interpretatur etiam Eusebius: tum demum, quia Christus Matth. xxiv. 15. & Marci xii. 21. adhuc futuram ait abominationem desolationis, *qua dicta est a Daniele Propheta*, ita ut referri nequeat, nisi ad everisionem Urbis ac Templi.

Resp. Non posse Danielis vaticinium ad Templi ruinas pertinere. I. Quoniam יכרד *Ichared* denotat supplicium mortis, ut diximus supra, & liquet ex collatione hujus loci cum Lev. xvi. 14. & 111. Regum

gum XVII. 4., ubi eodem verbo designatur mors per Judæis ſententiam inſiſta. Etiam Rabbini, quos vide apud Raym. Martini loco cit. tradunt notari verbo illo mortem infamem, ac turpem. II. Quoniam Templum nullibi appellatur *Unctum*, vel *unctio*; nulla autem ratione dici poteſt *Meſſias Nagbid*, Chriſtus princeps. III. Quoniam repetitur Meſſiæ nomen v. 25. & v. 26. ac priori loco per Adverſarios ſignificat Cyrum, aut virum alium principem, ideoque non commonſtrat ſecundo loco Templum, vel Urbem. IV. Quoniam ſecundum Templum unctio caruit, nec *Unctum* dici poteſt. V. Quoniam Sanctuarium ſanctuarii non erat Templum, ſed ſola Tabernaculi pars interior. VI. Quoniam in excidio Templi non apparet peccati finis ac redemptio, ſed ſupplicium, & pœna. Eusebium ergo in errore impulit Græca verſio, in qua debebat animadvertere poſitum hebraica phraſi nomen ſubſtantivum pro adjectivo, ut hic v. 23. *Deſideria חסרות* pro *Cupidus*, ſive *vir deſideriorum*. Melius ergo Symmachus *ἐπιποθῶντες* *Χαίρει*, *Excidetur Chriſtus*, & Aquila, *ἐξολοθρευθήσεται ἡ πόλις*, *Periit Unctus*: optime autem Vulgata, *Occidetur Chriſtus*. Verum denique eſt, fuiſſe *abominationem deſolationis* a Daniele prædictam literaliter completam in everſione Urbis ac Templi: ſed hebdomadæ ſupputandæ ſunt *uſque ad Chriſtum*; non uſque ad inundationem Romani exercitus, & Jeruſolymorum vaſtationem. Hanc prænuntiat Daniel recensita Chriſti occiſione, & poſt hebdomadas jam exactas.

Ob. 5. Chriſtus a Deo prænuntiatus eſt Onias ſummus Sacerdos, qui typus fuit Chriſti venturi; non ergo ad ipſum Chriſtum, ſed ad Oniam pertinent Danielis hebdomadæ. Antecedens probatur ab Harduino; qui tamen ad Chriſtum prophetiam ſpectare non negat, etſi contendat in Onia, tanquam Chriſti typo literaliter fuiſſe completam. I. Quoniam poſt occiſionem Oniæ populus deſertus eſt, & Antiochus invaſit Hieruſolymam, Templumque expoliavit. II. Quoniam poſt Oniæ cædem profanato Templo *periit unctio*. III. Quoniam ipſe Onias poſtum confirmavit, nam eo tempore Mathathias ait i. Machab. 11. 27. *Omnia, qui zelum habet legis, ſtatuens Teſtamentum, exeat poſt me*. IV. Quoniam ſeptimanæ ſupputandæ ſunt ab *exitu ſermonis*, ſcilicet a divina prædictione facta Jeremiæ de proximo fine captivitatis, ideſt, ab anno 14. Joakim, a quo uſque ad Cyrum fluxerunt anni 49. & hebdomades ſep̄tem; & ruruſ putatæ reliquæ ſeptimanæ ab eodem anno 4. Joakim uſque ad annum Græcorum 148. quo Judas conſtitutus fuit Dux populi, & pulſo Antiochi exereitu Templum purgavit, anni ſunt 441. ſive hebdomades ſexaginta tres. Templum, ut diximus, expoliatum ac profanatum fuerat ante dimidium hebdomadæ; Onias autem jugulatus ante integram hebdomadam anno Græcorum 141. Ita ergo omnia concordant admuſſim; neque deſt, neque redundat dies una: ſeptuaginta hebdomades complentur in purgatione Templi, & in Juda Macha-

Machabæo: septem in Cyro; sexaginta duæ in occisione Oniæ; dimidium hebdomadæ in Templi profanatione.

Resp. Illud novum Harduini systema esse aliorum omnium quæ refutavimus monstruosissimam compaginem; nam, si recte advertas, intrudit fere omnes Messias ab aliis confictos, Cyrum præsertim, ac Judam, simulque commentum Marshami de Templo, & de fine unctionis. In omnibus ergo suis partibus jam expunctum est & contritum. Addamus tamen in patrocinium veritatis aliqua. Ac primum detur Harduino Oniam gessisse Christi typum; quamquam id neget P. Lamy in App. Chronolog. P. 2. cap. 4. propterea quod Onias non Jerosolymis occisus sit, sed in templo Apollinis secus Daphnem; non suorum livore, sed infidiis Menelai; non ab amicis, sed ab Andronico; non derelictus a populo, sed vindicta, & lacrymis honestatus. Verum non est necesse, ut omnia in Typis conveniant. Dicimus ergo quod post Oniæ cædem populus non fuit a Deo derelictus, cum paucos post annos surrexerit Judas, qui debellavit impios, templumque purgavit; neque sub Antiocho defecisse sacra, & irrupisse statutam desolationem censendum est, si illa restituit Machabæus; hæc autem paucis annis perduravit. Atque hæc ad primum, & secundum dicta sunt. Nam quod sequitur nullius est roboris, cum loquatur Daniel de *pæcto* firmando per Christum, & Mathathias de *zelo legis* demonstrando per populum.

Unicum restat argumentum Chronologicum, in quo non uno tantum capite peccat Harduinus. Principio non ait Daniel supputandas hebdomadas *ab exitu verbi*, quod fortassis foret ambiguum, sed ait, *Ab exitu sermonis, ut iterum adificetur Jerusalem*. Neque enim verum est *exitum sermonis*, ut Harduinus contendit, non posse significare Regis decretum: cum verbum *דבר* significet *sermonem, rem, aliquid, causam, negotium, præceptum*, &c. ut Pagninus, aliique demonstrant ex 2. Reg. iii. 12. Deut. iv. 36. Exodi xvi. 16. xxxiii. 4. &c. atque in hoc loco omnem ambiguitatem tollant ea verba, *ad reverti faciendum, & ad adificandum*, &c. quæ nequeunt intelligi nisi de Edicto Urbem reedificandi. Deinde si velit expendere ea tantum verba, *Ab exitu sermonis*, ut ea detorqueat ad divinam revelationem; cur non potius referat ad revelationem factam ipsi Danieli, de qua Angelus eodem cap. ix. v. 23. inquit, *Ab exordio precum tuarum egressus est sermo*? Aut cur non ad revelationem Isaïæ xlii. 28.? Rursus hoc idem Harduini somnium fuit quorundam Hebræorum, quos confutarunt R. Aben-Ezra Comm. in Daniele, & R. Azarias in lib. Meor Enajim, eo quod non debeant anni captivitatis in decisis septimanis enumerari. Adde septem & sexaginta duas septimanas simul a Propheta comprehendi, atque ad unum referri terminum. Corruit itaque fictitium illud initium hebdomadarum a prophetia Jeremiæ. Male etiam constituitur terminus septem hebdomadarum in Cy-

ro,

ro, peſſime in exitu captivitatis , nam juxta Recentiorum Chronologiam annus 1v. Joakim incidit in annum Mundi 3398. Cyrus Mediam occupavit an. 3466. & monarchia poſitus eſt deſuncto poſt biennium. Dario Medo , anno 3468. qui eſt captivitatis poſtremus ; itaut 1v. annus Joakim ſit ſervitutis primus , & primus Cyri , ut dixi , ſervitutis ultimus ; ideoque ab anno 1v. Joakim uſque ad Cyrum non fluxerunt anni 49. ſed 70. Quam Chronologiam ſi reſpuas , ſaltem annorum 70. intervallum debes admittere .

C A P U T V.

*Statuitur Epocha Regni Artaxerſis , & demonſtratur
Hebdomadam Danielis initium ,
ac finis .*

LIQUET ex præcedenti hebdomadas Danielis ſupputandas ab Edicto Regis Perſarum de urbe Jerofolyma reædificanda , & complendas in morte Chriſti , quam conſignare neceſſe ſit anno ab illarum hebdomadarum exordio 486. concurrente cum dimidio hebdomadæ ſeptuageſimæ . Quatuor autem Regum Perſarum pro Judæis decreta , colligunt nonnulli ex Scripturis . Emanatum eſt primum initio Regni Cyri conditoris Perſarum Monarchiæ , de quo Iſaias cap. xlii. 28. & Eſdras cap. 1. 1. Promulgatum eſt alterum anno 2. Darii , quem Scaliger Nothum putavit , conſtat autem fuiſſe Hyſtaſpidem : de quo edicto vide 1. Eſdræ 1v. 24. & vi. 1. Emiſſum eſt 111. diploma anno Artaxerſis vii. quo Eſdras cum plena Regis facultate Jerofolymam aſcendit ; ut habetur eodem libro cap. vii. 6. & 7. Edictum poſtremum obtinuit Nehemias ejuſdem Artaxerſis pincerna anno Regis viceſimo , ut habetur 2. Eſdræ cap. 11. 1. Nullum jam dubium eſt hunc Artaxerſem fuiſſe Longimanum filium Xerſis filii Darii Hyſtaſpidis .

Conveniunt recentiores accurati Chronologi annos ante Chriſti nativitatem coarctantes ad 4000. fundatam a Cyro Monarchiam Perſarum anno M. 3468. P. Julianæ 4178. ante Vulgarem Aeram , ſive Natale Chriſti Dionyſianum 536. & Darium Hyſtaſpidem regno poſitum an. M. 3483. P. Jul. 4193. ante Aeram Chriſtianam 521. De Artaxerſe autem nequeunt Chronologi convenire . Nam ſupputantes hebdomades Danielis ab anno ejus ſeptimo , ajunt obtinuiſſe regnum an. M. 3540. P. J. 4250. ante Ae. Ch. 464. ita ut annus ſeptimus ſit M. 3547. P. Jul. 4257. ante Ae. Ch. 457. quibus ſi addantur anni 29. Ae. Dionyſianæ , quo anno Chriſtum affixum cruci Chronologi illi propugnant , reſultat annus ab initio hebdomadarum 486. qui dimidium eſt hebdomadæ

madæ septuagesimæ. Qui autem septimanas putant ab anno Artaxerxis vicefimo, contendunt regno potitum anno M. 3531. P. Jul. 4241. ante Ae. V. 473. ita ut annus xx. incidat in annum M. 3551. P. Jul. 4261. ante V. Ae. 453. Ab hoc autem anno ufque ad 33. Ae. V., in quo ftatuunt Chrifti mortem, fluxerunt pariter anni 486. & rectiffimè eadem hebdomadarum coalefcit fupputatio. Pendet ergo totius difficultatis enodatio ab Epocha Regni Artaxerfis Longimani, quam figere modo conftitui.

PROPOSITIO I. Artaxerfes regno potitus eft an. M. 3540. P. Jul. 4250. ante Ae. V. 464.

Demonftratur I. Eufebius in Chronico, quem fequuntur Sigonius de Republic. Athenienfium, alique complures, & quem in hoc non errare comonftrant proxima momenta, ftatuit principium regni Artaxerfis Longimani an. 1. Olympiadis LXXIX. Annus 1. Olymp. LXXIX. omnium confenfu eft ante Ae. V. 464: & juxta fupputationem, quam etiam Adverfarii noftri fequuntur, M. 3540. Ergo hoc ipfo anno regnum iniit Longimanus. II. Julius Africanus antiquiffimus temporum fupputator, ut ait Hieronymus in cap. ix. Danielis, fcribit annum vicefimum Artaxerfis eſſe *octogefima & tertia Olymp. annum quartum*. At fi retro enumeras ab anno 4. Olymp. LXXXIII. viginti annos, pervenies ad ann. 1. Olymp. LXXIX. Igitur anno 1. Olymp. LXXIX. fignandum eſt initium regni Artaxerfis. III. Diodorus lib. xi. Biblioth. fcribit Xerſem patrem Artaxerfis fuiſſe interfectum ab Artabano anno 4. Olymp. LXXV. At Artaxerſes omnium Historicorum teſtimonio ſtatim defuncto Patri ſucceſſit. Fuit ergo regni ejus primus annus incunte Olympiade LXXIX. IV. Idem Diodorus libro xii. inquit Artaxerſem vita functum *anno 4. Olymp. LXXXV. cum regnaſſet annos quadraginta*. Atqui anni 40. non definunt in anno 1. Olymp. LXXXV. niſi ſupputentur ab anno 1. Olymp. LXXIX. Ab hoc ergo anno Regnum Artaxerfis inchoandum eſt. V. Xerſes Darii filius. & Artaxerſis pater juxta accuratam recentiorum chronotaxim adeptus eſt regnum anno Mundi 3519. ante Ae. Vul. 485. At regnavit annis XXI., aut faltem xx. menſeſque aliquot, ut tradunt Eufebius in Chronico, Severus Sulpitius lib. 2. Georgius Syncellus pag. 76. edit. Pariſienſis, Diodorus Siculus apud Salianum, ad annum Mundi 3589. II. Sigonius in libro de Athenienſium Temporibus, alique communiter. Computati autem anni XXI. aut xx. ab anno Mundi 3519. & ante Aeram Vulgarem 485. definunt in anno Mundi 3540. aut in poſtremos menſes anni præcedentis. Anno ergo Mundi 3540. five P. J. 4250. regnare cœpit Artaxerſes Longimanus Xerſis filius. Atque id, inquit doctiſſimus Græveſonius diſſert. xv. de Myſt. & An. Chriſti, paragrapho primo, *extra omnem dubitationis aleam poſitum eſſe debet.*

PHILOPO-

PROPOSITIO II. Nullo pacto conſignari poteſt annus viceſimus Artaxerſis anno M. 3551. P. Jul. 4261. ante Ae. V. 453.

Demonſtratur I. Initium regni Artaxerſis eſt, ut vidimus, an. M. 3540. P. Jul. 4250. ante Ae. Ch. 464. Ergo annus viceſimus Artaxerſis erit an. M. 3560. P. Jul. 4270. ante V. Ae. 444. & labitur nova Chronologia annis 1x. II. Xerſes occiſus eſt, ut liquet ex diſtis, anno 4. Olymp. lxxv111. poſtquam regnaverat annis 21. regnum enim auſpicatus eſt juxta probatam ab adverſariis noſtris Chronologiam anno M. 3519. a quo uſque ad annum 3540. & ad 1. Olymp. lxx1x. fluxerunt anni 21. Igitur annus 20. Artaxerſis eſt ann. M. 3560. III. Ut annus 20. Artaxerſis ſtatuatur an. M. 3551. vel, ut alii putant, anno proximo præcedenti, cum Xerſes regnare cœperit an. 3519. conſequens eſt, ut obierit anno 3531. vix exacto anno regni ſui duodecimo. Atqui Xerſes regnavit annos 21. aut ſaltem 20. communi Veterum conſenſione. Ergo Xerſes, ut etiam ſupra demonſtratum eſt, obiit anno Mundi 3539. aut 3540. qui eſt annus 1. Regni Artaxerſis. IV. Ut Adverſarii noſtri hunc nodum ſolvant, contendunt cum Uſſerio ſupputandum annum primum Artaxerſis ab anno, quo Xerſes omnes Græcos adverſus ſe concitavit, & ante expeditionem ad Bellum Perſicum deſignavit juxta patrias leges hæredem regni, ita ut Artaxerſi regni ſui anni 48. tribuendi ſint, patri vix 12. A hoc unum Adverſariorum noſtrorum præſidium validiſſimis argumentis concutitur. Primo ſi fateamur Artaxerſem jam ab anno x11. patris deſignatum fuiſſe Regni ſucceſſorem: ergo ne ab eo anno regnavit? Deinde proceſſit Xerſes ad Bellum Perſicum anno 1. Olymp. lxxv. regnare autem cœpit anno 3. Olymp. lxxxi. interfectus eſt anno 4. Olymp. lxxviii: ut conſtat ex præcedenti propoſitione, & ex Sigonio de Republ. Athen. & Meurſio de Archontibus Athenarum. Igitur ſi regnum Xerſis perduravit duntaxat uſque ad Bellum Perſicum, quinque tantum annis regnavit, non 12. ſi vero ad annum 4. Olymp. lxxv111. regnavit annis 21. quod nos cum probatiſſimis Chronologis affirmamus. Præterea detur uſque ad Perſicam expeditionem fluxiſſe Xerſis annos x11., nequeunt ab anno x11. Xerſis ſupputari anni Artaxerſis 48. Vel enim aſſeris cum Pererio & Petavio a Xerſe filium in regni communionem fuiſſe adſcitum, vel cum Uſſerio detrahis ab annis Xerſis annos 8. addendos annis 40. Artaxerſis. Atqui Artaxerſes non fuit a Patre aſſumptus in regni communionem, cum ex Juſtino lib. iii. conſtet fuiſſe puerum cum Xerſes occiſus fuit ab Artabano. Quam ergo Artaxerſes ætatem duxit vertentem anno paterni regni duodecimo? Accedit quod Petavius ſententiam ſuam nititur probare ex fuga Themiftoclis, qui, ut demonſtrat Huetius D. E. Prop. 1x. cap. viii., non Artaxerſem, ſed Xerſem, nondum imperante filio, convenit: & ſi ad Artaxerſem ſcribunt aliqui conſiſſiſſe, id factum narrant poſt mortem Xerſis. Neque ſtatuenda eſt Epo-

To. V.

E

cha

cha regni Artaxerxis cum Usserio an. M. 3531. P. Jul. 4241. ant. V. Ac. 473. Nam Ptolomæus in Canone Math. Diodorus lib. xi. Bibl. Eusebius in Chron. & omnes veteres tribuunt Xerxi annos xxi. Artaxerxi xl. aut Artaxerxi xli. Xerxi xx. Cur ergo uni xii. alteri xlviii. tribuamus? Denique mortem Xerxis incidere in annum 4. Olymp. lxxviii. apertissime a nobis demonstratum est supra, ideoque perperam anni hujus Regis detrunquantur.

Ex his colligitur emendandas esse tabulas Chronologicas, & supputationes Regum Persarum ad hunc modum:

Cyrus Monarchiam Persarum fundavit an.	3468.	ante Ac. V.	536.
Cambises iniit regnum.	3475.		529.
Darius Hystaspis.	3483.		521.
Xerxes.	3519.		485.
Artaxerxes Long.	3540.		464.
Xerxes II.	3580.		424.
Darius Nothus.	3581.		423.
Artax. Mnemon.	3600.		404.
Ochus.	3643.		361.
Arfen.	3666.		338.
Darius Codom.	3668.		336.
Regnavit annis 6.	3674.		330.

Cyro itaque tribuuntur anni vii. Cambisi vii. in quibus comprehenduntur Magi 7. menses. Dario Hystaspidi xxxvi. Xerxi xxi. Artaxerxi Longimano xl. Xerxi II. & Secundiano i. Ocho, qui & Darius Nothus, xix. Artaxerxi Mnemoni xliii. Ocho xxiii. Arfen iiii. Dario Codomano vi. Hunc expugnavit Alexander Philippi Macedo.

PROPOSITIO III. Hebdomades Danielis initium ducunt ab an. vii. Artaxerxis Longimani.

Demonstratur I. Annus Artaxerxis vii. est annus M. 3547. ante Ac. V. 457. P. Jul. 4257. & annus 4. Olymp. lxxx. Ab hoc anno supputandæ sunt hebdomadæ Danielis. Ergo hebdomadæ Danielis supputandæ sunt ab anno vii. Artaxerxis. Probatur minor. Christus, ut suo loco demonstrabitur, mortuus est anno Ae. V. 29. P. Jul. 4742. anno i. Olymp. cci i. mortuus est autem in medio hebdomadæ lxx. five post annos 486. jam exactos ab hebdomadarum initio. Atqui si ab anno Ae. V. 29. P. Jul. 4742. & primo Olymp. cci i. retrocedas per annos 486. jam exactos, pervenies ad annum M. 3547. P. Jul. 4257. & ad an. 4. Olymp. lxxx., qui est vii. Artaxerxis. Igitur ab anno vii. Artaxerxis hebdomadæ Danielis supputandæ sunt. Demonstratur 2. Quoniam prædictæ hebdomadæ, ut constat ex capite præcedenti, referuntur ad mortem Christi. Si ergo Christus, ut nunc supponimus, mortuus est

eſt anno Ae. V. xxix. debent ſupputari ab anno ante Ae. V. 457. Nam ſi annis 457. addas annos 29. reſultat dimidium hebdomadæ lxx., incidens in an. 486. Hæc in nulla alia Chronotaxi poſſunt convenire, niſi aut pervertas Epocham Regum Perſarum, aut retrahas annum Paſſionis Chriſti.

Idem demonſtratur revocando nos ab abaco rationali ad prophetiam Danielis. Supputandæ ſunt hebdomadæ ab amplo Regum Perſarum diplomate, atque a facultate Judæis facta redeundi in patriam, reedificandi templum, urbemque Jeruſalem: id enim ſonant verba Prophetæ, *Ab exitu ſermonis ad reverti faciendum & ad ædificandum Jeruſalem.* Atqui plena illa, & ampla facultas facta eſt anno Artaxerſis Longimani ſeptimo. Igitur ab hoc anno ſunt prædictæ hebdomades ſupputandæ. Probatur minor. Decretum enim conceſſum Eſdræ anno Regis ſeptimo eſt: *A me decretum eſt, ut cuicumque placuerit in regno meo de populo Iſrael, & de Sacerdotibus ejus, & de Levitis ire in Jeruſalem, tecum vadat.* En facultas, ut omnes prohibito reverterentur. Sequitur decretum: *A facie enim Regis, & ſeptem conſiliatorum ejus miſſus eſ, ut viſites Judæam & Jeruſalem in lege Dei tui, quæ eſt in manu tua.* En data Eſdræ *Autoritas*, & potestas utendi ſuis juribus. Sunt in regio diplomate & hæc verba: *Libere accipe, & ſtudioſe eme de hac pecunia vitulos, arietes, agnos, & ſacrificia, & libamina eorum, & offer ea ſuper altare templi Dei veſtri, quod eſt in Jeruſalem. Sed & ſi quid tibi, & fratribus tuis placuerit, de reliquo argento & auro ut faciat, juxta voluntatem Dei veſtri facite.* En reſtitutus Dei cultus, & data facultas in quodlibet opus erogandi pecuniam: & poſtremo conceſſa eſt Eſdræ immunitas ab omni tributo, & pleniffima judicandi auctoritas. Vide regium Edictum lib. i. Eſdræ cap. vii. a v. 12. ad 28. Dedit ergo Rex Eſdræ omnem, ac pleniffimam facultatem, atque ut ibidem legitur v. 6., *omnem petitionem ejus.*

Qui repetunt hebdomadarum initium ab anno Artaxerſis xx. inquirunt nullum in tam amplo decreto extare verbum de Urbe reedificanda. Non extat quidem expreſſe, ſed, ſi diploma expendas, extat majori, quam ſi expreſſum foret, munificentia. Primo enim, quid eſt *dare omnem petitionem*, niſi ſupplicationibus Eſdræ nihil penitus denegare? Deinde cui populo veſtigialibus & tributis immuni, conſistenti in patria, atque facto *avropus*, ſuique juris, urbem conſtruendi facultas aut lege aliqua, aut conſuetudine denegatur? Præterea ſi potuit Eſdras inſumere argentum in omni opere, quod ei placuiſſet, cur non potuit ſumptus facere in mœnibus conſtruendis? Ad hæc revera ab anno Artaxerſis vii. coepit Jeruſalem ædificari; nam ideo Nehemias anno Artaxerſis xx. novum de reedificanda Urbe diploma impetravit, quod veniens Hananus retulit Judæos in afflictione magna eſſe, & mu-

rum Jerusalem dissipatum, & portas combustas: quo accepto nuncio Nehemias amare flevit, & ad Artaxersem accedens doloris sui causam exposuit, obtinuitque facultatem proficiscendi in Judæam. Vide 2. Esdræ cap. 1. & 11. Sane non fuit hujus luctus, novique decreti causa. devastatio Urbis facta a Chaldæis sub Nabuchodonosore; cur enim de hac, quam noverat, Nehemias interrogasset Hananum? cur audita dissipatione murorum fuisset tam acerbe contristatus? Iterum ergo ab iis, qui ægre ferebant prosperitatem Israel, sive Moabitæ fuerint, sive alii finitimi, ædificium cœptum ab Esdra fuit dissipatum. Hinc anno xx. Artaxerxis potius Nehemias facultatem obtinuit proficiscendi in Jerusalem, & vi decreti ab anno jam septimo emanati ædificandi Urbem, quam decretum novum, & a præcedenti diverfum. Legimus quippe lib. 2. Esdræ cap. 11. 5. ita dixisse Nehemiam: *Si videtur Regi bonum, & si placet servus tuus ante faciem tuam, ut mittas me in Judæam ad civitatem sepulchri patris mei, & ædificabo eam*. Legimus v. 6. Regem annuisse. Legimus v. 7. & 8. petiisse Nehemiam Epistolas Regis ad duces Regionis trans Flumen, ut nulla accepta molestia traderetur in Judæam, & Epistolam ad Asaph custodem saltus, ut ei ligna concederet. Decretum non legimus, nisi promulgatum anno v11. Regis, & ad verbum in cap. v11. libri primi Esdræ enarratum. Vi ergo hujus Ediçti Nehemias Jerosolymam ædificaturus a Rege Artaxerse discessit: aut si novum obtinuit diploma, fuit innovatio prioris.

Demum in sententiæ nostræ confirmationem accedit, quod præter exactissimam hebdomadarum supputationem & exitum in anno passionis Christi, ac præter literalem prophetiæ sensum, absque ullo nexu distinguitur facta a Daniele hebdomadarum partitio. Primo enim Daniel absolute connumerat septimanas lxx. Deinde ab Ediçto de reædificanda urbe usque ad Christum v11. & lx11. Postea ait occidendum Christum post hebdomadas lx11. tandem inquit confirmandum a Christo patrum in hebdomada 1. & in medio hebdomadæ esse occidendum. Revelavit quippe Danieli Gabriel Angelus decisa esse super populum, & super urbem sanctam Jerusalem sabbata lxx. idest, a populo Israel in Urbe Jerosolyma celebranda fore lxx. Sabbata sabbatorum ante finem peccati, & humani generis Redemptionem. Atque tot celebrata revera sunt. Nam si primum sabbatum incipit anno ante Ae. V. 457. septuagesimum incipit anno Ae. V. 26. Posita ergo Judæorum *Autonomia* in anno v11: Artaxerxis habes septuaginta hebdomadas decisas super populum Israel, & super Civitatem sanctam; nam proximo sabbato jam deleta erat iniquitas. Ab ea vero *Autonomia* usque ad manifestacionem Christi, sive ab anno ante Ae. V. 457. usque ad annum xv. Tiberii Cæsaris Ae. Vulg. 26., quo Christus baptizatus est, sunt hebdomades v11. & lx11. idest anni 483. Si disjungas hebdomadas v11. ab lxx. illæ vii. comprehendunt annos 49. qui sunt inter unum & alterum Ju-

Jubilæum . Posito ergo primo anno sabbatico in anno **vii**. Artaxerfis ante **Ac. V. 457**. Jubilæum erit anno ante **Ac. Vulg. 408**. Porro si Christus passus est **an. Ac. V. 29.**, passus est post hebdomadas **lxii**. idest post annos **434**. & in dimidio sequentis hebdomadæ . In ultima hebdomada confirmasse pactum, & in medio hebdomadæ fuisse affixum cruci, satis manifestum est . Igitur si constituas initium hebdomadarum, anno **Artax. vii**. cohæret etiam illarum accurata sectio & partitio : & si hanc tribuere velis idiomati hebraico sæpe minorem numerum præponenti, adhuc habes ab anno **vii**. Artaxerfis usque ad Christum præfixum annorum numerum, ut constat ex Chronologicis demonstrationibus paullo supra productis .

RESPONDETUR OBJECTIONIBUS.

Perpauca adversus productam Chronotaxin opponi possunt, eaque ex dictis facillime diluuntur . Oppones 1. Cyrus omnium primus facultatem fecit urbem reædificandi, quemadmodum prædixerat **Isaia** **xliv. 28.** & completum esse constat ex cap. 1. libri primi **Esdæ** .

Resp. non posse ab anno 1. **Cyri** initium ducere **Danielis** hebdomadas, siue spectata Chronologia, temporumque ratione, siue concessa ab eo facultate . Si expendas Chronologiam, ab anno 1. **Cyri** usque ad Christi Passionem fluxerunt anni **565**. cum Monarchiam condiderit anno ante **Ac. V. 536**. Christus vero cruci affixus sit anno ejusdem **Aeræ 29**. Si attendas factam a **Cyrō** facultatem, extenditur illa duntaxat ad Templi ædificationem, non ad muros urbis, ut apparet ex laudato cap. 1. **Esdæ v. 2. & 3.** Nihilo tamen minus completum in **Cyro** est **Isaie** vaticinium, in quantum ipse facta **Judæis** potestate redeundi, fuit restorationis **Jerosolymorum** primus auctor ; & per ejus successores ac filios, quibus **Prophetæ** patronymice tribuere solent nomina patrum, ut **Augustinus** demonstrat octava ad **Dulcitium** quæstione, *completa est Dei voluntas* .

Opp. 2. Putabimus ergo septimanas cum **Scaligero**, & **Drusio** ab anno 2. **Darii Nothi**, quem dedisse eandem facultatem **Hebræis** liquet ex cap. **vi**. libri 1. **Esdæ** .

Resp. **Scaligeri** sententiam iisdem momentis everti ; quippe non cohæret cum ratione temporum, quoniam annus 2. **Darii Nothi** est ante **Ac. V. 422**. ideoque ab anno 2. **Darii** usque ad annum 29. ejusdem **Aeræ** anni tantum **451**. fluxerunt, & defunt usque ad complementum temporis prædefiniti a **Daniele** anni 35. Neque cohæret cum **Prophetico Danielis** oraculo, eo quod decretum **Darii** est idem ac decretum **Cyri** cujus autographum inventum est in **Ecbatanis**, spectatque ad solam ædificationem Templi, ut patet ex cap. 6. libri 1. **Esdæ v. 2. & 3.** Ad absurditatem opinionis **Scaligeri**, ex qua sequitur **Zorobabelem** & **Jesum**

Iesum Josedecidem superasse humanæ vitæ diuturnitatem. Etenim Zorobabel anno 1. Cyri, qui fuit annus M. 3468. erat dux Hebræorum : annus autem 2. Darii Nothi incidit in annum M. 3582. tenuerat ergo Zorobabel Judæorum principatum regnante Dario an. 114. Adde incertos annos, quibus Zorobabel vixerat antequam principatum iniret, & reverteretur in terram Judæ, annosque vitæ suæ post annum 2. Darii Nothi. Quod argumentum valet de Josue, cum & ipse cum Zorobabele reversus sit in Jerusalem anno 1. Cyri, ut constat ex cap. 2. libri primi Esdræ, & superstes fuerit sub Dario, & Artaxerse; ut liquet ex lib. 2. cap. v11. Lapsus est ergo Scaliger, quod legerit cap. 1v. lib. 1. nomen Artaxerxis, qui regnavit ante Darium, non animadvertens Artaxersem illum esse Cambisem, & Artaxerxis nomen, quod significat *strenuum bellatorem*, Regibus Persarum fuisse commune. Debit ergo pro anno 2. Darii Nothi statuere annum 2. Darii Hystaspidis, idest, annum M. 3484. ante Ae. V. 520. Verum & ab hoc anno usque ad annum 29. Ae. Dionysianæ fluxerunt plus quam lxx. hebdomadæ, & anni 549. atque decretum Darii nil addidit decreto Cyri, ut dictum est modo.

Opp. 3. Repetendum est hebdomadarum initium ab anno xx. Artaxerxis Longimani, qui Nehemiæ dedit amplissimam ædificandi Jerusalem auctoritatem, ut habetur 2. Esdræ cap. 11. 5. & 6. Non ergo ab ejusdem Regis anno septimo.

Resp. ab anno 20. Artaxerxis ad annum 29. Aeræ Vulgaris fluxisse annos tantum 473. ut constat ex propositione 1. haud recte. alligari ab Usserianis vicissimum Artaxerxis anno ante Vulg. Ae. 453., ut liquet ex propositione 2. falso supponi Esdræ non obtinuisse anno Artaxerxis v11. facultatem ædificandi Jerusalem, ut apparet ex Prop. 3. non bene poni passionem Christi anno Vulg. Ae. 33. ut nunc supponimus.

Opp. ultimo. Daniel enumerat hebdomadas annorum Lunarium, ut post Africanum tenuerunt quamplures, præsertim Theodoretus, Zonaras, Pererius, Huetius. Nam hebræi annos numerant juxta cursum lunæ; & Propheta ait loqui se de hebdomadibus *abbreviatis*.

Resp. Hebræos juxta lunæ cursum numerare quidem menses, sed non annos. Etenim quotannis celebrant Pascha luna xlv. primi mensis, incipiunt autem annum suum a prima luna propinquiore Aequinoctio Verno; quod ni facerent, cum annus solaris superet annum lunarem diebus undecim, & lunæ cursus peragatur intra viginti novem dies, & sex horas: post certum annorum intervallum deberent in eodem anno bis Pascham facere: hoc autem incommodum devitant usu mensis embolismalis, sive intercalaris, quo luna complere possit annum solis lustrationem. Præcepto etiam Exodi xxxiv. 22. singulis annis celebrant solemnitatem Tabernaculorum, *quando redeunte anni tempore cuncta conduntur*, & consequenter annum solare observant; quoniam

niam festum Tabernaculorum singulis annis septimis aperiebat in Autumno sabbatum terræ . Igitur & Daniel solares annos spectavit , maxime quod lunares anni 490. nequeant præcise in annum Passionis Christi cadere , ut quisque ductis calculis deprehendet . *Abbreviatus* ergo Daniel appellavit hebdomadas LXX. quia numerus est *decisus* & definitus ; neque in fine postremæ hebdomadis , sed *in dimidio* occisus est Christus . Subjiciam ad pleniorē hujus quæstionis intelligentiam numericum Hebdomadarum paradigma .

Incipit H.	I. Anno ante V. Ae.	457.	M. 3547.
	II.	450.	
	III.	443.	
	IV.	436.	
	V.	429.	
	VI.	422.	
	VII.	415.	
	VIII. , & I. ex LXII.	408.	M. 3596.
	IX.	401.	
	X.	394.	
	XI.	387.	
	XII.	380.	
	XIII.	373.	
	XIV.	366.	
	XV.	359.	
	XVI.	352.	
	XVII.	345.	
	XVIII.	338.	
	XIX.	331.	
	XX.	324.	
	XXI.	317.	
	XXII.	310.	
	XXIII.	303.	
	XXIV.	296.	
	XXV.	289.	
	XXVI.	282.	
	XXVII.	275.	
	XXVIII.	268.	
	XXIX.	261.	
	XXX.	254.	
	XXXI.	247.	
	XXXII.	240.	
	XXXIII.	233.	
	XXXIV.	226.	

XXXV.

XXXV.	219.
XXXVI.	212.
XXXVII.	205.
XXXVIII.	198.
XXXIX.	191.
XL.	184.
XLI.	177.
XLII.	170.
XLIII.	163.
XLIV.	156.
XLV.	149.
XLVI.	142.
XLVII.	135.
XLVIII.	128.
XLIX.	121.
L.	114.
LI.	107.
LII.	100.
LIII.	93.
LIV.	86.
LV.	79.
LVI.	72.
LVII.	65.
LVIII.	58.
LIX.	51.
LX.	44.
LXI.	37.
LXII.	30.
LXIII.	23.
LXIV.	16.
LXV.	9.
LXVI.	2.
LXVII.	An. Aerae Vulg. 5.
LXVIII.	12.
LXIX.	19.
LXX.	26.

Hoc anno baptizatus est Christus .

Dimidium H. five anni III. 29.

Hoc anno Christus passus est .

C A P U T VI.

*Reſelluntur Hebræi ex propria , licet corrupta ,
illorum Chronologia.*

HEBRÆI legentes in ſacris Bibliis nomina Regum Perſarum Cyri, Aſſueri, Darii, & Artaxerſis, non attendentes narrari ibidem ſacram duntaxat hitoriam, & commemorari Reges, qui ad hanc ſpectant, ceteris prætermiſſis; ignorarunt Xerſes duos, Arſen, Ochum, alterum Artaxerſem, aliumque Darium: quos tamen extiſſe profanz omnes hitoriz teſtantur. Falfa hinc Judaica Chronotaxis deprehenditur. Ex ea tamen perſicaces poſſumus reſutare, pugnantibus adverſus mendacia mendaciis.

Ex Judæorum Chronicis apud ipſos pervulgatis, & ab unoquoque Rabbinorum receptis, quæ legi poſſunt apud Genebrardum in libro *ſepher Olâm*, ſive Chronologia Hebræorum, & 2. volum. Biblioth. Rabbinicæ Julii Bartolocci p. 313. liquet Nabuchodonoforem expugnata Ninive imperium ſuum fuiſſe auſpicatum anno mundi juxta hebræicum computum 3319. Is anno tertio regni Joakim deſcendente obſedit Jeruſalem, & rex Judæ anno quarto regni ſui factus eſt ſervus illius, ac ſub ejus poteſtate ſtetit tribus annis. Anno tertio rebellionis Joakim, & ſeptimo poſtquam a rege Nabuchodonofore ſubaſtus fuerat, octavo autem ipſius Nabuchodonoforis, ideſt anno M. 3327. Joachimus, ſive, Jechonias filius Joakim, cum regnaſſet deſuncto patre tribus duntaxat menſibus, 1v. Regum 24. 8. ab ipſo Nabuchodonofore in captivitatem abduſtus eſt: conſtituitque Rex Babylonis in Jeruſalem regem pro Jechonia Matthaniam patrum ejus. Anno x11. Regis Nabuchodonofor, ideſt, Mundi 3331. Jeremias vaticinatus eſt finem captivitatis, cap. xx1x. 10. Anno Nabuch. x1x. ac Mundi juxta Hebræos 3338. a Nabuzardan principe exercitus Babyloniorum vaſtata eſt Jeruſalem, templumque ſuccenſum, 1v. Regum 25. 8. Regnavit autem Nabuchodonofor annis integris 45.

Poſt Nabuchodonoforem regnum obtinuit Evilmerodachus anno 3364. ideſt, triceſimo ſeptimo a tranſmigratione regis Joachin, ſive Jechoniæ, quem eduxit de carcere, & locavit in throno, 4. Reg. ult. 27. Regnavitque Evilmerodachus per annos 22. Ei ſucceſſit anno M. 3386. Balthaſſar, de quo Daniel v. regnavitque tribus annis. Anno ergo 3389. obtinuit regnum Darius Medus, de quo idem Daniel cap. 1x. Dario Medo ſucceſſit Cyrus Rex Perſarum proximo anno 3390. juxta communiorem hebræorum Chronotaxin, aut poſt biennium, ut placet nonnullis. Cyro ſucceſſit Aſſuerus maritus eſther an. 3392. cum Cyrus nondum expleſſet regni annum tertium. Aſſuero autem tribuuntur

Tò.V.

F

anni xiv.

anni xiv. Regnavit post Assuerum Darius secundus filius Reginae Esther annis 36. usque ad Alexandrum Macedonem, idest, ab anno 3406. usque ad an. 3442. Hujus Darii anno 2. idest, M. 3408. reassumptum est opus ædificationis templi, quod & completum est anno 6. Regni ejus, id. an. 3412. ut habetur 1. Efræ vi. 15. Posteriores annos necessum non est enumerare, quum omnes Judæi fateantur secundum templum stetisse an. 420. Igitur juxta hebraicam Chronologiam,

Nabuchodonosor regnavit an.	xlv.
Evilmerodachus.	xxii.
Balthassar.	iii.
Darius Medus.	i.
Cyrus.	iii.
Assuerus.	xiv.
Darius ante consummationem Templi.	vi.

Discrepant Rabbini in computatione hebdomadarum Danielis; nam aliqui illas exordiantur ab anno 7. Regni Nabuchodonosoris, quo venit Jerusalem, abduxitque in captivitatem Jechoniam: unde hi comprehendunt in hebdomadarum computo annos Nabuchodonosor 39. Incipiunt alii hebdomadas ipsas ab anno Nabuchodonosoris xii. quando Jeremias prædixit finem captivitatis; unde hi arripiunt annos ejusdem Nabuchodonosoris 34. Alii supputant a primo Cyri, alii a secundo Darii, templique structura; alii denique cum Rabbi Josè ab excidio templi prioris, sive ab anno Nabuchodonosoris xix. omnesque completas autumant vel in excidio secundi templi, quod contigit anno 3828. vel in Hircano filio Aristobuli per Antigonum expulso an. 3721. vel denique in Agrippa occiso tribus annis ante excidium secundi templi, nempe anno 3825.

Itaque dicimus nullam ex supputationibus a Judæis excogitatis cum Prophetia Danielis consistere. Primo fieri nequit, ut Danielis hebdomadæ incipiant ab anno vii. Nabuchodonosoris, sive Mundi 3327. & absolvantur in excidio secundi templi, idest anno 3828. nam ab anno 3327. supputatis annis 490. pervenitur ad annum 3817., & a 7. anno Nabuchodonosoris ad Templi excidium sunt anni 501. Auctor Biblioth. Rab. Tom. 2. enumerat pag. 327. annos 511. at comprehendit annos ædificationis templi, & Evilmerodacho tribuit annos 23. Dario 3. quod non fecerat in præmissa Chronologia pag. 315. Si supputentur anni a xii. Nabuchodonosoris constat usque ad excidium urbis fluxisse annos 497. & juxta computum Julii Bartolucci 506. Quod si hebdomades septuagintæ supputentur ab anno 1. Cyri; ab hoc anno nonne vides fluxisse ad eadem Jerosolymitanam annos 438. ? Supputabuntur ne a templi structura & ab anno 6. Darii ? At usque ad excidium anni tantum 416. connumerantur. Ab anno septimo aut vicessimo Artaxerxis ? At regnavit ille post Cyrum, & anni nimium decrefcent. Undecumque

cumque ergo computentur hebdomadæ Danielis, juxta Chronicon Hebraicum nequeunt terminari in vaſtationem Jeruſolymorum, neque in proximam Agrippæ mortem.

Si dixeris completas hebdomadas in Hircano; iſſem ſupputationibus revinceris: ſunt quippe ad Hircani expulſionem ab anno 4. Joakim an. 402. ab excidio templi an. 383. a Dario Medo an. 332. a Cyro an. 331. ab anno 2. Darii 313. ut manifeſtum eſt ex præmiſſis Epochis a Judæorum unoquoque receptis, & quibus eadem facilitate conſutantur, qui hebdomadas referunt ad Antiochum, vel ad Herodem, cum Aera contractuum, ſive Antiochi, fixa ſit juxta Chronicon Hebræorum an. M. 3448. Herodiana autem anno 3724. In hos autem annos cadere nequit finis hebdomadarum ſive ab anno 4. Joakim, ſive a 12. aut 19. Nabuchodonosor, ſive a Dario, vel Cyro ſupputentur.

Una remanet ſupputatio, quam Hebræorum nonnulli exiſtimant expeditiſſimam. A templo, inquiunt, diruto, ſive ab anno Nabuchodonosor xix. uſque ad finem captivitatis juxta præcedentem Chronologiam fluxerunt anni Lxx. quos prædixerat Jeremias cap. xxix. 10. ſtetit ſecundum templum annis 420. En numerus hebdomadarum Lxx. ſive ſpatium annorum 490. At commentum hoc poſtremum reſellitur non ſolum Rabbiorum auctoritate, verum etiam ipſa ratione temporum. *Quomodo commiſcebitur exilium cum Templo ſecundo?* ait R. Aben-Ezra. *Hæc commixtio aliena a veritate apparet*, inquit in lib. Meor-Enajim R. Azarias. *Manifeſtum eſt annos exilii baud contineri numero hebdomadarum Lxx.* ſcribit R. Saadias. Vide Joan. Friſehmuth in ea, quam hac de re inſtituit diſſertatione, §. 2., & quæ nos diximus præced. cap. iv. ad 4. Objectionem. Siſtendo autem in ſola ratione temporum, & admiſſa Hebræica Chronotaxi, fateor inveniri Lxx. hebdomadas prædictas a Daniele v. 24., ideſt annos 490. inter deſolationem primi, & inter deſolationem ſecundi templi: ſed quomodo invenies hebdomadas 7. & 62. prædictas v. 25. quas non ambigue prædicit Daniel, ut fecit de Lxx. verſu præcedenti, ſed ait ſupputandas ab *Exitu ſermonis ad reverti faciendum, & ad ædificandum Jeruſalem?* In his anni exilii, ut recte Rabbinii obſervarunt, nequeunt comprehend. i. Supputa autem unde vis hebdomadas illas 7. & 62. poſt libertatem reſtitutam, numquam protrahere poteris ad ſecundi templi demolitiorem. At de calculis Hebræorum rectæ Chronologiæ, & Prophetici Oraculi intelligentiæ repugnantibus, hæc dicta ſunto.



Quædam alla adversus Judæos proferuntur.

DUO, in quibus versati sumus, Prophetica Oracula sufficiunt quidem ad refellendam Judæorum perfidiam; sed plura sunt tamen, alia, quorum nonnulla ex Deuteronomio, ex Daniele, ex Michæa, & Aggæo Prophetis in medium afferam. Moyses Deut. xviii. 15. & 18. promissit futurum aliquando Prophetam eximium, magnum, sui-que similem. *Prophetam*, inquit vers. 15., *de gente tua, & de fratribus tuis sicut me, suscitabis tibi Dominus Deus tuus: ipsum audies*. Et v. 18. *Prophetam suscitabo eis de medio fratrum suorum similem tui*. Hebraice: *וְנָבִיא אֲשֶׁר יִהְיֶה כְּמֹשֶׁה*. Hunc locum recentiores Rabbinii post Abenezram contendunt accipiendum esse de Josue. R. Bechai de Jeremia: R. Abendana, & Lipmannus de omni propheta, prout opponitur Chananæorum præstigiatoribus. Ac primæ sententiæ fundamentum est, quod Josue post Mosem fuerit dux & rector Israelitarum; altera sententia hoc momento innititur, quod Jeremias tempore captivitatis magnæ fuerit exultationis, & invicti animi, *Excelsus Domini* propterea dictus: tertia autem sententia in eo fulcrum habet, quod ibidem Judæis præcipitur, ut devitent ariolos ac pythones. De omni propheta eundem locum interpretantur etiam Christianorum nonnulli, ut Tostatus & Lyranus, qui tamen docent etiam Christum, ipso vaticinio promitti, & hunc præcipue: quod & tenent ex hæreticis Calvinus, Fagius, Pareus. De Christo tamen expresse, & singillatim locutum Mosem propugnant ex Catholicis Bellarminus, Stapletonus, Paulus Burgensis, atque ex heterodoxis Junius, Druſius, Rivetus: versantque hoc testimonium præ ceteris Lorinus, Estius, & Calmet; quibus addendus ex Novatorum numero M. Georg. Meinhart.

Principio temeritatis nota suggillandus is foret, qui negaret Christum hoc oraculo prænuntiari: deinde etiam mirandum est tam præclarum ac celebre vaticinium a Scholasticis plurimis, qui data opera Judæos exagitant, prætermitti. Ad Christum itaque Moſis promissa spectare, interpretem habemus Spiritum sanctum Act. iiii. 22. ubi Petrus eodem Spiritu afflatus testatur a Moſe Jesum Christum prænuntiatum iisdem verbis Deuteronomii: quod & confirmat Stephanus eodem libro cap. v. 37. In eundem locum intendisse Christum, dum ait de Moſe Joan. v. 46. *De me enim scripsit ille*, affirmant Patres, ac Interpretes prælaudati. Ex Patribus legi poterunt Auctor qq. ad Orthodoxos inter opera Iustini q. 101. Irenæus lib. iiii. cap. 12. Tertull. lib. iv. contra Marcionem cap. 22. Cyprianus lib. i. contra Judæos cap. 18. Cyrillus lib. iiii. cap. 7. contra Julianum, Athanasius lib. 2. contra Arianos, & præsertim Augustinus lib. xvi. adversus Faustum cap. 15. &

15. & ſeqq. Addamus Euſebium Caſarienſem lib. 111. de Demonſtr. Evangel. cap. 2. & lib. 1x. cap. 11. Hi omnes, aliquæ a Joanne Lorino collecti tradunt Chriſtum a Moſe prædiſtum: nec aliter Bibliorum Correctores, qui Deuteronomii verba diſtinguentes grandiuſculis literis, monent lectores ut illa expendant, & citato in margine cap. 2. Aſtor. legitimum Moſis ſenſum indigitant. Quare nequit abſque temeritatis nota in dubium revocari, an Chriſtum Prophetam magnum, optimumque legiſlatorem Moſes prædixerit.

Adverſus autem Hebræos illud primum urgere poſſumus, quod nec Joſues, nec Jeremias, nec ullus alius ante Jeſum Nazarenum propheta potuerit Moyſi comparari: quod poſt Euſebium citatis locis demonſtrant Interpretes noſtri ex cap. xxxiv. ejuſdem libri Deut. ubi verſu 10. habetur: *Et non ſurrexit ultra propheta in Iſrael ſicut Moyſes*. Præterea fuiſſe apud Judæos ætate Chriſti communem opinionem, venturum eximium aliquem Prophetam prænuntiatum a Moſe evidentiffime oſtenditur: nam Sacerdotes & Levitæ permoti celeberrimo Joannis nomine eum interrogabant Joan. 1. 21. *Propheta es tu?* non vulgarem prophetam intelligentes, nam & etiam interrogabant, an eſſet Elias, an eſſet Chriſtus? ſed, ut dixi, prophetam ceteris digniorem, qualem ex miniſtratione baptiſmi ſuſpicabantur eſſe Joannem. Notari hoc in loco iſignem prophetam demonſtrat etiam Græcorum articulus. Reſuſcitato quoque adoleſcentulo viduæ Naimi Judæi omnes Deum magnificantes dicebant, Lucæ vii. 16. *Quia propheta magnus ſurrexit in nobis*: & quinque panibus in deſerto multiplicatis, dicebant omnes, Joan. vi. 14. *Hic eſt vere propheta, qui venturus eſt in mundum*. Indubitatum eſt ergo Judæos Chriſti tempore præclarum aliquem prophetam expectaviſſe. Imo Judæos Africanos vivente Aben-Ezra, magnos excitaviſſe tumultus, quod nunquam adventaret prænuntiatuſ a Moſe propheta illi ſimilis, notiſſima res eſt, & narrata a Paulo Burgenſi in Scrutinio Script. D. vii. cap. 4. Præterea quiſnam Moyſi Jeſu Nazareno ſimilior, eoque ſimul longe præſtantior? Pauperrimis uterque exceptus cunabulis: utrique puerulo mors intentata: fugam uterque arripuit; ſervavitque uterque quadraginta dierum jejunium. Quod ſi futurorum typos diligentius inquiremus, nonne in duodecim Moſis exploratoribus duodecim Chriſti Apoſtoli, in ſeptuaginta ſenioribus Diſcipuli, in duplici Moſis deſcenſu de monte duplex Chriſti adventus, in ſplendenti illius facie, hujus in Thabor tranſfiguratio, & glorioſa poſt reſurrectionem apparitiones præfigurantur? Sed in hoc ſimilitudo præcipua, quod uterque fuerit legumlator, populum a captivitate reduxerit, & facie ad faciem Deum viderit. Figuratam præterea in Petra; quam Moſes percuffit, Chriſti paſſionem, & in Moſis virga lignum Crucis, docet in 1. ad Corinth. Apoſtolus cap. x. 4. explanatque S. P. Auguſtinus citato libro xvi. contra Fauſtum cap. 17. At iſtud fortassis carna-

carnalium Judæorum captum superat. Christus ergo est eximius illius propheta prænuntiatus a Moyse: non Josues, non Jeremias, non quilibet Prophetarum.

Facile ex dictis diluuntur Rabbinorum cavillationes: ad quarum primam respondere etiam possumus cum Procopio locutum Mosem de Propheta in posterum suscitando, Josuem vero electum jam, declaratumque ducem populi supra cap. 111. Deuteronomii. Ad alteram dicimus eandem esse de Jeremia rationem, ac de Isaia, Daniele, ceterisque prophetis, quorum nullus aut legislatoris charactere, aut populi liberatione spectata, Moyse potest æquiparari. Ad tertiam respondemus inter prophetas, qui ab ariolis discriminantur, principem locum tenere Christum Jesum; & dato etiam quod in prædictione Mosis prophetæ comprehendantur omnes, unum tamen assignandum esse Mose similem: quamquam Burgenfis advertit repeti Mosis prænuntiationem, ut si priori loco accipiamus quemcumque prophetam annuntiantem futura, altero in loco nonnisi prophetam insignem, ac summum intelligere debeamus.

Si objicias, Quomodo Christus est similis Moyse, si ille Deus est, ex Virgine natus, & propria voluntate passus; hic autem homo, genitus ex concubitu, & jubente Domino mortuus in monte? Quomodo Christus propheta est, si prophetæ in ænigmate futura viderunt, Christus autem omnia apertissime intuebatur? Respondemus cum Augustino citato libro xvi. contra Faustum cap. 15. *Non ea tantum, quæ unius ejusdemque naturæ sunt, inter se esse similia, sicut gemini homines, vel filii parentibus, vel omnes homines omnibus hominibus, in quantum homines sunt, similes utique sunt: quod & in ceteris animalibus intueri facillimum est, velut olea oleæ, laurus lauro similis dicitur; verum etiam naturæ dispares esse, & dici multa similia, ut olivæ oleaster, & far tritico.* In quo autem Christi cum Moyse similitudo sita sit, facile ex dictis conicitur. Nec ullius est ponderis objectio altera; enimvero *Qui propheta dicitur hodie, olim vocabatur videns*, ut legitur 1. Reg. 1x. 9. unde Moses, quem novit Dominus facie ad faciem, Deut. xxxiv. 10. prophetas alios antecellit: Christus, qui est *Unigenitus omnia in sinu Patris comprehendens*, Joan. 1. 18. est Mose, ceterisque præstantior. Sed de textu Deuteronomii hætenus.

In Daniele occurrit somnium Regis Nabuchodonosor enarratum, cap. 11. 32. & seq. explicatum vero versu 36. & seq. Somnium est visio statuarum, cujus caput aurum, pectus & brachia argentum, tibie ferum, pedum pars erat ferrea, pars fictilis. Interpretamentum Prophetæ est, in auro designari Imperium ipsius Nabuchodonosor, quod extra Babyloniorum fines debellatis Aegyptiis, Assyriis, & superato etiam Euphrate, devictisque Judæis fuit mirifice propagatum. Tanta Assyrii ac Babylonii Regis fortuna, si illam ad invasionem Judææ referamus,

ramus , initium habuit anno M. 3398. P. Jul. 4108. ante Vulgarem Aeram 606. & desit in infausta trucique morte Balthassaris trucidati a militibus Cyri anno M. 3466. P. Jul. 4176. ante Ae. V. 538. Secundum Regnum , quod Daniel appellat argenteum , fuit Medorum atque Persarum , & perduravit a Morte Balthassaris usque ad annum 6. Darii Codomani , quem debellavit Alexander Rex Macedonum anno M. 3674. P. J. 4384. ante V. Ae. 330. , & pugna in Arbelis data omnino Monarchiam Persarum delevit . Regnum tertium ferreum est Regnum Græcorum fundatum ab ipso Alexandro : qui post victum Darium Babylonem quoque expugnavit , atque *pertransiit usque ad fines terræ , & accepit spolia multitudinis gentium* , ut legitur in primo Machabæorum . Bene ergo de hoc regno ait Daniel imperaturum *universa terræ* . Obiit Alexander anno Mundi 3681. P. Jul. 4391. ante Ae. V. 323. regnumque Græcorum inter pueros Regis divisum perduravit usque ad tempora Herodis , & Cleopatæ , ad annum scilicet M. 3958. P. Jul. 4668. ante Ch. Ae. 46. Quartum ergo Regnum est Regnum Romanorum , qui Occidentem , & Orientem domuerunt , & diversam formam regiminis tenuerunt : de quibus Livius , L. Florus , Eutropius , omnesque Historici .

Post quatuor Regnorum declarationem , inquit Propheta : *וְיִבְרְחוּן דִּי מַלְכֵּי אַנּוּן יָקִים אֱלֹהֵי שְׁמַיָּא מַלְכוּ דִּי לְעָלְמִין לָא תַחְבַּל וּמַלְכוּתָהּ לְעַם אֲדָרָן לָא תִשְׁחָבֵק וְתִסָּר בַּל-אֱלִין מַלְכוּתָהּ וְהִיאָהוּקִים לְעָלְמֵיָא* In diebus autem regnorum illorum suscitabit Deus cæli Regnum , quod in æternum non dissipabitur , & regnum ejus alteri populo non tradatur : comminues autem & consumes universa regna hæc ; & ipsum stabit in æternum . Hoc loco inter Vulgatam , ac textum Hebreo-Chaldaicum nulla est discrepantia .

Ex hac Prophetia evidenter concluditur Messiam jam venisse , cuius regnum est spirituale , sempiternum , atque in sui obsequium trahens regna quælibet temporalia , virtute unius *Lapidis de monte abscissi sue manibus* , ut Daniel ibidem ait , idest , J. Christi , qui absque humana opera de Maria Virgine natus est . Enim vero jam quatuor illa regna consumpta sunt , & comminuta . Jam ergo viget Regnum Christi in tempore regnorum illorum a Deo suscitandum .

Quod opponunt persistere etiamnum Regnum Romanorum , nec Regnum Christi vi & armis ceteris prævaluisse ; nihil omnino probat . Nam Romanorum Regnum vix stat modo nomine-tenus , cum in Occidente eversum sit Vandalorum , Gothorum , aliorumque incursionibus ; subiectæ sint quoque diversis Principibus Galliarum , Hispaniarum , Angliæ , & Italiæ provinciæ : in Oriente autem discissum sit Paganorum , Turcarumque tyrannide . Profecto quod dicatur Augustissimus Imperator Rex Romanorum , non evincit quarti Regni usque ad nos persistentiam ; nam hoc pacto neque Chaldæorum , neque Persarum ,

rum, neque Græcorum præteriiſſet Monarchia, cujus nomine Turcarum auctoritas inſignitur. Præterierunt tamen, cum fuit forma Regiminis immutata. At Chriſti regnum non ferro, ſed ſpiritualibus armis cetera omnia comminuit, prædicatione Evangelii, & everſione idolorum: neque illud potuit unquam evertere aut temporalis poteſtas, aut Satanæ machinatio. Floruit utique aliquandiu poſt Chriſti adventum Romana Reſpublica, & regnat adhuc in Orbe plurimarum gentium iniquitas: ſed non ſubactò domitoque, vigente adhuc quarto Regno Daniel venturum Chriſtum prædixit; nec ſtatim omnia regna ſubjuganda, ſed in aliorum comminatione aſſeruit regnum ipſius Chriſti fore perpetuum. Nunc ergo ſtatua contraſta, regna quatuor comminuta, Chriſtiani autem regni perennitas aperte declarant eventum ſomnium Nabuchodonosor, quod Daniel verbis Prophetiſis explicavit.

Alterum adventus Chriſti argumentum eſt, quod Propheta Michæas cap. v. 2. hoc de Bethlehem ſingulare oraculum protulit: וְאַתָּה בֵּית-לֶחֶם אֶפְרַתָּה צָעִיר לְהוֹיֹת בְּאַלְפֵי יְהוּדָה סָמָךְ לִי וְיָצָא לְהוֹיֹת מִסֵּטֶר בְּיִשְׂרָאֵל; וְיִסְרָאֵל מִסֵּטֶר בְּיִשְׂרָאֵל. *Et tu Bethlehem Ephrata, parvulus es in millibus Juda: ex te mihi egredietur, qui ſit dominator in Iſrael, & egreſſio ejus ab initio a diebus æternitatis.* Prædictus eſt a Michæa Dominator populi Iſrael de oppido Bethlehem exiturus. Is vero nequit eſſe niſi Meſſias: cumque oppidum Bethlehemi fuerit ab annis multis everſum; promiſſum Liberatorem jam veniſſe conſequitur. Porro de Meſſia vaticinatum eſſe Michæam liquet ex ſpectoſo, neque ulli mortalium aptando charactere, *Et egreſſio ejus a principio a diebus æternitatis.* Idem probat Veterum omnium Rabbidorum traditio; Herodi enim ſciſcitanti *Ubi Chriſtus naceretur*, Sacerdotes omnes, & Scribæ reſponderunt, Matth. 11. 5. *In Bethlehem Juda; ſic enim ſcriptum eſt per prophetam.* Et quidem Michæas nequit intelligi de Davide, aut Elimelech, aut alio antiquiori duce Bethlemitico, cum prophetaverit ſub Joathan, & Ezechia, atque poſt annum M. 3246., prænuntiaveritque eo loci futurum quoque Jerofolymorum excidium. Neque ad Ezechiam, vel Zorobabelem referri poteſt vaticinatio, quibus convenire non poteſt proprietates æternitatis; nec in Bethlehem Juda naſci contigit, cum Ezechias natus ſit Jerofolymis, Zorobabel Babylone.

Præteriri non debent quæ de ſecundo templo prædixit Aggæus cap. 11. 7. & 10. futuram hujus templi gloriam ampliorem, quam templi a Salomone conſtructi, quod ad ſecundam Domum venturus foret Meſſias. *Et veniet*, inquit Propheta, *Deſideratus cunctis Gentibus, & implebo domum iſtam gloria, dicit Dominus.* וְכָבוֹד חֲמָתוֹ יִהְיֶה כְבוֹד הַבַּיִת אֶת-וְפִלְתָּיו וְכָל-הַגּוֹיִם & infra, *Magna erit gloria Domus iſtius noviffima plus quam prima:* וְהָיָה כְבוֹד הַבַּיִת הַזֶּה הַחֲדָשׁ מִכְּבוֹד הַבַּיִת הַרִאשׁוֹן
סֵךְ

וְכִּי יֵשׁוּעַ הַמָּסִיחַ Christus ergo, qui venturus erat ad Templum ſanctum ſuum, ante hujus devaſtationem advenit . Recentiores quidam Rab- bini detorquent vaticinium ad tertium templum Herodianum; ſed ni- hil excogitari poterat magis ineptum; nam pronomine demonſtrativo Aggæus domum a Zorobabele conſtructam designat, imo ipſum Zor- ababelem adloquitur: ut mittam Templum Herodianum non eſſe diver- ſum a ſecundo, nullius gloriæ titulo primum ſuperſaſſe, & illud etiam ſolo æquatum eſſe, atque everſum . Verum de his infra .

Gloriam ſecundi Templi Judæorum alii autumant eſſe, quod uſ- que ad Titum perduraverit, diuturnitate, quam ſteterit primum, ma- jori; aut, quod magis fuerit ornatum, ac muneribus & divitiis onu- ſtum: aut demum, quod ſtante hoc templo pacem habuerint tranquil- liorem . Sed ridenda potius hæc ſunt, quam refutanda . Etenim quæ- nam gloria cenſenda eſt ſtetiſſe Templi molem annis, quot ipſi enume- rant, 420., vix decem ſupra ætatem domus prioris? *At gloriæ ma- gnæ*, & qua Templum *implendum* erat, legimus prænuntiatam . Faſum quoque eſt Domum noviffimam fuiſſe ob opulentiam, ſacram- que ſupelleſtilem magis, quam fuerit prima, illuſtrem ac celebrem, præfertim cum neque extiterit in novo Templo Arca fœderis, neque ignis perpetuus, neque ſplendidiora domus primæ ornamenta . At pa- cem, niſi illam fateamur a Propheta enuntiatam, quam Chriſtus at- tulit terris, qualem invenies in Templo ſub Antiocho, Seleuco, Pom- pejo, C. Cæſare, ac Tito, omni profanationis ſpecie polluto? Quo- modo pacem dixeris prædictam a Daniele abominationem deſolationis? *Quam* populi tranquillitatem in contrario bellorum exitu, in excidio Jeruſolymarum, in clade, qua, aut fame, aut ferro abſumpta nar- rantur Judæorum undecies centena millia, in captivitate, in quam venerunt devictorum reliquæ?

Reponunt alii veniſſe ad hoc Templum inviſtiſſimum Regem Mace- donum Alexandrum; ſed inſcite ac ſtolide tribuant homini idoloatræ, & ſe jaſtanti filium Hammonis ſpecioſum Meſiæ titulum מֶלֶךְ כּוֹלֵל הָעוֹלָם *Deſiderium omnium gentium*: & impudenter atque audacter *magnam Dei gloriæ* exiſtimant, quam Rex ille Græcorum etiam Apollini exhi- buit . Quid plura? *ad Templum ſanctum ſuum* ait Malachias III. 1. ven- turum non Regem aut Græcorum, aut Perſarum, aut Aſſyriorum, ſed *Angelum teſtamenti, & Dominatorem*, quem Judæi ipſi expeſta- bant . Id vero impletum dum Virgo mater ſiſteret Domino puerum . Jeſum, divini Spiritus revelatione agnoverunt, ut reſert Lucas II. 25. & 36., juſtus Simeon, & Anna filia Phanuel prophetiſſa .

Sed oritur difficultas, quod Templum Chriſti ætate perſiſtens, fuerit Herodianum ac tertium, ideoque non extruſtum a Zorobabele & ſecundum . Scribit enim Joſephus lib. xv. Antiq. cap. xi. num. 1. Hero- deni cogitaſſe de novo conſtruendo Templo, quoniam *ſecundo deerant*
To. V. G ad

ad altitudinem cubiti sexaginta, tanto quippe altius erat a Salomone ædificatum. Addit n. 2. Judæis auxiliis ne si totum opus dissolveret, non satis opum haberet ad perficiendum, dixisse, non se prius templum diruturum, quam omnia quæ ad novum absolvendum pertinerent, præparasset. Hoc pacto Judæis acquiescentibus Herodes, ut Historicus inquit num. 3. sublatis veteribus fundamentis, & jactis aliis, templum super eis erexit in longitudinem cubitorum centum, in altitudinem totidem, & viginti amplius. Si ergo Christus advenit ad Templum tertium ab Herode constructum, non poterunt Judæi prælaudato Aggæi vaticinio revinci.

Facillima esset hujus difficultatis expeditio, si quemadmodum tenent cum Villalpando Tom. 2. in Ezech. lib. v. cap. 68. Salius ad annum M. 4305. num. 5. omnesque fere recentiores, Herodes ornasset tantum secundam domum a Zorobabele constructam, non alteram excitasset. Quod viri docti adversus apertissimum Josephi testimonium, nituntur sequentibus momentis demonstrare. Principio, inquit, si fides habeatur Josepho, non erit juxta prophetæ prædictionem secundum templum glorificatum præsentia Salvatoris. Deinde Templum, quod vivente Christo Domino stabat, Jo. 11. 20. *quadraginta sex annis ædificatum est*: Herodianum vero constructum est annis novem, vel octo cum dimidio. Præterea Herodis reditus pares ad structuram tantam, non erant, cum Regulus esset tenuissimarum opum, & in aliis amplissimis sumptibus thesauros exhaurierit, ut in Arce Antonia, ædibusque maximis prope fanum, magnificentissimo oppido in Samaritica regione, atque ædificiis aliis amplissimis. Tandem affirmant Patres venisse Christum ad Templum Zorobabelis, & de ipso accipienda Joannis verba paullo supra producta.

Ut verum fatear, non sunt hæc omnia tanti ponderis, ut valeant testimonium Josephi etiam a Gorionide, aliisque confirmatum evertere: nam prima, & postrema argumentatio, si cum Judæis disceptetur, videbitur esse, ut inquit Scholastici, petitio principii. Secunda nimis infirma est; quandoquidem sex illi & quadraginta anni non ad solam structuram parietum, sed etiam ad ornatum Templi debent referri: nec secundum Templum constructum fuit spatium annorum 46. ut nonnulli ex his Joannis verbis, falsisque supputationibus deduxerunt, sed annis viginti, quot fluxerunt ab anno P. J. 3468. ad an. ejusdem Periodi 3488. sive a primo Cyri usque ad sextum Darii Hytaspidis, quo consummatum templi ædificium liquet ex 1. Esdræ vii. 15. Nec urget quod opponitur de Herodianis redditibus; primum quia tot alia immensis operis ædificia demonstrant haud exigam ei fuisse copiam divitiarum: deinde defuncto Zenodoro nova illi regio, amplissimique redditus acceperunt: ad hæc scribit Josephus lib. vi. de Bello cap. 6. in sumptos in Templi ornatu *omnes thesauros, quos toto orbe missa Deo*
man-

munera repleverant: tandem negari non potest Herodianum fanum, non dici a Tacito lib. v. Hist. cap. 8. *immensa opulencia templum*. Hæc tamen opulencia non tanta fuit, quanta templi Salomonis, ut e confessione Rab. Azariæ demonstrat Mich. Boccius in *Templo tertio ficto*; ubi etiam probat ex cap. Messechet libri Joma in hoc gloriam fuisse primi Templi, quod in eo fuerunt *Urim & Tummin*, *cœlestis ignis*, *gratiosa præsentia Dei*, & *Arca fœderis cum propitiatorio & Cherubim*: quæ addo, ne quis audeat ob opulentiam ipsum primum templum postponere Herodiano.

Difficultatem ergo superius positam sic arbitror diluendam, quod licet Herodes domum Dei a fundamentis extruxerit, erat tamen hæc domus eadem cum secunda, quia Herodiana non ex ruinis excitata fuit, sed paullatim per partes innovata, ita, ut semper persisteret Sanctum sanctorum; cum nunquam sacer cultus, & sacrificia fuerint interrupta: quod non solum Ribera, aliique Catholici interpretes observarunt, sed etiam Grotius in cap. 24. Matth. & lib. v. de Verit. Rel. Christ. num. 14. Scaliger lib. vi. de Emendat. Temp. & in notis ad lib. xv. Antiq. Hudsonus. Profecto Judæi Herodianum Templum idem esse ac secundum ubique fatentur, nec eversum a Tito alio unquam vocabulo appellant, quam בית שני domum secundam. Videatur Talmud cap. ult. de Synedrio, titulo Joma, & titulo Rosch Hachana. Hoc ad Hebraicam pervicaciam frangendam videtur præcedenti opinione robustius.

C A P U T VIII.

Jesum Nazarenum esse Messiam in lege promissum.

ADVENTISSE promissum Mundi Redemptorem ante everisionem secundi Templi prædictorum argumentorum vi superati quidam Judæorum confessi sunt. At ne faterentur Messiam illum esse Jesum Crucifixum, maluerunt Messias alios intrudere, ut Dositheum, Simonem Samaritanum, Barchochebam, Davidem Eldavidem, ac Vespasianum ipsum suæ perditionis auctorem. Alii latitasse putarunt aut in hortis Eden, aut in nosocomiis urbis Romæ, aut in locis aliis reconditis, tanta manifestationis ejus fiducia erecti, ut ideo tentaverint Romanorum jugum excutere, quod ex eorum finibus profectus Dux inclytus Orbis terrarum habiturus esset imperium. Quod & Flavius scribit lib. vii. de B. J. Tacitus in v. Hist. in Vespasiano Suetonius, & ex Rabbinis Zemach David, Akiba, & Joannes, & Abraham Salmanticenses. Neque fallax fuit, quæ percrebuerat opinio, si potestatem spirituales antiquis Prophetarum literis prænuntiata intellexissent. At

quoniam temporalem præstolabantur, neque Christum verum Messiam agnovere, neque in Pseudoprophetis illis impletum oraculum restitutionis Regni Israel videre meruerunt. Quoniam ergo experientia edocti testantur impostores fuisse, qui Herodis & Hadriani temporibus venerunt sub Christi nomine; id unum superest demonstrandum talem non fuisse Jesum Nazarenum, qui & suæ missionis veritatem ostendit, & aliorum prædixit calliditatem.

PROPOSITIO: Jesus Nazarenus est verus Messias a Deo Prophetarum ore promissus.

Sequitur ex dictis. Ille enim verus Messias est, qui advenit dum sceptrum ablatum fuit de tribu Juda, dum quartum Regnum potestatem Græcorum confregit, dum staret templum a Zorobabele ædificatum, dum Danielis hebdomadæ ad finem vergerent; & ille Messias est, qui in his temporum adjunctis ortus est in Bethlehem ex regio femine David, instituit regnum spirituale & æternum, venit ad Templum sanctum suum, atque in medio postremæ hebdomadis, ut deleatur iniquitas, mactatus est. Hæc autem omnia in Jesu Nazareno fuerunt completa. Ipse ergo est Rex Israel, ipse Benedictus Davidis, ipse Sacerdos æternus, ipse denique diu expectatus Messias.

Confirmatur ex universis Jesu Nazareni, & Messiae characteribus. Ex Davidis posteritate nasciturum Messiam prædictum est Ps. LXXXVIII. 4. & Jesum esse filium Davidis constat ex Matth. 1. Concipiendum de Virgine prænuntiavit de Messia Ezech. XLIV. 2. & Isaïas VII. 14. quod impletum in Christo liquet ex Luca cap. 1. 26. Messiae patria est Bethlehem apud Mich. V. 2. & Jesum natum Bethlehemi constat ex Matth. II. 1. Ad Messiae incunabula delaturos Magos aurum & thus ait Is. LX. 6., atque idem affirmat de Jesu citato loco Matthæus. Narrat ibidem Evangelista fugam Christi in Aegyptum prædictam ab Osea XI. 1. nec non eandem perpetrata ab Herode, ac prædictam a Jeremia XXXI. 15. Ante Christi prædicationem Marci 1. Joannes Baptista prædicavit penitentiam in deserto, juxta vaticinium Isaïæ XL. 3. Evangelicam prædicationem inchoatam in Galilæa narrat Matthæus IV. 12. quod & Propheta vaticinatus fuerat IX. 1. Apostolos vocandos a captura piscium, inquit Jeremias XVI. 16. idque de Christi Apostolis refertur ab Evangelista IV. 8. Fuerunt Christi discipuli illiterati ac rudes, ut vaticinatus fuerat Isaïas XXIX. 14. in omnem tamen terram prædicarunt Evangelium juxta prædictionem Psalmi XVIII. 5. In Passione Christi omnia consummata sunt, quæ fuerant prænuntiata. Ingressus est Ierosolimam sedens super pullum asinae, ut prædixerat Zacharias IX. 9. traditus fuit a discipulo, ut idem propheta vaticinatus fuerat XI. 12. nec non Psalmista XIV. 13. cæsus flagellis est, suffixus cruci, & reputatus cum sceleratis, juxta vaticinationem Isaïæ L. 6. LIII. 12. Revixit etiam, & in cælum ascendit, ut in Psalmis III. 6. & LXVIII. 19. fuerat prænuntiatum.

tatum. Profecto in nullo alio singulas notas istas invenies. Atque his accedunt figuræ omnes cum personarum, tum sacrificiorum veteris Testamenti, quas in Jesu Nazareno completas diximus differentes de Legibus cap. 6. & 9.

Addunt argumento robur Christi miracula non eo tantum titulo, quod nequænt fieri in confirmationem erroris, ut probatum est alibi, sed etiam quod Messia adventum notis indicant singularibus. Cæcos enim illuminavit, surdisque reddidit auditum, uti vaticinatus fuerat Isaïas cap. xxxv. 4. 5. roboravit genua debiliū, claudosque sanavit, ut prædixit eo loci propheta: revocavit etiam mortuos ad vitam juxta prædictionem ipsius Isaïæ xxvi. 19. Recte ergo interrogantibus discipulis Joannis an revera esset Christus, respondit Matth. xi. 4. *Renuntiate Joanni, quæ audistis, & vidistis. Cæci vident, claudi ambulant, leprosi mundantur, surdi audiunt, mortui resurgunt.* Sunt præterea plura miracula divinam Christi Missionem contestantia: stella quæ in oriente apparuit in ejus Nativitate haud obscure prænuntiata ab Isaïa cap. lx. 3. visibilis Spiritus sancti descensus in Baptismate, de quo idem Isaïas xi. 2. Solis obtenebratio in plenilunio, atque in meridie; quam innuit Amos vii. 9. Itaque Jesum Nazarenum esse verum Messiam, evincunt miracula, probant legis typi, commonstrant vitæ mortisque illius adjuncta, confirmant promissi Reparatoris characteres, atque declarant Prophetarum oraculorum eventa.

OBJECTAMENTA ELIDUNTUR.

At objiciunt Judæi. Sunt potius venturi Messia characteres confirmare pactum, & legem Mosaicam, Danielis ix. 27. perpetuum redde-
dere Sacerdotium Leviticum, Jerem. xxxiii. 13. conterere gentes Moab, & filios Seth, Num. xxiv. 17. debellare Gog & Magog Ezech. xxxix. 11. construere templum amplissimum, seq. cap. xli. denique non gentibus, sed populo Israel salutem afferre, Is. xi. 12. Igitur Jesus Nazarenus, qui nec legem Moysi perennem reddidit, neque Sacerdotium firmavit, neque armis debellavit Gentiles, neque amplissimum templum erexit, neque congregavit profugos Israel, verus Messias habendus non est.

Resp. spirituali sensu hæc omnia fuisse adimpleta, literali autem impleri non debuisse. Legem, Sacerdotium, victimas, in Evangelium, in Ordinem Melchisedech, in sacrificium incruentum transtulit Christus, deletisque futurorum umbris, attulit justitiæ perennitatem. Subvertendo Apostolorum suorum prædicatione Gentium idola, gloriosum reportavit de omni natione triumphum, & in Ecclesia, quam acquisivit sanguine suo, longe melioris structuræ Templum erexit. Offerens autem semetipsum in Ara crucis, salvavit Israel, & congregavit profugos,

fugos, atque fideles, qui reputantur in semine. Non alio sensu fas est promissa expectare, nisi velimus, quod ratio non finit, credere repugnantia. Nam legem aliam *de Sion*, & *Verbum Domini de Jerusalem* ait promulgatum iri cap. 11. 3. *Isaias: novum possum firmandum* prædixit Jeremias xxxi. 32. *in corde*, non in tabulis, conscribenda esse præcepta, annuntiat eo loci propheta. Novam ergo legem, eamque spiritualem sacræ literæ sponponderunt. Ubique terrarum *oblationem mundam* summo Numini offerendam vaticinatus est i. 11. Malachias: *Gentes* ad sacerdotale munus eligendas, inquit *Isaias* lxxvi. 21. etiam *in Aegypto* erigendum *altare Domini*, tradit cap. xix. 19. idem Propheta: abijcienda esse holocausta testis est cap. v. 22. Amos. Igitur non in sola Jerosolyma, non a solis filiis Aaron, non sola holocausta sanguine cruentata Domino Israel sunt immolanda. Secundi templi desolationem perpetuam fore ait Daniel; ideoque a Messia reædificandum non certa spes Judæorum, sed phantasma est somniorum, maxime cum ædificium Zorobabelis literaliter prænuntiet Ezechiel. Messia arma *justitiam & equitatem*, & instrumenta ad impios perdendos *virgam oris*, & *spiritum labiorum suorum*, non enses & gladium esse, auctor est cap. xi. 4. & 5. *Isaias*. Venit Christus ad salvandum Israel natus in Bethlehchem, oblatus in Templo, prædicans in Galilæa, & crucifixus in Golgotha: *pro ovibus Israel* se venisse affirmavit Matth. xv. 24., præcepitque Apostolis, *ne abirent in viam gentium*, x. 5. neque ad illas conversi sunt, nisi vi a Judæis expulsi, ut constanter dixerunt Act. xii. 46. Paulus & Barnabas. Hanc vocationem Gentium Deus repromisit Abrahamo Gen. xxii. 18., prædestinavit Christo Ps. 11. 8. & confirmavit per ora omnium prophetarum. Recidunt ergo adversus Judæos singulæ illorum objectiones.

Præterea opponunt Judæi: Repugnat gloriæ promissi Reparatoris humilis Nazareni fortuna, maxime mors contumeliosa, in quam omnes conspirarunt, viri etiam probi Synagogæ, & principes sacerdotum. Quis enim credat universos Regem suum ac ducem, illumque beneficium & optimum interfecisse?

Resp. & Jesum gloria & honore circumdatum. Excepit in cunabulis munera gentium, sedit puer in medio Doctorem, apparuit gloriosus in Thabor, fugit in montem ne raperetur ad thronum, percepit ex ore infantium hosanna, divites funus ejus curarunt, & factum est gloriosum sepulcrum ejus. Igitur gloria, quam de Messia literæ sacri fœderis nuntiant, humilis Nazareus non caruit. Decipiuntur etiam Judæi, dum Christi duplicem adventum nolunt distinguere. Sed ut primus fuerit humilis; despectum & novissimum virorum appellaverat *Isaias*, percussus a Deo, & humiliatum, quasi agnum maturatione immolatum; *quoniam nos erravimus, & posuit Dominus in eo iniquitatem omnium nostram*. Legant miserimi Judæi Prophetæ caput

caput tertium ac quinquageſimum; atque in ipſa Redemptoris humilitate Meſſiæ majeſtatem agnoſcant. Si adverſus illum *aſſiterunt Reges terræ, & Principes convenerunt in unum*, prædixerat hoc David Pſalmo 11. 2. In hoc tamen eſt aliquid quod Judæi erubeſcant, Pilatum Ethnicum hominem nullam in eo adinveniriſſe mortis cauſam. Sacerdotes quoque & Synhedrii principes adverſus Regem ſuum ſteſiſſe, non eſt cur mirentur Judæi, ſi animum ad veterum vaticinia, atque facta præterita advertant. *In lapidem offenſionis*, & in petram ſcandali domibus Iſraelis, atque in ruinam habitantibus Jeruſalem, ponendum Chriſtum, David & Iſaias prædixere. Vide illum Pſ. cviii. & cxviii. hunc vero cap. viiii. Adde Jeremiæ Threnos cap. iii. Reminiſcantur præterea Judæi, majores ſuos etiam adverſus Moſen ſeditiones fuiſſe, molitos, rebelles fuiſſe Davidi, trucidaviſſe Zachariam filium Joſadæ, Jeremiæ falſo crimine mortem intentaviſſe; ſectum ab illis Iſaiam membratim, Micheam traditum cuſtodix, obrutos alios ſaxis. Ita illos, qui ad eam miſſi ſunt, conſuevit Jeruſalem honoribus cumulare. Quid ergo mirum ſteſiſſe adverſus Jeſum Sacerdotes & Scribas, quos tunc temporis ſuperaviſſe majorum omnium flagitia narrat lib. xiv. & xviii. Joſephus, & ferina fuiſſe crudelitate fatetur R. Salomo in Synhedr. & Talmud De ponderibus.

Reponunt aliqui ob hæc peccata dilatum Meſſiæ adventum. Verum dormitant hi, vel delirant. Si enim propter iniquitatem delendam venturus erat Meſſias; cur peccata in cauſa fuerunt quo minus tempore ſtatuto adveniret? Si eſt, ut illum appellant, ISCH COPHER, *Placator*, & *Medicus*; quare poſt reſtitutam ſanitatem, ac pacem, appareat? Si denique ob Judæorum peccata poſt Meſſiæ adventum erat urbs exſcindenda; qui fieri poteſt, ut venerit Juſtorum temporibus, non peccatorum? Dum ergo regnabat iniquitas, adſtitit opportune Redemptor; & ipſa ſclerum magnitudo perficiendam a Jeſu Nazareno redemptionem demonſtrat. Adde quæ cap. i. ad conſimilem objectionem produximus.

Objiunt denique adverſus Jeſu Nazareni miracula, primum hæc commentitia eſſe atque a Chriſtianis conſicta: deinde ſi vera ſunt, fuiſſe patrata magicis artibus, & opẽ dæmonum; plura inſuper Chriſtum mirabilia feciſſe ſublato fraude de templo *nomine* quodam *arcano*: deum ab impiis quoque, & pſeudoprophetis facta non ſemel mira ac ſtupenda.

Poſtremum hoc Judæorum præſidium abſque operoſa velitatione ſubvertitur. Sanioris mentis Rabbini patrata a Chriſto prodigia non denegant. Teſtem appellamus Joſephum, de quo infra, libros Talmudicos *Avoda Zara*, & *Midraſch Coholeth*; & eos, qui Jeſum accuſabant, quod paralyticum ſanaverit die ſabbati. Accedit teſtimonium diſcipulorum Joannis, dæmonum quoque, ac perdiſſimorum hominum,

num, ipsiusque Juliani Apostatæ apud Cyrillum libro vi., nec non Mahumetis in Alcorano Azoara v. xi. xlii. Quænam præterea veritatis argumenta sunt in patratæ a Moyse miraculis, quæ non habeantur in rebus a Christo gestis? Utraque literis consignata sunt, & perfecta coram multitudine populi. Imo, si hæc fas est reponere, facta. Mosis ab ipso primum literis mandata sunt, Christi vero a quatuor Evangelistis. Plura ille gessit in Horeb, in Sina; in solitudine ab omnium conspectu segregatus; is omnia in templo, in urbe frequentissima, & univærsis, vel saltem inculpata vitæ plurimis spectatoribus. Facilius ergo est nobis prodigia Christi, quam Mosis tutari, licet utraque fateamur, neque valeant a Paganis ullatenus oppugnari.

Christi prodigia non esse perpetrata ope dæmonum, manifesto declarant notæ a nobis traditæ lib. x. cap. xx. præsertim quod ille dissolverit opera diaboli, unum Deum prædicaverit adorandum, & ejus discipuli idola confregerint, librosque Ephesiorum magicam artem continentés igne combusserint. Iisdem notis propugnamus veritatem miraculorum Moyfis & Eliæ. Sed plura vide vicesimo capite laudato. Quod effutunt de sublato a Jesu *Nomine Dei arcano*, principio hoc idem refellit, quod modo opponebant, probatque facta a Christo miracula in Dei virtute, non dæmonis. Fabulam tamen narrant mendaciter, impudenterque confictam, dum asserunt nomen illud areanum inscriptum lapidi, cui imposita hærebat Arca, extitisse temporibus Reginæ Helenæ, & custoditum fuisse æreis canibus, aut leonibus. Nam, ut recte Grotius lib. v. de veritate Rel. Christ. n. iv. de re tam insigni, atque admiranda nec libri Regum, nec Paralipomenon, nec Josephus quicquam produnt, neque Romani, qui cum Pompejo Templum intrarunt ante Jesu tempora, tale aliquid invenerunt. Accedit Reginam Helenam Jerosolimam adiisse post regis Agrippæ obitum, & in fabulis istiusmodi insignem deprehendi ignorationem historię. Vide & Huetium Dem. Evang. Prop. ix. cap. xxxix. num. v.

De miraculis, quæ patrata dicuntur ab Ethnicis, recolere quæ scripsimus capite vii. libri primi.

C A P U T IX.

Autographum esse testimonium, quod de Christo perhibuit lib. xviii. Antiquitatum Flavius Josephus.

ILLO demum Judaicam perfidiam revincit, quod honorifice quoque de Jesu Nazareno mentionem fecerit Historicus Judæorum disertissimus Flavius Josephus: qui cap. iv. libri xviii. de Judæorum

Archæo-

Archæologia ſcribit: *Fuit autem hoc tempore Jeſus, vir ſapiens; ſi ſtamen virum illum oportet dicere: erat enim mirabilium operum effector, magiſter hominum qui vera libenter amplectuntur; & plurimos quidem ex Judæis, plurimos etiam ex Gentibus ad ſe pertraxit. Hic erat Chriſtus. Cumque cum a primoribus gentis ſuæ accuſatum Pilatus ad crucem damnaſſet, ab eo diligendo non abſtinuerunt, qui primum cæperant: nam poſt tertium diem rediit ipſe apparuit, cum divini Vates hæc aliaque quamplurima admiranda de eo prædixiſſent. Neque ad hanc diem deſecit denominatum ab eo genus Chriſtianorum. Quoniam vero inſigne iſtud Chriſtianæ Religionis monumentum non Judæi tantum, ſed etiam Chriſtianorum permulti labefactare tentarunt; de illius autographia inſtitui hoc loco diſſerere.*

PROPOSITIO I. Teſtimonium hoc Flavianum genuinum eſt, non ſuppoſitum atque inſertum.

Demonſtratur. Autographus cenſendus eſt locus ille Joſephi, ſi illum ex vetuſtis, nec interpolatis Mſs. exceperint Patres, & Hiſtorici præclariffimi: ſi perpetua traditione uſque ad annum MD. fuerit probatus: ſi demum ſuppoſitionis notæ, quas ſubmoſi Critici aſſerunt, nullius ſint roboris, ac firmamenti. Hujus generis eſt productum Flavii teſtimonium. Igitur eſt autographum. Probatur minoris pars prima. Antiquiſſimus omnium, qui data opera vetuſtos libros perlegit, & Bibliothecas, reſtituta per Conſtantinum Eccleſiæ pace, incredibili diligentia luſtravit, eſt Euſebius Cæſarienſis. At iſ teſtimonium illud profert lib. 111. Demonſtrat. Evangelicæ cap. 5. & lib. 1. H. Eccl. cap. 10. Fatentur id Adverſarii, & respondeant aut Euſebium in Mſs. interpolata incidiffe, aut fraude inſignem locum ſuppoſuiſſe. Verum ſomnia hæc ſunt, ſolemnesque impoſturæ. Principio Euſebius uſus eſt antiquiſſimo Codice Jeruſolymitano, quem depravatam immerito ſuſpicantur. Deinde extat hoc teſtimonium in Mſs. omnium antiquiſſimis Bibliothecæ Palatinæ, in aſſervato in Bibliotheca Cæſareæ, & olim Conſtantinopoli comparatum ab Augerio Buſbequio, in duobus Bibliothecæ Medicæ, quæ ſedula animadverſione verſarunt docti viri Iſaac Voſſius, & Emericus Bigotius, in eo quod legit Hieronymus, alio ab Euſebiano, ut demonſtrat Carolus Daubuz; in illo, quod latinum reddidit M. Aurel. Caſſiodorus, qui proſecto non arripuit deterioris notæ exemplaria. Ex quibus immotum ſtat judicium Baronii ad annum Chr. XXXIV. verofiſimilius eſſe a Judæis fuiſſe expunctum, quam a Chriſtianis inſertum, quod Hiſtoriæ Eccleſiaſticæ Parens nititur etiam probare ex vetuſtis membranæ cuſuſdam Codicis ex Græco in Hebraicum tranſlati, ubi liquet fuiſſe abraſum: quamquam illius hiuæ periochæ ratio alia poſſit proferri, & Codex forte fuerit non Flavii, ſed Gorionidis. Præterea ſi hunc textum ſuppoſuiſſet Euſebius, faciliſſimum fuiſſet cum Judæis, tum aliis tam apertam fraudem convincere: erant

To V.

H

quippè

quippe tunc temporis ad omnium manus Codices probatissimæ antiquitatis. Postremo, ut ratiocinatur Valesius, cui bono Eusebius id confingere voluisset? An ex testimonio Iosephi pendebat Christi divinitas? Priorem ergo partem corroborant argumenta fati obvia, & palmaria.

Pars altera per se constat; nam testimonium Flavianum laudarunt S. Hieronymus de Script. Eccles. Hegeſippus lib. 2. de Excidio Judæorum cap. 12. Rufinus in Versione Eusebii edita per beatum Rhenanum, Isidorus Pelusiota lib. 4. Ep. n. 225. Sozomenus libro 1. H. Eccl. cap. 1. Nicephorus Callistus lib. 1. cap. 34. Zonaras lib. 1. cap. 4. Freculphus Tom. 2. Chronic. lib. 2. cap. 5. Vincentius Bellov. lib. vii. atque omnes alii usque ad Hubertum Gifanium, & Lucam Osiandrum, qui duo omnium primi communem hanc fidem conati sunt elevare. Posthac vero etſi varias fortunas subiit, & Osiandrum secuti sunt Salmasius, Blondellus, Tanaquillus, & alii: comprobarunt tamen vetustam sententiam Picus Mirandulanus, Sixtus Senensis, Bellarminus, Feuardentius, Possévinus, Huetius, nec non Centuriatores Magdeburgenses, Georgius Callistus, Schikardus, Vossius, Ufferius, & alii innumeri, quos omnes collegit, & vindicavit Carolus Daubuz lib. 1. eruditi Operis de hoc argumento exornati. Nullus ergo ante sæculum sextum decimum de veritate Testimonii Flaviani nutavit.

Tertia pars ostenditur explodendo conjecturas Osiandri, Tanaquilli & Blondelli, quas etiam attulit in nova Bibliotheca Elias Dupinius. Prima petitur ex silentio Veterum. Neque enim Iosephi testimonium urget adversus Tryphonem Judæum S. Martyr Justinus, neque S. Clemens Alexandrinus, qui plura ex eodem auctore in præsidium Fidei Christianæ produxit; neque Origenes, qui potius miratur in Commentariis super Matthæum perhibere Iosephum magnificum de Jacobo testimonium, & Christum Dominum præterire silentio. Sed obijciunt maxime silentium Photii, qui cum omnia, quæ scripsit Iosephus recenseat, de loco tam insigni nec verbum quidem.

Verum hæc prior argutatio facile revincitur. Nam primo negativum argumentum est, nec ad faciendam firmitatem idoneum. Deinde quantum ad Justinum attinet, ejus cum Tryphone concertatio, non erat an Jesus extiterit, patraueritque miracula, quod ultro Judæus fatebatur; sed an illi divini deberentur honores, cultusque latræ: neque ullo profanorum Scriptorum testimonio Justinus impetie adversarium, sed illum provocat ad sola oracula Prophetarum. Ob priorem rationem illud prætermiserit S. Clemens Alexandrinus, cujus tamen opera complura depcrierunt hoc fortasse testimonio minime destituta. Ea de causa, quod præcis sæculis nulla Christianos inter, Judæosque verteretur quæstio de Christi existentia & patratu ab eo miraculis, sed de missione atque divinitate, ac tantum ageretur de sensu divi-

divinarum ſcripturarum, Tertullianus, alique illud teſtimonium prætermiſerunt. Origenes tam in comment. Matthæi, quam in primo adverſus Celfum ſcribit Joſephum noluiſſe credere in Chriſtum, atque id mirum eſſe, quod cum deſcriberet Urbis excidium, hujus cauſam potius tribuerit neci Jacobi, quam ipſius Chriſti: quod arguit tantum Judaicam perviciam; nec elevat præcedens teſtimonium, ſed potius corroborat. Sunt enim Græca Origenis verba, quæ Faber haud recte latine profert: *ὃ τὸ θαυμαστὸν ἐστίν, ὅτι Ἐπειδὴ ἡμῶν ἡ καταδικάζουσα ἡμεῖς Χριστὸν, ὡς ἡ ἡμεῖς ἱκανῶς δικαιουμένη ἡ μαρτυρία περὶ αὐτοῦ. Ἀπὸ δὲ ὅτι ἡ οὐ λανθάνουσα διὰ τὸν Ἰάκωβον πεπεσμένη.* *Atque illud mirandum eſt, quod Jeſum noſtram noluerit ſateri eſſe Chriſtum, & tamen Jacobo teſtatur ſi fuiſſe tam eximiam juſtitiam. Ait enim quod populus ratus eſt hoc ſe propter Jacobum fuiſſe perpeſſum.* Et ſane id mirum eſt; quoniam Joſephus & Chriſti celeberrimum nomen audierat, & paulo ante de eo ſcripſerat tam præclara. Colluſtrat verba Origenis Theodoretus ſcribens in Comment. ad Danielelem: *Ἰωάννης δὲ ἱδρῶς τὸ μὴ χρεῖσταινὴν ἡ δεξιότατος κίρρυμα, τὸν δὲ ἀλδιότατον πρῶτον ἰνα ἀνιχίμους. Joſephus. Ebraeus Chriſtianam capere noluit profeſſionem, & tamen veritatem occultare non potuit:* quæ poſtrema verba ſumma fraude præterierunt Adverſarii, ut etiam Theodoretum nomine abuterentur,

Ad Photium quod attinet, ſunt qui cum Hadriano Valeſio cenſent illius Bibliothecam eſſe tertia ſaltem parte interpolatam. Sed vera eſt reſponſio, Photium ſola librorum Flavii argumenta perſcribere. Videtur etiam hoc teſtimonium non ignoraviſſe, cum iſdem verbis de Chriſto loquatur Codice ccxxxviii., quamquam Joſephi eo loco non meminit. Sed quæ ibidem addit de Iacobo omni proculdubio ex Joſepho mutuatus eſt, quoniam is ſolus tradidit ob Jacobum eveniſſe Jeruſolymitanum excidium. At id etiam Photius reſert reticens nomen Hiſtorici. Quomodo ergo ex Flavio exſcripſit quæ habet de Jacobo, ita ex eodem Scriptore Chriſti teſtimonium excerptiſt, ut collatis verbis eruditi Critici demonſtrarunt. Itaque ex ſilentio Photii aut nullum deducitur argumentum, aut retorquetur in Adverſarios. Sed inquitur Codice xlviii. abjudicat Photius Joſepho librum de *Univerſo*, quod ibidem fermo ſit de æterna Chriſti generatione. Reſpondet in Epistoſta ad Sebaldum Snellium Adam Rupertus Photium cum excerptet libros Belli Judaici, & alterum ſuppoſititium de *Univerſo*, nondum legiſſe libros Archæologiæ, in quibus extat celebre teſtimonium. Cur enim alii interpoſiti eſſent a Photio Auſtores xxvii.? Addunt alii loqui Photium non ex propria ſententia, ſed aliena; inquit enim, *ambigendi forteſſe cuiſiam cauſam præbeat, &c.* Ut meam non omit-tam opinionem; potuit Joſephus credere in Chriſti ſapientiam, virtutem, & reſurrexionem, & non in generationem divinam, quæ ſuperat rationem omniæ humanam. Ex quo ergo non potuerit homo

a fide alienus sempiternam Christi generationem edisserere, atque id sit certum indicium suppositionis libri *de Universo*, nequit inferri suppositum esse testimonium, in quo Jesus appellatur sapiens, & mirabilem effector, & ejus divinitas ambigue tantum innuitur illis verbis: *Si tamen virum illum oportet dicere*. Peto denique qualem supra Eusebium Photius habeat auctoritatem, ut pluris hujus silentium, quam illius assertio, sit faciendum?

Reliquæ notæ suppositionis ab Adversariis confictæ sunt, incredibile esse homini Christianæ Religionis inimico tam singularem Christi commendationem excidisse. Primo, quia cum absolute hujus loci confarcinator scribat de Jesu Nazareno, *Et hic erat Christus*; manifeste Christianum se prodit. Deinde ea verba, *Si tamen virum illum oportet dicere*, Christi etiam divinitatem contestantur. Præterea Josephus de Bello Judaico tribuit Vespasiano quæ de Messia prædixerant sacri Vates: quomodo ergo potuit in libris Antiquitatum alium Christum celebrare?

Respondemus Josephum, etsi erat non solum Judæus, verum etiam Phariseus genere, & a Christiana religione alienus, potuit, ac debuit de Christo honorifice loqui, ut boni Historici impleret partes, ut illum, cujus causa tam mira contigerant, silentio non præteriret, ut scribens hortatu Epaphroditæ Liberti Neronis, qui nomen dederat Christo, hunc famæ percelebrem reticendo non videretur religionis causa, & studio partium rem notissimam, præclarissimamque contemnere. Illius ergo, quomodo & præcursoris Joannis, & Jacobi, debuit meminisse. Quia tamen non credebatur in Christum, non ait illum non fuisse revera purum hominem, sed oratorio more, versataque oratione inquit, *Si tamen virum illum oportet dicere*. Propterea dum ait, *ὁ υἱὸς τοῦ θεοῦ, Is erat Christus*, subaudiendum est, *λέγοντες*; ut sensus sit, *Is erat, qui appellabatur Christus*. Resurrectionem Jesu per multis testibus comprobata, & Christianorum multitudinem, quæ sua ætate jam creverat, non poterat præterire qui aut ingenuus erat, aut talis saltem apud Flavios, ceterosque haberi percipiebat. Quid insuper, si accessit singularis divini Numinis impulsus, quo & Caiphas, & Judas, & Pilatus, & etiam dæmones testimonium Christo perhibere? Vespasianum aut Messiam Josephus crediderit, aut eundem adulatoria laudatione devinxerit, nostra nil refert. Fatemur quippe in Christum non credidisse, & de Jesu Nazareno celebrasse, quæ attentis rerum circumstantiis non poterat occultare.

Postremæ notæ suppositionis sunt ex ipsis Flavianis Codicibus depromptæ. Deest enim in quibusdam exemplaribus testimonium, de quo differimus. Et ne putes recentiora hæc esse, opponunt perantiquum Ms. Medicum ex Græco in Hebraicum translatus, aliaque Hebræorum volumina, in quibus desideratur. Addunt filum orationis intersecare.

secare, & loco prorsus alieno insertum esse. Obstant denique stili difformitatem & dissonantiam ab aliis Flaviani scriptis aberrantem.

Verum & hæc inania sunt, & insulsa. Quæcunque enim exemplaria proferant, nequeunt cum iis, quæ supra citavimus, comparari. Ms. Medicum eo ipso, quod hebraice redditum est, Judæi Interpretis damnat fraudem. At Codicem hunc laudavit omnium primus Hebræus Auctor *Prop. Veritatis*, cujus judicium nemo unus receperit. Judæi quippe, dum Josephum laudant, solum Gorionidem intelligunt, hunc in manibus versant, huic præstant fidem: Flavium aut ignorant, aut despiciunt. Haic Gorionidi telis omnium Eruditorum confosso opposuimus Græca autographa, Medicea etiam, quæ diximus versasse. Bigotium & Vossium. Digressiones apud Josephum frequentissimæ sunt; quamquam hoc testimonium loco propriissimo aptatur, ubi de Pontio Pilato pertractat Historicus: passus est enim Christus hoc prædicare. Stili discrepantiam, quam nulli veterum subodorati sunt, negamus: imo cum stilus ipsius testimonii tam sit similis stilo librorum Archæologię, quam frater fratri, sive, ut inquirunt, ovum ovo, etiam ex stilo evincitur esse germanum. Cum itaque juxta præceptiones Criticorum a veteribus Mss. librisque editis nihil sit expungendum, nisi adsint conjecturæ liquidæ, certæ, atque exploratæ: & quas afferunt Osiander, Tanaquillus, Snellius, & alii, perleves sint, infirmæ, & ambigæ; non debet testimonium illud Flavianum expungi.

PROPOSITIO II. Stilus prædicti Testimonii genuinus est, & per omnia phrasi Flavianæ conformis.

Demonstratur. Dignoscitur alicujus Auctoris stilus ex verbis, verborumque complexu. At si attendantur verba, siue illorum complexio, stilus hujus testimonii redolet phrasim orationemque Josephi. Ergo stilus hujus Testimonii germanus est, ejusque, cui tribuitur, Auctoris. Probatur minor. In antiquioribus Græcis Codicibus Testimonium illud ad hunc modum se habet. *Γίνεται ὃ κατὰ τούτων ἡ χρίσις ἡτοιμασμένη ἀπὸ τοῦ Θεοῦ*: *Fait autem hoc tempore Jesus vir sapiens*. Utitur Josephus propositione hujus phræseos, *Γίνεται δὲ*, quotiescumque abrupto orationis stilo res alias inserit. Ita lib. xviii. cap. 12. convertens orationem ad res Babylonicas exorditur, *Γίνεται δὲ πάλιν τὸ ἐν τῇ μεσοποταμίᾳ*, &c. *κατὰ τούτων ἡ χρίσις* idem est, ac *κατὰ τούτων τὴν καυρήν* lib. xiiii. cap. 9. & *κατὰ δὲ τὴν χρίσιν ταύτην* lib. xiii. cap. 21. *ἡτοιμασμένη* non ignotus Josepho, cum de Jacobo scribat fuisse fratrem *ἡνὶ λεγομένου Χρῆστοῦ*. *Χρῆστις* ἀπὸ ejusdem generis est, ac *δίκαιος ἀνὴρ* lib. i. cap. viii. & *ἀγαθὸς ἀνὴρ* lib. xviii. cap. 7. Proximis verbis *ἡτοιμασμένη ἀπὸ τοῦ Θεοῦ* *χρίσις*. Si tamen virum illam oportet dicere, consimilia sunt, quæ habet de Mose lib. iii. cap. 13. & de Eliseo lib. ix. cap. 9. Quæ sequuntur, *ἡ γὰρ παραδείξις ἔργου πνεύματος*, *Εἶπε* enim mirabilem operum effector, conveniunt cum aliis lib. ii. cap. 5. nec debent rejici ex quo Josephus non crediderit in Christum; cum similia

similia protulerint Pharisei apud Ioannem xi. 47. In iis, quæ subjiciuntur διδάσκαλοι ἀνδρῶν τῶν ἰδού τὰ λαοῦ δεχόμενοι, *Magister hominum, qui vera libenter amplectuntur*, perperam causantur putidam eloquentiam; sunt enim similia iis xvii. cap. 14. τῶν ἀνδρῶν τὶ ἰδού δεχόμενοι. Sequitur: Καὶ πολλοὶ μὲν Ἰουδαῖοι, πολλοὶ δὲ καὶ ἰδιαιτέρως ἐπηρώτων, *Et plurimos quidem ex Judæis, plurimos etiam ex Gentibus ad se pertraxit*. Extat phrasis huic simillima in libro Vitæ suæ, & in ii. contra Apionem. Verbum autem ἐπηρώτων, quod Adversarios nonnihil movet, eodem sensu usurpatur lib. xiii. cap. 22. xvii. 14. & xviii. 8.

Sequitur, ἡ χρεὶς αὐτῆς ἐστίν. Nil hic difficultatis, si subintelligatur λόγος, ut diximus; quo sensu scripsit Pilatus: ὁ βασιλεὺς τῶν Ἰουδαίων. In subjectis verbis de Christi damnatione ad Crucem obiectant aliqui phrasim ἀνδρῶν παρ' ἡμῶν, non animadvertentes eandem haberi lib. xv. cap. 3. & de Bello Jud. lib. iii. cap. 25. Quod sequitur οὐκ ἐπαύσαντο ὕψι αὐτοὶ ἀπαύσαντες, *Nec deseruerunt qui primum diligere cæperant*, rejici non debet tanquam spurium, ob similem loquendi formulam lib. vii. cap. 10. & lib. viii. cap. 6. Quæ ad Christi prodigia attinent τῶν δεινῶν ταῦτα, καὶ ἄλλα μύρια δεινότησα παρὰ αὐτοῦ, *Hæc, aliaque plura admiranda de eo &c.*, inveniuntur partim lib. xviii. Ant. cap. 10. partim in 2. contra Apionem. Postrema verba ἕως τοῦ τῶν Χριστιανῶν ἀπὸ τοῦδε ὡνομασμένοι οὐκ ἐπίλειπε τὸ ὄνομα: *Ad hunc usque diem non defecit denominatum ab eo Christianorum genus*, præferre genuinam phrasim liquet ex libro 1. de Bello Judaico cap. 4. & lib. vi. cap. 13. Adeat, qui plura desiderat, librum secundum Daubuzii.

Opponit Faber: ait Auctor Testimonii Ἰησοῦς τῆς, *Jesus quidam: cur utitur eo pronomine, si illum haud ignorabat? ὄνομα vero, cum sit a ὄνο, gigno, convenire nequit sectæ hominum ex Judæis, gentibusque constatæ. Cetera omnia præoccupavimus.*

Resp. pronomen τῆς desiderari in pervetustis codicibus, & omitti ab Eusebio in Dem. Evang., Rufino, & aliis: quamquam si illud recipias, parum interest; cum idem pronomen a Iosepho addatur Abrahamo lib. i. cap. 8. Jeroboam lib. vi. 11. cap. 2. & Nehemiæ lib. xi. cap. 5. Τὸ ὄνομα autem usurpatur etiam de Judæis, & Idumæis ab Hieronimo in unam gentem coactis lib. xi. 11. cap. 17. neque debemus in Scriptoribus unumquodque vocabulum ad originis etymon tantummodo expendere.



C A P U T X.

Quibus argumentis Gentiles ad credendum in Chriſtum ſint pertrahendi.

UT Pagani & Gentiles convertantur ad Chriſtum eadem argumenta idonea ſunt, quæ pro veritate Chriſtianæ fidei in libro XXI. fuere producta. Si enim abjicienda eſt ſuperſtitioſa plurium Deorum religio, Mahumetis ſeſta, & Jadaica obſervatio, conſequens eſt tenendam eſſe fidem in Chriſtum. Sed alia nunc argumenta proponam, brevique contexam, quæ poterit Lectorum ingenium reddere ratiocinio, & dialectica arte ampliora.

A R G U M E N T U M I.

Primo demonſtratur ex ipſa Chriſti perſona nil falſi de ſe prædicæſſe, & divinitus formatam legem tradidiſſe. Hunc Jeſum inter Judæos vixiſſe imperante Tiberio, teſtantur lib. xv. Hiftoriarum Tacitus, Suetonius in Claudio, Plinius junior lib. x. Epift. 97. Judæi omnes hoſtes in Chriſtum inſenſiſſimi, & Scriptores cujuſque ordinis. Conſtat natum in Judæa jam a Romanis ſubacta, regio quidem genere, ſed parentibus pauperrimis, exiguo Bethlehemi pago. Nulla ipſi humanæ gloriæ amplitudo, non Regum ac principum favor & gratia, non copia divitiarum, non Sacerdotum, ac Sapientum conſuetudo, non plebis obedientia. Mariæ filius fuit, Fabri proles appellabatur, ſocios ſibi adſcivit pauperulos piſcium captura victitantes. Præſide Pilato in cruce pendit, atque inter latrones efflavit animam. Poſt tale genus mortis, pauperes illi, quos in ſui contubernium vocaverat, cum eſſent antea timore percuſi, ignari ac deſpecti, exemplo facti Evangelii præcones hominem illum Crucifixum prædicantes Judæorum, atque Gentilium innumeros ad eum pertraxerunt. Propitio aliquo potentiſſimo Numine hæc perfeceiſſe omnis ratio ſuadet. Si enim prædicatores ipſos intuearis, neque humana virtute, neque armis, neque muneribus ſeſtatores innumeros naſti ſunt. Si inſpicias conſuentes ad ipſos, erant prius Crucifixi hoſtes acerrimi, invitabantur ad ignominiam ac mortem, derelinquebant parentes, filios, uxores, agros, & inditam a prima ætate religionem. Ad hoc ſane non trahebantur inſtitutis majorum, non rerum terrenarum cupidine, & voluptate, non vi educationis, non Apoſtolorum ſæculari dignitate & imperio. Trahebantur itaque occulta veritatis vi, & unius Numinis poteſtate.

A R G U M E N T U M II.

Sensim a conditione Personæ descendimus ad prædicationem Evangelii, qua Apostoli Jesum Crucifixum universo Mundo annuntiaverunt. In hac Christi veritas, atque divinitas demonstratur ab Augustino lib. XXI. de Civit. Dei cap. 7. quoniam Apostoli eo tempore, quo maxime florebat eruditio, annuntiantes resurrectionem Christi, & ascensionem in cælum, & mysteria quæ humana ratio non percipit, terrentibus etiam, & contradicentibus tam magnis, & tam multis persecutoribus, effecerunt, ut a viris sapientissimis Christus adoraretur, & firmissime crederetur secutura ad novum sæculum resurrectio, atque immortalitas carnis. Corroborat idem argumentum Ambrosius scribens in caput v. Lucæ divino consilio factum esse, ut Christus eligeret non sapientes aliquos, non divites, non nobiles, sed piscatores & publicanos; ne videretur aut prudentia, aut divitiis, aut potentia & nobilitatis auctoritate aliquos ad fidem suam traduxisse. Perpendit Chrysostomus in Oratione *Quod Christus sit Deus*, quod pro universi conversione Christi discipuli non moverunt arma, non impenderunt pecunias, neque exercituum multitudine usi sunt, sed verbo simplici, nudipedes & ignari potuerunt mutam reddere linguam Philosophorum, Rhetorum ora constringere, Principes ac Reges convertere, atque Barbaris Græcisque imperare. Addit divinum esse ad unam Religionem carni ac sanguini reluctantem pertrahere humanum genus absurdis moribus, atque malis innumeris irretitum. His accedit ratio D. Thomæ lib. 1. contra Gentes cap. 6. deprompta autem ex Augustino citato libro XXI. de Civ. Dei cap. 5., quoniam vel Apostoli res credibiles prædicarunt, & stolidi sunt atque inexcusabiles qui non credunt vel prædicaverunt res incredibiles, atque ita jam aliquod incredibile admittitur, nempe Mundum tam firmiter illud credidisse, quod est incredibile.

A R G U M E N T U M III.

Non solum, inquit eadem Oratione Chrysostomus, illud stupendum divinumque, quod per totum orbem illiterati, ineloquentes, obscuro, & facultatibus, robore corporis, præcellentia gloriæ, atque vehementia rhetorices privati ædificaverint Christianam Religionem; verum etiam quod illam invictam firmissimamque reddiderint. Quantumvis enim Romani usque ad Constantium Imperatores, alique Tyranni infestaverint Christi Ecclesiam; prævaluit semper adversus portas Inferi, ut recte ad Tyrannos scripserit Tertullianus cap. 1. *Apolog. Plures efficitur, quoties metimur a vobis*. In illis vero hostium machinationibus magis divina virtus apparet, si advertas victis, fugatis,

tis , & martyrio affectis Chriſti Apoſtoliſ & diſcipuliſ , Chriſtianoſ perpaucos , timidoſque indutos virtute ex alto evaſiſſe ſtudioſiores , & dum fluereſ torrenteſ ſanguiniſ ſuorum , redditos fuiſſe ferventioſeſ . Illud etiam ſtuporem adaugēt , quod Chriſto nomen dederint perſecutoſeſ , adverſarii , carnificeſ , liſtoſeſ ac militeſ Chriſtianorum morti inhianteſ . Taleſ fuerunt Pauluſ de cœlo proſtratoſ , dum pergeret in Damoſcum adverſuſ Chriſti fideleſ , Juſtinuſ Philoſophuſ præſtantiſſimuſ ad Chriſtum converſuſ , dum ſpectaret martyreſ intrepide ad mortem deferri , Claudiuſ Tribunuſ converſuſ ad Chriſtum , dum Chryſanctum , & Dariam torqueret , Romanuſ in martyrio Laurentii baptiſmuſ flagitans , Evilaſiuſ idolorum ſacerdoſ cum virgine Fauſta obtruncatuſ , aliique propemodum infiniti . Creſcunt portenta , dum recolimuſ etiam mimoſ , cum myſteria noſtra irriderent , repente divinituſ illuminatoſ pro illorum confirmatione ſubiſſe martyriuſ : ut narrant de Gineſio ſub Diocletiano , de Ardalione , & de Porphyrio ſub Juliano Apoſtata . Tantum ergo fidei Chriſtianæ incrementuſ in hiſ circumſtantiſ , atque ex hiſ principiſ profeſſum Chriſti doctrinam , virtutem , divinitatemque corroborat .

ARGUMENTUM IV.

Invictiſſimuſ Chriſto teſtimoniū perhibent miracula patrata ab ipſo , & ejuſ diſcipuliſ : quæ a ſolo Deo fieri in confirmationem veritatiſ alibi demonſtravimuſ . Narrantur complura in libriſ Evangelioſorum , & in Actiſ Apoſtoliſ . Faſta non fuiſſe ope dæmonum , demonſtratuſ eſt ex quo fuerint perfectæ ad diſſolvenda opera diaboli . Non fuiſſe præſtigiaſ & ludificationeſ ſenſuum , evincitur , quod patrata fuerint ſpectante omni populo , in urbe frequentiſſima , coram calumniatoriſ iſpſiſ Chriſti inimiciſ . Accedit , quod illorum nonnulla experimento comprobata ſunt ; nam Lazaruſ , quem e ſepulcro quatriduauſ Dominuſ ſuſcitaverat , ne putaretur phantaſma , coram omnibuſ loquebatur , & epulabatur , ut ad eum confluereſ Judæi ſtupore percuſſi . Vide Joanniſ caput xi . & Tractatuſ Auguſtini xli . & l . Cæcum quoque a nativitate illuminatuſ a Chriſto , de quo idem Evangeliſta , cap. ix . , poſt iſpſiſ confeſſionem , ac teſtimonia parentum occultare non potuerunt Phariſæi . Conſiſta hæc , & alia plura a diſcipuliſ nulla ratione credi poteſt . Primo quia edita a Chriſto prodigia negare non audent inimici Chriſtiani nominis , ut Celfuſ apud Origenem libro 2 . , & Julianuſ Apoſtata apud Cyrillum libro 6 . Deinde quia Petruſ commemorando Iſraelitiſ virtuteſ Chriſti , ut legimuſ in Act. Apoſtoliſ cap. 2 . & 4 . convertit in una tantum concione tria millia virorum , in altera quinque millia : incredibile autem eſt , hoſ omneſ fiſtiſ prodigiſ fuiſſe commotoſ . Præterea cum Apoſtoli hæc prodigia narrarent , nunquam

tanquam mendaces a populis, inter quos evenerant, repulsi sunt; sed potius tanquam præstigiatores, atque malefici. Ad hæc Evangelistæ, qui Christi miracula mandarunt literis, non præmittunt illius paupertatem, ignominias, odium apud Sacerdotes ac principes, probra, derisiones, extremumque supplicium; ut plane constet noluisse in Magistri gratiam mentiri. Tandem cui bono hæc discipuli confingere? Non utique ob temporale commodum, cum pro nomine Christi persecutiones, contumelias, & mala innumera paterentur; neque ob meritum, legisque suæ observationem, cum mendacium & falsum testimonium prohibeat omnis Religio, & præsertim Christiana.

ARGUMENTUM V.

Petitur firmissimum argumentum ex Christi resurrectione: quam tribuere non possunt contactui alterius corporis, quoniam Christus sepultus est in monumento, in quo nondum quisquam positus fuerat: nec affirmari potest sublatum Christi corpus per subterraneos cuniculos, cum fuerit monumentum illud excisum in petra: nec sublatum ex ostio, cum lapis signatus fuerit, & munitus custodibus. Quod vero custodes ipsi pecunia corrupti dixerint sublatum dum dormitarent, Judæorum perviciam fraudemque per se commonstrat. Quis enim, ut Augustinus ratiocinatur in Psalmum 63., *dormientes testes adhibes*? Nihil est quod huic argumento inimici veritatis reponant. Si enim dixerint Christum non fuisse mortuum, revincuntur ex guttis sanguinis & aquæ, quæ exierunt ex corde ejus lancea transfixo; nam impossibile est hominem, posteaquam sanguis totus effluxit, vivere corpoream vitam. Si resurrectionem ipsam pernegaverint, refutari poterunt nube testium; nam D. Paulus in 1. ad Corinth. cap. xv. 6. provocat ad quingentos. His addimus testimonium Flavii Josephi viri a Christiana Religione alieni. Adde quod Apostoli minime mentiti sunt, ut demonstravi superiori argumento. Discipulos ob simplicitatem credidisse rem falsam, nemo jure arbitrabitur, qui animadvertat diu & ipsos fuisse incredulos, donec vulnera Nazareni palparent. Corrupuisse illos pecunia militem custodem sepulcri, ut magistri famæ confunderent, & emortui corpus subripuisse, nullam habet imaginem veritatis. Si enim ipsos discipulos intueamur, suffixo cruci Magistro, dispersi, timideque aufugerant, nec poterunt post tam immane supplicium, qui ad satellitum adventum, & ancillarum vocem trepidaverant, tantum facinus aggredi, a fastu etiam, nominisq; gloria abhorrentes. Si vero ad Judæos animum convertamus, ii, annuente Pilato, *munierunt sepulcrum signantes lapidem cum custodibus*, cumque id fecerint quia Christus prædixerat se post tres dies resurrecturum, si Apostoli cadaver subripissent, id facile comprobassent, eosque apud præ-

sidem

fidem accuſaſſent de fracto, violatoque ſigillo. Si denique rei inſpiciamus eventum, cum mora ſit furtis contraria, accedentes ad monumentum non explicafſent ſudarium & linteamina, quæ diſjuncta in ſepulchro inventa ſunt, ſed abſque mora aſportafſent corpus ſindone involutum & colligatum. Sed plura de hoc argumento in laudata Oratione Chryſoſtomus. Vide inſuper Danielem Huetium Demonſt. Evangelicæ Propoſ. 1x. cap. 142. Thyſum Gonzalez de Verit. Relig. Chriſti lib. 1. cap. 7. & H. Grotium lib. 1 l. n. 5.

ARGUMENTUM VI.

Proxima eſt argumentatio petita ex oraculis, quæ ab exordio mundi omni ætate Judaico populo Chriſtum prænuntiarunt. Ea in præmiſſis diſputationibus ſatis expendimus. Tam multa ac præclara habere ſolum Deum auctorem, qui ſolus futura omnia intuetur, neque comparanda eſſe cum ambiguis, & flexiloquis idolorum reſponſis, probatum eſt de *Angelis* capite xii. Nec Judæis tantum prænuntiatus eſt adventus Chriſti, ſed etiam Gentibus, ut Moabitæ a Balaam, & 2. Job Idumæis. Etiam in ſui perniciem ex vaticiniis Prophetarum demones ſuam per Chriſtum everſionem veritate cogente nuntiarunt. Proditurum ex Judæa dominatorem univerſi fuit, imperante Auguſto, opinio tam pervulgata, ut de ea ſcripſerint etiam profani ſcriptores Tacitus, & Suetonius, ut diximus capite libri hujus octavo. Orta hinc quorundam opinatio Veſpaſianum eſſe Chriſtum, ſed quoniam in illum minime quadrabant oracula, his perlectis Jeſum Nazarenum agnovere viri etiam percelebres, ut Verianus Piſtor, & Marcellus Orator. Accedit ante Chriſtum celebriora oracula obmutuiſſe, quod factum iri in ſignum adventus Meſſiæ prædixerat Zacharias xiiii. 2. Hinc Apollo fertur Auguſto cauſam ſilentii ſciſcitanti hoc dediſſe reſponſum :

*Πᾶς ἱσθῆς κἀταί με θεὸς μακροτέρῳ αἰῶνι
Τὸν δὲ δέμῃ ἀποστῆναι, ὃ ἀΐδω αὖδ᾽ ἐνὶ νῦν.
Αὐτὸς ἀνδιστῶν ἐν δέμῃ νῦν τῆρας.
Me puer Hebraus Divos Deus ipſe gubernans
Cedere ſede jubet, triſtemque redire ſub Orcum:
Aris ergo debinc taciti diſcedite noſtris.*

Vide Nicephorum lib. 1. Hiſtor. cap. 17. Suidam in Auguſto; & Baronium in App. Ab his ſe deluſum queritur Hyacinthus Serry Exercit. xxxii. fidem mendacio dediſſe aliquando. Etenim, inquit, jam ab ipſa Ciceronis ætate cœpit Delphicum oraculum eſſe minori in pretio, ut ait idem Cicero 2. de Divinat. perſitiſſe tamen etiam ſub Trajano colligitur ex Plutarcho. Suetonius præterea narrat reſponſum datum Neroni, Philoſtratus Apollonio, Dio Chryſoſtomus Hadriano. Aliud oraculum ſeſtiviſſimum commemorat Spartianus. Eusebius denique

lib. 11. de Vita Const. cap. 45. stetit profitemur Oraculum Delphicum ad sua usque tempora. Ex quibus putant Critici complures falsissimum esse quod præmisimus de Augusto, quandoquidem longe ante Christum minore gloria erat oraculum Delphis, nec penitus post Christum obmutuit. Verum hæc, quæ putantur invictissima, nullius omnino sunt roboris. Nam etiam ab anno 3589. desierunt Prophetæ in Israel, quod signum erat non diu perseveraturam legem Mosaicam: atque ita nonnullis ante Christum annis cessavit. apud Idololatrias oraculorum celebritas in signum divini Verbi proxime nascituri. Et quemadmodum, posteaquam cessarunt celebriores Prophetæ, nonnulli singulari Dei munere prophetarunt, ut Simon, Anna, Agabus: ita, postquam desit Delphici oraculi frequens rumor, & celebris existimatio, aliqui impii, occulto Dei iudicio, dæmoniorum responsis decepti sunt.

ARGUMENTUM VII.

Accedunt testimonia non solum virorum sanctitate ac religione illustrium, sed etiam hostium Christiani nominis. De Celso Epicureo, Juliano Apostata, Flavio Iosepho, & Mahumete dictum supra. Ad dimus Acta Pilati, quo Præsides Christus Jesus affixus est Cruci. In his Romanus Præfex tam insignia de Jesu Nazareno nuntiavit, ut Tiberius, de illius Apotheosis ageret apud Senatum. Haud me latet spuria & conficta hæc censerî a Criticis plurimis, quorum argumenta collegit in Apocryphis N. T. Fabricius, Clericus ad annum xxix. n. 94. & Samuel Basnagius ad annum xxxiii. num. 192. & seqq. sed pugnant adversus istos perantiqui, & celeberrimi Ecclesiæ Patres. Ad hæc enim Acta Gentiles provocavit S. Martyr Justinus in altera ad Antoninum Apologia, Tertullianus in Apologetico adversus Gentes cap. 5. & 21. & Lucianus qui sub Decio martyr occubuit. Eadem firmissime receperunt Eusebius Cæsariensis lib. 11. H. Eccl. cap. 2. Joannes Chrysostomus hom. 26. in Epistolam secundam ad Corinthios, Orosius lib. vii. cap. 4., & quotquot subsequuti sunt Historici ac Patres; ut merito scripserit Petavius in Animadversionibus ad Epiph. p. 87. contrariam suspicionem ne refutationem quidem mereri: & ipse Hyacinthus Serry tantæ in ventilando ambigua monumenta licentiæ, Exercitatione 64. non posse acta Pilati citra summam audaciam in dubium verti. Vindicat ea luculenter in Lect. in Act. sect. 1v. Joannes Pearsonus. Occurram ego Basnagio, qui post Pearsonum edidit Politicos, Criticosque Annales.

Itaque Basnagius cit. num. 192. vellicat Tertullianum, quod cap. 21. Apologetici de Christi resurrectione scripserit, *Ea omnia super Christo Pilatus, & ipse jam pro sua conscientia Christianus, Cæsari tunc Tiberio nuntiavit.* At Pilatus non potuit Tiberium alloqui, cum Romam hoc jam defuncto pervenerit, ut liquet ex Iosepho lib. xviii.

cap. 1.

cap. 1. Nuntiare autem non eſt ſcripto aliquem adire, ſed verbis . Incredibile præterea eſt Pilatum narraſſe Chriſti reſurrectionem, quia tam Judæi, quam milites, apud Matth. xxviii. 13., nuntiaverant fuiſſe illum diſcipulorum fraude ſublatum . Hæc fuſiori ſtilo Baſnagius . Sed falſum primo eſt verbum *nuntiare* interdum non uſurpari etiam latiniſſime pro narratione facta per literas, ut conſtat ex libro 1. epiſt. 17. Ciceronis ad Atticum . Deinde quis ignorat Tertulliani ſtilum eſſe aſperum & ſalebroſum, & ubique novatis verbis tumefcentem? Quod attinet ad reſurrectionem; ſi Præſes milites interrogavit, & audivit cadaver Chriſti ſubreptum iſtis dormientibus, quod audito terræmotu, ſparſoquetantæ novitatis rumore, proculdubio quæſivit; nonne ſtatim illorum deprehendit malitiam, qui teſtes dormientes proferrent? Atque id reddidit Pilatum etiam propria conſcientia percuſum in veritatis diſquiſitione ſollicitum, atque in male curatas excubias ſeveriorem . Non tamen affirmo Chriſtianam fidem fuiſſe amplexatum, quandoquidem ſua phraſi appellat Tertullianus *conſcientia Chriſtianum*, qui veritatem non denegat . Habes conſimile exemplum eodem libro Apoſtolorum cap. xviii. explicatum a nobis Tom. 1. pag. 52.

Nititur Baſnagius ſeq. num. 193. demonſtrare, nunquam Tiberium poſtulaſſe a Senatu Chriſti apotheoſim, primo quia in Judæos inſenſus erat. Deinde quia ſi poſtulaſſet, proculdubio obtinuiffet: & Senatus minime id denegaſſet . Ultimo quia principes mortuorum non invident dignitati . Ab his vero facile me expediam . Ad primum enim dico Tiberium petendo Chriſti conſecrationem non rem gratam feciſſe Judæis, ſed ingratiffimam, quippe hi Chriſti dedecus & ignominiam optabant, non exaltationem & gloriam . Ad ſecundum & tertium dico non potuiſſe Senatum obtemperare Tiberio, quia Chriſtus unum ſolum Deum coli mandavit, & Deos alienos, quos Romani colebant, coli prohibuit: eſt autem Socratis ſententia, unumquemque Deum ſic coli oportere, quomodo ſe ipſe colendum eſſe præceperit . Vide Auguſtinum de Conf. Evang. lib. 1. cap. xviii. Adde divinum fuiſſe conſilium, ne verus Deus haberet eundem cum Idolis honorem, & ne Religio Chriſtiana poſſet dici auctoritate Romani Senatus, & præſidio hominum propagata . Tertio argumento quid contendat Baſnagius ignoro: nam petere apotheoſim eſt honor erga mortuos, non invidentia; imo nec mortuo petebatur, ſed redvivo .

Proximo n. 194. vellicat Baſnagius epiſtolas Pilati ad Tiberium, & conatur probare ſuppoſitas . Urget autem hæc argumenta . Primo, inquit, Sixtina vernat floribus, quos non aſſerebat latinitas ævo Pilati . II. In utraque, tam Sixtina, quam edita ab Hegeſippo eſſe apertiffima falſitatis indicia, ac præſertim miraculum Reſurrectionis . III. Nullibi Tiberium dici Claudium Tiberium, ſed Tiberium Claudium . IV. Incredibile eſſe quod Pilatus ſcripſerit a ſe cæleſtem illum vi-

rum

rum cruci damnatum. Verum & hæc futilia sunt. Quæ circumferuntur Pilati epistolæ neque a me apocryphæ dicuntur, neque genuinæ. Habemus tamen tertiam editam a Florentinio in Notis ad Apostolorum indiculum, latinam, & sine vitiis, quæ opponit Basnagius. Aliæ sunt fortassis istius paraphasæ. Illud tantum contendo Pilatum facta Christi conscripisse ad Tiberium. Quomodo potuerit de Resurrectione mentionem facere, dictum est paullo supra. Causam mortis Christi potuit refundere in Judæos, qui accusarunt Jesum Nazarenum, tanquam subvertentem populos, & prohibentem ne Cæsari tributa persolverentur.

Tandem Basnagius num. 196. adversus Acta Pilati insurgit tribus argumentis. Primum est, quod Justinus Martyr accipiendus est de gestis Christi in Evangelio enarratis: scribit enim, *Atque hæc ita esse cognoscere potestis ex Actis, quæ scripta sunt sub Pontio Pilato: ἐν τῇ Πράξει Πιλάτου*, inquit, non, *ἐπὶ Πιλάτῳ*. Alterum quod Præsides Provinciarum non scribebant ad Cæsares, quæ ad Religionem spectabant, sed quæ ad politicum regimen. Ultimum quod fuerunt Acta Pilati conficta primum a Maximino in contumeliam Christi, quibus opposuissent Catholici germana, si revera extitissent. At ad primum nego loqui Justinum de Evangelio: quis enim Gentiles ad istud provocet? Deinde Tertullianus nonne scribit hæc *acta* apud ipsos Gentiles extare, & Lucianus Martyr reperiri in Romanorum Annalibus? Præterea nulum Evangelium, Præsidi Pilato, scriptum est. Sed, si Basnagius fidem habet Joanni Millio, Matthæus Evangelium scripsit imperante Nerone, & anno V. Ae. Lxi. si Scriptoribus aliis, paullo ante: ceteri Evangelistæ post Matthæum. At Pilatus accersitus est Romam, & Judææ administratione privatus anno xxxv. Recte autem inquit Justinus, *ἐν τῇ Πράξει Πιλάτου*; non enim Præsides conscribebant Acta, sed Notarii. Ad alterum dico a Rectoribus provinciarum missos ad Cæsarem etiam rerum quotidianarum commentarios, ut constat ex libro Philonis de legatione ad Cajum, probatque ad annum xxix. ipse Clericus. In *actis* præterea Pilati spectat ad politicum regimen detegere Judæorum fraudem atque machinamenta. Postremum diluitur dicendo ante Maximinum conficta ab inimicis Christi alia *Acta* Pilati, ut demonstrat ex Passione Sanctorum Martyrum Tarachi, Probi, & Andronici Hen. Valesius in Animad. ad lib. i. cap. 9. H. E. Eusebii. Non poterant ergo Christiani objicere Maximino ab eo primum fuisse Pseudo-acta Pilati conficta. Plura ergo hujusmodi *acta*, etiam inter se pugnantia olim vulgata fuisse, verissimum est, & optime adnotatum a Cotelierio Tom. 2. PP. Apost. pag. 162. sed nunquam extitisse Acta genuina, ad quæ prisca sæculis a Patribus provocabantur increduli, nullum Basnagi momentum evincit.

A R G U M E N T U M VIII.

In Christi denique commendationem plurimum facit, quod nulla imbutus doctrina hominum Religionem instituit ceteris omnibus sublimiorem. In iis enim, quæ spectant ad Dei cultum, nullum apud nos invenies sacrificium aut humano cruore pollutum, quale Jovi Latiali novimus immolatum; aut obscenitate turpissimum, quo Gentes Cœteri, Liberoque litarunt. Neque observamus circumcissionem & cæremonias legales institutas ad coercendam Judæorum licentiam, sed Deum adoramus in spiritu, & veritate. Nostra erga homines officia, usumque rerum temporalium, damnent, si forte possunt, aut Gentes, aut Mahumetani. Interdicta nobis latrocinia, ultiones, adulteria, polygamia, & quidquid speciem refert injustitiæ, vel turpitudinis. Plura de his Clemens in Protreptico, Athenagoras in Apologia pro Christianis, & Arnobius adversus Gentes. In sola etiam doctrinâ Christi repromissum est præmium, quo expleri possit ardentissimum hominis desiderium. Nil nobis vel propter voluptatem, vel propter terrenarum rerum affluentiam, vel propter inanem gloriam agendum est. Si quid commune haberet Religio Christi cum superstitione, moribusque idololatrarum, facile posset reprehendi; nunc, quoniam nihil habet commune, non potest. Si prævæ in nobis consuetudines irrepserunt, pugnant illæ cum exemplo Christi, præceptisque Evangelicis: idem est de erroribus, & dissidiis, quæ sparserunt Hæretici, vel Schismatici. Qui Christi instituta servarunt, dicti primum ab Ethnicis homines superstitionis maleficæ, sed illorum vita, ac religione diligentius inspecta, habiti moribus inculpatis atque integerrimis. Extant adhuc, quibus id comprobetur, Epistolæ Plinii ad Trajanum datæ ex Bithynia, Trajani ad Plinium, Hadriani ad Minucium Fundanum, & Servianum Consulem: quas eruditis Commentariis illustravit Joannes Gerardus Vossius. His itaque argumentis poterit quisque Christum etiam Paganis & incredulis annuntiare. Vide librum xxii. cap. 3.

C A P U T XI.

Quæ Gentiles obijciunt adversus Christi Incarnationem, breviter refutantur.

VERUM Dei factum carnem petitis a Christi doctrina, & a Christiana Religione argumentis possumus quidem evincere; sed ipse mysterii altitudinem obviis humanisque ratiocinationibus *positivo*, ut appellant, argumento demonstrare non possumus. Si enim ratio profe-

proferatur, non erit mirabile: si exemplum adfit, non erit singulare. Ergo adversus Infideles, ut nos Augustinus docet Epistola 137. ad Voluf. num. 15. fidem nostram propugnant ipse rerum ab initio gestarum ordo, & ipsa connexio temporum, præteritis fidem de præsentibus faciens, priora posterioribus, & recentioribus antiqua confirmans: completa in Christi ortu, vita, dictis, factis, passionibus, morte, resurrectione, ascensione omnia præconia Prophetarum: Apostoli, qui repente linguis omnium gentium loquuntur, arguunt fidenter errores, & numero exigui per mundum disseminantur, populos facilitate mirabili convertunt, inter inimicos augentur, persecutionibus crescunt, per afflictionum angustias usque in terrarum extrema dilatantur: templa denique, & simulacra dæmonum, quæ paullatim secundum dicta prophetica subvertuntur. Continentur contractis hisce Augustini sententiis, quæ supra fusiori stilo produximus. Ad ea autem, quæ fides nostra in mysteriis occultat, juxta traditum ibidem Augustini monitum, mens tardiuscula & inerudita non audet accedere. Objeſtantibus tamen incredulis, quod leves nos conjecturæ permoveant ad præbendum pugnantibus rebus assensum, tenemur rationem reddere demonstrando nihil credi a nobis impossibile, rationique repugnans: quod præſtamus argumentationibus *negativis*, iis scilicet, quibus suppositæ repugnantia explicantur, & complanantur.

Julianus Apostata objecit, nihil fecisse Christum præstantius, quam fecerint Socrates, Lycurgus & Alexander. Addunt alii Vespasianum, & Apollonium. Objeſtant Jesum Nazarenum doctrinam suam persuasisse paucissimis, ac deterrimis, quos etiamnum potentiores oppugnant. Meliorem, inquit, subisse fortunam Simonem Samaritanæ præſtigiatores, cui erecta fuit a Romano Senatu statua, cum epigraphæ, SIMONI DEO SANCTO: & Mahumetem, ad quem tanta populorum multitudo confluit.

His respondemus Socratem, auctore Porphyrio, fuisse hominem mulierosum & iracundum, & ejus doctrinam ab Atheniensibus refutatam: nihil vero in ea, quod humanam excedat philosophiam. Lycurgi leges finitimi populi repudiaverunt, emandaruntque Spartani, ipso Auctore superflite; & vix apud eos leges istiusmodi viguerunt. Alexander domavit orbem potentia & militum copiis, non mysteriorum divinorum prædicatione: ejus morte corruit Græcorum Imperium. Ecclesia autem ab inermi, & exiguo Apostolorum numero propagata est, perseveravit, fitque nece Martyrum amplior. Vespasianum & Apollonium vera patrasse miracula negant ipsi Gentiles: Christum in Bethsaida, & Bethania cæcos, claudosque curasse non ausus est negare Julianus. Simonem statua a Romanis honestatam negant plures, & inscriptionem in Insula Tiberina hanc profert Gruterus, SEMONI SANGO DEO FIDIO: hoc nomine inquit appellatum Herculem apud

apud Sabinos : deceptum vero hac inscriptione Iustinum . Dubia tamen hæc sunt ; nam potuit alia statua erigi Simoni , alia Deo Sabinorum Sango : nec facile demonstrabis Iustinum Martyrem eadem cum Simone patria natum , qui , ut scribit Eusebius lib. iv. H. E. cap. x1. Romæ domicilium habuit , & cui assentitur cum aliis antiquioribus Tertullianus cap. 13. Apologetici , fuisse deceptum . Quare dicimus Simonem agnovisse discipulorum Christi virtutem Act. v111. 18. , nec diu illius cultum stetit : ut interim omittamus Apostoli Petri cum Simone certamen . Mahumetes , Arabibus in Heraclii exercitu seditionem molientibus , vi armorum dilatavit imperium . Illum furti & latrocinii reum cives Mechæ ad mortem damnaverant : & suomet ore se in Alcorano impurissimum profitetur . Studuit vero ad sectæ propagationem indulgere omnium ingenio . Non male de Christo locutus est , ut gratificaretur Christianis : retinuit cum Judæis circumcisionem ; & improbis , quorum populus major est , morem gerens permisit ultiones , polygamiam , & graviora flagitia ; vetuit etiam , ne falsitatis convinceretur , divinorum exercitamenta studiorum . Christus innocens , & pauper abolitis Judaicis ritibus , & præscribens severiorem disciplinam firmavit Ecclesiam suam omnibus repugnantibus .

Obijciunt præterea : Nonne Jesus unus fuit ex subditis Cæsaris census sub Cyrenio , desertus a suis , & qui non potuit ad se amicos , & propinquos pertrahere ? Quomodo ergo dicitur Deus ? Si autem Deus , cur Desipram Virginem appellamus ? Si de Virgine Spiritus sancti virtute conceptus , quo jure filius Davidis , & de femore Juda exortus est ? At quomodo fieri potuit , ut ipse Deus nasceretur ex muliere ? Et si id potuit , quid absurdius , & Deo indignius , quam fieri servulum , & in cruce immolari ? Quantum insuper æquitati repugnat infantem ac justum pleæti morte pro sceleratis ?

Respondemus & hoc esse summæ potestatis Christi argumentum , quod nulla majestate terrena redimitur , & tanta a propinquis amicisque perpeßus , a Gentibus tali honore habeatur . Fuisse autem beneficium hostibus suis , & cognatos Judæos reprobasse , quid est aliud , quam opus misericordiæ eo majoris , quo confertur indignis , & justitiæ eo perfectioris , quo carnali non præpeditur affectu ? Non unam in eo confitemur naturam , sed humanam , atque divinam : in illa natus sub imperio Augusti , & conceptus de Virgine ; in ista Rex regum est , & Creator universorum . Propagata , quam assumpsit , humana caro ex regali progenie Davidis sat est , ut revera pertineat ad Tribum Juda . Potuit & Deus nasci in tempore secundum naturam illam humanam : secundum divinam æternamque non potuit . Nequaquam indignum est , Deum qui hominem condidit , hominum salutis prospicere , & Dei Verbum , quod mundum fabricavit , mundum redimere : sed opus est maximum , & divina majestate , ac justitiâ dignissimum . Dum

T. V.

K

inno-

innocens non reluctans sanguinem fundit pro impiis ; apparet , ut scribit Ep. 190. Bernardus , *Iniquitas malignantium , & pietas patientis*.

Arguunt insuper : Repugnat rationi , quod Verbum Dei descenderit in uterum Virginis . Si enim Deus ubique est , quomodo factus est præsens ubi non erat ? Præterea si est immutabilis , quo pacto illi accessit , ut vere & substantialiter fieret homo ? Quod si mirabili nexu divinitas , & humanitas in una Persona copulatæ sunt , quid aliud erit divinitas præterquam pars quædam unius Christi ? Illud denique imperceptibile est , humanam naturam esse in Christo perfectam , & nihilominus propria carere subsistentia , in duplici natura subsistere personam unam , atque tam dispares substantias , hominem Deumque , posse simul substantiali vinculo colligari .

Respondemus hæc quidem superexcedere acumen tardiusculæ mentis nostræ ; sed ubi testimonia Domini credibilia facta sunt nimis , captivari in obsequium fidei ratio debet humana . Ne hæc repugnantia videantur , dicimus Deum ubique præsentem esse per immensitatem , non tamen ubique semper eadem , si effecta sola attendantur producere . Præsentia illa per immensitatem constat ratione , effectuum divinorum variatio constat experimento . Explicabat Theodorus Abacura , cujus Opera extant Tomo Bibl. PP. xvi. , horum cohærentiam exemplo humanarum perceptionum , & idearum , quæ sunt quidem nobis intimæ , & sunt tamen alia ratione præsentis , dum eas mente revolvimus reminiscencia . Fuit ergo a creatione Virginis ei præsens Dei Verbum immensitate , & in incarnatione factum est præsens assumptione humanitatis . Nec tamen subiit aliquam mutationem , quoniam nec in naturam humanam divina conversa est , neque huic accessit cuiuspiam formæ acquisitio : sed tota mutatio tenet se ex parte naturæ humanæ assumptæ in divinæ naturæ consortium . Non igitur mutatus est Deus , quemadmodum nec mutatus est dum mundum condidit , & accessit ei per rerum productionem denominatio Creatoris , & Domini . Recole quæ diximus de Divina immutabilitate (lib. 11. cap. 4. At , inquis , nonne factum est Verbum vere , ac substantialiter homo ? Ita quidem : sed factum est homo *non conversione divinitatis in carnem , sed assumptione humanitatis in Deum* ; in qua assumptione Verbum Dei non perfitur , sed perficit : non immutatur , sed mutat ; veluti dum sapientia humanam mentem irradians , *non ipsa mutatur* , inquit Augustinus quæst. 73. inter LXXXIII. , *sed hominem mutat , quem de stulto sapientem facit* .

Nexus , sive unio duarum in Christo naturarum non est vinculum duorum , quæ se mutuo perficiant , sed quorum unum perficiatur ab alio : in quo sensu absurdum non est divinitatem uniri humanitati ; neque illa est pars recipiens ab ista existentiam , & complementum , sed est ipsum Verbum , ac Persona divina humanitatem adsumens , ac
pro-

propriam illi communicans ſubſiſtentiam. Neque per hoc quod natura humana propria ſubſiſtentia careat, imperfecta dicenda eſt; non enim ſubſiſtentia addit ad ſubſtantiam formam aliquam, vel *entitatem*; ſed illud dicitur per ſe ſubſiſtere, quod eſt ſui juris, & alteri incommuni- cabile. Melius eſt autem eſſe juris divini, quam humani, & uniri com- municatione ſubſtantiali divino Verbo, quam ab illo divelli. Percipi- tur quodammodo eandem Perſonam duas in ſe habere naturas, ſi il- lius ſumma virtus attendatur; nam & eadem veritas in pluribus volu- minibus conſcripta eſt. Ita abſque ulla contradicſione diſpares ſubſtan- tiæ poſſunt uniri, ſi una regatur ab alia, uti neſcitur in homine ani- ma rationalis, & caro. His lucem afferent, quæ diximus lib. vii. cap. 6., & quæ infra dicentur in H. Eutyſchiana.

Ultimo obijciunt Saraceni: Venit Chriſtus, ſed non eſt ille Pro- pheta, ac ſummus legiſlator, quem arbitrantur Chriſtiani. Si ſan- ctificatus eſt a Joanne, quomodo erat in eo plenitudo ſanctificationis, & gratiæ? Deinde dum venit Moſes, damnatus eſt cultus idolorum; dum venit Chriſtus abolita fuit lex Moſis. Ergo dum venit Mahume- tes, ceſſavit lex Chriſti; ideoque Mahumetes eſt Propheta magnus miſſus a Deo in lucem gentium, & in ſalutem populorum.

Reſp. Baptizatum fuiſſe Chriſtum a Joanne, non ut ſanctificare- tur ab illo, qui ipſum Chriſtum condigna laude celebravit, ſed ut exerceret humilitatem, ut ſanctificaret ſui baptiſmatis elementum, ut proximæ prædicationis divinum reſonaret præconium. Nec implicat contradicſionem tingi eodem baptiſmate Dominum, ac ſervum, quem- admodum Saraceni eodem in balneo abluuntur a famulis. Chriſtus ad- veniens poſt legem Moſis eſt verus Meſſias, quoniam ab ipſa lege Mo- ſis, in qua vigit Spiritus veritatis, habet teſtimonium. Mahumed autem veniens poſt Chriſtum nequit eſſe verus Propheta, quoniam, in Evangelio Chriſti, in quo Spiritus ſanctus locutus eſt, non prædi- cuntur niſi Pſeudoprophetæ, a quibus ut caveamus præcipitur. Nam quod ſingunt Turcæ dixiſſe Chriſtum, *Mittam vobis Prophetam Maha- metem*, & hæc verba fuiſſe a nobis expuncta, facile revincitur pro- vocando imperitos ad vaticinationes de perpetua Chriſti doctrina, & ad Codices ante tempora Mahumetis conſcriptos. Debet autem, ut agebat Abacura, quiſquis producit chirographum adverſus ſcænoris de- bitorem, repelli a Iudice, ſi nihil eorum inſcripta ſint, quæ poſcun- tur. Sed contra Saracenos diſputatum eſt lib. xxi. cap. 2. Tom. iv. pag. 340.



CAPUT XII.

Messæ, ut carnem sumeret, causam fuisse peccatum Adæ humanique generis perditionem.

QUÆRENTI cur divinum Verbum humanam induerit naturam, respondent una voce Theologi causam fuisse Generis humani reparationem. Sed aliam quoque rationem Scotistæ assignant, ut scilicet magisterio suo, regimine, atque communione homines exornaret, atque ad consortium divinitatis eveheret. Imo prædefinitam arbitrantur Verbi *Incarnationem*, priusquam divino decreto statueretur productio hominum; postea vero prævisa Adami culpa definitum fuisse, ut filius Dei jam in mundum venturus universarum creaturarum, Caput, & Princeps, adveniret assumpto mortali corpore, ut morte sua hominem perditum repararet. Amplexati sunt opinionem Scoti etiam Catharinus, Suarez, & Ysambertus; sed illam major pars Theologorum refellit, & etiam Nicolaus L'Herminier alias Scoti studiosissimus.

PROPOSITIO. Venit Christus ad redimendum humanum genus, nec advenisset, si Adam perseverasset in gratia.

Demonstratur 1. Quoniam hanc unam Dominicæ *Incarnationis* causam nobis divinæ Scripturæ proponunt. Legitur enim Matth. xvii. 11: *Venit Filius hominis salvare quod perierat.* Et Joannes 111. 17. *Non enim misit Deus Filium suum in mundum, ut judicet mundum, sed ut salvetur mundus per ipsum.* Item Lucæ v. 32. *Non veni vocare justos, sed peccatores.* Apostolus etiam ad Hebræos 11. 14. inquit: *Quia ergo pueri communicaverunt carni, & sanguini, & ipse similiter participavit eisdem: ut per mortem destrueret eum, qui habebat mortis imperium, idest, diabolum.* Joannes in 1. Epistola 111. 5: *Et scitis, quia ille apparuit, ut peccata nostra tolleret.* Cujus generis extant in Scripturis innumera.

Respondere solent his locis assignari aliquam causam adventus Christi, sed non principem, atque, ut appellant, *motivam*. Verum non videtur responsio hæc satis firma: nam in Cap. xvi 11. Matth. explicat Christus causam adventus sui exemplo pastoris dimittentis oves reliquas, ut quærat errantem in solitudine, affirmans se eadem ratione in mundum venisse, ne unus de pusillis suis pereat. Quemadmodum ergo non adiret pastor loca desertæ, nisi ovis erraret, ita non advenisset Christus in mundum, nisi homo peccasset. Tertio Joannis capite commendatur Dei caritas propterea quod pro mundi salute Unigenitum suum dederit, non autem illum miserit ad exercendam potestatem, atque judicium. Salus ergo mundi fuit *Incarnationis* divini

Verbi

Verbi princeps cauſa ; ut etiam quotidie in Symbolo profiteamur . Non enim exiſtimandum eſt , dum nobis divina pietas , & fidei myſteria proponuntur , conſectaria quædam argumenta prædicari , non autem prima , ac præcipua . Cap. Lucæ 111 . Chriſtus citatis verbis rationem reddit , cur publicanis , & peccatoribus familiariter uteretur , quia nempe non pro juſtis , ſed pro illis advenerit : id vero non ſatis apte videretur dictum eſſe , ſi ob aliam cauſam veniſſet , quam ob peccatorum expiationem . Paulus etiam , & Joannes non aliam ob cauſam , ajunt Verbum factum carnem , niſi ut deſtrueret diabolum , tolleretur peccata .

Demonſtratur 2. ex Traditione Patrum . Nam Irenæus Lib. v. cap. 14. ait : *Si non haberet caro ſalvari , nequaquam Verbum Dei caro factum eſſet* . S. Athanaſius Orat. 2. contra Arianos : *Verbum nequaquam homo factus fuiſſet , niſi cauſam præbuiſſet hominum neceſſitas* . Nazianzenus Orat. 36 : *Quæ humanitatis a Deo propter nos ſuſceptæ cauſa extitit ? Profecto , ut nobis ſalus pararetur . Quid enim aliud cauſæ afferri poſſit ?* Origenes Hom. 24. in Num : *Si non fuiſſet peccatum , non neceſſe fuerat filium Dei agnum fieri , nec opus fuerat eum in carne poſitum jugulari : ſed manſiſſet hoc , quod in principio erat , Deus Verbum* . Ambroſius lib. de Incarnat. cap. 6 : *Quæ erat cauſa Incarnationis , niſi ut caro , quæ peccaverat , per ſe redimeretur ?* Auguſtinus ſerm. 8. de Verbis Apoſtoli : *Si homo non periſſet , filius hominis non veniſſet ; & ſerm. 9 : Nulla cauſa fuit veniendi Chriſto Domino , niſi peccatores ſalvos facere* . S. Leo ſerm. 3. Pentec : *Si homo ad imaginem , & ſimilitudinem Dei factus in ſua honore naturæ manſiſſet , nec diabolica fraude deceptus a lege ſibi poſita per concupiſcentiam deviaſſet , Creator mundi creatura non fieret , neque ſempiternus temporalitatem ſubiret , &c.*

His quidem teſtimoniis reſpondere nequeunt Scotiſtæ , a Patribus unam ex multis cauſis , ob quas Deus humanam aſſumpſit naturam , proferri ; cum expreſſe aſſerunt cauſam reparationis humanæ eſſe adæquatam , ac principem , nullam aliam afferri poſſe , eaque ſublata minime Chriſtum fuiſſe venturum . Neque appoſite reſpondent , dum aſſerunt non quidem in hypotheſi quod Adam ſtetiſſet , venturum Chriſtum in carne paſſionibus , ſuppliciiſque obnoxia , ſed in carne immortalis . Enim vero ſi nullam aliam veniendi habuit cauſam , niſi ut mundam redimeret , & ſalvos faceret peccatores ; profecto non eſt cur adſumeret corpus alterius conditionis , & morti minime obnoxium . Deinde in corpore illo impaſſibili , de quo Scoti affectæ vaticinantur , Verbum Dei fieret ne caro ? Fieret ne homo ? Fieret ne creatura ? Id quidem certiffime . Maneret ne tantummodo Deus Verbum , ideſt in illa natura , quam habebat a principio ? Nullo pacto illud dici poſteſt : At laudati Patres tradunt , quod , niſi Adam peccaſſet , Dei Verbum factum

factum non esset caro, non homo, non creatura, non tempori subiectum, sed mansisset hoc, quod in principio erat, Deus Verbum. Igitur Patres diserte docent Deum, sublata causa peccati, nullo modo in carne venturum fuisse.

SOLVUNTUR OPPOSITIONES.

At argumentantur Scotistæ apud Frassen de Inc., & Mastrium, Hennum, aliosque. Christus prædestinatus est ante præscientiam peccati Adæ. De illo enim legitur v111. Prov. 22: *Dominus possedit me in initio viarum suarum*. Appellatur in Epist. ad Coloss. cap. 1. 15: *primogenitus omnis creaturæ*. Dicitur in Epistola ad Romanos cap. 1. 3: *Prædestinatus Filius Dei in virtute priusquam fieret ex semine David*. Vocatur ad Ephes. 1. 22: *Caput super omnem Ecclesiam*, ideoque ab illo est etiam gratia, & spiritualis vita Angelorum. In Ep. denique ad Hebr. cap. 1. Christus ut homo dicitur hæres univerforum, rerumque omnium Creator. Ex quibus plures argumentationes subtilis Scholæ varie compingit.

Solvuntur tamen omnes recta prædictorum locorum explicatione. Verba itaque Proverbiorum v111. accipienda sunt de divina Verbi generatione, ut ostendimus lib. v11. cap. 12. Et si accipienda contentas de temporali, explicanda erunt distributive, ut Christus quatenus Dei Verbum fuerit principium operum creationis, & quatenus Deus homo fuerit principium operum redemptionis. Dicitur autem ab Apostolo *primogenitus omnis creaturæ*, idest, inter omnes creaturas præexcellens, ac præstantissimus, quod significat in sacris literis nomen Primogeniti, ut Psalmo lxxxv111. 28. & Apocalypf. 1. 5. Nam Unigenitus est, neque ratione generationis comparari debet cum creaturis. Dicitur etiam Primogenitus in creatione nova, *quia habemus remissionem per sanguinem ejus*, ut inquit Apostolus versu præced. nec non 11. ad Corinth. v. 17. Dicitur etiam Primogenitus, quoniam secundum formam Dei ante omnes creaturas genitus est, ut in 1. de Trinit. cap. 12. explicat Augustinus. Atque hunc postremum sensum confirmant verba Apostoli eodem loco: *Primogenitus omnis creaturæ; quoniam in ipso condita sunt universa, & ipse est ante omnes, & omnia in ipso constant*. In Epistola autem ad Romanos primo falsum est dici Christum prædestinatum priusquam fieret ex semine David, sed antea ejus origo secundum carnem commemoratur, postea prædestinatio. Deinde potuit prædestinatio, licet æterna, peccati Adæ supponere præscientiam. Præterea *Prædestinatus* hoc loco idem est, ac *manifestatus* virtute miraculorum, & gloriosa resurrectione; nam & ita vertit Syrus, & quadrat textus Apostoli: *Qui prædestinatus est Filius Dei in virtute secundum Spiritum justificationis ex resurrectione mortuorum*

UORUM

thorum &c. Denique videtur etiam plana, & literalis expoſitio Chriſtum prædeſtinatum eſſe ut fieret homo in Dei virtute, & ſecundum ſpiritum ſanctificationis, ut mundum redimeret, & ſegregaret ſibi Eccleſiam, & gratiam peccatoribus impertiretur. In Epistoſa ad Ephēſios dicitur Chriſtus exaltatus ſuper omnem Eccleſiam, omnemque principatum in hoc ſæculo, & in futuro, quoniam Pater per redemptionem inſtauravit omnia, quæ in calis, & quæ in terra ſunt in ipſo: ideoque ſuſcitans illum a mortuis, & conſtituens ad dexteram ſuam in caeleſtibus exaltavit ſuper omnem Eccleſiam, & militantem quam acquiſivit ſanguine ſuo, & triumphantem, quam inſtauravit; ſuitque Caput hominum, & Angelorum omnia ſubjiciens ſub pedibus ejus. Poſtremo in Epistoſa ad Hebræos demonſtrat Apoſtolus Chriſtum eſſe hæredem univerſorum, ſplendorem paternæ gloriæ, conditorem ſæculorum, & filium Dei naturalem ratione divinæ ſubſtantiæ, cui in Incarnatione humana hypſtatice conjuncta eſt: ſed hujus Incarnationis Paulus ibidem hanc aſſert cauſam: *Decebat enim eum, propter quem omnia, & per quem omnia, qui multos filios in gloriam adduxerat, auctorem ſalutis eorum per paſſionem conſummare.* Addit Jeſum gloria illa, & honore coronatum *propter paſſionem mortis*: quæ omnia ſi expendas, Scoti ſententiam non corroborant, ſed evertunt.

Rurſus opponunt: Characteres Meſſiæ ſunt eſſe Paſtorem, ac Legislatorem, alijque ipſi congruentes etiam ſublato peccato. Verum quid inde inferas? Ut ſit Deus Paſtor, ac legis Conditor, neceſſaria non eſt humanæ naturæ aſſumptio, quoniam & Iſraelitarum fuit Legislator, & ductor nondum aſſumpta carne: imo teſtantur divinæ literæ ut hominem Paſtorem eſſe, quoniam miſſus fuit ad oves, quæ perierant, atque pro iis poſuit animam ſuam.

Tertio objectant auctoritatem Patrum: quos inter Tertullianus de Reſurrect. carnis cap. 6. ait in plaſmatione Adami Chriſtum fuiſſe præintendum, *cum limus exprimebatur.* Irenæus pariter ſcribit lib. 1. 11. cap. 33. *Adamum Chriſti futuri fuiſſe typum.* Auguſtinus libro 1. de Nupt. & conc. in matrimonio Adami, & Evæ, Chriſti, & Eccleſiæ præſignatum fuiſſe ſacramentum; ſimilia Patres alii tradiderunt. Verum neque hæc quidquam probant: cum enim Deus prædeſiniens Redemptorem ſtatuere, ut ea quæ in veteri creatura præcedere debebant, in nova ſublimiori modo inſtaurarentur, dum in tempore formavit hominem, erant omnia ſigna ac ſacramenta Eccleſiæ Chriſti, licet Chriſtus fuerit prædeſtinatus poſt præſcientiam peccati Adæ. Quod tam aperto exemplo demonſtro, ut non percipiam, quid reponere poſſint Adverſarii. Fatentur ii Chriſtum non venturum in carne paſſibili, niſi Adam peccaſſet, & tamen per Auguſtinum, quem nobis opponunt, in ſopore Adæ præfigurata fuit Chriſti mors, & in productione Evæ ex latere Adæ, ædificatio Eccleſiæ ex vulnere lateris Chriſti.

Lege

Lege sermonem 111. de Resurrect. & Tract. cxx. in Joannem. Potuit ergo Christus præsignari in formatione Adæ innocentis, quamquam prædestinatus post prævisam Adæ prævaricationem.

Tandem urgent plura argumenta a ratione petita. Primum est; debuisset summam Dei bonitatem sese ad extra perfectissimo modo communicare. Alterum, derogari hujus mysterii excellentiæ, si dicatur statutum fuisse occasione peccati. Tertium, non salvari in hac sententia, quod Deipara a culpa originali fuerit immunis. Quartum, consequi ex illa præstantissimum medium ad finem ignobiliorem referri. Postremum, & illud consequens esse, quod de peccato Adæ gloriari possimus.

His breviter, atque ex ordine respondemus, primo argumento nihil probari, tum quia in iis, quæ spectant ad gratiam, nullum debitum excogitandum est; tum quia perfectissimo modo se bonum infinitum creaturis communicat, si modum attendas, in rerum singularum, creatione, omnia ad perfectissimum finem infinita sapientia disponens. Ad alterum dico Incarnationem Dominicam opus esse misericordiæ, misericordiam vero exerceri occasione miseriæ, & eo esse præstantiorem, quo exhibetur indignioribus. Tertium argumentum probat in Virgine solum debitum contrahendi peccatum, non originarii peccati maculam; ideoque sententia nostra non derogat Deiparæ dignitati, sed magis in ea deprædicat privilegia gratiarum. Quod sequitur facilem pariter habet solutionem, nam finis *Incarnationis* est manifestatio divinæ misericordiæ, omnipotentis, justitiæ, & superabundantis gratiæ: quo fine nullus excogitari potest præstantior. Ad ultimum dicimus nobis non de peccato gloriandum, sed de divina misericordia; quæ novit de malo tanta bona facere, ob quam feliciter cessit in communem utilitatem communis ruina: atque hoc sensu exultat Ecclesia; illis vocibus: *O felix culpa, quæ talem ac tantum meruit habere Redemptorem!* Hæc sufficiant de quæstione tanto argumentorum apparatu, quamquam parum necessaria sit, a Scholasticis pertractata.

Neque in altera diu versabor, cur Christus tam sero venerit, si regnarent ab Adam mors, & peccatum. Scio causas haud incongruas proferri, quod maximum beneficium diu fuerat expetendum, quod ob primi parentis superbiam longo tempore humiliandum fuerat humanum genus: quod ad singulare opus misericordiæ debuerat præcedere diuturnum nostræ calamitatis experimentum: quod tantæ Reparationis mysterium complendum erat post omnium scelerum atrocitatem, aliasque causas istiusmodi; de quibus præclara Scholarum lumina D. Thomas 111. P. q. 1. art. 5. & D. Bonaventura in 111. Sent. Dist. 1. q. 4. Sed cum Patres alii diversa tradant, nolumus nos inscrutabiliū consiliorum Dei altitudinem investigare. Certissimum nobis est, divinæ *Incarnationis* dilationem nullatenus obfuisse salutis electo-

rum;

rum ; quoniam , ut scribit Augustinus Epist. 102. *Salus vera nulli unquam defuit qui dignus fuit , & cui defuit dignus non fuit : & ab exordio propagationis humana usque in finem quibusdam ad præmium , quibusdam ad iudicium prædicatur .*





DE THEOLOGICIS DISCIPLINIS LIBER VICESIMUS SEXTUS

*In quo præcipua circa divini Verbi
Incarnationem dogmata
propugnantur.*



UDÆORUM pervicacia devicta, discussisque Ethnicorum erroribus, bellum nobis indicunt hæretici, eo inexpiabile magis, atque exitiosum, quo intentatum ab iis, qui exierunt ex nobis, domesticum dici potest, ac intestinum. Illud quippe ab Ecclesiæ incunabulis excitarunt Gnosticorum scientia tumidi, Valentini, Simonis, Basilidis, ac Saturnini discipuli, Christo tribuentes aerium, & umbratile corpus: inter quorum ineptias evanuerunt quoque Marcionis somnia, cæcutiitque delirus, & iners scriptor Apelles. Fugatis vero inanibus horum spectris, atque imaginibus, verissimamque Redemptoris carnem in utero Virginis procreatam Spiritus sancti virtute, necnon clavis perforatam, confossam lanceis, & post devictam mortem Apostolorum manibus contrectatam singulis fidelibus profitentibus; rationalem animam, partemque humanæ naturæ nobiliorem ipsi Reparatori ausi sunt denegare prodeuntes quidam ex Arianorum palæstris sub Apollinaris Laodicensi vexillis, homines iniquissimi, ac perditissimi. Fuerunt, & qui

qui rationalem animum adſtruentes , propriis eundem facultatibus , & naturali præſertim voluntate expoliarunt , appellati ea de cauſa , Monotheliæ , Cyri , Sergii , Pyrrhi , aliorumque præſulum gratia , & auctoritate ſuperbientes . Hi ergo omni imbutum odio bellum in corporis Chriſti , animique naturam ciere conati ſunt . At divinam , prohi ſuperi , quanti hæreticorum peſtilentiſſimi ab antiqua Ebionitarum origine ad ſerpentem adhuc ſædam , & veneficam Socinianorum contagionem tentarunt extremis viribus debellare ! Verum ne hos iterum in ſcenam producam , humanæ divinæque naturæ indiſſolubilem nexum , quem ſacer Theologorum cœtus appellat *unionem hypſtaticam* , evertere curarunt , irritò licet conatu , virginici partus , & Deiparæ infeſſiſſimi hoſtes Neſtoriani : peſſime , imperite , ſacrilege utramque naturam in unam commiſcere tentavit pugnans adverſus Neſtorium ſumma audacia , ac factioſa lingua Eutychetis . Atque hos omnes , inſtructo veluti agmine , hac diſſertatione excipere , ac propulſare debemus , eos primum , qui Chriſto denegant aſſumptam carnem , deinde qui rationalem animum , vel inditas facultates , eos demum , qui Deum , & hominem unam inſiciantur perſonam , aut in una perſona unicam commiſcuntur naturam . Dum autem juxta Philoſophorum conſuetudinem a partibus ſingillatim inſpectis ad compoſitum progrediemur , & aliquam proſtigandarum hæreſum rationem ſervabimus , haud verebimur illorum reprehentionem , qui de Verbo factò homine differentes diverſam ab hac methodum tenuerunt . Profecto error Felicis , & Elipandi , & cetera , quæ vel Neſtorianam , & Eutychianam hæreſim , vel Catholicum de unionem hypſtaticam dogma conſequentur , erunt alterius libri argumentum : nam huius ſatis ampla materia eſt , noſtrisque lucubrationibus , & lectorum ponderatione , ſtudioque digniſſima .

C A P U T I.

De Chriſti Incarnatione in utero intemeratæ Virginis peracta .

HOc itaque libro de ipſa dominicæ *Incarnationis* Oeconomia diſputaturus principio diſſeram de Virginis conceptione , & aſſumpta in ejus utero a Verbo Dei humana carne . Refellenda autem veniunt hoc in dogmate tria hæreſum capita , horrenda admodum ac peſtifera . Prima hæreſis denegat intemeratæ Virginis integritatem : in quam conſpirarunt Ebion , Cerinthus , Carpocrates . *Ebion* , inquit de ejus hæreſi Epiphanius , *docuit Chriſtum ex ſemine viri eſſe genitum* : Carpocrates pariter & Cerinthus natum tradiderunt *ex ſemine Joſeph* ,

ait in libro de Præscript. Tertullianus. Consentiant his Judæi negantes nasciturum Messiam ex nesciente virum puella. Quidam quarto pervergente sæculo Mariam saltem post Christum natum alios ex Josepho peperisse filios autumarunt, horumque agmen duxit Helvidius a magno Hieronymo refutatus. Hæc est ergo prior hæresis adeo in perpetuum Deiparæ virginitatem injuriosa.

Sequitur altera illorum, qui non ex Virgine carnem assumpsisse Verbum putarunt, sed illam traxisse de cælo, ex æthere, aut elementis compactam. Formatum Christi corpus in cælis, & per Mariam, sicut per canalem aqua, transisse ajebant Valentiniani apud Irenæum lib. 1. cap. 1. necnon Basilidis, & Marcionis gregarii apud Athanasium in 1. adversus Hæreses. His accesserunt Bardefanistæ, de quibus Origenes Dialog. 1v. Apellejani dicti ab Apelle Marcionis discipulo affirmarunt Christi carnem de sideribus, & de substantiis superioribus mutuatam, ait in libro de carne Christi Tertullianus. Atque hæc est secunda hæresis adversus divini Verbi peractam in utero Virginis conceptionem.

Tertia verum ac solidum corpus Christo denegat, tribuitque duntaxat phantasticum, & umbratile: quæ hæresis, in quantum corpus phantasticum opponitur crasso, ac terreno, parum differt a præcedenti. Sed videntur aliqui discipuli Simonis Magi, præsertim Menander, & Saturninus eo processisse, ut assererent carnem Christi nequaquam fuisse solidum corpus, sed apparens, inane, & corporis speciem referens, quasi magica ludificatione. Conabantur enim *Incarnationis* sacramentum ludibrio hominum exponere, atque, ut inquit Eusebius lib. 111. H. Ecc. cap. 26. *illud aspergere magica artis infamia*. Tria ergo de Christi conceptione sunt inquirenda: primum an Deipara ipsum ex virili semine conceperit: alterum an ex Virgine Christi caro formata sit, an cœlitus delapsa, aut aliunde compacta: tertium an caro vera, ac solida fuerit, an vero umbratilis, & apparens.

PROPOSITIO I. Christus de Virgine absque virili semine conceptus est.

Demonstratur ex prophetico Isaïæ oraculo cap. vii. 14. *Ecce Virgo concipiet, & pariet filium, & vocabitur nomen ejus Emmanuel*. Negant Adversarii de Virgine incorrupta hunc locum esse exponendum, propterea quod Hebraicum vocabulum *חַלְמָה*, *Halma* significet adolescentulam absconditam, a radice *חָלַי*, *Abfcondit*. Sed refutatur commentum istud; I. quoniam hæc ipsa etymologia commoustrat vocabulum *Halma* significare illibatam, castissimamque puellam: ideo enim Virgo appellatur *Halma*, abscondita, quoniam sub custodia servatur a virorum aspectibus segregata: quod constat ex lib. 111. Machab. 11. 19. atque ex 2. Regum x1. 11. 2. ubi de Amnone legitur: *Isa ut propter amorem ejus (Thamaris) egrotaret, quia cum esset vir-*

go, difficile ei videbatur, ut quippiam inhoneſte ageret eum ea. Cum ergo virgo apud Hebræos adeo detineretur occuſa, ut diſſeulter ad ipſam viris pateret acceſſus; merito dicebatur עלמה, *Aſceudita*. II. Cum in aliis divinæ Scripturæ locis *Halma* deſignet virginem incorruptam, ut liquet ex Gen. cap. xxiv. 16. & Exodi 11. 8. ubi *Halma* appellantur Rebecca, & Maria ſoror Moſis, adhuc *incognita viris*, nec junctæ maritis; virgo quoque viro incognita designari debet citato textu Iſaiæ. III. Demonſtrat Buxtorſius in Lexico, & conſtat ex primo Regum xv. 1. 56. & xx. 22. עלם ſignificare puerum cœlibem, & domi in parentum cura latitantem. Idem ergo de fœminino *Halma* dicendum eſt. IV. Tria tantum vocabula reperiuntur in lingua Hebræorum, quibus demonſtrari poſſit mulier adoleſcentula, videlicet עלה *Halma*, בחולה *Betula*, & נערה *Nabara*: at poſtrema duo non ſunt propria nomina, quæ virginitatem ſignificent; nam *Nabara* eſt nomen ætatis, & tribuitur etiam juveni conjugatæ; *Betula* autem eſt nomen mulieris innuptæ, ſive adoleſcentula virgo ſit, ſive aut ætate proveſta, aut juvenis vidua, ut conſtat ex Joelis 1. 8. Igitur vocabulum ſolum *Halma* eſt illud proprium, quo denotatur adoleſcentula, & viro incognita. V. Conſtat hoc Eſaiæ loco ad vocabulum *Halma* addi literam emphaticam ה demonſtrantem ſingularem, ac ſpectabilem aliquam virginem. Inepte autem ſingularis, & inclyta dice- retur aut fornicaria, aut adultera, aut a marito compreſſa. VI. Ut recte ait in hunc locum Hieronymus, non ſolum Judæi nequeunt oſtendere hanc vocem *Halma* in Scripturis alicubi poſitam, ubi adoleſcentulam tantum deſignet, & non virginem; ſed præterea virginem incorruptam ſignificat ea vox lingua Punica, quæ de Hebræorum fontibus dicitur emanare. Virginem quoque reddit Verſio Lxx. Chaldaica, Syriaca, & Arabica, nec repugnat in libro Radicum R. David Kimchi. VII. Denique Eſaias loquitur de ſigno, ac prodigio, quod daturus erat Dominus domui Iſrael mirabilius, quam petere potuiſſet incredulus Achaz in profundum Inferni, ſive in excelſum ſupra. At quod concipiat mulier virili ex ſemine, nullum ſignum, nullum prodigium eſt. Non ergo de adoleſcentula ex ſemine viri concipiente locutus eſt Eſaias. Atque hæc prima argumentatio urget præſertim Hebræos.

Altera depromitur ex novo Teſtamento; nam Matth. Cap. 1. 18. ait: *Caus eſſet deſponſata mater ejus Maria Joſeph, antequam conce- nirent, inventa eſt in utero habens de Spiritu ſancto*: proximoque verſu 20. ita Angelus ſponſum Virginis adloquitur: *Joſeph fili David, noli timere accipere Mariam conjugem tuam, quod enim in ea natum eſt, de Spiritu ſancto eſt*. Aſſert Evangeliſta verſu 23. allatum ſupra Eſaiæ vaticinium.

Plura ſunt congruentiarum argumenta producta a Patribus, de quo-

quorum traditione nulla exoritur dubitatio, ideoque necesse non est, ut illorum colligere studeamus testimonia. Irenæus itaque probat lib. 111. adv. H. cap. 29. Christum non esse genitum ex femine Joseph, quoniam non fuisset præstantior Davide, aut Salomone, ex eadem seminatione generatus. Item non fuisset hæres regni Davidis, quia Joseph filius ostenditur Joakim, & Jechoniæ, quorum femini regnum Juda non esse repromissum probat ex Jeremia. Addit Irenæus cap. 31. desumptam ex creatione Adami comparationem, demonstrans, quod sicut Adam de rudi, & adhuc virgine terra plasmatus est, ita oportebat Dei Verbum *recapitulationem* Adæ in semetipsum faciens ejusdem generationis habere similitudinem, ut eadem esset plasmatio creata, & plasmatio redempta. Profert etiam similitudinem inter originem peccati, ac redemptionis, affirmans, quemadmodum angelus Satanæ virginem Evam seduxit, atque inde initia habuit humana perditio, ita a Virgine assentiente Angelo Dei nuncio inceptam hominum reparationem. Has, aliasque antitheses adducunt etiam Tertullianus libro de Carne Christi cap. 17., & posteriores PP. complures.

SOLVUNTUR OBJECTIONES.

Opp. 1. Vaticinium Isaïæ nullo pacto de adolescentula virgine accipiendum est. Non ergo invicte probat Deiparæ integritatem. Prob. ant. nam vox *Halma* significat tantummodo mulierem absconditam, ut verterunt Aquila, & Symmachus. Eodem vocabulo Prov. xxx. 19. designatur scortum: ubi enim Vulgata habet, *Viam viri in adolescentia*, extat in hebraico בְּעֵלְמָה, ad *Halma*: & versu proximo additur, *Talis est, & via mulieris adulteræ*. Halma itaque adulteræ comparata scortum est, non puella. Etiam Cantic. v. 7. una cum uxoribus, & concubinis connumerantur עֲלִמֹת, *Halma*, idest, adolescentulæ ad Regis voluptatem servatæ. Frustra itaque asseritur designari eo vocabulo non subactam viro mulierem.

Resp. nego ant. Ad probat. respondent aliqui Symmachum fuisse Ebionitam, Aquilam profelytum Judæorum; unde nil mirum, si reddiderunt pro *Halma*, ἀπαρσιμ, *abditam*, vel *absconditam*. Verum Symmachi, Aquilæ, necnon Theodoctionis admissa Versione, nego virginem non dici propriissime *absconditam*, cum & virorum subtrahatur aspectibus, & *revelata non sit illius turpitudine*, qua phrasi explicat divina Scriptura viri cum muliere concubitum. In Proverb. xxx. בְּעֵלְמָה, significat *in adolescentia virginum*, & sensus est, perdifficile est noscere quales futuri sint impuberes, qui sub parentum custodia delitescunt. Quid enim difficultatis præferet viri ad scortum ingressus? Præterea haud recte appellatur *conclusa*, & *abdit* mulier faciens, etiam caute, sui copiam. Deinde gratis concedatur de corru-
pta

pta adolescentula sermonem fieri in Proverbiis . Prænotatum supra , non potuisse apud Hebræos ob arctam custodiam viros accedere ad virgines , ideoque Amnonem usum consilio Jonadabi , ut opprimeret Thamarem , Notantur ergo in Proverbiis machinationes , & insidiæ scortatoris , ut ingrediatur etiam ad virginem intra paternas ædes absconditam , Quare quocunque sensu hunc locum accipias , semper *Halma* significat *adolescentulam virginem* : atque id multo expressius in v1. Canticorum , Ibi enim חַמָּה diserte separantur a reginis , & concubinis , ideoque significatur hoc nomine chorus puellarum , quæ nec maritis junctæ sint , nec turpiter viris subactæ . Ob hæc , & quæ supra attulimus , repetendum cum Hieronymo Comment. in cit. locum Isaïæ . *Ostendunt Judæi in Scripturis alicubi positum Halma , ubi adolescentulam tantum , non virginem sonet : & concedimus eis , illud quod in Isaia apud nos dicitur , Ecce Virgo concipiet , & pariet filium , non absconditam virginem , sed adolescentulam significare jam nuptam .*

Opp. 2. Promittit Isaïas signum Achaz , ut credat se liberandum fore a duobus Regibus , qui Jerusalem invaserant , Rasin rege Syriæ , & Phacee rege Israel . Atqui signum debet præcedere rem , quam promittit . Ergo signum , de quo Isaïas loquitur , præcessit liberationem Jerusalem a duobus Regibus , neque ullatenus ad Christi conceptionem est referendum .

Resp. nego ma. Cum enim Achaz Deo diffusus , & incredulus , dum illum hortaretur Propheta ut peteret a Deo signum , respondisset , *Non petam , & non tentabo Dominum* ; Isaïas convertens ad omnes posteros Davidis sermonem ait : *Audite ergo domus David : Numquid parum vobis est molestos esse hominibus , quia molesti estis , & Deo meo ? Propter hoc dabit Dominus ipse vobis signum : Ecce Virgo concipiet , &c.* His verbis arguit Propheta incredulitatem regis , quasi nollet etiam portentoso signo spem proximæ liberationis confirmare , & Isaïas , quasi ariolus , vel nugator falso hujusmodi signum promitteret . Propterea inquit immerito hanc sibi injuriam molesta infidelitate irrogari , cum Dominus signum alterum , ac longe nobilioris reparationis sit domui Davidis præstiturus , ortum scilicet Emmanuelis ex Virgine . Atque iccirco hac reprehensione non adjecit Isaïas loquens ad Achaz , sed ad domum Davidis , cujus semine procreata est Virgo genitrix Christi , sermonem dirigit . Falsa est etiam minor : nam dantur signa , quæ sunt completæ jam promissionis commemorationes , quale est illud Exodi 111. 12. , *Et hoc habebis signum quod miserim te : cum eduxeris populum meum de Aegypto , immolabis Deo super montem istum .*

Opp. 3. Signum , de quo loquitur Esaïas , est filius ab ipso genitus ex uxore , quam sterilem opinabatur : cap. enim sequenti v. 3. ait : *Es accessi ad Prophetissam , & concepit , & peperit filium .* Ad-

dit Barnabel prædictum ab Esaia filium ipsius regis Achaz, idest Ezechiam, aut forte alium ab ipso generatum ex incestu cum filia Achor, quam prægnantem esse ignorabat. De filio autem Mariæ non videtur locutus Propheta, quia nec appellatus est *Emmanuel*, nec de eo completum *Butyrum*, & *mel comedit*.

Resp. nullius filii ex virili concubitu procreati partum Esaiaë vaticinio portendi, cum prædicetur partus Virginis, partus Emmanuelis, partus divinæ promissionis signum singulare. Versus 3. cap. VII. nequit de filio Esaiaë accipi, quoniam advocat testes sui ad Prophetisam accessus Uriam Sacerdotem, & Zachariam filium Barachiaë: & Urias quidem vixit regnante Achaz ex lib. IV. Reg. XIV. 11. Sed Zacharias filius Jojadaë, quem Barachiam esse tradit Hieronymus, trucidatus est, cum regnaret Joas, 11. Paralipp. XXIV. 21. Zacharias autem Propheta, qui & Barachiam patrem habuit, prophetabat circa an. M. 3485. annis post obitum Esaiaë fere tercentis. Nequeunt ergo hæc literaliter intelligi de ipso filio Esaiaë, nisi velis hic memorari Zachariam illum, de quo 11. Paralipp. XXV. 5. Vix etiam percipi potest, quomodo auferenda essent spolia Samariaë, antequam puer, de quo Esaiaë, *vocaret patrem*, & *matrem*, si puer ille esset filius ipsius Esaiaë; cum Samaria eversa sit anno VI. Ezechiaë, IV. Regum XVI. 10. & Propheta narret quæ contigerunt sub Achaz. Quare cogimur, ut in Prophetiis reliquis, nonnulla de Christo, nonnulla vero de rebus olim gestis exponere, maxime quod hæc fuerunt symbola futurarum. Neque ullo pacto potest ad Ezechiam filium Achaz prophetia detorqueri; nam Ezechias jam decimum annum agebat, cum pater regnum obtinuit; quippe is *sedecim annis regnavit*, IV. Regum XVI. 2. & Ezechias viginti quinque annorum erat, cum regnare coepisset, IV. Regum XV. 1. Filius ergo, qui regnante Achaz prædicatur nasciturus, nequit esse Ezechias. Ceteras Barnabelis fabulas mittimus.

Mariæ Virginis filius recte dicitur *Emmanuel*, idest, *Nobiscum Deus*, cum, ex quo Verbum factum est caro, in nobis peculiari titulo Deus habitaverit. *Nomen autem* hoc loco, juxta consuetudinem divinarum Scripturarum, significat Christi attributa, ut dum legitur Lucæ 1. 32. *Filius Altissimi vocabitur*; & apud eundem Esaiaem 1X. 6. *Et vocabitur nomen ejus Admirabilis, Consiliarius, Deus, fortis, pater futuri sæculi, princeps pacis*. Postrema verba, *Butyrum*, & *mel comedit*, mystice significant mansuetudinem, lenitatem, doctrinam, atque spiritualium donorum copiam, & ubertatem: literaliter autem demonstrant, puerum Jesum, etiamsi superveniente Spiritu sancto conceptum, & natum de Virgine, consueto tamen Hebræorum more fuisse educandum favis mellis, & lacte. Sic divini Verbi humilitatem admiratur Ecclesia:

Et

*Et lacte modico pascus est,
Per quem nec ales esurit .*

Oppones ultimo: Apostolus ad Galatas iv. 4. inquit: *Misti Deus filium suum factum ex muliere* . Significat autem *mulier* feminam a viro compressam: unde Cicero apud Quintilianum reprehensus quod senex duxisset virginem Publiolam ait: *Cras mulier erit* .

Resp. cum Tertulliano libro de Veland. Virginibus cap. 5. & 6. *Hujus vocabuli proprietatem ad sexum, non ad gradum sexus pertinere* . Et quidem Apostolus 1. ad Corinthios x1. 5. & 6. indiscriminatim ait, *Omnis autem mulier velet caput suum*: & 1. ad Timoth. 11. 9. *Similiter & mulieres in habitu ornato, &c.* Etiam Cicero pro Mur. promiscue ait: *Mulieres omnes propter infirmitatem consilii majores in tutorum potestate esse voluerant* . Quare *mulier*, etiam si aliquando *virgini* opponatur, feminam tantum, non eam, quæ viro subacta fuerit, designat .

PROPOSITIO II. Nullius sunt ponderis argumenta, quæ adversus perpetuam Deiparæ virginitatem audacter, & sacrilege proferebat Helvidius .

Saltim post Christum natum Josephum virginitatem Mariæ delibasse, adstruere nefario ausu conabatur Helvidius sequentibus argumentationibus. Primo Matthæus, inquit, cap. 1. 18. scribit: *Antequam convenirent, inventa est in utero habens de Spiritu sancto* . Quomodo ergo nemo de non pransuro dicit, *Antequam pranderet*; ita nemo dicet de iis, qui convenire non debeant, *Antequam convenirent* . Sed respondet Hieronymus apparere in hoc priori argumento Helvidii imperitiam simul ac temeritatem: non enim si quis dixerit, *Antequam in portu pranderem ad Africam navigavi*, non potest stare sententia, si non in portu prandendum quandoque sit: aut si dicamus, *Paulus Apostolus antequam ad Hispanias pergeret, Romæ in vincula coniectus est*: aut certe illud, *Helvidius antequam pœnitentiam ageret, morte præventus est*; statim aut Paulo post vincula ad Hispanias sit eundum; aut Helvidio pœnitentia agenda post mortem. Erasmus hoc addit exemplum, si dicat aliquis, *Judices de causâ pronunciaſſe priuſquam cauſam cognoscerent*, non hoc sentit, *judices cognoviſſe cauſam poſtquam tulerint ſententiam*: quod exemplum una cum aliis depromptis ex Virgilio, Cicerone, & Thucydide produxerat Laurentius Valla. At nos allatis a Hieronymo contenti erimus reponentes cum eodem in Comment. Mat. *Quod autem dicitur, Antequam convenirent, non ſequitur ut poſtea convenerint: ſed Scriptura quod factum non ſit, oſtendit* .

Alterum argumentum petitur ab Helvidio ex proximo v. 25. ejusdem cap. 1. Mat. *Et non cognoscebat eam, donec peperit filium suum primogenitum* . Ubi particula *donec* videtur demonstrare Mariam post

T. V.

M

par-

partum primogeniti alios ex maritali complexu filios genuisse: quod comprobatur ipsa *Primogeniti* ratio dicens ordinem ad alios post primum genitos. At respondet primum Hieronymus posse verbum *cognoscere* ad scientiam, non ad actum conjugii referri, uti Lucæ 11. 43. *Et non cognoverunt parentes ejus*. De alia utique cognitione a maritali congressu exponunt hunc locum Epiphanius H. 78. quæ est Antidicomarianitarum, & alii. At de cognitione carnali, sive maritali complexu loqui Evangelistam fatemur, propterea quod Hebræorum locutione ad linguas ceteras derivata *cognoscere* notat experimentalem tori consuetudinem, ut Gen. 19. 1. XIX. 5. Num. xxx1. 17. Regum tertio 1. 4. &c. Ita Horatius appellat puellam *Ignavam mariti*, & Plutarchus in Alex. *Aliam*, inquit, *mulierem non cognoscebat*. Verum particula *donec* negat tantum cognitionem ante partum, nihil definiens de tempore posteriori. Afferit Hieronymus apertissimum illud exemplum. Isaiæ 46. 4. *Usque ad senectam ego ipse*. Et Matth. xxviii. 20. *Vobiscum sum omnibus diebus, usque ad consummationem sæculi*. Consimile est exemplum 11. Regum vi. 23. *Micbol filia Saul non est natus filius usque in diem mortis sue*: Psalmo cix. 1. & Matt. v. 19. de quibus alibi. Cur dicatur Christus Primogenitus explicatum est Tom. II. pag. 71. Addam ingeniosam Hieronymi observationem. Præcipitur Num. xviii. 15., ut pro hominis primogenito offeratur post unum, mensem siclus argenteus. Si primogenitus ille tantum diceretur, post quem alii filii nascuntur, *non omne masculinum quod aperit vulvam*; potuisset quilibet Genitor petentibus siclum respondere: *Quid minus mensis constringis articulo? Expecta donec nascatur secundus. Nihil debeo Sacerdoti, nisi & ille fuerit procreatus, per quem is, qui ante natus est, incipiat esse primogenitus*. Hæc Hieronymus. Epiphanius H. 78. observat consulto Evangelistam dixisse *filium suum primogenitum*, non vero *filium primogenitum suum*; ut scilicet intelligamus dici Christum *primogenitum* dignitate respectu *omnis creature*, ut inquit Apostolus ad Colos. 1. 15. non generatione, nec respectu fratrum, quos Virgo pepererit.

Tertium argumentum Helvidii petitur ex locis ubi fratres Christi commemorantur, ut Matth. xiii. 53. *Nonne hic est fabri filius? Nonne mater ejus dicitur Maria, & fratres ejus Jacobus, & Joses, & Simon, & Judas?* Similia occurrunt apud Marcum vi. 3. Vide & Matt. xii. 46. Marc. iii. 31. & Joannis ii. 12. At respondet Hieronymus *fratres* Domini appellari consobrinos ratione propinquitatis: cum Scriptura soleat fratres dicere *natura* quales fuerunt Esau, & Jacob: *gente*, quales ad Rom. ix. 3. appellantur omnes Israelitæ: *cognatione*, ut vocantur Genes. xiiii. 8. Abraham, & Lot, & xxix. Laban, & Jacob: & denique *affectu*; quo sensu ab Apostolo 1. ad Corinth. v. 11. omnes fideles dicuntur fratres. Eadem est sententia Augu-
stini

fini libro **xxi** 1. contra Faustum cap. 35. Atque potest ex ipsa Scriptura demonstrari. Etenim inter fratres Domini commemoratur etiam Jacobus, de quo D. Paulus ad Galat. 1. 19. *Alium Apostolorum vidi neminem, nisi Jacobum fratrem Domini*. At liquet ex cap. x. Matth. 3. inter Christi Apostolos duos Jacobi nomine fuisse appellatos, quorum unus dicitur ibidem filius Zebedæi, & frater Joannis, alter filius Alphæi. Habemus itaque fratrem Domini, qui non fuit de Josephi progenie. Verum tamen est, quod Patres aliqui scripserunt fratres Domini esse filios Joseph ex alia uxore generatos, ut scribit citato loco Epiphanius, necnon alii apud Vossium Dissert. de Gen. Jesu Christi cap. 6. & Serry Exercit. de Christo xl. His tamen non assentior. Connumerant enim inter filios Joseph quatuor, quos Matthæus, ac Marcus describunt citatis locis, & quorum primus est Jacobus. Atqui Jacobus, ut dictum est modo, filius fuit Alphæi, quem esse Josephum nulla ratione poterit demonstrari. Matrem hujus Jacobi haud obscure colligimus esse Mariam Cleophæ filiam, & uxorem Alphæi: nam inter Mulieres, quæ patienti Christo adfuerunt, Marcus xv. 40. tres distincte commemorat his verbis: *Inter quas erat Maria Magdalene, & Maria Jacobi minoris, & Joseph mater, & Salome*. Matthæus autem ait Cap. xxv 11. 56. *Inter quas erat Maria Magdalene, & Maria Jacobi, & Joseph mater, & Mater filiorum Zebedæi*. Joannes vero cap. xix. 25. *Stabant juxta crucem Jesu mater ejus, & soror matris ejus Maria Cleophæ, & Maria Magdalene*. Ex quorum collatione deducitur Mariam filiam Cleophæ esse matrem Jacobi minoris, & uxorem Alphæi; & Mariam Salome esse matrem alterius Jacobi, & Joannis, atque uxorem Zebedæi: ideoque Deiparam fuisse Jacobi minoris, non novercam, ut quidam dixerunt, sed materteram. Potest commodè in hac sententia propugnari etiam perpetua virginitas Josephi, quam tenet pia Fidelium devotio, quamquam firmari plenissima Traditione non possit. Nemo autem miretur me dixisse matrem Jacobi Mariam, filiam Cleophæ, non uxorem. Quamquam enim nonnulli sic dictam putant a marito, atque ita etiam sentiat Theodoretus in cap. 1. ad Galatas; Hieronymus contra Helvidium sic nominatam censet, *sive a Patre, sive a Gentilitate familie*; in eamque sententiam præter auctoritatem Hieronymi tria me trahunt: primum, quod liquet ex cap. x. Matth. fuisse hanc Mariam uxorem Alphæi: alterum, quod versus Arabica Joan. xix. 25. diserte habet, *Filia Cleophæ*: tertium quia tollitur hac sententia omne personarum discrimen. Sed hætenus contra Helvidium: cujus sententiam, ut Photius appellat, irreligiosam, & impiam quidam derivatam arbitrantur ab Apollinari Laodicensi, & traditam etiam ab Eunomio, ex Ecclesiastica Philostorgii Historia a Photio in compendium redacta.

COROLLARIUM.

Infertur ex dictis Iosephum non esse Christi patrem, nisi hominum existimatione, ut inquit Lucas 111. 23. *ut putabatur, Filius Ioseph*. Et Hieronymus laudato adversus Helvidium libro: *Evangelistæ Patrem Ioseph dicunt; non quod vere pater Ioseph fueris Salvatoris; sed quod ad famam Mariæ conservandam pater sit ab omnibus existimatus*. Speciali etiam titulo appellatus est *Pater Christi*, ut docet Augustinus lib. 11. de Consensu Evang. cap. 1. *ipsa copulatione conjugii*, nimirum, *quia ex ejus conjuge natus est*. Sed quod aliqui dicunt esse filium verum ac proprium, quoniam natus; & procreatus est *in fundo* Ioseph, idest, in virginali corpore, in quod ille habebat jure conjugii potestatem, mihi quidem non probatur; quoniam jus aliquam infert proprietatem Domini, & Hæredis, at non Genitoris, ac Patris. Fuit ergo hoc titulo Christus specialiter filius Iosephi, atque multo conjunctior, quam si ab eo esset aliunde adoptatus: at non verus, ac proprius.

CAPUT II.

- *Fuisse in Christo veram carnem, eamque non de cœlo declapsam, sed in virginali Mariæ utero procreatam.*

NUNC profliganda venit altera adversus Christi conceptionem Valentini, Basilidis, & Marcionis portentosa hæresis, nullum Christo attribuens corpus, nisi phantasticum; in quem errorem prolapsi sunt etiam Manichæi, refutati ab Augustino in libro de Fide contra Manich. cap. 32. & lib. xxv. 1. contra Faustum, atque aliis in locis.

PROPOSITIO I. Divinum Verbum veram, & corpoream assumpsit carnem.

Demonstratur 1. ex Scripturis. Nam Joan. 1. 14. legitur: *Es Verbum caro factum est*: atque in Ep. ejusdem Joannis 1. cap. 1v. 2. *Omnis spiritus, qui constitetur Jesum Christum in carne venisse, ex Deo est, &c.* Huc spectant loca, quæ asserunt Christum natum, passum, mortuum, ac redivivum. Item ea, quibus constat discipulos aliquando opinantes Christum esse phantasma, ab ipso, qui falli non potest, nec fallere, fuisse reprehensos, atque etiam manducatione, corporisque contactu factos fuisse de veritate carnis certiores, ut Mat. xiv. 26. Lucæ xxiv. 39. & Joannis xx. 27. Idem probant ea omnia, quibus narrantur patrata a Christo humana, & corporalia opera; in quibus non potuit affectus nostros simulare, cum mentiri non possit.

Com-

Complura argumenta urget adverſus Marcionem , & ceteros Phantaſiaſtas Tertullianus : eaque collegit , notiſque illustravit noſter Moreau Toim. 2. titulo *Chriſti caro* , Scholiis xiiii. Præcipua hæc ſunt I. Deducitur a Tertulliano lib. De Carne Chriſti , ex ejus paſſione , quam prænuntiarunt Iſaias lxxxi. 4. completam vero Evangelica narrat hitoria . Nam , *Tucentibus* , inquit Tertullianus cap. 9. *apud nos quoque Propbetis de ignobili adſpectu ejus , ipſæ paſſiones , ipſæque contumelia loquuntur : paſſiones quidem humanam carnem , contumelia inhoneſtam . An auſus eſſet aliquis ungue ſummo perſtringere corpus novum ? Sputaminibus contaminare faciem niſi merentem ? Quid dicis caeleſtem carnem , quam unde caeleſtem intelligas , non habes ? Quid terrenam negas , quam unde terrenam agnoſcas , habes ? Eſuriis ſub diabolo , ſiſiſiſi ſub Samaritide , lacrymatuſ eſt ſuper Lazarum , trepidaviſ ad mortem ; Caro enim , inquit , infirma : ſanguinem ſudit poſtremo .* II. Promitur lib. iv. contra Marcionem cap. viii. ex corporis attactu , quod Chriſtus Lucæ iv. 40. omnes infirmos curaret ſingulis manus imponens , utique , ait Tertullianus , ſentiendas . Et cap. ejusdem Operis 20. aſſert curationem mulieris a fluxu ſanguinis , ex contactu ſimbriæ veſtimenti Salvatoris ; de qua idem Lucas xiiii. 44. demonſtratque veſtimentum corpori , non phantaſmati adjacere , ideoque ſi verum fuit veſtimentum , verum quoque fuit *inditum corpus* . Addit citato cap. 8. ex eodem Luca iv. 29. non ſolum Chriſti corpus amiſiſſe contactum , ſed contactum violentum , ac plenum , dum Chriſtus *deſcendit* , & *capſus ad præcipitiuſ uſque protracſus eſt* ; aſſerens quoque Lucretii ſententiam ,

Tangere enim , & tangi , niſi corpus , nulla poteſt res : atque acute obſervat , nunquam Chriſtum Judæorum manus evaſiſſe , eos per caliginem eludens , ſed ſedato tumultu , & *transiens per medium illorum* , ut eo loci ſcribit Evangeliſta . III. Eodem adverſus Marcionem libro , cap. 43. veritatem corporis Chriſti demonſtrat , ex quo hæſitantibus diſcipulis , & phantaſma illum credentibus Luc. xxiv. 39. Dominus dixerit : *Palpate , & videte , quia ſpiritus carnem & oſſa non habet , ſicut me videtis habere* . Redarguitque Marcionem hunc locum interpretantem , quaſi dictum ſit , *ſicut me videtis non habentem oſſa , ſicut ſpiritus* , dicens : *Cur autem inſpectuſ eorum manus & pedes ſuos offert , quæ membra ex oſſibus conſtant , ſi oſſa non habebat ? Cur adſecit , & ſcitote quia ego ſum , quem ſcilicet corporeum retro noverant ? Aut ſi phantaſma erat uſquequaque , cur illos phantaſma credentes increpabat ? At quin adhuc eis non credentibus propterea cibum deſideravit , ut ſe oſtenderet etiam dentes habere* . Utitur conſimili argumento Auguſtinus ſerm. lxxv. , alias xxii. de diverſis cap. 7. IV. Ingenioſa eſt argumentatio , quam Tertullianus neſcit ex verbo *Exſpiravit* , quo Lucas xxi. 46. mortem indicat Salvatoris . Vel enim exſpiravit

caro

caro spiritum, & caro utique fuit: vel si caro non fuit, sed phantasma carnis, cum phantasma nihil sit aliud, quam corpus umbratile confictum a spiritu; dum ipse spiritus expirando discessit, necesse est, ut discederet etiam phantasma. *Nihil ergo, inquit lib. iv. citato, cap. 42. remansit in ligno: nihil pendit post expirationem: nihil de Pilato postulatam: nihil de patibulo detractum: nihil sindone involutum: nihil sepulcro novo conditum. Atqui non nihil. Quid igitur illud erat? Si phantasma, adhuc ergo inerat & Christus. Si discesserat Christus, ergo abstulerat phantasma. Superest impudentia hæretica dicere phantasma illic phantasmatis remansisse.* V. Postremo ratiocinatur Tertullianus in libro de Carne Christi cap. 16. ex verbis Apostoli ad Rom. viii. 3. *De peccato damnavit peccatum carne, quoniam nisi caro illa fuisset in Christo, cujus natura est in homine peccatrix, non recte diceretur peccatum in ipsa carne evacuatum. Quid enim, inquit Tertullianus, magnum, si in carne meliore, & alterius, idest non peccatricis natura novum peccati redemit?* Itaque caro Christi confossa vulneribus, condita tumulo, tentata contactu, atque eo fine assumpta, ut de peccato damnaretur peccatum, fuit caro vera & extensa, non autem phantastica ac spiritalis.

Hæc sane argumenta excuti nequeunt cavillis Phantasiastarum, reponentium sacras literas, quas egregie tractat Tertullianus, exhibere duntaxat corpus apparens, in quo Christus humanos affectus simulando omnia specie tenus patrauerit. Enimvero ne dicta repetamus, si fictum fuit corpus Christi apparentia mortuus est, nec vere resurrexit, nec genus humanum redemit: corruique fides ac spes Christiana. Fuisset etiam Christus fallax mortis, & resurrectionis suæ prænuntiator, injustus discipulorum reprehensor, atque mendax, hominumque seductor. Si quis vero hæc ausus fuerit cogitare, ei respondebimus, quæ scribit Augustinus adversus Faustum pariter delirantem, lib. xxvi. cap. 8. *Homo pessime ac fallacissime, quomodo tibi ego credam, quasi vera dicenti, cum Christum dicas mortem potuisse mentiri? Ergo ille mentiebatur, quando dicebat, Oportet filium hominis occidi, & tertia die resurgere: & tu non mentiris, & dicis, ut tibi vera dicenti credamus? Veracior ergo Petrus, quando ei dixit, Absit Domine, non fiet istud: & unde meruit audire, Redi retro satanas? Et ille quidem non hoc infructuose audivit, qui eam postea veritate mortis Christi usque ad suam mortem correctus, perfectusque prædicavit. Verum si ille, quia tantum putavit Christum non moriturum, audire meruit, Satanas: tu quid mereris audire, qui non solum negas mortuum, sed etiam dicis mortem fuisse mentitum? Sed ideo, inquit, mortem quoque simulasse credendus est, quia omnes humana conditionis simulavit affectus. Quis enim tibi hoc contra Evangelium concessurus est, quod omnes humana conditionis simulavit affectus? Pro-*
fus

sus dixit Evangelista, Dormivit J̄esus: dixit, Esurivit, contristatus est, exbilaratus est, & si qua talia omnia vera sunt, quæ ita narrata sunt, ut non eum simulasse, sed plane fecisse, vel exhibuisse conscripta sint, &c.

PROPOSITIO II. Dei Filius humanum corpus non aliunde, sed materna traxit ex carne.

Confirmat hæc propositio præcedentem: si enim Christus ex Virgine natus est, traxitque ex semine David originem, consequitur verum illi fuisse corpus, cujus Genitrix materiam subministraverit. Itaque propositio hæc probatur ex cap. 1. Matthæi, in quo contextitur Salvatoris genealogia usque ad Joseph virum Mariæ: *De qua, inquit Evangelista v. 16., natus est J̄esus, qui vocatur Christus.* Respondebant Hæretici hanc Genealogiam scriptam non fuisse a Matthæo: sed illorum temeritatem ita revincit Augustinus lib. xxviii. contra Faustum cap. 2. *Cum cæpero Matthæi Evangelium recitare, ubi narratio natiuitatis ejus tota contextitur, continuo dices illam narrationem non esse Matthæi, quam Matthæi esse dicit universa Ecclesia ab Apostolicis sedibus usque ad præsentis Episcopos certa successione perducta. Tu mihi quid contra lecturus es? Aliquem forte librum Manichæi, ubi J̄esus negatur esse natus ex Virgine. Sicut ergo ego credo illum librum esse Manichæi, quoniam ex ipso tempore, quo Manichæus vivebat in carne, per discipulos ejus certa successione præpositorum vestrorum ad vestra usque tempora custoditus atque perductus est: sic & illum librum crede esse Matthæi, quem ex illo tempore, quo Matthæus ipse in carne vivit, non interrupta serie temporum, Ecclesia certa connexionis successione usque ad tempora ista perduxit. Et dic mihi, cui libro potius credere debeamus, ejusve Apostoli, qui Christo, cum adhuc in terra esset, adhaferat, an nescio cui Persæ, qui tanto post natus est? Adde non Matthæum solum scribere Christum ex Virgine natum, sed & Lucam 1. 35. referentem verba Gabrielis Angeli, *Quod nascetur ex te sanctum*: nec non Apostolum scribentem ad Rom. 1. 2. *Factus est ei ex semine David secundum carnem*: & ad Galatas iv. 4. *Misit Deus Filium suum factum ex muliere, factum sub lege.* Idem confirmat ea Christi appellatio *Filius hominis*, tam in Evangeliiis frequens: non enim vere Christus filius hominis diceretur, nisi originem haberet ex homine, inquit lib. iv. in Lucam cap. 49. Venerabilis Beda. Vide etiam quæ de vaticinio Isaïæ vii. 14. dicta sunt capite præcedenti.*

OBJECTA DILUUNTUR.

Phantasiastæ opponunt 1. Verbum nonnisi specie tenus humanum corpus gestasse Scriptura ac ratio demonstrat, Scriptura quidem scribente

bente ad Philipp. Apostolo 11. 7. *In similitudinem hominum factus; & habitu inventus, ut homo.* Atque ad Rom. viii. 3. *Misit Deus filium suum in similitudinem carnis peccati.* Accedit quod 1. ad Corinth. xv. 50. *Caro damnatur his verbis: Caro & sanguis regnum Dei possidere non possunt;* & denique idem Apostolus 2. ad Corinth. v. 16. ait, *Et si cognovimus secundum carnem Christum, sed nunc jam non novimus.* Ratio autem multiplex afferri potest: ac primo, quod videatur Deo indignum humanam carnem induere, ac sese filiorum Adæ subicere conditioni: tum quod absurdum sit putare Unigenitum Dei factum Angelicis spiritibus deteriore: insuper quod assumptio carnis nequeat percipi absque adfumentis mutatione, cum tamen nulla mutatio possit in Deo excogitari. Accedunt his experimenta, cum enim corpus, Philosophorum sententia, sit natura sua extensum, ideoque impenetrabile ac solidum: corpus Christi, quod creditur in lucem editum non fracto virginali secreto, necnon ad vitam clauso monumento rediisse, ingressum januis clausis ad Apostolos, evanuisse ab eorum adfpectu, gradiens super undas, in aera sublatum, neque ab hostibus, nunquam nisi quando ei placuit, deprehensum, hoc, inquam, corpus fuit diversæ a nostro naturæ.

Resp. Pauli ad Philippenses sensum esse, quod etiamsi Christus *in forma Dei* esset, ac posset gloriosam ducere vitam; cum tamen in mundum advenerit ad homines sanguine suo redimendos, dignatus est tanquam servum se gerere, & singulari obedientiæ exemplo humiliare semetipsum usque ad mortem crucis, ita, ut exteriori vitæ conversatione haberetur, sicut ceteri hominum, quamquam esset longe præstantior, nec mortis necessitati subjectus. Hortatur enim eo loci Apostolus, ut exemplo Christi nihil per contentionem & inanem gloriam operemur. Itaque quod Paulus ait, *In similitudinem hominum factus, & habitu inventus ut homo,* non ad carnis substantiam, sed ad vitæ consuetudinem, & vulgarem de Christo existimationem est referendum. Habes hujus phræseos exempla Judicum xvi. 7. in Psalm: lxxxv. 7. Etsi autem hæc responsio videtur mihi plana, ac certa; eas, quas alii tradunt, non prætermittam. Ac Tertullianus adversus Marcionem scribit Filium Dei factum in similitudinem hominum, ratione conceptionis; quoniam probatur quidem filius Ioseph, sed per Spiritum sanctum absque virili semine generatus est. Ambrosius autem, cui permulti subscribunt, *habitum ac similitudinem*, pro ipsa naturæ humanæ substantia interpretatur, scribens Epist. 46. ad Sabinum *Nec sibi blandiatur virum Apollinaris, quia ita legitur, Et specie inventus ut homo. Non enim negatus est homo Iesus; cum alibi ipse Paulus de eo dicat, Mediator Dei & hominum, homo Christus Iesus; sed confirmatus est. Id enim est usus & moris Scripturæ sic significare. Sicut & in Evangelio legimus: Et vidimus gloriam ejus, gloriam quasi unigeniti*
a Pa-

in Patre . Sicut ergo quasi unigenitus Dei filius , ita quasi homo dicitur , & perfectio fuisse in eo hominis non negatur . In Epistola autem ad Romanos dicitur Christus factus in similitudinem carnis peccati , quia ejus caro non erat caro peccati , non enim de traduce mortalitatis in Mariam per masculum venerat ; quare cum mortuus sit , & de peccato sit mors , *habuit carnem non peccatricem , sed tamen similitudinem gerentem peccati* , inquit lib. contra Adim. cap. xx1. Augustinus. Recte ab eodem Augustino exponitur alter Apostoli textus ex priori ad Corinth. , de vera Relig. cap. 12. ubi ait : *Per peccatum vita hominis carnalis & terrena efficitur , & ob hoc etiam terra & caro nominatur : & quandiu ita est , regnum Dei non possidebit .* Ita caro accipitur Genes. vi. 3. 12. Ps. lv. 5. & alibi . Præterea cum ibidem Apostolus loquatur de corpore resurgentium , *per carnem & sanguinem* intelligit corpus fragile ac fluidum , ut demonstrat idem Augustinus contra Adimantum cap. x11. In altera demum ad Corinthios docet Apostolus neminem existimandum esse *secundum carnem* , idest , secundum præsentem mortalium conditionem , quemadmodum Christus , qui exinanitionis tempore videbatur *despectus & novissimus virorum* , nunc gloria & honore coronatus est : ac simul admonet non habendam esse rationem consanguinitatis , cum simus in Christo *novæ creatura* , neque illius sint hæredes , qui ei fuerunt carnali propinquitate conjuncti , sed qui novitate spiritus regenerantur . Accipitur ergo *cognoscere* , ut sola lectione liquet , pro *existimare* : quemadmodum Exodi 1. 8. Prov. xx1x. 7. Joan. x. 27. , & in priori ad Corinth. vi. 11. 3.

Rationes a Phantasiastis productæ nil prorsus probant . Ad primam namque dicimus non esse indignum Deo induere , quod manibus suis plasmavit , absque contagione peccati . *Si enim visibilia , munda a visibilibus immundis contingi possunt , & non inquinari , quanto magis invisibilis & incommutabilis Veritas per spiritum animam , & per animam corpus suscipiens toto homine assumpto ab omnibus eum infirmitatibus nulla sui contaminatione liberavit ?* inquit Augustinus de Agone Christiano cap. 18. Addit indigna & abjecta sentire potius de Christo Manichæos ipsos , ac Marcionitas ; quoniam veritas mendacio inquinari potest , non carne : quod etiam animadvertit Tertullianus lib. contra Marcionem iii. Cap. 7. Altera ratio exploditur , quoniam revera Filius Dei secundum assumptam humanitatem *paullo minus ab Angelis minoratus est* , ut inquit Psalm. vi. 11. 6. sed nulla hinc Dei filio contumelia , quia hæc assumptio non est in ipso necessitas conditionis , sed præconium humilitatis , qua consuluit humano generi , & nos propriæ gloriæ fecit consortes , non depressa divina natura per copulationem humanæ , sed exaltata natura humana per consortium divinæ . Ad tertiam rationem , quoniam eam solvimus

Tl.V.

N

præ-

præcedenti libro cap. xi., nunc cum Tertulliano de Carne Christi cap. 3. reponimus ea tantum mutari & in aliam naturam converti, quæ dum uniuntur aut non permanendo pereunt, aut perfectionem, qua carebant, recipiunt. At Christus, ut etiam docet Augustinus lib. 11. de Actis cum Fel. Manich. cap. 19. *assumpsit humanitatem, non amisit divinitatem: neque in carne ipse deterior factus, sed caro in illo melior facta est.*

Experimenta philosophicis argumentationibus confirmata principio in Phantasiafas retorquentur; quippe si corpus est, quod extensionem habet, loco continetur, palpatur, ac tangitur; quomodo non est verum Christi corpus, pannis indutum, reclinatum in præsepio, funibus colligatum, flagellis cæsum, clavis confixum, lancea vulneratum, sindone involutum, sepulcro reconditum, & discipulorum manibus contrectatum? Prodigia vero enarrata habent in omni Philosophorum sententia facilem solutionem. Respondebit Peripateticus, cum gravitatem, tum penetrabilitatem corporum, imo extensionem ipsam localem, esse proprietates, quæ tolli divinitus possint, aut impediri. Qui in dimensione statuunt naturam corporis, dicent non esse arduum divinæ omnipotentis illam extendere, aut constringere. Contendent aliqui nutu Dei transferri, etiam non tacto medio, quodlibet corpus de una in aliam viciniam: verum hæc ad Philosophos.

Opp. 2. Nullum est argumentum ad probandum carnis Christi veritatem, quod ut homo apparuerit, atque se tractandum exhibuerit Apostolis. Primo enim indubitatum est, aut ipsum Dei-Filium, aut Angelos in veteri Testamento hominibus apparuisse, cum tamen nullum verum corpus haberent, aut saltem non proprium. Deinde sentiunt complures, quod possint spiritus præstare effecta similia corporibus per solam circumstantis aeris motionem, ut explicavimus libro x. cap. 14. Insuper, si placeat Christo aliquando carnem adhæsisse, possumus negare fuisse ei propriam, ac natam, ut de specie columbæ, in qua Spiritus sanctus apparuit, scribit cap. 22. de Agone Christiano Augustinus. Postremo cur non dicamus cum Basileide apud Epiph. H. 24. & Mahumete Az. 6. non Christi corpus in ligno suspensum, sed Simonem Cyrenæum, aut Judam apostatam, sive cum Manichæis fuisse crucifixum, non Christum, sed diabolum, ideoque perire argumenta fere omnia, quæ ex Tertulliano & Augustino collegimus?

Resp. ad 1. cum Augustino libro xxix. contra Faustum cap. 4. potuisse quidem Dei filium loqui & apparere hominibus, quamvis in carne non natum, sed noluisse. *Hoc autem eum voluisse ideo certum est, quia hoc fecit: hoc vero eum fecisse ideo non dubitamus, quia non nunquam hæretico, sed ejus Evangelio credimus.* Retorquemus etiam

etiam argumentum; quoniam corpora in quibus, ſive Dei filius, ſive Angeli olim apparuerunt, etſi aſſumpta, non nata, vera ac ſolida fuiſſe tradunt quamplurimi. Etiam reponimus demonſtraſſe ipſos Angelos ſe aëria, & ſubtilia geſtare corpora affirmantes uti ſe tantum cibo inviſibili, ut Raphael ait Tobię xii. 19. cum Chriſtus ſe verum hominem exhibuerit. Atque ad ſecundum dicimus admiſſa ea Philoſophorum ſententia, ſecerni imaginariam ſpiritus apparitionem a vera, quod in illa corpus phantaſticum non videtur indiſſerenter ab omnibus, ſed ab iis tantum, in quibus radiorum flexione imaginaria viſio excitatur: ideoque in veris corporibus apparuiſſe tam Angelos, qui a tota Abrahami, Lot, ac Tobię familia eodem ſenſu videbantur, quam Chriſtum, quem omnes conſpexerunt, tetigerunt, palparunt, affectum eadem oris forma, eadem extensione membrorum, eademque corporis ſoliditate: atque hunc maxime, qui, cum *veritas* ſit, conteſtatus eſt ſe hominem eſſe, non ſpiritum: quod de nullo angelorum divina tradunt eloquia. Ad tertium reſponderi poſſet Spiritum ſanctum non aſſumpſiſſe verum corpus columbæ, ſed ſpeciem, atque figuram, ut ſcribunt Chryſoſtomus Hom. xii. in Matth. Ambroſius lib. 1. de Sacram. cap. 5., ac dubitare videtur Auguſtinus in iv. de Trinit. cap. 21. Neque eadem eſt ratio de Chriſto, quoniam de Spiritu ſancto inquit Ioan. cap. 1. 32. *Vidi Spiritum deſcendentem quaſi columbam*, de Chriſto autem verſu 14. *Verbum caro factum eſt*. Eſt autem verſu 32. in Græco particula *ὡς*, *quaſi*, ambigua ſignificationis, ac verſu 14. particula *ὡς*, *quaſi*, ut appellant, *ἵνα* *deſignans*. Verum dato, quod Spiritus ſanctus in vera Columba apparuerit; cum Auguſtino eodem cap. 22. de Agone Chr. argumentum retorqueo, quia *sicut non oportebat, ut homines falleret filius Dei, ſic etiam non oportebat ut falleret Spiritus ſanctus*. Quare utrumque aſſumpſiſſe verum corpus docet S. Thomas iii. p. art. 7. q. 39. & Doctores Scholaſtici communiter in diſt. xiiii. Libri primi. Quærenti autem, cur Chriſti corpus proprium, ac natum ſit, & corpus columbæ aſſumptum tantummodo a Spiritu, reſpondet ibidem Auguſtinus citato capite xxii. de Ag. Chr., *Quia non columbos liberare venerat Spiritus ſanctus, ſed hominibus ſignificare innocentiam, & amorem ſpiritualem, quod in columbæ ſpecie viſibiliter figuratum eſt*.

Crucifixum aut Simonem Cyrenæum, aut Judam, aut Diabolum, affirmare non poſſumus, quoniam iſtorum nemo eſt hominum Redemptor, ac Mediator, neque talem perpeſſos mortem Scriptura teſtatur. Antequam Simon tolleretur crucem ejus, jam per urbem illam detulerat Chriſtus, & jam inceſſerat flagellis cæſus, portanſque ſpineam coronam. Fruſtra itaque ſingitur crucifixus Cyrenæus, ne Filius Dei afficeretur ludibrio. Judas laqueo ſuſpēdit ſe, ut legimus Matth. xxvii. 4. & Aët. Apoſt. i. 18. Manichæis denique diceantibus crucifi-

xum principem tenebrarum respondet Augustinus de Fide cap. 33. *Miseri! non timetis ut dicatur vobis in iudicio: Ego eos liberavi, pro quibus passus sum. Ite: ille vos liberet, cui meas adscribitis passiones?* At refutatur insignis error ipso signo Crucis, quo dæmon perterritus fugatur, atque confessione Martyrum, quorum vulnera dicuntur stigmata Christi, non diaboli.

Opp. 3. Ut demus Christo fuisse corpus aliquod, quod tanquam aqua per tubum, transierit per uterum Virginis, atque dici possit *inematum*, quemadmodum ait Angelus Iosephum alloquens Matth. 1. 20. nulla ratione possumus affirmare fuisse hoc corpus ex Virgine procreatum. Enim vero negat ipse Christus Mariam esse matrem suam: nam ipsa interpellante, ut aquam in vinum verteret, tanquam feminæ nullo sibi carnis vinculo conjunctæ respondit, *Quid mihi, & tibi est mulier?* Joannis 11. 4. Cuidam ei dicenti, quod a Matre, ac fratribus suis inquireretur, inquit, *Quæ est mater mea, & qui sunt fratres mei?* Mat. x 11. 48. Exclamante insuper pia muliere, *Beatus ventris, qui te portavit*, inquit, *Quinimo beati, qui audiunt verbum Dei*, &c. Lucæ 11. 28. Ac demum in cruce moriturus stante in Virginem ita est allocutus, *Mulier, ecce filius tuus*; Joannis xix. 26. Negat igitur Dominus se a Maria virgine generatum.

Resp. perperam hæc a Manichæis objici ad probandum Christum ex Virgine incarnatum non esse, & ex ea factum, & natum, uti expressum est in Scripturis paullo supra productis. Ad hæc vero, quæ opponunt, sit prior, ac generalis responsio tradita ab Augustino de Fide contra Manichæos cap. 23. aliquando Christum non appellasse Virginem nomine matris, *Quia exemplo suo docebat negandos esse terrenos parentes propter Deum. Opera enim divina facienti terrenos affectus obstrepere non debebant.* Deinde ad singula respondemus. Atque ad 1. dicimus Joannem eodem cap. 2. v. 1. 3. & 5. scribere Mariam fuisse Christi matrem. *Erat, inquit, mater Jesu ibi: Dicit mater Jesu ad eum: Dicit mater ejus ministris.* Itaque Manichæus caveat ne cogatur credere Evangelistam fuisse mentitum, quia ait, *Erat ibi mater Jesu: aut ipsum Christum falsa morte passum propter delicta nostra, & falsas cicatrices ostendisse propter justificationem nostram. Si enim falsa mater; falsa caro, falsa mors, falsa vulnera passionis, falsa cicatrices resurrectionis:* ait Augustinus Tract. viii. in Joan. num. 7. Respondet præterea idem S. Pater seq. num. 9. *Dominus Jesus Christus, & Deus erat, & homo: secundum quod Deus erat, matrem non habebat; secundum quod homo erat, habebat. Mater ergo erat carnis, mater humanitatis, mater infirmitatis, quam suscepit propter nos. Miraculum autem quod facturus erat, secundum divinitatem facturus erat, non secundum infirmitatem.* Quod profertur ex cap. xii. Matth. ita egregie refellitur a Tertulliano de Carne Ch. cap. 7.

Oro

Oro te, Apelles, vel tu Marcion, ſi forte tabula ludens, vel de hiſtrionibus, aut aurigis contendens, tali nuntio avocaveris, nonne dixiſſes, quæ mihi mater, aut qui fratres? Deum prædicans, & probans Chriſtus, legem & prophetas adimplens, tanti retro avi caliginem diſpergens indigne uſus eſt hoc dicto ad percutiendam incredulitatem foris ſtantiæ, vel ad excutiendam importunitatem ab opere revocantium? Solvit idem Tertullianus quod obijcitur ex cap. xi. Lucæ dicens in 4. contra Marcionem, Chriſtum felicitatem ab utero, & uberibus matris ſuæ tranſtuliffe in diſcipulos: idque explicans magis Auguſtinus Tract. x. in Joan. num. 3. ita Chriſti verba interpretatur: Mater mea, quam appellatis felicem, inde felix, quia verbum Dei cuſtodit: non quia in illa Verbum caro factum eſt; ſed quia cuſtodit ipſum Verbum Dei, per quod facta eſt, & quod in illa caro factum eſt. Homines non gaudeant prole temporali, exultent ſi ſpiritu junguntur Deo. Ultimum petum ex cap. xi. Joannis in adverſarios retorquetur, tum quia ibidem v. 25. & 26. Evangeliſta demonſtrat Mariam fuiſſe Chriſti matrem, dicens: Stabat juxta crucem Jeſu mater ejus: Cum vidiffet ergo Jeſus matrem; tum etiam, quia Chriſtus Virginem Joanni commendans agnovit matrem moriturus, de qua fuerat mortaliter natus, ut recte S. Pater Tract. cx. in Joannem; quia humana patiens, ex qua fuerat factus homo, affectu commendabat humano.

Opp. 4. Habuiſſe Chriſtum cæleſte, atque æthereum corpus, affirmat Apoſtolus in prima ad Corinth. cap. xv. 47. his verbis: Primus homo de terra terrenus: ſecundus homo de calo cæleſtis. Ut ergo corpus Adæ fuit terrenum, atque, ut appellat Tertullianus lib. v. contra Marcionem, limaceum: ita corpus Chriſti fuit ſpiritale, ac fide- reum. Neque enim referri debent Apoſtoli verba ad corpus reſurgenti- um, cum loqui ipſum de ſolo corpore Chriſti demonſtrent Græci codices, qui habent, ὁ δεύτερος ὑψίστος ὁ κρείττων ἐκ πάντων, Secundus homo Dominus de calo.

Reſp. revera Apoſtolum accipiendum de reſurrectione, in qua cæleſtis homo erit, non quia corpus, quod de terra factum eſt, non ipſum erit, ſed quia dono cæleſti jam tale erit, ut etiam calo incolendo, non amiſſa natura, ſed mutata qualitate conveniat. Ita S. Pater lib. xiii. de Civit. Dei cap. 23. Hanc eſſe veriſſimam reſponſionem idem Auguſtinus demonſtrat lib. xi. contra Fauſtum cap. 3. ex quo Apoſtolus præmittat v. 44. Seminatur corpus animale, ſurget corpus ſpiritale. Verborum ergo, quæ obijciuntur, ſenſus eſt, primum homines habere corpus animale, ac morti obnoxium ob generatio- nem ex Adam; at poſt reſurrectionem corpus ſpiritale, & incorruptio- ne donatum propter regenerationem in Chriſto. Quod attinet ad Græcam verſionem reſpondet Bellarminus lib. ii. cap. 27. fuiſſe a Marcione corruptam, quod probat etiam ex quinto adverſus hunc hære-

hæreticum Tertulliani libro. Aegre hæc excipiunt hæretici, qui Græcum novi Testamenti Codicem Latino præferunt. Et tamen Erasmus ille, cujus judicium tanti faciunt, putat verbum *niam adscriptum a studioso*, probatque ex verborum antithesi lectionem Vulgatæ magis videri germanam. Idem cenfet cum aliis multis Vatablus. Ego minimum puto inter utramque lectionem, græcam, & latinam interesse discrimen: nec fortasse Marcion textum corrupit, cum similiter habeat Syriaca, & Arabica: quare idem est *secundus Adam*, ac *Dominus*, cujus imaginem portabit justus in corpore incorruptibili. Neque hinc consequitur corpus Christi fuisse cæleste; quoniam Apostolus loquutus est de Christo post resurrectionem, quam antea diferte proponit dicens: *Tradidi enim vobis in primis quod & accepi: quoniam Christus mortuus est secundum Scripturas: & quia sepultus est, & quia resurrexit secundum Scripturas*. Vide Augustinum citato libro xi. contra Faustum cap. 3. Tandem affirmo Christum dici hominem cælestem, quia *Filius Dei de cælo venit ad carnem, qua suscepta, & homo exterius fieret, & Deus interius permaneret*: atque ita idem Augustinus libro adversus Faustum ii. cap. 4. Hanc postremam responsionem confirmo ex ipsa, quæ opponitur, lectione Græca; nam hæc ubi legit Vulgata *cælestis*, habet tantummodo *ἐξ οὐρανό*, *de cælo*, non refragante Syro, & Arabe interpretibus.

Oppones ultimo: Si voluisset Filius Dei veram carnem suscipere, illam prorsus ex nihilo creasset. Resp. cum Augustino libro xxvi. contra Faustum cap. 7. Potuisse filium Dei humanam veramque carnem formare unde formavit primo homini: potuisse corpus cæleste, & aereum commutare in humanæ carnis verissimam qualitatem: potuisse ex nihilo verum corpus producere: sed tamen ex Maria Virgine natum Christum, & vere natum, vere mortuum, ut scriptum est in Evangelio. Summa hujus consilii penes illum est. *Sive quia utrunque sexum, quem creaverat, etiam hoc modo commendandum honorandumque judicavit, assumendo formam viri, & nascendo de femina, sive aliqua alia causa: quoniam illa sit, non temere dixerim*.

C A P U T III.

De Christi Genealogia a Matthæo, & Luca Evangelistis descripta.

NON solum Manichæi, de quibus supra, verum etiam Porphyrius, Celsus, Julianus Apostata, alique Christianæ Religionis hostes Christi genealogiam evertere conati sunt, propterea quod diversâ ratione illam contexuerint Matthæus in primo Evangelii capite, & Lucas

& Lucas in tertio. Sed duorum Evangelistarum discrepantiam immemrito adversus nos urgeri facile demonstratur ex diverforum Auctorum, quam nunc subjicimus, expositione.

Prima est, quam olim tradidit Augustinus libro 11. de Consensu Evangelistarum cap. 3. & libro 111. contra Faustum cap. 3. & seqq. Josepho duos fuisse patres, unum natura, idest Jacob, alterum adoptione, idest, Heli. Quamquam vero S. Pater perfectis postea libris Julii Africani præposuit in 11. Retract. cap. 7. & 16. sententiam alteram, de qua proxime dicturus sum; expedita est tamen ad omnem contradictionem tollendam, atque etiam probabilis prior hæc Augustini expositio, quam nec penitus retractavit. Enim vero quod filii etiam adoptione dicantur, demonstrat idem Augustinus ex cap. XLVIII. 5. Genes. ex verbis Jacobi ad Joseph: *Duo ergo filii tui, qui nati sunt tibi in terra Aegypti antequam hac venirem ad te, mei erunt: Ephraim, & Manasse, sicut Ruben, & Simeon reputabuntur mihi.* Accedunt haud leves conjecturæ: prima quidem, quia in tota majorum serie utitur Matthæus verbo *gignit*, quod Lucas prætermisit, ideoque Matthæus significat Jacobum esse Patrem Josephi generatione, ac natura, filium vero Heli adoptione, etiamfi aliquo sensu filii quoque adoptivi geniti appellantur, idest, geniti caritate, non carne. Deinde Matthæus scribens Evangelium Hebræis debebat demonstrare quomodo Christus ex Abrahamo, & Davide, quibus fuit promissus, prognatus revera sit; ideoque ab Abrahamo consultò texiit generationem: Lucas contra scribens Evangelium gentibus in Christi hæreditatem adoptandis, etiam patres adoptionis commemorat, & genealogiam perducit usque ad Adam, qui fuit Dei, ut ostenderet Redemptorem pro omnibus hominibus advenisse. Ob eandem fortè causam narravit Matthæus Christi generationem initio Evangelii, ac de partu Virginis sermonem instituturus, & Lucas narrationem hanc distulit ad Christi manifestationem, atque baptismum, quandam veluti paraseeven Ecclesiæ ex Gentibus congregandæ. Si quis igitur planam hanc viam tenere velit, objicientibus Matthæi a Luca dissonantiam respondere potest cum eodem Augustino, *duos patres habere potuisse Joseph, unum a quo genitus, alterum a quo fuerit adoptatus.*

Alteri Julii Africani sententia est, Joseph fuisse natura filium Jacob, lege autem filium Heli. Docet enim Africanus in Epist. ad Aristidem apud Eusebium H. E. lib. 1. cap. 7. Mathan a Salomone prognatum genuisse Jacob, quo mortuo Melchi a stirpe Nathan profectus ab ea, quæ uxor erat Mathan, procreavit Heli. Uterini ergo fratres erant Heli, & Jacob. Heli absque prole moriente Jacob illi semen suscitavit, & genuit Joseph, natura sibi ipsi, lege autem Heli. Dicitur autem Joseph lege filius Heli, ex præscripto Deut. xxv. 5. *Quando habitaverint fratres simul, & unus ex eis absque liberis mor-*

SHUS

tuus fueris, uxor defuncti non nubet alteri, sed accipiet eam frater ejus, & suscitabis semen fratris sui. Reddit vero hanc sententiam valde probabilem. I. antiquitas Auctoris, qui vixit ducentesimo ac vicesimo post Christum anno. II. Quia attestatur Africanus se de his sermonem habuisse cum viris, qui etiamnum supererant ex Domini cognatione. III. Quoniam Augustinus ait in 11. Retract. cap. 7. hoc in eorum literis contineri, *qui recenti memoria post ascensionem Domini de hac re scripserunt.* IV. Quia hæc opinio a Patribus communiter recepta est: ideoque videtur ob antiquitatem, ac sui, ut ita dicam, possessionem ceteris præferenda. Patitur tamen Africani sententia gravissimas difficultates, ac duas præsertim. Prima est, quod Africanus Melchin statuit tertium a Joseph, cum intermedii sint Mathat, & Levi: altera, quia si Jacobus sine liberis functus erat, prolem ei gignere debebat consanguineus, & proximus ejusdem stirpis, non uterinus. Sed ad primam respondemus Africanum prætermisisse intermedias illas generationes, quas certum est in omnibus Codicibus non exstare, cum Irenæus lib. 111. cap. 33. ab Adam ad Christum connumeret secundum Lucæ genealogiam generationes LXXII. non LXXV. tribus prætermisiss, his scilicet duabus, & Cainan inter Arphaxad, & Salam. Quare nil mirum, si Africanus posuerit pro nepote proavum: aut respondemus Mathat fuisse binomium, & etiam Melchi nomine appellatum. Ad alteram vero objectionem, quam plurimi faciunt Grotius in Caput 111. Lucæ, & Basnagius Tom. 1. Annal. pag. 89. respondeo stirpem Davidis, quæ per Salomonem, & Nathan divisa fuerat, iterum in Zorobabelem fuisse conjunctam, ut constat ex cap. 1. Matth. v. 12. & ex 111. Lucæ v. 27. ac iterum sejunctam per Resam. & Abjud filios Zorobabelis, & unitam postea in Mathat Josephi avo; ideoque Heli prognatus ex Nathan, & Abiud, non solum fuisse fratrem Jacobi uterinum, sed etiam ex stirpe Davidica proximiorum.

Tertia sententia huic opposita est, Heli fuisse patrem Josephi naturalem, & Josephum dici a Matthæo filium Jacobi ratione hæreditatis: cujus fulcra sunt, quæ sequuntur. I. Certum est Jechoniam nullos genuisse liberos ex comminatione divina, Jeremiæ xx11. 30. cum igitur Matthæus scribat Jechoniam genuisse Salathielem, & Lucas hunc dicat filium Neri, videtur a priori Evangelista respici jus successionis, ab altero autem jus sanguinis. II. Lucas longe plures generationes enumerat; nam inter Salathielem, & Josephum Matthæus decem, Lucas novemdecim recenset: & Matthæus præterea tres hæredum classes distinguit, in quarum prima inter Ioram & Oziam omittit Ochoziam, Joam, & Amasiam, consulens ordini memoriæ causa instituto, & silentio transmittens generationes aliquot, ut faciunt, qui de sola successione juris loquuntur. III. Matthæus generationes in-

incipit ab Abraham, cui promissiones factæ sunt; Lucas ab Adam naturali omnium protoparente; ideoque hic generationes naturales contextit. Verum ad hæc argumenta, quæ urget Grotius in Comment. ad 3. caput Lucæ, respondeo Jechoniam non genuisse filios regni hæredes, idque a Jeremia prænuntiatum; genuisse tamen Asir, & Salathielem, ut liquet ex 1. Paralip. 111. 17. nihilque referre, quod Matthæus generationes aliquas prætermittat, cum Ozias, sive Azarias, sit non solum successione juris, sed etiam sanguinis filius Joram, etiam si ex Amasia immediate sit genitus: ab Abrahamo demum Matthæum subducere Christi generationem, Lucam ab Adam, quod ille Hebræis, iste Gentibus principaliter scripserit. Hæc itaque opinio minori nititur, quam superior, auctoritate.

Quarta opinio est, quam sequuntur Erasmus, Vossius, Basnagius, & recentiores quamplurimi, Matthæum describere genealogiam Christi ex Josephi proavis, Lucam vero genus Mariæ, ita ut Heli fuerit pater Virginis, fover Josephi, & avus Christi. Nec repugnat, inquit, de Joseph dici *Qui fuit Heli*, tum quia gener appellatur filius, ut probat Vossius de Christi Genealog. 1v. 3. ex cap. 1. Ruth sæpius vocatæ Noemi filiæ, cum esset nurus; tum etiam, quia verba Lucæ, *Ut putabatur filius Joseph, qui fuit Heli*, videntur referenda ad Jesum, ut sensus sit, putabatur filius Joseph, cum esset filius Heli, idest Virginis filiæ Heli. Sed hæc opinio ceteris mihi videtur infirmior; nam etiam si generi filii revera dicantur, incredibile est Lucam ea simplici phrasi *ὡς ἦν, qui fuit Heli*, qua in tota illa generationum serie utitur ad filios designandos, voluisse nullo apposito signo discriminis generum demonstrare. Minus etiam credibile est ea verba *ὡς ἦν* referri ad Christum, cum immediate præcedat *Joseph*, neque præcedat *ἦ, δι, fuit autem*, aut similis phrasis opposita verbo *ἐμψύχον, putabatur*. Addo Heli defunctum fuisse absque liberis ex allato testimonio Africani, & ex Joanne Damasceno lib. 1v. de fide Orthodoxa cap. 15. quod licet non possit invictè demonstrari, nequit tamen aut auctoritate, aut ratione refelli. Cum itaque prior sententia, quæ olim fuerat Augustini, sit ab eodem fere retractata, tertia autem, & quarta repugnet Patribus, nec satis valido nitatur præsidio; restat ut teneamus opinionem secundo loco propositam, & dicamus Josephum natura filium Jacob, lege autem filium Eli, atque hoc pacto Manichæorum, atque aliorum Infidelium objectionem repellamus.

APPENDIX.

Samuel Basnagius ex hac postrema sententia infert falsam esse traditionem quod Mariæ parentes fuerint Joachim, & Anna. *Hinc cantata, inquit, traditio refellitur, quæ non Eli, sed Joakimum patrem*
To. V. *trem*

trem Virginis dicit, repugnante Scriptura. Utitur eodem argumento Hyacinthus Serry Exercit. de Christo xviii. num. 4. his verbis : *Certe quotquot Christi genealogiam a Luca descriptam Cap. 3. per Mariæ progenitores ductam existimant, (existimant autem bene multi) Deiparæ patrem Heli dictum opinantur.* At Joakimum fuisse patrem Virginis nos affirmamus, hanc ipsam de Genealogia progenitorum Mariæ sententiam rejiciendo. Porro Joakimum parentem Virginis facit non solum Damascenus lib. iv. Fidei Orthodoxæ cap. 15. verum etiam Epiphanius H. lxxviii. & lxxix. & Romana Ecclesia in Martyrol. xiii. Kal. Aprilis, necnon Græci in Menologio die 1x. Septembris. Erat autem juxta Damascenum Joakim filius Barpantheris, filii Pantheris fratris Melchi, ita ut Jannes, de quo Lucas iii. 24. genuerit Melchi, & Pantherem, Panther Barpantherem, Barpanther Joakim, Joakim Mariam: Melchi autem genuerit Levi, Levi Mathat, Mathat Heli patrem lege Josephi; atque ita Joseph, ac Maria fuerunt ex eadem agnatione, ac stirpe Davidica. Lubentius in hanc sententiam descendendo, quod Celsus Epicureus, apud Origenem libro 1. adv. eundem. Celsum, Christum appellavit *Filium Pantheris*, quam opinionem hausit a Judæis idem asserentibus in Thalmud cap. xiii. *Sabat*, quod opinor, gloriosissimum Virginis sponsum, quem putant concubuisse cum Maria, non proprio clarissimoque nomine, sed avi, familiæque distinxerint. Atque ita conveniunt omnia, Josephum fuisse filium. Heli lege, Mariam filiam naturæ Joakim, ambo autem conjuges, propinquos sanguine, atque ex eadem tribu.

Sed ad refellendum Basnagium, & Serrium ipsa quoque eorum opinio deservit. Detur enim Mariam fuisse filiam Heli, & a Luca Mariæ progenitores recenseri. Atqui Heli, & Joakim idem omnino sunt, non mystica significatione, vel nominis pluralitate, ut idem Serry scribit Exercit. xlii. 5. sed nomine propriissimo, ac singulari. Joakim enim idem omnino est, ac Eliakim: nam liquet antepenultimum Regem Judæ, quem constat dictum Eliakim, appellari Joakim iv. Regum xlii. 34. & 2. Paralip. xxxvi. 4. & Pontifex, qui Judith. iv. 5., appellatur Eliakim, cap. xv. 9. nominatur Joakim. Joakim ergo, & Eliakim idem omnino sunt. At Heli est ipsum nomen Eliakim contractum, ut demonstrat Vossius Dissert. de Gen. Ch. cap. iv. 4. & Erasmus ad iii. Lucæ. Idem ergo nomen sunt Heli, Eliakim, & Joakim, & Basnagius, ac Serrius ex suismet principiis refutantur. Nec tamen sequitur veram esse horum opinionem, & a Luca referri genus Mariæ, non Josephi: cum enim uterque essent iisdem atavis prognati, potuerunt etiam habere parentes ejusdem nominis, & qui proinde distinguerentur, attributo uni nomine contracto *Heli*, alteri nomine integro *Joakim*.

Verum Critici alias argumentationes producunt ad probandum.

no-

nomina Genitorum Deiparæ incerta esse; illasque urget ipse Serrius. Prima est, quod Hieronymus cap. 7. contra Helvidium existimat Mariam Cleophae sororem Deiparæ, dictam non a marito, sed a patre, ideoque Cleophas, non Joakimus erat Pater Virginis. Sed hæc nimis levis est, atque inepta. Primo enim repugnat sententiæ, quam probabiliorē putat ipse Serry, narrari a Luca generationem Mariæ, & hanc filiam fuisse Heli. Si enim Heli quomodo Cleopha? Deinde Hieronymus non illud vult Mariam denominatam a patre proximo, sed ab eo, qui familiæ nomen tribuerit; nam ait, *A patre, sive a Gentilitate familia*. Altera argumentatio est, quod Augustinus lib. XXI. contra Faustum cap. 1x. ait: *Quod de Generatione Mariæ Faustus posuit, quod patrem habuerit ex tribu Levi Sacerdotem quemdam nomine Joakim: quia canonicum non est, non me constringit*. Sed sciendum est, quemdam Manichæum, Seleucum nomine, ut refelleret caput primum Matthæi vulgasse apocrypham quamdam scripturam de Generatione Virginis ex tribu Levi, non ex tribu Juda. Negat itaque Augustinus patrem Virginis fuisse quemdam Joakimum ex Tribu Levi, non negat fuisse Joakimum ex tribu Juda. Verum est tamen quod Augustinus addit: *Sed etiamsi hoc crederem, ipsum potius Joakim dicerem aliquo modo ad David sanguinem pertinuisse, & aliquo modo ex tribu Juda in tribum Levi fuisse adoptatum, vel ipsam, vel aliquem ejus progenitorem*. Quibus videtur Augustinus dubitare an pater Deiparæ dictus sit Joakim: sed non ita est; planus enim, & expeditus horum verborum est sensus, etiamsi crederem Joakim in antiqua aliqua Scriptura dici Levitidem, existimarem pertinuisse ad tribum Levi adoptione, non sanguine. Quare Augustinus de progenie Mariæ disputat, de nomine autem patris ejus nihil penitus. Postrema argumentatio est, quod usque ad undecimum sæculum adeo dubia fuerint nomina genitorum Deiparæ, ut Petrus Damiani Serm. 111. de Nativitate Virginis invehatur in illos, qui hæc nomina studio superflue curiositatis inquirunt. Sed in oppositum nos producimus Epiphanium in Hæresi Andicomarianitarum, & Collyridianorum, & dicimus Petrum Damiani locutum adversus illos, qui seriem progenitorum Mariæ probabant ex apocryphis scriptis, qualia sunt citatus liber Seleuci, & quæ antea Gnostici ediderant de stirpe Mariæ. Horum tamen nullam habuit rationem Epiphanius, nam librum De stirpe Mariæ H. xxv. 1., quæ est Gnosticorum, appellat *παραδοσια γραφήν, scripta commentitia*, ubi autem scribit parentes Deiparæ fuisse Joakimum, & Annam, addit ita *παραδοσια ἔχον, traditiones habere*. Standum ergo vulgatæ apud nos sententiæ, sic revera appellatos Mariæ semper Virginis Genitores.

De Beata Anna hoc tantum novi, a pluribus dici filiam Gaziri ex tribu Juda, & ex Judææ oppido Bethlehem: at ejus patrem fuisse Mathat sacerdotem scribit Nicephorus lib. 11. cap. 3. qui & laudat anti-

quum scriptorem Hippolytum Portuensẽm. Illud tandem animadvertõ non probari quod nomina Joakim, & Annæ sint supposita, ex quo unum *Preparationem Domini*, alterum *Gratiam* significet; nullum quippe nomen proprium significatione sua caret: atque duo præfata nomina fuerunt aliis ex Judæorum gente communia.

C A P U T IV.

An in Genealogia Christi a D. Luca descripta nomen Cainan insertum sit, atque expungendum.

PROBLEMA Chronologicum, atque fere inextricabile proponimus de Cainane posito ab Evangelista Luca cap. 111. 36. inter Arphaxad, & Sale, de quo cum non sit in Cap. x. & xi. Genes. in Hebræis, Latinisque Codicibus, eoque appposito videatur perturbari tota Chronologia Patriarcharum, quæritur an redundet in Evangelio, an desideretur in Genesi. Scriptorum atque Interpretum sententiæ sunt omnino discrepantes ac variæ. Nam aliqui contendunt falsatos esse libros veteris Testamenti a Judæis, ut seriem temporum immutarent, neque Messiae adventus posset certa annorum supputatione deprehendi. Quidam e contra intrusum esse contendunt in Lucæ Evangelium, neque inscriptum sive ab Evangelista, sive a LXX. Int. in x. Genesim, quam sententiam omnes fere Critici recentiores amplectuntur. Nonnulli & a Septuaginta positum, & a Luca, qui LXX. secutus est vere scriptum, nec tamen novum Testamentum pugnare cum veteri Hebraico, atque hæc postrema sententia cum explicatu difficilis sit, diversa ratione a suis auctoribus expeditur, asserentibus aliis Moßen consulto generationem Cainanis prætermisisse, ut certas fervaret decades, aliis Sale, & Cainan eandem esse personam, aliis modeste cum Venerabili Beda in cap. 3. Luc. affirmantibus incompertum esse quid verum sit, cum etiam LXX. vetus Testamentum adornaverint divino Spiritu afflante.

PROPOSITIO I. Hebræi non abraferunt generationem Cainanis ex cap. x. Gen. 24. & ex cap. xi. 12.

Demonstratur primo, quoniam omnes Hebraici Codices hanc *Cainan* generationem omittunt: atque omnino incredibile est, Hebræos cujuslibet perversitatis, vel malitiæ tantum potuisse, ut Codices tam multos; ac tam longe dispersos corrumpere, ut cum Augustino diximus lib. xi. cap. 7. Insuper cum immaculata adhuc sint vaticinia de Christo, eaque Judæi minime violaverint, multo magis tenendum est illos citata loca Geneseos non depravasse. Enimvero certis signis adhuc in Scriptura expressis adventus Messiae prænuñtius est,

eſt, neque precise annus mundi, quo venturus erat, alicubi designatur . II. In nulla antiqua Bibliorum verſione, ſi Græcam excipias, Cainan adinvenitur, non in paraphraſi Jonathanis, vel Onkeloſi, non in Codice Samaritano, non in Syriaco, non in Arabico, ut liquet ex libris Regiis, & Waltonianis Tom. 1. pag. 40., & quod præcipuum eſt, deſideratur etiam in Vulgata noſtra Hebraico textui in Patriarcharum generatione, & chronologia exacte concordi . III. Omittit *Cainan* S. Hieronymus Quæſt. in Geſenim, & Epistoſa ad Evagrium, ubi Patriarcharum tractat genealogiam. Omittit Joſephus lib. 1. Antiq. cap. viii. omittit Beroſus ab ipſo Joſepho productus: omittit Eusebious Cæsariensis in Chronico, tam in ſupputatione annorum juxta textum Hebraicum, quam juxta Samaritanum, & Græcum: omittunt denique Scriptores alii, atque Patres quamplurimi . IV. Historici omnes tam profani, quam ſacri concordiffime ſcribunt vixiſſe Abrahamum decima poſt diluvium generatione . At non decima, ſed undecima vixiſſet, ſi connumeraretur generatio *Cainanis* inter Arphaxad, & Sale . V. Neque in primo libro Paralip. cap. 1. 18. fit Cainanis mentio aliqua, quamquam hoc in libro prætermiſſa colligantur, & ſingulatim ſupputentur generationes: unde derivatum eſt nomen *Paralipomenon*, videlicet, *prætermiſſorum* . Aſſentiuntur huic propoſitioni, & hæc argumenta proponunt Natalis Alex. Hiſt. Eccl. vet. Teſtam. Aet. 11. diſſert. 4. Serry Exercit. xliii. Grotius in cap. 111. Lucæ, Uſſerius in diſſert. de Cainan, Cornelius a Lap. & Pererius in Geſenim, Poſſinus de Genealog. Ch. cap. 9. Petavius lib. 1x. de Doctrina Temp. cap. 17. Gerardus Voſſius in diſſert. v. Chronologica. cap. 2. Innumeri denique Scriptores cujuſque ordinis, ac Religionis .

PROPOSITIO II. In Evangelio Lucæ Cainan inſcriptus non eſt, & per errorem appoſitus, ſed revera ab Evangeliſta ſcriptus, atque autographus .

Hæc propoſitio, quæ videtur repugnans præcedenti, ideoque a Criticis impugnatur, poteſt tamen cum illa concordare, & nullo certo argumento reſellitur, probatur I. Perperam dicitur ex genealogia Salvatoris *Cainan* expungendus, ſi extet etiam in Verſione Græca quam ſecutus ubique eſt Lucas Evangeliſta . At in verſione Græca revera *Cainan* locum habet cap. x. Geſenim v. 23. & cap. xi. 12. nec non in 1. Paralip. 1. 17. 26. Igitur non eſt *Cainan* expungendus a Chriſti genealogia . II. Septuaginta revera poſuiſſe Cainanis generationem liquet ex innumeris Græcis exemplaribus hætenus per multa ſæcula mire conſpirantibus, & ex Romana Sixtina editione ad fidem antiquiſſimorum Codicum exacta: ex vetuſtiſſimo MS. Alexandrino, in quod Adnotat. edidit Junius, poſtremo Volumine Bibl. Waltonianorum, ex MSS. Oxoniensibus; ex emendatiſſimis Edit. Complutenſi, & Aldina . III. Nunquam Patres de hæc re dubitarunt . Ex Græcis enim ſolus

solus Epiphanius κατὰ μαχιδωνισμὸν *Cainan* omittit enarrans Christi Genealogiam; nam quod illum in ætate Patriarcharum non enumeret Theophilus Antiochenus, Julius Africanus, & Eusebius, parum refert, ut postea explicabo. Ex Latinis autem Cainanis generationem scriptam a Luca agnoscit Ambrosius, Beda, Hieronymus, alii. IV. Laudatus Hieronymus Quæst. in Genes. affirmans Lucam inseruisse Cainan, propterea quod scribens gentibus non debebat *contrarium aliquod scribere adversus eam Scripturam, quæ fuerat in gentibus divulgata*, tanquam indubitatum supponit extitisse Cainan etiam in Græca illa veteris Testamenti versione, quæ obtinebat Apostolorum ætate. V. Inviçtum Critici reputant argumentum, quo probent in vetusto Hebræorum Codice veteris Testamenti locum non habuisse *Cainanem*, quoniam nec extat in antiqua alia versione, si Græcam excipias. At valet etiam de textu Lucæ similis argumentatio, quoniam *Cainanem* habet Genealogia a Luca descripta in omni prorsus versione, in Vulgata, in Græca, in Persica, in Arabica, in Aethiopica, ut liquet ex Bibl. Regiis Tom. v. pag. 252. & Walton. Tom. 5. p. 264. similiter in Complutensibus, & in Hebraica Romæ excusa anno 1668. VI. Tandem Vulgata Tridentini Concilii decreto authentica declarata est, & licet ejus auctoritati minime officiant leviora hujus generis menda, ut sentiunt viri Catholici, temere tamen dicitur scaterere erroribus, ubi non occurrat apertissima demonstratio. *Quamobrem*, censeo a doctis viris, qui mandante Romanæ Ecclesiæ Pastore corrigendæ Vulgatæ insudarunt, recte *Cainanem* non fuisse insertum veteri Testamento ob antiquorum Codicum concordantiam: recte quoque ob eandem rationem non fuisse expunctum a novo, & utrobique esse Vulgatam, qua utimur, immaculatam.

SOLVUNTUR QUÆDAM IN CONTRARIUM ARGUMENTA.

Oppones 1. Debemus necessario unum, vel alterum fateri, aut mendum irrepsisse in Hebræicos, ac Latinos Codices V. T., aut in Evangelicum Lucæ textum; cum interposita generatione Cainanis, corrumpat Vulgatæ, & Hebræicæ lectionis Chronologia. Atqui hæc a nobis defenditur lib. xi. cap. 7. nec non probatur præcedenti propositione veritas Vulgatæ & Hebræicæ Scripturæ. Est ergo ab Evangelico textu Lucæ generatio Cainanis detrahenda. Resp. nego majorem. I. Quia etiam inter Hebræos, Græcosque Codices magna sit annorum discrepantia; exorta hæc est, ut Augustinus scribit lib. xv. de Civit. Dei cap. 13. non malitia Judæorum, aut errore Interpretum; sed potius Scriptoris, qui primus omnium ex Bibliotheca Ptolomæi codicem describendum accepit. II. Ex quo fateamur errorem in Chronologica Græcorum librorum supputatione, non sequitur etiam nomen *Cainanis*

nis fuisse insitum fraude Scriptoris ; quoniam , ut animadvertit Genebrardus in Chronico ad annum M. 1659. potuit Arphaxad generare Cainan anno ætatis suæ XVIII. & Cainan generare Sale anno XVII. atque ita posita etiam generatione Cainanis cum LXX. & cum Evangelista defenditur quod Sale genitus sit anno XXXV. Arphaxad , ut habent Codex Hebraicus , & Vulgata . III. Etiam si *Cainan* quoque non extaret in authographo scripto Alexandrino , ut contendit Usserius , erat tamen in Versione communi , quæ obtinebat temporibus Apostolicis , ut idem Usserius demonstrat ex Demetrio apud Eusebium lib. IX. Præp. Evangelicæ , ubi connumerantur ab Adam usque ad descensum Jacobi in Aegyptum anni 3624. in quibus manifesto continentur anni Cainanis CXXX. Atque hinc viri docti complures tenent Cainan utique non fuisse a LXX. Interpretibus positum , fatentur tamen extitisse in Versione , qua utebantur Judæi etiam ante Christi tempora : ideoque Lucas , ut scribit Hieronymus , noluit *Cainan* prætermittere , *adversus eam Scripturam , quæ fuerat in gentibus divulgata* ; quemadmodum Act. VII. 14. ait ingressus in Aegyptum animas *septuaginta quinque* , juxta eandem Græcam , vulgatamque lectionem , et si in Genes. XLV. 27. dicantur animæ tantum septuaginta .

Opp. 2. Asseritur Cainanem appositum a D. Luca , quoniam is secutus est versionem LXX. Interpretum . At in antiqua LXX. Interpretum versione *Cainan* non extitit . Itaque nec a D. Luca fuit appositus . Probatur mi. I. Quia Philo Judæus , Julius Africanus , Irenæus , Epiphanius , & alii , qui chronotaxim LXX. Interpretum sequuntur annos Cainanis omittunt . II. Idem evincunt Chronicon Eusebii , & monumenta alia , de quibus in præcedenti propositione . III. Idem liquet ex Origenis Hexaplis , & ex tertio libro Theophili Antiocheni ad Autolyicum . IV. Desiderari *Cainan* in editione Romana Carafe , & in Emendationibus Græcis scribunt Massæus , Pererius , & Vossius . V. Neque nunc extat *Cainan* in omnibus Græcis Codd. primo capite Paralipomenon , ut inquit citatus Vossius in Isagoge Chronolog. p. 17. & Grotius in 111. Lucæ .

Resp. 1. nego consequentiam ; quamvis enim detur LXX. *Cainanem* omisisse , potuit illum Lucas inferere secutus Græcam versionem communem ac divulgatam . Deinde respondeo negando minorem , cum revera LXX. *Cainanem* inscripserint , ut ex innumeris MSS. mirifice conspirantibus , ex omnibus Lucæ versionibus , atque ex ampliori Patrum numero comprobatur . Ad primam vero minoris probationem concedo Philonem , Julium Africanum , aliosque Græcam sequi Chronologiam , atque hanc etiam ab Hebraica diserepare , sed potest *Cainan* interponi inter Arphaxad & Sale , salva etiam Hebraica supputatione . Quod si tenere velimus opinionem Armachani , aliam fuisse Græcam versionem diversam ab ea , quam adornarunt Interp. LXX. illam-

illamque repositam in Bibliotheca Cleopatrarum, dicemus Philonem; aliosque perpaucos hanc fuisse secutos. Id vero de Patribus Catholicis majori probabilitate affirmatur; quoniam etsi concedatur Valefio in Annot. Euseb. pag. 307. & seqq. falsam esse Usserii de duplici Græcæ Translatione sententiam; negari non potest, quin circa Origenis tempora plures obtinuerint Versiones Græcæ, ut liquet ex ejus Tetralypis. Hieronymus in Epist. ad Suniam & Fretellam Tom. 2. pag. 627. aperte distinguit versionem communem & Lucianæ, ab illa, quæ exibat in Origenianis Hexaplis, feliciter a se in Latinum sermonem conversa, & decantata in Hierosolymitana, & Orientalibus Ecclesiis. Addit communem illam dictam a plerisque Luciani, *pro locis, & temporibus, & pro voluntate Scriptorum veterum fuisse corruptam*. Similiter in Præf. ad lib. Paralip. Tom. 1. pag. 1022. scribit Alexandriam & Aegyptum in LXX. suis Hefychium laudare auctorem, Constantinopolim & Antiochiam probare Luciani Martyris exemplaria, & medias inter has provincias Palæstinæ legere Codices ab Origene elaboratos, atque ita universum orbem hac inter se varietate compugnare. Oportet ergo ut Adversarii demonstrent a Patribus qui Cainanem omiserunt, fuisse perfectam solam Versionem LXX. Interpretum immaculatam, non communem, & Lucianæ. Ad 2., ac 3. primum opponitur idem Eusebius de Præp. Evangelica 1x. cap. 21. ubi ex Demetrio & Polyhistore in supputatione priscorum annorum etiam annos Cainanis includit. Deinde dicimus Eusebium, & Pamphilum secutos Origenem, qui inter se pugnantia exemplaria permiscuit, & in ipsa Versione LXX. quam Hieronymus in Epist. ad Suniam, & Fretellam vocat incorruptam, & immaculatam, apposuit etiam editionem Theodotionis, quod idem Hieronymus Præf. ad lib. Paralip. magnæ tribuit audaciæ. Nihil itaque certi ex Origene, & Eusebio inferre possumus. Perpaucis Versionibus cit. num. 4. & 5. opponimus innumeras alias, ac vetusta MSS., de quibus supra; omnesque Versiones Lucæ, eam quoque, quam ad fidem Græcorum Codicum emendavit Hieronymus. Fortassis versio librorum Paralipomenon, in qua desideratur Cainan, aut est Græca communis, aut saltem interpolata. Verum desideratur in perpaucis Codd., atque in his etiam, quæ non habent Cainan in Paralipomenis, extat in Genesi; neque hi cum aliis Codicibus numero, vel antiquitate sunt comparandi.

Opp. 3. Si Moses Cainanem prætermisit, quomodo LXX. Interpretes illum intrudere potuerunt? Deinde generatio Cainanis, aut fuit Moyfi nota, aut non: si nota fuit, eccur eam omisit? Si illam ignoravit, unde scire potuerunt Græci Interpretes? Hi ergo Cainanem non apposuere, ideoque nec Lucas, quemadmodum ex Codice Cantabrigensi docti quidam Critici demonstrarunt.

Resp. 1. non consequi prætermisum a Luca Cainanem, quod neque

que illius meminerint LXX. potuit enim etiam Apostolorum ætate irre-
pisse in Græcam apud Gentes divulgatam versionem, quam auctore
Hieronymo provide Evangelista secutus est. Codex autem Cantabri-
giensis neque parem habet cum innumeris aliis auctoritatem, neque
tantæ est, ut arbitrabatur Theodorus Beza, antiquitatis, neque demon-
strari potest, quin illum ad variantes Græcas Vet. Testamenti Versio-
nes sciolus Amanuensis corruerit. Præterea respondetur, nec invi-
de demonstrari quod LXX. Cainanem omiserint. Quamquam enim
non extaret in Hebraicis Codicibus, potuerunt Septuaginta, qui non
tam fuerunt Interpretes, quam paraphrastæ, illum addere ex certa tra-
ditione, vel ex libris Genealogiarum apud Judæos asservatis. Moses
vero Cainanem prætermisit, vel ut generationum seriem usque ad
Abrahamum in certas decades distribueret, vel ob aliam nobis incom-
pertam rationem. Ita enim Matthæus cap. 1. plures generationes omi-
sit, sive numerare voluerit per *teffaradecades*, ut fert communis opinio,
sive prætermiserit natos ex femina gentili, ut scribit in Matthæi cap. 1.
Hilarius. Ceterum aut LXX. Cainanis meminerint, aut non, aut per er-
rorem in græcam versionem irrepperit, aut ei accesserit ex legitimis
monumentis; si extabat in codicibus per orbem sparsis, recte illum Lu-
cas apposuit, ne in re parva, atque ad fidem nullatenus pertinente
suo dissensu turbaret nascentem Ecclesiam, ut ex Catholicis defendunt
Sixtus Senensis, Steuchus, Genebrardus, Jansenius: ex aliis Franci-
scus Junius in Anal. Genesis, & in Parallesi.

Nota quod opinio asserentium Cainanem esse binomium, aut fra-
trem Arphaxad, vel Sale defendi non potest; nam Codices in quibus
Cainanis sit mentio, tres aperte generatione distinguunt; legitur enim
in Græcis cap. x. Geneseos 23. *Et Arphaxad genuit Cainan, & Cai-
nan genuit Salam.*

C A P U T V.

Expediuntur nonnullæ circa Christi corpus quæstiones.

DE CHRISTI corpore, quod revera ex Virgine assumptum adversus
Phantasiastas demonstravimus, quærent Theologi an corrupti-
bile dicendum sit, an membris omnibus, ac sanguine, nostrorumque
corporum proprietatibus fuerit coaugmentatum, atque elegantem for-
mam habuerit, vel deformem potius & despicabilem.

Circa priorem quæstionem fuit olim hæresis Aphthartodocita-
rum, & Severitarum, ut appellatur a Nicephoro Callisto lib. xvii.
H. E. cap. 28. qui a Juliano Halicarnasseo, & Gaino Eutychianæ sectæ
progressi sub pietatis prætextu persuadere conati sunt fuisse assumptam

To. V.

P

ex

ex Virgine carnem ante passionem incorruptibilem. Hoc errore correptos scribit idem Historicus præclaros viros, qui honores ac magistratus gesserunt, primarios Hierarchas, Monachos vita illustres, atque ipsum etiam Imperatorem Iustinianum. Hunc vero non solum tali opinioni plurimum adhæsisse, verum etiam voluisse per vim cogere omnes ubique Episcopos, ut eidem assentirentur, quamquam hi respondentes expectandam sententiam Anastasii Episcopi Antiochenfis, Imperatoris impetum declinaverint, narrat etiam lib. iv. cap. 39. Evagrius. At Imperator, quemadmodum inquit eo loci Callistus, falsa adhæsit opinioni, *non alius dogma tale investigans, sed verbi ipsius* (corruptionis) *significationi acrius insistsens.*

Sciendum est autem *corruptionis* vocabulum duplicem habere sensum, quo explicato finita est controversia. *Corruptio* enim alia est, per quam anima a corpore divellitur, atque corpus ipsum subicitur alterationi, unde fames, sitis, fatigatio, angor, & ceteræ passionnes huiusmodi exoriuntur. Alia autem est *corruptio*, per quam corpus in elementis, ex quibus compositum est, dissolvitur, ac tabe macieque inquinatur.

Itaque dicimus juxta priorem significationem Christi corpus fuisse corruptibile, quemadmodum ex Scripturis, ex Patribus, atque ex ratione potest facile demonstrari. Nam Matth. iv. 5. legitur esuriisse, Joan. iv. 6. fatigatum fuisse ex itinere, Marci xv. 33. cœpisse pavere, & tædere, Lucæ xxi. 46. expirasse; & in Epistola ad Hebræos iv. 15. fuisse *tentatum per omnia pro similitudine absque peccato*. Respondebant Julianus & Gainus, dum hæc illis Catholici opponebant, etiam post resurrectionem Christum manducasse ac bibisse; passum vero, & contristatum, non conditione carnis assumptæ, sed dispensatione divina. At ex adverso instabant Catholici post resurrectionem Christum manducasse ac bibisse œconomia quadam ac dispensatione, ut veritatem corporis sui commonstraret: sed antea id præstasse naturali affectione; quoniam nullibi Scriptura testatur Christum post resurrectionem suam manducasse esurientem, aut sitientem bibisse, sicut id affirmat de Christo ante passionem ac mortem. Naturaliter etiam fatigatum, contristatum, ac passum ipsa divina Scriptura testatur, docens fatigatum ex itinere, tristatum ob carnis imbecillitatem, atque *ex infirmitate crucifixum*, ut scribit Apostolus 2. ad Corinth. xii. 4. Etsi ergo omnibus his affectionibus non invitatus atque ex necessitate subiectus fuerit, cum posset omnipotentia sua omnes carnis defectus repellere; nihilominus volens carni & sanguini communicare, ac sinens humanitatem suos actus exercere, ex conditione naturæ esurivit, sitivit, aliasque sustinuit passionibus. Vide Augustinum lib. 1. de Pecc. meritis cap. 27. ubi affert testimonia Scriptorum, quæ Christo tribuunt nostras infirmitates; nec non lib. 11. cap. 29. ubi docet Christi

Christum perpeti voluisse etiam mutationem ætatis; atque inter illum ceterosque homines istud interesse discrimen, quod alii habentes carnem peccati motibus irrationabilibus perturbantur, neque hi semper ratione, vel imperio cohibentur: Christus vero, qui similitudinem carnis peccati obedientiæ voluntate suscepit, habuit corpus corruptibile ac mortale sine peccato. Similia docent alii PP. Accedit ratio, quam supra cap. 2. produximus, Christum de peccato damnassee peccatum in carne, ideoque dedignatus non est ad opus redemptionis perficiendum carnis peccatrici defectus assumere, iis exceptis, qui viciosi sunt, qualis est sensuum perduellis commotio, & fomentum noxiæ cupidinis, & qui non communem naturam consequuntur, sed peculiarem secundarum causarum deficientiam, ut cæcitas, surditas, & conſimiles.

At si loquamur de corruptione juxta secundam atque communem significationem, dicimus sacrosanctum Christi corpus incorruptibile. Ita nimirum affirmant Scripturæ, ut pervulgatum illud Ps. xv. 10. *Non dabis Sanctum tuum videre corruptionem*. Docent similia Patres, Cyrillus lib. 9. de Adorat. *Incorruptibile est Christi corpus, & divinam in seipſo naturam habet*. S. P. Aug. ep. 146. nunc 205. ad Consentium: *Constat, neque ullo modo dubitandum est, corpus Christi, quod licet corruptionem putredinis in sepulcro non viderit, unde scriptum est, Nec dabis sanctum tuum videre corruptionem, clavis tamen, & lancea perrumpi potuit, nunc omnino in incorruptione consistere*. Et Fulgentius in Epist. ad Reginum cap. 4. *Christus non vidit corruptionem, quia nulla sensit caro ejus putredinem*. Proferri etiam possunt satis apertæ rationes tum ex celeritate resurrectionis, tum ex redemptione ipsa consummata in Christi morte, ad quam, propterea necessaria non erat sacri corporis in cineres resolutio; tum denique ex decencia, ob quam viris sanctitatis eximie incorruptionis conceditur privilegium, multo minus denegandum carni immaculatæ ac purissimæ, quam divinum Verbum nec in triduo mortis dimisit. Salvatoris autem Sanguinem calice distributum non esse corruptibilem, recte scripsit in Epist. adversus Paulum Samosatensem Dionysius Alexandrinus. Argumenta in contrarium, quoniam singulariter excludunt a Christo doloris sensum, afferuntur sequenti capite.

Altera quæstio ex superioribus soluta est. Ut enim Scriptura Christo verum tribuit corpus, ita etiam vera tribuit membra, pedes, manusque clavis perforatas, pectus super quod discubuit Joannes, caput spinea corona circumdatum, & latus apertum lancea. Fuit ergo dominicum corpus humanis membris instructum. Sanguinem pariter habuisse liquet ex sudore in horto, ex flagellatione in prætorio, atque ex crucifixione in Golgotha, affirmantibus etiam Apostolicis libris ipſo sanguine emundari conscientiam nostram, ut legitur in Epistola ad Hebræos 1x. 14. & in prima Joannis 1. 7.

Circa quæstionem tertiam de forma ac specie corporis Christi, videntur recentiores Critici ac Theologi in eam magis sententiam propendere, quæ asserit nec speciosum & insigniter venustum fuisse, neque facie turpi ac deformi, incertum tamen esse quam oris formam præfulerit. Ita scribant Hyacinthus Serry Exercit. xlviii. Juenin Dissert. v. de Incarnat. cap. 8. Tournely q. x. art. 4. aliique permulti. Alii tamen, etsi Christo denegant pulchritudinem illam muliebrem & affectatam, qua carnales oculi alliciuntur, sitam in rubore genarum, labiorum risu, illecebrisque oculorum, concedunt tamen illi singularem venustatem in apta partium dispositione, convenienti statura, ac temperato colore constitutam: cui opinioni præter veteres plurimos adherent Calmet dissert. in Isaïam, Sandinus in Hist. familiæ sacræ cap. xviii. & erudito Comment. in Aereum Nummum Musci sui Eques Florentinus Petrus Victorius.

Huic opinioni nos ultro ac libenter subscribimus. I. quia Nicephorus Callistus lib. i. cap. 4. ut a Majoribus traditam refert Jesum Christum egregio vividoque vultu fuisse: corporis statura ad palmos prorsus septem: caesariem habuisse sublivam, nec admodum densam, capillos prolixiores, &c. Rejiciunt quidam Nicephorum tanquam posterioris ævi scriptorem, sed nequit tamen apertæ falsitatis revinci, ac potuisse illum hæc accipere ex Veterum monumentis sequentia commonstrant. II. Negari non potest multa olim extitisse longe ante Nicephorum Christi simulacra, & imagines. Erectam illi statuum ab Hemorrhoida in urbe Paneade scribit Eusebius lib. vii. H. Ecc. cap. 18. Asterius Amasenus apud Photium Const. 271. Gregorius II. in Epistola ad Germanum Episcopum Constantinopolitanum, aliique permulti laudati a Sandino, & Victorio. Atque hanc statuum Juliano Apostata imperante fuisse confractam, auctor est libro 111. cap. xx1. Sozomenus. Aliam mulierem servasse apud se Christi simulacrum refert Calmet ex Lampidrio. Idem de Alexandro Severo tradunt communiter Historici. Accedunt Imagines non manufactæ, non solum missa ad Abgarum, quam critici in dubium revocant, commemorant tamen Synodus v11. aet. 5. & Damascenus lib. iv. de Fide Orthodoxa cap. 16. verum etiam Acheropeeta miraculis celeberrima & Romæ ad Scalam sanctam asservata, diversa, ut opinor, a Sudario Veronicæ, licet Sandinus illam cum ista pag. 280. confundat. Hæ autem imagines eandem Christi referunt formam, quam describit Nicephorus. Quamquam vero prædictæ imagines non essent, ut creditur, divinitus efformatæ, cum perantiquæ sint, eandemque Christi speciem exhibeant, demonstrant Nicephori traditionem revera a veteribus acceptam, non ab ipso confictam. III. Servatur adhuc Augustæ Taurinorum sacra Sindon, quam aliqui quidem rejecerunt eo quod non referat notas insularum, sed egregie defendit Chiffletius respondens ea Sindone non obvolutum. Chri-

Christi corpus jam unctum, & infectis ligatum post pollincturam, sed cruentum, & recens e cruce depositum, unde non tantum exhibet notas quatuor vulnerum, ut Vespontinum Sudarium, sed maculis sanguineis utramque corporis partem delineat. In hac ergo Sindone miraculorum celebritate, devotione sancti Caroli Archiepiscopi Mediolanensis, & Julii II. diplomate confirmata, omnia, quæ Nicephorus narrat, si unum excipias colorem, ipsis oculis conspiciuntur; statura sex pedum geometricorum minus tribus digitis, quæ eadem est ac septem palmorum, casaries prolixior, non admodum densa, & ad verticem discriminata, barba mediocriter promissa, frons plana, & nasus modico tractu diffusus.

Quamquam vero incerta esset hæc specialis Christi forma, non fuisse inelegantem & despicabilem colligimus ex sacris literis, ex Patribus, & ex ratione. Legimus enim Pf. xl. 3. *Speciosus forma præ filiis hominum*. Hunc quidem locum fatemur exponi a Chrysostomo, a Theodoro, ab Augustino, ab aliis, de virtutibus animi, & gloria divinitatis; sed interior pulchritudo formam corporis non imminuit; imo hæc sæpenumero illius est argumentum. Etenim de pulchritudine corporis eundem locum interpretatur idem Chrysostomus Hom. xxvi. 11. in Matthæum, quam pulchritudinem Christo nequaquam denegant S. Hieronymus in cap. 9. & 21. Matthæi, atque in Epistola ad Principiam, ubi affirmat in illius vultu *quiddam fuisse fidereum*, & Bernardus scribens ferm. 1. de Omnib. SS. adhæsisse ei populos affatu pariter & aspectu ipsius delectatos: *cujus nimirum vox suavis, & facies decora*. Pro eadem sententia S. Thomas in Pf. 44. laudat Augustinum, additque rationem Theologicam, quod pulchritudo *maxime competebat ad statum, & reverentiam suæ conditionis*. Diximus paulo supra non assumpsisse Christum defectus ex peculiaribus causis proficiscentes. Sane quod membra humani corporis optimam & naturæ convenientem symmetriam non habeant, provenit ex defectu particularis causæ. Fuit ergo in Christo aptissima omnium partium dispositio, ideoque eximia facies, & pulchritudo, maxime quod corporis ejus fabricator fuerit ac subministrata a Virgine materiam disposuerit Spiritus sanctus.

Pugnat adversus dicta 1. quod Origenes contra Celsum, Clemens Alexandrinus lib. 111. Pedagogi, & Tertullianus de Idololatria, videntur Christo tribuere vultus obscuritatem. Augustinus etiam ferm. xx. de Verbis Apostoli, nunc ordine xxvi. 11. productis verbis Isaïæ 53. 2. *Non est species ei, neque decor*, ait, quod speciem & decorem non habebat *ut homo*. II. Quod Eusebius Constantiæ Licinii uxori petenti ut ad se mitteret Christi imaginem, respondit exprimi illam non posse. III. Quod magis cedat in Dei gloriam, si dicatur cum Clem. Alexandrino libro vi. Strom. Christum, uti humilitate, ac paupertate, ita forma vili, & neglecta doctrinam suam feliciter promulgasse. IV. De-

num

num quod Augustinus v l i i . de Trinit. cap. 4. haud male scribat Dominicam faciem a singulis, ut lubet, fingi & variari.

Verum facilis est ad hæc omnia responso. Ad 1. enim dicimus PP. loqui de Christo cruci appenso, & inter manus persecutorum, ut proculdubio loquitur cap. l i i i . Iſaias, & Augustinus citato serm. num. 6. & in Psalm. 127. num. 8. Aut denegant Christo pulchritudinem illam muliebrem, quæ allicit carnalium oculos, non gravem illam & cum majestate conjunctam, quæ terret iniquos. Hæc enim tanta in eo fuit, ut nunquam auderent improbi in ipsum manus injicere, nisi dum *venis hora eorum, & potestas tenebrarum*. Ad secundum inquit Sandinus Eusebium respondisse Augustæ, non posse exprimi pennicillo Christi humanitatem eo quod *mortalitas a gloria absorpta est*, quoniam profitebatur sectam Arianorum, & ipse fortassis imagines Christi non admittebat. Sed salva Eusebii fide, videtur allata ratione significare, non potuisse ab ullo artifice faciem Christi exprimi ad vivum ob gloriam etiam in vultu splendescentem, ut de pictore misso a Rege Abgaro refert Damascenus; ideoque veras Christi imagines, qualem peroptabat Augusta, esse *Acberopeetas*, idest, non manu factas, ut imago Edeffena, Sudarium Veronicæ, sacra Sindon, de quorum Imaginum veracitate communem tenemus absque disputatione sententiam. Et quidem etiam Hieronymus in cap. ix. Matthæi aperte affirmat, quod relucebat in humana Christi facie *fulgor, & majestas divinitatis occulta*. Atque id maxime post resurrectionem contigisse dicendum est, quando majus fuit habendi Salvatoris imagines desiderium. Ad tertium respondemus non deesse gloriam illam prædicationi Evangelicæ, qua non speciosum Christum annuntiamus, sed crucifixum: quamquam illum complures traxisse jucundissimo aspectu scribant citato loco Hieronymus, & Bernardus, & confirmari possit ex vocatione Apostolorum Matthæi 1v. 20. 22. 1x. 9. & Joann. 1. 39. Ad ultimum liquet plura quidem fingi non solum Christi, verum etiam personarum omnium simulacra, atque magnam in his esse pictorum licentiam, ut recte ait Augustinus: sed nullo pacto potest id elevare veritatem Prototyporum.

C A P U T VI.

An revera Christus dolores expertus fuerit.

CHRIſTUM nullatenus obnoxium fuisse doloribus affirmarunt Phantasiastæ supra capite secundo refutati. Hi, ut asserabant Salvatorem nostrum in substantia corporis non fuisse, ita dicebant phantasmate passum, quemadmodum refert de Saturnino Tertullianus de
Præ-

Præſcript. & de Menandro Theodoretus Epist. 145. Illorum itaque errorem iſdem argumentis , quibus ſupra uſi ſumus , facile evertimus . *Si enim hominum opinione tantum paſſus eſt Chriſtus , non revera , Herodem opinione tantum eum judicaſſe , Pilatum opinione manus abluſiſſe , adjuvaſſe eum opinione Caiſſam , Judæos manus ei injeciſſe opinione , Apoſtolos opinione exiſtiſſe , ſanguinem ejus opinione effuſum eſſe , opinione de cælo deſcendiſſe , eoque reverſum eſſe : verbo , totam ſalvationem hominis opinione factam eſſe , neceſſe eſt .* His plane verbis refellit Marinum quemdam Bardeſaniſtam in iv. Dialogo Origenes Adamantius . Conſimili argumento revincuntur , qui cum Baſilide apud Theodoret. libro 1. Hæret. fab. dixere Chriſti loco paſſum bajulum Crucis ejus Cyrenæum , aut cum Mahumetanis Judam Iſcariotem .

Aphthartodocitæ , de quibus cap. præcedenti , cum aſſerent Chriſtum Dominum habuiſſe veram quidem carnem , ſed natura ſua incorruptibilem , propterea quod orti ex Eutyſchiana hæreſi , & confundentes duas in Chriſto naturas opinabantur expertem illum fuiſſe naturalium humanarumque affectionum , ipſum utique Chriſtum cruci affixum , paſſum , ac vere mortuum profitebantur , ſed in hoc æconomiam ac miraculum inter fuiſſe , non conditionis naturalis effectum . Horum hæreſim deſcribit Tom. v. Concil. Liberatus in Breviario , & Tom. ix. Bib. PP. Leontius Byzantinus libro 2. adverſus Eutyſchianos .

Diſtinguenda eſt accurate a duabus iſtis damnatis opinionibus ſententia aliquorum Patrum , qui tradiderunt opus fuiſſe miraculo , ut Chriſtus pateretur , atque non fuiſſe humanæ fragilitatis , ſed cæleſtis gratiæ ſacramentum , ſi Dominus noſter eſurivit , ſitivit , ſemetipſum turbavit , infremuit , & doluit : quod diſerte tradit Clem. Alex. in v1. Strom. Maximus Martyr hom. 1. de Jejunio , & Philippus Abbas Præmonſtratenſis in Epistoſis de ſententia Hilarii , de quo proximo capite . Profecto hi Patres neque Chriſtum divinitate paſſum , neque humanam ejus naturam ſuis proprietatibus exſpoliatam affirmavere , ſed hanc per unionem hypſtaticam adeo roboratam , atque perfectam , ut non niſi divina accedente virtute ſubjiceretur paſſioni . Atque in hac ſententia , quæ nihil habet repugnans Incarnationis myſterio , & nihil adverſum Chriſti doloribus , non reperitur aliquid , judicio doctiſſimorum viro-
rum , in fide periculũ .

Communiior tamen eſt , & vera ſententia , ad quam arbitror cum Magiſtro in 111. Sent. diſt. xv. poſſe revocari omnia Patrum teſtimonia , quæ videntur contraria , fuiſſe in Chriſto paſſiones , ipſius humanitatis naturæ connaturales . Pro qua nonnulla prænotanda ſunt partim ex ipſo Magiſtro , partim vero ex Leontio Byzantino deprompta . Magiſter itaque eo loci diſtinguit inter *paſſionem* , & *propaſſionem* . Paſſionem appellat , dum quis timore , vel triſtitia ita afficitur , ut mens inde a reſtitutione divellatur ; quod contingit in motibus , quos ratio

NON

non dirigit, neque cohibet. Propassionem vero dicit, quando animam timore, vel tristitia, vel affectu alio movetur, ut inde a rectitudine non declinet, ut evenit in timore, aut tristitia, quæ, animo non dominatur, nec rationem pervertit. Profert ad hanc rem explicandam Magister infignem locum Hieronymi scribentis in caput xxvi. Matthæi: *Ut veritatem probaret assumpti hominis, vere contristatus est: sed non passio ejus vere dominatur animo; verum propassio est.*

Leontius recte ulterius observat passum Christum dupliciter dici. Uno quidem modo, quod permittente Verbo passio circa carnem acciderit, quia scilicet cum prohibere posset, non prohibuit, & quod cum esset omni peccato superior, voluntarie, non aliqua necessitate, vel debito oppetiit mortem, quæ in mundum propter peccatum irruit. Alio modo dicitur Christum passum, quod carnis natura passionis expers, & immortalis fuerit, ita, ut quod humanitati assumptæ non inerat, sponte admiserit, & mors & passio non fuerit ex naturali potentia, & secundum naturam, sed ex divina & supernaturali virtute, ut affirmabant supracitati Aphthartodocitæ. His expositis facilis mihi videtur propositæ quæstionis resolutio.

PROPOSITIO I. Si accipiat passio, quatenus animum, aut corpus afficit mente reluctante, aut hanc a rectitudine avertit, atque perturbat; nulla passio accidit Salvatore.

Probatur ex Scripturis, ex Patribus, ex ratione. Ex Scripturis, quoniam Isaias ait cap. LIII. 7. *Oblatus est, quia ipse voluit.* Et Joannis x. 17. *Ego pono animam meam. Nemo tollit eam a me, sed ego pono eam a meipso.* Item Marci xiv. 34. 35. *Tristis est anima mea usque ad mortem. Transfer calicem hunc a me, sed non quod ego volo, sed quod tu.* Ille ergo non habuit passionem, aut subrepentes invitis, aut rationem pervertentes, qui sponte illas subiit, atque in ipsa mæroris, ac tristitiæ vehementia sese paternæ voluntati subjecit. Christus Dominus potestate, ac voluntate sua oblatus est, & pro ovibus suis posuit animam, petiitque in ipso agone, ut paterna impleretur voluntas. Ergo non habuit passionem, quæ reluctantem afficeret, atque a rectitudine animum removeret. II. Probatur ex Patribus. S. Clemens Alex. in v. 1. *Scrom.* inquit: *Ipse autem passionis erat expers, ut quem nullus subiret motus affectionis, neque voluptas neque dolor.* Hieronymi paulo supra apertissimum attuli testimonium. S. Pater Augustinus Tract. XLIX. in Joannem: *Quis enim eum posset, nisi seipsum ipse turbare? Turbaris tu volens, turbatus est Christus quia voluit. Esurivit Jesus, verum est, sed quia voluit: dormivit Jesus, verum est, sed quia voluit: contristatus est Jesus, verum est, sed quia voluit: mortuus est Jesus, verum est, sed quia voluit. In illius potestate erat vel sic affici, vel non affici.* III. Probatur ratione. Motus enim, & affectio deliberationem voluntatis antecedens, etsi peccato non imputetur, vitiosa est, & recto

recto ordini, qui inter carnem, ſpirituque verſatur, repugnat. Non debet ergo admitti in Chriſto prædito ſumma innocentia, ac perfectione ſanctitatis. Deinde ob unionem hypſtaticam anima, & caro Chriſti cum Dei Verbo eſt una perſona, in qua utraque natura ſubſiſtit eadem hypſtaſi, ideoque ob ſummam divinæ ipſius Perſonæ poteſtatem poterat vel exercere divinitatis omnipotentiam, vel exhibere humanitatis infirmitatem. Atque hanc rationem innuit eo loci Auguſtinus ſcribens: *Anima & caro Chriſti cum Verbo Dei una Perſona eſt, unus Chriſtus eſt; ac per hoc ubi ſumma poteſtas eſt, ſecundum voluntatis nutum tractatur infirmitas*. Ex quibus animadvertite diſcrimen inter Chriſti, aliorumque hominum paſſionem; quoniam in illo nec potuit paſſio antevertere rationem, nec afficere invitum, nec mentem perturbare, eamque a rectitudine dimovere: ideoque ab aliquibus *propaſſio* potius, quam paſſio in Chriſto fuit appellata.

Si dixeris Chriſtum Dominum expertum etiam eſſe animi perturbationem, dum ait Joan. xii. 27. *Nunc anima mea turbata eſt*; Reſpondeo hanc perturbationem fuiſſe mortis horrorem, ſui ipſius deliberata voluntate excitatum, & recto erga Deum ordini conjunctum. Cum enim tunc diſcipulos ad vitæ contemptum hortaretur, ut exemplo ſuo fierent alacriores, voluit & ipſe mortalitatis noſtræ affectum ſuſcipere; ac ſtatim convertens orationem ad Patrem illis verbis, *Et quid dicam? Pater, ſalviſica me ex hac hora*, docere ſimul, quomodo præponere debeamus divinam voluntatem voluntati humanæ atque infirmæ. Hinc S. Pater Tract. in Joan. l. i. ait: *Nos in ſe tranſtulit, nos in ſe ſuſcepit, Caput noſtrum membrorum ſuorum ſuſcepit affectum, & ideo ab aliquo non eſt turbatum; ſed ſicut de illo dictum eſt cum Lazarum ſuſcitaret, turbavit ſemetipſum*.

PROPOSITIO II. *Accepta paſſione*, prout præciſe afficit animum, aut ſenſus corporis dolore, ac triſtitia, Chriſtus vere, & naturaliter paſſus eſt.

Hanc pariter theſim triplici genere argumentorum demonſtro. I. Ex divinis literis. Legitur enim Pſalmo lxxxv. 4. *Repleta eſt malis anima mea*; quæ verba prolata fuiſſe a Propheta in perſona Chriſti ab inimicis vexati, animadvertit ex Auguſtino Magiſter. Iſaías l. i. 4. ait: *Vere languores noſtros ipſe tulit, & dolores noſtros ipſe portavit*. Chriſtus in Evangelio Matthæi xxvi. 38. *Triſtis eſt anima mea uſque ad mortem*. Apoſtolus denique ad Hebræos ii. 17. 18. *Debuit per omnia fratribus aſſimilari, ut miſericors fieret, & fidelis Pontifex ad Deum, ut repropitiaret delicta populi*. In eo enim, in quo paſſus eſt ipſe, & tentatus, potens eſt & eis, qui tentantur, auxiliari. II. Probatur ex Patribus. Nam Ambroſius in Lucam cap. xxii. ait: *Triſtis videbatur, & triſtis erat*: & lib. ii. de Fide capite 3. nunc vii. num. 56. *Vi homo ergo dubitat, ut homo turbatur*. To. V.

Q

Non

Non turbatur ejus virtus, non turbatur ejus divinitas: sed turbatur anima secundum humanam fragilitatis assumptionem. Et ideo quia suscepit animam, suscepit etiam anima passiones. Hieronymus in caput 111. Isaïæ: Vere languores nostros, & peccata portavit, & pro nobis doluit, non putative, idest, inquit, ut nova, & vetus hæresis suspicaretur, sed vere crucifixus est, vere doluit. Libro etiam 11. adversus Pelagianos inquit: Salvator in passione ab Angelo confortatur; & Critobolus meus non indiget auxilio Dei? S. P. Augustinus in Pl. xc111. Tristitiam (inquit) assumpsit, quomodo carnem: fuit enim tristis, sicut Evangelium dicit. Nolite putare non fuisse tristem Dominum: si enim hoc dixerimus, quia non eras tristis, cum Evangelium dicat, Tristis est anima mea usque ad mortem; ergo quando dicit Evangelium, Dormivit Jesus, non dormivit Jesus: & quando Evangelium dicit, Manducavit Jesus, non manducavit Jesus: subrepsit vermiculus putredinis, & nihil sanum relinquet, ut dicatur, Et jam corpus non erat verum, & carnem veram non habuit. Ill. Probatur ratione, quam insinuat hoc loco Augustinus, quoniam propter auctoritatem divinarum Scripturarum tenemur credere incarnationis mysterium; itaque ob eandem auctoritatem debemus tenere veritatem passionis. Deinde proponitur nobis a Principe Apostolorum Epist. 1. cap. 11. 21. Christi passio, ut sequamur vestigia ejus. Ut ergo nos debemus vere crucem tollere, & mortem subire, ita Christus vere crucis supplicium, ac mortem pertulit.

Porro hanc passionem fuisse in Christo naturalem, nec repugnantem conditioni humanitatis assumptæ, etsi prohibente Verbo nihil perpeffus foret, nec potuissent inimici trahere invitum ad supplicia, facile demonstratur. Contra Eutychianos quidem, quia humana Christi natura non fuit in divinam commutata, neque affirmari potest Christum divinitate passum, ut infra suo loco probabitur. Adversus autem Aphthartodocitas demonstratur primo, quia constat ex Scripturis ac Patribus hoc, & superiori capite allatis, Christum ex infirmitate, secundum humane fragilitatis assumptionem, & per naturam hominis crucifixum ac mortuum; non ex virtute, non secundum divinitatis omnipotentiam, non per supernaturalem aliquem in assumptam humanitatem influxum. Postremo si Aphthartodocitæ contenderent, captu perdifficile esse, quomodo Christus frueretur visione divinitatis, & tamen potuerit esse obnoxius dolori; aut ob unionem hypostaticam nullam pœnam potuisse Christum afficere, nisi volentem, ideoque apparere in Christi passione mirabilem œconomiam, a veritate nullatenus declinarent. At supposita veritate passionis ac libera voluntate patientis, credere dolorem supra naturam, ut Leontius inquit, est velle ignorare quid carnis sit proprium, & nolle percipere, quod omnis actus supernaturalis est secundum adscensum, & progressum ad
melius,

melius , non ſecundum naturalem potentiã , vel depravationem habitum .

Opp. 1. Appellatur Chriſtus Dominus in Scripturis ſecundus Adam. Sicut ergo Adam in accepta juſtitia perſeverans nulla fuiſſet affectus animi ægritudine ac pœna ; ita nulli triſtitie , ac dolori Chriſtus obnoxius fuit . Reſp. 1. retorquendo argumentum . Etenim Adam innocens divina tantum gratia , non proprietate naturali erat immortalis , alioqui non indigniſſet ligno vitæ ; & ideo permittente Deo Adæ lapſum non fuit illi mors ſupernaturalis , ſed illius naturæ conſentanea : atque ita Chriſti caro mortalis erat , & naturaliter capax dolendi , ac reapse doluit Deo permittente ac volente , cum hac tamen diſcrepantia , quod mors & paſſio acciderunt Adamo in pœnam peccati , Deo volente ac ſubtrahente beneficium indebitum ; ſed Chriſtus paſſus & mortuus eſt in peccati remedium , Deo volente debitam ſatiſfactionem , atque exorcente indebitam miſericordiam . Deinde reſpondetur negando conſequentiam . Nam in hoc Chriſtus Adamo comparatur : quod ſicut iſte carnalis generationis , ita ille ſpiritalis auctor eſt : ſed talem carnem ſibi Dominus per hypotaſim univit , qualem Adam habuit poſt peccatum , quia non venit ut ſalvaret hominem innocentem , ſed ut redimeret peccatorem ; & idcirco venit *in ſimilitudinem carnis peccati* .

Opp. 2. Tradunt Patres Chriſtum paſſionis fuiſſe expertem , vel quia *ejus corpus neceſſaria non poſtulabat miniſteria* , ut inquit in v. 1. Strom. Clem. Alex. vel quia *paſſio ei dominari non poterat* , ut docet in cap. xxvi. Matth. S. Hieronymus : vel quia dicitur in Scripturis timuiſſe mortem , & fuiſſe triſtaturum , quia *Eccleſia gerebat perſonam* , ut ſcribit S. Pater Auguſtinus Expoſit. 2. in Pf. xxi. Reſp. Clementem Alex. aſſerere Chriſtum fuiſſe expertem paſſionis , cui nos neceſſitate ſubjicimur , dum non poſſumus aut famem , aut laſtitudinem , aut dolorem expellere niſi ſubminiſtratione cibi , dormitionis , medicamenti : Hieronymum denegare Chriſto paſſionem ita prædominantem animo , ut invitum diverberet ; & S. Patrem docuiſſe , quod non timebat Salvator mortem , niſi ut gerebat perſonam Eccleſiæ , quoniam ipſe libera poteſtate poſuit animam , quam Martyres ejus membra vi tormentorum immolarunt .

Opp. 3. Quæ eveniunt nobis volentibus , nequeant dolorem & triſtitiam aſſerre . Si ergo Salvator quia voluit oblatus eſt , nullum revera mœrorem , doloremque percepit . Reſp. concedo antecedens , & nego conſequentiam . In nobis enim locum habent paſſiones ſubrepentes abſque libera deliberatione , & exorſciantes invitos : quoniam in noſtra poteſtate non eſt , ut adveniant , ut ſuſcipiantur , ut ſenſus afficiant . At in Chriſto fuerunt propaſſiones ſponte pleniffimæ electione ſuſceptæ , non dominantes animo , ſed ad rationis imperium ,

ac personæ divinæ permissionem deservientes, ob summam potestatem vel infirmitatem tractandi, vel omnipotentiam exercendi: *Turbatus tu nolens, turbatus est Christus quia voluit*, ait S. Pater Tracta. xlix. in Joannem, & rationem hanc profert: *In illius potestate erat sic, vel sic affici, vel non affici. Verbum enim animam suscepit & carnem, totius hominis sibi coaptans in personæ unitate naturam. Nam & anima Apostoli Verbo illustrata est, anima Petri Verbo illustrata est, anima Pauli & aliorum Apostolorum, ac sanctorum Prophetarum Verbo illustrata sunt animæ, sed de nulla dictum est, Verbum caro factum est: de nulla dictum est, Ego & Pater unum sumus. Anima & caro Christi cum Verbo Dei una persona est, unus Christus est, ac per hoc, ubi summa potestas est, secundum voluntatis nutum tractatur infirmitas: hoc est, turbavit semetipsum.*

Opp. ultimo. Christus quocunque momento habuit divinitatem hypostatice carni conjunctam; & fruebatur etiam beatitudine & gloria, cum qua tristitia & dolor nequit consistere. Quomodo ergo tristatus est, passus est? Resp. non alia ratione tristatum ac passum, nisi ob allatam nuper: nimirum ob summam potestatem exercendi omnipotentiam & infirmitatem tractandi, quemadmodum si nolisset, nulla vis poterat illum flagellis cedere, vulneribus confodere, & occidere; ita permittente ac volente, virtus divinitatis, & gloriæ amplitudo nullum passionis tempore in carne producebant effectum, ut possent illam funes, verbera, clavi, lancea constringere, laniare, confodere. Sed de hoc argumento etiam infra.

C A P U T VII.

*An superiori doctrinæ adversetur sanctus Hilarius
Pictaviensis.*

Hucusque producta ad duplex dogma possunt reduci, quorum unum est, fuisse in Christo veram carnem ac nostræ consubstantiali in utero Virginis procreatam: alterum in ipsa carne vere humanis passionibus, libere tamen susceptis, eundem Christum fuisse obnoxium. Quæritur an utramque sententiam tenuerit Hilarius Pictavorum Episcopus. Enim vero in priori dogmate dubiam Hilarii mentem asseruerunt Erasmus, & Scultetus: in secundo autem illum errasse tradiderant Claudianus Mamertus, Berengarius, & alii apud PP. Benedictinos in Præfatione ad Hilarium; nec non Ferdinandus Vellozillus Q. xxi. in vii. Tomum Augustini, ubi errorem de Christi indolentia, quem probavit aliquando Justinianus, appellat dogma Hilarianum; quamvis nunquam aut Augustus Imperator, aut Aphthar-

todo-

to docitarum aliquis attulerit testimonia Hilarii in patrocinium erroris: quod pro ſancti Epifcopi defenſione haud parvum eſt argumentum. Nos cum Magiſtro Sententiarum Diſt. xv. libri 111. aliſque Scholaſticis, præfertim D. Thoma, D. Bonaventura, & quos prædicti Patres S. Mauri loco citato commendant, & cum Recentioribus fere omnibus rejicimus, ac reſutamus ſubjectis poſitionibus ſiniſtram de Hilarii doctrina ſuſpicionem.

PROPOſITIO I. S. Hilarius tribuit Chriſto verum corpus noſtro conſubſtantiale, & ex Mariæ carne ſuſceptum.

Demonſtratur. Qui fatetur Chriſtum revera originem ducere ex femine Abraham, & ex genere Davidis; conceptum in utero Matris, atque inde aſſumpſiſſe corpus noſtræ naturæ, is quidem in Chriſto proſtitetur verum corpus ex Virgine generatum. Hilarius diſertiffime hæc omnia docuit. Igitur in Chriſto veram carnem, eamque ex Virgine aſſumptam profeſſus eſt. Prob. mi. I. Chriſti ex Abrahamo & Davide, originem fatetur Hilarius in Pf. 118. n. 2. dicens: *Ex Juda, & Moab originem ſumens*: in Pf. 67. n. 28., ubi Chriſtum natum appellat, *De Juda frutice*: in Pfalm. 131. n. 2. ſcribens, *Nomen ſumens ejus* (Davidis) *cujus ex genere ſumebat & corpus*. II. Aſſumpſiſſe Chriſtum ex Virgine carnem aperte tradit Hilarius in Pfalm. 65. num. 12. his verbis, *Aſſumpta ex Virginis carne natura*: in Pfal. 118. lit. 14. n. 8. *Naturæ noſtræ ſibi ex Virgine corpus aſſumens*: in Pfalm. 138. n. 2. *Ex utero ſanctæ Virginis aſſumpſit carnem*. III. Eandem Chriſti carnem eſſe noſtræ conſubſtantialem docuit Hilarius lib. 1x. de Trinit. n. 7. *Corporis noſtri natus homo*: Lib. x. num. 15. *Ad redemptionem animæ noſtræ, & corporis noſtri perfectus eſt natus*: Lib. 1. n. 13. *Carnem peccati recepit, ut aſſumptione carnis noſtræ delicta donaret*. Hilarius itaque in Chriſto Domino aſſeruit veram ex femine Davidis generationem, formatum ex carne Virginis corpus, & carnem noſtræ conſimilem: quod erat demonſtrandum.

Oppones 1. Hilarius de Maria Virgine ait lib. x. de Trinit. num. 16. *Non enim ex ſe corpori Maria originem dedit*. Et lib. 111. n. 19. *Es certe non ſuſcepit quod edidit, ſed caro carnem ſine elementorum noſtrorum pudore provexit*. Libro etiam x. num. 35. Chriſtum vocat habentem corpus *ſpiritalis conceptionis*. Atqui ſi Maria non-dedit corpori Salvatoris originem, ſi idem corpus ex elementis non conſtat, ſi formatum non eſt carnali generatione, Chriſtus non habuit veram carnem aſſumptam ex Virgine. Ergo hanc revera carnem in Chriſto denegavit Hilarius.

Reſp. explicando Hilarii verba. In priori loco non extant particulae *ex ſe*, additæ præter fidem Codicum melioris notæ ab Eraſmo: imo eodem libro num. 35. legitur: *Genuit etenim ex ſe corpus, ſed quod conceptum eſſet ex ſpiritu*. Deinde corpus Chriſti divini fuit operis.

ris, nec principium habuit naturali virtute ideoque recte dicitur non fuisse, nisi ex spiritu, in quantum spiritus illius corporis origo est, & principium efficiens, ut explicat Hilarius ibidem num. 18. & in Epistola ad Flavianum Leo Magnus. Secundo loco docet productam Christi carnem absque elementorum pudore, id est, *nullo terreni seminis mixto contagio*; ut explicat lib. x. num. 15. & 35. ubi originem, & elementa declarat esse semen virile. In tertio denique loco vocat conceptionem Christi *spiritalem*, quia Virgo genuit quidem ex se corpus, sed quod conceptum esset ex virtute Spiritus sancti, ut ibidem num. 35. Itaque distinguo minorem, non fuit ex Virgine assumpta Christi caro, si Maria corpori non dedit originem; id est, si non genuit ex se corpus, concedo; si conceptum fuit Spiritus sancti virtute, nego. Distinguo etiam illius propositionis partem alteram, Christi corpus non fuit ex elementis compactum, scilicet genitum fuit absque elementorum pudore, mixtoque seminis contagio, concedo; non fuit ex elementis, ex corporalibus membris, & carnis nostræ naturæ, nego. Similiter tertiam partem distinguo, conceptio Christi fuit spiritualis, ratione corporis, quod Virgo genuit, nego: ratione virtutis, per quam idem corpus conceptum fuit; concedo minorem, & nego consequentiam.

Opp. 2. Negat Hilarius in Christo originem hominis, affirmatque solam originem similitudinis hominis, scribens lib. x. n. 25. *Homini habitus est origo, non hominis*. Resp. eo loci hæc tradere Hilarium: *Non fuit habitus ille tanquam hominis, sed ut hominis; neque caro illa caro peccati, sed similitudo carnis peccati: dum & habitus carnis in nativitate est veritate, & similitudo carnis peccati a vitio humanæ passionis aliena est, &c.* Quare Hilarius negat tantum in Christo originem illam hominis vitio humanæ conceptionis permixtam, unde producitur *caro peccati*; non originem a vitio humanæ conceptionis alienam, per quam Christus factus est *in similitudinem carnis peccati*.

PROPOSITIO II. Idem Hilarius non asseruit in Christo hominum Redemptorem indolentiam.

Attendere quippe in Hilario debemus iudicium de ipsius doctrina Antiquorum, scopum verborum, ac sententiarum in iis locis, quæ obijciuntur, & testimonia alibi expressa. At si ad hæc omnia mentem sedulo convertamus, liquet Hilarium non tenuisse de Christi passionibus falsam opinionem. Non ergo hanc Hilario possumus servata iudicii æquitate affricare. Priorem assumptæ propositionis partem non solum demonstrat argumentum negativum, quod nullus unquam huic addictus errori, Justiniano Imperante, cum notissima esset, ac celeberrima Hilarii fama, nec ullus ante Claudianum Mamertum, qui floruit circa annum 440. sinistram protulit de Hilario iudicium; verum etiam positiva argumentatio petita ex iis, qui pro Hilario scripserunt, ex Lan-

franco,

franco; Hunaldo, divo Thoma, ſancto Bonaventura, Guilelmo Parisienſi, aliſque Scholaſticis, qui Commentaria ediderunt in Diſt. xv. tertii libri Sententiarum, nec non ex Patribus affirmantibus Hilariana ſcripta poſſe quemque *inoffenſo pede decurrere*, quemadmodum in Epistoſola ad Letam teſtatur Sanctus Hieronymus.

Partem alteram de ſcopo librorum illorum, qui in controverſiam trahuntur, ſic probo. Videtur Hilarius omnem triſtitiam & paſſionem a Domino removeſe capite xxxi. in Matthæum, & libro x. de Trinitate. At removeſe tantum paſſiones a divinitate, non ab humana Chriſti natura, ſi diſputet contra pleroſque Apollinaristas & Arianos, quorum aliqui affirmantes Verbum ſuppleviſſe vicem animæ, aliqui vero opinantes infirmam ipſam Verbi divinitatem, hanc doluiſſe, dum caro figeretur in cruce, impie & audacter aſſeverabant, quemadmodum liquet ex libro v. Theodoret cap. 11. atque ex Romana Synodo ſub Damaso celebrata. Et quidem Hilarium adverſus hæreticos illos diſputare, fatiſ comperitum eſt. Citato enim cap. xxxi. in Matth. inquit: *Volunt ex infirmitate corporis arumnam ſpirituui adbarere, ac ſi Virtutem illam incorrupta ſubſtantia imbecillitatis ſua ſorte aſſumptio carnis inſecerit, & æternitas naturam fragilitatis acceperit. Qua ſi ad metum triſtiſ eſt, ſi ad dolorem infirma, ſi ad mortem trepida, jam corruptioni ſubdita erit, & incidet in eam totius infirmitatis affectio.* Ita num. 2. pag. 741. & num. proximo, *Sed eorum omniſ hic ſenſuſ eſt, ut opinentur metum mortis in Dei filium incidiſſe, qui aſſerunt non de æternitate eſſe prolatum, neque de infinitate paternæ ſubſtantia extitiſſe, ſed ex nullo per eum qui omnia creaviſ effectum.* Libro pariter x. de Trinit. num. 9. pag. 1041. ſe diſputationem ſuſcipere teſtatur contra præſatos Potamii, aliorumque inſigniorum Arianorum gregarios, iſta præmittens: *Volunt enim plerique eorum non in natura eum impaſſibilis Dei fuiſſe, ne qui timuit, & doluit non fuerit in ea poteſtatiſ ſecuritate, qua non timet, vel in ea ſpirituſ incorruptione, qua non dolet; ſed inferioriſ a Deo Patre natura, & humana paſſioniſ trepidaverit meta, & ad corporaliſ pœnaſ congemuerit atrocitatem.* Eſt itaque Hilarii ſcopuſ utroque in loco hoſ hæreticoſ, ſive Apollinaristaſ, ſive Arianos reſellere.

Tertiam partem ſpectantem ad expreſſam de Chriſti paſſione ſententiam loca proxima evincunt. In Pſalmum LIII. num. 3. ait: *Omnia ſecundum hominem paſſuſ eſt*, & num. 7. *Omnia que hominuſ ſunt & oravit, & paſſuſ eſt: & ex communi noſtra infirmitate ſalutem ſibi eſt deprecatuſ a Patre, ut nativitatem noſtram, cum ipſa infirmitatiſ noſtræ iniſſe intelligeretur officiis.* Hinc illud eſt, quod eſuriviſ, ſidiviſ, dormiviſ, laſſatuſ fuiſ, impiorum cœtuſ fugit, maſtuſ fuiſ, fleviſ, & paſſuſ & mortuſ eſt. Et in Pſ. LIX. num. 6. *Et hæc quidem in eum omnia, que noſtra neceſſitatiſ ſunt irruerunt; ſed ab eo natura ſua virtute ſuſcepta ſunt, dum mortem noſtram potens non mori, etiam*

timorem in se mortis ingruentem non renuit. In Psalmum pariter LXXVIII. num. 1. *Dolet ipse quidem extra necessitatem & timoris positus & doloris, sed bis se tamen quæ suscepit accomodans*. Hæc aliaque a PP. S. Mauri collecta adeo sunt manifesta, ut quidam haud recte de sententia alibi tradita iudicium proferentes appellaverint Hilarii in Psalmos Commentaria *librum illius Retractionis*.

Sed in iisdem etiam locis, quæ obiectantur, Hilariana doctrina satis apparet. Enimvero cap. xxxi. Commentarii in Matthæum, posteaquam a Christo tristitiam, mortisque metum ablegaverat, demonstrans fuisse in illo angorem quemdam, ac timorem non illatum a morte, quam subiret invitus, sed potius a scandalo discipulorum, & imbecillitate credentium num. 5. inquit: *Sciebat exterrendos, fugandos, negaturos: metuebat ne se Deum abnegarent, quem cæsum, & conspictum, & crucifixum essent contemplaturi*. Et num. 7. *Totus igitur super his, qui passuri erant metus est*. Et num. 10. *Passuris discipulis per fidei justificationem, omnem in se corporis nostri infirmitatem assumpsit, crucisque secum universa ea quibus infirmabamur affixit*. Ideo peccata nostra portat, & pro nobis dolet: quia fidei in nobis calore fervente, cum adversum diabolum passionis bello sit decertandum, omnes imbecillitatum nostrarum dolores cum corpore ejus & passione moriantur. Et ideo transire ab eo calix non potest, nisi illum bibat; quia pati nisi ex ejus passione non possumus. Vide pag. 802. & 803. Aperte itaque Hilarius agnoscit metum, & passionem in Christo, licet causam non repetat ex violenta morte, quæ non poterat in Dei filium incidere, sed ex hominum sceleribus, ac passionibus Martyrum, quam ob causam nostram assumpsit infirmitatem.

Eadem Hilarius docet lib. x. de Trinit. num. 36. & seqq. usque ad 40. Et postquam hoc libro plura adversus hæreticos referentes dolorem in Christi impatibilem divinitatem differuit, num. 47. ait: *Passus igitur Unigenitus Deus est omnes incurrentes in se passionum nostrarum infirmitates; sed passus virtute naturæ suæ, ut & virtute naturæ suæ natus est: neque enim cum natus sit, non tenuit omnipotentia suæ in nativitate naturam: & infra, Secundum quod ita ex infirmitate corporis nostri passus in corpore est, ut passiones corporis nostri, corporis sui virtute susceperet*. Numero denique 67. *Passus quidem est Unigenitus Dei quæ homines pati possunt: sed utamur Apostoli fide, atque dicto, Tradidi enim vobis in primis, quia Christus mortuus est pro peccatis nostris secundum scripturas, &c.* Ergo Hilarius negat in Christo passionis necessitatem, & dolorem qui irruerit in naturam divinitatis, sed non passionis sensum veramque tristitiam, ut extrinsecis argumentis, atque ex scopo, apertisque sententiis ejusdem Hilarii hæcenus probatum est.

ARGUMENTATIONES OPPOSITAE DILUUNTUR.

Opp. 1. Hilarius omnem a Chriſto triſtitiam removet libro x. de Trinit. num. 10. *Interrogo*, inquit, *eos, qui hoc ita exiſtimant an ratione ſuſſiſſat ut mori timuerit, qui omnem ab Apoſtoliſ timorem mortis apellens ad gloriam ſit eos martyrii adhortatus*. Et num. 36. ait Chriſtum non fuiſſe triſtem propter mortem, *quia ubi propter mortem triſtitia eſt, illic ipſa mors cauſſa triſtitia eſt*. Rationem vero profert num. 11. his verbis: *Humano enim generi vita mortem aut vis exterior, ideſt febris, vulneris caſus & ruina degraſſata in corpus accelerat, aut ipſa natura corporis noſtri ſenio in eam ipſam mortem victa concedit*. Unigenitus autem Dei ita poteſtatem habens ponenda anima ſua, &c. Confirmat idem num. 27. ex virtute miraculorum, dicens: *An ne timuit mori, qui armatis obvius prodiiſt? & in corpore ejus infirmitas fuit, ad cujus occurſum conſternata perſequentium agmina ſapinatis corporibus concenterunt?* &c. Similia habentur capite xxxi. Comment. in Mat.

Reſp. diſtinguendo ant. Removet Hilarius a Chriſto triſtitiam, quæ in impatibilem divinitatem irruerit, aut ex neceſſitate naturæ dominata ſit animo, concedo. Removet triſtitiam irruentem in corporis noſtri infirmitatem aſſumptam, & libera divi-næ perſonæ poteſtate ſuſceptam, nego. Quamvis ex dictis pateat reſponſio, eadem ex ipſis, quæ obijciuntur locis colluſtratur. Itaque Hilarius num. 10. dum ait, *Interrogo eos*, &c. aperte declarat ſe loqui adverſus pleroſque hæreticos affirmantes Chriſtum non in natura impaſſibilis Dei fuiſſe, ut qui timuit, & doluit non fuerit in ea poteſtatis ſecuritate, quæ non timet, vel in ea ſpiritus incorruptione quæ non dolet, ſed inferioris a Deo patre naturæ. Negat itaque Chriſtum congemuſſe, & doluiſſe ſecundum naturam divinitatis, & trepidaviſſe eo metu paſſionis humanæ, in cujus poteſtate non eſt pœnæ abjicere atrocitatem. Num. 36. ait non fuiſſe mortem in Chriſto cauſam neceſſariæ triſtitia, quoniam in ejus poteſtate erat animam ſuam ponere, triſtem autem fuiſſe non negat ea triſtitia, quam ſponte ſuſcepit cauſa noſtri, atque ut diſcipulorum ſuorum imbecillitatem confirmaret; ut ſupra oſtendimus. Similiter num. 11. inter Chriſtum ceteroſque homines illud ſtatuit diſcriminis quod in nos patiendi neceſſitate obſtriſtos febris, vulnera, & ſeneſtus irruunt etiam invitos; in Chriſtum vero, qui libere inſirmitatem carnis noſtræ ſuſcepit, mors eo tantum permittente deſciviit. Propterea addidit poſt verba, quæ obijciuntur: *Quod ſi ex ſe mortuus eſt, & per ſe ſpiritum red-didit, non eſt terror mortis in poteſtate morientis?* Eodem pacto num. 27. ex Chriſti omnipotentia, patrifque miraculis evincit in eo minime fuiſſe trepidationem ac terrorem perturbantem, & afficientem, invitos; quod his verbis demonſtrat: *Quam ergo inſirmitatem dominatam bujus corporis credis, cujus tantam habuit Natura virtutem.*

To. V.

R

Op-

Oppones 2. Eodem libro de Trinitate num. 23. Hilarius aperte in Christo negat omnem sensum doloris. Primo enim ait in Christum irruisse quidem impetum passionis, non pœnam, *In quo quamvis aut ictus incideret, aut vulnus descenderet, aut nodi concurrerent, aut suspensio elevarer, afferrent quidem hac impetum passionis, non tamen dolorem passionis inferrent*. Deinde affert exempla aliorum corporum, quæ omni prorsus doloris sensu sunt destituta, dicens: *Ut telum aliquod, aut aquam perforans, aut ignem compungens, aut aera vulnerans, omnes quidem has passiones naturæ suæ infert, ut foret, ut compungat, ut vulneret; sed naturam suam in hac passio illata non retinet, dum in natura non est, vel aquam forari, vel pungi ignem, vel aera vulnerari*. Quemadmodum ergo non patitur aut aer, aut ignis, aut aqua, ita Christus nullius passionis sensu affectus est.

Resp. hæc quidem difficilia esse, si ab aliis sejuncta legantur, at non si totus liber decimus expendatur: in quo num. 9. scopum suæ disputationis proponit, & refutatis hæreticis, num. 47. & 67. absque ulla ambiguitate concludit Christum *ex infirmitate corporis nostri passum in corpore*, non quidem ex necessitate, sed libera potestate virtutis. Hilariana verba superius recitavimus. Eandem ergo adhibemus respondentem. Denegat Hilarius in Christo omnem sensum doloris irruentem in divinitatem, & prædominante atrocitate torquentem invictum, concedo: efficientem infirmitatem corporis, & divina permittente virtute inferentem passiones, nego. At inquis in aere, in aqua, in igne dum perforatur, & pungitur, non est natura quæ patitur; igitur nec patibilis natura fuit in Christo. Recte concluderes, nisi Hilarius præmisisset se disputare adversus Hæreticos, qui affirmabant Christi divinitatem fuisse inferioris a Deo Patre naturæ, & humanæ passionis metu trepidasse, & corporalis pœnæ atrocitate congemuisse. Qui hæc tali declaratione præmisit, nec humanæ passionis metum, nec corporalis pœnæ atrocitatem in Christo negavit: sed metum, atque pœnam ad quam trepidaverit & congemuerit divinitatis natura. Itaque argumentationem diluo dicens, quod sicut telum aera compungens, aut vulnerans aquam affert impetum, sed pœnam non infert; ita clavi perforarunt Christi corpus, non tamen intulerunt divinæ naturæ dolorem passionis.

Opp. 3. Docuit Hilarius Christum nec passum, nec dolore aliquo affectum fuisse etiam spectata natura, & infirmitate corporis nostri. Defendi ergo ab errore non potest. Probatur antecedens. I. Eodem num. 23. docet, quod etsi passus est Dominus quatenus passio irruit in ejus corpus, tamen ipsa corporis virtus passionem excepit sine aliquo sensu pœnæ: *Passus quidem est, inquit, Dominus Jesus Christus dum cecidit, dum suspenditur, dum crucifigitur, dum moritur: sed in corpus Domini irruens passio, nec non fuit passio, nec tamen naturam*

pas-

passionis exseruit; dum & pœnali ministerio defecit, & virtus corporis sine sensu pœna vim pœna in se defecientis excepit. II. Diserte affirmat non habuisse corpus Domini naturam dolendi verbis sequentibus: Habuerit sane illud Domini corpus doloris nostri naturam, si corpus nostrum id naturam habet, ut calcet undas, & super fluctus eat, & non degravetur ingressu, neque aquæ insipientibus vestigiis cedat, penetret etiam solida, nec clausæ domus obstaculis arceatur. Quibus verbis ex corporis Christi perfectione demonstrat habuisse naturam doloris experientem. III. Idem comprobatur ex mirabili corporis Domini conceptione, subnectens, Quid per naturam humani corporis conceptam ex spiritu carnem iudicamus? Caro illa, idest, panis ille de calis est, & homo ille de Deo est: habens ad patiendum quidem corpus, & passus est, sed naturam non habens ad dolendum. Naturæ enim propria ac sua corpus illud est; quod in caelestem gloriam conformatur in monte: quod attactu suo fugat febres, quod spūto suo format oculos.

Resp. nego antecedens. Atque ad primam probationem dico sanctum Hilarium per *virtutem corporis* ipsam intelligere impatibilem divinitatem. Ita in Ps. 11. num. 25. inquit: *Infirmis honore est donata virtutis*, & in caput 1x. Matth. num. 7. *Fragilitatem corporis Virtus assumpsit*. Planissima est verborum Hilarii intelligentia: passum Dominum, & in corpus ejus irruisse passionem, sed hanc *Virtutem*, idest divinitatis naturam absque dolore excepisse. *Passus est ergo Deus* (inquit in Ps. 53. num. 12.) *quia se subiecit voluntarius passioni: sed suscipiens naturales ingruentium in se passionum (quibus dolorem patientibus necesse est inferri) virtutes, ipse tamen a naturæ suæ virtute non excidit, ut doleret*. Ad 2. eadem est adhibenda responsio: quippe nomen *Naturæ* accipit Hilarius pro sola divinitate, quo sensu ait eodem libro x. de Trinit. num. 66. *Cum infirmitas esset ex forma servi, & natura maneret ex forma Dei*. Christi itaque corpus non habuit naturam dolendi, in quantum Christi natura, idest, divinum Verbum passionem voluntarie suscepit: nec passio illa fuit conditionis & generis, ut indemutabilem Dei naturam vis injuriosaurbationis offenderet, inquit in Ps. 111. Idem probant exempla ab Hilario eo loci adducta, quandoquidem Christi corpus habuit naturam, quæ ferebatur in humidis, insistebat in liquidis, & attactu suo mirabilia patrabat, non spectata conditione corporis, sed virtute divinitatis, quemadmodum docet Hilarius lib. vii. de Trinit. num. 36. Ad tertium valet hæc eadem responsio: concepta enim Christi caro de Spiritu sancto, & divinitati hypostatice conjuncta non habuit naturam ad dolendum, quatenus unita fuit Divinitati impatibili, & *Virtuti*, quæ corpus assumptum voluntarie subiecit passioni; ipsam tamen naturam ad dolendum habuit in se spectata. Atque his, si alia occurrunt in Hilario difficultia, commode poterunt explicari.

pro libito ſejunxit , & revocavit , non anima eſſet , ſed exercens in animam , ejuſque officia poteſtatem . II. Tribuunt Scripturæ Chriſto paſſiones animæ , ut Joan. xii. 27. *Nunc anima mea turbata eſt : & Matth. xxvi. 38. Triftis eſt anima mea uſque ad mortem ;* nec non deſiderium , mœrorem , aliasque paſſiones , quas ſupra diximus in impatiibilem divinitatem non cadere .

Traditio etiam Patrum exploratiſſima eſt. Athanaſius in primo adverſus Apollinarium libro ait : *Quomodo triftis , & animo turbatus humanam non habuit animam ? Tribuere enim talem ſenſum materia inſenſibili abſurdum , Deo immutabili adſcribere blaſphemum .* Theodoretus de Hæret. Fab. *Si enim Verbum Deus animam non aſſumpſit , nec liberare eam , nec gloriam ei parare potuit .* Eamdem rationem aſſert Damafus Papa in Epiftola Synodica , in qua hanc Apollinarii hæreſim proſcripſit . S. Pater Auguſtinus Epiftola ad Dardanum num. 4. *Profeſſo cum dicis hominem perfectum , totam illic naturam humanam vis intelligi : non eſt autem homo perfectus , ſi vel anima carni , vel animæ ipſi mens humana deſuerit .* Cap. 4. de Fide , & Operibus adducit ſanctus Pater eamdem rationem nuper ex Damafco , & Theodorito productam : quam etiam reperies in priori Nazianzeni Epiftola ad Cledonium . S. Fulgentius in libro de Incarnat. ad Traſimundum cap. 14. & ipſe Apollinariftas reſellit , ex quo anima gravius peccato ſit vulnerata , quam corpus , atque iſti dignitate præcellat . Addit cap. 15. hoc argumentum , quod tentatis in anima paſſio Chriſti afferat auxilium , nec in eo quo tentatus non eſt . *tentatis auxilium miniſtres .* Validiſſimum utique argumentum , ac deſumptum ex Epiftola ad Hebræos cap. ii. v. 17. & 18. Laudatus Athanaſius citato libro Apollinarium urget ex Chriſti ad Inferos deſcenſu . *Quomodo , inquit , affirmabitis caeleſtem in Chriſto mentem fuiſſe animæ rationalis partes obeuntem ? An in duas diviſum partes corpus ejus dicetis ? An alia ejus pars in ſepulcro , alia apud inferos exiitit ? Quomodo fieri potuit , ut qui animam non haberet , ad inferos deſcenderet ?* Sufficiat pro reliquis omnibus Synodica præcitati Concilii II. Conſtantinopolitani , in qua legitur : *In corruptam retinemus Incarnationis Domini doctrinam , nec corpus ejus anima ſuæque mente deſtitui , nec Incarnationem ejus imperfectam eſſe ſaſuentes .*

Ex his Theologicæ argumentationes promuntur . Prima quod Chriſtus verus homo eſt : at non eſſet , ſi rationali anima , quæ hominis eſt pars præcipua , careret . Altera quod hominem acſumpſit , ut illum redimeret , eſt autem animarum potius , quam corporum Reparator . Tertia quod in divinitatem , ut diximus , naturæ noſtræ paſſiones , nec mors , nec deſcenſus ad inferos , nec reſurrexio a mortuis poteſt cadere . Poſtrema , quod tribuit animabus in tentatione victoriam , ideoque & ipſe in anima tentatus eſt .

Obi-

Obiter nota valere adversus hæresim Apollinarij sententiam quodque illorum Philosophorum, qui arbitrantur solam rationalem animam esse dolendi, ac sentiendi capacem. Etenim Apollinaristæ, cum Orthodoxi ad firmandam Catholicam doctrinam illos provocarent ad illa Salvatoris verba, *Tristis est anima mea usque ad mortem*, respondebant tristem fuisse *sentiens animam*, & optime corpus posse absque anima rationali *pati atque sentire*, ut in brutis animantibus contingit. Vide hanc ipsorum responsionem inter Op. Sancti Athanasii Dialogo IV. de Trinitate. Si ergo dixeris nullam corpoream animam sentire, ut docent Philosophi recentiores, omne hæc etiam sententia tollitur Apollinaristis perfugium. Imo videtur Athanasius ex hac ipsa Recentiorum sententia hæreticos refutare, dum ait: *Quomodo tristis, si humanam non habuit animam? Tribuere enim talem sensum materiæ insensibili absurdum*. Et fortasse si daretur anima, quæ rationalis non esset, & nihilominus dolorem sentiret, possent Apollinaristæ aliqua arte argumentationes istiusmodi eludere, ut animadvertit Auctor Historiæ Symboli Apost. pag. 204. Itaque aliis recentiorum Philosophorum ratiocinationibus petitis five ex Scripturis, quæ animantium animam ponunt in sanguine, Genes. IX. 4. & Deut. XII. 23. five ex motibus animalium a solo spirituum influxu, & organorum dispositione pendentibus, ut liquet in iis, qui fiunt in homine anima non advertente; accedit hæc, qua Athanasius impetit Apollinarium. Verum tamen est, quod præcisa hac de natura animæ quæstione, admissaque plurium animarum partitione, probatur in Christo anima rationalis ex ejus passionibus, quatenus fuerunt cum apprehensione animi conjunctæ.

PROPOSITIO II. Assumpsit Verbum divinum etiam humanam mentem atque intellectum.

Sequitur ex dictis. Illa enim anima mente ac ratione prædita est, imo a mente atque ratione indistincta, quæ apprehendit, quæ perfectum hominem constituit, quæ subsistit etiam a corpore separata. Talem esse Christi animam superiora argumenta demonstrant. Itaque mente ac ratione anima Christi destituta non fuit.

SOLVITUR OBJECTIO.

Apollinaristæ opponunt, quod tum ex Scripturis, cum ex ratione possit illorum hæresis comprobari. Delineans enim Joannes Evangelista cap. I. 14. Incarnationem Domini, ait: *Verbum caro factum est, nulla animæ, aut humanæ mentis facta mentione*. Proximis verbis inquit: *Et habitavit in nobis*, demonstrans ad hoc in mundum venisse, ut conversaretur cum hominibus: ad quod sane necessaria non videtur animæ assumptio. Ad quid autem hæc anima? Ut mortem Salvator

pateretur? At mors in corpus vim habet, non in animam. Ut deſcenderet ad inferos? At deſcendit divinitas, vel perſona. Ut miracula patraret? Verum hæc omnipotentia ſunt opera. Itaque ut carnem adſumeret, habuit Dei Verbum apertam cauſam habitandi inter homines, & pro hominibus moriendi: ut adſumeret etiam animam, cauſam nullam habuit, præſertim cum poſſet ipſum Verbum ſupplere rationalis animæ munera, & facultates.

Reſp. hæc ex dictis eſſe ſoluta. Diximus enim Scripturas non ſolum Chriſti carnem commemorare, ſed etiam animam, ſpiritum, naturam humanam, atque hujus proprietates. Joannes ergo cap. 1. *carnem* pro toto homine poſuit, ut Gen. v. 1. 12. Eſaiæ xl. 5. Matt. xxiv. 12. Lucæ 111. 6., & ad Rom. 111. 20. *Carnem* etiam Joannes commemoravit adverſus emergentes hæreſes eorum, qui negabant Chriſtum in carne veniſſe, atque ut oſtenderet fuiſſe in corpore viſibilem, manifeſtum, atque tractabilem, ut ſcribit adverſus Praxeam Tertullianus. Addit cauſam alteram Ep. 120. Auguſtinus, *Ut Chriſti humilitatem magis oſtenderet*. Neque Filius Dei factus eſt homo tantummodo ut habitaret in nobis, ſed ut poneret animam ſuam, ut peccatores ſalvos faceret, ut tentaretur per omnia in ſimilitudine abſque peccato. Inferitur quidem mors corpori, ſed anima recedente, & ratione ipſius animæ divina Perſona deſcendit ad inferos, & reſurrexit, quippe, ut ratiocinatur citato loco Athanaſius, *neceſſe eſt ab inferis reſurrectionis initia repetere, ut perfectæ & vera ſit reſurrectio, ſolutio nempe a morte, & liberatio ſpiritus ibi adſervati*. Hæc, & alia pluriſima, cujuſmodi ſunt affectus omnes humani a Verbo abſque mentis perturbatione ſuſcepti, competere nequeunt divinæ naturæ immutabilitati. Ideoque nequit hæc ſingulas humani ſpiritus partes explere.

C A P U T IX.

De rationalis animæ Chriſti perfectione, quantum ſpectat ad mentem, atque intellectum.

NON ſoli Ariani exſpoliarunt Chriſti animam plenitudine ſapientia, ut ex illius ignorantia probarent non habuiſſe ſummam, perfectiſſimamque divinitatem, & qui purum hominem illum eſſe commenti ſunt Gnoſtici, Ebionitæ, Sociniani: verum etiam ſpecialis ſectæ quidam hæretici, quos appellaverunt ob perverſum iſtud dogma *Agnoitas*, de quibus Codice cccxx. Bibliothecæ Photius. Cum obſcurioris nominis ſint, non alios putandum eſt fuiſſe Agnoitas, quam *Corrupticolas*, de quibus egimus ſupra. Ad horum modo refutationem præmittimus duplicem eſſe ſcientiam, divinam ſcilicet, & humanam:

Probatur I. ex Epift. ad Hebræos v. 8. *Cum eſſet filius Dei , diſſi-*
et ex iis, quæ paſſus eſt, obedientiam. Complures etiam Doctores de hac
 ſcientia acquiſita per praxim , atque experimentum accipiunt ea verba
 Lucæ 11. ultimo: *Proſciebat ſapientia , & ætate .* II. Probatur ex PP.
 affirmantibus in Chriſto cum ſapientiæ , tum divinitatis manifeſtationem ,
 atque explicationem , quæ fit rerum efficientia & experimento ,
 ut inquit Orat. 3. contra Arianos S. Athanaſius , & lib. 111. contra
 Neſtorium S. Cyrillus . II. Probatur ratione . Hoc diſcrimen interce-
 dit inter ſcientiam inditam , & acquiſitam , quod illa ſpeſtat rerum
 ſubſtantias , atque exhibet veritates , ut relucent in ideis , ac notio-
 nibus menti hærentibus , qualem alibi diximus fuiſſe participationem
 æternæ lucis principio conſeſſam angelis : ſcientia autem acquiſita ſpe-
 ctat veritatis jam perceptæ modum ac determinationem , ſive objecto-
 rum præſentiam : unde tradunt Scholaſtici ſcientiam inſuſam nullatenus
 a phantaſmate, ſenſuumque miniſterio pendere , bene tamen
 acquiſitam , atque uſu & exercitatione comparatam . At anima Chriſti
 ſenſuum officio ipſaque experientia percepit vitæ ſuæ decurſu obje-
 cta præſentia , v. g. patrata a ſe miracula , diſcipulorum obedientiam,
 cogitata , & machinamenta Pharifæorum , & quæcunque ab initio per
 antecceptam notitiam interiori mente prænoverat . Fuit ergo in Chriſti
 anima etiam ſcientia experimentalis & acquiſita .

PROPOSITIO III. Fuit in Chriſto in hac etiam mortali vita ſcientia
 Beatorum , viditque adhuc viator divinitatem & gloriam .

Demonſtratur primo ex Scripturis . In his , ut diximus prop. 2. ,
 aſſeritur , Chriſtum fuiſſe plenum gratiæ & veritatis , in eoque exti-
 tiſſe omnes theſauros ſapientiæ & ſcientiæ Dei . Legimus etiam Joan-
 nis 1. 18. & 111. 13. ipſum Chriſtum inter nos commorantem aſſer-
 maſſe ſe in cælis , & in ſinu Patris fuiſſe . Eodem cap. 111. v. 11. teſta-
 tur Jeſus , ſe annuntiarc Trinitatis arcana , quæ noverat ac viderat ;
 atque vitz. 14. demonſtrat verum eſſe teſtimonium , quod de propria di-
 vinitate perhibebat , quia ſciebat ſeipſum . Sed ſui diviniæ ſcientiæ plen-
 tudine , commorari in ſinu Patris , ipſum videre , & divinitatem
 perfecte cognoscere , eſt habere ſcientiam Beatorum . Hanc ergo ſcien-
 tiam habuit etiam in hac mortali vita Chriſti anima . II. Confirmatur
 ex Patribus . Euſebius Cæſarienſis cap. 21. libri x. Dem. Evang. expo-
 nens ea verba Pſalmi xx1. *In te projectus ſum ex utero ,* inquit : *Cum*
enim adhuc in utero laterem geſtantis me Genitricis , te Deum meum
intuebar . S. Pater Auguſtinus in Pl. xv. ait humanitatem Chriſti nun-
 quam amiſſiſſe hereditatem , & claritatis notitiam , qua divinum Ver-
 bum erat apud Patrem , priuſquam mundus fieret : & quæſt. 65. ex
 LXXX111. explicans quid ſignificarent linteamina , quæ in monumento
 inventa ſunt , docet fuiſſe quoddam ſymbolum carnis , qua non ita
 ſpiritus implicabatur , *ut eum aliquid lateret , aut ab itinere retor-*
deret .

Tb.V.

S

daret .

daret. Libro etiam priori de Peccatorum meritis cap. 3 1. ait: *Per distantiam divinitatis, & infirmitatis filius Dei manebat in calo, filius hominis ambulabat in terra: per unitatem vero persona, qua utraque substantia unus Christus est, & Filius Dei ambulabat in terra, & filius hominis manebat in calo.* Fulgentius ad Ferrandum Diaconum hæc scribit: *Non existimo illi anima in aliquo plenam divinitatis deesse notitiam, cujus una est Persona cum Verbo: & infra; Ubi spiritus non est ad mensuram datus, necesse est, ut plena sit divinitatis immensa notitia.* III. Confirmatur ratione, quæ ex dictis fuit, atque traditur in 2. Quodlib. q. 4. ab Aegidio: *Qui enim plenus est gratiæ & veritatis, qui Spiritus dona non ad mensuram accepit, qui Mediator extitit inter Deum, & homines, qui omnes habuit divinæ scientiæ thesauros, ita, ut de plenitudine ejus omnes accipiant, is profecto destitutus non fuit scientia Beatorum: quisquis enim hac caret, cognoscit ex parte, videt in ænigmate, atque nondum affectus est plenam divinitatis notitiam.* At Christus plenus erat omnis gratiæ & veritatis, super eum requiescebat Spiritus sapientiæ, in ipso fons erat aquæ, ac virtutis salientis in vitam æternam, ipse erat veritas, & omnium hominum Præceptor ac mediator. Itaque non ex parte, non per speculum, non in ænigmate, sed facie ad faciem ipsam intuebatur divinitatem.

PROPOSITIO IV. Non habuit tamen Christus ut homo scientiam comprehensivam.

Evincitur I. quoniam cognitio comprehensiva, ut alibi demonstratum est, debet non solum divina omnia scrutari, verum etiam singula divinatorum attributorum objecta, & creaturas quasque possibiles, ad quod virtus requiritur infinita, qualem nequit habere creatus animus. II. Damnata est sess. 2. Concilii Basileensis, tunc legitimi, & sub legitimo Pontifice constituti, propositio Augustini Romani, & Episcopi Nazareni: *Anima Christi Deum videt tam clare, & intense, quam clare, & intense Deus videt seipsum.* III. Anima Christi sapientiam recepit per spiritum in ipsa habitantem, ut ait Esaias x 1. 2. non est autem ipsa Christi anima suamet sapientia, aut Spiritus sapientiæ super eum requiescens. Sapientia autem recepta in animo non omnia comprehendit, sed ipsa subjeçti limitatione circumscibitur & finitur.

Augustinus de Roma, cujus nuper meminimus, fuit nostri Ordinis Generalis Antistes, ediditque librum de humana natura Christi, in quo plures asseruit propositiones, inter quas nuper citata, & altera in Indiculo Basileensi prima, *Christus quotidie peccat, & ex quo fuit Christus quotidie peccavit.* Nemo tamen hunc virum aut hæreticum, aut rudem, aut impium existimet. Nam Synodus Basileensis eoloci declarat nullam a se adversus illius personam proferri sententiam.

Ait

Ait etiam propoſitionem nuper prolatam , traditam ab Auctore non referendo peccatum ad ipſam perſonam Chriſti , ſed ad membra ſua , quatenus cum Chriſto capite unum ſunt . Hoc quidem ſenſu dicebatur Saulus Chriſtum perſequi , dum in Chriſtianos ſerviret . Et quemadmodum hæc propoſitio ab Auguſtino Romano catholico ſenſu prolata eſt , ita etiam reliquæ , quæ videntur continere Anomæorum infaniam , aut hærefim Neſtorii , fuerunt ab Auctore enuntiata recte intelligentia , & ratione unionis hypſtaticæ , quemadmodum Fulgentius loco citato inquit : *Non exiſtimo illi animæ in aliquo plenam divinitatis deſſe notiſſiam , cujus una eſt perſona cum Verbo : quam ſic Sapientia ſuſcepit , ut eadem Sapientia ipſa ſit* . Ut ergo Fulgentius animæ Chriſti tribuit eamdem ſapientiam Verbi , ita Auguſtinus de Roma tribuit eidem animæ claram , & intenſam viſionem ipſius Dei , ſpectata Perſonæ Verbi , cui anima ſubſtancialiter conjuncta eſt , unitate . At quoniam hujus Scriptoris propoſitiones talibus verbis conceptæ , & a libello divulſæ falſiſſimum ſenſum exhibent , in ipſoque libro nequeunt abſque perſpicaci acumine diſtingui , fuerunt in illa Synodo jure meritoque proſcriptæ . Ceterum Auctor tam eximia ſcientia præſtabat , ut non ſolum promeruerit ſcriptorum omnium laudes , ut in Hiſtorica diſſertatione demonſtrat Gandolſus pag. 74. ſed etiam alter Auguſtinus ob eloquium , & ſapientiam fuerit appellatus . Fuit autem moribus & vitæ ſanctimonia adeo clarus , ut Beati viri titulum adeptus ſit , atque in Templo S. Auguſtini Pratenſi Provinciæ noſtræ Piſanæ religioſo cultu , ac ſumma veneratione aſſervetur .

AD OBJECTIONES RESPONSIO.

Opp. I. Lucæ 11. ult. legitur , *Et Jeſus proficiebat ſapientia , & ætate , & gratia apud Deum , & homines* . Non ergo fuit anima Chriſti a priori conceptionis inſtanti perfectâ rerum cognitione exornata , ſed quemadmodum ætas , ita ſapientia illius ſuſcepit perfectionem atque incrementum . II. Matthæi vii. 10. dicitur Chriſtus Centurionis fidem fuiſſe admiratum , *Audiens autem Jeſus miratus eſt* . Admiratio autem nequit cum plena ſapientia conjungi . III. Chriſtum ignoraffe peccata ſcribit Apoſtolus in 2. ad Corinth. v. 21. *Qui non noverat peccatum , pro nobis peccatum fecit* . IV. De ipſo prænuntiatum fuerat ab Iſaia vii. 4. *Antequam ſciat puer vocare patrem ſuum , & matrem ſuam* : quibus ſane verbis commonſtrat ignorantia , communisque ceterorum puerorum miſeria . V. Denique Chriſtus ipſe Marci xi. 31. proteſtatus eſt ſe diem Judicii nescire dicens , *De die autem illo , vel hora nemo ſcit , neque Angeli in cælo , neque Filius , niſi Pater* . His ergo divinarum ſcripturarum testimoniis Chriſtum plura ignoraffe convincitur .

Resp. Ad primum quod Christus proficiebat scientia acquisita & experimentalis, dum vitam agendo sensu animæ, & exercitatione virtutum experiebatur in rerum eventis, quæ ab initio prævererat mentis intelligentia. Hoc sensu videtur mihi accipiendus Ambrosius in libro de Incarnat. Dominicæ Sacramento, ubi ait, quod Christus *proficiebat sapientia hominis*. Quamquam enim Magister in 111. dist. x111. §. Ait, explicat Ambrosium, quod affirmaverit Christum profecisse, quantum ad visum hominum & sui sensus ostensionem, uti etiam explanat Vellofillus Adv. in Ambros. Q. x111., cum tamen S. Doctor scribat profecisse Christum sapientia humana per incrementum, quo mutabatur in melius, congruum est, ut illum de scientia experimentalis interpretemur. Atque ita difficultatem non habent, quæ Ambrosius ait: *Deus perfectionem naturæ suscepit humanæ: suscepit sensum hominis, sed non sensu carnis fuit inflatus. Sensu hominis animam dixit conturbatam, sensu hominis esurivit & rogavit, sensu hominis profecit, &c.* Recte hac responsione verba omnia Ambrosiana simul coherent. Suscepit enim Deus naturæ humanæ perfectionem, ideoque mentem plena scientia exornatam: hæc tamen scientia incrementum habuit, & in melius mutata est, non quantum ad substantiam rerum per scientiam infusam perceptarum, sed quantum ad operum experimentum, & ad objecta in se consistentia. Eadem ratione inquit Apostolus ad Hæb. v. 8. *Cum esset Filius Dei, didicit ex iis, quæ passus est, obedientiam*. Huic autem interpretationi non repugnat altera, quam tradunt complures, in tantum Jesum profecisse sapientia, in quantum ejus virtus manifestabatur hominibus, ut exponunt Gregorius Nazianzenus Orat. xx. Athanasius in 111. contra Arianos, & Cyrillus lib. 3. adv. Nest. laudati ab erudito Theologo H. Tournely de Incarnat. pag. 358. nec non Gregorius Magnus citatus a Magistro, nisi potius ea verba sint Bedæ; & insuper Hieronymus, Augustinus, Remigius, Damascenus, Theophilactus, quorum verba recitat Vellofillus.

Urgent cavillatores quidam ea verba, *coram Deo*, dicentes, Ergo Christus revera proficiebat sapientia. Alii opponunt comparationem ætatis, subinferentes, si vere augebatur ætate, vere etiam profectum recipiebat doctrinæ. At hæc eundem sensum præferunt, idest, vere coram Deo, & coram hominibus exercendo humilitatem atque obedientiam virtutum actus animam Christi exornabant, atque de se optimum singulis præbebant experimentum, ut Genes. xx1. 12. ait Deus Abrahamo ad filium immolandum parato, *Nunc cognovi quod times Deum*: & ipse Jesus post sanatam a profluvio sanguinis mulierem dicitur Marci cap. V. 30. cognovisse *in semetipso virtutem, quæ exierat de illo*: quæ debent, ut liquet, accipi de vera cognitione sita in rerum experimento. Negari etiam potest ea verba *sapientia & atate* referri ad illa,

illa, *apud Deum*, & *homines*, cum inſtitutum ſit dicere, quempiam proficere apud Deum aut ſapientia, aut ætate: ſed proficiebat Chriſtus apud Deum, & homines *gratia*, opera nimirum ſpectabilia, & cum Patri, tum hominibus accepta patrando, ut animadvertit Janſenius in hunc locum, & in 111. Sent. diſt. 13. illuſtris Eſtius.

Eadem ratione tuit in Chriſto admiratio, non quæ ex ignorantia procedit, ſed quæ ad novum & inſolitum objectum quamvis præviſum, erumpit foras, eo pacto, quo Joannis x1. 35. dedit profuſis lacrymis ſigna triſtitie ob mortem Lazari, quam ſupra verſu 14. præcognoverat, & appropinquans Jeruſolymis item ob futuram deſolationem amare flevit, exteriori ploratu commonſtrans proximam calamitatem. Ob hanc ergo cauſam juſtæ admirationis ſigna dedit cum Centurio ſuam fidem, Math. v111. 20., patefaceret, & cum patriæ ſuæ cives, Marci v1. 6., nullum illi exhiberent honorem, ut quiſque perciperet quam eſſet digna laude fides alienigenæ, & quam execranda concivium ſuorum pervicacia.

Ad 3. nihil aliud eſt reſpondendum niſi quod *ignorare* ſæpe ſæpius idem ſignificat ac odio habere, quemadmodum *cognoscere* eſt idem ac *approbare* & *diligere*, ut diximus libro 1v. cap. 2. Ita ergo dicitur Dominus ignorare peccatum, quomodo ait Matth. v11. 23. operantibus iniquitatem, *Nunquam novi vos*, & cap. xxv. 12. fatuis virginibus, *Nefcio vos*, nimirum, *reprobo ac damno*.

Quod proferitur ex cap. v11. Eſaiæ, de impedimento infantie eſt accipiendum: non de impedimento illo, quod oritur ex puerili ignorantia, ſed de illo, quod procedit ex debilitate membrorum, quæ per ætatem ad animæ officia redduntur aptiora; juxta quem ſenſum de puerulis, qui reptando incedunt, dicimus, *Nefciunt ambulare*, id eſt, *nondum valent*: & ideo legitur in Hebræorum Codice, *Antequam ſciat puer vocare Patrem mi, & mater mea*.

Postremum de ignorantia dici extremæ, quod ceteris eſt difficilius, ſolutum a nobis eſt libro v11. cap. 12., quatenus Chriſtus dixit ſe nescire diem Judicii, in quantum eſt caput Eccleſiæ, & paternoꝝ conſiliorum adminiſter, id eſt, non ita ſciebat, ut expediret diem illum diſcipulis indicare: quæ reſponſio vera eſt, atque ut ibidem diximus, tradiſta ab Auguſtino. Etenim ſoli Patri tribuitur in Evangelio illius diei præſcientia, quam tamen etiam divinum Verbum ac Spiritum ſanctum habere ſolus Arianus aut Macedonianus inficias ibit. Verum tamen eſt nonnullos Patres contra Arium diſputantes aſſerere Chriſtum ut hominem ignoraffe revera judicii diem, ut ſcribunt Euſtathius Antiochenus lib. v1. Gregorius Nazianzenus Orat. 36. Hilarius lib. 1x. de Trinit.; & Athanaſius Orat. 4. contra Arianos, quorum verba vide apud Petavium lib. 11. de Trinit. cap. 3. Sed hi poſſunt explicari, in quantum ignorantia ſub eſt humanæ Chriſti natu-

naturæ ex ingenita facultate, & præcise in quantum humana est, non prout est *hypostatice* conjuncta divinitati. Aut si verba aliqua hunc sensum minime patiantur, dicendum erit ob hanc eandem causam, quod Patres illi cum Arianis congredierentur, ne aliud disputationem distraherent, & versutas adversariorum argutationes facilius conterrerent, affirmasse quod ex ignoratione ultimæ dei nequeat evinci inferior in Verbo natura, quum et si daretur hæc ignorantia, non caderet in divinam Filii mentem, sed in humanam. Suspiciatur præterea Ambrosius lib. v. de Fide cap. 7. abesse a veteribus Codicibus, *neque filius*, quod non adinveniri in pluribus exemplaribus scribit etiam in caput xxiv. Matth. vers. 36. Hieronymus. Verum et si potuerit hic locus dolo Arianorum corrupti, certum est ea verba reperiri apud Marcum, atque inde fortassis in Evangelium Matthæi derivata sunt, maxime quod congruentia sint verbis illis utrobique extantibus, *nisi Pater*. Quare ne his ambiguis admodum & invalidis tela Arianorum videremur potius declinare, quam frangere, constitutum nobis fuit priorem tradere responsionem.

Opp. 2. Repugnat scientia Beatorum, quæ in manifesta visione Dei sita est, vitæ, quam Christus ante passionem inter homines egit. Primo namque in hac mortali vita nondum fuisse glorificatum aperte traditur Joan. vii. 39. Deinde vix gloriæ libamina degustasse in transfiguratione, liquet ex Matth. xvi. 1. 2. Præterea tristitia ac mæore maximo affectus est mortem in horto præmeditatus. *Apparuit* etiam ea occasione *Angelus de cælo confortans eum*, ut habetur xxii. 43. Lucæ. Clamavit quoque in cruce pendens se a Deo derelictum verbis Psalmi xxi. *Deus, Deus meus, ut quid dereliquisti me?* Ex his argumentantur: Scientia & cognitio perfecta divinitatis secum trahit animæ glorificationem, corporis immortalitatem atque splendorem, gaudium sempiternum, ac perennem felicitatem. At Christus hæc ante Resurrectionem assequutus non est. Itaque non fruebatur manifesta visione divinitatis.

Resp. cap. Joan. vi. 1. dici Christum nondum glorificatum manifestam in cælum ascensione, quemadmodum ibidem ait Joannes nondum fuisse Spiritum datum, quoniam, ut Augustinus exponit Tract. xxxiii. in Joan. *antea non apparuerat*. Ut igitur Spiritus absque manifestatione datus jam erat Mariæ, Annæ, Zachariæ ceterisque prophetis, ut ibidem S. Pater demonstrat; ita Christi anima priusquam in corpore glorificato resurgeret, fruebatur beatissima visione divinitatis. Quod autem Salvator in monte Thabor, sive, ut quidam opinantur, in Libano gloriosus apparuerit, & gloriæ Domini sui servierint Moyses, & Elias, potius demonstrat fuisse in Christi potestate, ut gloriæ splendor redundaret in corpus, aut se inde subtraheret. Tristitia mortisque sensus arguit quidem in hominum Redemptore assumptam

carnis

carnis infirmitatem, ſed non oppugnat, ut infra dicemus, ſpiritus beatitudinem. Quæ apud Lucam habentur de ſudore Chriſti ſanguineo, & Angeli confirmatione, omitti in nonnullis Græcis, Latinique Codd. ſcribunt Hilarius lib. x. de Trinit. & Hieronymus in 11. ad verſus Pelagianos. Genuina ſunt tamen, ac talia habentur ab ipſo Hieronymo, nec repugnant humanæ infirmitati, in qua voluit Saluator tentari per omnia, ut poſſet nobis in anguſtia & tribulatione poſitis condolere. Extrema morientis verba fuiſſe hominis cum deſperatione luſtantis, & etiam ipſa deſperatione abſorpti, fuit opinio Joannis Feri Eccleſiaſtæ, ut vocant, Moguntini, aliorumque impiorum hæreticorum. Sed tanta, atque inaudita blaſphemia ipſis Chriſti verbis revincitur. Si enim fiducia in Patrem carebat, cur ad ipſum confugit exclamando, *Deus meus*? inquit adverſus Sectarios ſuos libro 11. Harmoniæ Evangelicæ cap. 9. Gerardus Voſſius. Et Grotius in Matthæum demonſtrat particulas, *ἰνα τι, ut quid*, vocem eſſe deprecantis ex cap. xxx11. 11. Exodi, atque ex Pſalmo x1. 1. Accipi eadem ſignificatione hebraicum *חַיָּה* 2. Regum 11. 22., 2. Paralipp. xxv. 16., Jeremiæ xxv11. 13., Ezech. xxx111. 11, aliſque in locis demonſtrat Glaſſius lib. v. Traſt. 2. cap. 5. Atque hos ad confutandos hæreticos arbitror ſatis eſſe. Nam ad noſtratum eruditionem proponimus Eſtium in Cap. xxv11. Matth., & in v. Epift. ad Hebræos verſ. 7. Itaque agnoſcimus in verbis Chriſti humilem deprecationem una cum experimento voluntatis humanæ.

Sed illud accuratius explicandum eſt, unde pendet omnium argumentorum ſolutio, quomodo cum intuitiva Dei viſione potuerit conſiſtere triſtitia, deprecatio patientis, & Angelicæ conſolationis officium. Canus de locis Theologicis lib. x11. cap. 13. ait, gaudium utique ex Deo viſo in voluntate neceſſario naſci, non ſecus atque ex ſole lumen, & calorem ex igne: ſed retraxiſſe aliquando ſolem radios ſuos, ideſt, in hominum Redemptione perficienda omnem voluptatem fuiſſe reſpreſſam, quam alias ex viſione Dei proficiſci naturæ ratio demonſtrat. Addit Chriſtum licet habuerit eſſentiam beatitudinis, non tamen habuiſſe accidentia, quæ inde per ſe conſequentur. Docet etiam, quod fruſtitio ſine gaudio poteſt intelligi, quemadmodum fruſtur fruſtibus arboris, qui nullam ex eis capit ob morbum voluptatem. Concludit, quod Chriſtus non ſolum videbat, ſed etiam fruebatur, quamvis dereliſtus a Deo omnique penitus ſolatio deſtitutus non gaudebat. Hæc eloquentis Theologi verbis ſunt expreſſa.

Quamquam autem poſſit hæc ſententia in nobis excitare amoris, & grati animi recordationem, cum anima Chriſti pro ſua erga nos caritate ſponte gaudii plenitudini renuntiaſſet, & vindicetur etiam illa Cani ſententia a P. Serry cap. v111. Prologi Galeati, & Exercitatione de Chriſto xlv111. quibuſdam Patrum testimoniis, & etiam Mal-

Maldonati, Salmeronis, & Gregorii de Valentia confimili expositione: nihilo tamen minus probari mihi non potest, quum fieri nequeat ut voluntas participatione summi boni minime delectetur. Percipere præterea nequeo cur non sit gaudium, ubi amore perfecto bonum, incommutabile possidetur, nec assentior frui infirmum arboris suæ fructibus, quando nullam ex iis capit delectationem. *Cum enim adest quod diligitur, etiam delectationem secum necesse est gerat*, inquit de Doctrina Christi. lib. 1. cap. 33. Augustinus. Ambrosius autem & Hilarius, ubi docent recessisse ab humana Christi natura irruente morte divinitatem, ita sunt accipiendi, ut Divinitas non adestet ad defensionem, & etiam hoc sensu delectationem subtraheret, quatenus gaudium animæ sese in superiori ratione contineret, neque in sensus diffunderet.

Expedita ergo est magisque in Scholis probata ea sententia, quod anima secundum superiorem rationem, sive quatenus mens divinitati in se inspectæ adhærebat, omni momento fruebatur atque delectabatur; sed prout corporeo sensu recipiebat illatam cruce clavisque passionem, secundum rationem inferiorem, quam *sensualitatem* appellant, afficiebatur dolore; ut explicant in 111. Sent. dist. xv. Scholastici. Hoc autem non repugnare demonstrat eadem dist. S. Thomas, quod gaudium & dolor sint hoc pacto secundum diversam operationem, atque oppositum objectum, & minime ad invicem adversentur. Illis vero qui opponunt perpetuam ac plenam intellectualis potentie delectationem ita animum absorbere, ut distrahi non possit, neque affici sensu ullo doloris; respondendum est, quod si persona habeat super omnes animi sui facultates absolutam potestatem, ut habebat Dominus Iesus Christus, quemadmodum pati ac mori potest subtrahendo omnipotentiam suam ne protegat assumptam infirmitatem, ita cohibere potest gaudium in mente, ne dissuat in sensus. Quod nequit in aliis hominibus evenire, propterea quod tali potestate non præditi nec possunt libere irruentem mortem vitare, nec torrentem sistere voluptatis. Atque ob plenissimam hanc potestatem Salvator humani generis oblatus est, quia ipse voluit; & quia voluit, sequestravit in superiori ratione gaudium supernæ delectationis. Legite Tractatum Augustini xl. ix. in Joannem, & Opp. 3. superioris Cap. vi.

C A P U T X.

De Monothelitis, qui negaverunt in Christo distinguendam esse divinam, humanamque voluntatem.

HAERETICI omnes, etiani ante tempora Heraclii, qui vel unam in Christo naturam, sive humanam, sive divinam, vel cum divi-

divinitate carnem abſque anima, vel animam quoque ſenſitivam, ſed mente ac ratione deſtitutam aſſeruerunt, Ebionitæ nimirum, Ariano-
rum plures, Apollinariftæ, atque Eutychiani, negarunt in Chriſto
Domino duplicem operationem, ac voluntatem, ideoque appellari
poſſunt Monothelitæ. Ut enim conſtat ex Epiftola Agathonis ad Con-
ſtantinum relata Aët. iv. Synodi ſextæ, ex quo in Chriſto una ſtatua-
tur natura, conſequens eſt unicam quoque reperiri voluntatem. Pec-
uliaris tamen Monothelitarum ſecta hæreticorum illorum eſt, qui
duabus in Chriſto naturis admiſſis, aut expreſſe ſaltem non denegatis,
unam voluntatem, & unam operationem in illo conſtituere moliti
ſunt: cujus ſectæ exordia refert Maximus Martyr in Dialogo cum Pyr-
rho, & laudata Synodus Aët. xiii., ad Conciliabulum Alexandrinum
auctore Cyro coactum.

Fuit autem Monothelitarum antefignanus Athanaſius quidam Ja-
cobitarum Patriarcha, Eutychianorum dogmate imbutus: qui anno
629. congreſſum habuit cum Heraclio jam circumvento fallaciis
Pauli hæretici Severiani, atque ſenſa Monotheliſmi Imperatori in-
ſtillavit. Is conſuluit Sergium Conſtantinopolitanum, & Cyrum,
prius Phafidis, poſtea Alexandriæ Antiſtitem, corruptuſque Sergius
etiam Cyrum illaqueavit. Tum Sergius fictis ſub Mennæ nomine libel-
lis, iſſique tranſmiſſis ad Theodorum Episcopum Pharanitem, ad Pau-
lum Severianum, & ad Georgium Paulianiſtam callide hæreſim cœpit
diſſeminare. Turbis propterea excitatis, data ad Honorium episto-
la omniū diſſenſionum auctorem fecit Sophronium ſanctiſſimum Jeroſo-
lymorum Episcopum; ſed calumniam denudavit atque expunxit in
epiſtola ad Petrum Illuſtrem ſanctus Maximus. Traxit autem ad ſe
idem Sergius quam facillime Heraclii animum, tum fama nominis ſui,
quæ plurimum apud Orientales percrebuerat, tum ſpecioſo titulo *uni-*
tionis in utramque Chriſti naturam, tum denique execratione hæ-
reſis Neſtorianæ, cui patrocinabatur impenſe Chofroas Rex Perſarum
hoſtis Heraclii inſenſiſſimus.

Heraclius anno Imperii ſui 23. Monothelitis adhærens coegit Sy-
nodum quamdam Armenam, cui tamen, ne prohiberetur dogma dua-
rum in Chriſto operationum, ac voluntatum obſoluerunt ſanctiſſimi
Præſules Arcadius Archiepiſcopus Cypri, Sergius alter Arcadii ſuc-
ceſſor, & Joannes Alexandrinus cognomento Eleemoſynarius. At Ser-
gius, deſuncto interim Honorio, cujus episto-
lis falſo errorem ſuum
comprobari jaſtabat, circa annum 630. compoſuit *Etiheſim*, ſive
fidei formulam & expoſitionem, eamque nomine Heraclii vulgatam
affixit valvis Eccleſiæ Conſtantinopolitanæ, pro cujus approbatione
anno 638. etiam Synodalem conventum coegit. At Imperator cum
audiret de hac *Etiheſi* univerſalis Eccleſiæ querimonias, in episto-
la ad Joannem iv. qui eandem anno 641. ut Pagius animadvertit, il-
lam

To.V.

T

lam

lam proscriptis, contestatus est eamdem *Eitbesim* neque a se dictatam fuisse, neque suo jussu compositam.

Defuncto Sergio anno 639. Pyrrhus ejus successor aliam Pseudosynodum coegit pro *Eitbesios* confirmatione: sed postea in celebri cum Maximo conflictu se plane convictum confessus est, atque veniens ad limina Apostolorum initio Pontificatus Theodori abjuravit Monothelismum; quamquam rediens ad vomitum ab ipso Theodoro in Romana Synodo. celebrata anno 648. damnatus est. Intrusus interea temporis in sedem Constantinopolitanam Paullus patrocinio Imperatoris Constantis, composuit *Typum*, seu Fidei formulam, in qua simulato pacis zelo silentium circa duplicem voluntatem servandum imponebat, deposita a templi valvis *Eitbesi*. *Typum* hunc damnavit Martinus in Synodo Lateranensi celebrata anno 649. Secret. 4. nam Paullus prætenu componendæ dissensionis confirmabat doctrinam *Eitbesi*, atque dogma catholicum evertibat. Hunc *Typum* dictum Constantis, quoniam ipsius auctoritate editus fuerat a Paulo; & adversus Martini Clerique Romani damnationem ab illius Exarchis Theodoro & Olympio summa contumacia defensatus, Gabriel Vasquez, doctus aliqui Theologus, disput. 73. cap. 1. ait fuisse quemdam Paulli discipulum, quem nonnulli confundunt cum *Cypo*, recte ac lepide a Petro Constantio viro erudito in Vindic. Vet. Codd. cap. 16. hac ratione reprehensus, quod possit eodem jure censerī *Eitbesi* Heraclii quædam Sergii discipula, atque scelerosi *Typi* cognata. His auspiciis Monothelismus diversas fortunas subiit usque ad generalem Synodum sextam celebratam anno 680., in qua damnati iterum fuerunt Theodorus Pharanitanus, Cyrus Alexandrinus, Sergius, Pyrrhus, & Paullus Constantinopolitani, atque, plurium sententia, etiam Honorius Primus: perculsi quoque anathemate Macarius, Stephanus, & Polychronius adhuc viventes. Delata Concilii Acta, Agathonc jam defuncto, ad Leonem II., is illa confirmavit, atque, ut fertur, dixit Anathema Honorio.

Brevi hac Monothelismi notitia præmissa, quærimus an in Christo admittenda sit una tantum voluntas, an duplex; & si duplex admitti debeat, an duæ in Christo voluntates appellari debeant una voluntas *personalis*, ut contendebat Macarius. Præterea inquiremus an sit in Christo una tantum operatio, quam Monothelitæ appellabant *Theandricam*, idest, *Deo-virilem*, opinantes solam divinam naturam utpote superiorem agere, humanamque cum suis potentiis esse illius *organum*, atque instrumentum, & pati quidem ac moveri, sed omnem operationem esse divinitatis. De Honorio item, ejusque damnatione dicendum est capite, ne istud sit nimis prolixum, proximiori.

PROPOSITIO I. Duæ sunt in Christo Domino voluntates.

De.

De voluntate divina aſſentiuntur Monotheliſtæ: & quidem ait ipſe Dominus Lucæ x111. 34. *Jeruſalem, Jeruſalem, quæ occidis Prophetas, & lapidas eos, qui mittuntur ad te, quoties volui congregare filios tuos, quemadmodum avis nidum ſuum ſub penniſ, & noluiſſi.* Perſpicuum eſt enim, ut ait in diſputatione cum Pyrrho S. Maximus, quod non quatenus homo hoc dixit, ſiquidem recenter fuerat factus homo, ſed quatenus Deus, qui varios modos providentiæ ſuæ circa homines demonſtravit, quibus voluit illos ab erroribus abducere, ſibiſque aggregare. Rurſus Joan. v. 21. ait, *Sicut Pater ſuſcitât mortuos, & vivificat; ſic Filius quos vult vivificat.* Quo in loco ſicut adverbium eſt comparationis inter duas perſonas eandem ſubſtantiam ac voluntatem habentes, quoniam ſolius Dei eſt quibus vult vitam præbere.

Probatur itaque de voluntate humana primo argumentis, quæ ex ſacris literis collegit Agatho Papa in Epiftola ad Conſtantinum, Heraclium, & Tiberium relata in Act. 111. Synodi ſextæ. Chriſtus ut homo Matth. xxv1. 39. ita Patrem precatus eſt, *Pater, ſi poſſibile eſt, tranſeat a me calix iſte, veruntamen non ſicut ego volo, ſed ſicut tu, ſive,* ut legitur apud Lucam xx11. 42. *Non mea voluntas, ſed tua, fiat.* Cujus teſtimonii ſententiam S. Ambroſius in 11. libro ad Gratianum, & Comment. in Lucam ita declarat, ut Chriſtus ſuſceperit voluntatem noſtram, quemadmodum ut homo ſuſcepit triſtitiam, atque in ipſo fuerit voluntas hominis temporalis, & voluntas diviniſatis æterna. Et S. P. Auguſtinus libro 11. adv. Maximinum Arianum cap. 20. *Ubi autem dixit filius Dei, Verum non quod ego volo, ſed ſicut tu vis, quid te adjuvat quod tua verba ſubjungis, & dicis: Oſtendit vere voluntatem ſuam ſubjectam ſuo Genitori? Quæſi nos negemus hominis voluntatem voluntati Dei debere eſſe ſubjectam; & infra, In eo quod ait, Non quod ego volo, aliud ſe oſtendit voluiſſe, quam Pater, quod niſi humano corde non poſeſt. Nunquam enim poſſet immutabilis illa natura quidquam aliud velle, quam Pater.* Similiter Athanaſius contra Apollinarem: *Duas voluntates hic oſtendit, humanam quidem, quæ eſt carnis, alteram vero divinam. Humana enim propter carnis imbecillitatem recuſat paſſionem; divina autem ejus voluntas eſt prompta.* De hac Athanaſii ſententia, recte ibidem Agatho: *Qua declaratione quid poſeſt cognosci veritas?* Videantur ibidem in collectione Harduini Tom. 3. alia Patrum teſtimonia ab Agathone producta, Gregorii Nyſſeni libro 11. contra Eunomium, Joannis Chryſoſtomi, Cyrilli Alexandrini, Hilarii, & aliorum. Urget etiam Pontifex Chriſti verba Joan. v1. 38. *Deſcendi de Cælo, non ut faciam voluntatem meam, ſed voluntatem ejus qui miſit me;* & verba a Davide de Chriſto prolata Pf. xxxix. 8. *Scriptum eſt de me, ut faciam voluntatem tuam; Deus meus volui.* In quem locum aſſert ſententiam Leonis ſcribentis ad Leonem Impe-

ratorem, *Secundum formam servi non venit facere voluntatem suam, sed voluntatem ejus, qui misit eum*. Atque hæc omnia istam nobis argumentationem suppeditant: Voluntas a Verbo suscepta, temporalis, subiecta Deo, illique obtemperans est voluntas creata, & humana. In Christo fuit voluntas assumpta, & quæ Deo subiecta fuit atque obtemperavit. Fuit itaque humana, & creata voluntas in Christo.

S. Maximus aliud promit ex Scripturis argumentum in Disputatione cum Pyrrho latine reddita a Turriano viro S. J. clarissimo. Infert autem S. Martyr duplicem in Christo voluntatem ex quo plura in Evangelio facta Christi narrentur humanæ voluntatis signum certissimum. Primum ex porrecto ei in Golgotha vino cum felle mixto, Matth. xxv 11. 34. quod *cum gustasset, noluit bibere*. Sicut autem sitire non potuit, nisi per humanitatem, ita hac sola noluit paratum vinum degustare. De ipso pariter in Evangeliiis scriptum est, quod nolebat *in Judæam ambulare, quia querebant eum Judæi interficere*, quod *ingressus domum neminem voluit scire, & non potuit latere*, quod veniens ad discipulos ambulans supra mare volebat praterire eos, quod discipuli eidem dixerint, *Ubi vis, ut eantes paremus tibi comedere Pascha?* ac similia. Sicut enim, inquit Maximus, ambulatio proprietas est carnis, nec divinitas impotens est, neque terminis corporeis intercepta, & comedere Pascha est eorum qui sunt sub lege; ita voluntas ambulandi, sese abscondendi, implendique legem, est voluntas Christi, quatenus erat homo. Atque hæc fusiori stilo a Maximo explicata brevi syllogismo ita positionem nostram confirmant: Voluntas exercendi opera, quæ nequeunt convenire divinitati, est voluntas tantum humana. In Christo fuit voluntas exercendi opera, quæ non congruunt divinitati. Ergo fuit in Christo voluntas humana.

Tam Maximus quam Agatho revincunt Monothelitas, etiam ex Christi morte, atque obedientia, de qua Apostolus ad Philipp. 11. 8. *Factus obediens usque ad mortem, mortem autem crucis*. Et Maximus quidem ita ratiocinatur: Aut volens obedivit, aut non volens. Si non volens, tyrannus, non obedientia dicitur: si volens, fuit itaque in illo voluntas hominis, quatenus enim Deus nec obediens fuit, neque inobediens. Agatho autem, *Quis a lumine veritatis* (inquit) *se adeo separavit, ut audeat dicere Dominum nostrum Jesum Christum voluntate suæ divinitatis Patri obedisse, cui est æqualis in omnibus, & vult ipse quoque in omnibus quod Pater?* Hinc petitur argumentatio a prima parum abfimilis: quippe voluntas obediens voluntas humana est. Fuit in Christo voluntas obediens. Itaque fuit in Christo voluntas humana.

His accedunt Theologicæ argumentationes. Ac prima sit: Humana natura est prædita facultate intelligendi ac volendi. Ex quo Christus assumpserit humanam naturam perfectam, habuit humanam
fa-

facultatem intelligendi. Igitur habuit etiam humanam facultatem vovendi. De hoc argumento plura Sophronius in Synodo Lateranenſi Sacret. 2. pag. Ven. Edit. 111. Tom. VII. Agatho citata Epiſtola idem urget argumentum una cum definitione Synodi Chalcedonenſis Jeſum Chriſtum. *perfectum eſſe in divinitate, & perfectum in humanitate*; quandoquidem perfecta natura non eſt, cui deeſt naturalis proprietas. Proxima eſt ratio petita ex damnatione hæreſis Eutychianæ, de qua infra; nam ſi propter unionem quæ facta eſt in hypotaſi non ſalvaretur differentia duplicis voluntatis, ut autumabant Monotheliæ, nec ſalvari poteſt differentia duarum naturarum; quam ob eandem rationem, ideſt, ob unionem factam in hypotaſi denegabant Eutychiani. Stat in Chriſto differentia naturarum juxta confeſſionem Pyrrhi principio diſputationis cum Maximo. Stare igitur debet differentia quoque voluntatum. Vide Tom. VI. Concil. Venetæ Collect. pag. 1176. Accedit argumentum tertium initio ab eodem Maximo propoſitum: Impium & abſurdum eſt, eandem perſonam, & eadem voluntate, ante Incarnationem omnia ex nihilo feciſſe, continere, & procurare, ac ſalubriter dirigere: & poſt Incarnationem cibum appetere, loca locis mutare, & omnia alia facere, quæ nonniſi temporalia, ac mutabilia eſſe poſſunt. Eſt igitur impium, atque abſurdum in Chriſto unam tantum voluntatem profiteri.

PROPOSITIO II. *Naturales* appellari debent duæ, quæ in Chriſto ſunt, voluntates.

Hanc theſim neceſſariam arbitror ad evitandam omnem Monothelitarum fallaciam. Nam quidam cum Macario unam in Chriſto voluntatem *perſonalem* dicebant, quidam cum Pyrrho unam *gnome*, aut ſententia, quidam alii unam *habitudine* ac modo, quæ omnia, eundem errorem olent. At non eſt in Chriſto una voluntas, ſive *perſonalis* dicatur, ſive una *gnome*, ſive *habitudine*; ſed voluntates duæ *naturales*; quod ſic demonſtro. I. S. Pater Auguſtinus adverſus Julianum laudatus in ſua Epiſtola ab Agathone hac præmiſſa laude, *Sapientiſſimus præco veritatis*, quid ſit voluntas definit his verbis: *Motus anime quid eſt, niſi motus natura? Anima enim abſque dubio eſt natura. Quamobrem voluntas eſt motus natura, quoniam eſt motus anima.* Et rurius: *Ex illo eſt voluntas; cujus eſt voluntas.* Ab angelo ſcilicet voluntas angeli: ab homine hominis. *Eur ergo negas clauſis oculis res manifeſtas, ex natura hominis enaſci hominis voluntatem?* Hinc talis argumentatio depromitur: Naturalis dicendus eſt motus ex anima & natura indita ſibi facultate proficiſcens. Voluntas humana Chriſti eſt motus ex anima, atque ex natura hominis proprietate ac virtute ſua proficiſcens. Igitur voluntas humana Chriſti appellari debet voluntas hominis naturalis. II. In Chriſto Jeſu duas naturas cum Catholicis Monotheliæ profitebantur, divinam, & humanam.

nam. Divinitas autem non habet, quod ad naturæ rationem attinet, voluntatem humanam, neque humanitas habet naturaliter voluntatem divinam. Est ergo voluntas humana naturaliter diversa a voluntate divina. III. Homo natura sua est rationis particeps, atque liberæ potestatis. Libera potestas voluntas est. Igitur homo est naturâ suâ præditus voluntate; ideoque Christus Dominus cum sit verus homo, habet voluntatem, quæ est naturaliter voluntas hominis.

Oppugnemus nunc Monothelitarum machinamenta. I. Etiamfi Christus sit unus ratione hypostasis seu personæ, cum duas habeat naturas, dici nequit habere unam voluntatem *personalem*. Si enim propter unitatem personæ una dici debeat voluntas, cum in sancta Trinitate tres sint personæ divinæ, dicendum foret tres existere in Deo *personales* voluntates. Hoc autem, inquit Agatho, est maxime alienum ac valde profanum, cum una sit voluntas, ubi est una natura. Nequit ergo dici propter unitatem hypostasis una natura *personalis*. Deinde aliud est dicere quod sit in Christo una persona volens & operans, aliud quod sint duæ voluntates ac duæ operationes: nam unitas operantis ac volentis sumitur ab unitate personæ, quoniam persona vult, ac persona operatur; sed unitas operationis ac voluntatis sumitur ab unitate naturæ, nam a *forma*, ut inquit scholæ, desumitur vis, seu principium *quo* elicivum. Ut ergo propter unitatem Personæ appellatur Christus unus volens; ita propter naturarum differentiam debent dici duæ in Christo *naturales* voluntates. II. Nequit in Christo statui una voluntas *gnose*. Enim vero, aut *gnose* substantia est, aut sententia. Si est substantia ac natura, cum in Christo duæ substantiæ ac naturæ sint, necesse est ut duæ sint juxta *gnomen* voluntates. Si vero *gnose* sententia est, uti aiebat Pyrrhus, & quidem sententia cum consultatione atque electione; *gnose* aut ipsa voluntas erit, aut quod ex voluntate promanat. Ut ergo nequit dici voluntas una voluntate, aut una motu voluntatis, nisi ubi est una natura, ita dici nequit una voluntas *sententialis*. III. Statui non debet in Christo una voluntas secundum modum atque *habitudinem*. Talis quippe *habitus* vel afficit ipsam voluntatem, vel personam, vel naturas, vel tantum respicit objecta. Hoc postremum si dixeris, debes voluntates complures statuere; sed hæc habitudo actus multiplicat, non facultates. In divina autem natura ac hypostasi nulla excogitari potest affectio. Habitudo itaque solam naturam humanam potest afficere. Non ergo debemus in eadem Persona, cui inest natura humana ac divina, asserere unam habitudine voluntatem.

PROPOSITIO III. Non debet in Christo propugnari una duntaxat operatio.

Demonstratur productis hæctenus argumentis. Ut enim unitas voluntatis, ita unitas operationis unius naturæ argumentum est. Ait

Ait enim Basiliius contra Eunomium , *Quorum operatio una est , bonum essentia una est* : & e contra Damascenus libro 111. de Fide cap. 15. *Quorum enim diversa natura est , bonum est diversa actio* . Addo argumentum S. Martini in Synodo Lat. Secretario 111. Si una est operatio illa *Deo-virilis* , quam profitebantur Monothelitæ , aut simplex est , aut composita , aut naturalis , aut *personalis* . Non *simplex* , aliàs & Deus Pater habebit propriam illam operationem , & operabitur & ipse operatione illa *Deo-virili* , idest , divino-humana . Non *composita* , quoniam Filius esset alienæ a Patre substantiæ , & operationis , non habente Patre operationem illam compositam . Non est *naturalis* , alioqui caro erit consubstantialis Deo Verbo , utpote naturaliter habenti eandem operationem . Non denique una *personalis* , quia , persona Verbi non est Patri extranea secundum modum operationis . Non est ergo in Christo operatio divino-humana , quæ sit indivisa , & una tantum . Vide Tom. v11. Concil. Ven. Collectionis pag. 194. Adjiciam alterum argumentum ex Maximo in conflictu cum Pyrrho : Cum naturalia naturis convenire debeant , fieri non potest , ut naturæ creatæ , & quæ cæpit esse , operatio sit non creata , & sine principio , atque infinita , creatrix , & conservatrix : vel naturæ non creatæ & in principio carentis sit operatio creata , & cæpta ac terminata , & quæ ab alia natura dissolvi queat & conservetur . Oportet autem ut illa operatio *Deo-virilis* a Monothelitis asserta vel creata sit , vel increata , siquidem nulla penitus cogitari potest intermedia . Igitur si creata dicatur , non erit operatio naturæ principio carentis & infinitæ : si autem increata , non erit operatio naturæ , quæ cæpit esse : ideoque repugnat , quod statuatur in Christo unica operatio *divina* , *Deo-virilis* :

RESPONDETUR MONOTHELITIS .

Oppones 1. S. Dionysius in Epistola ad Cajum ait : *Deo viro facta , unam quamdam theandricam , seu Dei virilem operationem expressit in vita* . Resp. S. Martinus in Concil. Lat. Secret. 111. testimonium Dionysii falsidicos luculenter ostendere Monothelitas , & mentitam esse iniquitatem sibi ; Iestum enim a Paschasio notario inventum est in Græco haberi , *καὶν τὴν τοῦ Θεοῦ ἐνέργειαν , novam quamdam theandricam operationem* . Commutavit ergo Cyrus *novam in unam* . Respondetur 2. cum Maximo Dionysium demonstrare novam atque mirabilem Christi conversationem secundum unionem inexplicabilem & arcanam . Illa autem vox *novæ operationis theandricæ* quadam per numeratas naturas circuitione earundem operationes demonstrat . Si enim operatio illa nova ac theandrica foret naturaliter una , cum sint eadem opera Patris & Filii , inspecta natura divinitatis

tatis foret in Patre illa eadem operatio theandrica, quod est absurdum atque repugnans.

Opp. 2. Cyrillus Alexandrinus libro iv. in Joannem scribit fuisse in Christo *unam quandam operationem per ambas naturas*. Resp. S. Cyrillum, non dixisse *unam naturalem* operationem divinitatis Christi, & humanitatis ejus, sed *unam operationem divinam*, & paternam; intendebat enim demonstrare unam esse divinitatis sine carne, & cum carne operationem, quæ tam Patri, quam Verbo incarnato essentialiter inest: siquidem Verbum etiam post Incarnationem habet eandem operationem communem cum Patre incorporee operante, etiamsi Verbum etiam tactu carnis ipsa miracula cum Patre corporaliter operetur. Hæc est responsio Maximi, & aperte quadrans verbis Cyrilli dicentis: *Cum principis Synagoga filiam suscitavit, dicens, Filia surge, apprehendis manum ejus, ut scriptum est: eam nempe omnipotenti suo jussu ut Deus, & rursus tactu sanctæ carnis vivificando, unam & congeneam per hæc ambo ostendit operationem.*

Opp. 3. Humanitas Christi erat instrumentum divinitatis, ut inquit idem Cyrillus in dialogo de Incarnat. & S. Athanasius Orat. iv. contra Arianos. Instrumenti autem, & causæ principalis eadem est operatio. Resp. Eandem esse operationem causæ principalis atque instrumenti, quotiescunque istud aut ejusdem naturæ est cum causa principe, aut suapte indole est iners, passivum, atque sine propria energia, juxta impressum sibi motum, actioni applicatum. Diverfam tamen esse utriusque causæ instrumentalis & principalis operationem, quum illud differentiam habet naturæ suæ, neque iners est, ac passivum, sed suamet præditum efficientia. At ajebat Pyrrhus: Nonne quodlibet instrumentum recipit motum ab alia causa? Patitur ergo, non agit. Respondet S. Maximus operationem ac motum humanitatis dici a Patribus passionem propter rationem ipsi inditam a causa omnium effectrice; omnia enim, quæ ex Deo sunt, motum subeunt, utpote quæ non sunt ipsa per se motus, aut ipsa per se potestas; appellari tamen etiam proprietatem, quatenus soli illi naturæ, & non aliis inhæret; energiam ac potestatem, in quantum cum divino motu motum exercet proprium, & etiam qualitatem, in quantum est virtus quædam effectrix. Hæc Scholastici explicant distinguendo in eadem humanitate rationem instrumenti, & rationem naturæ: ratio instrumenti dicitur comparate ad divinitatem, ratio naturæ respectu humanarum operationum: ut instrumentum recipit motum; ut natura exerit motum proprium, atque operatur.

Opp. 4. S. Clemens Alex. in vi. Stromatum scribit: *Voluntas enim erat solius divinitatis*. Resp. loqui Clementem de ipsa Dominica Incarnatione, quam dicit peractam voluntate solius divinitatis, nec fuisse opus motus carnalis, sive ordinis & consecutionis nuptiarum.

Opp.

Opp. 5. Nequeunt in Christo propugnari duæ voluntates , aut duæ operationes *naturales* . Igitur una tantum sive personalis dicatur, sive secundum *habitudinem* , sive *standem* , ac *Deo-virilis* . Prob. ant. I. quoniam quod est naturale , non est liberum , sed necessarium: voluntas autem libera potestas est , & operatio pariter rationalis naturæ libera potestate exercetur . II. Si daretur voluntas naturalis , naturale foret omne peccatum , quum nullum peccatum absque voluntate patretur . III. Dei ac Sanctorum eadem voluntas est , nec tamen est eadem natura : consistit itaque una eademque voluntas cum naturarum differentia . Resp. falsum esse antecedens ; ad cuius priorem ac proximam probationem dicimus naturale esse quicquid naturæ est inditum , proprium & concreatum , & naturale etiam appellari quod non est in natura intelligente invitum , ut inquit Cyrillus in tertio Capite contra Reprehensiones Theodoreti . Priori itaque sensu quod naturale est , appellatur necessarium , idest, antevergens liberam electionem ; & secundo sensu naturale est , quod ex proprietate naturæ cum libera electione procedit ; cuiusmodi est peccatum : quare *homonymiâ* fallere student Monothelitæ . Ad tertium vero respondendum unam esse voluntatem Dei , & Sanctorum ejus comparate ad id quod volunt , non ad ipsam voluntatem substantialem , atque effectricem .

Opp. 6. Christus est una persona . *At operationes* personarum sunt , sive ut fert pervulgatum adagium , *suppositorum* . Una ergo persona unam infert operationem : ideoque aut Monothelismum profiteri debemus , aut hæresim Nestorianam . Resp. falsam esse illationem ; nam ex quo actiones sint *suppositorum* , consequitur unam esse personam operantem , non unam esse operationem personæ . Operatur enim qui subsistit , sed *subsistentia* est modus existendi , non principium elicitive operationis , ut supra exemplo sanctæ Trinitatis demonstratum est .

Opp. ultimo . Si duæ voluntates statuantur in Christo , erunt adinvicem contrariæ ac repugnantes ; per divinam quippe mortem elegerat , quam humana voluntate refugiebat . Resp. majorem consequi ex Monothelismo repugnantiâ ; siquidem inde sequitur eandem voluntatem elegisse simul mortem , eamque horruisse . In Catholicorum autem sententia fuit in Christo voluntas divina mortem præcipiens , voluntas humana divinæ subiecta , & obtemperans , experta tamen affectione sensuum horrorem mortis humanitati connaturali . Neque talis sensuum affectio arguit in duplici voluntate contrarietatem ; quoniam divina non præceperat mortem absque ullo dolore subeundam ; neque pœna ita rationem pervertit , ut humana voluntas obtemperaret invita , sed hæc semper præstulit in infirmitate carnis invictam spiritus fortitudinem : quare ait Marci xiv. 38. *Spiritus quidem promptus est , caro vero infirma* . His lucem afferent quæ diximus sub finem Capitis præcedentis .

29.V.

V

Sed

Sed dices ; Ergone abjicimus operationem *Theandricam* , quam deprædicabant Monothelitæ ? Respondeo *Theandricas* operationes etiam nos appellare , sed non unam atque indivisam . Est utique Christus Deus homo ; & consequenter omnis ejus operatio *divina* , eo sensu quod sive principium operationis esset natura divina , sive humana , omnis operatio erat *Dei-hominis* . Sed quoniam , ut diximus , nulla operatio proprie dicitur *personalis* , sed appellanda est naturalis , illam proprie *Theandricam* operationem vocamus , quæ est ab utraque natura efficienter , ut miracula patrata virtute divinitatis , & tactu carnis . Alias omnes appellabimus operationes . aut divinas , aut humanas , prout naturaliter ab una , vel altera natura prodierunt ; sic ambulare , dormire , manducare , humana operatio est ; dare Spiritum sanctum , & peccata dimittere , operatio divina . At propter unionem hypostaticam utraque natura semper operabatur cum altera conjunctim , & humana semper ad nutum ac regimen divinitatis ; quamquam non esset quælibet operatio . utriusque . naturæ proprietates , vel effectus .

C A P U T XI.

Quæritur an Honorius Primus adhaerit Monothelitæ .

AGREDIMUR quæstionem ob varia Doctorum placita celeberrimam , neque spectantem ad solam Monothelitarum historiam ; verum etiam ad Romani Pontificis auctoritatem vindicandam . Præsertim , quippe exemplo Honorii , cujus damnationem legimus in VI. Synodo , posse Romanum Episcopum in hæresim cadere , & damnari a Generali Concilio , nituntur probare Magdeburgenses , & Novatores alii communiter . Eodem utuntur Assertores Libertatis Cleri Gallicani , ut propugnent Concilium esse supra Papam . Hinc etiam gestiunt Janseniani , ut defendant posse Pontificem errare in definitione *falsi dogmatici* . Oportet autem in hac gravi controversia distinguere quæstionem de Honorii doctrina , an scilicet in Rescriptis ad Sergium Monothelismum probaverit , & quæstionem de lata in ipsum a Synodo VI. sententia excommunicationis , nempe : utrum hæc fuerit jure , atque auctoritate prolata .

Quantum ad priorem quæstionem attinet , habemus innumeros defensores Honorii , Joannem Papam IV. , S. Maximum , Anastasium Bibliothecarium , Bellarminum , Baronium , aliosque accurate laudatos ab Antonio Dezallier in Historia Monothelitarum . Ex Nostratibus permulti hoc argumentum pertractarunt , sed præ ceteris Christianus Lupus in differt. de VI. Synodo , Joannes Laurentius Czepanski

panski in Controv. ſæculi v11. & Bernardus Deſirant in libro, cui titulus, *Honorius vindicatus*. Is erudite demonſtrat aliam fuiſſe Epiſtolam Sergii ſcriptam ad Honorium, aliam vero exhibitam in vi. Synodo; & illam quidem ſenſu Catholicam, eaque arte conſcriptam, ut videretur tantum directâ ad penitus extirpandam hæreſim Neſtorianam atque Euthychianam: ideoque Papa illam probando, etſi male ei ceſſit, bono Eccleſiæ provide conſulebat. At Sergii Epiſtola in Concilio perleſta aperte Monotheliſmum tradebat; ac propterea Patres exiſtimantes hanc ab Honorio probari, latente fraude decepti anathema in ipſum Pontificem intorſerunt. Demonſtrat id Deſirantius exacta Epiſtolarum omnium, Actuumque Synodaliū collatione; & notas viri docti inferuerunt Tomo iv. Anaſtaſii Bibliothecarii Romanæ Editionis Curatores. Verum ſi nimiam erga Sergium convenientiam, neque omnino opportunam œconomiam velis in Honorio reprehendere, aut ſententiam aliquam non recte expreſſam, quæ tamen fidem non maculaverit, parum id arbitror præjudicii afferre Apoſtolicæ Sedis auctoritati.

Circa ſententiam in Honorium prolatam variæ ſunt Scriptorum opiniones. Nam Pighius cenſet exemplaria ſextæ Synodi fuiſſe a falſariis corrupta. Anaſtaſius Bibliothecarius in Epiſtola ad Joannem Diaconum ait Synodum recipiendam eſſe uſque ad prolationem tantummodo canonum. Canus, Combeſiſius, Petitidier inquirunt diſtinguendum eſſe in Pontifice quod ſpectat ad privatam hominis excellentiam, & quod pertinet ad Pontificis dignitatem, ſive id quod ſcribit, ut privatus Doctör, & quod proſert ad confirmandam fidem ex Cathedra: prioris generis eſſe Epiſtolam Honorii ad Sergium, errori proinde obnoxiam, & iudicio Eccleſiæ ſubjiciendam. Intruſum in Acta vi. Synodi Honorii nomen putant Baronius, Binius, Bellarminus, Fraſſen, & alii. Erraſſe præſatam Synodum errore facti, quod ex mala ac ſiniſtra informatione in Pontificem telum contorſerit, ſcribit lib. 2. de Eccleſia Turrecremata, atque poſſe hoc pacto generale Concilium errare ipſe Bellarminus non diſſitetur. Damnatum Honorium œconomia quadam ad retundendam Monothelitarum audaciam, eo quod ob Honorii erga Sergium comitatem Monotheliſmus præaltas radices fixerat, innuunt præceteris noſter Lupus diſſert. de Syn. vi. cap. 4. Antonius & Franciſcus Pagi ſæc. vii. Dezallier in vii. Scrutinio. Præcipua horum Doctörum momenta producam infra in ſolutione obſectorum.

PROPOSITIO I. Honorius Primus in ſuis ad Sergium Epiſtolis nulla ratione Monothelitis adhæſit.

Demonſtratur 1. ex Epiſtola Joannis Papæ ad Conſtantinum edita a Sirmondo, ubi Pontifex pro Honorio exornans Apologiam ait: *Secundum hunc igitur modum jam dictus deceſſor noſter prænominato Sergio*

gio Patriarchæ scripſiſſe dignoſcitur, quia in Salvatore noſtro duæ voluntates contrariæ, ideſt, in membris ipſus penitus non conſiſtunt, quoniam nihil vitii traxit ex prævaricatione primi hominis. In nobis enim, non in eo cooptatur quod ſcriptum eſt, Scio quia non habitat in me, ideſt, in carne mea bonum. Et infra. Hinc ergo hæ duæ contrariæ voluntates mentis, & carnis, quas Apoſtolus docet, in noſtro nequaquam Salvatore fuerunt, eo quod hic lactaminis ſtimulus ex prævaricatione protoplaſti ſumpſit initium, quoniam a Redemptore noſtro natura ſuſcepta eſt, non criminis culpa. Maximus pariter in Epistoſa ad Marinum inquit: Honorium etiam Romanum Papam non diſſiteri reor in Chriſto voluntatum dualitatem in Epistoſa quam ſcripſit ad Sergium, eo quod unam dixerit voluntatem; ſed potius conſiteri, & hanc fortaiſis etiam conſtabiliſſe. Nam hoc non in reprobationem dixit humane Salvatoris, & naturalis voluntatis: ſed quod nullatenus conceptionem ejus, quæ fuit ſine ſemine, vel incorruptam nativitatem præceſſerit voluntas carnis vel cogitatio vitioſa. Et ruruſus: Per id vero, quod ait non eſſe voluntatis ejus diverſitatem, contrarium vel repugnans quid non enim habere perhibet, ſed conveniens, & prorsus unitum ex toto. Unde cum noſtram quidem naturam de divinitatis voluntate dicit aſſumptam, unius mentionem facit. Illud autem quod introducit, Non vero facere voluntatem meam, in medium verbo præponit omiſſo numero. Non ſunt, inquit, hæ diverſe voluntatis, ideſt, contrariæ atque adverſatrici. Ex quo duas ſecundum naturam exiſtere in Salvatore voluntates manifeſte colligitur. Si enim contrariam non habuit, naturalem habuit tanquam homo. Idem Maximus in diſputatione cum Pyrrho Epistoſam Honorii objiciente, inquit: *Quis fuerit fide, & auctoritate dignus Epistoſa hujus interpres, qui eam ex perſona Honorii ſcripſit, adhuc ſuperſtes, & qui totum Occidentem cum aliis virtutibus, tum dogmatibus fidei Chriſtiane illuſtravit, an ii, qui Conſtantinopoli, quæ ex corde erant loquebantur?* Et ſatente Pyrrho majore fide eſſe dignum, qui Epistoſam Honorii compoſuit, nempe Joannes, ſubdit Maximus: *Is igitur ipſe, quem ad Divum Conſtantinum Imperatorem ex perſona S. Papæ Joannis de hac Epistoſa ſcriberet, dixit, unam voluntatem dicimus in Domino, non divinitatis ejus, & humanitatis, ſed humanitatis ſolius.* Cum enim Sergius ſcripſiſſet, quod quidam duas voluntates in Chriſto contrarias dicerent, diximus Chriſtum non duas voluntates contrarias habuiſſe, carnis, inquam, & ſpiritus, ſicut nos habemus poſt peccatum, ſed unam tantum, quæ humanitatem ejus ſignificabat.

Hinc pro deſenſione Honorii validiſſimum argumentum depro-mo. Dum ait Honorius admittendas non eſſe in Chriſto duas voluntates, ex teſtimonio Secretarii ejus, qui conſcripſit Reſponſa ad Sergium, & literis mandavit ſenſum doctrinamque Pontificis, cui pro-culdu-

culdubio major adhibenda eſt fides , quam Græcis Conſtanti-
nopolim commorantibus , & maxime Monotheliſmo infectis , quales fuerunt
qui Patribus vi. Synodi exhibuerunt Honorii Epistolae in græcum a
ſe ipſis converſas , docuit tantummodo non fuiſſe in Chriſto volun-
tatem repugnantem rationi , ſive luſtam concupiſcentiæ ex peccato
originalis promanantis , ſed naturalem voluntatem , quæ naturæ hu-
manæ proprietas eſt minimè denegavit , ſed potius conſtabilivit . Qui
autem in Chriſto negat ſolum voluntatem repugnantem rationi , quæ
eſt lex membrorum derivata ex propagatione peccati , propugnatque
naturalem voluntatem ex humana natura prodeuntem , nihil habet
cum errore Monothelitarum affinitatis . Igitur Honorius nequaquam
ipſis Monothelitis adhæſit .

Huic argumento tam invictis testimoniis firmato , ut Pyrrhus
recitatis a Maximo verbis Joannis penitus obmutuerit , addamus al-
terum ex Honorii Epistolae depromendum . In priore Epistola ad Ser-
gium relata Act. xii. Synodi vi. inquit Pontifex , *Unde & unam vo-
luntatem ſatemur Domini noſtri Jeſu Chriſti , quia poſt ſeſſo divinitate
aſſumpta eſt noſtra natura , non culpa ; illa poſt ſeſſo , quæ ante peccatum
creata eſt , non quæ poſt prævaricationem vitata .* Ait deinde abſtinen-
dum eſſe a vocabulo unius , aut geminæ operationis hanc rationem
proferens , *Ne parvuli aut duarum operationum vocabulo offenſi ſe-
ſtantes Neſtorianos nos veſana ſapere arbitrentur ; aut certe ſi rurſus
unam operationem Domini noſtri Jeſu Chriſti ſatendam eſſe cenſueri-
mus , ſiſtiam Eutycheiſtarum attonitis auribus dementia ſateri pu-
temur .* In fine Epistolæ hortatur , *Ut unius vel geminæ novæ vocis in-
ductum operationis vocabulum auſugientes unum nobiſcum Dominum
Jeſum Chriſtum filium Dei vivi Deum veriſſimum in duabus naturis
operatum divinitus , atque humanitus fide orthodoxa , & unitate ca-
tholica prædicotis .* Ex prioribus verbis apparet veram eſſe inter-
pretationem Joannis iv. & Maximi Martyris , de qua ſupra ; nimirum
Honorium ſtatuiſſe unam voluntatem humanitatis , reiiciens volun-
tatem contrariam ortam ex luſtamine carnis . Ex verbis ſecundo lo-
co recitatis , liquet Papam noluſſe admittere duas operationes in ſen-
ſu Neſtorii , neque unam operationem in ſenſu Eutycheiſis , quod au-
dierit a Sergio horum hæreſes iterum ſuſcitari . Ex poſtremis conſtat
Honorium aſſerere Unum operantem , ſed operantem divinitus , &
humanitus . Itaque ſancta Pontificis intentio fuit omnem adytum
præcludere Neſtorianis , & Eutycheiſis , & contra illos negare duas
operationes *perſonales* , contra iſtos negare unam operationem *natu-
ralem* , ratus propterea reticendum eſſe vocabulum unius , vel ge-
minæ operationis : unius , ne quis inferret unam eſſe in Chriſto na-
turam : geminæ , ne quis putaret duas eſſe in Chriſto perſonas ; exe-
cratus pernicioſas hæreſes jam pervulgas , & ignorans . novam , ac
tunc

tunc primo serpentem. Eadem Pontificis intentio apparet ex altera Epistola relata Aët. xli. Synodi vi. ubi ait, *Auferentes scandalum novella adinventiois, non nos oportet unam, vel duas operationes definiētes prædicare; sed pro una, quam quidam dicunt operatione, oportet nos unum operatorem Christum Dominum in utrisque naturis veridice confiteri: & pro duabus operationibus ablato geminæ operationis vocabulo, ipsas potius duas naturas, idest, divinitatis, & carnis assumptæ in una Persona unigeniti Dei patris, inconfuse, indivise, atque inconvertibiliter nobiscum prædicare propria operantes.* In his patet Honorium, quamquam iterum prohibet vocabulum unius aut geminæ operationis, aperte tradere Verbum in duabus naturis operari, atque duas ipsas naturas esse in una persona, quæ propria utriusque sunt operantes.

Fabricatur ex his consequens argumentum. Non debet Monothelitis adnumerari, qui duntaxat in Christo denegat voluntatem carnis cum ratione pugnantem: qui prohibet ne admittantur geminæ operationes in sensu Nestorii, idest, a duabus personis elicite, aut una operatio in sensu Eutychetis, scilicet, ab una natura prodiens, qui denique proficitur unum esse operantem ratione hypostasis, sed operari in duabus naturis, & ipsas duas naturas in unitate personæ operari *sibi propria*, ideoque naturam humanam non esse organum tantum vel instrumentum divinitatis, neque moveri ac pati duntaxat, quemadmodum Monothelitæ affirmabant, sed exequi revera operationes humanas. Atqui Honorius hæc omnia apertissime tradidit. Igitur Honorius non debet Monothelitis adnumerari.

Proferam tertium argumentum etiam præcedentibus robustius; quod erudite versat Dezallier. Macharius Monothelita Aët. 2. Synodi vi. affirmavit suam de una operatione sententiam fuisse definitam a Synodo Chalcedonenſi. Tunc Antiochus Notarius Synodi protulit librum Chalcedonenſis Concilii, ac perlecta fuit Epistola S. Leonis Papæ ibidem inserta ac probata, & recitatus huiusmodi Leonis textus: *Agis enim utraque forma cum alterius communione, quod proprium habuit. Verbo quidem operante quod Verbi est, carne autem exequente quod carnis est; & horum unum coruscet miraculis, aliud vero succumbit injuriis.* Hoc textu recitato exsurgentes Apostolicæ Sedis legati exclamarunt: *Ecce, benignissime Domine, manifeste duas naturales operationes, inconfuse, & indivise in Domino nostro Jesu Christo præsens sanctissimus prædicat Pater.* Atque his annuit Synodus universa. Honorius Papa in 2. Epistola paullo ante verba superius citata ait: *Quantum ad dogma Ecclesiasticum pertinet, utrasque naturas in uno Christo unitate naturali copulatas cum alterius communione operantes, atque operatrices confiteri debemus, & divinam quidem, quæ Dei sunt operantem, & humanam, quæ carnis sunt exequentem,*

non

non diſiſe , neque conſuſe , aut inconvertibiliter Dei naturam in homine , & nec humanam in Deum converſam edocentes . Conferas Honorii , ac Leonis verba , & nihil in uno adinvenies , quod non ſit eadem prorsus ratione expreſſum in altero . Omnino conſimilia ſunt verba Agathonis in Epistoſa adverſus Monothelitas .

Argumentum , quod hinc eruitur eſt huiusmodi . S. Leo Papa accenſendus non eſt Monothelitis , & manifeſte duas in Chriſto operationes aſſeruit ; quoniam ait utramque formam agere in Chriſto quod proprium habet , cum alterius tamen communione , inconfuſe , & indiviſe , quia una natura eſt alteri hypſtaticè conjuncta . Atqui hoc idem ſcribit Honorius ; igitur Monothelitis nec Honorius connumerandus eſt , duasque in Chriſto naturales operationes manifeſte propugnat ; conveniunt enim verba verbis , & ſententiæ ſententiis . Neque dicas , quomodo propugnat quod prohibet conſiteri ? Nam dixi prohibere vocabulum geminæ operationis in ſenſu Neſtorii , inquantum videbatur parvulis atque imperitis per illud duas in Chriſto ſtatui perſonas . Neque repugnat idem vocabulum juxta diverſum ſenſum rejici , ac probari . *Homoouſion* quippe minime recipit Synodus Antiochena damnans Samofatenſes , & conſecravit Nicæna contra Arianos : *Unum e Trinitate paſſum* in ſenſu Eutyſchianorum noluit aſſerere Hormiſdas , quod in ſenſu Catholico definierunt Joannes II. Vigilius ; & v. Synodus *Deiparæ* nomen contra Eutyſchetem fatius duxit reticendum , etiamſi contra Neſtorium jure merito fuerat receptum . Itaque geminam operationem noluit Honorius pronuntiare adverſus Neſtorianos , quam minime reprobaſſet in ſenſu Catholicorum .

RESPONDETUR ADVERSARIIS.

Opp. 1. Honorius unam in Chriſto voluntatem propugnavit ; inquit enim , *Unam voluntatem ſatemur Domini noſtri Jeſu Chriſti* . Reſpond. Honorium appellare unam voluntatem Chriſti per exclusionem duplicis voluntatis humanæ , quarum una ſit voluntas ſpiritus , altera carnis , & repugnans rationi ; non per exclusionem duplicis voluntatis divinæ , & humanæ . Liqueſt hæc reſponſio ex productis Joannis Papæ , & Maximi testimoniis , necnon ex ipſo Epistoſæ Honorii contextu . Poſt illa enim verba , ſtatim ait : *Quia profeſſo divinitate aſſumpta eſt noſtra natura , non culpa , &c.* Quid enim ex iſta cauſali legitime inferitur ? niſi iſtud tantum , non ergo habuit Chriſtus ſtimulum luſtaminis , & quod habitat in carne peccatum , voluntatem ſcilicet abreptam a ſenſibus , atque adverſus ſpiritum incitatum . Hac itaque vera , firmiſſimaque reſponſione prior illa argumentatio reſellitur . Præterea probabilitate non caret , quod in Epistoſa

stola Honorii *novam* scriptum fuerit, non *unam*; ac falsarios Monothelitas Epistolam corrupisse. Nam adulterasse consimilia Dionysii verba diximus capite precedenti, & videtur Honorius eadem Dionysii sensu usurpasse. Neque sola ducimur, quæ plerumque fallit, conjectura, sed etiam ratione constanti. Primo namque prohibet Honorius in utraque epistola unius, vel geminæ operationis vocabulum, ideoque unius etiam vel geminæ voluntatis: neque credibile est illum asserere, quod ne alii pronuntient tam stricte mandat. Monothelitæ ergo depravatis verbis Honorii illum tanquam virum inconstantem, qualem habuit Constantinus Pogonatus, temere traduxerunt. Sed accedit firmior ratio. Enimvero cum Roma Constantinopolim profectus esset Anastasius Abbas, ut scribit Maximus in Epistola ad Marinum, contestatus est, *Eum, qui hanc Epistolam per jussuam Honorii latinis distulerat dictionibus, Dominum videlicet Abbatem Joannem sanctissimum Symponum, affirmasse, quod nullo modo mentionem in ea per numerum feceris unius omnimodis voluntatis, licet nunc hoc sit fictum ab iis, qui hanc in gratiam vocem interpretati sunt.*

Opp. 2. Monothelitæ affirmabant unum Dominum Jesum Christum omnia fuisse operatum media humanitate. Atque hoc idem scripsit Honorius iis verbis, *Constitentes Dominum Jesum Christum Mediatorem Dei & hominum operatum divina media humanitate Verbo Dei naturaliter unita.* Respondeo omnes Catholicos profiteri quod Verbum incarnatum operabatur etiam divina conjunctum, & media humanitate, ob communionem utriusque naturæ & hypostaticam unionem. Hæresis Monothelitarum in hoc sita est, quod vellent omnia Christi opera initium habere a divinitate, tanquam a principio proximo, & naturali, ac humanitatem moveri tantum & pati, neque alio pacto esse in qualibet operatione *cooperariam*, nisi ut organum & instrumentum, non ut naturam exequentem quæ sua sunt. Hanc esse Monothelitarum doctrinam constat ex Pyrrho in disput. cum Maximo, ex Theodoro Pharanitano in Secret. III. Synodi Lateranensis & ex Macario in Act. viii. Synodi Sextæ. Satis de his actum disputatione præcedenti. Porro Honorius non ita de Christi humanitate locutus est: sed ait utraque naturas in uno Christo naturali unitate copulatas esse operantes, & operatrices. Ait divinam naturam operari, quæ Dei sunt. Ait naturam humanam, quæ sunt carnis fuisse exequutam. Ubi ergo inquit unum operatorem Dominum nostrum Jesum Christum fuisse divina operatum media humanitate, non excludit operationem humanitatis, neque huic tribuit tantummodo passionem, uti fecerunt Monothelitæ.

Opp. 3. Honorius dum negat in Christo duas voluntates contrarias nihil ait, quam quod Macarius in Confessione fidei suæ recitata in Act.

Aët. VIII. Synodi VI. Aut ergo Macarius Monothelita non eſt, aut eſt etiam Honorius. Reſp. non deeſſe qui putent Macarium damnatum fuiſſe ob perverſitatem, animumque protervum, quod nunquam voluerit admittere vocabulum geminæ voluntatis, aut operationis, etiamſi in re parum a catholico dogmate recederet. At Honorius, ſi adhuc latentem ſenſum Monothelitarum percepſiſſet, nec Sergius tantum oſtentaſſet zelum præfocandi germina iterum erumpentia hæreſis Neſtorianæ, nequaquam vocabulum illud repudiaſſet, cum duas naturas operantes ſibi propria manifeſte conſiteatur. Verum negandum eſt quod Confeſſio Macarii cum Epistoſa Honorii conveniat: ubi enim ille explodit voluntates contrarias, etiam negat humanam naturam exequi quæ carnis ſunt, tradens fuiſſe duntaxat *mobilem ac motam*, eique *tribuendum eſſe ſolam paſſionem, totam denique conſperſionem noſtram adimpleri una & ſingulari voluntate divina*. Omnia ipſius Macarii verbis ſunt contracte explicata. Miror autem Jueninum Tom. IV. Inſtit. pag. 198. & nonnullos alios aſſerere quod Honorius negans in Chriſto duas voluntates contrarias minime attenderit ad voluntatem quæ in nobis eſt poſt peccatum, quum habeamus irrefragabile teſtimonium Joannis productum ſupra in primo argumento, & contextum ipſius Honorii allatum in argumento ſecundo.

Opp. 4. Iſdem prout verbis ac ſententiis conſtant Epistoſa Honorii, & Epistoſa Sergii ad ipſum Honorium, ad Cyrum, & ad Sophronium. Si ergo Sergius Monothelita eſt; eſt jure eodem Honorius. Reſp. plura quidem ſimul a Catholicis atque ab hæreticis interdum proferri, atque, ne ab hac quæſtione digrediar, tam Monothelitas quam Honorium aſſirmaſſe Verbum *inconvertibiliter, & inconfuſe* fuiſſe operatum, contrariam non habuiſſe voluntatem, divinamque naturam mediâ humanâ quæ Dei erant perfeciſſe, atque ſimilia, his quamplura; ſed Honorius conſtitetur utraſque naturas operantes, atque operatrices, neque ait humanitatem eſſe duntaxat organum motum & mobile, quod Sergius ceterique Monothelitæ tradiderunt. Sergius præterea Dorenſem Episcopum, alioſque Catholicos dire vexando prodidit ſilentii ſui iniquiſſimam cauſam. Addo cum Deſiranio Epistoſam Sergii ad Honorium non continere aperte Monotheliſmum, & longe eſſe diverſam ab illa, quæ in ſexta Synodo fuit producta, atque ab iis, quæ ad Cyrum & Sophronium fuerunt conſcriptæ: immo epistoſam illam etiam ut legitur in actis VI. Synodi in ſe inſpectam, & ab aliis Sergii Epistoſis ſejunctam, ab hæreſi poſſe purgari propugnat diſſert. XXVII. ſuarum Prælectionum eloquentiſſimus Platina.

Opp. 5. In Typo Conſtantis edito a Paulo Monothelita tantummodo prohibebatur, ne una, vel duplex in Chriſto prædicaretur operatio. Cum itaque idem in ſuis Epistoſis Honorius præſtiterit,

To/V.

X

ſunt

sunt illæ simul cum Typo damnandæ. Resp. esse revera complures, qui hoc in Honorio reprehendunt, quod nimium indulgens Sergio, & pacis studio jubens ne veritas prædicaretur, occasionem tribuerit Patribus sextæ Synodi illum damnandi tanquam fautorem hæreticorum. Sed aliter de Typo, atque de Epistolis Honorianis judicandum est. Paululus enim promulgatione Typi contendebat dogma de duplici voluntate adversus totius Ecclesiæ querimonias, & jam proscripta. Eëthesi, sepelire silentio, atque Sergii, & Pyrrhi iustissimam condemnationem mandare posterorum oblivioni. Cum itaque prædicari debeat veritas conculcata, neque honor habendus sit pervicacibus hæreticis, recte fuit Typus a S. Martino proscriptus. At Honorius ea prohibitionem unius, aut geminæ operationis, opponebat sese hæresibus Nestorii, atque Eutychetis, ut constat ex dictis; & ideo, quidquid sit de illius œconomia, neque perviciæ, neque hæreseos notandus est.

Opp. 6. Honorius elevare conatur præcipuum adversus Monothelitas argumentum, quod promittitur ex Verbis Christi, *Non quod ego volo, sed quod tu vis*, dicens non esse hæc diversæ voluntatis, sed dispensationis humanitatis assumptæ; ac propter nos dicta esse, ut non suam unusquisque nostrum, sed potius Domini in omnibus præferat voluntatem. Resp. negare his verbis Honorium diversam voluntatem, quæ repugnat præcepto, atque pugnacem, quam nos experimur, sensuum rebellionem, ut dixi in Resp. ad 1. Ita etiam S. Maximus in Epistola ad Marinum; ubi hoc argumentum retorquet. Verba Sancti Martyris fuerunt a nobis recitata in priori thesis demonstratione.

Opp. 7. Approbat Honorius doctrinam Sergii. Hæc Monothelismum redolet. Igitur approbat Honorius Monothelismum. Resp. Honorium approbasse doctrinam Sergii, in quantum significavit non esse admittendam duplicem operationem in sensu Nestorii, scilicet duas personas operantes, ignorans quod Sergius, cujus nomen alias præclarum erat atque honestissimum, intendebat callide denegare operationem humanitatis: nunquam tamen probasse Honorium doctrinam Sergii, in quantum alibi tradidit humanitatem non agere, sed pati, ac moveri. Diximus præterea in genuina Epistola Sergii ad Honorium aperte non apparere Monothelismum, ut demonstrat Desfrantius.

Opp. ultimo. Sexta Synodus Aët. xii i. anathema in Honorium contempsit, ac doctrinam ejus in Epistola ad Sergium hac nota perstrinxit: *Dogmaticas retractantes Epistolas, quæ tanquam a Sergio quondam Patriarcha hujus a Deo conservandæ regie urbis scriptæ sunt, tam ad Cyrum, quam ad Honorium; similiter autem & Epistolam ab Honorio re scriptam ad eundem Sergium, hasque invenientes omnino alie-*

nas existere ab Apostolicis dogmatibus , & a definitionibus sanctorum Conciliorum , & sanctorum probabiliū Patrum , sequi vero falsas doctrinas hæreticorum , eas omnino abjicimus , & tanquam animæ noxias execramur . Paulo post damnatis aliis Monothelitis prosecutus sancta Synodus: *Cum his simul projici a sancta Dei Catholica Ecclesia , simulque anathematizari prævidimus & Honorium , qui fuerat Papa antiquæ Romæ , eo quod invenimus per scripta , quæ ab eo facta sunt ad Sergium , quia in omnibus ejus mentem sequutus est , & impia dogmata confirmavit .* Ex his liquet a Generali Synodo non solum damnatam fuisse personam Honorii æconomix causa , ut quidam dixerent , sed etiam anathemate petitam illius doctrinam tanquam in omnibus Monothelitis consentientem .

Juxta diversa Doctorum placita , de quibus supra , gravissimo huic argumento varia solent adhiberi responsa . Nonnulli itaque respondent Acta v. Synodi fuisse depravata , & damnationem Honorii additam a Theodoro Monothelita . Quorum momenta sunt . Primum quoniam Agatho Papa in Epistola ad Constantinum , quam eadem Synodus v. Act. 8. & 18. declaravit esse a Spiritu sancto dictatam , aperte affirmat nullum suorum prædecessorum a fide aberrasse . Igitur Synodus v. & Agathonis , & sibi ipsi repugnasset , si Honorium tanquam Monothelitam petiisset anathemate . Imo si attente Agathonis legatur Epistola , videtur etiam laudare Honorii Sergio silentium imponentis æconomiam , tanquam Dominico directam Spiritu . Ait enim : *Apostolicæ memoriæ meæ parvitas Prædecessores Dominicis doctrinis instructi , ex quo novitatem hæreticam in Christi immaculatam Ecclesiam Constantinopolitanæ Ecclesiæ Præsules introducere conabantur , nunquam neglexerunt eos bortari , atque obsecrando commovere , ut a pravi dogmatis hæretico errore SALTEM TACENDO desisterent , ne ex hoc exordium dissidii in unitate Ecclesiæ facerent , unam voluntatem unamque operationem duarum naturarum asserentes in uno Domino nostro Jesu Christo .* Quis autem erumpente Monothelismo id præstitit nisi Honorius , cujus successores Theodorus , Joannes , ac Martinus sederunt jam vulgata Ecthesi , factoque dissidio , intorserunt anathemata , nec probarunt spreti jam silentii salubre remedium , sed adhibuerunt putrescentibus vulneribus necessaria ? Itaque v. Synodus , quæ ore Agathonis credidit loquutum Spiritum veritatis , non potuit tam exacerbato animo ferre in Honorium sententiam . Deinde nisi corrupta dicantur acta Synodalia , fateri oportet , inquit , in Patribus Synodi summam impudentiam , atque injustitiam , utpote qui primam Sedem , quæ a nemine judicatur , præcipiti judicio damnassent . Præterea incredibile est Apostolicæ Sedis Legatos , quibus compertum erat Honorium publico funere in templo S. Petri , atque inter sanctos Pontifices fuisse reconditum , audientes anathema in

Papam vita sanctum, nec verbum protulisse, ut Honorii scripta accuratius expendere, & detecta etiam hæresi inquireretur num, saltem palinodiam ante obitum recantasset. Insuper Græcos, quos sanctarum Synodorum corruptores fuisse conjici potest ex Epistola S. Leonis ad Flavianum, ex Gregorio Magno lib. v. Epist. 14. ad Narf. & ex aliis monumentis quamplurimis, corrupisse etiam Acta vi. Synodi, aut saltem assuisse damnationem Honorii, argumento est, quod ante memoratam Synodum tria Concilia fuerant Romæ celebrata in causa Monothelitarum, unum sub Theodoro, alterum sub Martino, ac tertium sub Agathone, atque in Africa Bizacenum, Carthagenense, & Mauritanæ: neque tamen in his fit aliqua Honorii mentio, tanquam Monothelitis addicti. Tandem quod putant alii superare, fidem corruptos fuisse Codices, quos certum est fuisse transmissos ad Sedes omnes Patriarchales, hoc idem evincit oppositum; quoniam perpauca tantum, non singula exemplaria fuisse vitiata colligitur ex quo Theophanes, & Georgius Monachus tunc temporis omnes res gestas ex Græcis monumentis sedulo exscriptas literis consignarint, nec tamen damnationis Honorii fecerint mentionem aliquam.

Hæc responsio, quamquam probabilis, non videtur viris doctis satisfacere. Nam assertio Agathonis vera est, si dixeris Honorii Epistolas non continere fidei definitionem, aut deceptos Patres Synodi errore facti, aut recipi Acta Synodalia usque ad canonem prolationem, ut mox explicabimus. Altera etiam ratio labascit, si reponas Patres ex Epistolis sibi exhibitis, atque discrepantibus ab ea, quam Sergius scripsit ad Honorium, protulisse iudicium; vel sinistra informatione, fuisse deceptos, vel non hæresim, sed œconomiam Pontificis reprobasse. Tertia de silentio Legatorum flaccescit, ex quo ii tacere potuerint aut *conniventia* causa, aut ne memoria Honorii acerbioribus impeteretur calumniis, aut ne absolutionis Honorii prætextu Monothelitæ Sergium subtraherent ab anathemate. Excommunicare autem vita sanctum Episcopum fuit Ecclesiæ praxis, ut constat ex Theodoro Mopsuesteno, Nepotiano, nec non ex ipso Sergio post mortem anathematizato a Martino. Reliquæ autem conjecturæ sunt prædictis debiliores, quoniam revera incredibile est Græcos exemplaria singula adulterasse: & si perpauca corruerunt, fuisset ex legitimis refutata ipsorum audacia. Theophanes vero, & Georgius in compendio narrant historias, nec omnia prosequuntur acta Conciliorum.

Ex alia parte damnationis Honorii meminit Leo II. in Epistola ad Constantinum, quam licet spuriam ex nota indictionis opinentur Baronius ac Binius, recipiunt tamen cum Pagio ad annum 683. viri docti. Meminerunt etiam PP. septimæ Synodi Act. 111. ubi reci-

tata

tata est Synodica Tharassii, & Confessio Fidei Theodori Ierosolymitani; & Aët. 6. in disputatione Epiphanii diaconi: Hadrianus quoque Aët. 5. Synodi v111. Anastasius Bibliothecarius in Epistola ad Joannem Diaconum, Psellus in Carmine de septem Synodis, Beda in libro de sex mundi Aetatibus, Nicephorus Patriarcha in Epistola ad Leonem III., Humbertus Cardinalis in libro contra Nicetam, alique laudati partim a Cano libro v1. de locis Th. cap. 8. partim in Historia Monothelitarum Combefisii, & Dezallier. Tantis nihilominus testibus possent Baronius, Possevinus, alique præcedentis sententiæ propugnatores reponere ex semel corruptis Aëtibus v1. Synodi falsum de Anathemate Honoriano rumorem ad Leonem ac posteros derivasse. Hanc itaque priorem responfionem lectori committimus iudicandam.

Melioris notæ existimamus unam ex sequentibus responfionibus. Prima est Anastasii in Epistola nuper laudata hæc scribentis: *Ne videamur tam sanctam, tamque reverendam Synodum accusare, vel temere reprehendere, licere nobis opinamur de illa sentire, quæ Sanctos Patres nostros de Chalcedonensi magna Synodo sensisse non ignoramus. Quorum unus, sanctus videlicet Papa Gregorius usque ad prolationem tantummodo Canonum hanc suscipiendam fore signavit.* Alia deinde Anastasius profert exempla, quæ eo loci poterit unusquisque perlegere. Responfio altera est, quam tradit Turrecremata, Concilium deceptum errore facti, quod de Honorii Epistola iudicium protulerit juxta exemplar in græcam linguam a Monothelitis translatum, atque eo permotum, quod Papa Sergii doctrinam commendaverit, eique similia conscripserit, licet diverso plane sensu, nec impia, tamen male ei cesserit, dispensatione. Ac magis errorem illum finistrumque iudicium reddit excusatione dignum Desirantius demonstrans Epistolarum Sergii diversitatem, illorumque vafritiem, qui in conspectu Synodi venerandæ unam pro alia supposuerunt: quod licet disert. xxv1. refellat Platina, magna sane probabilitate non caret. Enimvero ipsam Honorii Epistolam Monothelitarum fraude viciatam, ut diximus ad 1. object. scribit ad Marinum sanctus Maximus, idque comprobatur testimonio Anastasii, quem ait esse *virum incomparabilem, virtuteque divina ac prudentia venustatum.* Vide Tom. v1. Venet. Collect. Concil. pag. 1517. Deinde si depravationes, quas Desirantius insertas putat, a Sergii abscindantur Epistola, nihil in ea occurret falsitatis, nihil quod oleat hæresim, atque, ut vir doctus pag. 46. & seq. demonstrat, mira erit inter Sergii & Honorii literas coherentia, quadrabitque singulis capitibus Sergianæ Epistolæ pars quælibet Responfionis. Præterea, si verum est corrupta Græcorum dolo textæ Synodi Acta, insertamque Honorii condemnationem, quod idem Platina ni-

titu-

titur demonstrare ratiociniis plurimis, eruditisque notationibus in Synodum præfertim Lateranensem: quid miraculi affert, si credamus Monothelitas & Græcos, & hæreticos literas Constantinopolitani Præfatus depravasse? Ad hæc opinatur Platina omnes se Desirantii Animadversiones contere, affirmans inverisimile esse Patres post probatum authenticum exemplar Epistolæ Honorii ad Sergium, non inlitisse, ut cum autographo conferreatur literæ ejusdem Sergii. At quis non videt argumentationem istam, quam rhetorice exornat, sola lectione Aët. xii. Synodi vi. penitus evanescere? Ibidem quippe Tom. vii. pag. 970. legimus epistolam Honorii ad Sergium collatam fuisse cum latina per Joannem Episcopum Portuensem, epistolam autem Sergii exhibitam a Macario collatam fuisse cum exemplari reperto a Georgio Diacono in Constantinopolitano Chartophylacio. Ita nimirum Patres prudentissime collationem latinarum epistolarum Latinis, græcarum Græcis commiserunt. Verum quis epistolam Sergii e Patriarchio erutam cum ea, quam misit ad Honorium, concordare certa ratione demonstret? quis ignorat potuisse in regestis Chartophylacii recondere vitiatum exemplar aut Paulum, aut Pyrrhum, aut Sergium ipsum Monothelitas? Sane postquam codex e chartaphylacio depromptus repertus est concordare cum Macarii *fasciculo*, de autographia Epistolæ Sergii non fuit ulterius discussum: quod nec opus erat præstare, cum Sergii hæresis ex aliis quoque ipsius scriptis patesceret. Postremo difficile est admodum a nota heresis purgare verba illa Sergii, *Operatur quippe vera Deitas per corpus, quod circa ipsum est, omnium salutem, ut sit carnis quidem passio, Dei autem operatio*; & quidquid Sergius dogmatizat exemplo corporis, quod regitur, & ordinatur ab intellectu, & rationali anima; ut comparatione ista demonstret, *totam humanam conspersionem* fuisse in Christo *motam semper in omnibus, Deique mobilem*; ideoque verba illa Desirantius jure suspicatur inserta. Neque enim me latet respondere Platinam, iis verbis significari impetus omnes in carnem Christi dimanasse ex Verbi nutu & imperio: etiam corpus modo suo agere, etsi regatur ab anima: Sophronium quoque in Epistola Synodica relata aët. xi. Synodi vi. & Joannem Damascenum lib. 111. de Fid. cap. 15. aliosque Patres similia proferre. At videtur Sergius *toti humanæ conspersioni* mobilitatem, & passionem solam tribuere, dum Patres a Platina laudati, licet recte afferant humanam Christi naturam fuisse a Deo Verbo motam tanquam instrumentum divinitatis, illi tamen proprias tribuunt actiones, quas Sergius denegat. Iisdem quippe locis a viro docto productis, inquit Sophronius Christum fuisse veluti promum condum *humanarum actionum & passionum*, & Damascenus ait humanam naturam *valente Verbo, & concedente pati, aut agere*: quæ frustra in Sergio perquires. Verum quo

quo ſenſu Sergius, quo ſenſu Patres dixerint naturam humanam a Deo Verbo moveri, diximus paullo ſupra. Ignoro etiam an corporis exemplum, ut profertur a Sergio, poſſit doctrinam catholicam confirmare. Ut enim mittam opinionem illorum Philoſophorum, qui negant corpora ullo pacto ſe, aut alia movere tanquam principium motus efficiens; Sergius animatæ Chriſti carni ſolam attribuit *paſſionem*, quemadmodum *operationem* duntaxat divinitati. Ceterum vel hæc ſcripſerit, vel non ſcripſerit Sergius, parum intereſt; non enim iſta adinvenies in Honorii ad eundem Sergium epiſtola: de qua Deſirantii ſententiam ita propono, ut illam tamen non credam eſſe invictiſſimam.

Tertia reſponſio eſt, quod accuſantibus compluribus Honorium de hæreſi, & nemine illum excuſante (occulto fortaiſſis Dei judicio permittente, ut ſilentium indiſtum ab Honorio ſilentio puniretur,) excerptiſque utrinque ex epiſtolis Honorii, & Sergii conſimilibus ſententiis, Concilii Patres Honorium telo reprobationis confoderint; non enim iniquum eſt dicere anathema Papæ, ſi ſupponatur hæreticus, quamquam revera in hæreſim non ſit prolapſus. Hinc Hadrianus in Actione v. Synodi Octavæ Generalis inquit: *De Romano Pontifice quemquam judicaſſe non legimus: licet enim Honorio ab Orientalibus poſt mortem anathema ſit dictum, ſciendum tamen eſt quod fuerat ſuper hæreſi accuſatus: propter quam ſolum licitum eſt minoribus Majorum ſuorum motibus reſiſtere.*

Dixi in principio diſputationis recentiorum complures aſſerere revera Honorium I. damnatum a vi. Synodo, at non tanquam hæreticum, ſed tanquam reum nimis facilitatis, & inconſultæ diſſimulationis, eo quod fidem præbens Sergio, & *gemina operationis* prohibens vocabulum, cauſſam, licet ignarus, tribuerit Monothelitis hæreſim ſuam niſu audaciori promovendi. Hanc ſententiam laudatus Platina vellicat xxxvi. diſſertatione, Natalem Alexandrum alloquens oratoriis conſutationibus. At cur Natalem impetit? Cur ſolum tanquam *leviſſimæ deſenſionis* auctorem exagitat? Eadem, quæ Natalis, hæc in parte tradidiſſe Marcam, Garnerium, Tamagninum docet in Notis ad annum 633. illuſtris Pagius. Atque is non ſolum id refert, verum etiam iſdem argumentationibus confirmat, & extra controverſiam poſitum eſſe contendit: ne repetam modo Lupum, L'Hermnierum, alioſque quamplurimos. Nititur hæc ſententia teſtimonio Leonis II. ſcribentis de Honorio ad Hiſpanos Epiſcopos, *Qui ſtammam hæretici dogmatis non, ut decuit Apoſtolicam auctoritatem, incipientem extinxit, ſed negligendo conſovit:* altera epiſtola ejuſdem Leonis ad Conſtantinum Pogonatum, ubi de Honorio legitur, *Apoſtolicam Eccleſiam non Apoſtolicæ traditionis doctrina luſtravit, ſed profana proditione immaculatam maculari permixtiſ:* auctoritate ve-

ruſtiſ.

tutissimi libri, qui inscribitur Diurnum Romanorum Pontif. a Mar-
ca, a Garnerio, & a Pagio laudati, ubi pag. 32. legitur damnatos au-
ctores novi hæretici dogmatis Sergium, Pyrrhum, Paulum, & Petrum
Constantinopolitanos ana cum Honorio, qui pravis eorum assertioni-
bus fomentum impendit: Rescripto denique Imperatorum Honorii &
Theodosii ad Aurelium Episcopum Carthaginensem, in quo habetur,
Una eademque culpa est eorum, qui aut dissimulando convenientiam,
aut non damnando favorem noxium præstiterint: quibus omnibus as-
feritur (quicquid subinferre conetur Platina) Honorium I. non
dogmate & sententia, sed facilitate ac dissimulatione hæresi Mono-
thelitarum impendisse fomentum; & immaculatæ Ecclesiæ injectisse
quodammodo maculas, non perniciofa doctrina, sed *permissione*, ac
silentio. Verissimum tamen puto facilitatem illam Honorii, quæ con-
sequentiis spectatis visa est damnationi subjicienda, fuisse in se ipsa di-
gnissimam excusatione; quoniam Pontifex, ut diximus, prospicie-
bat, ne unius, vel geminæ operationis prætextu Nestoriana, vel
Eutychiana hæresis instauraretur, imo & alia vocabula subrogavit,
quæ operationes duas apertissime commonstrarent. Atque ex his
constat Honorium non adhæsisse Monothelitis, sextamque Syno-
dum, si in illum intorsit anathema, vel recipiendam esse usque ad
prolationem tantummodo canonum, vel errasse errore facti, vel
sententiam dixisse facta hæreseos hypothesi, vel reprobasse in Hono-
rio facilitatem & silentium, non dogma ac doctrinam: quid autem
horum verisimilius sit, judicet prudens Lector.

PROPOSITIO II. Etiam si in Epistolis Honorii contineretur hæresis
Monothelitarum, nihil id roboris haberet ad infringendam Romani
Pontificis auctoritatem.

Sequitur ex dictis. Quis enim evidenter demonstraturus est;
Epistolam ipsam non fuisse a falsariis corruptam? Quis etiam osten-
det Joannem Abbatem non esse auctorem Epistolæ, nec plura, ut
suspicatur Anastasius, proprio Marte addidisse? At sit solus Pontifex
illius doctrinæ auctor, & ipsa quoque doctrina hæresis manifesta.
Sunt magni nominis Theologi, qui cum Cano tenent in iis, quæ
Pontifex docet tanquam privatus Doctor, non habere specialem il-
lam Spiritus sancti assistentiam, quæ nunquam deest ubi credenda
proponit; & loquitur, ut inquit, ex Cathedra. Epistolæ autem
privatim conscriptæ, absque solemnî ritu promulgatæ, hortatoriæ,
atque ad unum Patriarcham directæ, non impulsivæ, non Apostoli-
ca auctoritate suffultæ, non encyclicæ, & palam ad fidelium ædifica-
tionem propositæ, tanquam privati Scriptoris censentur, non tan-
quam Papæ. Talia fuisse Honorii ad Sergium Responfa neminem latet.
Factum itaque Honorii non suffragari iis, qui tribuunt Apostolicæ Sedis
defectibilitatem optime inquit Fulgentius Bellelli in postremo Opere
Mentis

Mentis Auguſtini Parte 11. pag. 488. ante ipſum vero Antonius De-
zallier in Hiſt. Monoth. Scrut. 6. Matt. Petitidier de Auct. & Infallib.
Pontif. cap. 8., alique Doctores quamplurimi.

C A P U T XII.

*De Chriſti Domini perfectionibus, quæ ad voluntatem
ſolent referri.*

QUEMADMODUM proſtigatis hæreſibus circa aſſumptam a Verbo hu-
manam mentem hujus perfectiones cap. 1x. demonſtrare curavi;
ita nunc refutatis Monothelitis, de iis, quæ voluntati tri-
buuntur dicam nonnulla. Sunt autem hæ perfectiones Sanctitas, Im-
peccabilitas, ac Libertas. De ſanctitate, quæ in habituali gratia ſita
eſt, conveniunt omnes Chriſtum ea fuiſſe exornatam, merito Naza-
ræum, ideſt, *Sanctum*, appellatum, ob Spiritum ſanctum inhabi-
tantem, perfectumque juſtitie ornamentum; atque hoc idem præ-
dixerat Angelus ita Mariam alloquens, *Quod naſcetur ex te Sanctum*,
Eccl. Lucæ 11.35. atque anterioribus ſæculis Eſaias x1. 2., & Daniel 1x.
24. Quod a Scholaſticis ſolet in quæſtionem verti eſt, an Chriſti anima
dicenda ſit ſancta ſanctitate eſſentiali, an accidentalī, & utrum per
ſolam ſanctitatem increatam ſancta fuerit, quod idem eſt ſerme.
Quæritur etiam de virtutibus, quæ eximie ſingulariſque ſanctitatis
ſunt comites individue.

In qualibet creatura ſanctitas creata, & accidentalis dici debet;
accidentalī quidem, quod ſit donum extra naturæ ordinem, & etiam
in hac vita poſſit amitti: creata autem, quoniam eſt quidem juſtitia
& ſanctitas, ſi efficienter conſideretur, ipſe Spiritus ſanctus inhabi-
tans, ſed formaliter, ut inquiunt, eſt inhærens qualitas, & reſti-
tudo animi dono ipſius Spiritus inhabitantis collata. At in Chriſto,
qui eſt verus Deus, & item verus homo unitate perſonæ ſubſtantiali,
non poteſt gratia dici accidentalī co titulo, quod amitti poſſet, vel ad
naturalem dignitatem non pertineret; quemadmodum nec creata eo
ſenſu, quod per ſolam hypſtaticam unionem non redderetur huma-
nitas Chriſti ſanctitatis decore cumulatiſſime ornata. Nos tamen ſa-
cili negotio quæſtionem hujusmodi dirimi arbitramur, ſi duo in ſan-
ctitate vel gratia munera diſtinguamus. Præſtat enim gratia, ut dixi-
mus, rectam animæ habitudinem, ſive inhærentem juſtitiam, ac præ-
terea conſtituit hominem Dei filium, tribuitque ei juſ ad hæredita-
tem, atque reddit ejus opera meriti laude Deo pergrata & accepta.
ſpectato itaque priori munere ſanctitatis, Chriſti gratiam creatam eſſe
affirmamus; ſed altero munere inſpecto illam dicimus ſubſtantialem
& increatam.

PROPOSITIO. Sanctitas fuit in Christo tam substantialis & increata, quam creata atque adventitia.

Demonstratur prima pars de sanctitate substantiali atque increata. I. Argumento, quod promitur ex laudatis verbis, *Quod nascetur ex te Sanctum*, ubi causam sanctitatis esse utriusque naturæ substantialem unionem demonstrant verba præcedentia, *Virtus altissimi obumbrabit tibi*, & neutrius generis vocabulum *Sanctum*, uti adnotavimus lib. VII. Cap. IX. II. Ex Patribus, qui ex unitate Personæ inferunt Christo gratiam inesse naturalem, & unionem Spiritus sancti in eo esse humanitatis mirabilem susceptionem, ut loquitur Gregorius Nazianzenus Orat. V. & S. P. Augustinus cap. 40. Enchiridii. III. Ex Theologica ratione; si enim ex quo Verbum humanam naturam assumpsit in unitatem personæ, ut suo loco demonstrabitur, Christus est filius Dei naturalis, oportet ut etiam habeat ratione divinæ personæ jus ad hæreditatem, & gloriam, præciso etiam quolibet dono adventitio, ex quo consequi tantum posset filiatio adoptiva, si persona foret Deo extranea, non filius Dei naturalis.

Probatur secunda pars, quia animæ sanctitas, quatenus illam reddit rectam ac justam in Augustiniana Theologia est caritas habitualis, amor castus, & bona voluntas diffusa in cordibus nostris per Spiritum sanctum inhabitantem. At humanitas Christi non redditur *formaliter* amans & volens per ipsum Verbum sibi intrinsece unitum. Igitur humanitas Christi non est recta, & sancta per solam sanctitatem divinam, atque increatam. Prob. minor. Est quidem divinum Verbum substantialiter sanctum, quemadmodum est intelligens, volens, & operans. Attamen quum humanitas ab illo assumpta habere debeat proprietates ac perfectiones, quæ ipsam in suo genere compleant, nequit Christi humanitas reddi *formaliter* intelligens per intellectum Verbi, aut volens, & operans per solam voluntatem, & operationem divinam; alioqui pereant necesse est omnia argumenta superius contra Appollinaristas, Monothelitasque producta. Atqui etiam sanctitas, & gratia habitualis est intrinseca animæ rationalis perfectio, atque habitudo quædam ipsi inhærens, & cujus capax est præcisa quoque unione hypostatica. Igitur Christi humanitas non redditur *formaliter* sancta & recta per Verbum sibi substantiali unionem conjunctum.

Adversus hanc partem pugnat I. Quod Patres appellant sanctitatem Christi substantialem, atque in hoc discrepantem a sanctitate aliorum, quod in his adventitia sit, & labore ac operibus comparata, in Salvatore autem nostro naturalis, atque ipsam hypostaticam unionem consequens. Ita tradunt Dionysius Alex. in Epist. Synodica contra Paulum Samosatenum, Basilus in PElm. 42. Cyrillus Alexandrinus lib. 2. in Joannem cap. 9. S. P. Augustinus lib. III. contra

Maxi-

Maximum, cap. 15. alique complures laudati a Vaſqueſio diſput. xli. de Incarnat. q. vii., & ab H. Tournely q. xi. art. 3. Pugnat etiam ratio; primum quia intimior eſt humanæ Chriſti voluntati unio hypſtatica, quam ſit habitus, aut modificatio aliqua accidentalis, ideoque ſi poteſt qualitas adventitia reddere Chriſti humanitatem, *formaliſter* ſanctam, poteſt hoſ idem majori titulo præſtari ipſa ſubſtanciali unitione. Deinde ſanctitas adventitia reddit ſubjectum, cui inhæret filium Dei adoptivum; Chriſtus autem etiam ut homo eſt filius Dei naturalis. Non igitur ſanctus eſt dono aliquo ſuperaddito atque adventitio.

Reſpondetur eſſe quidem in Chriſto ſanctitatem ſubſtancialem, ut ſs. PP. affirmant, in quantum ſanctitas humanam naturam elevat in conſortium divinitatis, eique tribuit dignitatem, juſ ad gloriam, & divinæ filiationis characterem eximium ac ſingularem. De quo munere ſanctitatis loqui ſanctos Patres liquet, quoniam illorum ſcopus eſt in Chriſto aut naturam divinam, aut unitatem Perſonæ, aut Incarnationis œconomiam demonſtrare. Naturalem itaque appellant ſanctitatem Chriſti, aut ſpectando perſonæ excellentiam, aut jura humanitatis quæ unionem hypſtaticam conſequuntur, aut communicationem idiomatum; de qua iuſra. At quum repugnet divinitatem ipſam fieri proprietatem, & modificationem humanitatis, neceſſum eſt, ut ad conſtituendam Chriſti voluntatem *formaliſter* ſanctam, etiam habitum adventitium & accidentalium ei tribuamus, qui efficienter ſit ab ipſa divinitate, *formaliſter* autem ſit reſta animæ Chriſti habitudo, & affectio; ut impreſſione ſigilli recipit cera figuram, ſive intrinſece ſibi inhæreant diſpoſitionem. Atque maniſeſta hæc ſunt, ſi cauſam efficientem ab ea, quam *formalem* appellant, accurate diſtinguas. Diluuntur hiſ argumentationes poſtremæ. Prima quidem; quoniam divinitati ſubſtancialiter cum natura humana conjunctæ competit hanc ad ſua jura transferre, ac perficere in genere cauſæ efficientis, ſed repugnat ut illi inhæreat, tanquam modificatio vel qualitas, ſive ſuppleat, ut inquit Scholaſtici, rationem cauſæ formalis. Gratia autem creata nequit in Chriſto filiationem adoptivam producere, quia filiatio non ad naturam humanam proprie ſpectat, ſed ad perſonam; ut ſuo loco explicabitur.

De virtutibus, ac donis Spiritus ſancti non opus eſt diſceptare. Etenim ſuper Chriſti perſonam Spiritus Domini requievit, & gratiæ ac veritatis plenitudine illum ornavit, idque Capiti Eccleſiæ, quod nobis humilitatis, ac ceterarum virtutum præbere debebat exemplum, magnopere congruebat. Sunt tamen virtutes, quæ ratione ſubjecti, cui inhærent, ſitæ ſunt in reſrenanda cupiditate, quamquam in ſe ſpectatæ importent tantum rectum ordinem, & æquitatem, cujuſmodi ſunt temperantia, continentia, atque voluptuoſæ cupi-

cupidinis mortificatio. Has constat fuisse in Christo, spectato tantum ordine æquitatis, in quo sita est natura virtutis, non considerata pugna, quam coercent, pravorum affectuum, quorum expers fuit sanctissima Christi anima. Virtus caritatis in ipso maxime enituit, præsertim dum posuit animam pro peccatoribus. Fides autem, quoniam est rerum non apparentium, non fuit in Christo a primo conceptionis instanti thesauris divinæ sapientiæ, beatæque visionis exornato. Idem dicendum de spe, in quantum fertur in principale sui objectum, idest, participationem summi boni, quo etiam in via beatissima Christi anima fruebatur. Neque his carere virtutibus fuit in Christo perfectionis defectus; quum melius sit possidere, quam sperare; & videre facie ad faciem, quam in speculo, & in ænigmate. Legatur Apostolus in 1. ad Corint. cap. XIII.

DE CHRISTI IMPECCANTIA.

Nullum fuisse in Christo peccatum ex Scripturis, ex Patribus, atque ratione ipsa facile suadetur. Enimvero ita Salvator invidos allocutus est, Joan. VII. 46. *Quis ex vobis arguet me de peccato?* Et Paulus ad Hebræos IV. 15. de ipso inquit: *Tentatus per omnia pro similitudine absque peccato*; & proximo cap. VII. 26. *Talis enim decebat, ut nobis esset Pontifex sanctus, innocens, impollutus, segregatus a peccatoribus*. Petrus etiam Epist. I. cap. II. 21. *Peccatum non fecit, nec inventus est dolus in ore ejus*. Habent consimilia Ecclesiæ Patres, præsertim Augustinus lib. II. de Peccatorum merit. cap. I. 13. & seq. & de Prædest. SS. cap. 15. alique prorsus omnes. Optimam rationem suppeditat citato loco S. Pater, quoniam nisi Christus fuisset Sacerdos incontaminabilis, debuisset pro suis delictis hostias offerre, neque inter ipsum & alios Sacerdotes fuisset illud discrimen, quod in Epistola ad Hebræos tradidit Apostolus Paulus. Præterea indignuisset etiam ipse alio Redemptore, nec exhibuisset Patri satisfactionem pro nobis, quoniam debita esset peccatis suis ignominia, crucisque supplicium. Denique humanitas Christi a divinitate regebatur, imo opera, quæ naturæ humanæ propria sunt, de ipso Verbo Deique Filio enuntiantur, cum recte dicatur Deus passus & crucifixus. At non rexisset Verbum humanitatem, si permisisset ut in scelera prolaberetur, atque esset indecorum & impium, si possit Dei filius, uti mortuus, ita dici impius & sceleratus. Hæc autem postrema ratio non solum probat fuisse Dominum Jesum Christum expertem cujuscunque criminis, sed etiam potentiæ peccandi.

Videtur his repugnare, quod in cruce exclamaverit, *Deus, Deus meus, ut quid dereliquisti me?* in quibus verbis actum desperationis impii quidam hæretici notaverunt: sed quam præfracte, atque imperite, jam dixi cap. IX. Movere pariter nos non debet quod delicta

Et noſtra appellaverit ſua: nam id argumentum eſt caritatis, qua ſuſtulit pœnam iniquitatum noſtrarum; & per metonymiam cauſæ delictum pro ſupplicio commemoratur . Quod vero Apoſtolus 2. ad Corinth. 5. ſcribat Chriſtum pro nobis *peccatum* feciſſe; metonymia pariter eſt in ſacris literis frequentiſſima; ubi *peccatum* appellatur ſacrificium oblatum pro peccati ejusdem expiatione . Ita in Exodo xxix. 14. & xxx. 10., & perſæpe in Levitico quotieſcunque memoratur ſacrificium *pro peccato*, Hebraice dicitur *חַטָּאת* *peccatum*; quod rectiſſime *pro peccato* vertit Latinus: imo retinet alicubi eandem phraſim, ut Oſee iv. 8. *Peccata populi mei comedent*, ideſt, factas pro ſceleribus oblationes, ut liquet ex collatione capitis vii. Levitici verſ. 7. & 8. Si dixeris: Cur repugnat Filium Dei dici peccatorem, & impium, & non repugnat dici pauperem ac mortuum, cum æque divinitati adverſetur peccandi & moriendi poteſtas? Reſpondemus mortem malum eſſe pœnæ, non culpæ; ideoque eadem mors ſubeſt regimini divinæ perſonæ, in quantum malum pœnæ in rectum finem dirigitur: unde potuit etiam Verbum mortalem naturam induere, & in hac ſe in ara crucis offerre, ac mori ad redemptionem perficiendam . At peccatum malum eſt morale, neque in rectum finem eſt dirigibile: & ideo ſubeſſe non poteſt divinitatis providentiæ effectrici; neque decens erat, ut Verbum, aſſumeret humanitatem obnoxiam malo iſtiusmodi, quod definitam Redemptionem magnopere labefaſtaſſet .

His de Chriſti impeccantia explicatis, videndum remanet unde illa tanquam a vera cauſa profluſerit, an a carentia concupiſcentiæ vel ſomitis, an ab unionem hypſtatica, an denique a viſione Dei, quæ voluntatem omnium Beatorum rapit in ſummum Bonum, efficitque delectationem vehementiſſimam & neceſſariam . Et quantum ad peccati ſomitem, non fuit quidem in carne Chriſti mortali, & licet per ſuggeſtionem tentatus fuerit a dæmone, non potuit ſenſum illecebris, noxiæque cupiditate percelli: ſed tanta ſpiritus, membro- rumque concordia nequit, ut in homine primo demonſtravit experientia, ita voluntatem hominis continere, ut non poſſit ſervire peccato, cum ſit naturâ mutabilis & infirma . Oportet ergo ut Chriſti impeccantiam a ſupernaturali virtute repetamus, eaque vel erit viſio intuitiva, vel unio hypſtatica . Atque viſionem divinitatis manifeſtam conferre ſanctæ caritatis firmiſſimam perpetuamque virtutem, extra controverſiam poſitum arbitramur: & in hac parte aſſentimur Scotiſtis . Sed hinc potiſſimum derivare Salvatoris noſtri impeccantiam, adeo ut ſeparatus a viſione divinitatis (ſi tamen id percipi poteſt) foret voluntas humana Chriſti capax peccandi, hoc ſane cum Scholaſticis reliquis pernegamus .

Dicimus ergo beatiffimam Chriſti animam, quæ fruitur ob contemplationem divinitatis impeccantia illa adventitia, nec ad ejus ſubſtan-

stantiam spectante, qualis in omnibus Comprehensoribus invenitur; esse substantialiter quoque impeccabilem, propterea quod conjuncta sit divinitati in unitate personæ. Ita nimirum Concilia, Patres, & ipsa ratio commonstrant. Sexta enim Synodus Oecumenica damnans Monothelitas, qui in Christo humanam voluntatem denegabant ea ratione ducti, quod hac admissa forent in illo voluntates duæ pugnantes invicem, & contrariæ; posteaquam hæresim illam profligavit, cur nequeat in Domino statui oppositarum voluntatum certamen ac lucta, Aët. v. 111. hac ratione declarat: *Quemadmodum, inquit, corpus nostrum regitur, ornatur, atque ordinatur ab intellectuali, & rationali anima: ita in homine Christo tota humana ejus conspersio ab ejusdem Verbi divinitate semper, & in omnibus mota Deo mobilis fuit.* Ex quibus hæc ratiocinatio concluditur. Christus est impeccabilis in quantum nequit habere voluntatem pravam, & rationi reluctantem. Atqui hanc habere non potest ob unionem substantialem, qua tota ejus conspersio regitur a divinitate, quemadmodum corpus ordinatur ab anima. Igitur Christus impeccabilis est propter ipsam unionem substantialem atque hypostaticam.

Eadem est Patrum doctrina. Enimvero Dionys. Alex. in Epistola superius laudata contra Samosatensem, *Nisi Christus, inquit, idem esset Deus Verbum, non poterat esse alienus a potestate peccandi.* Cyrillus Alex. lib. vi. in Joannem: *Prorsus fieri nequit, ut in peccatum incidat, qui ex Deo prodiit Deus verus.* S. Pater Augustinus de Corrept. & Grat. cap. xi. *Neque enim metuendum erat, ne isto infestabili modo in unitatem personæ a Verbo Deo natura humana suscepta, per liberum voluntatis peccaret arbitrium; cum ipsa susceptio talis esset, ut natura hominis a Deo ita suscepta nullam in se motum malæ voluntatis admitteret.* Fulgentius denique lib. 111. ad Trasim. cap. 29. *Propterea etiam Christi humanitas sine peccato permansit, quia eam in unitate personæ divinitas accepit, quæ naturaliter peccare non novit.* Hæc, aliaque plura Sanctorum testimonia assertionem nostram corroborant. Præcisa enim visione beata, Christus substantialiter Deus est, atque humana natura a Verbo Deo in unitatem personæ suscepta vivifica Divinitatis virtute dirigitur. Igitur etiam non attempta contemplatione summi Dei, non poterat motum malæ voluntatis Christus admittere, eique assentiri.

Accedit aperta ratio. Etenim si duæ naturæ in unitatem personæ nexu substantiali copulenter, competit superiori jus regendi inferiorem, alioqui non erit in ea persona rectitudo ordinis, & naturalium facultatum debita harmonia. Hoc autem jure supposito, si pars inferior a recto æquitatis ordine desleat, in superiorem regentem culpa refunditur, sicut imputatur animæ effrenis carnalium membrorum licentia. Ex quo igitur sit inter divinum Verbum humanamque natu-

naturam indiffolubilis unio , competit divinitati jus munuſque humanitatem regendi , non ſolum lege atque inſtitutione , quemadmodum princeps moderatur rempublicam , ſed etiam intimo regimine , ac dominio , quo unaquæque perſona præſt liberis corporis , animique ſui motibus . Poſſet ergo in Verbum Deum refundi peccatum , ſi peccare poſſet humanitas ſibi in unitate perſonæ conjuncta .

Verum tamen eſt , quod humana voluntas ſuam libertatem exercet cognitione & amore ; neque poteſt Verbum eſſe humanæ naturæ formalis cognitio vel amor . Ad componendam ergo Scotiſtarum a ceteris Theologis diſcrepantiam , arbitror plurimum conducere ſi etiam hoc loco , ut ſupra diximus de ſanctitate , diſtinguamus inter genera cauſarum . Itaque ob unionem hypſtaticam debet Verbum Deus humanitatem ſuſceptam continere , ut principium efficiens , dirigensque ſingulos ejus motus . Ut autem hoc jure humanitatem contineat , ejus mentem perſpicua veritatis cognitione colluſtrat , & Spiritus ſancti communione perfundit . Quod ſi fieri poſſet , ut humanitas Chriſti tanto lumine privaretur , non poſſet Verbum permittere , ut ſenſibilibium rerum caligo auditum rationis lumen quomodolibet offuſcaret . Atque ita ſemper Chriſti voluntas debuit intra æquitatis jura amoris reſtitutione contineri , qui amor eſt impeccantiæ ratio , ut appellant , *formalis* . Nunquam ergo excogitari poteſt in Chriſto proxima potentia peccandi attento divinitatis regimine , & reſtitutione amoris , quorum unum eſt impeccabilitatis cauſa efficiens , alterum cauſa *formalis* .

DE CHRISTI LIBERTATE .

Quam perplexa ſit quæſtio de libertate Chriſti , ſuppoſita ipſius impeccantia , deducitur ex variis Doctorem opinionibus . Eſi enim conſentiunt omnes Chriſtum libere ſubiſſe crucis patibulum , quod aperte divina ſcriptura , ipſumque meritum redemptionis comprobant , diſcrepant tamen plurimum ut hanc in morte ſubeunda libertatem , cum impeccantia concilient . Spinofum enim videtur obvium iſtud ac pervulgatum ratrocinium : Si potuit Chriſtus non mori , potuit etiam præceptum patris , qui illum miſit in mundum , ut pro peccatoribus moreretur , peſſundare ac tranſgredi , ideoque peccare ; aut e contra ſi peccare non potuit , neceſſitate , non electione morti ſe tradidit . Mirum quanta viri docti , ut hinc evaderent , excogitarunt . Negarunt alii fuiſſe hoc præceptum moriendi impoſitum Chriſto : quidam hoc præceptum aſſeruerunt , ſed ea conditione latum , ut poſſet Salvator petere , ſi voluiſſet , ejus diſpenſationem : nonnulli præceptum abſolutum & obligans eſſe negarunt : permulti docuerunt propoſitam hoc præcepto mortem , non circumſtantias a Chriſto libere ſeligendas ;

das : affirmarunt quamplurimi fuisse Christum liberum ad moriendum in sensu diviso, non in sensu composito, & mortuum necessitate consequenti, non antecedenti: fuerunt etiam qui in Christo ad merendum negarunt necessariam libertatem indifferentiæ.

In tanta opinionum diversitate quid nobis tenendum sit liquet, si ad memoriam revocentur, quæ de libertate pluribus in locis disputavimus. Percurre, si mente exciderunt, libri iv. caput ultimum libri x. caput 13. libri duodecimi caput 10. & libri xvi. caput 2. His in locis conati sumus demonstrare primo ad libertatis essentiam requiri posse agere, & non agere, quoniam liber non est, qui non est dominus sui actus, qui non habet potestatem motum voluntatis suæ cohibendi, qui non potest optione sua eligere utrumlibet: quare etsi voluntas, ut natura est, sola trahatur voluptate qua in bonum necessario tendit; ut tamen est illa facultas, quam appellamus *liberum arbitrium*, agit indifferenter, & habet suorum operum electionem perfectumque dominium. Diximus præterea voluntatem ferri erga bonum in communi naturali necessitate, eo quod extra bonum, quaecunque tandem illud sit, digredi nullatenus valeat; eademque naturali necessitate adherere summo bono in se inspecto, propterea quod nequeat in illo apprehendere speciem aliquam mali, ideoque non consistat cum manifesta contemplatione divinitatis indifferentia iudicii. Ex quibus animadvertimus libertatem, ut est indifferens potestas, attendendam esse solummodo comparate ad media, quæ ad consecutionem finis eliguntur, & consequenter nihil aliud esse, quam vim, & potestatem electivam mediorum. Ex eodem capite, quod media eligantur ratione finis, certissime inferri diximus, non spectare ad essentiam libertatis posse peccare, quoniam peccare est a recto fine defletere, ideoque non perfectio libertatis est, sed defectus, quemadmodum vitium est ac defectus intellectionis ratiocinia contexere non servata connexionem principiorum.

Sane medium quod a voluntate pro fine consecutionis eligitur potest dupliciter considerari, nimirum in se quatenus indifferens est, & prout aliqua suppositione facta necessario connectitur cum ipso fine. Sufficit autem ad libertatem, quod medium sit indifferens secundum se, licet ex suppositione cum fine connexum sit, nec possit absque noxia mutabilitate non eligi. Atque id in omni agente libero est manifestum. Liber est enim Deus ad creandum, vel non creandum E. G. hominem, quoniam, homo non habet cum ipso Deo necessariam connexionem: at posito decreto, cum Deus immutabilis sit, non potest hominem non creare, quia res futura cum divina prædefinitione connectitur; & nihilominus creatio hominis libera est, propterea quod homo in se inspectus est divini voluntatis objectum indifferens. Liber est Angelus ut hoc, vel illud munus exercent,

cum

cum nulli sit necessitate addictus : at si Deus præcipiat ut ad custodiendum hominem descendat , cum non possit Creatori , cui jam immutabiliter adhæret , repugnare , non potest non suscipere custodiam hominis ; quæ tamen liberrima est , quia secundum se est indifferens objectum voluntatis angelicæ . Liber est homo ut sine culpa ducat uxorem , vel religiosum institutum complectatur : factio tamen voto Religionis , non potest absque peccato illud non exequi : exequitur tamen plenissima libertate , quoniam religiosa vita est secundum se objectum indifferens voluntatis humanæ . Hujus rei manifesta ratio est , quoniam si necessarium esset ad libertatem , ut possit omitti actus non solum spectatus in se , verum etiam prout habet connexionem cum decreto aut præcepto divino , foret de essentia libertatis posse peccare , & eligere media non servato , ac prætermisso ordine finis , quod est proculdubio falsissimum .

Est itaque sententia nostra Christum Dominum plenissima libertate fuisse mortuum , quia poterat mortem subire , & vitare , quoniam spectata ipsa morte secundum se , erat illa voluntatis ejus objectum indifferens , cum plura alia eligi potuissent ad finis consecutionem , quamquam supposito decreto ac præcepto patris non posset non mori , in quantum mors cum ipso decreto , vel præcepto connectebatur . Atque hanc sententiam propugnant Vincentius Baronius in dissert. de humana libertate , & gratia , Contenson. de Incarnat. dissert. 6. Ant. Massoulie in D. Thomæ sui Interprete disp. 11. q. 8. J. B. Du-Hamel lib. 111. de Incarnat. cap. ult. alique viri docti . Esse autem sententiam D. Thomæ liquet ex iis , quæ nos ipsi de libertate scripsimus libro XVI. adv. hæresim Calvinianam .

Sententia ista , quamvis non alia opus habeat confirmationem , comprobari primo potest ex Scripturis . Nam ipse Salvator Matt. XXVI. 53. Petro suam in moriendo libertatem confirmans ait : *An putas , quia non possum rogare patrem meum , & exhibebit tibi modo plusquam duodecim legiones Angelorum ?* Quibus verbis aperte innuit , quod spectata in se morte , atque potestatis suæ dignitate poterat hostes omnes prosternere , atque se insidiis illorum subtrahere . Verum addidit nunquam se id facturum , quia positis jam prædefinitionibus divinis , prædictisque per ora Prophetarum , ipse qui venerat legem implere , & facere voluntatem ejus , qui eum miserat , non debebat statuti summi Dei reluctari ; ideoque ait : *Quomodo ergo implebuntur Scripturæ , quia sic oportet fieri ?* In hoc itaque sita est Christi libertas , quod plenissimam habebat vel moriendi , vel non moriendi potestatem ; tamen si spectata morte quatenus definita , ac præcepta non poterat non mori , quoniam transgredi non poterat divinarum promissionum jota unum , vel apicem . Eodem pacto Joannis x. 18. inquit Salvator , *Potestatem habeo ponendi animam meam* , atque id libertatis ejus

invictum est argumentum : at ne quis inferret posse illum transgredi paternum præceptum, aut hoc præceptum non dari, inquit eo loci: *Hoc mandatum accepi a patre meo.*

Probatur deinde ratione. Libertas enim est electio mediorum, quæ cum non fiat summum bonum, ac finis ultimus, sunt natura sua objectum, quod voluntati proponitur cum indifferentia iudicii, & ideo in ipsorum electione relucet potestas, optio, & dominium eligentis. Quod si Deo præscribente, ac mandante hoc determinate medium sit eligendum, stat adhuc electionis potestas, quoniam Dei præscriptio, ac mandatum non facit ut medium ipsum appareat menti per se summe bonum, ideoque non evertit quod intrinsece constituit libertatem indifferentiæ, sed tantum dirigit medium illud ad certam finis consecutionem : a qua non est necesse quod liberum arbitrium possit deflectere, imo cum in finem trahatur naturali necessitate, non potest non eligere medium, quod posita divina præfinitione unice ad finem conducit : & nihilominus eligitur plenissima libertate, quoniam non est ipsum medium, sed finis, qui in se necessarium amorem voluntatis convertit, & attrahit : atque etiam majori indifferentia media ipsa eliguntur, cum voluntas intimius infinito bono adhærescit, quia minus diliguntur terrena, quo magis possidentur cælestia. En totum libertatis systema. Atqui mors Christo proposita non exhibet plenitudinem voluptatis, neque præceptum efficit, quin illa tristitiam, & amaritudinem pariat. Ergo etiam præcepto supposito mors indifferentia libertatis eligitur ; quamquam inspecta connexionione finis ac proposito legem implendi, Christi peccandi nescia voluntas non potuerit non mori. Possunt ad hanc argumentationem reduci per vulgata Scholasticorum ratiocinia, quod divinæ præfinitiones, ac præcepta non immutant naturalem potestatem operandi, sed efficiunt duntaxat, ut medium, quod libere eligitur, ponatur actu, atque ad finem conducatur.

Tandem confirmatur assertum nostrum explodendo aliorum placita. Quid enim hac nostra assertione probabilius ? Num Christo impositum non fuisse rigorosum mortis præceptum ? Frustra quidem hoc fingitur. Ait idem Salvator, *Hoc mandatum accepi a patre meo,* & Apostolus ad Philipp. 11. 8. *Humiliavit semetipsum factus obediens usque ad mortem, mortem autem crucis.* Obedientia autem mandatum supponit. Est etiam perfectius mori ex obedientia, quam ex electione, ideoque negantes præceptum ut facilius explicent libertatem, derogant Christi meritis. Præterea etiamsi Christo non fuisset impositum rigorosum præceptum, sed conditionatum tantummodo, five ab ejus acceptione dependens, in eandem omnino difficultatem impingeret disputatio. Habens enim Christus concordissimam cum Patre voluntatem, quomodo poterat mortem refutare, cognoscens

ſe miſſum in mundum , ut pro hominum redemptione ſunderet ſanguinem ? Verum quod Chriſto impoſitum fuerit moriendi præceptum. Scriptura aperte declarat , neque oppoſitum evincunt quorundam Scholaſticorum contorta ſophiſmata . Neque illud reponi poteſt propoſitam ſub præcepto mortem , non circumſtantias ; quandoquidem circumſtantia ipſæ priuſquam Chriſtus conciperetur , fuerunt per Iſaiam prænuntiata , neque Apoſtolus ait tantum Chriſtum præſtaſſe obedientiam *uſque ad mortem* , ſed qualitatem etiam mortis designans addit , *mortem autem crucis* . Fuerat ergo prædefinita mors , & mortis quælibet circumſtantia , ipſumque crucis patibulum . Conſimili ratione faciliſſimum eſt alias opinaciones refellere .

SOLVUNTUR OBJECTIONES.

Militant adverſus ſententiam noſtram hæc argumenta . Primum : Si Chriſtus poterat non mori , poterat etiam transgredi præceptum patris . Si poterat transgredi præceptum patris , poterat peccare . Igitur ſi Chriſtus poterat non mori , etiam peccare poterat . Alterum huic affine : Promeruit Chriſtus moriendo , & adimplendo mandatum patris : ait enim Joan. x. 17. *Propterea me diligit pater ; quia ego pono animam meam* . Atqui ad merendum requiritur libertas indifferentiæ , ſcilicet poſſe agere , & non agere . Potuit ergo Chriſtus non mori , & non adimplere mandatum Patris . Tertium parum abuſum : Mors connectitur cum præcepto . Non potuit Salvator præceptum violare . Itaque non potuit non mori .

Hæc jam fuerunt expedita : ſed claritatis gratia ad primum diſt.ma. Si Chriſtus poterat non mori morte in ſe inſpecta , poterat etiam divinum mandatum transgredi , nego : ſi poterat non mori ſpectata connexionem mortis cum præcepto , conc. majorem . Ad alterum diſtinguo minorem : Ad merendum requiritur libertas indifferentiæ , ſervato ordine finis , ideſt , poteſtas eligendi unum , vel alterum mediorum quæ valeant ad finem perducere ; concedo : requiritur libertas indifferentiæ , prætermiſſo , ac perturbato ordine finis , nimirum poteſtas abſcindiendi media ſub ea etiam ratione , qua cum ipſo fine habent ex Dei propoſito ac præcepto firmiſſimam connexionem , nego . Ad tertium pariter diſtinguo conſequens ; Potuit ergo Chriſtus non mori , ſpectata morte in ſe ipſa , conc. conſiderata , ut ſubeſt præcepto , ſubdiſtinguo : atque præceptum iſtud inducit neceſſitatem moriendi attenta ipſa morte , & voluntate mortem eligentis , nego : conſiderata connexionem finis , & voluntate ſummo bono immutabiliter adhærente , concedo conſequentiam . Oportet ergo ad ſolutionem iſtiusmodi argumentationum , quæ tardiores mentes ſolent plurimum vexare , ut diligenter conſideretur mors in ſe ipſa , quatenus nequit

proponi nisi cum indifferentia iudicii ; & quatenus cadens sub præcepto nequit vitari , nisi perturbato ordine finis . Primum ad libertatem necessario requiritur ; alterum si desit , non est libertatis interitus , sed perfectio . Similiter in executione præcepti considerari debet motus voluntatis , in quantum fertur in opus , quo præceptum ipsum completur ; & in quantum medio hoc opere fertur in finem . Priori modo motus voluntatis tendit in media , altero modo non in media , sed in finem protendit . Quoniam igitur libertas , ut diximus , in ordine tantum ad media spectatur : ut Christus dicatur plenissime liber in adimplendo præcepto , fat est quod ejus voluntas fuerit prædita libera potestate relate ad operis præcepti executionem , tamen si non posset præscriptum opus omittere , quatenus illud implendo perfecta unitio- ne ultimo fini adhærebat .

Rursus oppones . Actus voluntatis Christi prout in finem ultimum tetendit necessarius fuit , non enim poterat a fine ultimo deviare . Sed præceptum patris implevit voluntate in finem ultimum tendente . Igitur præceptum adimplevit actu necessario . Respondeo me jam explicasse quo pacto voluntas in finem tendat naturaliter , in media autem per electionem , atque dixisse eligi media ratione finis ; unde consequitur voluntatem diverso actu fini adhærere , & mandata servare . Quare distinguo minorem : implevit Christus præceptum patris voluntate ultimo fini adhærente eodem actu , quo implevit præceptum , nego : actu diverso , concedo . Dico autem actum *diversum* connotative , quemadmodum Deus diverso modo amat semetipsum & creaturas , quamvis amor creaturarum sit ab amore sui ipsius re ipsa indistinctus ; & rationalis creatura diverso pacto amat beatitudinem , & bonum particulare , licet unius amor in amore alterius contineatur .

Ultimo objicies . Expedita est via conciliandi Christi libertatem cum præcepto , si dicamus sufficere ad meritum libertatem lubentiae ; non enim ad Christum referenda est damnata 14. propositio Janfeniana , manifesto de hominibus naturæ lapsæ prolata . Sufficere autem in Christo hanc libertatem demonstrari potest auctoritate , & ratione . Sanctus enim Thomas in 111. dist. 18. art. 2. ad 5. ait . *Dicendum quod etiam si liberum Christi arbitrium esset determinatum ad unum numero , sicut ad diligendum Deum , quod non facere non potest ; tamen ex hoc non amisit libertatem , aut rationem laudis , sive meriti , quia in illud non coacte , sed sponte tendit , & ita est actus sui dominus* . Et quidem ex nostris principiis Christus Deum necessario diligebat , quia illum intuebatur in se , ideoque non erat in hujusmodi amore indifferentia iudicii . Si ergo promeruit servando præcepta , promeruit diligendo Deum , quod est præceptum primum ac maximum , & consequenter habuit meritum absque libertate indifferentiæ .

Resp.

Reſp. nos hanc ſententiam , quæ nonnullis recentioribus placet , repudiare tanquam Janſenianam . Diſputavit quidem Janſenius de libertate hominis lapſi ſub dominatu concupiſcentiæ , vel gratiæ ; ſed iſdem principiis argutabatur , quod ad eſſentiam libertatis non pertineat indifferentia , obtrudens hæc eadem exempla libertatis Dei , Chriſti , ac Beatorum . Nos hunc errorem reſutavimus libro xv. , permultiſque argumentis etiam ex D. Thoma petitis oſtendimus non dari abſque libertate indifferentiæ poteſtatem liberi arbitrii , non ſolum in nobis , ſed neque in Beatis , neque in Chriſto , neque in Deo . Auctoritati Divi Thomæ , quæ nunc objiſcitur , illic cap. 3. cumulate ſatiſfecimus . Quod additur de actu caritatis , & amoris Dei non una reſponſione diluitur . Sunt qui in Chriſto , ſicut duplicem ſcientiam , ita duplicem amorem diſtinguunt , & neceſſarium unum derivatum ex viſione beata , liberum alterum proficiſcentem a ſcientia viatoris aut inſuſa , aut acquiſita . Huic ergo amori , non illi , tribuunt rationem meriti . Alii defendunt , Deum prout eſt ſummum bonum , neceſſitate ab iis amari , qui illum facie ad faciem intuentur ; diligere tamen libere hoc , aut illo actu ad creaturas relato . Demum aliqui diſtinguunt inter actus a caritate elicitos , & inter actus imperatos , ideſt , inter illos , qui dilectione tendunt immediate in finem , ultimum , & illos qui dilectione finis ſpectant ad exercitamenta virtutum ; actibus ergo a caritate directis & imperatis concedunt meriti laudem , quam actibus elicitis denegant . Utere pro libito his reſponſionibus nunquam indifferentiam a libertate arbitrii diſjungens .

C A P U T XIII.

De Hæreſibus adverſus Unionem hypoſtaticam pugnantibus , ac primum Neſtoriana .

ABſOLUTA de corpore & anima Chriſti dotibusque adhærentibus diſputatione , pertractandum modo eſt de mirabili humanæ naturæ cum divinitate unionem , quum recta methodus poſtulet , ut a partibus ad rem complexam progrediamur . Principio autem reſutanda occurrunt Neſtorii , & Eutychetiſ nefaria dogmata . Neſtorius ex Monacho Sacerdos primum Eccleſiæ Antiochenæ , dein de vertente anno 427. renuntiatus Conſtantinopolitanus Epiſcopus , cæpit circa hæc tempora ſpargere præconceptæ hæreſeos venena . Eo enim ſedente Anaſtaſius Preſbyter differens in Templo ad populum hortatus illud eſt , ne Beatiffimam Virginem *Deiparam* appellaret , ut principio Eccleſiaſticæ Hiſtoriæ refert Evagrius . Venerat autem Anaſtaſius Conſtantinopolim una cum Neſtorio , ejuſque ſemper uſus fuerat con-

consuetudine, ita ut fuerit unus ab altero pestiferis imbutus erroribus, jam antea sparſis ab Ebionitis, Samofatenſibus, atque a Neſtorii præceptore Theodoro Mopfueſtено. Acceſſit horum ſatelles Dorotheus, qui pro concione auſus eſt inſclamare, *Si quis Mariam Deiparam dixerit, ſit anathema*. Iſtud ergo fuit capitale dogma Neſtorianum. Revocarunt quidam in dubium, num in reſutanda pertinaciter *Deipara* voce Neſtorius tantum erraverit; an vero aſſeruerit Dominum Jeſum a primo conceptionis inſtanti non fuiſſe vere & proprie Deum Verbum, neque naturam humanam fuiſſe ſubſtantialiter divinæ conjunctam in unitate perſonæ. Quod foret ſane repudiandi vocabulum *Deipara* cauſa princeps.

Oppugnantibus compluribus Neſtorianam blaſphemiam, & rumore ſerpentis hæreſis ad Cæleſtinum Papam delato, is per literas Neſtorium ad reſiſcentiam, errorisque retractationem hortatus eſt, indiſta poſt decem dies communionis Eccleſiaſticæ privatione. At ſpretis Romani Pontificis literis eadem, ac deteriora dogmata palam evomuit, etiam ſanctum Cyrillum, qui adverſus Neſtorium ipſum capitula quædam conſcripſerat, ut Apollinariftam, Arianumve traducens. Tanta Neſtorii pervicacia probos, fideique ſervatores permovit, ut ſe ab ejus communionem ſegregarent; quod ille tam ægre tulit, ut non ſolum ad Generalem Synodum provocarit, verum etiam adverſarios ſuos, nulla habita ratione dignitatis vel ordinis, traderet vinctos Præſecto Urbis ſlagris immani crudelitate cædendos. Verum annuente Cæleſtino coacta Synodo univerſali, quæ eſt celebris Ephesine celebrata anno D. 431. audax ille homo non comparuit; ac privatus Eccleſiaſticis infulis exul ac proſugus, dum in blaſphemias erumperet, efflavit animam.

Neſtorii fama & vetus conſuetudo impulit Joannem Antiochenum Antiftitem, ut ſuſciperet perditiffimi hominis patrocinium. Sero itaque ac diu expeſtatus Joannes Ephesum venit, ſtipatus Episcopis aliis, factionis præſertim Pelagianæ, atque Neſtorio addiſtiſſimis: rejecit damnationem Neſtorii factam a Synodo, & Cyrilli Capitula proſcripſit tanquam hæretica, aliaque plura patravit, quæ de eo ingerunt ſuſpicionem. Attamen quia fidei ſuæ optima alias præbuit experimenta, ac tandem etiam cum Cyrillo ſœdus iniiit; merito quæritur an revera hæreſim probaverit Neſtorianam. Plura de hac hæreſi, ejusque fortuna tradunt Sacri omnes Hiſtorici, nec non Dionifiſus Petavius lib. 1. de Incarnat. cap. 7. & 8., atque ex noſtratibus Chriſtianus Lupus in Scholiis ad Synodum Ephesinam, & Norſius in Controverſia *De uno ex Trinitate paſſo*, quæ magna contentione adverſus Neſtorianos fuit agitata. Eſt ergo inquirendum primo de ipſo errore Neſtorii, an negaverit Chriſtum eſſe ſubſtantialiter Verbum, ſublata inter utramque naturam hypotatica unionem: deinde idem error eſt reſellendus: viden-

videndum poſtea an Virgo ſit appellanda Deipara : poſthac an Cyrillus Neſtorianos exagitans in oppoſitam hæreſim lapſus fuerit : denique an Joannes Antiochenus ejuſque fautores ſint hæreticis connumerandi . De controverſia enim circa *Unum de Trinitate paſſum* dicam libro proximo, diſſerens de propoſitionibus, quæ poſſunt de Chriſto Reparatore enuntiari.

PROPOSITIO I. Neſtorius vere negavit Verbum Deum in unitatem perſonæ humanam aſſumpſiſſe naturam, atque Virginem Mariam proprie appellandam eſſe Deiparam .

Probatur non ſolum communi Scriptorum clariffimorum ſuffragio, Leonis Magni, Vincentii Lirinienſis, Caſſiani, Evagrii, Liberati Diaconi, Facundi Hermianenſis, aliorumque Neſtoriano ſæculo proximiorum, atque ex judicio Apoſtolicæ Sedis, & Ephęſinæ Synodi; verum etiam ipſius Neſtorii ſcriptis, doctriniſque perverſis; unde hæc argumenta promuntur . I. *Qui aſſerit hominem a Virgine genitum non eſſe Deum Verbum, ſed Deum Verbum in illo homine habitaviſſe, proculdubio perſonas diſpeſcit, atque inter utramque ſtatuit ſolam unionem moralem . At Neſtorius aſſeruit Virginem non peperiſſe Deum Verbum, ſed hominem tantum, in quo Deus Verbum inhabitaverit . Igitur Neſtorius plures conſtituit in Chriſto perſonas, & negavit naturæ humanæ cum divina unionem ſubſtantialem . Minor probatur ex primo Neſtorii adverſus S. Cyrillum anathematismo : Si quis eum, qui eſt Emmanuel, Deum verum eſſe dixerit, & non potius Nobiſcum Deus, hoc eſt inhabitaviſſe eam, quæ ſecundum nos eſt, naturam, per id quod unitus eſt noſtræ, quam de Maria Virgine ſuſcepit : Matrem etiam Dei Verbi, & non potius ejus, qui Emmanuel eſt, nuncupaverit; ipſumque Dei Verbum in carnem verſum eſſe, quam accepit ad oſtentationem Deitatis ſuæ, ut habitum inveniretur ut homo, anathema ſit .* Præterea negabat Neſtorius Chriſtum, quem Virgo peperit eſſe Deum, affirmans plenum fuiſſe divinitate eo ſenſu, quo Joannes Baptiſta plenus fuit Spiritu ſancto, ideoque non plus ſacram Virginem dicendam matrem Dei, quam matrem Spiritus ſancti Eliſabetham, ex Virgine autem Deum proceſſiſſe atque emiſiſſe, non autem natum . Atqui inter Joannem Baptiſtam æ Spiritum ſanctum non fuit unio ſubſtantialis . Igitur in ſenſu Neſtorii nec fuit talis unio inter hominem, quem genuit Maria Virgo, atque inter Deum Verbum . Major probatur ex verbis Neſtorii recitatis ab Evagrio, & Theodoro Epifcopo Ancyrano: *Ego ne eum qui ſpatiis menſtruis adoluerit, Deum appellavero?* atque ex Relatione Cleri, & populi Conſtantinopolitani, quæ talis eſt: *Hominem illum in matris utero fuiſſe fatetur plenum Deo Verbo, quomodo Joannes Baptiſta plenus Spiritu ſancto, &c.* Similiter in libro ab ipſo Neſtorio conſcripto, & perleſto Act. 1. Synodi Ephęſinæ, aſſeritur Chriſtum eadem

eadem ratione dici filium Dei, quemadmodum Moses appellatus est Deus Pharaonis, & Saul, ac Cyrus Christi nomen obtinuerunt. Tercio qui duas in Christo personas distinguit, quarum una sit Dei serva, neque appellari possit Unigenitus Dei filius, altera sit Domina, neque vocari possit filius Virginis, aut Redemptor pro humano genere crucifixus, is proculdubio negat utramque naturam divinam & humanam conjunctas esse in unitate personæ. Hæc omnia Nestorius protulit. Ait enim Anathematismo v. non esse unum Dei filium, qui natus est ex Virgine, & quem Pater genuit ante Luciferum: *Si quis unum esse post assumptionem hominis naturaliter Dei filium audeat dicere, cum sit Emmanuel, anathema sit.* Idem tradit anath. vii. & x. Quarto non sufficit ut dicatur Nestorius admisisse in Christo hypostaticam unionem, quod asseruerit Verbum tanquam in templo habitasse in humanitate, nec sufficit admisisse tantummodo vocabula unionis, dignitatis, auctoritatis, æqualitatis: imo hæc demonstrant multitudinem personarum, quemadmodum Sancti, qui templum sunt Spiritus, & quibus ait Apostolus, *Glorificate, & portate Deum in corpore vestro*, non sunt eadem cum Spiritu sancto persona, nec eadem persona sunt duo viri vel amicitia conjuncti, vel pares dignitate atque honore. Nestorius autem in Epistola ad Cyrillum, quæ extat i. p. Concilii Ephesini, docuit Verbum Deum in Christo homine tanquam in templo habitasse, atque ideo unum ab altero fuisse inseparabile, quia *Templum illud nunquam fuit aliquo peccato contaminatum*; addiditque se in Christo honorem atque cultum non separare, quoniam homo Deum gestabat, ita ut Deifer fuerit, non Deus, Dominicus, non Dominus, neque dividenda sit adoratio propter solam conjunctionem auctoritatis & dignitatis. Igitur Nestorius hypostaticam unionem duarum naturarum penitus oppugnavit. Insuper Nestorius, tametsi in sermone quodam execratus est hæresim Paulli Samosatani, attamen in publica Contestatione proposita a Clero Constantinopolitano, in Collect. Conciliorum Ph. Labbei Tom. i. i. pag. 337. convictus est has capitales blasphemias cum Paulo pronuntiasse: *Maria Verbum non peperit. Qui fieri queat, ut Maria ex se genuerit antiquiorem se? Qui ex Virgine natus est, homo est.* Ac facta collatione assertionum Paulli ac Nestorii ibidem concluditur: *En Paulo Samosateno hæretico, qui alium asserit esse Verbum, & alium Jesum, Christum, neque unum esse ut orthodoxa profitetur Ecclesia, plenissime adstipulatur.* Postremo si attendantur Nestoriana principia, simul appareat non potuisse hunc hæresiarcham inter Filium Virginis, ac Filium Dei unionem aliam fateri præter moralem, atque existimasse ex Catholica doctrina fieri consequens, ut vera sit hæresis Apollinarij autumantis divinitatem in humanitatem fuisse conversam; ideoque nil ad purgandum Nestorium valet, quod ubique Arium, & Apollinarium

narium inſectetur . Enimverò cum Paulo Samofatenſi , Photino , aliſque ſuperiorum ætatum hæreticis opinabatur Neſtorius non poſſe naturam propria ſubſiſtentia exſpoliari , ac propterea hæc erant ejus verba apud Cyrillum in Epiſt. ad Succellum , *Si Chriſtus perfectus Deus , idemque perfectus homo intelligitur , ubi natura eſt perfectio , ſi hominis natura non ſubſiſtit ?* Igitur Neſtorius cum duplicem in Chriſto naturam adverſus Apollinaristas fateretur , debebat ex falſo illo principio , quod natura ſine propria ſubſiſtentia ſit imperfecta , inferre quod in Chriſto duplex ſubſiſtentia debeat admitti . Illud etiam ex Neſtoriano principio erat conſequens , quod Maria non ſit vere Deipara ; nam cum Verbum Deus non poſſit habere initium ſubſiſtentie ex muliere , & alias hæc pepererit filium hominem , in quo natura & ſubſiſtentia creata juxta Neſtorium inveniebatur , non poterat ipſe percipere ſacram Virginem eſſe Dei genitricem , *cum non genuerit nudam & ſeorſim poſitam divinitatis naturam* , ut refert S. Cyrillus in ſuo Apologetico ,

QUAE PROFERUNTUR IN DEFENSIONEM NESTORII .

At rectam fidem Neſtorium incorruptam ſervaviſſe , poſſet quis contendere illuſtribus testimoniis , atque ejusdem Neſtorii conſtatione ac doctrina . Testimonia vero ſunt quæ ſequuntur . Joannes Antiochenus in Epiſtola ad Neſtorium , quæ extat in Synodo Ephesine , illum hortatur ut ſacram Virginem Mariam appellare non detrectet Deiparam , quandoquidem compertum ſibi foret ex relatione multorum , qui illum non infrequenter audierant , *quod ipſam ſolam vocem , non piam quoque ipſius vocis notionem averſaretur* . Atque in Epiſtola ad Firmum , quam ſcripſit Joannes poſteaquam Catholicis acceſſerat , edita a Garnerio diſſert. v. de Cauſa Theodoretii , *Sapiebat* , inquit , *ſic prius ſanctiſſimus Epiſcopus Neſtorius , ſicut res ipſa docuerunt . Covebat vero nomen , veluti dare poſſet , unde nos ſequaces hæretici Apollinarii reprehenderent . Quia vero ſc & ante ſapuit , inde convincitur , quia cito conſtitit admonentibus nobis , & ipſum nomen accepit , & in duobus ſermonibus ſanam fidei expoſitionem , & irreprehenſibilem nobis direxit* . Theodoretus in Epiſtola ad Alexandrum Hicropolitanum ait immerito venerabilis , & ſanctiſſimi Epiſcopi Neſtorii dogma fuiſſe damnatum . Rectum Neſtorium tenuiſſe ſenſum teſtatur etiam Acacius Epiſcopus in Epiſtola ad Cyrillum , & alii , de quibus noſter Lupus in Schol. ad Syn. Ephesinam . Etiam Socrates lib. vii. H. E. cap. 32. hæc de Neſtorio proferit : *Meo quidem judicio neque Paulum Samofatenum , neque Photinum imitatur , neque Dominum hominem ſolum eſſe dicit , ſed vocem duntaxat Deipara tanquam larvam reformidas* .

To.V.

A a

Reſp.

Resp. hæreticos omnes, & maxime Nestorium, cui in faciem resistunt ex ipso Clero Constantinopolitano viri doctrina & pietate præclari, verborum involucris, & specioso infectandi damnatas hæreses prætextu proprias summa fraude occultasse. *Sunt enim illi, (inquit Synodus Ephesina in Relatione missa per Palladium ad Theodosium,) qui diversa a recta fide sentiunt, adeo collidi, at quidam quoque sanctissimi Episcopi occultato errore a Nestorio decepti sint, eique se adjunxerint; qui tamen postquam dilucide quid sentirent essent percunctati, illumque suas blasphemias reagentem comperissent, ab eo desceverunt, Synodo se adjunxerunt, potestaque ejusdem blasphemia condemnationis sententiam adversus illum tulerunt.* Inter prædictos Episcopos connumerandos esse Joannem Antiochenum, ac Theodoretum, demonstrabimus infra. Scripsit vero Joannes ad Firmum post acceptam Nestorii Epistolam, in qua callidus hæreticus scripsit, se concedere ut Virgo Dei Genitrix nominetur propter unionis rationem, non juxta sensum Apollinarii vel Arii; quæ confessio decepsisset unumquemque, cui non esset manifestum qualem unionem Nestorius adstrueret, & cur Apollinarii, Ariique sensum execraretur: quod nos in postrema argumentatione explicavimus. Hinc inita pace cum Cyrillo, Joannes omnes hæretici tergiversationes detexit atque proscripsit: & etiam Theodoretus, qui impense partibus Nestorianis studuerat, cognita nequitia Nestorium retulit inter hæreticos lib. 1 v. cap. 12. Hæreticarum fabularum. Cum potuerit ambiguus Nestorii sermo decipere tales Præsules, nil mirum, quod læsticando ejus opuscula Socrates hominem illum potius imperitum, quam impium existimaverit.

Ex doctrina Nestorii possunt hæc ad ipsius defensionem urgeri. I. In sermone quem habuit Constantinopoli causam reddens cur potius sacram Virginem appellaret *Christotocon*, quam *Theotocon*, idest Christi genetricem, non Dei, ait: *Quoniam Christus, idest, hoc appellationis nomen significativum est utrorumque, idest, Dei & hominis.* Addit sequi se exemplum Evangelistæ, qui non ait, *Liber generationis hominis, ne purum nobis hominem videretur ostendere, neque Liber generationis Verbi Dei, ne Divinitatem nobis ex parte humanitatis induceret.* II. In serm. altero apertissime proficitur in Christo unitatem personæ dicens: *Christus indivisus est; non enim habemus duos Christos, vel duos filios.* II. Serm. 12. his verbis execratur errore m. Pauli Samosatensis: *In stupore dentium remaneat Paulus Samosatensis, qui nobis Dominicam humanitatem nudam a Deitate deliravit.* Hæc omnia ita pro Nestorio possunt opponi. Non errat in dogmate, qui affirmat Virginem Mariam peperisse Christum, in quo Dei, & hominis reperitur natura; & dummodo fateatur adversus Paulum Samosatensem humanitatem Deitati conjunctam, & Christum unum, atque indivisum Dei filium, tenet per omnia fidem Orthodoxam. Nestorius

storiis asserit Mariam esse Genitricem Christi, hunc esse unum atque indivisum, neque habere humanam naturam a divinitate sejunctam. Igitur Nestorius fuit per omnia Catholicus atque Orthodoxus.

Resp. Nestorium multiplicem inter Christi humanitatem, ac divinitatem unionem admisisse, nunquam tamen *hypostaticam*, qua utraque natura copulata est in unitate personæ. Admisit enim unionem, quam appellabat *συμψυχή*, idest, *societatem*: item consortium & copulationem secundum dignitatem filiationis, & secundum eandem voluntatem, beneplacitum, & *homonymiam*: similiter adunionem & propinquitatem ratione affectionis & amicitiae: unionem pariter secundum inhabitationem veluti in domo, vel templo; ulterius conjunctionem ratione operationis & imperii divinitatis, ad cujus nutum Christi humanitas omnia compleret: demum unionem personalem, non *hypostaticam*, sed tantum secundum coaptationem, cum quis personam subiens alterius ejus vice loquitur, atque operatur. Hæc unionis genera statuisset Nestorius constat ex Cyrillo, Damasceno, Liberato, aliisque laudatis a Petavio lib. 111. de Incarnationat. cap. 3. Liqueat autem hæc omnia distinctionem personarum demonstrare, quoniam societas, amicitia, affectio, homonymia, propinquitas, & auctoritas, qua aliquis vice alterius loquitur, & alia istiusmodi plures personas consignant. Resp. itaque Nestorium in priori sermone affirmare appellationem Christi significativam esse Dei & hominis, non quod Dei genitrix enixa esset Deum Verbum, sed quod peperisset hominem, in cujus persona, tanquam in templo inhabitaret persona Verbi: nam post allata verba eodem sermone ait: *Quoniam sancta Virgo est Dei genitrix ideo, quia illud templum, quod in ea ex Spiritu sancto creatum est, Deitati erat unitum; hominis vero genitrix, eo quod natura nostra primitias assumpsit, &c.* Eodem pacto negavit Christum esse purum hominem, in quantum non est solum templum, in quo Sacerdos inhabitat, neque sola auctoritas Proregis, quæ mandata legesque præscribit. Ad 2. dicimus quod Nestorius admisit unum filium dignitate, honore, adoratione; non natura atque hypostasi: oppositum namque tradidit in V. Anathematismo, de quo supra, Arg. 3. Ad ultimum; tamen Nestorius execrabatur hæresim Paulli quantum spectat ad Trinitatem divinarum personarum, ideoque fatebatur secundam Personam, idest, Verbum Deum societate, dignitate, auctoritate, atque omni alia unionione morali conjunctum fuisse humanitati, quod Paullus negabat: uterque tamen, Paullus ipse ac Nestorius conveniebat in oppugnanda Incarnatione Dominica, ut supra contestatione Cleri Constantinopolitani, & Collatione dogmatum utriusque demonstratum est. Ad postremam argumentationem dist. ma. Non errat in dogmate, qui affirmat sacram Virginem genuisse Deum & hominem, ita, ut Deus & homo sint unus

Virginis filius unitate personæ, concedo : ita, ut unus sint unitate morali superius expofita, nego majorem : & diftincta eodem pacto minori, nego confequentiam.

Infuper argumentaberis. Neftorius intendebat folummodo in Chrifto afferere duas naturas diftinctas atque impermixtas, Catholicam veritatem propugnans, dummodo Apollinarij, Ariique damnaretur impietas. Etenim in Epiftola ad Joannem Antiochenum ait ideo negaffe fe Virginem Mariam effe Dei Genitricem, quoniam fermo, quod dicitur *Genitrix* a multis hæreticis adfūmitur ut fuus : hos autem hæreticos declarat effe fequaces Arii, & Apollinarij. Deinde affert fe Virginem appellare *Xpōgenitricem*, medium incedens inter eos, qui nominabant *Genitricem*, ut infinuarent Divinitatem a Virgine fumpfiſſe initium, & qui appellabant *Adoptricem*, ut oftenderent in Chrifto nudam extiſſe humanitatem; & ideo ait : *Chriſti eam vocavimus Genitricem, ut hæc vox utrumque manifeſte ſignificaret, ideſt, Deum & hominem*. Addit concedere ſe, ut pie *Genitricem vel Particem Dei Virginem nominemus, ſed non juxta Apollinarij vel Arii ſenſum, quaſi divinitas Unigeniti ex ſancta Virgine ſumpſerit initium*. Præter hæc Sermone 6. profitetur ſe probare vocem *Genitricem*, dummodo ſacra Virgo minime dicatur Dea, quomodo dicenda eſſet in ſenſu Apollinarij, & ſi illa peperiffet divinitatem, quoniam filius Matri debet eſſe conſubſtantialis : *Si quis inter vos, inquit, ſimpliciter voce Genitricem gaudet, apud me nulla lis eſt de voce, tantum ne Virginem Deam nomet*. Denique Neftorius in Epiftolis ad Cyrillum, ad Cœleſtinum, atque in ſermonibus habitis in Templo Conſtantinopolitano fatetur Chriftum eſſe Deum & hominem, & Virginem *Genitricem* propter unionem divinitatis, atque humanitatis, tantum non eſſe Dei genitricem juxta ſenſum hæreticum Apollinarij.

Reſp. juxta Neftorium, atque ipſius principiis ſuppoſitis, fidem Catholicam, qua proſitemur Deum & hominem unum eſſe Chriftum unitate perſonæ, apertiffime eſſe hæreſim Apollinarij. Vidimus enim admiſſam a Neſtorio cum natura humana hypoftaſim, & ſubſiſtentiam creatam, quæ initium habuerit ex Virgine. Si igitur naturæ humanæ ac divinx una ſubſiſtentia ſit, confequens eſt in ſententia Neſtorij, divinitatem habuiſſe ſubſiſtendi initium a Virgine, & divinam naturam converſam in naturam creatam, ut tradidit Apollinarius. Hujus itaque hæreſim execrando cum duplici natura duplicem in Chrifto ſtatuebat hypoftaſim, duplicemque perſonam, unam Deum Verbum & Unigenitum Patris, alteram hominem & filium Virginis. Inter utrumque tamen unionem quamdam ſtatuminans unum Chriftum prædicabat, ſed unum per ſocietatem, adunionem, affectum, inhabitationem, & voluntatis concordiam, ita, ut impium eſſet afferere quod filius genitus a Virgine ſit filius Dei genitus ante Luciferum, & filius Dei

Dei ante Luciferum genitus sit pro nobis natus, passus, crucifixus & mortuus, denegata cum unitate personæ etiam communicatione idiomatum. Hanc esse Nestorianam doctrinam superius est demonstratum. Distinguo itaque propositionem, Nestorius propugnabat duas in Christo naturas, & dummodo damnetur Apollinarii & Arii impietas, etiam admittebat vocem *Θεῖον*; & ex alia parte arbitrabatur in sensu Catholicorum, qui profitentur duas in Christo naturas subsistere in unitate personæ, contineri ipsam hæresim Apollinarii, concedo: & discrimen admittebat inter Apollinarii hæresim, & sententiam Catholicorum, nego. Postrema argumentatio pro theomate nostro producta difficultatem omnem eliminat.

PROPOSITIO II. Admittenda est in Christo una tantum Persona.

Hujus thesitis veritatem comprobant omnia argumenta producta Volumine II. lib. v. 11. cap. 9. & 11. ubi adversus Socinianos demonstratum est Christum esse filium Dei unicum, proprium, eique consubstantialem. Nam si duplex in Christo admittatur persona, divina nempe, & humana; illa necessario erit persona filii naturalis & cœterni: hæc persona filii assumpti, atque adoptivi. Attamen breviter atque directe contra Nestorium, Scripturis, Patribus, ac ratione, veritatem Catholicam propugnabo. Christum itaque nobis tanquam unicam personam, in duabus tamen naturis consistentem Scriptura divina proponit. I. Apostolus in priori ad Corinthios cap. v. 11. 6. ait: *Unus Dominus Jesus Christus, per quem omnia*. Dixerat autem Joannes cap. 1. 3. de Verbo, quod in principio erat apud Deum, *Omnia per ipsum facta sunt*. Igitur persona Domini nostri Jesu Christi, una eademque est cum persona Verbi, quod erat in principio. Compluribus aliis textibus confirmari potest hæc argumentatio. Eodem enim cap. versu 18. utique de Christo inquit idem Joannes, *Unigenitus filius, qui est in sinu Patris, ipse enarravit*. Matth. xvi. 16. ait Petrus, *Tu es Christus filius Dei vivi*. Salvator ipse Joan. vi. 11. 58. *Antequam Abraham fieret, ego sum*. Thomas ipse vulnera palans Joan. xx. 28. exclamavit, *Dominus meus, & Deus meus*. Apostolus ad Hebræos 1. 3. *Qui cum sit splendor gloria, & figura substantiæ ejus, &c.* Joannes initio prioris Epistolæ: *Quod fuit ab initio, quod audivimus, quod vidimus oculis nostris, &c.* Hæc omnia de Christo nemo dubitat pronuntiari. Ipse ergo non quantum ad humanam naturam attinet, sed quantum ad personam, est ipsum Verbum, quod fuit ab initio, quod est splendor gloriæ, & figura substantiæ Patris, quod est verus Deus antiquior Abrahamo, & in æternitate permanens in sinu ejusdem Patris: atque hæc omnia citatis locis vindicavimus ab impiis interpretamentis hæreticorum. II. Nestorium refutat ipsius Domini testimonium Joannis 11. 13. *Et nemo ascendit in celum, nisi qui descendit de celo, Filius hominis, qui est in Cælo*. Quis enim loquitur? Christus.

fius. Ubi erat, dum hæc loqueretur? In terra. Igitur persona. Christi quæ loquebatur, est Filius Dei, qui descendit de cælo. Est aliquid aliud in verbis ipsis adnotandum. Dum hæc Filius hominis in terra loquebatur, erat in cælo: nam inquit, *Filius hominis, qui est in cælo*. At non erat in cælo ratione naturæ humanæ, quam nondum glorificatus ad Patris dexteram collocaverat. Erat itaque filius hominis in cælo ratione personæ, quam proinde cogimur asserere eandem personam esse, ac personam Verbi immensam ac sempiternam. Aliud quodque in iisdem verbis observandum est. *si ascendit, & descendit*, non est præsentis temporis, sed præteriti, ut liquet ex Græco, *ὁς ἐβήκατο ἐκ τοῦ οὐρανοῦ, καὶ ἐβήκατο ἐπὶ τῆς γῆς*. Quo autem pacto Filius hominis, dum Nicodemum alloqueretur, cælum, conscenderat, nisi ratione personæ, quæ sicut descendit accipiens formam servi, ita filium hominis *hypostatica* unione exaltavit? Huc spectat quod legimus cap. vi. versu 59. *Isic est panis, qui de cælo descendit*; & versu 63. *Si ergo videritis filium hominis ascendentem*, ubi erat prius. Sed legendus de hoc argumento Cassianus lib. iv. de Incarnat. cap. 6. & quæ ibidem adnotavit Gazæus. III. Idem confirmant loca, quæ nobis Divini Verbi incarnationem, ac mortem proponunt; cuiusmodi sunt Joannis 1. 14. *Verbum caro factum est*. I. ad Corinth. 11. 8. *Si enim cognovissent, nunquam Dominum gloriæ crucifixissent*. Ad Philipp. 11. 7. *Semetipsum exinanivit formam servi accipiens*. Enim vero nisi in Christo una tantum persona admittatur, sed duæ, quas inter sit unio duntaxat moralis, de qua præcedenti propositione; non potest admitti inter divinam, humanamque naturam talis idiomatum communicatio, ut Verbum possit dici incarnatum, crucifixum, & exinanitum; quemadmodum hæc minime enuntiantur de Spiritu sancto, cuius tamen iusti sunt templum, atque habitaculum. Verum de communicatione idiomatum infra: interim legite Augustinum 1. de Trinit. cap. xlii. n. 28.

Accedit ad refellendos Nestorianos Sanctorum Patrum traditio; de qua plura Bellarminus lib. 111. de Incarnat. cap. 6. Jodocus Coccius lib. 11. art. 2. Petavius de Incarnat. lib. 111. cap. 11. Tournely Q. vii. art. 1. omnesque Theologi. Quare necessum non est, ut omnia exscribamus, sed proferendi sunt nonnulli ex Græcis, Latinisque Patribus illustriores, Athanasius, Nazianzenus, Chrysostomus, Ambrosius, Hieronymus, & Augustinus. Athanasius ergo in libro de Incarnat. inquit: *Homo una persona, & unum animal est, ex spiritu & carne concretum; ad cuius similitudinem intelligendum est Christum unum esse, & non personas duas*. Nazianzenus Orat. xxxi. Id, quod non erat assumptum, non duo factum, sed unum ex duobus flevissimum; Deus enim ambo sunt, id quod assumptum, & quod est assumptum: naturæ duæ in unum concurrentes, non duo filii. Chry-

solsto-

ſoſtomus in Epiſtola ad Cæſarium: *Eſſi enim (in Chriſto) duplex natura; verumtamen indiviſibilis unio, in una filiationis perſona, & ſubſiſtentia.* Ambroſius de Incarnat. cap. 5. *Non alter ex Patre, aliter ex Virgine: ſed idem aliter ex Patre, aliter ex Virgine.* Hieronymus contra Helvidium: *Natum Deum ex Virgine credimus, &c.* S. P. Auguſtinus cap. 5. Enchiridii: *Chriſtus Jeſus Dei filius, Deus & homo eſt, Deus quia Dei Verbum, homo autem, quia in unitatem perſonæ acceſſit Verbo anima rationalis, & caro:* & Tractatu 49. in Joannem: *Anima & caro Chriſti cum Verbo Dei una perſona eſt, unus Chriſtus eſt.* Jure itaque meritoque ex tam apertis Scripturarum teſtimoniis, atque ex perpetua traditione, quam & antiqui ſervaverant, & poſteriores Patres colluſtrarunt, proſcribere Neſtorium Synodus Ephesine, Chalcedonenſis, Quinta Oecumenica; ſive Conſtantinopolitana ſecunda, atque univerſalis Eccleſiæ irrefragabilis auctoritas.

Conſoditur denique hæſiſ Neſtoriana Theologicis ratiociniis. Principio Fidei Symbola, & Apoſtolus ad Ephēſios iv. 5. aliſque in locis ſupra laudatis, Dominum Jeſum Chriſtum unum eſſe teſtantur; & Symbolum præſertim Nicænum, ut obſervatum a Ruſino in Expoſit. Symboli §. 4. in ea voce *Unum* emphatiſm quamdam conſtituit, *ὁ ὡς καὶ τὸν ἑνὸς Θεοῦ.* Si hac fide revincitur error Gnoſticorum, qui Chriſtum a Jeſu divellentes, ut inquit Irenæus lib. 1. cap. 2. negabant unitatem perſonæ Salvatoris, cur etiam non reſutatur Neſtoriana blaſphemia? Proſpecto Gnoſtici aſſirmantes Chriſtum Creatoris & Demiurgon tranſiſſe per Virginem, ut per canalem aſſolet aqua, & in illo Jeſum ex Pleromate deſcendiſſe, atque inhabitariſſe; nec non Valentiniani, qui autumabant alium eſſe *Monogenem*, Unigenitum, alium *Logon*, Verbum, & unum in alterum advolaſſe, antiquis Græcorum Symbolis damnabantur. Atque hinc factum puto, quod Occidentales Eccleſiæ, in quibus Gnoſticorum errores non adeo invaluerant, priſcis ſæculis vocem *Unum* communiter non enuntiarent. At eandem unitiōnem, quam ſtatuit Neſtorius inter Verbum, & Chriſtum, illi hæreticorum aliorum anteſignani conſtituebant inter Demiurgon & Jeſum, ſive inter Monogenem, & Logon; ut res per ſe loquitur. Fides ergo Apoſtolica quemadmodum Ebionis, Valentini ac Cerinthi commenta retundit proponens unum Dominum Jeſum; ita ab initio Chriſtiani nominis illorum germen Neſtorium evidentiffime prædamnavit.

Hæc noſtra argumentatio ſons eſt, & fulcrum aliarum omnium, quas adhibuerunt in hoc dogmate Viri docti. Sunt illæ, quod ſi in Chriſto multiplicentur perſonæ, neque ſit inter iſtas unitio alia, præter eam, quam Græci appellant *κατὰ ταπιδιον, ſecundum appoſitionem*, qualis eſt inter lapides cœacervatos, aut inter corpus ejuſque indumentum, ſive inter domum ibique habitantem; non magis eſt unus Dominus Jeſus

Iesus Christus, quam unum sint Deus & templum, vestis & homo, lignum & lapis. Quod si in rationabilem animum possit cadere; neque unus est Christus, neque Verbum caro factum est, neque Salvator habuit efficaciam mundum redimendi, neque recte appellatus est Dei Unigenitus, neque in mysterio Dominicæ Incarnationis occurrit dignum aliquid divinum, atque admirandum. Id vero cum Christianorum aures perhorrescant; execrari debemus impiissimum scelestissimumque Nestorium, non tantum ut Gnosticorum germen veneficum, verum etiam ut Paganum, Judæum, hostemque Religionis nostræ insensissimum; quod proximo capite confirmabo.

AD NESTORIANA SOPHISMATA.

Pro hæresi Nestoriana possunt ea, quæ sequuntur, opponi. Primum: Divina Scriptura nobis humanitatem Christi describit comparatione templi, tabernaculi, atque indumenti. Ut ergo ista non habent cum homine subsistentiæ communionem; ita Dei filius non habet cum assumpta humanitate eandem hypostasim. Ant. probatur, quoniam Christus de corpore suo ait Joan. 11.9. *Solveite templum hoc* Idem Christi corpus tabernaculo comparatur Psalmo x1.10. & in Epistola ad Hebræos cap. 1x. 11. necnon habitui & vestimento ad Philipenses 11.7. & Apocalypsis x1x. 16. hæc enim loca de humanitate Christi Patres, atque interpretes solent accipere.

Respondeo etiam comparate ad rationalem animam dici in sacris literis corpus domum, tabernaculum, indumentum. Apostolus enim in 11. ad Corinth. v. 1. ait: *Si terrestris domus nostra hujus habitationis dissolvatur, &c.* & infra 4. *Nam & qui sumus in hoc tabernaculo, ingemiscimus gravati:* & similiter Juda versu 23. de corpore vitiis polluto, *Odientes eam, quæ carnalis est, maculatam tunicam:* quod recte usurpatum est ad commonstrandam spiritualis, & corporalis naturæ diversitatem. At de Christo ob aliam quoque causam vocabula illa enuntiantur. *Templum* corpus suum appellavit, propterea quod sicut Jerosolimitanum ædificavit Salomon, atque illud replevit gloria Domini; ita plasmavit Sapientia corpus Dominicum, & in eo inhabitat *omnis plenitudo Deitatis corporaliter*, ut inquit Apostolus ad Coloss. 2.9. Sicut etiam templum illud postquam dirutum fuerat, magna cum gloria fuit iterum ædificatum, ita Christus agens de morte triumphum resurrexit a mortuis. *Velamen* etiam, & *vestimentum* dicitur ejus humanitas, quoniam in ea latebat divinitas: quod Apostolus demonstrat citato capite ad Philipenses, ubi nobis proponit Christi humilitatem, *qui cum in forma Dei esset, non rapinam arbitratus est esse se æqualem Deo; sed semetipsum exinanivit formam servæ accipiens, &c.* Vide etiam, quæ diximus adversus Phan-

Phantasiaſtas cap. 2. hujus libri . Diſtinguo itaque ant. Chriſti humanitas comparatur templo, tabernaculo, atque indumento ; quoniam diſſolvenda erat per mortem, quoniam in ea habitabat plenitudo divinitatis, quoniam ſub ea latebat divina majeſtas ; concedo : ita his rebus comparatur, ut denegetur inter divinam, humanamque naturam uno ſubſtantialis & *hypſtatica* ; nego antecedens .

Præterea videntur Neſtorianum dogma confirmare complures ſententiæ Patrum : quorum aliqui cum Baſilio in Sermone de Spiritu ſancto ad Amphiloſchium, & in explicatione quinquageſimi noni Pſalmi appellantur Chriſtum hominem *Deiſerum*, ut adverſus anathe-matiſmos Cyrilli ait Theodoretus . Alii cum Auguſtino lib. xi. de Civit. Dei cap. 2. ſcribunt filium Dei *hominem* aſſumpſiſſe ; alii demum cum Chryſoſtomo Hom. 3. in Epiſtolam ad Hebræos affirmant Deum, & hominem *duas eſſe perſonas* .

At hæc non ſunt alicujus momenti . Baſilius enim non hominem *Deiſerum* appellat Chriſtum, ſed *Σαρκοεισσορον*, *Carnem Deiſeram*, eo quod revera humana caro ſit unita *hypſtaticæ* Deo Verbo : quamquam ſi *hominem Deiſerum*, aut Baſilius, aut alius dixerit, oppoſuit vocabulum iſtud Apollinario, qui a Verbo aſſumptam denegavit animam rationalem ; ideoque Chriſtum adverſus Apollinariſtas quidam hominem *Deiſerum* appellant, ne quis crederet divinum Verbum ſolam carnem abſque anima rationali, quæ humanæ ſubſtantię pars eſt præcipua, ſibi met copulaſſe . Ad commonſtrandam in Chriſto perfectam humanitatem corpore, animoque conſtatam, a Verbo aſſumptum, hominem Patres tradiderunt ; ideoque per *hominem* non ſignificaverunt hypſtaſim, ſed naturam . Et de Auguſtino nulla quidem occurrat dubitatio ; quum eo loci probet ideo Chriſtum eſſe Mediatorem Dei & hominum, quia in unitate perſonæ duas habet naturas ; hominis, qua eſt via perveniendi ad Deum, & Dei, ad quam homines pervenire appetunt ; ideoque ait : *Sola eſt adverſus omnes errores via munitiſſima, ut idem ipſe ſit Deus, & homo, quo itur Deus, qua itur homo* . Chryſoſtomus denique ex Epiſtola ad Hebræos refellit perverſiciam Judæorum, qui negant veniſſe promiſſum Liberatorem, hæreticoſque illius ævi, præſertim Paullum Samofatenſem, & Marcellum Photinianum, qui oppugnarunt divinarum perſonarum diſtinctionem . Scribens ergo duas eſſe *perſonas*, Deum, & hominem, quod ibidem bis affirmat, contra Judæos primum, deinde contra Marcellum ; ſignificat primo, præter Deum inviſibilem qui Chriſtum unxit, eſſe Deum hominem qui a Patre unctus eſt, exponens ea verba, *Propterea unxit te Deus, Deus tuus* : deinde inquit plures dari perſonas ſecundum *hypſtaſim* diviſas, Filium nimirum & Patrem ; atque ita myſterium Incarnationis & Trinitatis colluſtrat . Quare errant, qui putant accipi a Chryſoſtomo *Perſonam* pro *natura* ; quod

omnino apud Chrysostomum inusitatum est, & liquet ex repetitione ejusdem sententiæ contra Photinianos: dum enim ait S. Doctor, *ἡ φύσις*, duas personas esse Patrem & Filium, oppugnans Marcellum proculdubio demonstrat per *τὴν φύσιν* hypostasēs, non discrepantes naturas. Qui vero cum Sixto Senensi lib. vi. Biblioth. S. Annot. 329. Vellossillo Adv. in Tom. iv. Chrysostomi quæst. 29. aliisque doctis viris arbitrantur verba Chrysostomi in Græcis codicibus fuisse depravata, etsi id conantur ostendere ex Theophylacto, & ex verborum antithesi, manifestæ rationis patrocinio destituuntur.

Nestoriani insuper obijciunt: Christus perfectus homo est; perfectio autem hominis ubi est, si natura humana nequaquam per se subsistat? Imo si natura illa propria caret subsistentia, quomodo est vere propriæque substantia? E contra, quum humanitatis substantia in Christo una sit, quemadmodum una est in Socrate, aut alio naturæ humanæ individuo; habet consequenter subsistentiam suam, rationemque personæ, quum nihil hæc sit aliud, quam *rationalis naturæ individua substantia*. Hanc enim ex Boetio desumptam definitionem personæ Theologi communiter recepere.

Resp. in substantia distinguenda esse duo. Unum est *οὐσία*, *natura*, atque *essentia*, in eo sita, quod sit per se, scilicet non adhaereat alicui adinstar accidentis, quod permanente eadem natura potest deperdi; & si forte alteri conjuncta est, sit tamen de se idonea, ut existat a quocunque altero separata. Id in Christi humanitate nequaquam deest, quippe ex intrinsecis suis est anima rationalis, & caro, neque ita adhæret Redemptori nostro, ut ab eo divelli possit, subsistente adhuc Christi, qui duplici constat natura, hypostatica unione: quoniam si humanitas abesset, non Christus homo foret amplius, sed Verbum in forma Dei. Est etiam humana Christi natura adeo in genere suo completa, ut nisi haberet cum divina communionem hypostasis, subsisteret per seipsam. Nihil ergo eorum, quæ ad *οὐσίαν* pertinent, illi deest. Alterum, quod in substantia debet spectari, est *ἰσχύς*, substantiæ adventitia *habitus*, ut quod subsistat se sola, aut conjuncta alteri; id enim quemdam existendi modum importat, non perfectionem, quæ requiritur ad *οὐσίαν*, sive, ut inquirunt, *ad speciem* constituendam: atque hac ratione immortalis anima *substantiam* suam habet, sive conjuncta sit corpori, sive ab eo separata; cum hoc tamen discrimine, quod anima, cum *forma* sit, adhæret carni nexu connaturali, at Christi humanitas, cui nihil deest ex modulo speciei suæ, mirabili œconomia, & virtute Spiritus sancti transit in consortium divinitatis. His explicatis diluuntur Nestoriana argumenta. Si enim spectetur in humanitate Christi *οὐσία*, & *natura*; habetur eadem substantialis perfectio, ac in hominibus ceteris: si attendatur *ἰσχύς*, & *existendi modus*; est longe humanitate nostra præstantior: quippe me-

melius eſt eſſe Dei, quam creaturæ, & præſtantius regi divina poteſtate, quam imbecillitate mortali. Eſt etiam Chriſtus, quemadmodum Socrates, aut hominum alter, *individuum* humanum, in quantum unus homo eſt, præditus propria & ſingulari *ſubſtantia*: at non eſt in ratione *perſonæ* Filius Dei aliis hominibus æquiparandus; quoniam cum *perſona* ſit individua ſubſtantia ſui juris, & *incommunicabilis* alteri, natura Socratis a Deo non aſſumpta, neque alia communicatione fruens, quàm naturalium proprietatum, ſui juris eſt, ſive *perſona* creata: ſed humana natura Chriſti conjuncta Verbo, & fruens conſortio divinitatis, tranſiit ad jura divinæ perſonæ; & ideo quamvis una ſit, atque individua, caret propria *perſonalitate*, & hypotaſi. Definitionem itaque Boetii vera eſt, ſi nomine *ſubſtantia* intelligas naturam *completam*, & aſſectam peculiaris exiſtentiaẽ modo, atque, ut Scholæ loquuntur, *ultimò terminatam*; falſa autem ſi intelligas aut naturam *incompletam*, qualis eſt anima rationalis, aut naturam aſſumptam, & ad jura divinitatis evectam, qualis eſt humanitas Salvatoris.

C A P U T XIV.

An Beata Virgo dicenda ſit Genitrix, ideſt, Deipara.

PRÆCEDENTI affinis eſt quaſtio, an intemeratam Virginem appellare debeamus *Genitrix*, *Dei matrem ac Genitricem*, an, ut contendeſſet Neſtorius, *Χειρὶν* tantum, ſcilicet *Matrem Chriſti*: quod ut rite definiatur, vis nominum eſt inquirenda. Verbum *γεννᾶν* non ſolum ſignificat *parere*, & *in lucem fetum effundere*, ſed etiam illum gignere, atque in propriis viſceribus formatum emittere. Affert complura exempla ex Homero, Sophocle, & Heſiodo Robertus Conſtantineſis in Lexico; nonnulla etiam ex Patribus, qui idem verbum uſurparunt in explicanda æterna Patris generatione, de Incarnat. lib. 111. cap. 15. eruditus Petavius. Ilinc apparet Neſtorii vaſtrities, & liquet cur aliquando viſus ſit *Genitrix* non reprobare, in quantum Virgo puriſſima ediderit Salvatorem, at non Deum factum hominem, ſed Chriſtum, in quo ipſe Deus inhabitaverit. E contra etiamſi veriſſime genuerit illa dominum Jeſum Chriſtum, ſitque proinde *Χειρὶν*; vigente tamen Neſtoriana hæreſi, opportunum erat *Χειρὶν* non pronuntiare, ne Chriſtum, ac Deum Verbum quis in duas perſonas diſperceret. At explicatis vocabulis, pertractandum de dogmate.

PROPOSITIO. Virgo Maria recte appellatur *Genitrix*, *Deipara*; quum revera Deum genuerit, atque in utero ſuo formatum ediderit.

Demonſtratur 1. auctoritate Scripturarum. Principio huc ſpectant,

Etant, quæ filium hominis Deum ac dominum esse declarant, de quibus libro vii. cap. xi. nec non vaticinium Esaïæ explicatum cap. i. hujus libri. Deinde manifesta sunt verba Apostoli scribentis ad Rom. 1. 3. de Filio Dei: *Qui factus est ei ex semine David secundum carnem.* Quem ergo enixa est Virgo mater, est idem Filius Dei, & quidem non adoptione, sed nativitate, generatione, ac natura. Enimvero si cum aliquibus legendum putas, *τοῦ τῷ ᾧ αὐτοῦ τῷ γυναικὶ ἐκ σαρκὸς Δαβὶδ κατὰ σάρκα*, qui factus est ex semine David secundum carnem; aperte Dei Genitricem fateris; si contendis scriptum *τῷ γυναικὶ*, qui natus, & genitus est, idem sequitur apertissime: fateris enim Mariam non solum peperisse filium Dei, sed etiam illum genuisse; & hominem efformasse. Neque de filio adoptivo loquitur Paulus, cum addito pronomine *αὐτοῦ* designet filium proprium ac singularem, illum dominum appellet, & commissum sibi Evangelicum munus commendans scribat per ipsum Christum, non per homines, se fuisse, vocatum Apostolum, & segregatum in Evangelium. Atque ad Galatas iv. 4. ait idem Paulus: *Misit Deus filium suum factum ex muliere, factum sub lege.* Utrumque occurrit hoc loco, *γυναικὶ ἐκ σαρκὸς*, genitum, & hominem factum ex muliere, atque *γυναικὶ ὑπὸ νόμου*, factum & constitutum sub lege. Ex his argumentamur. Recte appellatur Dei Genitrix, quæ concepit, peperit, genuitque Verbum unigenitum Dei filium. Maria Unigenitum Dei filium concepit, ac genuit. Recte ergo Maria semper virgo dicitur Dei Genitrix.

Confirmatur Catholica veritas traditione: Martyr Justinus in Apologetico inquit: *Verbum formatum est, & homo factus ex Virgine.* Ignatius in Epist. ad Ephesios: *Deus noster Jesus Christus ex Maria genitus est.* Hyppolitus Martyr laudatus etiam a Theodoro: *Verbum Deus, & homo, primogenitus in utero formatus.* Cyrillus Hierosolymitanus Catech. xii. *Crede illum ipsum unigenitum filium, ex Virgine iterum genitum esse.* Nazianz. Orat. 51. *Si quis Sanctam Mariam Deiparam non credit, extra divinitatem est.* Cyrilli Alexandrini, qui adversus Nestorium pro honore Deiparæ decertavit, non opus est exscribere testimonia: nam ubique Virginem esse Dei Genitricem contendit, in suis Anathematismis, in Epist. ad Acacium, ad Clericos Constantinopolitanos, ad Monasteria, in suo Apologetico, &c. Afferamus & Latinorum aliquos. Tertullianus de Carne Christi cap. 17. *Ante omnia, inquit, commendanda eris ratio, quæ præfuit, ut Dei filius de Virgine nasceretur.* Ambrosius Epist. 63. *Filium coæternum patri suscepisse carnem, natum de Spiritu Sancto ex Virgine Maria, &c.* Augustinus denique de dono Perseverantie cap. ultimo: *Dicimus Christum Deum verum, natum de Deo Patre sine ullo initio temporis, eundemque hominem verum, natum de homine matre certo plenitudine temporis, &c.* Nisi hæc sufficiant vide

Coccium lib. 111. art. 2. Petavium libro 111. de Incarnat. cap. 14. & 15. & Nat. Alex. differt. 111. in Hiſt. Eccl. ſæculi v.

Addam poſtremo loco rationes . I. Qui Virginem eſſe Deiparam imperite negant, huc neceſſario adiguntur, ut Chriſtum in duas perſonas dividant, conſtituantque duos filios, unum genitum ante Luciferum, & alterum factum ex ſemine David ſecundum carnem . Id vero ſuperiori capite reſutavimus . II. Aut filius Virginis verus eſt Deus, aut verus Deus non eſt . Si non eſt verus Deus, ſubvertitur Incarnationis myſterium, neque *Verbum caro factum eſt*, quod tam aperte legimus in Evangelio . Si autem filius Virginis eſt verus Deus; debemus illam appellare *Θειάν*, ac Deiparam . III. Judæi filium Virginis crucifixerunt, quod ſe faceret filium Dei; ob eandem cauſſam Pontifex Caiphas ſeidit veſtimenta ſua, quaſi blaſphemum fuerit, quod ipſi interroganti Matth. xxv. 63. *Adjuro te per Deum vivum, ut dicas nobis, ſitu es Chriſtus filius Dei vivi*; reſpondit Dominus, *Tu dixiſti*. Porphyrius etiam, Julianus Apoſtata, alique Pagani hoc maxime in Chriſtiana Religione derident, quod credamus ipſum Deum conceptum ex Virgine, natum, & crucifixum . Si Chriſtus eſt idem Filius Dei, Maria *Θειός* eſt; & jure meritoque Neſtorius damnatus eſt tanquam Paganus, Judæus, novus Caiphas, atque Porphyrius, aut Julianus, ut in Notis ad Synodum Ephelinam demonſtrat vir eruditiffimus Chriſtianus Lupus . E contra ſi quem gennit Maria, non eſt idem verus, proprius, ac naturalis Dei filius: merito illum damnarunt Judæi, merito Caiphas quaſi blaſphemum redarguit, merito Pagani negant ipſum Deum crucifixum; quod cum ſit valde neſaſtum, impium, dictumque horrendiſſimum, Chriſtum Deum & hominem, & beatiſſimam Virginem Matrem Dei appellare debemus: ita Scriptura, Patres, & ratio ipſa demonſtrant; ita etiam, ne ſacros Vates hoc loco prætermittamus, lib. vi. de Laude Caſtitatis Alcimus Avitus:

*Ante avum de Patre, ex Matre in tempore natus,
Seminis hinc expers omnino, & temporis illinc.
Sic Virgo ſecunda fuit, qua pondere caſto
Faſtorem portare ſuum, Dominumque perennem
Edere promeruit, dignoque agnomine dici
Virgo DEI MATER.*

OBJECTA DILUUNTUR:

Sequuntur contraria argumenta, quorum primum ſit: Probant Catholici Mariam eſſe *Θειάν*, quod enixa ſit Filium Dei, genitum ex ſemine David, & factum ex muliere, ut in Epiſt. ad Rom. ſcribit Apoſtoloſ . At ibidem verſu 4. Chriſtus natus ex ſemine David dicitur

tur Filius Dei prædestinatione & gratia, non generatione & natura; nam legimus: *Qui prædestinatus est filius Dei*. Corruit ergo prior argumentatio petita ex Apostolo. Additum est in hujus confirmationem, quod Christus in Sacris literis dicitur Deus. Verum nonne idem nomen Moyſi, Judicibus, Regibus, Angelis, & piis, justisque tribuitur? Nequit ergo Nestorius auctoritate Scripturarum refelli.

Resp. nego minorem; siquidem verborum Apostoli sensus est, Christum fuisse prædestinatum filium Dei, in quantum prædefinitum erat, ut virtute miraculorum, & præsertim resurrectione ex mortuis palam fieret illum esse, quem olim prænuntiaverunt Prophetæ. Atque hunc sensum planum mihi reddunt sequentia. I. Syrus ~~ἡγεμόνης~~ vertit, *Qui cognitus est*. II. ~~ὁμοιωμένης~~ apud Chrysostomum idem est, ac ~~ἡγεμόνης~~, ~~ἀποστόλων~~, ~~ἡγεμόνης~~ ~~καὶ τοῦ ἀρχαίου νόμου~~, & ~~ἡγεμόνης~~, idest, *Qui demonstratus, declaratus, & judicatus est omnium sententia ac suffragio Filius Dei*. III. Ibidem innuit Apostolus, quomodo sit prædestinatus, dicens: *in virtute, secundum spiritum sanctificationis ex resurrectione mortuorum*. IV. Idem commonstrat antithesis & ordo verborum: nam primum ait Apostolus hunc Dei filium promissum in Scripturis sanctis; deinde factum ex femine David secundum carnem; tum prædestinatum in virtute; non ergo de sola prædestinatione, quæ est electio gratiæ facta ante mundi constitutionem, sed de manifestatione divinitatis, & de prædefinita gloria Christi loquitur sanctus Paulus. Si mavis tamen Christum esse prædestinatum Filium Dei secundum carnem, hoc sensu, quod præfinitum fuerat Verbum carnem fieri, atque ita hominem esse ob substantialem unionem inter utramque naturam Filium Dei naturalem, hanc etiam explicationem admitto. At Filium Virginis appellari Deum attributione quadam, ut Moses & Angeli, falsum esse demonstravi lib. vii. cap. xi. ex nomine tetragrammato, ex appellatione unius Dei, ex eadem cum Patre operatione ac potestate, aliisque characteribus, qui nequeunt alicui, nisi summo Deo, convenire.

Secundum pro Nestorio argumentum est: Vox *Deipara* inusitata penitus est: frustra illam in sacris literis perquiras: nullam ejus inentionem fecit Nicæna Synodus. Apud Patres nunquam occurrit ante Leonem Magnum, qui omnium primus illam intrusit: noluerunt illam Symbolo addere Patres Synodi Chalcedonenſis, etiamſi id flagitare nonnulli. Nova est ergo vox illa, atque repudianda.

Resp. Nihil hac argumentatione pro Nestorio concludi. Nam i. neque in Scripturis inveniunt Nestoriani voces ~~ἡγεμόνης~~, & ~~ὁμοιωμένης~~, idest, *Dei susceptivæ*, quas pro *Deipara* impie substituebant. Deinde, si hæc vox in sacris literis non reperitur, occurrit ibidem res ipsa, ubicunque Christum esse Deum, & esse unum pronuntiant: ac possumus idcirco

idcirco reſpondere , quæ de vocabulo *ἐμμεν* ſcribit Auguſtinus in Epiſt. ad Paſcentium laudata Volumine 11. pag. 101. Præterea quælibet hæreſis , ut veritas Catholica diligentius defenderetur , impulit nos ad uſurpanda quædam vocabula , & ad quæſtiones inſtituendas , de quibus ſolicitè non erant antiquiores . Quantum ad Patres attinet , S. Cyrillus in Apologetico pag. 162. & 163. Tom. 1. demonſtrat hac voce uſos fuiſſe Petrum Alexandrinum , Athanaſium , & Amphilochium Epiſcopum Iconii , alibi laudat Antiochum , & Ammonem . Eſi non omnes *Θευιον* expreſſe protulerint , ut animadvertit cit. cap. 5. Petavius , tradiderunt tamen vocis ſignificationem ; ac ſplendide mentiſtur Neſtorius , dum ait vocabulum iſtud adinventum ab Apollinario , & primum in uſu receptum a Leone , quum manifeſta ſit Gregorii Nazianzeni ſententia paullo ſupra producta . Vide Not. Chriſt. Lupi ad 1. Cyrilli Anathemaſiſmum . Quantum vero ſpectat ad Nicænam Synodum , reſpondit idem Cyrillus in Epiſtola ad Cler. Conſtantinop. v. culæ huius non meminiffe , quia nil ejusmodi in controverſiam adducebatur : ſi tamen lubeat vim ſententiarum perpendere , ſacram Virginem ab eadem Synodo declarari Deiparam , dum illum ipſum , qui ex Deo Patre natus eſt , dicit incarnatum & hominem factum . Eamdem ſententiæ vim tenuerunt Patres Ephesine & Chalcedonenſes ; qui *Deiparam* Symbolo non addiderunt ob graſſantem hæreſim Euty-chianam ; ut diximus Tomo 11. pag. 141. His ergo penitus Neſtoriana argumentatio revincitur .

Argumentum alterum Neſtorii erat: Virgo non genuit divinitatem, quomodo ergo dicenda eſt Dei mater ? Huc ſpectant omnia alia ejusdem hæreſiarchæ ſophiſmata ; illud maxime , quod Mater filio conſubſtantialis eſt , ideoque qui Mariam dicunt *Theotocon* , illam faciunt Deo conſubſtantialem ac Deam , renovantque hæreſim Appollinarij , qui aſſerebat natam ex Virgine divinitatem , idem vocabulum *Θευιον* adhibens in ſuæ impietatis ſtructuram . Addebat Neſtorius , quod cum ſit in Chriſto duplex ſubſtantia , non potuit utraque ex Virgine generari , ideoque genita ab illa eſt tantummodo ſubſtantia hominis , unde hominis Genitrix fuit , non Dei .

Reſpondeo in Chriſto duplicem eſſe naturam , divinam atque humanam , atque ut Virgo dicatur Dei parens , ſatis eſſe , quod genuerit ipſum Chriſtum , qui ob ſubſtantialem inter utramque naturam unionem ſimul eſt verus homo , & verus Deus ; neque ullatenus ad hoc requiritur , ut divina ſubſtantia abſolute ſpectata ſit genita ab ipſa Virgine . Enimvero mulieres omnes , quæ genuerunt , matres dicuntur hominum , qui conſtant corpore & anima rationali ; quamvis ipſam animam partem hominis nobiliorem non generaverint : neque dici ſolent genitrices corporum , quibus formam dedere , ſed perſonarum , in quibus corpora unita ſunt animabus . Audiatur Cyrillus

hæc

hæc scribens in Epist. ad Monachos: *Etsi mulieres istæ non nisi terrena sint corporum matres; nihilominus tam totum animal pepererint ex anima & corpore compositum, non solam ejus partem peperisse dicuntur. Nec aliquis dixerit, Ex causa, Elisabetham matrem Joannis carnis esse genitricem, non animæ: peperit enim animatum Baptisam, ac sic tanquam unum aliquid ex ambobus hominem, anima videlicet, & corpore. Hujusmodi quippiam atum esse fatebimur in Emmanuelis generatione; quippe natum est, ut dixi, ex Dei Patris substantia Unigenitum ipsum Verbum. Cum autem carnem suscepit, eamque propriam sibi fecit, ut filius hominis esset, ac similis nostri fieret, tunc minime est absurdum dictum, imo necessario profitendum, illum ex muliere secundum carnem esse natum, quemadmodum anima una cum proprio corpore gignitur, & unum cum eo reputatur. Præterea etsi nonnulli Patres genitam a Virgine divinitatem scripserunt, quemadmodum etiam quidam appellarunt Verbum substantiam genitam; nos nequaquam dicimus divinam naturam ex femine utero extitisse, sed affirmamus genitam ex muliere personam, quæ secundum divinitatem est Filius Dei verus, & secundum carnem filius hominis verus; ut recte animadvertit S.P. Augustinus lib. 111. contra Faustum cap. 6. Quare illi Patres, qui ex Virgine genitam divinitatem dixerunt, non naturam solam nomine divinitatis significarunt, sed naturam cum hypostasi; quoniam natura ex se, & absolute spectata, nec gignit, nec gignitur, ut dictum est alibi. Atque hæc notanda sunt pro conciliandis SS. Patrum sententiis.*

Ergo ad Nestorii argumenta respondeo, quod Virgo non genuit divinitatem, sed genuit secundum carnem Christum, qui est verus Deus; atque id sufficit, ut dici debeat *Genitrix*: neque proinde est Dea aut Deo consubstantialis, quoniam illum non genuit secundum divinitatem, quam ab æterno habuit a Patre, sed secundum carnem, quam ex matre suscepit in tempore. Eo pacto qui *Genitrix* fatentur, non incidunt in hæresim Apollinarii, quoniam non inquirunt divinam Christi naturam ex utero Virginis primum extitisse, sed ex eo carnem assumpsisse Verbum, quod in principio erat Deus. Imo ut observarunt docti viri, Petavius de Incarnat. cap. XIX. libri V. & Lupus in Scholiis ad Synodum Ephesinam, Anath. 1. Cyrilli, probantque evidenter ex Facundo Hermianensi, Apollinarius negabat Deum esse genitum ex Virgine: putabat enim sibi partem substantiæ suæ, idest, Deitatis in carnem vertisse, & in Maria, non ex Maria fuisse incarnatum; autumans illam carnem conversam in divinitatem consubstantialem esse Patri, non Matri. Quapropter Nestorius Apollinarii hæresim inscite nimium, & audacter Catholicis objiciebat. Quod postremo addebatur non posse duas substantias gigni ex una, haberent aliquid roboris, si gigneretur utraque substantia separatim. At nos dicimus cum Fer-

rando

rando in Epist. ad Anatolium, genitam ex Virgine divinam substantiam adunando sibi humanitatem, sive genitam ipsam divinitatem incarnatam: aut fortasse melius, non divinam substantiam, sed divinam Personam secundum carnem.

Peracutus quidam Scholasticus, mihiq; etiam amicitia conjunctus ludicra quadam argumentatione ita argutabatur: Beata Anna appellari nequit Dei avia, quemadmodum definitum est Romæ in damnatione libri Joannis Thomæ a S. Cyrillo, *De laudibus Divæ Annæ magnæ Matris Deiparæ, dignæ Verbi Incarnati Avia*. Igitur Virgo Maria nequit appellari *Deipara*: atque hac argutatione contorfit valde, (tale est Sophistarum ingenium,) haud rudem Theologicæ Cathedræ Moderatorem.

Ad hanc lepidam, nec vulgarem objectionem ego quidem reposuissem, posse Catholico sensu Divam Annam dici Salvatoris nostri aviam, tametsi magis expediat ab istiusmodi nimium communi abstinere vocabulo, ne videatur adinstar hominum ceterorum Christus natus ex Virgine carnali propagatione. Eo namque pacto, quo Dominum Jesum filium Abraham, & Davidis nominamus non solum ob divinas promissiones, verum etiam quia factus est ex illorum semine, nimirum ex Virgine ab illis progenita; non repugnat dicere ipsum Dominum nepotem Joachimi & Annæ, in quantum ex filia utriusque genitus est. Revera Tom. x. Biblioth. PP. pag. 685. extant Andreæ Cretensis Canones, & Triodia, quorum unum præfert titulum, *Die nona Decembris Conceptio Sancta, ac Dei Avia Anna*: neque id tribuendum est Latino Interpreti, cum & Græcis pag. 252. Parisiensis editionis Codex Operum Cretensis habeat: *Ἀντιγόνη δὲ ἡ εὐδαίμων τις ἄνθρωπος, καὶ θεογονήσασα Ἄννα*. Quæ vero aviam Christi dixerunt, licet non adeo conspicui, laudantur a prædicto Joanne Thoma cap. 28. citati libri. Atque hunc proscriptum esse, non ob hæreticam doctrinam, sed ob aspera quadam, atque ut ita dicam, nimix devotionis argumenta, liquet ex Indice librorum expurgandorum. Et sane Auctor ex quo avia Christi sit Anna, pag. 392. & seqq. demonstrare nititur ejusdem Annæ cognationem esse divinam, eandem appellat socrum Spiritus sancti, contendit esse Dominam Angelorum, ait esse aviam Christi *plenius*, quam alia mulier avia sit nepotum suorum, affirmat & ipsam *concurrisse* ad unionem hypostaticam; ac scribit alia complura, in quibus erga D. Annam devotio dialectice syllogizans potest simpliciores in errorem inducere. Hac ergo ratione Annam Dei aviam dicere non debemus.



CAPUT XV.

Vindicatur S. Cyrillus Alexandrinus a nota hæreseos.

NULLUS Nestorium magis exagitavit, quam sanctissimus Alexandrinus Antistes Cyrillus, qui anno 412. Theophilo vita functo successerat. Is erumpente circa annum 419. Nestoriana hæresi ejus auctorem gravi, & erudita Epistola admonuit; deinde cognita Nestorii pervicacia per aliam Epistolam certiore reddidit perniciosi erroris Romanum Pontificem Cœlestinum. Coegit etiam adversus Nestorianos Synodum Alexandrinam, in qua edita fuerunt duodecim Capitula, sive Anathematismi contrarii Nestorianis blasphemis; quibus anathematismis impius hæresiarcha duodecim alios opposuit. Ut ergo Nestorius a Cyrillo redarguebatur, quod unum Christum in duos filios disjeceretur, & Virginem Mariam negaret esse *Deiparam*; ita Cyrillus infimulatione erroris Apollinarii, & Aarii reprehendebatur a Nestorio, quod statueret unam in Christo naturam. Nec defuerunt Cyrillo adversarii clarissimi ex eo præsertim commoti, quod scripserit *unam esse naturam Dei incarnatam*: inter quos numerantur Joannes Antiochenus cum Orientalibus aliis, Andreas Samosatenensis, & Theodoretus Episcopus Cyri: qui duo mandantibus aliis adversus Cyrillum coactis, studuerunt illius anathematismis scriptis impugnare. At Cyrillus editis vindiciis, & libro Apologetico omnem a se propulsavit suspensionem erroris, ita, ut etiam Joannes Antiochenus cum ceteris Orientalibus tandem Ephesinæ Synodo accesserint, & Theodoretus inita cum Cyrillo concordia Nestorium damnaverit. Nec sola Apollinarii hæresis objecta est Cyrillo, sed etiam scelus maximum, & immane, scilicet, quod Hypatiam celeberrimam Philosopham Alexandrinam ductus invidentia, & livore fecisset a plebe membratim discerpí, & adversus Orestem Præfectum plebem commovisset. Hypatiæ cædem contigisse anno Alexandrinæ Acræ 406. & V. Ae. 413. demonstrat Pagius ad annum ccccxv. num. 20.

Hanc impactam Cyrillo calumniam repellit Nat. Alex. Hist. Ec. sæc. v. cap. iv. art. 14. quod plebs Christianorum conspiratione facta exacerbavit Orestem, & Hypatiam occiderit infcio Cyrillo, qui tantum zelo fidei catholicæ permotus ejecerat Alexandria Judæos post illatam ab his ingentem cladem Christi fidelibus: quam ob rem Præfectus ratus a Cyrillo auctoritatem suam fuisse labefactatam, nunquam adducí potuit, ut injustam reprimeret indignationem. Atque hinc populi adversus Præfectum, & Hypatiam ei singulari amicitia conjunctam, & forsitan altricem dissidiorum, tumultuosa concitatio. Illius propterea auctorem fecit Cyrillum primus omnium Damascius in

in vita Isidori Philosophi, de quo Suidas, & H. Valesius in Notis ad Socratem pag. 86. Verum Damascio nullam fidem debemus, quod fuerit, ut animadvertit Guillemus Caveus in H. Eccles. Script., Christianæ Religionis hostis acerrimus. De his plebis Alexandrinæ in Orestem, & Hypatiam conspirationibus plura habet etiam Socrates lib. vii. cap. 14. & 15. nec Cyrillo admodum plaudit. Sed Socrates addictus erat Novatianis, quibus S. Antistes extremum bellum indixerat: ac præterea idem Socrates scribit Monachos Nitriæ, quibus auctoribus deteriora evenerunt, non a Cyrillo fuisse commotos, sed ferventiore animo præditos jam inde a temporibus Theophili, qui illos adversus Dioscorum armaverat. Fatetur etiam Hypatiam interemptam, non Cyrilli, sed Petri Lectoris conspiratione. Hac itaque calumnia repulsa, alteram, quæ spectat ad institutum nostrum, nunc expungemus.

PROPOSITIO. S. Cyrillus immerito insimulatus est hæresis Apollinarii.

Theologi solent hanc propositionem demonstrare extrinsecis argumentis ab auctoritate Summorum Pontificum, Conciliorum, ac Patrum. Cælestinus enim in Epistolis ad ipsum Cyrillum, ad Joannem Antiochenum, atque ad Nestorium, Cyrilli studium commendat, doctrinam probat, fidem confirmat, & zelum dignissimis laudibus concelebrat. Idem præstat Gregorius II. in Professione Fidei ad sanctum Germanum Constantinopolitanum Antistitem. Probarunt insuper duodecim Cyrilli Capitula Episcopi Aegyptii, qui ad Synodum Alexandrinam convenerant. Concilium Ephesinum illa ab omni errore declaravit immunia omnium Episcoporum consensu Aët. 1. & Aët. 9. in Relat. ad S. Pontificem Cælestinum. Synodus pariter Chalcedonenfis Aët. 2. contestata est, se idem credere quod Cyrillus: & in definitione fidei Aët. 5. ejusdem Cyrilli Epistolas suscepit, & consecravit. Quinta denique Generalis Synodus can. 13. eo nomine damnavit Scripta Theodoreti, quod oppugnare studuerit anathematismos Cyrilli. Catholicam præterea Cyrilli doctrinam, & ab Oecumenicis Synodis comprobata, scribit Epiphanius Archidiaconus Alexandrinus in Epist. ad Maximianum Episcopum, Joannes Sebastenus in literis Synodicis ad Leonem Augustum, Liberatus in Breviario, & alii. Nefas est igitur insimulare hæreseos sanctum Cyrillum tam amplo, firmissimoque judicio summopere commendatum.

Hæc sunt argumenta, quæ in defensionem Cyrilli proferri solent: hæc producit Natal. Alex. Dissert. viii. in Hist. Eccl. sæc. v. Jue- nin Dissert. v. de Essent. Incarnat. Cap. 11. Art. 2. Tournely Q. vii. de Incarnat. pag. 259. Boucat Dissert. 111. sect. 3. &c. Neque hæc a nobis infirma putantur: sed singula in compendium redacta sunt; illisque robur addimus ex quo Cyrillum *invictissimum Fidei propugnato- rem* appellet Ecclesia Romana in Martyrologio die 27. Januarii, &

Menologium Græcorum die 9. Junii : Anastasius quoque Sinaita in Hodego cap. v. Eulogius Archiepiscopus Alexandrinus in Oratione adversus Calumniatores SS. Patrum ; Photius etiam in Biblioth. Cod. 311. Idatus in Chronico, Gennadius de Script. Eccles. cap. 65. & posteriores omnes Historici. Verum cum non defuerint viri improbi, qui conati sunt adversus Cyrillum stilum acuere, contententes Synodum Ephesinam immerito illius scripta probasse, & deceptos fuisse in hac causa quamplurimos errore facti, & Nestoriani dogmatis ignorantia; videtur nobis opportunum vindicias Sancti Cyrilli non solum prædicatis, sed etiam sequentibus argumentis contexere.

Cyrillum itaque ab errore Apollinarii fuisse immunem ulterius his momentis evinco. I. Qui post Incarnationem duas in Christo naturas, divinam, humanamque docuit impermixtas, atque in suo esse distinctas permanere, is non est proculdubio Apollinarii infectus errore. S. Cyrillus duas post Incarnationem naturas impermixtas, & quantum ad *essentiam* distinctas profitetur. Igitur S. Cyrillus imbutus non est Apollinaristarum errore. Probatur minor. Idem Cyrillus in libro 11. contra Nestorium ait: *Ergo unum (Christum) confiteri, naturas non dividens, sed ita, ut scias interim, & sentias, aliam esse carnis rationem, aliam divinitatis sibi ipsi convenientem. Non enim carnem ipsam Verbi divinitatem factam esse dicimus. Et lib. 111. Altera quippe res est divinitas, altera nostra similis humanitas; si eam, quæ naturis inest, naturam consideres: verum conventionem, quæ in veram unionem fit, unus ex ambabus Christus existit.* Item Epist. ad Nestorium: *Differentes sunt, quæ in veram unitatem coactæ sunt naturæ; sed unus ex ambabus Christus, & Filius existit.* Plura alia afferentur in solutione argumentorum. II. Quidam insinularunt Beatum Cyrillum hæresis Apollinarii, quod scripserit unam esse naturam Verbi incarnatam, quod inter divinitatem & humanitatem admiserit *naturalem* unionem, & quod prædicaverit duas in Christo naturas *indivisas*. At nullam ex his præcipuis causis, quas prætexerunt Orientales, posse labefactare fidem Cyrilli invicta argumenta commonstrant. Immerito ergo hanc fidem quidam conati sunt vellicare. Prob. minor quantum ad primam partem. Etiam S. Flavianus in Professione Fidei, quam inscripsit Imperatori Theodosio probata ab omnibus Orientalibus, & relata a Sancto Eulogio Alexandrino apud Photium Codice cccx1. ait: *Etenim e duabus naturis Christum post Incarnationem in una hypostasi constitutas, unam naturam Verbi Incarnatam, & carne indutam dicere non negamus.* Dixerunt pariter unam naturam Dei Verbi incarnatam Athanasius in libro de Incarnat. Basilii Seleucienfis, & alii laudati a Dionysio Petavio lib. 1v. cap. 5. & 6., & in Synodo Lateranensi celebrata contra Monothelitas sub Martino I. damnatur anathemate.

Quis-

Quisquis secundum SS. Patres non confietur proprie, & secundum veritatem, unam naturam Dei Verbi incarnatam. Immerito itaque Divo Cyrillo conflat calumnia, quod refellens Nestorium *unam incarnatam naturam* dixerit. Probat ejsdem propositionis pars altera: Cum Nestoriani inter divinam humanamque naturam admiserint solam unionem moralem, & *secundum dignitatem*; fides catholica profitetur unionem veram, & *secundum hypostasim*, per quam Christus in duabus naturis subsistens sit verus Deus, sit una persona, sit idem Dei filius, & Virginis: id vero Sanctus Cyrillus affirmat statuens unionem *naturalem*; scribens in Declaratione tertii Anathem. Tom. 6. Regiæ edit. Parisiensis, pag. 149. se duarum naturarum unionem appellare *quoniam* adversus illos, *qui subsistentias post unionem dividunt, & singulas, hoc est, Deum, & hominem separatim ponunt, talemque illarum copulam confingunt, quæ secundum solam dignitatem contingit.* Et in Apologetico pag. 167. *Si naturalem unionem dixerimus, veram intelligimus.* Igitur S. Cyrillus immerito hæresis insinulatus est, quod in Christo unionem agnovit *naturalem*. Probat ejsdem minoris pars tertia. Appellare Christum *indivisum* eo sensu, quod sit unus *secundum hypostasim*, etsi natura humana non sit natura divina, non est consentire Apollinario, sed mysterium Incarnationis propugnare. At Divus Cyrillus ita prædicat de Christo *indivisum*, ut evincat unum esse *secundum hypostasim*, manente proprietate, ac distinctione utriusque naturæ: scribit enim in Epistola ad Valerianum Iconii Episcopum; *Confitemur quod a carne quidem est carnem esse, quod a Deo Deum esse; sed idem secundum utraque Christus, unus Filius, unus Dominus.* Et in Epistola ad Acacium Episcopum Melitenensem testatur se cum Orientalibus *non dividere unum Filium, & Christum, e Patre ut Deum, & ex muliere natum in carne ut hominem.* Sanctus ergo Cyrillus prædicans Christum *indivisum* propugnat Catholicam Fidem Incarnationis, non consentit Apollinario, non Ario, non Eunomio, non hæreticorum alicui. III. Etiam si in composito duæ sint distinctæ naturæ, ut in homine natura spiritalis, atque corporea; post earum substantialem unionem recte dicitur *una natura compositi*, v. g. una natura hominis; neque dicendo unam hominis naturam, significatur esse unam eandemque substantiam carnis, & spiritus, sed esse unam personam in utraque substantia. At D. Cyrillus nunquam dixit absolute unam esse in Christo naturam, sed aut esse *unam naturam Dei incarnatam*, ut inquit in Commonitorio ad Eulogium; aut esse *naturam unam Verbi facti hominis, post unionem*, ut in Epist. ad Acacium; aut *unam esse naturam tantum in composito*, ut in Epist. ad Succesum: imò prohibet unam naturam dicere, *quia Christus est unus ex duabus naturis*; in eadem Epistola, aliisque in locis productis a Photio in Bibliotheca

pag. 850. & seqq. Ergo Cyrillus non ait unam eandemque in Christo esse naturam humanam, atque divinam, sed unam *naturam* Christi secundum *hypostasim*, scilicet, post unionem esse unam Personam indivisam ex duabus naturis compactam. IV. Orientales, qui adversus Cyrillum convenerant, omni procul dubio duas in Christo fatebantur naturas, easque expresse distinguebant in Professione Fidei exhibita Sancto Cyrillo a Paulo Emiseno. At idem Cyrillus Fidem Orientalium probavit in Epistola ad Acacium Melitenensem; & Epistolam redditam sibi a Paulo Emiseno scribens ad Joannem Antiochenum appellavit *irreprehensibilem*: imo cum nonnulli accusarent Orientales, propterea quod duas naturas confiterentur, ut scribit S. Eulogius, primo Cyrillus erubuit, veritus ne denegarent cum Nestorio hypostaticam unionem; quippe idem Nestorius prætextu duarum naturarum curabat etiam hypostases separare: sed Epistola Orientalium accurate perlecta, se illis per omnia consentire affirmavit, scribens ad Valerianum Iconii Episcopum, etiam Orientales damnare hæresim Nestorii, Virginem fateri *Deiparam*, & unum Christum perfectum in divinitate, & perfectum in humanitate, non divisum in duos Filios, & Dominos, venerari. Si igitur Apollinaristæ non fuerunt Orientales, qui nondum explorata veritate steterunt adversus Cyrillum; neque Cyrillus ipse Apollinario consensit. Hæc quatuor argumenta a nobis addita iis, quæ communiter afferuntur, reddunt causam Cyrilli non solum auctoritate munitam, verum etiam invictissimis rationibus definitam, ac certam.

ARGUMENTA ADVERSUS FIDEM CYRILLI.

Pugnant adversus Cyrillum primum extrinsecis testimoniis. Illi quippe tanquam suspectæ fidei traduxerunt Joannes Antiochenus cum ceteris Orientalibus, Theodoretus, Ibas, & Isidorus Pelusiota. Quorum auctoritas pluris facienda est; nam quantum ad Orientales attinet, idem Cyrillus, ut vidimus, illorum Fidem asseruit irreprehensibilem, eique subscripsit; neque vicissim petiit ab iis, ut suis anathematismis subscriberent. Theodoretum tanquam Catholicum, recepit Synodus Chalcedonensis, non exigens ab illo, ut revocaret quæ scripserat contra Cyrillum. Isidorus Pelusiota ab ipso Cyrillo Patris loco habebatur. Ibas etiam a Chalcedonensi Synodo habitus est Orthodoxus. Horum itaque testimonium adversus Cyrillum grave est admodum ac æstimandum.

Resp. si ad testes provocemus, longe plures, atque auctoritatis præcipuæ stare pro Cyrillo, ac Synodum ipsam Chalcedonensem, quam producant in commendationem Ibæ, & Theodreti, in definitione Fidei, quæ extat Act. v. suscepisse, probasse, atque declarasse Or-

Orthodoxam ejuſdem Cyrilli doctrinam . Itaque omnes , qui ſiſtrent de Cyrillo iudicarunt , errore facti decepti ſunt . Primo enim Joannes Antiochenus , Theodoretus , & Ibas olim opinabantur Neſtorium recte ſentire , ut liquet ex præcedenti cap. xiiii . Nil ergo mirum ſi ex adverſo erroris inſimulabant invictiſſimum Neſtorii Oppugnatorem . Deinde hos revera fuiſſe deceptos demonſtrabimus capite proximo . Præterea hæreſes , quæ præceſſerant , contra ſacroſanctum Incarnationis Myſterium , & nondum explorata Neſtorii vaſtrities , novum , etiam *unionis hypſtatica* vocabulum , quod ad refellendam hæretici tergiverſationem opportune Cyrillus adhibuit , nec non unionis naturalis , & uniũs naturæ incarnatæ , nonnullos principio commoverunt ac perturbarunt .

Generali hac reſponſione præmiſſa ; quantum ſpectat ad Orientales , ſi Cyrillus illorum doctrinam probavit , ſi Epistolam ſibi redditam a Paulo Emiſſeno appellavit irreprehenſibilem , ſi tandem in pace Orientales Cyrillo adhæſerunt ; profecto in fide , & dogmate minime diſcrepabant . Hac de cauſſa Cyrillus Orientalium Fidei ſubſcripſit ; noluit tamen , ut illi inſtabant , profiteri ſe contra Neſtorii blaſphemias non recte ſcripſiſſe , ſed Apologeticis , & Declarationibus ſuos anathematifmos confirmavit . Quod ſi Cyrillus reciproca inſtantia non petiit , ut Orientales iſdem anathematifmis ſubſcriberent ; fecit id prudentiſſima œconomia ; quoniam rectam in illis fidem deprehendens , ſperabat fore ut ſedatis tandem animis , & dogmate majori in luce poſito , damnarent & ipſi Neſtorium . Neque id tantum Cyrillus præſtitit , verum etiam ſtetit pro iſdem Orientalibus adverſus eorum accuſatores : ex qua agendi ratione quantum fidei acceſſerit utilitatis , & quantum exiſtimationis Cyrillo , probavit rerum eventus , & inita Eccleſiarum concordia . Legatur Episto-la Cy-rilli ad Acacium Melitenenſem non ſemel in hoc capite laudata .

De Theodoro to plura dicam infra . Nunc ſat eſt reponere ejus contra S. Cyrillum ſcripta *Quintam Synodum* proſcripſiſſe . Fuiſſe , etiam Theodoretum a Cyrillo nimis averſum probant quæ de illo tradit in diſſert. Hiſtorica de ipſa V. Synodo noſter Noriſius . Etenim etiam poſt initam pacem , imo Cyrillo jam mortuo , ſe erga illum eſſe amaro animo ſignificavit in Episto-la ad Domnum , in qua ait in xxi . Capitulis latere venenum . Hæc autem ſcribebat Theodoretus circa tempora Concilii 2. Epheni , anno 449 . & quinquennio poſt Cyrilli obitum . Recepit quidem Theodoretum Synodus Chalcedonenſis ; ſed primum cum de ejus ingreſſu ageretur , Aegyptii omnes , Illyriciani & Palæſtini exclamarunt , *Magiſtrum Neſtorii foras* . Sedit tandem ob auctori-tatem Orientalium , ſed ea conditione , ut ipſius cauſſa poſtmodum cognosceretur . Ubi ad id abſoluta Synodo perventum eſt ; coactus eſt anathematizare Neſtorium , & cum vellet coram Synodo

Apo-

Apologiam recitare, fuit rumore universorum prohibitus. Ideo autem Synodus de scriptis Theodoretī ipsum recipiendo iterum non egit; quoniam actione v. illos plane abrogaverat probando S. Cyrilli doctrinam. Sed vide citatam Norisii dissertationem cap. xi.

Quid vero de Iba? In Epistola, in qua scribit Cyrillum lapsum in Apollinariī dogma, ait etiam Nestorium fuisse Episcopatu privatum *iudicio, & inquisitione non facta*. In hac Epistola Vigilius Papa contineri dixit *profanus blasphemias*: eamque S. Gregorius in Epist. ad Secundinum appellavit *non Catholicam*. Plura de hac Epistola citato loco Norisius. Fuit tamen Ibas restitutus Sedi suæ, quia constabat ex Actis in Synodo Berytenſi, dixisse anathema Nestorio, ideoque retractasse, quæ scripserat in Epistola ad Marim Persam, nimirum in illa, in qua S. Cyrillo dogma Apollinariī affricavit. Sed de his iterum. Nil ergo valet adversus Cyrillum quod asseruit Ibas partibus Nestorianis additus, & quod ipse coactus est retractare. Faciundus Hermianensis lib. vi. p. 242. ait Ibam non fuisse affectum *intentionem dicentium beati Cyrilli*: cujus alucinationis causam paulo supra explicavimus.

S. Isidorus Pelusiota Epist. 310. lib. 1. ad Cyrillum, & Epist. 370. ejusdem libri, ipsum quidem hortatur ut comprimat similitudines, atque dissidia, sed minime ait se fidem præstare iis, quæ de Cyrillo in vulgus spargebantur. Imo laudata Epist. 310. *Si ab utraque lema* (inquit) *purus, atque immunis esse studeas, noli violentas sententias ferre: verum illata crimina iusto, & integro iudicio committe*. Vide Biblioth. PP. Tom. vii. pag. 564. necnon proximam Epistolam 324. pag. 566.

EXPLICANTUR XII. ANATHEMATISMI D. CYRILLI.

Deinde obijciuntur adversus Cyrillum ipsius anathematismi: in quorum primo illud carpunt, quod scripserit S. Antistes de Virgine Deipara, *γεννηναι σαρκινῶς σάρκα γεννητα τὴν ἐν Θεῷ πατρὶς λόγῳ*, *Genuit carnaliter incarnatum Dei Patris Verbum*. Hinc duo videntur conſequi; unum quod Verbi divinitas conversa fuerit in carnem, quæ est hæresis Apollinariī; alterum, quod Deipara genuerit Dei Verbum *carnaliter*, non virtute Spiritus sancti. Verum respondetur, idem esse *τὴν σαρκινῶς*, *carnaliter*, ac *γεννητα σάρκα*, *secundum carnem*; eademque voce uti Athanasium Orat. iv. contra Arianos, & Greg. Nazianzenum in Epist. ad Cledonium. Male ergo Theodoretus ita hanc vocem accepit, quasi affirmasset Cyrillus demutatam fuisse Verbi divinitatem in carnem: contra quam interpretationem S. Cyrillus ita mentem propriam expressit in Explanat. hujus Anathem. Tom. 6. pag. 147. *Natum est enim Verbum secundum carnem ex S. Virgine, & aque ac nos homo factum est, non amittens esse Deum, sed existens quod*

quod erat, & in divinitatis natura permanent . Quod vero opponebant Orientales denegari a Cyrillo, quod beata Virgo Chriſtum peperit virtute Spiritus ſancti, ita idem Doct̃or diſpellit in Apologetico pag. 160. *Carnaliter dicere non eſt tollentis admirabilem divinitatem, neque evertentis Spiritus ſancti operationem, qua in utero formovis partum: ſed docentis potius, quod ſicut Deus gignitur divine, digne Deo, ſecundum ſuam naturam, ita homo humane, hoc eſt, caro carnaliter.*

Vellicarunt in 2. anathematismo quod ait Cyrillus, *σὰρξ καὶ ὁμιῶσα ὡς Θεὸς τὸ ἐν Θεῷ πατρὶς λόγος*, *carni ſecundum hypotaſim unitum Dei patris Verbum*. Objecit Theodoretus hanc vocem ignotam eſſe, neque a præcedentibus Patribus uſurpatam, atque per illam ſignificari utriuſque naturæ mixtionem. At Cyrillus in Explicat. hujus anathematismi reſpondet adhibuiſſe ſe hæc verba contra eos, qui ajunt hominem ſecundum ſolum dignitatis, vel auctoritatis conſortium Deo conjunctum eſſe. Eulogius Patriarcha Alexandrinus ait ab Ephesine Synodo primum receptam vocem unionis *ſecundum hypotaſim*, quoniam hæc reſelluntur aperte Neſtoriani: non enim adverſus hos hæreticos ſufficit fateri *unionem*, ut contendebat Theodoretus; quum ipſi minime generalem hanc vocem reſpuerent. Neque inuſitatum eſt novis hæreſibus erumpentibus nova etiam uſurpare vocabula, quemadmodum Nicæna Synodus recepit adverſus Arianos *μονοθεον*. Unius tamen perſonæ Latini Patres jam meminerant, præſertim Tertullianus adverſus Praxeam, & Auguſtinus laudatus cap. præcedenti, nec non Græcorum quamplurimi, quorum Cyrillus ſenſum, ac mentem expreſſit.

In tertio anathematismo notarunt Adverſarii hæc verba Cyrilli *κατὰ τὴν ὁμοῦν φύσιν*, *ſecundum unionem naturalem*; quaſi utriuſque naturæ ſignificent permixtionem. At reſpondet Cyrillus in declarat. hujus anathemat. pag. 149. ſe hanc vocem uſurpaſſe primo ad demonſtrandam unionem veram, & propriam, ac perfectiorem morali, quo ſenſu in Epift. ad Ephēſios dicimur *natura filii iræ*, ideſt, *vere ac proprie*: deinde ait uſum ſe iſdem vocibus adverſus Neſtorianos, qui *ſubſiſtentias poſt unionem dividunt, & ſingulas, hoc eſt, Deum, & hominem ſeparatim ponunt*. Quo autem ſenſu in hoc anathematismo ſcripſerit poſt unionem non eſſe in Chriſto dividendas *hypotaſes*, ipſe explicat in Apologetico pag. 165. ſcribens: *Dividere autem unum in duos filios, & ſolvere veræ unionis opus, diſtinguendo ſeorſum, & ponendo privatim hominem, & privatim Deum crimen eſt impium*. Itaque laudatis verbis Cyrillus demonſtrat Chriſtum unicam eſſe perſonam. Quidam putant diffiſſimum eſſe intellectū, an hoc loco Cyrillus nomine *hypotaſis naturam*, an *ſubſiſtentiam* ſignificet: ſed opinione mea quærent nodum in ſcirpo. Ex allata enim explicatione

ipsius Cyrilli constat illum asserere non esse dividendas substantias; in quantum Deus & homo non sunt *separatim ponendi*. Sive ergo dixeris, quod non sunt in Christo dividendæ Personæ, sive quod non subsistunt in Christo duæ naturæ separatæ ac disjunctæ, aut solum unitæ morali consortio dignitatis; eadem ratione hæresis Nestoriana refellitur. Nihil ergo ad hanc quæstionem spectat altera de significatione *hypotheses*. Opinor autem Cyrillum disputantem contra Nestorium, qui in Christo dispecebat non solum personas duas, sed etiam naturas; dum ait dividendas non esse *hypotheses*, utrumque significare, & quod Christus sit una persona, & quod una natura non subsistat ab alia divulsâ, ita, ut *hypostasis* non solum naturam importet, sed etiam ejusdem naturæ subsistentiam. Ita non dividuntur in Christo personæ, quia est unus filius; & non dividuntur naturæ, quia licet in suo esse permaneant, non existunt tamen separatim.

Arguebant Orientales Cyrillum antilogiæ, quia in Epist. ad Monachos scripserat: *Quantum ad suam naturam, non sanctificatum esse solum Dei patris Verbum, neque eum, qui ex Sancta Virgine genitus est, unctum esse, & sanctificatum solum*. Hinc inferebant etiam Cyrillum duas in Christo agnoscere hypostases. Natalis Alexander ait, ipsum Cyrillum respondere, se duas subsistentias *duas naturas* intellexisse. Nescio num verum sit, & num revera hæc respondeat idem Cyrillus. Enim vero in loco, quem opponebant Orientales non occurrit vocabulum istud ὑπόστασις, sed ipsi Orientales duas *hypotheses* inferebant ex textu allato, qui ad hunc modum se habet: *ὁμοῦ ἐστὶν ἡμεῖς ἐν ἰδίᾳ φύσιν, ὡς ἡγίασαμ ὑμᾶς μόνας ὁ ἐκ Θεοῦ πατρὸς λόγος. οἱ δὲ τὰς ὁμοῦ τὴν ἐκ τῆς ἁγίας παρθέτου γεννημένους κληρονομοῦν, τὴν ἡγίασαμ μόνος*. Hæc scripsit Cyrillus: hæc objectarunt Orientales. Vide opera Cyrilli Tom. vi. pag. 164. At hic expresse duæ *hypotheses* minime nominantur. Et responsio Cyrilli est, se ad Monachos scribentem tradidisse, quod non sunt ponendi duo filii seorsum, & privatim, neque Verbum Patris unctum esse oleo exultationis, separatim ab eo, qui est genitus ex Sancta Virgine, ut affirmat inventor blasphemiarum Nestorius; sed unum esse Christum, incarnatum, & hominem factum unigenitum Dei Verbum, in quo sunt quidem duæ naturæ, at non divise post unionem. Naturas, non ὑπόστασις appellat Cyrillus postremis his verbis, sed φύσις: omniaque præcedenti responsioni coherent. Vide Cyrillum eodem Tom. vi. pag. 166.

Adversus quartum anathematismum objiciebant Cyrillum affirmare, quod *Dei Verbo tribuendæ sint voces, quæ in sacris literis de Christo enuntiantur*. At id videtur duarum naturarum perimere differentiam; quoniam plura enuntiantur de Christo, quæ illi nequeunt convenire, nisi secundum naturam humanam. Quare etiam Arius, & Eunomius, ut divinitatem deprimerent, attribuebant illi quæ sunt

in homine vilia, & infirma. At immerito hæc Adverſarii infeſtabantur. Etenim Cyrillus nunquam aſſeruit tribuenda eſſe naturæ divinæ quæ conveniunt tantum humanæ, ſed damnavit Neſtorianos, qui dividentes perſonas Filio Dei attribuebant divina, filio Virginis attribuebant humana, tanquam *ἑνὸς ὑποστάτου, καὶ ὑποστάτου δύοιν, duas perſonis, ſeparatiſque hypoſtaſibus*: quibus verbis utitur in hoc Anathemaſino Cyrillus. Hinc in ejus declaratione pag. 150. ait: *Omnes itaque Evangelii voces, ſive illæ humanum quid ſonent, ſive divinum, in ἑνὸς ὑποστάτου, uni Perſonæ tribuimus*. Atque in Apologetico pag. 170. *Arius, Euphromius, & Apollinarius, & omnes ſocietatis illorum cbori, ſtudebant inducere nomen hoc Dei Genitrix, ut ſi commixtio fieret, & naturæ non diſtinguerentur, nihil humile de humanitate accipiendum eſſet, locumque jam haberent ipſi contra Deitatem*. Et paulo infra: *Nos vero utiliſſime anathemaſiſmum fecimus, non permittendo in duas dividi perſonas, & ſubſiſtentias, ut dicit ἑνὸς ὑποστάτου τι, καὶ ὑποστάτου, unum Dominum Jeſum Chriſtum*. Adverte Cyrillum tam in Anathemaſiſmo, quam in ejus declaratione non ſolum *ὑποστάτου* poſuiſſe, ſed etiam *ἑνὸς ὑποστάτου*, diſpellens omnem erroris ſuſpicionem.

In v. Anathemaſiſmo ægre ferebant Orientales, quod nollet Cyrillus Chriſtum dici *Θεοῦ*, Deiferum; quum idem vocabulum etiam Baſilius, alique uſurpaverint. Sed facili negotio Cyrillus criminationem iſtam propulſat pag. 152. demonſtrans adhibendam non eſſe hanc vocem *Θεοῦ* adverſus Neſtorianos autumantes Verbum habitare in Chriſto tanquam in Sanctis, de quibus Apoſtolus in 1. ad Corinth. vi. 20. *Glorificate, & portate Deum in corpore veſtro*: Et 11. Epist. vi. 16. *Vos enim eſtis templum Dei vivi, ſicut dicit Deus: Quoniam inhabitabo in illis, & inambulabo inter eos*. Et quidem nonne etiam Ignatius Martyr dicitur *Θεοῦ* in Chronico Alexandrino, in Actione prima Concilii Generalis vi. 11. in Græcæ Eccleſiæ Menæo, atque in ſuarum Epistoſolarum initio, ut diximus Volumine u. pag. 160? Hoc itaque nomine, quamvis nondum exortis Neſtorianis inculpatè uſurato, intempeſtive uſus foret horum hæreticorum accerimus Inſeſtator. De Baſilio dictum eſt cap. xi. 11. præcedenti.

Movit Orientales, quod Cyrillus inquit in vi. Anathemaſiſmo, *Deum non eſſe Dominum Chriſti*, cum is tamen ſervus dicatur ab Eſaia. Verum Anathemaſiſinus ad hunc plane modum ſe habet. *Εἰ τις εἴπῃ, ὅτι δὲ θεοῦ υἱὸς ὁ λόγος, ὅτι ἐκ τοῦ πατρὸς λόγος, Si quis dixerit Dei Patris Verbum eſſe Deum, vel Dominum Chriſti, &c.* Non ait hoc loco Cyrillus, aut non eſſe in Chriſto formam ſervi, aut non poſſe appellari ſervum Patris ſecundum humanitatem; negat alium eſſe Verbum Dominum Chriſti, & alium Chriſtum ſervum Dei Verbi, adverſus Neſtorium, qui Chriſtum a Domino divellebat. Explicat ſe apertiſſime Cyrillus ſequentibus ejuſdem anathemaſiſmi ver-

bis : *Et non potius Deum simul , & hominem ipsum confessus fuerit , prout Verbum caro factum est , &c.* Et in libro contra Nestorium III. cap. 2. *Ubi unquam Deus Christi ipsum Dei patris Verbum dictum est ? Unus est enim Dominus Jesus Christus .* Nihil anathematismus iste ad illam questionem , num Christus spectata natura hominis possit dici servus Patris , de qua infra : hic enim solummodo definitur Christum non esse servum Verbi ; quia nemo servus est sui ipsius .

Adversus anathematismum v 11. in quo vetat Cyrillus , ne dicatur *Deum Verbum in homine Jesu fuisse operatum* , opponebant Sophistæ negari ab eodem Cyrillo , quod tradit Paulus scribens ad Ephesios 1. 19. & legitur Act. Apost. 11. Christum virtute Dei e mortuis surrexisse , & mirabilia patrasse . Retundit hanc oppositionem Cyrillus in Declarat. hujus anath. pag. 176. dicens nunquam se denegasse , quod Pater in Christo , & Verbum in assumpta hominis natura fuerint operati , sed duntaxat quod Verbum Deus operatum fuerit in homine Christo , tanquam in persona ab ipso Verbo distincta . *Quod Pater* (inquit) *ex mortuis resuscitasse Dominum nostrum Jesum Christum dicatur , ex opere scilicet circa ejus carnem effecto , nemo est , qui ambigat . Ipse autem cum sit vita , & vivificator , & operatoria virtus Patris , suum vivificabat templum , juxta illud : Solvite templum hoc , & in tribus diebus excitabo illud .* Itaque quod vivificabatur non erat alienum , neque alicujus ex hominibus nobis similibus , sed proprium ipsius Verbi corpus . Sat est ad omnem expellendam criminationem ipsius anathematismi verba expendere , *ἡ τίς ποίος , ὡς ἄδραμον , ἐκζητῶναι ὑπὸ τῷ Θεῷ λόγῳ τὸν Ἰησοῦν , ὃς τὴν τοῦ μετὰ τὸν θάνατον προσηλῶσαι , ὡς ἱερεῖα παρ' αὐτὸν ὑπαίχωντι .* Si quis Jesum tanquam hominem a Dei Verbo operandi vim habuisse , & Unigeniti gloriam illi , tanquam alteri cuiquam ab ipso Verbo advenisse ait , anathema sit . En aperte affirmat S. Cyrillus Verbum Deum non operatum in homine Jesu , *ὡς ἱερεῖα παρ' αὐτοῦ* , tanquam in alia persona distincta ab ipso Verbo Unigenito filio Dei .

In v 111. Anathematismo , in quo docuit Cyrillus *una adoratione colendum esse Emmanuelem , neque assumptum hominem adorandum cum Deo Verbo tanquam alterum cum altero* , rationem afferens , quia particula *cum* , *σὺν* , significat distinctam personam ; arguebant Cyrillum secum ipso pugnare , quod alibi scripserit *Verbum assidere Deo Patri μετὰ σαρκίς , cum carne* . Est enim vis eadem particulae *σὺν* , & *μετὰ* . Respondet Cyrillus Apologetici pag. 180. utique utriusque particulae eandem esse potestatem , sed verborum complexionem esse spectandam . Nam si dixerō , E. G. animam cum suo corpore honore affici ; particula *cum* non demonstrat distinctionem personarum , quia personæ his verbis minime significantur , anima enim & caro non personarum sunt nomina , sed naturarum . At si dixerō simul con-

glorifi-

glorificari ſervum & Dominum, hominem & Deum, poſſum innuere perſonarum diſcrepantiam, quoniam hæc vocabula non ſignificant tantum naturas, ſed etiam hypotaſes, ac perſonas. Bene habet. Itaque Cyrillus dicens *Verbum ſimul cum carne adorandum*, τὸν λόγον μετὰ σαρκὸς διὰ προσκυνώμεθα, non multiplicat ſubſiſtentias, quia caro nomen naturæ eſt, non perſonæ: at Neſtorius affirmans *hominem aſſumptum una cum Dei Verbo adorandum, tanquam alterum cum altero*, τὸν ἀληθινὰ ἄνθρωπον ſυμπεροσυνώμεθα διὰ τῶ Θεοῦ λόγου, & ἑταροῖ ἐταρῶν, perſonas divellit; quia dicens *hominem, & Deum, alterum, & alteram*, designat ſejunctas hypotaſes. *Igitur factus eſt anathemaſmus contra eos, qui modis omnibus dividunt Emmanuelem in hominem ſeorſim, & Deum Verbum ſeorſim*: inquit eo loci Cyrillus.

Anathemaſmus IX. definit *Dominum Jeſum Chriſtum non eſſe glorificatum a Spiritu ſancto, tanquam ab aliena virtute*. Accuſatores Cyrilli hinc inferebant, ab ipſo denegari, quod Chriſtus plura ſigna fecerit efficientiâ, ac poteſtate divini Spiritus. At merito vir ſanctus reſpondet hanc eſſe puram putamque calumniam. Affirmans enim Spiritum ſanctum non eſſe virtutem alienam a Chriſto, imo ſtatim addens eundem Spiritum ſanctum, per quem ſigna operatus eſt, proprium eſſe ejusdem Chriſti, ſicut eſt Patris, docuit manifeſte Chriſtum non eſſe perſonam ſejunctam a Deo Verbo, nec ſigna patraſſe virtute aliena, quemadmodum de ſeiſpo teſtatur Petrus Act. 11. 12; ſed eſſe eandem perſonam Verbi, & habere cum Spiritu ſancto unam divinitatis naturam, ac poteſtatem, ideoque operatum fuiſſe ſigna, ac prodigia virtute propria. *In propoſito anathemaſmo* (inquit in Apologet. pag. 182.) *affirmavimus manifeſte, proprium eſſe Filii Spiritum ſanctum, & quod per ipſum perfecerit divina ſigna*. *At illi, quavis ſæpe affirmant me oblitum eſſe meorum ſermonum, in eam progrediuntur ſtupiditatem, imo dementiam, ut putent me dicere, quod Jeſus dæmonia non ejecerit per Spiritum. An non hæc manifeſta calumnia eſt?*

Definit Cyrillus in X. Anathemaſmo, *ipſum Deum Verbum eſſe Pontificem, & Apoſtolum confeſſionis noſtræ*: quod ſane Chriſto tribuitur in Epiſtola ad Hebræos 111. 1. Adverſus Cyrilli aſſertum opponebant Orientales, non poſſe Deo Verbo convenire, ut dicatur ſummus Sacerdos. Nam in eadem Epiſtola ad Hebræos, 111. 15. legitur hunc Pontificem, ut compateretur infirmitatibus noſtris, tentatum fuiſſe *per omnia pro ſimilitudine abſque peccato*: quæ in Chriſtum ut hominem poſſunt quadrare, at in Deum Verbum non poſſunt. Præterea Sacerdos Deo offert ſacrificium: Verbum autem, cui Deo ſuo, vel quale miniſterium ſuum offerre poteſt? Hæc Inſectatores Cyrilli. Sed is reſpondet, Verbum exiuvantum accipiendo for-

mam

mam servi, & carnem factum, quemadmodum sacrae literæ tradunt. Ut ergo Deus Verbum dicitur exinanitum, & factum caro ratione humanitatis assumptæ; ita non repugnat, quod sub hac ratione appelletur *Apostolus, & Sacerdos*. Quoniam vero Nestorius aiebat Christum Jesum, & Filium Virginis esse alium a Deo Verbo, & paulatim ad Pontificis dignitatem fuisse provectum; docet Cyrillus hoc anathematismo, Christum, qui est Pontifex, & Apostolus confessionis nostræ esse unum, idemque Verbum Dei Patris, quod fuit ab æterno. *Quomodo enim* (inquit contra Nestorium lib. 111. cap. 4.) *progressus est, ut temere fabularis, ad Pontificis dignitatem, cum Deus sit omnipotens?* Objectionem itaque Orientalium plane diluunt, quæ idem Cyrillus scribit in Apologetico pag. 189. *Quando dicis, indignum esse Deo, ut sacrificet, ad stipulor & ego. Sed si solum esset, & absque carne Verbum, verum diceret: at vero quia factum est caro, vide & sacrificantem propter humanitatem, & in dignitatibus ultra creaturam, sicut Deum.*

Undecimus anathematismus definit *Domini carnem vivificam ipsius Verbi, quod ex Deo Patre est, propriam esse, & non alterius cujuspiam ipsi Verbo secundum dignitatem conjuncti*. Ipsi Orientales in hujus anathematismi oppugnatione affirmarunt *propriam factam dominicam carnem Verbi per unionem*: unde apparet non dogmate illos errasse, se mala verborum Cyrilli intelligentia. Suspicati ergo sunt ne forte opinaretur Cyrillus dominicam carnem non esse e nobis assumptam, cum hæreticis cap. 2. refutatis. Superfluum quippe eis videbatur adjicere, quod non est caro dominica alterius cujuspiam, posteaquam dictum fuerat quod est propria Verbi: ideoque suspicabantur in his verbis latitare perfidiam antiquorum hæreticorum. At nugæ sunt istæ, & putidæ cavillationes: nam Cyrillus in hoc anathematismo expresse docuit dominicam carnem non esse alterius cujuspiam, *tanquam alienius personæ conjunctæ cum Verbo secundum dignitatem, ut itipō τῆς καὶ ἀπὸ, οὐκ οὐκ μὲν αὐτῷ κατὰ τὴν ἀξίαν*. Itaque vox *ἑτεροῦ*, *alterius*, non excludit consubstantialitatem dominicæ carnis cum materna, ex qua assumpta fuit ac propagata: sed tantum demonstrat non esse carnem *alterius personæ*, ut contendebat Nestorius; cujus nequitiam si plane Orientales deprehendissent, nunquam certe tanta acerbitate doctrinam Cyrilli vellicassent.

Postremus anathematismus tribuit Deo Verbo passiones, ipsumque appellat *passum, & crucifixum*. Quomodo, inquiunt Orientales, possumus Deo Verbo mortem ac passionem adscribere? Inepta, & nimis cavillosa objectatio. Non ait Cyrillus divinitatem passam, & crucifixam; imo nec absolute inquit passum & crucifixum Deum; quæ tamen num dici possint in sequentibus inquiremus: sed omni adhibito temperamento, ne quis passionem ac mortem tribueret divinitati

nātati cum Apollinariftis, aut negaret Chriſtum paſſum & crucifixum eſſe ipſum Dei Verbum incarnatum cum Neſtorianis, ait idem Verbum *paſſum carne, crucifixum carne, mortuum carne, reſurrex-
capū, & ſedens ſuper capū*. Atque ex his apparet nihil eſſe in Di-
vi Cyrilli anathematifiſis, quod non ſit per omnia fidei Catholica
conſentaneum.

C A P U T XVI.

*De fide illorum, qui ſteterunt adverſus anathematifiſmos
Cyrilli.*

MANIFESTUM eſt ex diſtis reſutaſſe Anathematifiſmos Cyrilli Oriē-
tales, qui cum Joanne Antiocheno convenerant ad Pſeudoſy-
nodum Ephesine, & ſingularem eorumdem Anathematifiſmorum.
Conſultationem edidiſſe Theodoretum Episcopum Cyri. Oritur hinc
quæſtio, num hi errore facti perſonæ tantum Neſtorii fuerint patro-
cinati, an etiam probando illius dogmata Orthodoxam fidem peſ-
fumdederint. Et quoniam adhærebant Joanni Julianus, Orontius,
alique Episcopi Pelagiani e propriis ſedibus expulſi, atque in Aëtis
ejuſdem Synodi legitur quidam Canon Pelagianam hæreſim continens;
hoc etiam controvertitur, an hanc foverit idem Joannes Antioche-
nus Antistes. De Joannis, ac ſactionis ſuæ ſuppoſito Pelagianismo
erudite pertractant Lupus diſſert. de Synodo Ephesine cap. 4. Garne-
rius Tom. 2. in Opera Mercatoris pag. 62. & ſequentibus, Norſius
lib. 11. Hiſt. Pelagianæ cap. 9. Pagius ad annum 431. num. xxviii.
& alii permulti. Immunem fuiſſe Joannem a dogmate Neſtoriano
probant cum laudatis eximiis viris Nat. Alexander diſſert. ix. in Hi-
ſtoriam Eccleſ. ſæc. v. Tournely de Incarnat. pag. 256. Boucat diſſert.
111. Sect. iv. De Theodoreto plura ibidem Lupus, Norſius in diſ-
ſert. de Synodo quinta, Garnerius in Operum Theodoreti Auctario.
Omnia ſingillatim ſunt proximis poſitionibus finienda.

PROPOSITIO I. Joannes Anthiochenus, & Orientales, qui ſte-
terunt adverſus anathematifiſmos Cyrilli, neque Pelagianam, neque
Neſtorianam hæreſim approbarunt.

Et quidem, licet in illo ſeditioſo congreſſu Pelagiani Episcopi ad-
hærerent Patriarchæ Antiocheno, is illos minime admittit ad ſubſcri-
bendum damnationi xxi. Capitulorum Cyrilli, ut liquet ex nomine
ſingulorum, inter quos nec unus Pelagianorum enumeratur. Dein-
de cum Joannes Synodo abſoluta, & minacibus Theodoſii literis per-
motus ad ineundam cum Cyrillo pacem edidiſſet Symbolum fidei ſuæ,
atque illud per Paulum Episcopum Emefeſenū curaffeſſet perferendum
ad

ad ipsum Cyrillum; non solum Pelagiana dogmata nullatenus expressit, ut liquet ex eodem Symbolo, quod recitatur a Liberato cap. 8. & legitur in Actibus Ephesinis; verum etiam fidem Catholicam, & irreprehensibilem exposuit, ipsius Cyrilli testimonio probatam, & confirmatam, ut dictum est Capite præcedenti. Ferventibus insuper inter Cyrillum & Joannem dissidiis, utrinque sibi objiciebant Pelagianismum, & communionem cum Cælestianis, ut demonstrat Norisius ex Epistolis S. Cyrilli ad Cælestinum, & Orientalium ad Rufum Thessalonicensem; quamquam calumnia erant aperta quæ adversus Cyrillum Schismatici diffamaverant; Cyrilli autem suspicio temeraria non erat, sed orta ex Pelagianorum cum Nestorianis, ipsisque Schismaticis consuetudine. At inverisimile est Orientales in Ephesina Pseudosynodo probasse hæresim Pelagianam, cujus Memnonem, Cyrillum, aliosque Orthodoxos infirmulabant. Ad hæc Sanctus Cyrillus ineundo pacem cum Orientalibus nihil legitur postulasse de Pelagiano canone, quem aliqui in Synodo illa Orientalium putant fuisse editum: quod fecisset utique, si revera Joannes eique adherentes eundem canonem approbassent; nunquam enim in communionem recepisset addictos erroribus Pelagianorum, quos ipsi Patres Ephesini damnaverant, & damnatos Romæ acceperant a Legatis Sedis Apostolicæ. Demum ipse Nestorius in Symbolo, quod extat in Collect. Conciliorum Edit. Ven. Tom. iv. pag. 207. Christum opponens Adamque hunc *originalis peccati*, & *præsentium calamitatum*, facit auctorem: ideoque si Nestoriani ipsi saltem aperte non negabant originale peccatum, licet eundem cum Pelagianis institutorem habuerint, Theodorum scilicet Episcopum Mopsuestenum; multo minus idem peccatum denegasse dicendi sunt in Ephesino conciliabulo Joannes Antiochenus, & Episcopi Orientales.

Hæresi autem Nestorianæ numquam Joannem cum suis præbuisse assensum demonstratur primo, quia ante Ephesinam Synodum Joannes ipse coegit Conventum Antiochenum, mandavitque ut omnes Apostolicis Cælestini Epistolis exhiberent obedientiam: ipsum Nestorium de turbatis Ecclesiis, & refutata voce Theotocos acriter literis suis redarguit; ipsumque ad palinodiam recantandam, appellandamque *Deiparam* sacram Virginem graviter hortatus est, ut liquet ex præcedenti cap. xiii., narratque in dissert. de Synodo Ephesina Christianus Lupus, Pagius ad annum 430. num. xx. alique viri docti complures. II. Si cum primum pervenit Joannes Ephesum obstitit Cyrillo & Synodo Orthodoxorum; plures simul causæ virum optimum in facti errorem, sinistrumque judicium pertraxere. Primæ harum causarum fuit celeberrima Nestorii fama, hujusque ad Joannem Epistolæ, quibus hæreticus vasserrime contestabatur se non alia ratione vocem *Theotocos* repudiassé, nisi ob hæresim Apollinarij,

& ne

& ne quis impie opinaretur divinitatem fuiſſe demutatam: Acceſſit cauſa altera, quod Epiſcopi Pelagiani ſuadente Neſtorio ex Regia urbe ad Joannem perrexerant Antiochiam, innumeris impenſiſque laudibus eundem Neſtorium cumulantes, Cyrillum vero inſimulantes tyrannidis, hæreſeos, animique contumaciæ. Adſuit cauſa tertia, quod cum vix perveniſſet Ephesum, & nondum excuſſo pulvere ingreſſus eſſet cubiculum, ſtitit ſe illi Candidianus comes accuſans Cyrillum, quod ſe eieciffet e Synodo, quod adverſarios Epiſcopos barbarice infeſtaretur, & quod in Neſtorium abſque ullo examine & maturitate judicii ſententiam jam pronuntiaſſet. His ergo permotus Antiochenus antiſtes, his fraudibus circumventus, quid mirum ſi indiſcto ſuorum Conventu irritam habuit Neſtorii deſiſitionem, & ſiniſtrum de-Cyrillianis Capitulis iudicium protulit? III. In ipſo Pſeudoconventu nunquam legitur approbaſſe dogma Neſtorianum: Symbolum ibidem conſcriptum, atque Orientalium Apologiam idem Cyrillus in Epiſtola ad Acacium appellavit irreprehenſibilia; neque ad dictos partibus Neſtorianis admiffit ad ſubſcriptionem Actuum Synodaliũ, quemadmodum in ſuperioribus dictum eſt. IV. Quum reverſus Antiochiam rerum a ſe geſtarum Romano Pontifici, aliſque Epiſcopis per literas rationem exhibuit, nullus Joannem damnavit crimine hæreſeos, ſed tam a Sixto III. quam a Synodo Chalcedonenſi Act. 16. accepit fidei ſuæ præclariffimum teſtimonium. Romanus enim Pontifex hæc de illo ſcripſit: *Non ſe exuli veſtro (ideſt Neſtorio) frater noſter Joannes addiderat, non ejus eſt blaſphema prædicatione deceptus: nam quantum rerum exitus docet, ſuſpendit ſuam ſententiam, non negavit.* Ac Synodus Chalcedonenſis: *Sapientiffimus Joannes Antiochenus Epiſcopus, qui hæreticorum maledicta repellens, & Apoſtolica doctrina rectiſſimum dogma declarans totius Orientis confeſſionem velut ex uno ore ſanctiſſimo Procto, & ei qui per idem tempus mundi regebat gubernacula, deſtinavit.* V. Reverſus Joannes Antiochiam Imperatori ipſum provocanti ad ineundam cum Cyrillo pacem nullis perterritus minis reſpondit, *Præter illa ipſius Capitula Fidem meam Cyrillo dirigam, quam ſi ſuſcipiens ſubſcripſerit communicabo ei: alioqui pacificus cum eo eſſe non potero.* Et revera coacta anno 432. Antiochena Synodo Fidem edidit, quam ſupra diximus delatam ad Cyrillum per Paulum Epiſcopum Emiſſenum, & quam ipſe Cyrillus appellavit irreprehenſibilem, affirmans coram univerſo Alexandrino populo ita de Chriſto credendum eſſe, ſicut Joannes credebat. Perſeuta poſthac a Paulo Antiochiam Epiſtola Cyrilli, & exhibita Archiepiſcopo, ejuſque Concilio, hi pacem cum eodem Cyrillo, & ejus ſecum Concilio damnantes Neſtorium; inquit Liberatus Diaconus in Breviario cap. viii. in Conc. Labbei Tom. v. pag. 748. Servavit itaque Joannes Antiochenus cum Orientalibus ſuis Fidem, quantum

To.V.

Ec

ad

ad dogma spectat, incontaminatam, ac puram; apertoque errore deceptus est Ricciolius, qui illum hæreticis accensuit, jure optimo castigatus a Norisio lib. 11. Hist. Pelagianæ cap. 1X.

D I L U I T U R O B J E C T I O .

At Joanni Antiocheno, & celebratæ ab ipso Orientalium Synodo jure Pelagianæ ac Nestorianæ hæresis notam affricari, potest primo evinci, quoniam in subscriptione ejusdem Synodi reperitur Julianus Pelagianorum signifer, qui Episcopatu dejectus confugerat ad Asiaticos. Deinde in ea Synodo definitum fuisse, *Adæ animam peccato non esse mortuam*, ut inquit Gregorius Magnus Epistola ad Eulogium. Præterea Episcopos illius Synodi fuisse Nestorianos conjicitur ex impugnatione ab ipsis facta Anathematismorum S. Cyrilli, ex quo Orthodoxæ Synodo Ephesinæ pugnacissime obstiterint, & demum ex Cyrillo, aliisque Orthodoxis qui non semel Orientales erroris insinularunt, ut constat ex Apologia ipsius Cyrilli, & ex Epistola Synodica Concilii Ephesini ad Clerum Constantinopolitanum.

Respondetur hæc nullius esse momenti: nam ad primum aperte liquet, non Julianum Eclanensem, de quo plura in 2. Volumine, sed Julianum Episcopum Larissæ firmasse Epistolam Synodicam ad Episcopos Provinciarum, una cum aliis Aët. Synodi Orientalium, in cujus subscriptione conspirarunt ~~XLIII.~~ Catholici Episcopi, nulla mentione facta sive Juliani Pelagiani, sive Orontii, sive Flori, sive aliorum Pelagianorum. Extant adhuc Acta illius Pseudo Concilii, & Episcoporum nomina in Collect. Concil. Labbei Tom. 3. pag. 589. & Harduini Tom. 2. pag. 1448. ibique Juliani nomen habetur hoc pacto: *Ἰουλιανὸς Πελαγίας*. Ad alterum satisfacit Norisius lib. 2. H. P. cap. 9. demonstrans ex eadem Gregorii Epistola Pelagianum canonem non esse genuinum, sed suppositum, affirmante ibidem Gregorio, *Perscrutantes Ephesinam Synodum, nihil in ea tale invenimus contineri: de Ravennati quoque Ecclesia vetustum valde codicem ejusdem Synodi ad nos deferri fecimus, & ad Synodum, quam habebamus eum ita concordare invenimus ut in nullo discreparet, & nihil aliud contineret in definitione anathematis & reprobationis, nisi quod duodecim Capitula beata memoria Cyrilli reprobant*. Tertium habet ex dictis manifestam solutionem; nam Cyrillus & magna Synodus Ephesina putabant Orientales probare Nestorianas blasphemias, propterea quod noluerant Synodo interesse, oppugnarant XII. Anathematismos, coegerant in eadem urbe Ephesi Synodum aliam, & Nestorio additis familiariter utebantur. At id Joannes cum suis fecit deceptus errore facti, nunquam Catholico dogmate labefactato; ut demonstratum est supra . . .

PROPOSITIO II. Ut de Theodoreto certum proferatur iudicium, tempora, ejuſque ſcripta diſtingui debent.

Explicatur, ac ſimul probatur propoſitio. Dum primum erupit hæreſis Neſtoriana, & etiam circa tempora Epheſini Concilii, atque ante initam pacem Eccleſiarum, Theodoretus ſaltim Neſtorii perſonæ adhæſit. Id extra omnem controverſiam poſitum eſt: ac probatur primo, quoniam Theodoretus impugnavit S. Cyrilli anathematismoſ: ſcripſit ex civitate Epheſina ad Andream Samofatenſem, Epistolam, qua graviffime culpatur Orthodoxorum Synodum, & Theodoſium Auguſtum; & etiam conqueritur fidem Chriſti, omnemque Eccleſiam periclitari. Dedit & Epistolam ad Neſtorium, in qua ſcribit inique hunc fuiſſe damnatum, ipſumque blandis ac lenocinantibus verbis ſolatur, perpetuam ſpondens illi amicitiam, & S. Cyrillum tanquam Apollinariftam infectans. Deinde probatur, quoniam Theodoretus tanquam Neſtorianus audiit non ſolum apud Cyrillum, verum etiam apud Marium Mercatorem, Vigilium Papam, Quintam, Sextam, ac Septimam Synodum, Pelagium Secundum, Gregorium Magnum, Maximum Antiochenum, Liberatum Diaconum, & alioſ, quorum teſtimonia recitat, doctiſque notationibus illuſtrat Garnerius diſſ. 3. Auſtarii. Accedit argumentum negativum: nam nulla Synodus Oecumenica Theodreti ſcripta probavit, nec etiam Chalcedonenſis, quæ ipſum fauſtis acclamationibus recepit: nulla pariter Synodus Catholica dogmata confirmavit depromptis ex Theodoreto teſtimoniis: nullum denique ætate ſua habuit defenſorem, qui eorum, quæ ſcripſerat adverſus Cyrillum, ſuſciperet patrocinium.

Nec ſolum Theodoretus Neſtorianis patrocinatus eſt, verum etiam aliquando tradidit illorum dogmata: quod primo ex ejus ſcriptis oſtenditur. In confutatione enim 1. Cyrilliani Anathematismi negat Deiparam Virginem revera Deum genuiſſe, docens geſaſſe duntaxat *hominem unitum Deo, qui eum complaſmavit*. Oppugnat quoque in Anath. x. unionem *ſecundum hypotaſim*: atque in Pentalogio cap. v. explicat nexum duarum in Chriſto naturarum exemplo viri, & uxoris, de quibus ſcriptum eſt, *Jam non ſunt duo, ſed unus caro*: & quod apertiffime Neſtorianiſmum redolet, ait ibidem: *Sine ſua perſona neſaſ eſt oſſeverare ſubſtantiam*. Videatur Garnerius citato loco, & Nat. Alex. Diſſ. IV. Sæculi VI. Præterea v. Synodus cap. XIII. adverſus impia Theodreti ſcripta, vulgo *ſecundum Capitulum* nuncupata, atque in eoſ, qui ſcripta illa defendunt, intorſit anathema: neque Synodus hæc præſtitit adulatorie, atque ex reſcripto Juſtiniani; ſed Collatione v. perlecta fuere ipſa Theodreti adverſus Cyrillum Excerpta, & Epistolæ, quas paullo ſupra commemoravi, cum alia de morte Cyrilli, de qua infra. Itaque maturo iudicio Theodreti

carina peracta est, & sacrosanctæ Synodi definitio etiam a Vigilio, re-
caligenter excussa, & a Pelagio, ceterisque successoribus confirma-
ta plurimi est facienda. Demum qui huic assertioni repugnant,
possunt ex memorato canone xiii. hac ratiocinatione percelli: De-
fendit Scripta Theodoretî quisquis affirmat in his nequaquam conti-
neri errorem Nestorii. At qui defendit scripta Theodoretî ab Univer-
sali Ecclesia subjicitur anathemati. Igitur subjicitur anathemati,
quisquis affirmat in Scriptis Theodoretî minime contineri errorem
Nestorii. *Quid ergo fiet Theodoretî quibusdam quasi idololatriis?* in-
quit Garncrius laudata differt. 111. pag. 465.

Resipuit tamen Theodoretus, & magis illucescente veritate,
ac errore Nestorii patefacto, impium ejus dogma refellit. Atque id
probatur primo, quoniam subscripsit Epistolæ Leonis Magni, in qua
Nestoriana hæresis profligatur, & ab ipso Leone in communionem re-
ceptus est, declaratus Orthodoxus, atque dignis laudibus cohonestatus.
Deinde probatur, quia anno 451. & ipse interfuit Oecumenicæ
Synodo Chalcedonensi, a qua receptus ex decreto Leonis, & Mar-
ciiani, quamvis principio obfisterent Episcopi Aegyptii, Illyriciani,
ac Palestini, suscepit Ephesinum Concilium, & S. Cyrilli Epistolas
ad Nestorium, & ad Orientales: subscripsit etiam Act. 5. cum ce-
teris Episcopis decretis Synodalibus, dixitque anathema iis, qui in
duos filios dividunt Dominum nostrum Jesum Christum. Præterea
Theodoretus in Epistola ad Dioscorum, aliisque in locis disertissime
Catholicam veritatem propugnat, præsertim si consulantur, quæ
serius conscripsit & circa annum 447. quo data est laudata ad Dio-
scorum Epistola num. lxxx. Tandem cum absoluta Synodo Chalcedo-
nensi Causa Theodoretî vi 11. Kal. Novembris discuteretur, & nol-
lent Episcopi audire quam paraverat Apologiam, plena voce exclamavit:
Anathema Nestorio, & eis, qui non dicunt Dei genitricem
Virginem Mariam, &c. Igitur Theodoretus tandem etiam Nestoriæ
personam nominatim anathematizavit, quod Sancti Episcopi jure
meritoque mandarunt, etiam si ille Synodo subscripserat, & proba-
verat Epistolas S. Cyrilli, propterea quod ad Ecclesiam pertineat
non solum hæreses proscribere, & Catholicæ fidei dogmata propu-
gnare, verum etiam Auctoris errorum compefcere; quia nisi dam-
naret hæreses, fides Christi labasceret; & nisi hæreticos ipsos. per-
celleret, perpetuo ebullirent schismata ac seditiones.

Denique Theodoretus diu erga D. Cyrillum videtur fuisse animo
iniquo, revera existimans hujus anathematismos consentire hæresi
Apollinarij, idque etiam post initam cum Joanne Antiocheno con-
cordiam. Constat ex ejus Epistola de morte Cyrilli, de qua vide-
Lupum cap. 3. differt. Synodi v. Norisium cap. 7. Pagium ad annum
444. num. 8. & Garnerium 2. p. Op. Mercatoris pag. 274. In hac Epi-
stola

ſtola dicitur Cyrillus deſunctus , *cum majora & pejora pertraſtaret* , poſteaquam prava ſomniaverat dogmata , & perturbaverat regiam Urbem . Aſſutam quidem hanc Epiſtolam , ſuppoſitamque plures cenſent , quibus non diſſentit idem Lupus ; ea ducti ratione , quod ſcripta dicatur ad Joannem Antiochenum , quem conſtat vita ſunctum ante beatum Cyrillum : at Noriſius poſt Petrum Marcam animadverſit non ad Joannem , ſed ad Dominum fuiſſe datam , & pro *Domino* ſcriptum *Joannem* Antiochenum : cui Noriſianæ ſententiæ ſubſcribunt Pagius , & Garnerius loco citato . Producit quoque Noriſius alteram ad Dominum Epiſtolam Theodoretum num. 112. in qua Theodoretus ait in duodecim Cyrilli Capitulis latere venenum : cumque hæc Epiſtola data ſit anno 449. optime inſert doctiſſimus Cardinalis potuiſſe Theodoretum etiam in alia Epiſtola contumeliis impetere Sanctum Alexandrinum Antiſitem vita ſunctum , quem conſtat obiiſſe anno 444. Verum , ut ſupra diximus , Theodoretus anno 451. doctri-
nam Cyrilli , & Synodum Ephelinam ſuſcepit . Atque ex his expli-
cata eſt , & comprobata noſtra de Fide Theodoretum ſententia .

AD EA , QUÆ IN CONTRARIUM OBJICIUNTUR .

Quod nunquam Theodoretus probaverit dogma Neſtorianum , poſſet primum oſtendi , quia etiam in ſcriptis & Epiſtolis , quæ exaravit ante Synodum Ephelinam conſtitetur unum eſſe Dominum noſtrum Jeſum Chriſtum . II. Quia ſummis laudibus celebratur a Facundo Hermianenſi , & maximam habuit venerationem apud Antiochenos . III. Quia fidei cauſa vexationes complures ab Eutychianis perpeſſus eſt . IV. Quia undique veritatem Catholicam ſpirant illius Epiſtolæ ad Leonem , & ad Dioſcorum , nec non libri hæreticarum fabularum .

At hæc nullo pacto aſſertionem noſtram concutiunt . Ad primum dicimus neque Neſtorium aliquando negaſſe unum Dominum noſtrum Jeſum Chriſtum , unum ſcilicet honore , dignitate , amicitia , & animi conſenſione ; nec in libris Theodoretum , ſcriptiſque prioribus aliud ad ſignificandam duarum naturarum unionem reperiri vocabulum , quam unum ex iſtis etiam a Neſtorio uſurpatis , *inimena* , *inſuſcepſionem* , *inhabitacionem* , *indumentum* , *receptionem* , *permanentiam in homine* , & *connexio-
nem* . Ad 2. reſpondemus non minorem fuiſſe famam ac celebritatem Theodori Moſpuſtani , (quem tamen conſtat non fuiſſe Catholicum ,) apud cives Antiochenos , & Facundum Hermianenſem ; atque hunc præſertim pro tribus Capitulis acerrime olim ſtetiſſe . Quod ſequitur nihil probat , quum e diametro pugnent hæreſes Neſtorii atque Eutychetiſ . Hujus generis eſt quod objicitur poſtremo loco ;
nam

nam Theodoretus scripsit ad Dioscorum post annum 447. ad Leonem anno 449. libros vero hæreticarum fabularum anno 452. Nos vero Theodoretum hoc tempore resipuisse minime denegamus.

Veronenses Presbyteri, quamquam sententiam Norisii de scripta a Theodoro Epistola adversus Cyrillum jam demortuum non audeant refellere, imo illam confirmant auctoritate Marii Mercatoris commemorantis sermonem, quem adversus Cyrillum vita functum Theodoretus habuit Antiochiæ; in edit. Baluzii pag. 339. attamen aliqua momenta proferunt, quibus videtur infringi. Primum est, quia Norisius ex arbitrio & nullius manuscripti auctoritate nomen Joannis Antiocheni in Domnum commutavit. Alterum, quia Theodoretus post initam cum Cyrillo communionem, ipsius quidem anathematismos repudiabat, sed suam in eundem Cyrillum observantiam, palam professus est, in Epist. præsertim ad Dioscorum, & dialogo 2. in Eraniste. Tertium, quia hæc Epistola neque in Chalcedonensi Synodo, neque a Mario Mercatore nominata fuit. Quartum, quia hæretici alias Theodoro Epistolas apposuerunt, auctore Leontio Byzantino. Proximum argumentum est, quod auctor Epistolæ suadet illum, ad quem scribit, ut sepulcro Cyrilli imponat lapidem, aliqueum maximum & gravissimum, ne possit ad vivos remeare; quod Antiocheno Episcopo nullum jus habenti in tumulum Alexandrini nequit competere. Quod autem a Mario Mercatore affirmetur Theodoretum in Ecclesia Antiochena coram Domno Cyrilli beatæ dormitioni insultasse, etiam elevari potest; ex quo id Mercator referat ex Actis Latrocinialis Ephesinæ, in qua plura objecta fuerunt Theodoro, quæ num ipsius fuerint omnino non liquet: & ex quo ipse Theodoretus epistola 83. narret adscriptum sibi per calumniam habitum Antiochiæ sermonem, quo duos filios dogmatizaverit. Præterea auctor illius sermonis aperte se Nestorianum hominem prodit illis verbis, *Homo generat hominem*; quod incredibile est ausum fuisse Theodoritum. Demum Pagius, qui ad annum Christi 444. pro Norisii sententia acriter dimicavit, magis explorata veritate illam Epistolam supposititiam affirmavit ad annum 553. num. 13.

Resp. ad 1. Norisium non ex arbitrio, sed ratione ductum mutasse in Domni nomen Joannem Antiochenum: cum enim liqueat ex omni Conciliorum collectione Epistolam illam dormitioni S. Cyrilli insultantem haberi in Actis v. Synodi, ibi fuisse lectam, & ex ea, aliisque hæc Synodus confirmavit sententiam Concilii Ephesini adversus Theodoretum; atque ex alia parte inverisimile sit, neminem ex Patribus v. Synodi compertum habuisse, quod Joannes Antiochenus decesserat ante Cyrillum, ideoque neminem hujus Epistolæ deprehendisse suppositionem; sequitur hanc esse setum Theodoreti genuinum, ac nomen Joannis pro Domno mendose irrepsisse. Deinde etiam Epistola

ſola 117. & 140. ſupponuntur ſcriptæ una ad Florentium Epiſcopum, altera ad Aſparem Conſulem ; & tamen licet utriuſque inferſcriptio mentiatur, nemo prudens cenſet eſſe repudiandas . Præterea ſtatim poſt hanc Epiſtolam recitatum eſt fragmentum Allocutionis, quam Theodoritus habuit Antiochiæ præſente Domno ; ex quo Marca confirmat ſententiam ſuam, quod etiam præcedens Epiſtola Domno fuit directæ . Ad 2. reſp. quod Epiſtola Theodoretæ ad Dioſcorum data eſt anno 447. tribus poſt obitum Cyrilli annis, cum Theodoretus, ut diximus, incipiebat reſipiſcere, & de perſona Cyrilli ſervata æquitate loquebatur, etſi improbabat adhuc ejus anathematifmos : ſerius editi fuerunt Dialogi, in quibus aliorum Epiſcoporum poſt Cyrillum recitat teſtimonia ; ut nihil dicam interim de variis circa eoſdem Dialogos opinionibus . Ad tertium hæc ſit reſponſio : Epiſtola Theodoriti ad Domnum legitur in Act. v. Synodi : & nos repetimus cum Garnerio in Auſt. Theodoretæ pag. 130. *Dedit igitur Domno Antiochiæ Epiſcopo Epiſtolam, quam ego ipſi malim cum Concilio generali tribuere, quam vel abjudicare cum Baronio, vel cum aliis vanas ob cauſſas ſuſpectam habere* . At Mercator non omnes prorfus Epiſtolas Theodoriti collegit ; ac præterea ſi hujus auctoritatem, ut æquum eſt, recipere volumus ; cur non fateamur Theodoretum in publica concione oblocutum Cyrillo, quod tam aperte affirmat Mercator ? cur tantum virum deceptum opinemur actis Synodi Latrocinialis Ephæſinæ ? In Chalcedonenſi autem Synodo, poſtea quam Theodoretus dixit anathema Neſtorio, cauſſa ipſius absoluta eſt ; neque ejus accuſationes, neque ejus Apologia lectæ fuerunt . Reſpondeo ad 4. detur hæreticos Epiſtolas plures ſuppoſuiſſe Theodorito, ut inquit Leontius ; num ſuppoſuerunt & iſtam, quam illi tribuunt cum v. Oecumenica Synodo omnes fere docti, ſi fides habenda eſt Garnerio in notis ad hanc Epiſt. pag. Auſtarii 99. ? Unde autem ſuppoſuiſſe probantur ? An quia exiliter, & impudenter dicta continet ? Scripta eſt anno 444. ſtatim poſt Cyrilli obitum ; & ſcripta ab homine, qui diu bilem intime compreſſerat, ſcripta etiam ad Antiochenum familiari ſibi amicitia conjunctum . An Epiſtolæ Auſtor objicit Cyrillo aliquid, quod alibi Theodoretus non carpat ? Nec quidem : nihil aliud dogmatis Cyrillo objicitur, niſi quod Deum paſſum dicat, & divinitatem faciat mortalem ; id ſcilicet, quod millies Theodoretus objectaverat . Sed de quarto argumento ſatis . Quod proximo loco objicitur, movit doctiſſimum Marca, ut ſuſpicaretur Epiſtolam Theodoriti agere non de Cyrillo, ſed de aliquo Epiſcopo ſubdito Patriarchæ Antiocheno : quod animadvertit etiam Baluzius . Vide poſtremam Colleſt. Venetam Tom. vi. pag. 127. At quis non videt Theodoritum, dum hortatur Domnum, ut Cyrilli tumulo prægrande ſaxum imponat, imitari jocularẽ orationem Luciani in

Dia-

Dialogis de Mortuis, præsertim in Cataplo, ubi accusante Cyniscō similis pœna statuitur Megapenthi; cui fortassis versatus & eruditus Cyrensis tacite comparat Cyrillum, a nonnullis, ut apud Lucianum Megapenthes, de tyrannide & patrata cæde accusatum?

Ea vero quæ opponuntur adversus concionem a Theodorito habitam Antiochiæ, videntur evincere oppositum. Si enim Mercator affirmate & absque ulla dubitatione tribuit illam Theodorito: quæ ratione in Latrociniali Ephesina ab illius æmulis supposita fingitur? cur, dum ipsius concionis fragmentum recitatum est in v. Synodo, nullus Orientalium, qui aderant, & impense Theodoro patrocinabantur, respondit hæc supposita esse, & nunquam illum talia aut scripssisse, aut recitasse? Dum ergo quidam Mercatoris testimonium elevant, plenariæ Synodo impingunt notam ignorationis, turpisque oscitantia. At inquirunt, ipsimet Theodoretus in Epist. 83. quæ est sua ad Dioscorum Apologia, ait sermonem illum sibi per calumniam adscribi. Id ne ait Theodoretus? Minime: recitatam a se Concionem non negat; negat quod in ea Concione Christum dividerit in duos filios, quod perperam negabant omnes Nestoriani: & consequenter ex hac Epistola probatur concionis *genuinitas*. Insistunt: At Nestorianum se prodiit hujusce sermonis auctor. Quid inde verò? Sermo habitus est prope finem anni 444. quando Theodoritus adhuc cum Nestorianis sentiebat. Reponunt: Id nequaquam tolerasset Dominus, & populus Antiochenus: nunquid enim erant omnes Nestoriani? Dicimus nec tolerasse; ea enim concione habita, constat Theodoretum fuisse apud Imperatorem accusatum tanquam hæreticum Nestorianum, & reum seditionis, atque impietatis: quod narrat Theodoretus ipse Epistola 82. ad Eusebium Ancyranum. Sed vide Historiam Theodoreti in Auct. pag. 131. & notas in Epist. 83. pag. 221. Quid de eruditissimo Pagio? Is ad an. 553. num. 13. ait, Epistolam, quæ legitur in Actis v. Synodi esse suppositam, *ut recte, inquit, vidit Baronius, & suo loco ostendimus*. At Pagius ostenderat oppositum ad annum 444. num. 8. nec demonstrant hæc verba, magis illum explorasse veritatem, sed ob immensam rerum copiam, quæ obverfabantur amplissimæ illius menti, ad ea quæ scripserat non attendisse; aut saltim suppositam appellasse eandem Epistolam, non quantum ad ejus auctorem, sed quantum ad inscriptionem Joannis Antiocheni.



C A P U T XVII.

*An recte tria Capitula tanquam Nestoriana
fuerint proscripta?*

RECEPto in Ecclesiæ communionem Theodoro in Synodo Chalcedonensi, ut diximus supra, Origenistæ auctore Theodoro Cæsare in Cappadocia Antistite, ad ultionem eorum, quæ contra Origenem gesta fuerant, curarunt novas excitare turbas impellendo Justinianum Imperatorem ad damnationem trium Capitulorum, ut prædictæ Synodi Chalcedonensis elearent auctoritatem. Moverunt autem piissimum Imperatorem fraude, ac prætextu comprimendi sectam Acephalorum, eosque ad Ecclesiæ communionem adducendi, qui ab Alexandrino Episcopo quod recipisset Chalcedonensem Synodum rebellarant, *Acephali* ideo appellati, quia sine Capite dogmatizabant. Sunt autem tria Capitula, Theodoretici scripta contra xii. Anathematismos Cyrilli, Ibæ Edeffeni Archiepiscopi Epistola ad Marim Persam, & Theodori Mopsuesteni, quem supra diximus Nestorii magistrum, scripta, quæ *Judaica Nugæ, ac maledicta* appellantur. Horum autem Capitulorum disquisitio, quamvis multo post damnatam Nestorii hæresim tempore fuerint discussa, hoc a nobis loco instituitur propter maximam, quam habet cum ipsa Nestoriana hæresi affinitatem. Itaque adversus tria Capitula Justinianus Edictum promulgavit anno juxta Baronium 546. juxta Garnerium 545. juxta Norisium verò anno 543. aut initio sequentis. Norisio subscribendum est, cum Imperatoris Edictum rescripto firmaverit Euphremius Antiochenus, qui e vivis decessit anno 544. Vide Norisium de v. Synodo cap. 3. Pagium ad an. 546. & defensionem dissertationis Norisianæ editam a Balleriniis Tom. iv. pag. 1002.

Divisa est ob Imperatoris edictum in partes Ecclesia; nam illud Orientales receperunt, at Occidentales steterunt pro tribus Capitulis, rati horum damnatione decurtari Synodum Chalcedonensem, ejusque fidem imminui. Vigilius adversus tria Capitula *Judicatum* edidit anno 549. atque illud misit ad Menam Patriarcham Constantinopolitanum, contestatus se tria Capitula condemnare *salva Synodo Chalcedonensi*, & existimans hac ratione satisfactum iri utrique parti, Orientalium, quod tria Capitula proscripsisset; Occidentalium, quod nullatenus Chalcedonensis Synodi minueretur auctoritas. At adversus Vigiliū *Judicatum* steterunt quamplurimi, præsertim Facundus Episcopus Hermianensis, cujus extant pro defensione trium Capitulorum libri xii. ad Justinianum Imperatorem. Justinianus, qui anno 546. Synodum indixerat, quam ob causam Vigilius perrexerat

To V.

F f

Con-

Constantinopolim, videns rem longius protrahi, nam absque Occidentalium Episcoporum interventu noluerat Pontifex sententiam Synodaliter pronuntiari, atque ex alia parte ob Vigilii Judicatum diffidius percrebrescentibus, sollicitatus a Theodoro Cappadocæ tria Capitula condemnavit affixo edicto in Placidiana domo, & Episcopis omnibus tum Græcis, cum Latinis evocatis. In hoc Edicto asseritur Theodori nomen deletum e sacris Ecclesiæ Mopsuestenæ diptychis; quod compertum fuerat in Synodo Mopsuestena celebrata anno 550. ideoque edictum istud diversum est ab eo, quod promulgatum diximus anno 544, aut sub finein præcedentis, atque editum est anno 551.

Vigilius perspicuens Theodorum Cappadocem omnia moliri, atque his violentiis detineri Occidentales ne convenirent Byzantium, acerrime Edicto restitit, suspensis ab Apostolicæ Sedis communione iis, qui Edictis Justinianeis præberent assensum: in Theodorum ac Mennam sententiam dixit habito congressu Italarum Episcoporum: quam tamen paci consulens minime duxit publicandam: fugitque eodem anno 551. Chalcedonem, non ut Baronius scripsit, anno elapso. Justinianus proximo anno 552. videns nihil firmari posse Romano Pontifice reluctante, eundem per Legatos convenit, ut publica accepta fide rediret Constantinopolim: sed renuit Pontifex rerum circumstantiis inspectis. Proximo anno 553. rogatus ab Eutychio Patriarcha Constantinopolitano, ab Apollinari Alexandrino, Domno Antiocheno, & Elia Thessalonicensi, ut Concilium tandem celebraret, & trium Capitulorum causam definiret, collaudata ipsorum fide, annuit, ut *facto regulari conventu, & servata equitate* eadem causâ discuteretur. Consentiente itaque Vigilio celebrata est v. Synodus generalis prædicto anno 553. cui tamen ob parvum numerum Episcoporum Occidentalium ipse Vigilius minime interfuit. In Collatione iv. habita die 12. Maji, & in v. habita die 17. ejusdem mensis, ut demonstrant Baluzius, & Pagius, lecta fuerunt scripta adversus Theodorum, ac Theodoretum, & Collat. vi. habita die Maji 19. discussum est Capitulum 111. scilicet Ibm̃ Epistolæ. Collatione vii. habita die 2. Junii, aut 4. ut contendit Basnagius, Capitula fuerunt damnata.

Ediderat Vigilius Papa *Constitutum*, quo Synodi acta exauctoraverat, propterea quod non expectatis Occidentalibus Synodus coacta esset ex majori numero Græcorum Patrum, nec subeundum esset novum examen Theodoro, Theodorito atque Ibm̃; quorum ille in pace Ecclesiæ obierat, licet pessima dogmata aliquando asseruerat, hi autem, scilicet Theodoretus & Ibas a Synodo Chalcedonenſi fuerant absoluti, ac dignitate pristina decorati. At *Constitutum* Vigilii in Synodo, quicquid causæ fuerit, lectum non esse demonstrant adversus

verſus Baronium Petrus de Marca in diſſert. de Vigilii decreto pro Confirmat. v. Synodi , & Pagius ad annum 553. num. xv. Ceterum Vigilii , qui in *Judicato* primum tria Capitula condemnauerat , poſtmodum Theodori fraude detecta diu hæſitaverat , & Synodum etiam illius artificio ſolicite , nec datis induciis coactam prædicto *Conſiſtuto* abrogaverat ; eandem Synodum approbavit vel eodem anno 553. ut ſcribit Noriſius in diſſert. de v. Synodo Cap. 8. vel proximo anno 554. ut ex altero *Conſiſtuto* Vigilii edito pro damnatione trium Capitulorum affirmat Pagius in hunc annum num. 4. Eandem Synodum v. confirmarunt alii Romani Pontifices , ut dicam infra . Ex his liquet Controverſiam de Trium Capitulorum damnatione ampliffimam eſſe , & plurimarum rerum contingentia , ac difficultate graviffimam . Legi de ea poterunt Noriſius & Lupus in Diſſert. de v. Synodo , Nat. Alex. diſſert. iv. in vi. ſæcul. Facundus Hermian. cum notis Sirmondi , Garnerius diſſert. 4. de v. Synodo in Auſtario Theodoret , Pagius in not. ad annos ſupracitatos , & Pagius alter in Vigilio , prælaudata deſenſio diſſertationis Noriſianæ , & Notæ Variorum ad ſect. 103. Anaſtaſii Tom. 3. pag. 278. & ſequentibus . Nos proxima theſi ea comprehendere curabimus , quæ quæſtionem hanc dirimant , & quæ eidem conglomerantur ſufficienter explanent .

PROPOSITIO . Fuerunt tria Capitula merito , ac jure damnata a v. Generali Concilio tanquam Neſtoriana .

Ejuſdem Concilii definitione , fide teſtium omni exceptione majorum , atque ex ipſa trium Capitulorum doctrina hæc propoſitio firmatur . Ac prior argumentatio ſit : Extra omnem controverſiam poſitum eſt Synodum v. poſt accuratam trium Capitulorum diſcuſſionem eadem in octavo conſeſſu damnaviſſe . Canone enim xii. in tortum eſt anathema in eos , qui defendunt *impium Theodorum Mopſueſtenum , qui dixit alium eſſe Deum Verbum , & alium Chriſtum* . Canone xiiii. in eos , qui defendunt *impia Theodoriti conſcripta , quæ contra rectam fidem , & contra primam Ephelinam ſanctam Synodum , & ſanctum Cyrillum , & duodecim ejus Capitula expoſuit* . Canone demum xiv. in eos , qui defendunt *Epistolam , quam dicitur Ibas ad Mariam Perſam hæreticum ſcripſiſſe , quæ abnegat Deum Verbum de ſancta Dei Genitrice ſemper Virgine incarnatum , & hominem factum eſſe , dicit autem purum hominem ex ipſa natum , quem Templum vocat* . Atque hæc ſunt tria Capitula Neſtorianam , ut liquet , hæreſim continentia : ideoque nonniſi v. Generalis Synodi ſententiâ ſpretâ poſſunt propugnari : Neque vero audiendi ſunt , qui reponunt Quintam Synodum toleratam potius eſſe , quam approbatam . Enimvero conſtat Vigilium Papam re maturius diſcuſſa , Epistoſa decretali data ipſomet anno poſt Conf. Baſilii 12. id eſt 553. quæ extat Tom. vi. poſtremæ Collect. Concil. pag. 239. reſciſſis

actis omnibus, quibum v. Synodum exauctoraverat, & *Constitutum* abrogato, trium Capitulorum damnationem confirmasse; ut demonstrat cap. v. 111. illustris Norisius: cui duo addimus, Liberati scilicet Breviarium cap. 23. ubi recitantur hæc Vigilii verba: *Anathematizamus Paulum Samosatenum, Dioscorum, Theodorum, Theodoretum, & omnes, qui eorum statuta coluerunt, vel colunt*, eodem Volum. Conc. pag. 456., necnon *Constitutum* Vigilii erutum a Baluzio e vetusto Codice Biblioth. Colbertinæ, in quo num. 28. legitur: *Prædicta igitur tria impia Capitula anathematizamus atque damnamus, idest, Epistolam, quæ dicitur Iba ad Marim Persam, in qua nefanda superius designata blasphemia continentur, & impium Theodorum Mopsuestenum cum nefandis ejus conscriptis, & quæ impie Theodoretus conscripsit &c.* Vido cit. Volum. pag. 310. Datum est autem hoc Vigilii *Constitutum* v. 11. Kalendarum Martiarum anno 13. post Consulatum Basilii, idest, anno 554. & germanum, & genuinum esse, neque a filo Vigilii dissentire consentiunt Eruditi cum Pagio ad hunc annum num. 4. Quare nullus jam ambigit, quin Vigilii approbaverit Quintam Synodum, ac proscripserit tria Capitula. Extat eodem Volumine pag. 259. liber Pelagii 11. sive Epistola ad Eliam Aquilejensem, & ad Istriae Episcopos, qui consentire renuebant trium Capitulorum damnationi: in qua Pelagii Epistola non solum tria Capitula anathematizantur, verum etiam v. Synodi collationes in Epitomen rediguntur, atque ex testibus, scriptisque ipsorum refutantur Theodorus, Theodoritus, & Ibas. Et ne alia producam, S. Gregorius Magnus pluribus in Epistolis Quintam Synodum approbavit, præsertim 36. lib. 2. in qua etiam laudat præcitatum Pelagii librum; & Ep. 24. lib. 1. ubi ait: *Quintum quoque Concilium pariter veneror, in quo Epistola, qua Iba dicitur, erroris plena reprobat: & Theodorus personam Mediatoris Dei, & hominum in duabus subsistentiis separans ad impietatis perfidiam cecidisse convincitur. Scripta quoque Theodreti, per quæ beati Cyrilli fides reprehenditur, ausu dementia prolata refutantur.* Atque his non tantum ostenditur iusta trium Capitulorum damnatio, sed etiam Quintæ Synodi asseritur auctoritas.

Alterum argumentum est hujusmodi. De Theodoro Mopsuesteno scribit Proclus Constantinopolitanus laudatus in libro Pelagii, & in Epistola ad Joannem Antiochenum persuasisse illum Nestorio, quod *filius Dei vivi, qui de Sancta Virgine Maria natus est, non est qui ex Patre natus est Deus Verbum.* Cyrillus Alex. in Epistola ad Lampsonem Presbyterum appellat eundem Theodorum *patrem Nestorii.* Habuisse consonantem Nestorii perfidiis intellectum, scribit in Epistola ad eundem Cyrillum Rabbula Edessenæ Ecclesiæ Antistes, ubi asserit Theodorum primum omnium affirmavisse, non esse vere Dei
geni-

genitricem ſanctam Virginem, tanquam Deo Verbo non ſuſcipiente ſecundum nos nativitatē. Heſychius Hieroſolymitanus in Eccleſ. H. ait Theodorum ſenectute jam cana debilitatum libros ſcripſiſſe adverſus Domini apparitionem: quo in libro tradebatur, *hunc non incarnatum Verbum, ſed hominem per vitæ provecſionem, & paſſionum perfectionem conjunctum Deo Verbo.* Plura aliorum judicia extant Collat. 5. Synodi quintæ. Eundem Theodorum expunctum e ſacris Mopſaſtenæ Eccleſiæ diptychis conſtat ex Synodo Mopſueſtena celebrata anno 550. cui præſedit Joannes Epifcopus Anazarbi, ſeu Juſtinopolis. In hac enim Synodo die 17. Junii recognita fuerunt diptycha, nec adinventum in iis Theodori nomen: immo Martyrius præbyterorum provecſiſſimus, & qui a 60. annis in Eccleſiæ Mopſueſtenæ Clero militabat, ſacramento teſtatus eſt, nunquam inter Epifcopos in diptychis enumeratos nomen ſe Theodori audiviſſe; ideoque jam ab anno 490. Theodorus e ſacris diptychis fuerat expunctus. Idem Theodorus numeratur inter Neſtorianos in legibus Theodoſii & Valentiniani recitatis eadem collat. 5. & denique ipſe ſacundus Herm. in conventu Conſtantinopolitano, apud Lupum diſſert. de v. Synodo cap. 4. ſimpliciter teſtatus eſt, ſe a contradicentium communione ſubtraxiſſe, non propter Theodorum, ſed propter Theodoretum, & Ibam. Immo lib. 2. cap. 2. ſcribit, adjecta tamen particula *ut ajunt*, Theodorum magiſtrum quidem Neſtorii fuiſſe, majore autem quam ille impietate blaſphemaviſſe. De Theodoreto actum capite præcedenti. Ibam vero non ſolum Clerici Edeſſeni & Monachi, ſed & primates, & clari militiæ non ſemel accuſarunt, quod Theodori ſcripta omni plena impietate tranſtuliffet lingua Syrorum, & ubique diſſeminaffet, ut conſtat ex Collat. v. Concilii v. pag. 133. In *Conſtituto* autem Vigili num. 2. pag. 285. apertiſſime demonſtratur ipſum Ibam in Synodo Chalcedonenſi Aët. 9. denegaviſſe ſuam eſſe Epistolam ad Marim Perſam, affirmando ſe in ſecundi Ephefini Concilii nefariis geſtis injuſtitiam ab Eutychete fuiſſe perpeſſum *ob falſa ſigmenta*: unde ait Vigilius, quod ſi apud Judices ab Iba editam doceri potuiſſet Epistolam, aut ab Adverſariis comprobatum eſſet, quia ejusdem Ibe fuerit, aut ipſe Ibas, quia ejus fuerit, fuiſſet confeſſus, *nunquam eorum ſententia Ibas meruiſſet abſolvi.* Ex quibus adverte, quam prudenter quinta Synodus Romanique Pontifices rejceſerint Epistolam, *quam dicitur Ibas ſcripſiſſe*, quum non ſit penitus exploratum Ibam ipſius Epistolæ fuiſſe auctorem. Ea tamen ejusdem Ibe aut vera, aut falſa excuſatione liquet eſſe impiam, hæreticam, Neſtorianam. Tertio probatur æqua trium Capitulorum damnatio ex illorum doctrina. Theodorus enim in Symbolo recitato Collat. 4. v. Synodi pag. 64. docet ideo non dici duos filios, quoniam Chriſtus cum Deo Verbo habet *conjunctionem, & communionem honoris, item nominationem*

tionem filii & Domini, aperte denegata substantiali unione. Lib. vii, in Joannem scribit Dei nomen Christo non convenire, nisi quatenus est *Templum Dei Verbi assumptum pro salute hominis*. In Evangelium Lucæ ait, Christum dici filium dilectum, *solum per adoptionem in Baptismate, secundum comparisonem Judaicæ adoptionis, nam & ad illos dictum est, Ego dixi dii estis, & filii excelsionnes*. In iii. libro contra Apollinarium inquit: *Non existimandum est Deum de Virgine natum esse, &c.* Plura in citata Collat. v. collecta partim a Monachis Armeniæ, partim vero a Benigno Episcopo Heracleæ Pelagoniæ. In Epistola Ibeæ, ne repetamus quæ supra de Theodoro dicta sunt, de Theodoro Mopsuesteno legitur, *Beatus Theodorus predicator veritatis, & doctor Ecclesiæ*: de Cyrillo autem, *Cyrillus lubricavit & inventus est cecidisse in dogma Apollinarii*: & hæc profertur ratio, *quia non ponit differentiam inter templum, & habitantem in eo*. Ephesini quoque Patres dicuntur ab eodem Cyrillo *veneno obcecante seducti*. Epistola itaque ad Marim Perfam ab Iba, ut fertur, conscripta scatet hæresi Nestoriana, atque in Cyrillum, & sanctam Ephesinam Synodum atrocissimis injuriis. Ex doctrina itaque trium Capitulorum, ex testibus fide dignissimis, & ex Quintæ Synodi auctoritate satis compertum atque exploratum est, tria Capitula servato æquitatis jure fuisse damnata.

OBJECTIONUM ENODATIO.

Prima objectio in trium Capitulorum defensionem potest hac ratione compingi. Damnatio trium Capitulorum facta est abrupte, inconsiderate, imprudenter, nec illam cohonestare potest Synodi v. sententia. Principio enim, ut diximus, tria Capitula damnavit Justinianus impellente Theodoro Cappadoce homine Origenista, & diffidorum, quæ Græcam Latinamque Ecclesiam vexarunt, auctore. At damnatio a sæculari Principe, & illegitimo Ecclesiasticorum dogmatum judice prolata haberi nequit rata & firmissima, dolo maxime hominum improborum extorta. Quinta autem Synodus eodem Imperatore jubente coacta est, Vigilio Romanæ Ecclesiæ Pastore refragante, & invito: qui & adversum ipsam Synodum edidit Constitutum quolibet ejus acta exauctorando. Si posterioris ævi Pontifices, ut Pelagius II. ac Magnus Gregorius quintam Synodum approbarunt, nec viderunt Constitutum Vigilii, nec deprehenderunt adversariorum fraudem, qui Vigilii Synodicam Epistolam, qua tria Capitula proferibuntur, licet supposititiam ac spuriam, temere actis Synodi inseruerunt. Atque ita Vigilii successores errore facti comprobarunt trium Capitulorum damnationem supposita decretali Vigilii: qua in se nullatenus Romani Pontificis derogatur auctoritati, quoniam

gra-

graviffima de tribus Capitulis controverſia non ſpectat *dogma* Neſtorianum, jam proſtigatum atque proſcriptum, ſed *facti* quæſtionem de Theodoriti, Iba, & Theodori perſonis aut damnandis, aut abſolvendis: atque in quæſtionibus iſtiusmodi poteſt Romanus quoque Pontifex induci in errorem.

Vigilium quidem non approbaſſe quintam Synodum, & ſpuriã eſſe præcitatam Epiſtolam validis argumentis demonſtrat eruditus Garnerius in Auſt. Theod. diſſert. 4. pag. 535. Sunt autem quæ ſequuntur. Primum in hac Epiſtola teſtatur Vigilius ſe diaboli dolo impulſum multa loquendo & ſcribendo diſſeruiſſe, ac ſubtraxiſſe ſe à fratrum communione: quæ Vigiliĩ integritatem, animique conſtantiam plurimum dedecet. Ad hæc ait tunc factam pacem Eccleſiarum; quod liquet eſſe falſiſſimum. Deinde cum Vigilius paullo ante ediderit adverſus v. Synodum *Conſtitutum*, hoc reſcindendo leiſſimi animi, nimiaque in mutanda ſententia facilitatis præbuiſſet indicia. Præterea ait ſequutum a ſe exemplum Auguſtini, qui propria ſcripta retractavit: cum non ſit inſtituenda inter Eccleſiæ Caput, privatumque doctorem comparatio. Accedit, quod Juſtinianus Sacra data Chalcedone pridie Idus Julias anno 553. juſſit Vigiliĩ nomen e ſacris deleri diptychis, eundemque Vigilium quinquennio detinuit exilio, ad annum ſcilicet 558. ut ſcribunt Halloixius, Sirmondus, Lupus apud Noriſium cap. 8. Inſiciatur quidem ipſe Noriſius Vigiliĩ exilium: at Pagius ad annum 553. num. 23. demonſtrat oppoſitum, cum ex Liberato, qui in fine Breviarii ait depoſitos, & in exilium miſſos quintæ Synodo *non conſentientes*, capite autem 22. ſcribit Vigilium ab hæreſi fuiſſe *aſſectum*: tum ex præcitata Juſtiniani Sacra, qua Patribus Concilii præcepit, ut a diptychis Vigilium diſpungerent. Atque ex his liquet nunquam Vigilium quintam Synodum approbaſſe.

Reſp. minime nos propugnare juſtam trium Capitulorum proſcriptionem ob Juſtiniani Imperatoris ediſta, quæ tamen excuſat ex parte optima reducendi ad communionem Acephalos intentio, damnat tamen uſurpata convocandi Synodum invito Pontifice juridiſtio, & inhumana erga Vigilium, ſæva, & violenta tyrannis: ſed illam proſcriptionem defendimus ob Synodi quintæ auctoritatem, firmiſſimumque Apoſtolicæ Sedis judicium. Laudatæ Synodi celebrationem factam Vigilio refragante legitimam non fuiſſe fatemur: poſt Romanorum Pontificum approbationem, non eſſe recipiendam negamus. Falſum eſt cauſam trium Capitulorum inconfiderate ac tumultuarie peractam. Perleſta enim fuerunt innumera Scriptorum Theodori fragmenta, producta teſtimonia, reviſa præcedentium Conciliorum acta, & habita rerum omnium accurata inquiſitio. Garnerius ipſe diſſert. 3. de fide Theodoreti p. 465. acerrime illos redarguit qui aſſerunt capones, ſive trium Capitulorum anathematifmos aut
adu

adulatorie ex Justiniani scripto desumptos, aut temere conditos causa non attente discussa. Ac sufficit, ut id perspiciatur, oculos in Codicem memoratæ Synodi conjicere. Cur Vigilius *Constitutum* pro tribus Capitulis emisit, & in varias sententias visus fuerit distractus, docet in Epist. ad Episcopos Iſtriæ Pelagius II. pag. 265. quoniam scilicet, *Latini homines, & græcitatibus ignari errorem tarde cognoverunt*: unde Pelagius infert tanto eis celerius esse credendum, quanto eorum constantia, quousque verum cognosceretur, a certamine non quievit. Loquitur autem de Vigilio, eique adhærentibus Episcopis, quorum exemplum ad pervicaciam propriam excusandam Antistites Iſtriæ afferebant. Nihil præterea in Vigilio invenitur, quod honestum non sit, opportunum, ac prudentissimum. Dum *Judicatum* edidit, proscripsit cum tribus Capitulis Nestoriana dogmata salvo jure Synodi Chalcedonenſis. Quid magis directum & consonum æquitati? Si emisit *Constitutum*, per id temporis pactis conditionibus non servatis celebrabatur Synodus, fovebantur inter Græcos, Latinosque dissidia; cumque sæpenumero ad Ecclesiarum pacem conducatur, si proscriptis hæresibus humaniter agatur cum auctoribus, præsertim vita functis in fidelium communione, ægre ferentibus per multis damnari Theodorum, qui obierat in pace Ecclesiarum, & Theodoritum & Ibam a Synodo Chalcedonenſi absolutos, sperabat Vigilius eo *Constituto* tumultus compescere, præscribens ut jam damnato Nestorianismo nihil innovaretur. Postquam verò Vigili *Constitutum* hæc non produxit, & Theodoriti ac Theodori nomen in dies audaciores reddebat Origenistas, Nestorianos, atque Schismaticos, necesse fuit tria Capitula proscribere, quod fecit laudata Epistola Synodica; & etiam Synodum approbare, quod præstitit altero *Constituto*, proximo anno 554. Nec unquam in dogmate Vigilius a seipso dissenſit; nam tria Capitula jam damnaverant in *Judicato* anno 548. *Constitutum* vero, quo exauctorabat acta v. Synodi editum œconomiae causa, & pacis consilio, nec facta damnatione Synodali trium Capitulorum, provide prudenterque rescidit. Ipsum autem *Constitutum* neque in Synodo lectum & discussum fuit, neque tria Capitula judicio preemtorio ac definito damnavat, ut demonstrat vir doctissimus Joseph Augustinus Orſi lib. 1. de Rom. Pontif. Auct. cap. xx. art. 2. & 3. in eo quippe de personis tantummodo actitatum est, neque aliquid sub anathematis pœna propositum. Quod vero scribit Halloixius, hoc *Constitutum* ignotum fuisse Pelagio II. falsum evincitur ex hujus responsione ad Episcopos Iſtriæ superius citata, & pluribus refutatur a Norſio de v. Synodo cap. ix. §. 4.

Approbatam v. Synodum a Vigilio non solum constat ex Synodica ejus epistola cruta anno 1276. e vetusto Codice Vaticano a Leone Cinommo, sed etiam ex *Constituto* edito a Baluzio, de quo supra, ex Epi-

Epiftola Pelagii II., & ex antiquorum omnium conſenſu; unde concedi poſſet ſpuriam eſſe præcitam Epiftolam, neque hinc aliquid adverſum v. Synodum concluderetur. At quoniam nihil probant Garnerii conjecturæ, brevi illas reſellam. Principio falſum eſt ſcripſiſſe Vigilium ſe a diabolo fuiſſe impulſum; quum aſſeret tantum ſuadente humani generis inimico plures propoſitum ſuum implere ſtudiſſe, etiam nomine ipſius Vigilii: unde coactus fuerat multa loquendo, & ſcribendo diſſerere. Vide cit. Tom. vi. Conc. pag. 239. Deinde aſſerendo pacem tunc eſſe factam, nihil falſi narravit; non quod reſiſſent ad communionem cum Orientalibus Episcopis Illyrici, & Africæ, ut ſentit Natalis Alexander in Synopſi H. Ec. Sæc. vi. art. 9. conſtat enim diu ſchiſmata vigiſſe, ſed quia in v. Synodo *communi, & generali anathemate rejeſti ſunt Origenes, & Theodorus Moſſueſſius Episcopos*, ut inquit Cyrillus Scythopolitanus in Vita S. Sabæ, citatus A. 1. ſeptimæ Synodi: quo in loco Cyrillus etiam aſſerit *quatuor Patriarchas* concordî animo damnationem hanc approbaſſe. Ad tertium dicimus *Conſtitutum* Vigilii, ſi ſpectentur rerum circumſtantiæ, non eſſe levis animi argumentum, ſed prudentiſſimam vigilantiffimi Paſtoris curantis pacem Eccleſiarum œconomiam, ac ſimul Sedis Apoſtolicæ adverſus illos, qui abſque illius auctoritate œcumenicam Synodum congregant, æquiſſimam proteſtationem, ut dictum ſupra. Quod ſequitur nimium eſt futile; quoniam retractare *Conſtitutum*, in quo diximus latam non eſſe peremptoriam ſententiam, & in hoc imitari beatiſſimum Auguſtinum, non infringit Apoſtolicæ Cathedræ firmitatem, ſed commonſtrat Vigilii humilitatem, ſapientiam, ac ſedulam veritatis perquiſitionem: quamquam facta mentione Auguſtinenſium retractationum, hæc de ſe Vigiliiſ proloquitur gravi ac Pontifice digna oratione: *Nos quoque ſimiliter illis exemplis inſcitati, in controverſia trium Capitulorum ſupra memoratorum nunquam deſtitimus, quin inveſtigaremus quid de prædictis capitulis in Patrum noſtrorum literis verius inveniri poſſet*; quibus verbis conſtat exemplum Auguſtini ad ſignificandam potius aſſiduam rerum inſpectionem, quam priſtinæ revocationem ſententiæ, fuiſſe a Vigilio productum.

De *Sacra* Juſtiniani data pridie Idus Julias Chalcedone, ac de nomine Vigilii deleta e ſacris diptychis, ejuſque exilio, non conveniunt eruditi. Baluzius qui Juſtiniani literas ſeptimæ Collationi inſeruit, eas enim adinvenit una cum Præſatione Conſtanti *Quæſtoris* habita in eadem Collatione, in qua Imperatoris juſſu literæ Patribus exhibitæ, & lectæ fuerunt, necnon Pagius ad an. 553. genuinas agnoſcunt; & iccirco idem Pagius recedit a ſententia Norſii negantis Vigilium deportatum fuiſſe in exilium. At argumenta plura evincunt *Sacram* illam Juſtinianeam eſſe adulterinam ac ſpuriam, atque illud in primis, quod legi non potuit Conſtantinopoli vi 1. Kal. Junias

Epistola data pridie Idus Julias ejusdem anni Chalcedone, nec ejusdem Epistolæ mentio fiat in Collatione VII I. ubi singula præcedentia Acta commemorantur, neque in ulla Conciliorum editione ante Baluzium, neque in aliquo vetusto Codice; quod in ea denique falsum narretur, Vigilium scilicet trium Capitulorum defensores a sua communione repellere, quod nec Justinianus Synodo significasset, cum id obstaret potius, quam conferret eorumdem Capitulorum tantam anxietatem animi quæsitæ condemnationi: de qua re legi poterit Defensio disert. Norisianæ cap. 6. & P. Orsi cit. Capit. xx. art. 3. Atque ita persistit sententia Norisii improbantis exilium Vigilii, nam Liberatus in fine Breviar. ubi de exilio loquitur, Vigilii non meminit, afflictumque a Justiniano ante absolutam quintam Synodum nullus negat. Verum quicquid sit de Justiniani *Sacra*, & de exilio Vigilii, omni procul dubio. Justinianus anno 554. erat animo erga Vigilium amico, ut probat ex sanctione ejusdem Imperatoris recitata post Novellas eximius. Noris.: ideoque Vigilii anno 554. Synodum confirmaverat: quod ad præsens sufficit institutum.

Dices: At damnationi trium Capitulorum, tamen si in quinta Synodo peracta sit, possumus refragari. Primo quia hæc quæstio non circa dogma versatur, sed circa factum; in quo etiam Generalis Synodus, & Summus Pontifex errare potest. Scribit enim lib. 2. Ep. 36. Greg. Magnus, in v. Synodo *nihil attitutum de fide, sed de Capitulis quibuslibet extra filem, ac de personis tantum*. Deinde idem Gregorius in literis ad Constantium Episcopum Mediolanensem, qui reducere conabatur ad communionem Ecclesiæ reginam Theodelindam seductam a trium Capitulorum propugnatoribus, inquit *recte factum*, quod Constantius ad Reginam non transmiserit Gregorii Epistolam, *pro eo quod quinta Synodus in ea nominabatur*, cum inde Theodelinda *potuisset scandalizari*: unde aliam idem Gregorius Epistolam misit, in qua solummodo quatuor Synodi laudabantur. Censuit ergo Gregorius dissimulandum esse, si quis nolit Quintam Synodum, ac trium Capitulorum damnationem recipere. Præterea non solum Istricæ Episcopi, verum etiam Ecclesiæ Hispaniarum, quæ servabant cum aliis Ecclesiis communionem, diu Quintam Synodum repudiarent: quod propterea etiamnum videtur tolerandum.

Resp. Hanc de tribus Capitulis quæstionem non esse de Catholico dogmate, quatenus non pertractat absolute de fide Incarnationis, aut de hæresi Nestoriana, jam profligata, & proscripta; sed esse de *falso dogmatica*, in quantum versatur circa libros scatentes eadem hæresi, & circa personas ipsius hæreseos disseminatrices. Ac in *falsis dogmaticis* Apostolicæ Sedis judicium esse inconcussum, preemptorium, irreformabile ostendimus ex hac quoque trium Capitulorum discussione postremo Capite de H. *Janseniana*. Postquam ergo latam a v. Synodo

nodo ſententiam firmavit Vigilius, ei cuiſlibet fidelium erat acceden-
dum, nec ulli contraire fas erat. Quoniam tamen, ſi Eccleſiæ omnes
impium dogma reſellant, non adducitur in magnum diſcrimen fides
orthodoxa; ideo Vigilius principio obſtiterat trium Capitulorum dam-
nationi; eaque proſcripſit, ubi compertum habuit poſſe ex illorum
pervicaci deſenſione recifa errorum portenta iterum germinare. Ob
eamdem cauſam aſebat Magnus Gregorius in v. Synodo non aſtitutum
de fide, & *diſpenſative*, atque ad tempus permiſit ne reginæ Longo-
bardorum Theodelindæ, quam alias conſtabat piſſimam eſſe & catho-
licam, v. Synodus commendaretur. Idem cum Hiſpanis ſervatum eſt,
cauſa æconomix, & prudenti diſpenſatione: nam ſi v. Synodum re-
pellendo tentaffent inſtaurare damnatas hæreſes, debuiffent ad illam
recipiendam Eccleſiaſticis cenſuris compelli. Ceterum Gregorius te-
ſtatur, ſe Quintum pariter Concilium venerari; atque iſtud tanto cer-
tioris eſt auctõritatis, quanto poſt diuturnam Schiſmaticorum repu-
gnantiam annitentibus ſummis Pontificibus, & omnia, quæ ob-
iciebantur, diſcuſſis, compertum eſt a Vigilio firmatum, & ubique ter-
rarum receptum eſt: quod non diſſitetur Garnerius Diſſert. 3. de fide
Theodoriti pag. 465.

Secunda argumentatio erit in deſenſionem Theodori Mopſueſteni,
ac primi Capituli. Et primo proferri poſſunt complurium in laudem
Theodori teſtimonia, præſertim Joannis Antiocheni in Epiſt. ad Neſto-
rium, Facundi Hermianenſis in trium Capitulorum deſenſione, & Iſi-
dori Hiſpalenſis de Viris illuſtribus.

At ad hæc reſpondet Summus Pontifex Pelagius II. *Plus Synodo
primæ Epheſinæ, plus Cyrilli libris, plus Heſychii, quam aliis commo-
dandum.* Addit laudatum a Joanne Antiocheno, dum *ejus error occul-
tus adhuc & dubius fuit*: ſed poſtea *omnium pene magnorum Patrum
ſententiis, velut immanem beſtiam, quaſi crebreſcentibus jaculis*, fuiſſe
conſoſſum. Profert & exemplum Origenis, quem laudarunt Grego-
rius Nyſſenus, Hieronymus, & Euſebius, conſtat tamen nihil *Orige-
ne in Hæreſiarchis inveniri deterius*. Addimus perpauca: ac primum
Joannem Antiochenum aliquando errore facti deceptum adhæſiſſe Ne-
ſtorianis, & Epheſinam Synodum oppugnaffe, quod ſupra vidimus;
deinceps Theodorum magnam ſibi laudem comparaffe Apollinarium
inſectando, quamvis in oppoſitum errorem impegit: tum Facun-
dum Hermianenſem fuiſſe æcerrimum trium Capitulorum deſenſorem,
ut liquet ex duodecim libris ab eo conſcriptis, completis tamen an-
no 548. antequam tria Capitula damarentur, ut teſtatur Garnerius:
Iſidorum denique & libros Facundi perlegiſſe, & erraſſe quoque
ſcribendo Theodorum purgatum in Concilio Chalcedonenſi, in quo
nihil actum de ipſo Theodoro.

Præterea objici poteſt, ſemper Theodorum tanquam Catholicum
audi-

audivisse, & nunquam e sacris Mopsuestenæ Ecclesiæ diptychis fuisse expunctum. Enimvero diptycha perlecta in Synodo Mopsuestena anno 550. supposita sunt, neque enim extabat in iis nomen Macedonii qui interfuit, & subscripsit Nicænæ Synodo, sicut nec Meletii, nec Auxentii: unde Garnerius recte asseruit vetera Ecclesiæ Mopsuestenæ diptycha suppositis novis deperdita, tempore, quo Cnaphæus pulso Calendione invasit Ecclesiam Antiochenam. Etiam edictum Theodosianum contra Theodorum est confictum & spurium; siquidem tertia parte Concilii Ephesini cap. 45. extat idem edictum absque nomine Theodori. Ad hunc ergo damnandum prolata sunt a malevolis adversariis apocrypha monumenta.

Resp. Dyptycha Ecclesiæ Mopsuestenæ perlecta anno 550. fuisse vetera, & genuina; probata quippe fuere nationali Synodo, & sacramento Martyrii presbyterorum provectissimi: cujus aliorumque patrum fidem inique Garnerius vellicat, dum divinans, nullaque fretus ratione inquit supposita nova diptycha Cnaphæi tempore. Macedonius a fide Nicæna, quam probarat, defecit, & subscripsit anno 345. Sardicensi Arianorum Conciliabulo. Auxentius unus extat in diptychis; alter hujus nominis dicendus est aut Nestorianus, aut Arianus. Meletium pariter Nestorianum fuisse liquet ex Collectione Baluziana Epistolarum Synodicon cap. 92. Horum ergo nomina, quemadmodum Theodori, in diptychis non debebant adscribi. Cur in lege Augustorum perlecta in Concilio Ephesino non reperiatur nomen Theodori, me latet: fortassis tunc necessarium non videbatur mentionem facere hominis vita functi. Decefferat enim Theodorus anno 427. ut demonstrat Norisius lib. 2. Hist. Pelag. cap. 4. affirmatque etiam Garnerius in Auctario Theodoriti dissert. 1v. §. 5. five anno 429. ut contendit Pagius ad annum 427. num. xii. In lege autem Augustorum altera, quæ extat etiam in Actis Concilii Chalcedonenfis, expresse Theodorus commemoratur.

Profertur ad hæc præcipua pro Theodoro defensio. Iniquum videtur præclarum Antistitem, qui in Ecclesiarum communione fati cessit, anathemati subicere. In mortuos enim sævire nimia videtur impietas, præsertim cum adversus Theodorum nec Proclus, nec Cyrillus anathema intorserint. Pervulgatæ huic argumentationi robur adjicimus; nam Patres v. Synodi ad damnandum Theodorum vita functum inducti sunt momentis frivolis & levissimis. Præcipua, quæso, expendamus. Protulit Eutychius Josiæ factum, qui ossa eorum, qui vitulis immolaverant, post mortem effodit atque combussit, 4. Reg. xxi. 16. At Josiæ exemplum non est ad rem; nam qui vitulis immolabant, non decefferant in pace Ecclesiæ, ut observat Lupus dissert. de v. Synodo Cap. 3. Et tamen Evagrius lib. 4. cap. 38. pag. edit. Valesianæ 413. scribit, *Hoc ab Eutychio aptissime dictum esse*

esse

esse cuncti qui aderant censuerunt . Sextilianus produxit canonem 81. Ecclesiæ Africanæ, quo dicitur anathematizandum Episcopum post mortem, si heredes extraneos a consanguinitate sua, vel hereticos etiam consanguineos, aut paganos Ecclesiæ pratulerit: quod, tamen Natalis Alex. censet validissimum argumentum, nullius est roboris: nam Episcopus condens vetitum testamentum juxta Cyprianum, Ep. 66. ad Furnitanos, & juxta Canonicas Afrorum sanctiones decedebat prævaricator, ac statutum Concilio erat, ut si quis hoc fecisset, non offerretur pro eo, nec Sacrificium pro dormitione ejus celebraretur, inquit Cyprianus pag. 246. In casum itaque tam exemplum Josiæ, quam canon Africanus adversus Mopsuestenum fuerunt producta. Affirmavit Benignus Heraclensis ex Ecclesiastica Traditione posse aliquem propter impia conscripta anathematizari post mortem, quum traditio evincat oppositum. Nam Dionysius Alexandrinus, auctore Eusebio lib. v. 11. H. Eccl. cap. 24. non ausus est damnare Nepotem Episcopum, qui tradiderat prava dogmata, sed ex hac vita in Ecclesiæ pace migraverat. Epiphanio volenti damnare Origenem respondit Theotimus apud Socratem lib. 6. cap. 11. nequaquam fas esse in mortuum deservire. Ipse Vigilii in Constituto auctoritate Gelasii, & Leonis asferentium Ecclesiæ solummodo potestatem esse ligandi, aut solvendi viventes, quoniam Petro dictum est, *Quodcumque ligaveris super terram, &c.* ajebat Theodorum non esse anathematizandum, ut revera non anathematizaverant Patres Chalcedonenses, & Ephesini. Joannes etiam IX. adversus Stephanum VII. qui damnavit Formosum in pace Ecclesiæ defunctum inquit: *Quod nunquam decessorum nostrorum temporibus factum fuisse traditum est, penitus abdicamus* . Alia plurima profert Lupus cit. loco: at hæc sufficienter commonstrant Patres Quintæ Synodi in Theodoro damnando vetustam Ecclesiæ disciplinam, ac traditionem violasse.

Resp. Benignum Heraclensem negavisse in v. Synodo, quod Theodorus in pace Ecclesiarum obierit: *Ille enim*, inquit, *in communione, & pace Ecclesiarum defunctus est, qui usque ad mortem recta Ecclesiæ dogmata & servavit, & prædicavit: quod vero Theodorus non servavit & prædicavit recta Ecclesiæ dogmata, certum est ex ejus blasphemiiis* . Imo damnatum jam Theodorum innuerunt in Quinta Synodo Patres omnes, dum perlectis impio ejus Symbolo, excerptisque quamplurimis, exclamarunt: *Hæc jam condemnavimus, hæc jam anathematizavimus, &c.* Porro, etsi non expresse, Theodorus cum Nestorio damnatus fuerat, cum eadem sit utriusque doctrina, & si Theodori nomini aliquandiu Patres pepercerunt, non poterant non illud execrari, cum illius immodica celebritate, & injusta commendatione hæresis Nestoriana contritum caput ausu temerario erigret. Quare damnatio Theodori non fuit in demortuum im-

impietas, sed dissimulatæ, nec ulterius ferendæ nequitiae necessaria improbis adoratoribus exprobratio. Atque hac responsione diluuntur omnia argumenta, quæ videntur probare neminem in Ecclesiæ communione defunctum posse anathematizari post obitum.

Falsum præterea est, non posse impium a communione fidelium, posteaquam fatis cessit, repelli. Siquis enim post mortem absolvi potest & declarari orthodoxus, cur non subijci tanquam hæreticus anathemati? Recte Benignus adversus Theodorum universæ Ecclesiæ protulit traditionem. Quæ enim Synodus Valentinus, Marcionem, Basilidem, aliosque primi & secundi sæculi hæreticos, nisi postquam decesserant, condemnavit? Invenimus anathematizatum post mortem Dioscorum in Schismate contra Bonifacium II. electum, atque Theodorum ipsum damnatum a Rabula Edefseno, & expunctum ex diptychis Ecclesiæ suæ. Pelagius II. in Epistola superius citata etiam a Synodo Ephesina Theodorum anathematizatum affirmat: *Nam, inquit, cum ab ejus discipulis dictatum ab eo Symbolum fuisset prolatum, illico a sanctis Patribus cum auctore damnatum est.* En Theodorus, auctore Pelagio, a Synodo Ephesina recepta a trium Capitulorum defensoribus, anathematizatus post mortem. Addit Pelagius dignam Romano Pontifice sententiam: *Si Jesum Dominum ac Deum nostrum post mortem Theodorus damnavit; cur Theodorus, qui tot blasphemias Redemptori nostro hostis extitit, non debet anathematizari post mortem?* Accedunt enucleata testimonia Augustini in eadem Quinta Synodo lecta, & probata; ex Collat. 3. Carthag. cap. 587. de Unit. Ecclesiæ cap. 2. & ex libro 111. contra Cresconium cap. 35. & 39. In hoc adversus Cresconium Opere, priori loco ait S. Pater: *In hac communione si fuerunt, quos nescio traditores, cum eos demonstraveris, & carne, & corde eos detestabor: nequaquam tamen a vivis in ejusdem Ecclesiæ sancta unitate manentibus propter mortuos alienabor: & postremo loco, Judicium non tantum de vivis, sed etiam de mortuis haberi potest: licet enim sit mortuus qui peccavit, nunquam illud morietur quod admisit.* Nec minus perspicua sunt alia Augustini loca, quibus perlectis nihil aliud Patres ad damnandum Theodorum expetiverunt; tanti valere singulis visa est Doctoris præstantissimi auctoritas: ut adnotatum quoque in Florentina Synodo sess. VII. Atque ex his liquet posse impium etiam post mortem ab Ecclesiæ communione repelli.

Neque oppositum evincunt argumenta contraria. Exemplum enim Josiæ prolatum ab Eutychio, nec in Actibus Synodalibus insertum est, erratque Evagrius scribens visum iis qui aderant aptissimum; quanvis & id concedi potest, si cum Benigno Heracleensi dicamus Theodorum in pace Ecclesiarum non obiisse. Canon pariter Africanus a Sextiliano productus nulla legitur exceptus Synodi approbatio-
ne.

ne . Nepotis Arſenoitis Epifcopi exemplum non eſt ad rem , is enim propugnauerat errorem Millenariorum nondum ætate ſua ab Eccleſia proſcriptum ; at Theodorus tradiderat uſque ad ſenectam noſarias blaſphemias damnatas in Ebionæis , atque Samofatenſibus . Cyrillus & Vigilius humanius cum Theodoro ſeſe gerebant , quando ignorabant hæreticos jaſtato Mopſueſteni nomine fieri peruicaciores : ſemper tamen Theodorum *implicite* anathematizabant , dum damnabant Neſtorianiſmum ; ac perſpecta hæreticorum machinatione , etiam mortuum anathemate percuſſerunt ; Cyrillus quidem in lib. *De eo , quod unus eſt Chriſtus* . Vigilius autem in ultimo *Conſtituto* . Origenem damnatum poſt mortem ante Ediſtum Juſtiniani , etiam ab Epiſphanio in Epiſt. ad Ioannem Jerofolym. & *ab omni tam Orientis , quam Occidentis Eccleſia* hæreticum denuntiatur , ut inquit 2. Apolog. contra Rufinum S. Hieronymus , inuiſte probat in diſert. de v. Syn. cap. 2. Noriſius , quare Theotimus nimia uſus eſt in Origenem comitate . Dum Sanctus Leo , Gelafius , alique ſcribunt Eccleſiam neminem abſolvere aut damnare poſt mortem , tantum aſerunt deſunctos præmium , aut pœnam conſecutos neque ſolui a peccatis , neque ligari ; ſed quemadmodum ii , qui dum viverent doctri-næ ac probitatis ſpecimen præbuerunt , poſt obitum ab Eccleſia ſacrificiis iuvantur , & commendantur laudum præconio : ita æquum eſt illos , qui neſariis conſcriptis fidem peſumdederunt , privari poſt mortem ſanctorum communione , proſcindi malediſtis , & cum heterodoxis repelli . Cum mortuis neque illud iudicium exerceri poteſt , quod partium conſiſtatione , atque interrogationibus & reſponſis peragitur : neque præcipitanter ac temere , ut in Formoſum fecit Stephanus , pronuntiandum ; quamobrem Stephanus a Flodoardo dicitur

Durus qui noſtris , propriis ac durior inſtat :

Sæva quidem legat vivis , truciора ſepultis ;

Polconemque minis , Formoſum concuſit æſtis .

Sed Formoſi hiftoriam compleſſi hac diſſertatione non vacat . Legi poteſt Baronius , & Pagi-us ad annum 897. Nat. Alex. in H. E. Sac. ix. art. 13. & 14. Auxili-us apud Morinum P. 2. de Sacris Ordinatio. Papebrochius in Propylæo , Sandinus , &c.

Argumentum tertium eſt in deſenſionem II. Capitu-li , ſcilicet Scriptorum contra Cyrillum Theodoriti . Nam ſi hunc abſolverat , ſuæque Sedi reſtituerat ſancta Synodus Chalcedonenſis , quomodo non violato hujus œcumenicæ Synodi jure poterat ſubire juſte evibratum anathema ?

Verum nil concludit iſthæc obſectio . In v. enim Synodo nil contra Theodoriti perſonam aſtitutum , ſed contra impia ejus ſcripta adverſus anathematifmos Cyrilli : quæ ſcripta ipſemet Theodotus *implicite* condemnavit , dum in Synodo Chalcedonenſi præalta voce

voce dixit anathema Nestorio, & cuicumque neganti beatissimam Virginem esse Deiparam. Patres quippe Chalcedonenses illum non aliter suscepissent, nisi prius anathematizasset Nestorium, & ejus blasphemias, pro quibus antea scripsit defendens eas, inquit Patres v. Synodi collat. 5. pag. 130. Hinc Pelagius II. citata epistola pag. 276. objectionem ita retundit: *Neque enim Theodoriti omnia scripta damnamus, sed sola, quæ contra duodecim Cyrilli Capitula, sola, quæ contra rectam fidem aliquando scripsisse monstratur; quæ tamen & ipse damnasse cognoscitur; qui in sancta Chalcedonensi Synodo vera confessus invenitur.*

Si opponas: Jam ergo Theodorus impia dogmata proscripserat, jam a plenaria Synodo fuerat absolutus. Quid opus erat hunc iterum movere lapidem, ac tantas ciere procellas?

Verbis Vigili in *Constituto* num. xxvii. pag. 310. respondebo: *Eo quod Nestoriani sub ejus Episcopi nomine, qui a beata recordationis Leone Papa, & a sancta Chalcedonensi Synodo legitur fuisse susceptus, eadem scripta ad adstruendi sui erroris videntur adhibere suffragium, non aspicientes quod non solum sancti Patres in Chalcedone congregati damnato Nestorio cum suis dogmatibus, & ista damnaverint, sed etiam ipse Episcopus Theodoretus omnia dicta, quæ beati Cyrilli in Ephefina prima expositis videbantur contraire dogmatibus, in Chalcedonensi Synodo aperta professione respuerit. At de Theodoro plura cap. præcedenti.*

Postrema in patrocinium III. Capituli, sive Epistolæ, quæ dicitur Ibæ, argumentatio erit istiusmodi. Ibas in Chalcedonensi Synodo, quamquam Aët. x. lecta fuerit ejus ad Marim Persam Epistola, declaratus est Orthodoxus, atque sedi suæ restitutus. Non poterat ergo salvo jure Concilii Chalcedonensis ejus Epistola a Synodo v. proscribi.

Respondet Natalis Alexander 1. in Synodo Chalcedonensi Ibam declaratum orthodoxum, non propter Epistolæ dogma, sed propter contestationem ab eo factam, & comprobata ex actis Synodi Beritenfis quod consensisset paci inter Cyrillum, & Orientales initæ, & anathematizasset Nestorium. II. Omnia acta judicialia peracta post actionem fixtam, & post fidei definitionem conscriptam, nullius penitus firmitatis fuisse, quia Legati Apostolicæ Sedis ad hoc tantum fuerunt directi, ut excisis hæresibus catholica essent fidei defensores. Ita nimirum scribit S. Leo in Ep. ad Joannem Antioch. & similia ad Episcopos Istriæ Pelagius II. Respondet 3. non fuisse de Epistola Ibæ idem Patrum singulorum judicium, nam licet Maximus Antiochenus dixerit etiam Epistolam Ibæ esse catholicam, alii tamen non Epistolam, sed solum Ibam ob anathematizatum Nestorium Orthodoxum declararunt, alii restituendum dixerunt, quoniam etiam
ii su-

ii suscipiendi sunt , qui ab hæreticis revertuntur . Hæc autem omnia verissima sunt , & constant ex Actis Chalcedonenfibus : sed plura falsa supponunt , scilicet Patres Chalcedonenses judicasse Epistolam esse Ibæ , de hac minime pronuntiasse illam hæreticam declarando , ut humaniter exciperent ipsum Ibam jam susipientem Synodum Ephesinam , & anathematizantem errores Nestorii , saltem Maximum Epistolam illam judicasse orthodoxam . Omnes , quotquot legi , in eadem opinione versantur , etiam noster Lupus in Appendice ad Synod. Chalced. Act. 9.

Mea tamen sententia est , Ibam fuisse in Synodo Chalcedonenfi absolutum , quia nunquam ejus Adversarii demonstrare potuerunt ipsum revera fuisse auctorem Epistolæ ad Marim Persam , & aliàs evidens erat tandem anathematizasse Nestorium ; illam tamen Epistolam directe contrariam definitioni Synodi Chalcedonenfis semper Ibam a se conscriptam negasse , & neminem , nec Maximum Antiochenum , illam existimasse Catholicam : atque defensores trium Capitulorum , sicut ex absolute Theodoretii subdole etiam ejus scripta contra Cyrillum contendebant fuisse approbata , ita ex restitutione Ibæ callide suscepisse patrocinium etiam Epistolæ ad Marim , eidem Ibæ attributæ : ipsum denique Ibam hanc Epistolam in Synodo Chalcedonenfi saltem implicite proscriptisse , quemadmodum , ut supra diximus , Theodorus quoque *damnasse cognoscitur* quæ scripsit *contra duodecim Cyrilli Capitula* . Hæc si demonstravero , nihil in hac controversia remanebit arduum ac perdifficile .

Hæc autem evidenter probō collatione Actuum Synodicon , & *Constituti Vigiliani* . I. Act. ix. Chalced. Ibas libellum obtulit significans se *ab Eutychete injustitiam & falsa signenta perpeffum* , Ephesi sub Dioscōro *falsum accusationem* pertulisse , inventum *innocentem ab illatis sibi calumniis* , constare ex Actis a Photio , & Eustathio subscriptis se plane fuisse purgatum , suamque Orthodoxam fidem constare testimoniis omnium Edeffensorum Clericorum . Cum ergo hæc omnia perpeffus fuerit ob Epistolam ad Marim Persam , *Evidentissime declaratur* , inquit Vigilius in *Consistito* num. 11. *a sepe dicto Iba Episcopo memoratam ad Marim Persam Epistolam , quia sua fuerat , denegatum* . II. Cum producta essent Acta Ecclesiæ Edeffensæ , & Photius & Eustathius vera ac genuina esse testati fuissent , ex his apparuit Ibam se purgasse exhibita *professione rectæ fidei* , & ad satisfactionem eorum , quæ objiciebantur , hanc ab eo exactam promissamque satisfactionem , ut in Ecclesiæ Edeffensæ alloquio manifestè anathematizaret Nestorium , ac profiteretur se credere omnia , quæ placuerant Ephesinis Patribus , & quæ continentur in literis Conventionis inter Joannem Antiochenum , & Cyrillum Alexandrinum . At quid necessum erat , inquit Vigilius num. v. , *de Orthodoxa fidei*
Tb.V. H h since-

*ſinceritate quid ſapiebat ſcripto deprimere, niſi vitallſet perfidia ma-
culam in ipſa Epiftoſa, qua obſecta fuerat, clareſcentem? III. In Ju-
dicato Iheroſi, & Euſtathii extabat Iham falſiſſe falſis accuſationibus
impetitur, ac propterea Ibas hoc Judicatum produxerat; atque
ideo tale de Iba prolaturum fuerat iudicium, quia accuſatores intereſſe
noluerunt, & Ibas aperta confeſſione anathematizavit Neſtorium.
Hæcenus ergo Photius & Euſtathius declararunt Iham Catholicum,
quia comprobatum non fuit eſſe illum revera auctorem Epiftoſæ ad
Marim Perſam, & ex alia parte anathematizando Neſtorium, & ap-
probando decreta Epheliſina rectam fidem profitebatur. Vide Conſti-
tutum Vigili num. vii. Præterea Patres Chalcedonenſes hæc Iba ju-
ſtificatione non contenti, Aët. x. relegi mandarunt accuſationes ad-
verſus Iham, & audiri Maran, & Theophilum; quumque accuſa-
tores afferrent Iham ſemel appellaffe hæreticum S. Cyrillum,
reſpondit hæreticum appellaffe tantum ante Synodum Epheliſinam,
quum audiebat tanquam Apollinarifta, neque abſolute, ſed niſi rece-
piſſet Synodum Orientalem. Quomodo ergo poterat Ibas ſuam fate-
ri Epiftoſam, in qua poſt Eccleſiarum unionem ſcriptor, quiſquis fue-
rit, Cyrillo obloquitur, Synodumque Epheliſinam vilipendit? V. Cum
Maras eadem Aët. x. objeciſſet Ibam obloquutum Cyrillo, decretiſ-
que Epheliſinis etiam poſt initam pacem Eccleſiarum, atque ad hoc
comprobandum produxiſſet Epiftoſam ad Marim Perſam, & hæc in ſa-
cro Conſeſſu perleſta eſſet; quid tum Ibas? Epiftoſam ne ſuam agno-
vit? Ita Patres allocutus eſt: *Jubeat veſtra Clementia relegi & li-
terat Clericorum Edeſſenorum, ut cognoscatis quia & ab his, quæ
mibi illata ſunt alienus exiſto, & violentiam ſum perpeſſus.* Oſten-
dit ergo, inquit Vigilius num. xii. *ſe per omnia alienum & ab aliis,
quæ præcedenti loco ei obſecta ſunt, & ab Epiftoſa ad Marim Perſam
ſcripta, quæ ſtatim relecta fuerat.* VI. Cur Ibas relegi curavit Epi-
ſtoſam uniſerſi Cleri Edeſſeni conſtantis illum eſſe Orthodoxum,
Synodum Epheliſinam probare, revereri Cyrillum, & nunquam ex
ejus ore ſe audiviſſe blaſphemiam illam, *Non invideo Chriſto factio
Deo, quoniam & ego, ſi volo, poſſum fieri ſecundum illum;* quæ etiam
blaſphemia Ibæ objiciebatur: cur inquam, hæc relegenda curavit,
niſi ut repelleret Epiftoſæ ſibi attributæ perfidiam? VII. Non ſolum hæc
noſtra ſententia ex Conſtituto Vigili apertiſſima eſt, verum etiam
magis maniſque roboratur ex Collatione 6. Quinti Concilii; ubi poſt-
quam Theodorus Cappadox, aliiſque Epiſcopi affirmaveſſent, quod*

Ibas

Ibas in ea Synodo non ſolum abnegavit, ſed etiam anathematizavit Epistolam ad Marim Perſam; a Synodo univerſa reſponſum eſt, *Sci-*
mus & nos hac ita ſubſequuta eſſe: atque ad majorem cautionem juſ-
ſum, ut aſta Chalcedonenſia relegerentur . VIII. Quis, niſi omnino
deſipiat, ſuſpicari poteſt, aut Ibam, aut Maximum Antiochenum,
aut alium ex Patribus Chalcedonenſibus exiſtimariſſe probandam Epi-
ſtolam ad Marim Perſam, quæ, ut recte v. Synodus definiuit, *con-*
traria per omnia eſt deſinitioni, quam pro recta fide ſancta Chalcedo-
nenſis Synodus pronuntiavit? IX. Ipſe Pelagius in Epiſt. ad Epiſc.
Iſtriæ, quamquam recte cum Leone Magno ait licenter poſſe repre-
hendi Epistolam Ibx, etiamſi illam Epiſcopi Chalcedonenſes appro-
baſſent, quia in Aſt. v. 1. *Profeſſio fidei conſummatur, moxque cano-*
num regula figitur; inquit tamen, quod ſi quis affirmat Epistolam
ad Marim Perſam fuiſſe a Synodo probatam, *geſta ejusdem Synodi*
deſtruere conatur: addit, *quia probata ſit, aut diſſiculer, aut nul-*
latenus demonſtratur: affirmat quod *ab eadem Epistola alienum ſe*
Ibas reſpondit; quæ nos hiſce argumentationibus demonſtravimus .
X. Amuſſim omnia huic aſſertioni conveniunt . Apparet primum utri-
uſque Synodi Chalcedonenſis, & Quintæ conſonantia: tum claret ſin-
gularum Patrum Chalcedonenſium ſententia; Legati enim Apoſtoli-
cæ Sedis judicarunt Ibam innoxium, *reſectis chartis*, unde non
eomprobabatur adverſantium accuſatio, & Clericorum ſuorum ab-
ſolvebatur conteſtatione: Epiſcopi Caſarienſis, & Cyzicenſis eum-
dem orthodoxum appellarunt ex Judicato Photii, & Euſtathii: Se-
baſtenus Antifteſ illum aſſeruit recipiendum ob *abnegationem* obje-
ctæ Epistolæ, ac Neſtorianæ perfidiæ: Juvenalis Jerofolymitanus di-
gnum *pervidit*, qui impetraret clementiam, nam aliqua de conſcrip-
ta ab illo Epistola perfeverabat ſuſpicio; ubique tandem hanc Epi-
ſtolam cautione iſta novimus reprobam, *qua dicitur Iba* .

Inſiſtes: At Patres Chalcedonenſes ideo Ibam pronuntiarunt or-
thodoxum, quoniam Catholicam judicarunt Epistolam ad Marim Per-
ſam. Hanc itaque Epistolam una cum Iba approbarunt . Probatur
antec. Paſchafinus & Lucretius non tantum dixere, *Reſectis char-*
tis agnovimus ex ſententia Reverendiſſimorum Epiſcoporum Ibam re-
verendiſſimum innoxium approbari, quæ verba probant iudicium la-
tum a Photio & Euſtathio; verum etiam addiderunt, *Relata ejus*
Epistola agnovimus eum eſſe orthodoxum; quibus Ibam etiam ex Epi-
ſtola ad Marim Perſam, quæ poſt Judicatum Photii, & Euſtathii fue-
rat reſecta, Ibam judicaverunt innoxium, ideoque & Epistolam ap-
probarunt . Maximus etiam Antiochenus inquit: *Ex his quæ modo*
reſecta ſunt, maniſeſtum eſt, quia ab omnibus ei illatis reverendiſſi-
mus Ibas innocens eſt reſertus; & *ex reſecto quoque reſcripto Epistola,*
qua probata eſt ab eo qui adverſarius ejus exiſtit, orthodoxa ejus de-

clarata est dictatio. Quid apertius? Maximus declaravit Ibam orthodoxum, & orthodoxam Epistolam ab eo *dictatam*, prolataque ab Ibæ adversario Mara, idest, ad Marim Persam conscriptam.

Quamvis revera hi tres Catholicam Epistolam pronuntiasent; nihil evincerent trium Capitulorum patroni, cum acta judicialia Synodi Chalcedonenfis potuerint retractari, Magno id Leone asserente. At respondemus neminem præcitatam Epistolam per omnia sanctæ Chalcedonenfis Synodo contrariam judicasse orthodoxam. Legati Apostolicæ Sedis illis verbis, *Relecta ejus Epistola agnovimus eum esse orthodoxum*, significarunt, inquit Vigilius in Constituto n. xix. Ibam innocentem fuisse repertum relecta Epistola Clericorum Edeffsenorum, contestantium *ab illius Epistola ad Marim Persam crimine alienam Ibæ conscientiam*. Itaque *ejus Epistola* non appellatur Epistola ad Marim, sed Cleri Edeffseni; enimvero hæc supplicante Ibæ fuerat relecta post objectam illi ad Marim Epistolam. Neque officit quod dicatur *Epistola ejus*, inquit Vigilius; primo *quia ipse appellatur, quam pro se relegi petiit*: deinde quia communi loquendi modo in judiciis eorum *documenta chartæ & Epistola dici solent, qui eis pro se utuntur, & quorum ostenduntur prodesse negotiis*: rursus quia magis æquum est, ut Ibæ dicatur Epistola, *quam ille pro sua orthodoxæ fidei approbatione ut relegeretur exigit*; quam conscriptam ad Marim Persam, *quam ad Ibam oppugnandum objiciebant adversarii*. Hæc Vigilius num. xxii. Corroboratur hæc responsio sententia Maximi, qui non ait declaratam orthodoxam *dictationem* Ibæ in Epistola prolata ab Adversario, sed ex *relecto rescripto Epistola*, scilicet, ex *relecto rescripto* Edeffsenorum, quo recitato omnia, inquit Vigilius, *non solum adversariis non probantibus, aut Iba Episcopo denegante, verum etiam damnante fuerunt reprobata*. Quare *dictatio* non significat, ut vulgo accipitur, conscriptionem Epistolæ, sed Ibæ apud Judices actionem. Ita apud Jurisconsultos *actionem dictare* nihil est aliud, quam formulam intendere, sive cum adversariis in judicio experiri, apud Paullum L. *Non distinguemus. ff. illud. D. de recept. arbit.* In Græco apud Harduinum Tom. I. pag. 540. extat: *ἡ ὁρθόδοξος ἐπιστολὴ αὐτοῦ ἐν τῇ ἐκκλησίᾳ, ὁρθόδοξα declarata est ejus significatio*. Hactenus de tribus Capitulis, & de hæresi Nestoriana.

C A P U T XVIII.

Eutychianum dogma refellitur.

COARVA fere Nestorianæ, atque e diametro opposita est hæresis Eutychetis, quam erupisse scribit Anastasius Sinaita decem circiter

citer annis poſt Synodum Ephelinam , nimirum circa annum Chriſti 441. Gelafius tamen in Epiſtola ad Episcopos Dardaniæ exortam hæreſim illam affirmat anno 448. rationem habens illius temporis , quo Eutycheſ a S. Flaviano in iudicium vocatus fuit , accuſante Euſebio Epifcopo Dorylæi . Fuit Eutycheſ ex parentibus Orthodoxis progenitus , Preſbyter Eccleſiæ Conſtantinopolitanæ , & ampliſſimi Monafterii ὁμολογίας , ideſt , Archimandrita , vel Præſes . Is ægre ferens initam pacem inter Cyrillum & Joannem Antiochenum , cœpit adverſus Orientales obloqui , eoſque tanquam Neſtorianos traducere ; arbitrabatur enim duas , quas illi propugnabant naturas , duas perſonas conſtituere , quæ fuerat cum Gentilium , tum ſuperiorum hæreticorum alucinatio . Quamobrem unam in Chriſto perſonam defendens ait naturas duas , humanam , atque divinam ita in Incarnatione permixtas , & conſuſas fuiſſe ; ut licet antea diverſæ fuerint , poſt adunationem tamen in unam tranſierint . Innovavit propterea etiam hæreſim Apollinarii , etſi in eum aliquando anathema intorſerit ; quoniam docens poſt naturarum adunationem humanitatem a divinitate fuiſſe abſorptam , eam , quam appellabat Chriſti carnem , putabat eſſe divinitatem ipſam , quaſi de cælo delapſam , nullum propterea corpus Chriſti agnoſcens , niſi phantaſticum , & contendens ipſam divinitatem fuiſſe affixam cruci , & in ſepulcro reconditam . Jure itaque , meritoque Eutychianum dogma appellatur a Facundo Hermianenſi ſcitum proſanum ac fatuum , & bruta contentio : & ipſe Eutycheſ a Leone Magno in Epiſtola ad Pulcheriam dicitur ſenex indoctus atque imperitus . Sed vide ſacrarum hiftoriarum , aut hæreſum accuratos ſcriptores , necnon diſſertat. Lupi de Synodo latrociniali Epheliſina .

Delatus , & impietatis ac hæreſis Eutycheſ accuſatus apud S. Flavianum Episcopum regiæ urbis Conſtantinopolis , huiusque monita parvipendens damnatus eſt a Synodo Conſtantinopolitana ab ipſo Flaviano coacta v1. Idus Novembris Coſs. Flaviano Zenone , & Poſtumiano , anno nempe 448. ſubſcribentibus Synodo Episcopis xxx11. & Archimandritis xx111. , ut recte Pagius ad hunc annum num 7. At damnatus Eutycheſ per literas conquæſtus eſt apud S. Leonem , agentem Pontificatus ſui annum 9. & quoniam ſignificavit iterum Neſtorianam hæreſim germinare , movit Pontificem , ut datis Epiſtolis ad Flavianum , quæ ſcriptæ fuerunt proximo anno 449. , zelum Eutycheſis commendaret , jubens ne innocens vexaretur . Verum acceptis poſtea a Leone cum Actis Synodi Conſtantinopolitanæ literis Flaviani , Leo ipſe Eutychetem damnavit ; atque impius hæreticus audenter appellavit ad prætorium Imperatoris ; a quo dante operam Chriſaphio Eunuchō , obtinuit ut indicretur Synodus Epheliſina , ſacta ipſi Eutycheti facultate Episcopos convocandi . Sanctus autem Leo , cum-

Theo-

Theodosium a cogendo Concilio non potuisset avocare, misit qui suas gererent vices; & Synodus quæ indicta fuerat ad Kalendas Augustas, celebrata est die v111. ejusdem mensis. Hæc est Synodus, quam dicunt Latrocinium Ephesium, sive Synodum Prædatoriam. Ibi enim renuentibus Legatis Apostolicæ Sedis, a Dioscuro Alexandrino, & Episcopis aliis Eutychianis, absoluto Eutychete, damnati fuerunt Sanctus Flavianus, Eusebius Dorylæensis, Ibas Edeffenus, Theodoretus Cyrensis, & Domnus Antiochenus. Imo Flavianus interponens appellationem adeo indigne tractatus est, ut ex numero & atrocitate vulnere animam efflaverit; etsi non omnes consentiant, an Ephesi obierit, an Epipæ in Lydia, quod eum relegarant, an in itinere inter cohortes militum & catenis devinctus. Dolo tamen plagarum, quas acceperat, migrasse ad Dominum, tradunt scriptores omnes, Evagrius, Liberatus, & alii apud Lupum citato loco. Hæc, aliaque Eutychianorum facinora in causâ fuerunt, ut defuncto interim Theodosio, atque ad Imperium eveſto Marciano, indiceretur Synodus Oecumenica. Hanc idem Marcianus cogi primum curaverat Nicææ in Bithynia, ut Eutyches damnaretur: in eadem urbe, ubi proscriptus fuerat Arius; & jam illuc Episcopi quamplures perrexerant: sed cum S. Romanus Pontifex Leo optaret quammaxime, ut Synodo interesset etiam piissimus Imperator, translata est Chalcedonem, ibique præsidentibus ejusdem Leonis Legatis inchoata est v111. Idus Octobris, & absoluta Kal. Novembris an. 451. Pontificatus Leonis XII., & Imp. Marciani II. In hac Synodo damnatus est Eutyches, proscriptus iterum Nestorius; at Theodoretus utrumque hæresiarum anathematizans fuit in sedem suam restitutus. Exposita nunc historia hæresis Eutychianæ, ipsam aggredimur refutandam.

PROPOSITIO. Duo sunt in Christo post adunationem naturæ distinctæ invicem, atque impermixtæ, licet separatim minime subsistentes, sed in eadem hypostasi, atque persona, unitione physica copulatæ.

Demonstratur I. Dominus noster Jesus Christus, quum sit unus atque indivisus, ut supra adversus Nestorianos probatum est; perfectus tamen est Deus, ac perfectus homo, præditus divinitate, & rationali anima & corpore humano: quorum primum libro v11. cap. 9. & in hoc ipso libro cap. x111. proposit. 2., alterum vero cap. 2. adversus Phantasiastas fuit apertissime demonstratum. Et quidem assumptæ a Filio Dei humanitatis invictum exhibent argumentum ea loca, in quibus dicitur filius hominis, filius Davidis, factus ex muliere, flagellis cæsus, crucifixus, atque de eo narratur vulnera sua palpanda discipulis præbuisse: ac divinitatem ea contestantur, in quibus appellatur Deus, Unigenitus permanens in sinu Patris, Filius Dei proprius, Panis qui de cælo descendit, antiquior

Abra-

Abrahamo, & Dominus benedictus in sæcula. Quæ omnia divinarum scripturarum auctoritate comprobata necessum non est, ut iterum producamus. At ex quo Dominus Iesus Christus sit Deus verus, divina in ipso natura debet propugnari; & ex quo sit perfectus homo, tenemur perfectam in ipso humanitatem profiteri. II. Huc spectant verba, quibus Verbi *Incarnationem* nobis divina eloquia proponunt. Ac primo Joannes Evangelista, posteaquam præclara de Verbi divinitate enuntiavit, affirmans quod in principio erat Deus, quod omnia per ipsum facta sunt, quod erat lux illuminans omnem hominem, *Et Verbum* (inquit) *caro factum est*. Itaque, ut inquit S. Leo in Epistola ad Flavianum lecta in II. Actione Synodi Chalcedoniæ, *Unus idemque* (quod sæpe dicendum est) *vere Dei filius, & vere hominis filius. Deus per id, quod in principio erat Verbum, & Verbum erat apud Deum: homo per id, quod Verbum caro factum est, & habitavit in nobis: Deus per id, quod omnia per ipsum facta sunt, & sine ipso factum est nihil: homo per id, quod factus est ex muliere, factus sub lege*. Eadem est vis verborum Apostoli ad Philipenses 11. 6. *Qui cum in forma Dei esset, non rapinam arbitratus est esse se æqualem Deo; sed semetipsum exinanivit formam servi accipient*. III. Eandem veritatem confirmant universa fere Christi opera, de quibus eadem ad Flavianum Epistola S. Leo: *Nativitas carnis manifestatio est humana natura; partus virginis divina est virtutis indicium: infantia parvuli ostenditur humilitate carnarum, magnitudo Altissimi declaratur vocibus Angelorum. Similis est rudimentis hominum, quem Herodes impius molitur occidere; sed Dominus est omnium, quem Magi gaudentes veniunt suppliciter adorare. Cum ad Præcursores sui baptismum venit, ne lateret quod carnis velimine divinitas tegeretur, vox Patris de cælo intonans dixit: Hic est filius meus dilectus, in quo mihi bene complacui. Sicut hominem diabolica tentat astutia; sicut Deo angelica famulantur officia. Esurire, sitire, lassescere, atque dormire evidenter humanum est: quinque panibus quinque millia hominum satiare, largiri Samaritana aquam vivam &c. sine ambiguitate divinum est. Non ejusdem natura est flere miserationis affectu amicum mortuum; & eundem remoto quatruiduane aggere sepultura ad vocis imperium excitare redivivum: aut in ligno pendere, & in noctem luce conversa, omnia elementa tremefacere: aut clavus transfixum esse, & paradisi portas fidei latronis aperire. Non ejusdem natura est dicere, Ego & Pater unum sumus; & dicere, Pater major me est. Vide Tom. IV. Conc. Labbei pag. 352. His vero quid proferri potest aut eloquentius, aut robustius, aut majori auctoritate firmatum?*

Addamus tamen ad frangendam penitus Eutychianam perfidiam argumentum quartum ex Patrum traditione depromptum. Plura.

afferunt testimonia Bellarminus lib. 111. de Christo cap. 3. Nat. Alexander Dissert. xxiv. sæculi v. ac Theologi omnes. Verum nos afferemus duntaxat aliqua ex Patribus, quorum testimonia recitata, ac probata fuerunt Aët. 2. Chalcedonenſis Synodi. Sunt hi, Hilarius, qui libro nono de Trinit. ait: *Nescit plane vitam suam, nescit qui Christum Jesum ut verum Deum, ita & verum hominem ignorat.* Gregorius Nazianz. scribens in Orat. de Nativitate, *Missus est quidem, sed ut homo: duplex enim erat in eo natura.* Ambrosius, cujus in 2. lib. de Fide ad Grat. cap. 4. hæc sunt verba: *Idem Deus, idem homo: per divinitatem Deus, per susceptionem carnis homo.* Et paullo infra, *Servemus distinctionem humanitatis, & carnis.* Joannes Chrysostomus Hom. de Ascensione demonstrans quare Christus sit mediator Dei, & hominum exemplo illius, qui in medio positus duorum altercantium litem omnem dissolvit, *Se (inquit) medium: Christus ingessit, & sociavit utramque naturam.* Similia tradit S. P. Augustinus in Epistola ad Volusianum: *Inter Deum & homines mediator apparuit, in unitate personæ copulans utramque naturam.* Cyrillus Alex. in libro de Incarnat. Cap. 13. ait: *Unum, eundemque Jesum Christum dicimus non ignorantes differentiam naturarum, sed eos inconfuse inter se servantes.* Ex his ab Oecumenica Synodo comprobatis liquet quænam sit communis SS. PP. traditio: quam etiam accurate expendit in Dialogis Theodoretus, & in Epist. ad Leonem. Augustum S. Leo. Accedunt definitiones Conciliorum, Constantinopolitani, quod celebratum diximus sub Flaviano, an. 448. & alterius, quod ibidem habitum fuit sub Anatolio post biennium; Chalcedonenſis celebrati proximo anno 451. cum interventu Episcoporum DCXXX. atque aliorum posteriorum.

Denique probatur Catholicum dogma argumentationibus Theologicis: quarum prima est, quia nisi post unionem duæ in Christo asferantur naturæ; universa reparationis nostræ mysteria evertuntur, atque unum ex his consequi necesse est, aut divinitatem fuisse immutatam mortique obnoxiam, aut humanitatem impatibilem atque imortalem. Quare si Christus mortuus est, ac mundum redemit pretio sanguinis sui, id perfecit in humana substantia, illam assumens in unionem divinæ, atque, ut ait lib. 1. Aët. Apost. cap. 4. Arator:

*Se quoque permittens, fusa Genitricis ab alvo
Carnis jura pati, vitam ne perderet orbis
Maluit ipse mori; sed quod de Virgine facta
Nascitur, illud obit.*

Altera ratio est, quod nequeat percipi hypostatica unio, nisi utraque natura in sua substantia permaneat. Quæ enim ad unum aliquod constituendum nectuntur; uno ex his modis uniri debent, quos cum Divo Thoma in 1v. contra Gentiles Theologi omnes agnoscunt: vel enim

enim uniuntur duntaxat aggregatione, utroque extremo integro, perfectoque permanente; quemadmodum ea, quæ unum *per accidens* conſtituunt, ut corpus, & habitus, aut acervus lapidum, vel cumulus arenarum; quam unionem in Chriſto ſtatuebat impius Neſtorius ſupra reſutatus: vel uniuntur ſecundum hypotaſim, utroque extremo ſtante per eandem ſubſiſtentiam, ſicut unitur corpori rationalis anima ad conſtituendum hominem; & hæc unio poſtulat naturarum diſtinctionem, quotieſcunque una in alteram nequit converti, ut ſpiritualis in corpoream; aut utraque non ita permiscetur, ut reſultet tertia quædam ſubſtantia, ut evenit in compoſitione mixtorum. At natura divina nequit in humanam converti, & viciffim humana in divinam; non enim Deus mutabilis eſt, nec creatura fieri poteſt eſſentialiter immutabilis. Mixtio etiam, ex qua tertia quædam ſpecies coaleſcit, abſque partium mutatione non evenit. Dantur quidem aliorum genera, in quibus duo inter ſe diverſa innum conſtituunt, partium natura remanente, ut in ſententia vulgari phyſicum corpus ex materia, & forma compoſitum; ſed nec huiusmodi unio reperitur in Incarnatione, quum nequeat divina natura habere veram propriamque rationem partis: neque hæc unio ſpectat ad reſellendam hæreſim Eutychianam, quum in hac unionem ſtet naturarum diſcrepantia ab Eutychete oppugnata. Num vero repugnet quod divina natura pars dicatur, eſt alia quæſtio; quam puto nihil pertinere ad hæreticum dogma ſacris literis, traditione Patrum, atque manifeſta ratione profligatum.

RESPONDETUR EUTYCHIANIS.

Hæreſim Eutychetiſ firmare videntur ea verba Joannis I. 14. *Verbum caro factum eſt.* Quod enim fit caro, in carnem vertitur. Si ergo Verbum factum eſt caro, cur verſum in carnem non eſt dicendum? Virga quidem Moſis, de qua Exodi 14. 2. legimus factam columbrum, in verum ſerpentem fuit commutata, abſorpta ſcipionis natura; uxor Lot, quam factam ſtatuiam, aut columnam ſalis legimus in Gen. cap. xix. 26. nil fuit poſthac, quam corporis humani in ſalinum converſio; & aqua, quæ in nuptiis Canæ Galilææ facta eſt vinum, Joannis II. 9., nonne priſtinam naturam commutavit? Idem ergo de illis verbis Evangelicis, *Verbum caro factum eſt*, videtur abſque ulla cunctatione aſſerendum, maxime quod verba verbis ubique reſpondent in Græcis, tameſi alicubi Latina Verſio converſionem ſignificat, quam de aſſumpta humanitate minime enuntiat. Ut enim Ioan. I. 14. extat, *Καὶ ὁ λόγος σὰρξ ἐγένετο*, *Et Verbum caro factum eſt*; ita Gen. xix. 26. *Καὶ ἐγένετο ρίδη ἅλος*, *Et facta eſt columna ſalis*; Exodi 14. 2. *Καὶ ἐγένετο ὄφης*, *Et facta eſt ſerpens*; & Joannis II. 9. *τὸ ὕδωρ ἰσὺν ζεῦμα ἵκανον*, *Et aqua*

Aquam vinum factam. Occurrit ubique idem Verbum *γίνωσκαι* demonstrans novæ alicujus substantiæ productionem. Addamus, nisi hæc sufficiant, exemplum ex ipso corpore Christi depromptum; negari enim non potest quod revera panis substantia in Christi corpus convertatur, idque demonstretur ex illis verbis Mat. xxvi. 26. *Hoc est corpus meum*. Ratione consimili si recte dicitur, *Verbum est caro*, aut *factum est filius hominis*, affirmare debemus conversionem divinitatis in carnem.

Resp. dist. ant. Quod fit caro, in carnem vertitur, si fiat assumptione humanitatis in Deum, nego: si conversione divinitatis in carnem, concedo. Priori modo Verbum factum esse carnem, Patres unanimi sensu demonstrant. Ignatius in Epist. ad Trallianos, Epiphanius H. 77. Ambrosius lib. 1. de Incarnat. cap. 6. Joannes Chrysostomus Hom. 11. in Joannem, Fulgentius de Incarnat. cap. 10. & Ecclesia demum universa in Symbolo Athanasiano. Legi poterunt interpretationes Patrum apud L'Herminier Tom. 3. pag. 181. Nos enim, ut istiusmodi argumentationes penitus evanescant, ac simul responsio nostra suppeditet locorum similium intelligentiam, hæc ducimus respondenda. Tam Hebraicum verbum *והיה*, quam Græcum *γίνωσκαι*, ac Latinum *feri*, quæ in præfatis locis occurrunt, plures habent significationes; nam *והיה* idem est, ac *esse*, *compleri*, *evenire*, & aliquando etiam *perire*, *vel frangi*; hoc postremum tamen in conjugatione *Niphal*, ut Daniel viii. 27. Similiter *γίνωσκαι* valet *feri*, *exoriri*, *nasci*, *contingere*, *consistere*, necnon *conjugi*, *accedere*, atque *uniri*. Eadem, & longe amplior est significatio verbi *Esse*, ac *feri*. Itaque ex verbis Evangelicis *Verbum caro factum est*, optime colligimus naturarum duarum unionem, nec necesse est intelligere conversionem, & confusionem earundem. At cur hanc ceteris in locis admittimus? Non ex vi verbi: sed rerum, quæ *feri* dicuntur. Si enim res nequeat in eam, quam *feri* dicitur, mutari; absurdum est opinari *factam* taliter, ut sit immutata. Sic verbum mentis fit vox, dum ore profertur quod versatur in mente; sed quum verbum mentis spiritale sit, vox autem sonus sensibilis, nec spiritale in sensibile verti queat; nemo dixerit, dum loquimur, verbum quod fit vox, naturam amittere spiritalem; atque hoc exemplo exponit *Verbum caro factum est*, Doctorum Aquila Augustinus serm. 187. aliàs 17. de Tempore. At si natura rerum sit mutationi obnoxia, ut panis, aqua, humanum corpus, & quælibet res creata; ubi *feri* dicitur aliquid, ac verba sensum exhibent proprium, ac literalem, mutationem naturarum debemus intelligere. Accipe traditam a Divo Cyrillo regulam in Dialogo de Incarnat. Unigeniti, Tom. v. pag. 717. *At si Verbum, inquiunt, factum est caro, jam non amplius mansit Verbum, sed potius desit esse quod erat. Atqui hoc merum delirium, & dementia*

mentia eſt, nihilque aliud quam mentis errata ludibrium . Censent enim , ut videtur , per hoc Factum eſt, neceſſaria quadam ratione mutationem alterationemque ſignificari . Ergo cum pſallunt quidam , Et factus eſt mihi Dominus in refugium : & rursus , Domine , refugium factus ei nobis , quid reſpondebunt ? Anne Deus , qui hic decantatur , deſinens eſſe Deus , mutatus eſt in refugium , & translatus eſt naturaliter in aliud , quod ab initio non erat ? Cum itaque Dei mentio fit ; ſi ab aliquo dicatur illud , Factus eſt , quo pacto non ſit absurdum , atque adeo vehementer absurdum , exiſtimare mutationem aliquam per id ſignificari , & non potius conari id aliqua ratione intelligere , prudenterque ad id , quod Deo maxime convenit , accommodari ?

Addo in iſdem Scripturæ locis talem phraſim contineri , ut non obſcure ſignificetur mulieris corpus , virgam Moſis , aquam , ac panem in ſalis acervum , in colubrum , in vinum , in corporis Chriſti ſubſtantiam fuiſſe commutata . Enim vero Genefis xix. 26. habet Hebraicus codex וְהָיָה נָצִיר מֶלַח : *Et fuit camulus ſalis* , ac ſimiliter Græcus , καὶ ἔγενετο σῶλην ἀλάς , *Et commutata eſt in columnam ſalis* : quæ ſimplex phraſis , verbique abſque ſubjecto expreſſio commonſtrat priorẽ ſubſtantiam in alteram fuiſſe mutatam : quod dici nequit de verſu 14. cap. 1. Joann. ubi ſubjectum apponitur cum articulo , ἡ λέγας ; Vulgata autem ibidem legit , *Verſa eſt in ſtatuum ſalis* . Veram itaque prioris naturæ conversionem iſtic phraſis ipſa demonſtrat . Idem dicendum de verſu 3. cap. 1v. Exodi , ubi extat in Hebraicis וְהָיָה לְנָחָשׁ : *Et fuit ſerpens* : in Græcis , καὶ ἔγενετο ὄφας , *Evafit coluber* ; in Vulgata , *Verſa eſt in colubrum* : eadem ſcilicet phraſeos ſimplicitate , ac proprietate ſermonis . Notandum præterea eſt in hebraico ſuffixum ל . quod ut plurimum veram conversionem naturæ priſtinæ innuit , ut Genef. 11. 7. לְנֶפֶשׁ , *in animal vivens* : ibidem v. 22. לְאִשָּׁה , *in mulierem* : atque ipſo capite 1v. Exodi verſu 4. לְמַטָּה , *in baculum* , & verſu 9. לְדָם , *in ſanguinem* . In Græco etiam verſu proximo conversionem virgæ in ſerpentem declarant apertiſſime ea verba : καὶ ἵκανεν ταύτην τὸν ὄφιν ὡς ἱστὶν . In his ergo locis veram conversionem ipſa verba declarant , & γινώσκω , *ſciri* , idem eſt , ac ἐπίſταμαι , *converſi* . In cap. 11. Joannis ſatis oſtenditur non fuiſſe cum vino permixtam aquam , ex quo architriclinus , & convivæ guſtu experti fuerint vinum eſſe merum , bonum , ac priori robuſtius , non autem admixtum , ſive aqua dilutum . Matth. denique 26. de Euchariftico Pane legitur , *Hoc eſt corpus meum* , ταῦτ' ἐστὶ τὸ σῶμά μου ; neutro pronomine hoc , ταῦτ , tametſi masculini generis ſint panis , & ἄρτος . Demonſtrat autem pronomen *Hoc* id , quod illa enunciatione ſignificatur , redditque ſenſum planiſſimum , *Hæc res* , demonſtrato Corpore Chriſti , *eſt corpus meum* . Si autem permaneret poſt conſecrationem ſubſtantia panis , non pronominæ huiusce generis uſus fuiſſet Salva-

tor . Sed de hoc postremo loco dicam alibi . Nunc ex ipsa verborum proprietate liquet in omnibus locis supra allatis designari conversionem substantiæ , nec idem affirmandum esse de textu illo : *Verbum caro factum est* .

Verum est aliquid aliud adversus Eutychianos in his Scripturarum textibus adnotandum . Non adeo desipuit Eutyches , ut crederet divinitatem Verbi demutatam in carnem ; sed credidit ipsam carnem ita a divinitate absorptam , ut transiens in hujus naturam divina fieret , & quod humanum est , & corporeum factum esset umbratile . Igitur nihil adducta exempla pro Eutychianis efficiunt , statua enim salis , in quam versa est uxor Lot , vera fuit , & suo tempore adhuc extitisse scripserunt Joseph lib. 1. Antiquitatum cap. 12. & Rab. Benjamin in suo Itinerario : imo etiamnum persistere , quod incertum est tamen , arbitrantur Borchartus , & Adricomius citati a Tirino ; & , si recipiendum foret Targum Jerosolymitanum , stabit usque ad mundi consummationem . Ita serpentis , ac vini substantia vera ac propria dicenda est . Idem de Christi corpore in Eucharistia docet Fides Catholicorum , probantque verba illa , *Hoc est corpus meum* , quarum vocum prima est pronomen proprium , ac subiecti demonstrativum , altera est verbum quo exprimitur vera existentia , & prædicati cum subiecto connexio , tertia nomen est proprium subsistentis carnis , postrema est manifesta nota personæ ; nec ulla propositio est , quæ magis expresse literalem sensum exhibeat . Si ergo tenenda est prædictorum locorum æquiparatio , ex illa enuntiatione , *Verbum caro factum est* , consequitur tantum veram post Incarnationem extitisse carnem assumptam a Verbo : quod verissimum est , & immerito negatur ab Eutychianis .

Postremo Joannes Evangelista non solum ad demonstrandam substantialem duarum naturarum unionem inquit , *Verbum caro factum est* , sed etiam ad innuendam earundem naturarum discrepantiam addidit , *Et habitavit in nobis* . Quod animadvertens beatissimus Joannes Chrysostomus hom. 11. in Joan. ait : *Quid enim subjicit ? Et habitavit in nobis ; tanquam sic te alloqueretur : Vide , ne quid absurdi suspiceris ex illa voce . Non enim mutationem illam immutabilis illius natura significavi , sed habitationem , & commorationem . Porro id quod habitat , non est idem cum eo , quod habitatur , sed diversum . Hoc itaque loco tam Nestoriana , quam Eutychiana hæresis confoditur , & quemadmodum objectio Nestorii dividens personam Verbi a persona Christi , ac probantis solam unius in altero inhabitationem ex illis verbis *Et habitavit in nobis* , retunditur ex præcedentibus , *Verbum caro factum est* demonstrantibus hypostaticam utriusque naturæ unionem : ita objectio Eutychetis ambas naturas confundentis & permiscantis , petita ex verbis illis *Verbum caro factum est* , revincitur ex iis , quæ proxime sequuntur , *Et habitavit in nobis* , aperte commonstranti-*

bus

bus duarum naturarum proprietatem, & diſcrepantiam.

Sunt etiam aliqua veterum Patrum teſtimonia, quæ videntur facere pro Eutyſchianis. Etenim Tertullianus pluribus in locis appellat Chriſtum *hominem Deo mixtum*. Ita in libro de Carne Chriſti cap. 3. 15. & 21. Apologetici. In lib. autem adverſus Praxeam cap. 27. propugnat utriuſque naturæ *mixturam*, & converſionem. Idem docet in Epiſtola ad Voluſianum S. P. Auguſtinus. Eadem eſt doctrina S. Maximi Epiſcopi Taurinenſis hom. 4. de Nat. Domini, Eulogii Alexandrini apud Photium, Leporii Presbyteri, imo & Leonis Magni ſerm. 3. de Chriſti nativitate. Horum loca collegit, expenditque Lupus in Synodum Ephelinam. De Cyrillo, qui unam dixit naturam Dei Verbi incarnatam, plura cap. xv. Favet Eutyſchianis Julius Rom. Pontifex in Epiſtola ad Dionyſium Epiſcopum Corinthiorum, ubi aperte unam in Chriſto profitetur naturam. Sunt quidem nonnulli, qui hanc Epiſtolam ſpuriam cenſent; ſed eſſe genuinam affirmat Ephræmius Antiochenus, & Gennadius de Scriptoribus Eccl. atque hunc male reprehendi a Baronio ad annum 352. n. 6.; obſervat Petavius lib. 1v. de Incarnat. cap. 6. Abſque ulla deinde ambiguitate tradit dogma Eutyſchianum S. Greg. Thaumaturgus in celebri illa ſententia, *In Chriſto non dua perſona, neque dua natura*. Denique deſumi poteſt pro Eutyſchianis argumentum ex vetuſtiſſimo Scriptorum Juſtino, qui in 2. Apologia inſtituit comparationem inter Incarnationem Verbi, & Eucharistiæ Sacramentum; & ideo quemadmodum panis fit corpus Chriſti per converſionem ſubſtantię, ita Verbum per ſubſtantię converſionem factum eſt caro.

His reſpondentes dicimus Tertullianum, Auguſtinum, Maximum, Eulogium, & Leporium mixtionis & converſionis nomine intelligere veram aſſumptionem humanitatis, non talem permixtionem, qualis eſt corporum liquidorum, ex qua reſultat tertia quædam ſubſtantia. Et quidem Tertullianus de Carne Chriſti hunc ſibi ſcopum propoſuit, reſutandi errorem illorum, qui Chriſti corpus putabant umbratile atque phantaſticum: atque in Apologetico demonſtrata utriuſque naturæ diſcrepantia commonet, ne arbitremur talem in Chriſto eſſe mixtionem, qualis fit ex auro. & argento, dum efficitur electrum. At S. P. Auguſtinus in Ep. 3. nunc 137. ad Voluſianum num. 9. ait. *Inter Deum & hominem (Chriſtus) mediator apparuit, in unitate perſona copulans utramque naturam*. Itaque *mixtura* nomine hanc perſonę unitatem intelligit; quod ſeq. num. 11. ſic exponit: *Nam ſicut in unitate perſona anima unitur corpori, ut homo ſit: ita in unitate perſona Deus unitur homini, ut Chriſtus ſit*. In illa ergo perſona *mixtura* eſt anima, & corporis: in hac perſona *mixtura* eſt Dei & hominis; ſi tamen ſecedat auditor a conſuetudine corporum, qua ſolent duo liquores ita commiſceri, ut neuter ſervet integritatem ſuam:

suam: quamquam & in ipsis corporibus aeri lux incorrupta misceatur. Ergo persona hominis mixtura est anima & corporis: persona autem Christi mixtura est Dei & hominis. Hanc esse S. Leonis doctrinam liquet ex iis, quæ deprompta sunt paullo supra ex aureis ejus contra Eutychetem Epistolis. Idem sensere Eulogius, & alii, qui mixtionis nomine usi sunt, ne quis induceret cum Nestorianis personarum divisionem; ut de Eulogio inquit ipse Photius, & de Cyrillo dictum est supra. Quandoquidem vero Cyrilli mentionem fecimus; dirimit ipse omnem oppositionem lib. 1. contra Nestorium cap. 3. *Mixtionis nomen* (inquit) *posuerunt nonnulli etiam Sancti Patres, sed quod metuere te dicis, ne qua confusio contigisse existimesur ad instar liquidorum, qua inter se mutuo commiscentur, libero te hoc metu. Non sic illi senserunt. Minime: sed ea voce sunt usi, cum summam unionem ostendere studerent.* Julii Epistolam revera suppositam esse probat Leontius in libro de Sectis, ex quo tanquam fetum alicujus Appollinaristæ illam commemoret, ac refellat S. Gregorius Nyssenus in libro, quem adversus Apollinarem conscripsit, Ephræmius autem, qui illam recipit ut genuinam, testatur non *unam* ibidem *naturam* dici absolute, sed *unam naturam divini Verbi incarnatam*: quod jam explicatum est in Cyrillo: ideoque potest probari hæc Epistola, & male reprehenditur a Gennadio. Verba, quæ ex Gregorio citata sunt, sunt hominis Apollinaristæ, & Sancto Episcopo Neocæsariensi perperam afficta, ut animadvertit idem Leontius. Justinus denique in eo comparat Eucharistiam Incarnationi, quod sicut in Christo fuit vera humanitas prædita carne & sanguine, producta divinitus per Verbum Dei; ita in Eucharistia recipimus alimentum, quod vere ac proprie continet sub speciebus panis Jesu Christi carnem & sanguinem. Fieri autem utrobique naturarum eodem pacto conversionem Iustinus minime affirmat: *Quemadmodum*, inquit, *per Verbum Dei caro factus Jesus Christus servator noster: & carnem, & sanguinem salutis nostre causa habuit: ita quoque illud, in quo per preces Verbi ab ipso profecti gratia sunt acta, alimentum ipsius Jesu Christi Incarnati carnem, & sanguinem esse edocti sumus. Nam Apostoli in Commentariis a se scriptis, quæ Evangelia vocantur, tradiderunt ita sibi præcepisse Jesum, & pane accepto, gratisque actis dixisse: Hoc facite in memoriam mei, Hoc est corpus meum.* Nullus itaque Patrum probavit Eutychetis infaniam; sed omnibus est sententia constans & inviolabilis, quod Unigenitus Dei semetipsum exinanivit formam servi accipiens, neque commixtionem passus, neque divisionem, atque, ut cecinit libro 1. de Partu Virginis Honorius Fortunatus:

*Non Deus in carnem est versus, Deus accipit artus,
Non se permutans, sed sibi membra levans,*

C A P U T XIX.

Quam inscite & impudenter Avitus Academicus insimulaverit Eutyebianæ hæreseos Homiliam Clementis XI.

Pontificis Maximi.

Oppugnatam hæresim Eutychetis visus est sibi deprehendere in Homilia, quam in sacro Purpuratorum Patrum Senatu, & frequentissima Ecclesiasticorum virorum concione habuit anno 1702. SS. Papa CLEMENS XI. in solempni die Dominicæ Resurrectionis, illamque a nullo Theologo posse a nota hæreseos purgari censuit Janfenianus quidam, qui parvum de hac homilia libellum vulgavit, cum hac inscriptione, *De Clementina periodo, Hodie forma servi reversa est in formam Dei*. His verbis hæresim contineri tam audacter, tam confidenter persuasum habet, ut Romanæ Communions Theologos, & præsertim Pontificiæ auctoritatis Propugnatores ita alloquatur: *Qui e Magistris vestris ingenio, eruditione, calliditate præstant, ab errore Eutyebiano liberent hanc periodum, &c.* Nec est unde miremur hujus insimulatores licentiam: Janfenianus est enim, idest, ex illorum cœtu, quos memoratus Pontifex Maximus exemplo Prædecessorum suorum infectatus studuit omnino comprimere, confirmatis, novisque editis Constitutionibus, quarum alibi mentionem fecimus. Sed quod ait præfatam periodum neque ingenio, neque eruditione, neque calliditate posse demonstrari ab hæresi immunem, id non solum arrogantiae perverseque mentis indicium est, verum etiam aut summæ ignorantiae, aut exquisitæ malitiæ, calumniæque execrabilis. Illam quippe periodum veram, libratam, & Catholicam esse consequens propositio suadebit.

PROPOSITIO. Allata Clementina periodus ponderata est, gravis, & ab omni, vel minimo errore immunis.

DEMONSTRATUR. Ideo Avitus Academicus Clementinam periodum tanquam Eutyebianam ausus est infectari, quoniam *forma* apud plures Ecclesiæ Patres *naturam* significat; & consequenter sicut forma, & natura servi secundum Christianæ Religionis effata nunquam fuit forma Dei; sic nec in illam resurgente Domino reversa fuit, nec reversura est unquam. Hæc tota Aviti argumentatio, nullo ingenii acumine, nulla dialectica arte, nulla, si ipsi fides est adhibenda, orationis solertia dispellenda. At *forma* vocabulum sæpenumero significare *naturam*, præsertim apud Patres, qui Eutychetem confutarunt, verum est; hanc solam significationem habere, falsum est penitus. Plura congerit Avitus testimonia, in quibus duplex forma enuntiatur de Christo, scilicet, duplex substantia. Nos omnia probamus: revera enim

enim habuit Salvator *formam Dei*, in qua *equalis est patri*, & *formam servi*, qua *minor est patre*; inquit in Psalmum 63. Augustinus. At num id tantum *forma* significat? Minime: & apud Latinos, & apud Græcos, non profanos tantum, sed etiam sacros, divinosque Scriptores commonstrat effigiem, imaginem, & externa latentis naturæ, dignitatisque argumenta. Hoc sensu usurpat vocem illam Cicero in 2. de Officiis, & 2. de Finibus. Virgilius in 6. Aeneid. Terentius in Andria, & nullus est, qui non habeat in sermonis consuetudine, *Egregius forma*, *forma liberali*, *forma bona*. Clemens autem XI. latini sermonis proprietatem, quantum singula ejus scripta testantur, novit maxime. Non solum latinum *forma*, etiam græcum *μορφή* cum naturam, tum externam faciem significat. Duplicem naturam demonstret Apostolus ad Philipenses scribens: *Οτι εν μορφῇ Θεῷ ὑπάρχων*, & *μορφῇ δούλου λαβὼν*. *Qui cum in forma Dei esset*, & *Formam servi accipiens*. Pro effigie, ac faciei imagine usurpatur vox eadem *μορφή*, Marci xvi. 12. *εν ἑτέρῃ μορφῇ*, *in alia effigie*. Itaque Clemens XI. dum ait, *Hodie forma servi reversa est in formam Dei*, non commixtionem ostendit humanæ divinæque naturæ, sed commutationem corporis tot vulneribus fauciati, & cujus non erat species aut decor, in splendidum ac redivivum, ita, ut quemadmodum ex priori effigie dignoscebatur humanitas, ita ex gloria resurgentis sit manifestata divinitas. Non ergo natura in naturam reversa est; sed nostræ mortalitatis imago in gloriam immortalitatis: ex qua Christum, quem reputarunt scelerosum & impium, agnoverunt esse mundi Reparatorem, & unigenitum Filium Dei.

Neque, ut Clementina oratio hunc referat sensum, indiget benigna interpretatione legentium. Sensum ipsum exhibet, & ob oculos statuit, ut qui illum non percipit, aut detorquet, vel insigniter sit malignus, vel habeat fungum pro cerebro. Enimvero in eadem Homilia ad hunc modum loquitur Romanus Pontifex: *Hodie nimirum novus Adam non in animam viventem, sed in Spiritum vivificantem formatus apparuit; novam mundo daturus progeniem, non terrenam & sordidam, sed caelestem & splendidam. Hodie verum Dei Templum Judaica nuper impietate destructum divina post triduum Omnipotentia reparavit. Hodie forma servi reversa est in formam Dei, & exinanitio humilitatis ad pristinae altitudinis rediit majestatem. Hodie qui traditus fuerat propter delicta nostra, resurrexit propter justificationem nostram. Reddunt inferna victorem, suscipiant superna triumphantem; infirmitas quippe in virtutem, mortalitas in immortalitatem, contumelia transivit in gloriam. Vide quid sit formam servi in Dei formam reverti? Non est utriusque naturæ permixtio, sed passionis, & contumeliæ in gloriam Resurgentis commutatio. Christus enim resurgens a mortuis, jam non moritur: atque *vir dolorem*,
cui*

enī non erat ſpecies, neque decor, deſpectus & noviffimus virorum, in quo poſuit Dominus iniquitates omnium noſtrum: factus eſt ſpecioſus prae filiis hominum: factus eſt incorruptibilis, qui potuit vulnerari: factus eſt immortalis, qui potuit occidi: factus eſt impaſſibilis, qui potuit crucifigi: inquit idem ſummus Pontifex homilia, quam habuit in eadem ſolemnitate anno 1704.

Cum itaque verborum ſuorum Clemens XI. ſit tam diſertus, atque accuratus interpres, neque ex eadem homilia potuerit invidus improbuſque obtreſcator haurire ſuſpicionem erroris; undenam illam venefico ore potuit ebibere? Num alicubi fidei Cuſtos & Eccleſiæ Paſtor Eutychanum ſe prodit? Sed legat calumniator homiliam, quam in die dominicæ Nativitatis habuit eodem anno 1704. Pontifex ſapien- tiſſimus. *Ineffabile divinum Verbum, (inquit) quod in principio erat, & apud Deum erat, & Deus erat; à Patris ſinu prodiens, Patri coexiſtens, Patri coæternum, in ipſa Patris ſubſtantia ſemper manens, & ex ipſa ſemper effulgens, hoc ſame Verbum, ut nuper audisti, caro factum eſt, & habitavit in nobis: in nobis, quos Verbi ſibi divinitas coaptavit, cujus caro de utero Virginis ſumpta nos ſumus; gemina nimirum in unam Perſonam conveniente natura, verus Deus, & verus homo natus eſt Chriſtus, ut illi vera ineſſet Deitas ad miracula operum, nec vera deeſſet humanitas ad tolerantiam paſſionum.* Atque tam aperta hæreſum omnium adverſus Domini Incarnationem, & maxime Eutychanæ, damnatio nonne debuit putidum Aviti os obſtruere, & impudentem linguam frenare?

Sed quod magis damnat hominis audaciam: illa eadem Clementina periodus verbis Patrum contexta eſt. Deſumptam ex Arnolſto Carnotenſi, qui floruit ætate divi Bernardi, & cujus opera extant Tom. xx i. Biblioth. PP. animadvertit vir doctus Philippus Vanwau- re noſtri Ordinis, in Velitatione hæreſis Janſenianæ, quam inſcripſit *Auguſtinus Europæus*. Sed habet Auſtorem longe celebriorem, ſan- ctiſſimum nempe Martyrem Cyprianum; qui ſermone de Reſurrect. pag. 443. inquit: *Hæ Paſchalia gaudia ipſi Angelici Spiritus, & reſurgentis Domini gloriam admirantur; lætantur, & delectantur in eo, quod forma ſervi reverſa ſit in formam Dei, & exinanitiſio humilitatis ad depoſita altitudinis redierit majeſtatem.* Conſer modo, Avite, cum Cypriano Clementem. Hic loquitur ad hunc modum: *Ho- die forma ſervi reverſa eſt in formam Dei, ac exinanitiſio humilitatis ad priſtinæ altitudinis rediit majeſtatem.* Cyprianus ait: *delectantur in eo, quod forma ſervi reverſa eſt in formam Dei, & exinanitiſio humilitatis ad depoſita altitudinis redierit majeſtatem.* Non opus hic eſt Magiſtris, qui præſtent ingenio, eruditione, & calliditate: eadem Cyprianum ſcribere, eadem Clementem videt enim lippiens, ac tonſor. Igitur aut Eutychanus uterque eſt, aut nec unus, nec alter.

Quis autem audeat rodere Cypriani orationem, tanquam errore Eutychiano conspersam?

Non video, quid respondere possit Calumniator, nisi forte aliam verborum cautionem adhibendam fuisse Clementi longe post damnatum Eutychetem in conspectu universalis Ecclesiæ peroranti, quæ adhibenda non fuit Cypriano antiquiori tempore, atque in privata Ecclesia concionem habenti. Quod si forte effutiret, id magis ipsius Aviti contunderet temeritatem. Loquens enim Pontifex in Catholica Ecclesia, atque in cœtu Orthodoxorum Procerum, *non se aliter intelligi arbitrabatur, tali quaestione nullus pulsabatur, securius loquebatur.* Atque hac responsione, qua Magnus Augustinus vindicat adversus Julianum lib. 1. cap. 6. quamdam sententiam Chrysostomi, facta testaque esset Clementis oratio, quamquam foret ob aliquam texturam minus accuratam verborum sensus ejusdem orationis ambiguus. Apertissimus est tamen, ponderosus, Patrum undique auctoritate munitus, nec unum fere verbum ibidem occurrit, quod perspicuo simul mirabilique artificio non sit e Sanctorum libris depromptus. Illa quoque interpretatio, quam desiderare posset Criticus submorosus, ut liquatissime ex dictis apparet, eidem periodo subnectitur. Ad frangendam præterea Janfeniani hujus audaciam accedit sermo xxxvii. Petri Chrysologi Ravennatenfis Antistitis, in quo legimus: *Nonne Dominus, ut hominis faciem praeferret & formam, formam propria deitatis aufugit?* En vocabulum *forma* in eodem Clementinæ periodi sensu usurpatum a viro doctrina ac sanctitate spectabili, qui floruit vivente Eutychete, & adversus illum gloriose stilum exercuit.

Plura adversus summi Pontificis imperitum, injustissimumque accusatorem non proferam, tametsi possem permulta; ne forte opinetur, nos aut dissertationem illam pluris facere, aut ab ipsa mentem nostram quamvis perhumilem, & angustam plurimum coarctari. At hæc respondere placuit, ut agnosceret quanta facilitate machinam, quam putat firmissimam, subvertamus. Bovem pinguem ac friseum, quem promittit se dono missurum ex Hollandia ei, qui satisfecerit exornatæ a se lucubrationi, illi det, qui ipsum a nota ignorantie atque audacie adhibito omni conatu defenderit.

C A P U T XX.

Explicantur Scholasticorum placita circa naturam, proprietates, causam, terminumque Unionis hypostaticæ.

PLURA Scholastici disputant de *hypostaticæ* unionis natura, proprietatibus, causa, ac termino: quorum si velimus prolixam habere

bere diſſertationem , prætermittenda nobis erunt utiliora , cum gra-
viſſimæ nobis adhuc dirimendæ ſint controverſiæ . Ut ergo Schola-
rum placita brevi expediamus ; duarum naturarum unionem qui-
dam conſtitunt in *modo* ab extremis diſtincto , ut Scotus in 111. diſt.
1. Suarez diſput. v111. ſect. 3. Vaſq. diſp. xv111. cap. 3. Salmanticen-
ſes diſput. iv. dub. 1. Gabr. 2 S. Vinc. diſput. 2. dub. 7. L' Hermi-
nier de Un. hyp. q. 2. aliique complures : quidam vero ab extremis
negant illam diſtingui , ut Cajetanus in 3. p. q. 2. art. 7. Gonet diſp.
v1. art. 3. Maignan Ph. Sacræ p. 1. cap. 21. Juenin diſſert. v. q. 3.
Tournely quæſt. v11. art. 2. atque ex noſtratibus Aegidius in 2. diſt.
2. Gregorius Arimin. in 1. diſt. 28. q. 2. Gerardus diſt. 7. q. 3. Gavar-
di quæſt. v. art. 1. & fere omnes ab eodem Gavardi num. 8. laudati .
Nos vero horum ſententiæ abſque ulla animi fluctuatione ſubſcribi-
mus . Principio enim non admittitur a nobis *modum eſſe entitatem*
aliquam diſtinctam a ſubjecto , licet fateamur eſſe *habitudinem* quam-
dam intrinſecam , ſive potius rem ipſam tali affectione præditam , &
veluti ſigilli impreſſionem , inhærentem quamdam *formam* a ſubſtan-
tia indiſtinctam ; ut diximus de relationibus , ac de habitibus diſpu-
tantes . Deinde nullam aliam *hypſtaticam* unionis perceptionem ex
Scripturis , ac Patribus in velitatione præcedentium hæreſum produ-
ctis haurire poſſumus , quam mirabilis œconomiz , per quam Dei
Verbum in unitatem perſonæ *formam ſervi* , idēſt , humanitatem aſ-
ſumpſit : cujus aſſumptionis modus captum ſuperat humanum , neque
potest per entitatem aliquam productam innotefcere mortalium men-
tibus : Præterea , ne vulgarem ratiocinationem omittamus , ſi duo ha-
beant rationem *potentia* , & *actus* , quemadmodum habent corpus &
anima , *materia* & forma ; nullo egent ſuperaddito nexu , quo , tan-
quam confixo clavo duæ tabulæ , colligentur ; ſed per ſe immediate
uniuntur . Inſuper , ut argumentatur citato loco Gregorius , non
ſolum natura humana eſt unita Verbo , verum etiam Verbum eſt uni-
tum naturæ humanæ ; nec tamen ad hanc unionem explicandam re-
currendum eſt ad modum , vel entitatem ipſi Verbo inhærentem , cum
divina perſona nequeat recipere *entitatem* aliquam , qua intrinſece af-
ficiatur .

Ducuntur qui oppoſitam ſententiam tenent momentis iſtiusmodi .
Primum , cum *hypſtatica* unio ſit actio , correfpondere huic debet
aliquis productus effectus , qui utique non eſt humana natura , cum
potius hæc ſit terminus creationis , ideoque erit *entitas* illa , ſive *mo-
dus* ab extremis diſtinctus . II. S. Thomas 3. p. q. 2. art. 7. inviſte
demonſtrat unionem eſſe *aliquid creatum* , quoniam non fuit ab æter-
no , & quicquid incipit in tempore , creatum eſt . III. Poſſunt Verbum
& humanitas ſimul eſſe , quin ſint unita hypſtaticè . Unio ergo ,
inquit Maurus lib. ix. q. 25. , eſt aliquid a Verbo , & ab humanita-

te distinctum. IV. Quod est indifferens, per aliquid adventitium determinari debet. At natura creata indifferens erat, ut assumeretur a Verbo. Itaque per modum aliquem adventitium determinata est. V. Plura enuntiantur de humanitate unita Verbo, quæ non verificantur de ipsamet humanitate Verbo non unita: quarum oppositarum enunciationum ratio nulla est, nisi facta in humana natura mutatio.

Vernm facile est hæc argumenta discutere: ad primum namque dicimus *Incarnationem* duas actiones comprehendere *connotative*, distinctas, idest, naturæ humanæ productionem, quæ est creatio, & refertur ad totam Trinitatem tanquam ad causam efficientem, & ad humanam naturam *in se spectatam*, tanquam ad effectum productum; & ejusdem, naturæ humanæ terminationem, quæ est Verbi assumptio, & refertur ad solum Filium tanquam ad principium suam tribuens subsistentiam, atque ad naturam humanam *prout subsistit divina hypostasi*: quare cuilibet actioni terminus respondet suus, creationi natura humana *absolute* spectata, idest, ut a Trinitate producta; assumptioni natura humana spectata *connotative*, idest, ut per Verbum subsistens. Ad auctoritatem divi Thomæ respondet Cajetanus *esse creatum*, quod intervenit in unionem hypostaticam, *esse passionem qua natura humana trahitur ad esse Verbi*: nos eidem responsioni insistentes dicimus, quod sicut unio *hypostatica* est actio facta in tempore *connotativa*, ac *terminativa*, ita habet effectum suum creatum quidem, sed connotantem divinum Verbum, a quo terminatur, idest, naturam humanam ut subsistentem: quod non repugnat divo Thomæ scribenti q. 6. art. 6. ad 1. *Unio naturæ humanæ ad Verbum est secundum esse personale, quod non dependet ab aliquo habitu, sed immediate ab ipsa natura*: qua auctoritate Gonet loco cit. n. 46. sententiam confirmat nostram. Corruit eadem responsione argumentum Mauri, propterea quod nequeat non esse unio *hypostatica*, ubi est humanitas *connotative* accepta, hoc est hypostasi Verbi subsistens; quamvis non precipiatur unio, si humanitas in se tantum absque tali connotatione spectetur. Non aliam responsionem adhibebo ad quartum; natura enim creata determinatur *ut sit Verbi* per hujus hypostasim, quæ illam *connotative* tantum immutat. Utor eadem doctrina, ut me expediam ab argumentatione postrema, quandoquidem ad salvandas enuntiationes oppositas sat est distinctio *connotatorum*, ut demonstravi lib. 11. cap. 3. atque vi hujus distinctionis natura humana, ut subsistens divina hypostasi, dicitur Filius Dei, qualis non dicitur absolute in se inspecta. Positis itaque principiis nostris quamfacillime hæc prima quæstio diluitur.

Quantum pertinet ad unionis *hypostaticæ* proprietates, consentiunt Theologi omnes illam esse substantialem, naturalem, omnium maximam, & perpetuam atque indissolubilem. Substantialem esse

effe conſtat ex his , quæ diximus adverſus Neſtorium , a quo nulla alia inter Deum hominemque unitio admiſſa fuit, præter moralem, & extrinſecus adſcitam . *Subſtantialem* itaque illam appellamus, quatenus utraque ſubſtantia divina & humana in eadem hypoftaſi conjunctæ perſiſtunt , ut in una perſona hominis anima ſpiritalis & caro . *Naturalem* vero hanc unionem dicimus contra Eutychetem , qui nonniſi unam naturam adſtruit conſuſam atque permixtam ; quippe ubi unum perit, aut in alterum permutatur , non unio intervenit , ſed mixtio , aut corruptio : ſive *naturalem* dicimus , prout idem eſt , ac vere , ſine ſuſco , & abſque ſimulatione , ut explicavimus in tertio Anathematismo Cyrilli . Nam ſi *naturale* accipiat , prout idem valet , ac neceſſarium , naturæ debitum , aut ex naturæ conditione promanans ; conſtat unionem *hypſtaticam* , quæ maxima gratiarum eſt , divinæque liberalitate peracta , dicendam non eſſe naturalem . Eſſe autem omnium maximam facile quiſque percipiet , ſi attendat utriuſque naturæ diverſitatem , Deique & hominis diſcrepantiam : ſi animadvertat non potuiſſe humanam naturam altius attolli , ut libro proximo exponam ; ſi denique inſpiciat non ad tempus divinum Verbum humanam aſſumpſiſſe naturam , ſed illam eveſtam ad Patris dexteram in perpetuo ac ſempiterno regno locaſſe . Atque hæc eſt tertia *hypſtatica* unionis proprietas , videlicet , indiſſolubilis humanitatis cum divinitate conjunctio : quam negavit Origenes affirmans poſt reſurrectionem totam naturam corporis interituram , reſutatus a Theophilo in Epistoſta 2. Paſchali , nec non Marcellus Ancyranus : de quo Eusebius in 111. libro de Eccl. Theologia cap. 13. & contra eundem Marcellum lib. 11. cap. 1. S. Baſilius Epist. 52. & Cyrillus Hieroſolym. Catech. xv. Revincitur autem aperte hæc hæreſis ex quo collata Chriſto filio Davidis poteſtas ſempiterna , & abſque fine dicatur Dan. v 11. 14. & Lucæ 1. 33. aliſque in locis ; eaque de omni corpore interituro ſententia ſit purum putumque deliramentum directe pugnans cum iis , quæ alibi diximus de corporum reſurrectione . Quare de unionis *hypſtaticæ* proprietatibus hæc perpauca dicta ſint .

Diſputatur præterea in Scholis , an hæc unio facta ſit in *natura* , an in *perſona* : quæ pariter quæſtio ex reſutatis hæreſibus aperte diluitur . Nam ſi ſenſus ſit , num divina & humana natura in unam coaluerint ; liquet id falſum eſſe , & de fide tenendum oppoſitum adverſus hæreſim Eutychianam : ſi verò ſit ſenſus ambas naturas fuiſſe in eadem perſona conjunctas , iſtud contra Neſtorianos eſt aſſerendum . Ideoque illarum hæreſim præmiſſa reſutatio iſtam quoque difficultatem eliminat . Controvertitur tamen inter eos , qui diſtinctionem intrinſecam ſtatuunt inter Verbi divinam naturam , ejuſque *perſonalitatem* , an natura *immediate* , an ratione *perſonalitatis* humanam carnem aſſumpſerit : verum nos , qui divinam eſſentiam ac hypoftaſin unam ſimpli-

placissimam rem, sola terminorum connotatione diversam lib. 1x. cap. 2. propugnauimus, nulla hac in re dubitatione distrahimur, asserimusque incunctanter tribuendam naturæ humanæ assumptionem divino Verbo, siue personæ, quæ tamen est ipsamet Dei natura, non *absolute* accepta, sed tantum *connotatiue*; cum sint una summa res, incomprehensibilis, & ineffabilis Pater, Filius, & Spiritus sanctus. Nam si humanitatis assumptio tribuenda foret naturæ diuinæ, idest, summæ illi rei ineffabili *absolute* consideratæ, non solum Verbum carnem assumpsisset humanam, sed etiam Spiritus sanctus, ac Pater, & vera esset hæresis Theopaschitarum. Possumus tamen in verbo *assumendi*, ut diximus paullo supra, distinguere principium *actionis* a principio *terminationis*, & illud tribuere diuinæ naturæ singulis personis communi, istud verò propriæ Filii hypostasi, siue *personalitati*; ut observat illustris Estius in 111. dist. xv. §. 1. Nam efficientem causam *Inarnationis* fuisse totam Trinitatem, quatenus illa actio est, controverti nequit, ut dicam proximi lib. cap. 1v. inquirens cur diuini Verbi conceptio tribuatur Spiritui sancto, quamvis illam operata sit tota Trinitas.

Cum nulla itaque oriri possit difficultas de causa *Inarnationis* efficienti, disceptatur in Scholis de causa meritoria: & quæritur an *Inarnationem* mereri potuerint Sancti Patres, qui illam assiduis precibus ante Christi adventum petierunt; an beatissima Virgo, quæ inter omnes mulieres benedicta fieri meruit Dei genitrix; an saltem sacrosancta Christi humanitas ad gratiam *hypostaticæ* unionis evecta. Consentiunt autem Theologi omnes, nullum meritum *de condigno* potuisse in operibus aut veterum Patrum, aut Virginis intemeratæ inveniri, cui responderet tam eximium amplissimumque beneficium, quale est humanam naturam divino Verbo conjunctam esse substantiali unione. Et satis manifestam rationem proferunt, quoniam inter merita cujuslibet creaturæ, & maximum *Inarnationis* beneficium nulla excogitari potest proportio: unde illud diuinæ misericordiæ, & caritati in sacris literis passim ascribitur. At si loquamur de merito *de congruo*, quod hujusmodi proportionem non exigit, tam beatam Virginem, quam Patriarchas promeruisse *Inarnationem* diuini Verbi, quoad *substantiam*, & quoad *circumstantias*, scilicet promeruisse ut Verbum naturam indueret nostram, & eam assumeret ex Abrahami Davidisque posteritate, atque citius, quam fortassis id perfecisset, sentiunt Theologi bene multi, Alvarez disput. xv11. num. 12. Joannes a S. Thoma disput. v. art. 1. Gonet disput. v11. art. 6. Suarez disp. x. a. 6. Salmant. disput. v11. dub. 3. L'Herminier Tom. 3. p. 130. alique. E contra Sanctos Patres promeruisse *Inarnationis* diuinæ *circumstantias*, idest, accelerationem, electionemque stirpis Davidicæ, & beatissimam Virginem promeruisse tantum gratiæ augmentum, ut

ut fieret dignum divini Verbi, ac Spiritus ſancti habitaculum, non vero, ut *Incarnatio* fieret, & ipſa eligeretur in Dei matrem, tenent Theologi alii in Schola celebres, D. Bonavent. diſt. 111. a. 2. Scotus in 1v. diſt. 11. q. 1. Noſter Aegidius quodlib. v. q. 4. Gavardi q. 111. de Incarnat. art. 3. Vaſq. diſput. xx111. cap. 5. & alii complures; quibus ſubſcribentes aſſerimus neminem quoad *ſubſtantiam* ullo pacto divinam *Incarnationem* promeruiſſe, ſed tantum quoad *circumſtantias*.

Hujus aſſertionis fundamentum eſt, quoniam Scripturæ, Patres, ac ratio ipſa ita divinæ miſericordiæ & dilectioni tribuunt Unigeniti Filii Dei adventum in carne, ut ſatis appareat nullo hominum merito fuiſſe illeſtum atque permotum; ſed in hoc maxime divinam ſplendescere caritatem, quod per mortem Chriſti Deo reconciliati ſumus, cum eſſemus filii iræ, filii vindictæ. Videatur Apoſtolus ad Titum II. 11. & III. 4. ac Joannes Epiſt. 1. cap. III. 10. Quibus in locis perſuaſum mihi eſt, omne excludi meritum tam *de congruo*, quam *de condigno*: quippe nulla excogitari poſſunt merita, ubi nulla præcedunt juſtitiae opera, & ubi nulla dilectio noſtra ſupponitur, quæ tantam Dei caritatem attraxerit. Eſt autem gratiæ maximum argumentum, ſi Dei munera nullis præcedentibus meritis conferantur. Accedit quod omnes in Adam peccaverunt, & omnes egent gloria Dei, ut inquit Paulus ad Rom. 111. 23. id eſt, indigent omnes Chriſti Redemptione, quæ a peccato liberet, aut præſervet; & nullus prorsus poſt Adæ lapſum quicquam Deo acceptum patrare poteſt abſque gratia Liberatoris: ita enim Apoſtolicam ſententiam exponit Magnus Auguſtinus Enarrat. 2. in Pſal. xxx. num. 6. Quare omne meritum, etiam *congruum* duntaxat, gratiam ſupponit: gratia autem prædeſinitam *Incarnationem*: Inſuper nullum excogitari poteſt meritum abſque fide, quam nonniſi per Chriſtum donari tradit Paulus ad Philipp. 1. 29. affirmatque Auguſtinus de Grat. Chriſti cap. xxx11. num. 34. aliſque in locis ſæxcentis. Jure itaque, meritoque cum eodem Auguſtino concludimus: *Neque enim merita noſtra præceſſerunt pro quibus Filius Dei moreretur: ſed magis quia nulla erant merita, magna erat miſericordia*. Videſis in Pſalmum. lxxxv. num. 2.

Suppoſita autem gratia ex præviſis Chriſti meritis collata, poſuiſſe promereri antiqui ſœderis Patres *circumſtantias* Incarnationis, veriſſimum eſt, quoniam gratia ac libertate præmiſſa habetur quicquid requiritur ad merendum. Atque hinc legimus de Abrahamo Genef. xx11. 16. benedicendas in ſemine ejus omnes gentes, quia uni-genito ſuo non pepercit. Similia habentur Pſ. civ. 9. & cxxx. 11. Lucæ 1. 55. Act. 11. 30. Gemitus quoque, & vota Patrum promeruiſſe *Incarnationis* accelera-tionem colligi poteſt ex Pſalm. xi. 6. & ex Danie-

Daniele cap. 1 x. 24. Adstipulatur & ratio, quam indigitat D. Thomas 3. p. q. 2. art. 11. quia scilicet *congruum erat, ut Deus exaudiret eos, qui ei obediebant*. Hac ratione beata Virgo suffulta supernæ gratiæ auxilii potuit, ut ibidem ad 3. ait S. Thomas, ad illam sanctitatis excellentiam pertingere, per quam congrue fieret Dei genitrix: quo sensu inquit Ecclesia, Beata viscera Mariæ Virginis, *quæ meruerunt portare Dominum Christum*, & Venantius Fortunatus:

*Virginitas felix, quæ partu est digna Tonantis,
Quæ meruit Dominum progenerare suum.*

Atque, ut liquet ex dictis libro xix. cap. 8. gratia *habituali* supposita, non solum *de congruo*, verum etiam *de condigno* potuit beatissima Virgo augmentum illud sanctitatis promereri. Quamquam hæc gratia ipsi ad promerendum collata supponit prædefinitionem Dominicæ *Incarnationis*, ejusque Virginis prædestinationem in Dei Matrem, quia Deus ex intentione finis media impertitur; ideoque gratiæ quidem incrementum promeruit, at non ut Verbum fieret homo, & seipsam in matrem præligeret. At inquirunt sententiæ oppositæ assertores: *Quum* omnes prædestinati mereantur gloriæ consecutionem, quamvis ipsa prædestinatio omne antecedit meritum; quare mereri non potuerunt veteres Justi incarnationem *in executione*, tamen hujus prædefinitio sit munificentissimæ caritatis Dei beneficium? Huic argumentationi, quam Scholastici recensiti priori loco verbis collocupletant, respondemus Christum nobis gratiam promeruisse, non quatenus prædefinitus a Patre, quia in hac prædefinitione nullum habent locum ipsius merita, ut Augustinus docet de Præd. SS. cap. xv. n. 31. sed quatenus Patri obediens subeundo crucem mundum redemit, in quo ejus obedientia meritumque deprehenditur, ut Apostolus ait ad Philipp. 11. 8. & ad Hebræos 11. 9. & consequenter quolibet meritum præsupponere non solum Christi prædestinationem, verum etiam præscientiam peractæ *Incarnationis*: unde sicut mortaliū nemo potuit mereri prædestinationem Christi, ita nemo mereri potuit ejus *Incarnationem* quoad *substantiam*, cum utraque omnem meritum in Dei præscientia antecedit. Aut respondemus *gloriam* esse causam finalem, quæ non præexistit effectui suo, & unionem *hypo-staticam* esse meritorum omnium causam effectricem ac meritoriam, quæ non operatur nisi præsupponatur ipsius existentia, ut disput. vi. r. dub. 2. demonstrant ipsi Salmanticenses.

Ex his inferitur, neque Christi humanitatem sui cum divino Verbo unionem promeruisse: quod sequenti argumentatione confirmatur. Vel enim humana natura hanc unionem promeruit per opera præcedentia, priusquam Christus conciperetur, vel in illo *priori nature*, in quo percipitur producta, antequam assumeretur a Deo, vel per opera *hypo-staticam* unionem consequentia. Nequit primum affirmari, cum

cum animæ Christi ante *Incarnationem* præexistentia sit Origenianum figmentum refutatum lib. xii. cap. 4. unde recte Augustinus citat. cap. xv. de Præd. SS. num. 30. ait : *Respondeatur quæso : ille homo , ut a Verbo Patri coæterno in unitatem persona assumptus , Filius Dei unigenitus esset , unde hoc meruit ? Quod ejus bonum qualescunque præcessit . Quid egit ante , quid credidit , quid petivit , ut ad hanc ineffabilem excellentiam perveniret ?* Nec affirmare possumus humanitatem Christi promeruisse in illo *priori naturæ* , quo percipitur producta priusquam assumeretur a Verbo Deo , quoniam in illo a nobis exco- gitato momento , nondum natura humana subsistebat , & incapax erat operandi , alioqui si subsistentiâ prædita esset , Verbum Deus assump- sisset etiam personam hominis , ut opinabatur Nestorius : ideoque Augustinus cap. xxxvi. Ench. num. ii. *Nunquid antea , inquit , fuit homo , & hoc ei singulare beneficium præstitum est , cum singulariter promereretur Deum ? Nempe ex quo esse homo caput , non aliud caput esse homo , quam Dei filius .* Denique mereri Christus non potuit per opera subsequencia , tum quia nemo aliquid meretur , nisi supponatur existens , ut dictum est nuper , ideoque omnia merita Christi sup- ponunt peractam *Incarnationem* : tum quia ait S. Thomas citato art. ii. *Gratia non potest cadere sub meritum , quia est merendi principium : unde multo minus Incarnatio cadit sub merito , quæ est principium gratiæ .* Quod & rationi consentaneum est , quoniam omnis causa præcedit effectum ; & gratia , quæ est principium meriti , nequit esse prævisi operis merces ac præmium , ut autumabant hæretici Pela- giani .

Solent opponi verba Psal. xli. v. 8. *Dilexisti iustitiam , & odisti iniquitatem , propterea unxit te Deus , Deus tuus oleo latitiæ præ confortibus tuis ;* & Apoc. v. 12. *Dignus est Agnus , qui occisus est , accipere virtutem , & divinitatem :* quæ videntur Origenis confir- mare sententiam . Sunt & quidam , ut Suarez disp. x. sect. 4. Coninck & Aëtib. supern. disput. viii. art. 7. & Ripalda disp. 86. qui contem- dunt non repugnare , quin Christus unionem *hypostaticam* potuerit promereri : & quorum præcipuum argumentum paullo supra produ- ctum est , videlicet , potuisse Deum decernere *Incarnationem* execu- tionem mandandam dependentem a meritis Christi , licet gratis præde- finitam ; quemadmodum per merita prædestinati consequuntur glo- riam , ad quam electi sunt sine initorum præscientia . Addunt etiam actus caritatis disponere ad gratiam *habitualement* , & nihilominus ab ipsa gratia produci : atque ratione consimili posse unionem *hypostati- cam* , quamvis sit principium meriti , merito tamen rependi . Quidam denique illud afferunt , si principium intellectus , id est , mens ratio- nalis cadit sub intellectu : quare principium meriti , hoc est , *unio hypostatica* non potest cadere sub merito ?

His brevi occurrentes respondemus ad primum, in Psal. xiv. *oleum latissia* significare Christi exaltationem, hoc est, gloriam resurrectionis, ascensionis, dominationisque, ut Breviario in Psalm. inquit Hieronymus: aut si *unctionis* nomine intelligamus unionem, hypostaticam; propterea, idem esse, atque, *in hunc finem*, & sensum reddere, unctum Christum *oleo exaltationis*, & naturam humanam assumptam a Verbo, ut Redemptor noster *condigne* fungeretur Mediatoris officio, & excellentissime diligeret & exequeretur iustitiam. In quinto pariter Apocalypseos *divinitas* idem est, ac divinus honor, & nominis Christi exaltatio, quam idem Christus sua morte promeruit, ut ad Philipp. II. 9. scribit Doctor gentium, sive divinæ gratiæ profusio, ad quam significandam habent Græci Codices, non *divinitatem*, sed *πλῆρωμα*, *divitias*. Quod sequitur, facillime expeditur: commentitium est enim decretum, quo prædefinatur *Incarnatio* per merita subsequencia, quia non potest præcognosci merita ante existentiam personæ merentis: potest autem decerni gloria independentem a meritis, quibus comparatur, quia finis præeligitur ante prædefinitionem mediorum. Adde quod in prædestinatione ad gloriam per merita comparandam, ipsa merita non præcedunt, sed subsequuntur gratiam, propriamque causam effectricem: at si Christus prædestinatus esset ad unionem *hypostaticam* per propria merita, hæc prænoscerentur ante suum principium efficiens, & effectus præcederet causam, atque *prima meritorum origo* esset merces. Posset argumentatio proxima *eludi* reponendo dispositiones pendere a *forma*, tanquam proprietates causæ *formalis*, & ad ipsam *formam* disponere tanquam *adminicula* causæ efficientis, nec repugnare mutuam causalitatem in diverso causarum genere; repugnare autem in genere eodem, quale profecto esset, si merita præcederent ut causa moralis efficiens unionem *hypostaticam*, quæ est causa *moralis* efficiens meritorum: sed his omisiss, dico contritionem quæ præcedit gratiam *habitualement* esse effectum gratiæ actualis: & si supponat gratiam *habitualement*, non ad ipsam disponere, sed ad ejus augmentum. At in solutione postremi argumenti non immorabor; etenim mens, sive principium intelligendi cadit sub intellectionem *tanquam obiectum*, quod præsupponitur ante ipsam intellectionem; *hypostatica* autem unio caderet sub meritum, *tanquam effectus*, qui nequit præsupponi ante causam; ne repetam præmissam contradictionem, quod si gratia principium meriti caderet sub meritum, merces ac præmium esset, non gratia. Hactenus de causa unionis hypostaticæ meritoria.

Circa assumptam a Deo Verbo naturam plures in scholis instituntur quæstiones, ac præsertim, num eandem carnem quam Filius assumpsit, potuissent etiam assumere Spiritus sanctus ac Pater, num
una

una duntaxat persona assumere potuisset naturas duas, num potuisset Deus terminare naturam aliam destitutam ratione, cur Filius, non persona alia, nostram induerit *formam*, cur non Angelicam substantiam; & quaestiones alias ejusmodi, in quibus terere nos tempus, ingeniumque torquere dictitant Insectatores Scholasticæ, ut vidimus in Prolegomenis. Brevi nos, non pertimescentes linguarum flabella, sed aliarum rerum inquisitioni multivolum animum addicentes asserimus potuisse omnes sacrosanctæ Trinitatis personas assumere naturam unam, cum singulæ eandem potentiam, virtutemque divinam habeant, necnon propriam hypostasim ac substantiam. Nec inde sequeretur, assumptum hominem esse unum, & non unum; quoniam *unum* significat unitatem duntaxat naturæ, quæ triplici terminata esset hypostasi; quemadmodum *unus Deus* commonstrat unam divinam naturam in tribus personis subsistentem: & quemadmodum unitas personæ assumptis non infert modò unitatem naturæ assumptæ; ita in hypothese pluralitas personarum non inferret assumptæ naturæ pluralitatem. Ita S. Thomas 3. p. q. 3. art. 5. Thomas de Argentina in 111. dist. 1. q. 2. art. 3. Vasquez disput. xxix. cap. 2. aliique communiter, excepto tamen Scoto, ejusque assensu: pro quorum sententia legi potest Mastrius disp. 1. q. 8. art. 1. & Frassenius disp. 1. art. 2. sect. 2. q. 3.

At posse eandem divinam personam assumere naturas duas sanctus Thomas eadem q. art. 7. Scotus in 3. dist. 1. q. 3. & utriusque discipuli, aliique omnes affirmant, eo quod divina persona virtutem infinitam habeat, quæ per *terminationem* unius naturæ finitæ nequit exauriri. Discrepant tantum Theologi, an duæ illæ naturæ essent unus homo, vel duo: ac futurum unum tenent Thomistæ, quibus accedunt Suarez disp. xlii. sect. 3. aliique permulti; futuros duos homines censet ibidem Scotus, & Frassenius Concl. 2. necnon Vasquez 1. p. disput. civ. cap. 5. Sed hanc controversiam inniti arbitror sola æquivocatione vocabulorum: enimvero si substantivum nomen *homo* accipiat pro *forma*, sive natura, haud dubium, quin in hypothese duo homines forent dicendi: & quoniam revera nomina substantiva primariò *formam* ac naturam significant, hac in parte subscribendum arbitror Scoto, cui etiam ex nostris assentitur laudatus Thomas de Argentina dist. 1. art. 4. At si vocabulum *homo* accipiat *concrete*, prout connotat *formam* simul ac suppositum, nulum est dubium fore in hypothese unum hominem, quemadmodum unus dicitur artifex idem homo pollens duabus artibus. Atque hoc exemplo confirmant D. Thomæ sententiam Suarez loco citato, & Gabr. a S. Vincentio disput. 111. dub. v. Quamquam nescio, num allatum exemplum sit ad rem, cum *artifex* juxta regulam a nobis traditam lib. ix. cap. ult. nomen sit adjectivum, connotans personam

artificium aliquod exercentem. Hinc S. Thomas aliam sententiam sequitur in Summa cit. artic. vii. aliam in iii. sent. dist. i. q. 2. art. 5. non sibi contradicens, ut falso opinatur Thomas de Argentina, sed varia nominum significatione accurate spectata. Ad omnem ergo amphiboliam evitandam satius est dicere futuram in hypothesi unam personam subsistentem in duplici natura humana; quemadmodum in præsentia dicitur Christus una persona habens naturas duas, humanam, atque divinam.

De natura irrationali, si veterum perpaucos, Picum Mirandulanum, ac Tournelium excipias, illam potuisse assumi a Verbo, consentiunt Scholastici ea ratione ducti, quoniam quicquid gerere potest vicem personæ, idest, tribuere alienæ naturæ subsistentiam, potest quoque supplere munus *suppositi*, propriamque alteri communicare existentiam. Frassen id confirmat sect. 3. q. 1. concl. 2. testimoniis Patrum, eaque produxerat antea Vasquesius disp. xxx. cap. 2. Addunt alii Christum in triduo mortis tradidisse spiritum, sed non fuisse corpus exanime a divina persona sejunctum: de qua re alibi. Si dicas naturam irrationalem non esse capacem *personalitatis*; optime responsum a Theologis, capacem esse existentiae, sive terminationis *suppositalis*, non *personalis*. Indulgendum est autem temporis, atque consuetudini, si hæc adhibuerunt vocabula. At indecorum est, inquit Tournely pag. 297. fieri communicationem idiomatum inter Deum, & creaturam ratione destitutam. Huic etiam oppositioni responsum a Vasquesio num. 14. nullam rem quantumvis sordidam posse divinitati vel minimam asferre maculam; quod comprobatur verbis Tertulliani de Carne Christi cap. 4. ubi contra Marcionem irridentem tanquam indignam Deo nativitatem in carne, *Si revera, inquit, de lupa, aut sue, aut vacca prodire voluisset, & fera, aut pecoris corpore indutus regnum calorum predicaret, tua, opinor, illi censura præscriberet, Turpe hoc Deo, & indignum hoc Dei filio, & stultum propterea qui ita credat. Sit plane stultum: de nostro sensu judicemus Deum. Sed circumspecte Marcion, si tamen non delesti: stulta mundi elegit Deus, ut confundat sapientia.*

Cur Filius, non alia persona, naturam induerit nostram congruentias istas assignant Theologi, Estius præsertim in iii. dist. i. & Petavius lib. II. cap. 15. Prima est, ne fieret nominum confusio, & filii appellatio transfiret ad aliam personam, aut duo essent in Trinitate Filii, scilicet, filius Dei, & filius hominis. Altera, ut per eum, per quem omnia creata sunt, omnia iterum instaurarentur. Tertia, ut per Verbum & Imaginem Patris reficeretur in nobis effigies ipsius Dei per Adæ culpam corrupta. Quarta, ut per Filium naturalem redderemur filii adoptivi, & meritis Primogeniti consequeremur hæreditatem. Postrema ut secunda Trinitatis persona fieret Dei & homi-

hominum Mediatrix . Denique cur Christus non redemerit dæmones, hanc rationem reddit Petavius lib. 111. cap. 10. n. 6. quia corruit Angelus nihil infirmum ex carne gestans . Non videtur ab hac sententia alienus Augustinus Tract. cx. in Joau. num. 7. Adduntur congruentiæ aliæ , quia non corruerat tota natura Angelica ; & quia assumendo hominem præditum anima & corpore , Filius Dei utramque naturam redemit spiritualem atque corpoream . At quoniam indubitatum est propter nimiam Dei caritatem Christum mortem subiisse pro impiis , recte ait ibidem Augustinus : *Hic ergo non meritum nostrum, sed Dei misericordia commendatur* . Atque hæc dicta sint de iis questionibus , in quibus discutiendis permulti veterum præcipuam impendunt operam ,





DE THEOLOGICIS DISCIPLINIS LIBER VICESIMUS SEPTIMUS

*De iis, quæ ob hypostaticam utriusque
naturæ unionem vere proprieque
de Christo Jesu enuntiantur.*



IRABILIS divinæ, humanæque naturæ in unitatem personæ copulatio, quam hætenus explicare, & adversus nefarias hæreses defendere, ac propugnare curavimus, absque ulla contradictione illud præstat, ut unus, idemque Dominus Jesus CHRISTUS ex æquo sibi vindicet, quæ Dei, & quæ hominis sunt, attributiones, atque proprietates: in quibus exponendis non solum quidam errarunt haud recte distinguentes quæ naturis duntaxat conveniunt ab iis, quæ de sola persona enuntiantur; verum etiam errores instaurarunt damnatorum hæreticorum, dissidiisque turbarunt Ecclesiæ tranquillitatem. Quidam enim omnipræsentiam, sive immensitatem tribuentes humanæ Christi naturæ commenti iterum sunt permixtionem parum dissimilem Eutychianæ; nonnulli in Christo, ut homine, adstruentes alieni filii adoptionem visi sunt inducere alteram cum Nestorio personam; aliqui novas theses intempestive ac temere defensores, ac præsertim de Una in Trinitate persona affixa cruci, fuerunt gravissimarum dissensionum auctores.

Hoc

Hoc itaque libro , ne quis diſputans de magno pietatis Sacramento , quo Deus manifeſtatus eſt in carne , abſurda vocabula , vel impia aſſerta pronuntiet , univerſales primum regulas tradimus ad enuntiationem quamlibet ad Chriſtum ſpectantem ſcite dijudicandam ; deinde propoſitiones ipſas , de quibus poſitiſſimum diſceptatur , ſingillatim exponimus , inſertis hiftoricis monumentis , atque Theologicis velitationibus .

C A P U T I.

*De communicatione idiomatum , reguliſque in qualibet
de Verbo homine enunciatione ſervandis .*

EX unione ſubſtantiali duarum in Chriſto naturarum conſequitur vocabulorum permutatio , quam Græci appellaverunt *ἀνιδιον* , Latini *communicationem idiomatum* . Nequit hæc accuratius deſcribi , quam verbis Nazianzeni ſcribentis ad Theophilum : *Propter exactam unionem aſſumptæ carnis , & aſſumentis divinitatis mutuo tranſferuntur vocabula , ut humanum ex divino , divinum ex humano denominetur* . Quare Scholaſtici recte communicationem idiomatum definiunt , Eſt loquendi forma , vel modus , quo ea , quæ unius naturæ in Chriſto propria ſunt , eique vere ac realiter competunt , propter perſonæ , quæ in utraque natura ſubſiſtit , unitatem toti concreto attribuantur . Concreto autem dicimus , non *formæ* , aut *naturæ* ; nam quemadmodum contra Neſtorium unam in Chriſto proſitemur perſonam , ideſt , unum Deum hominem , adverſus autem Eutychetem , naturas duas impermixtas ; ita eidem perſonæ tribuenda ſunt quæ utrique naturæ conveniunt , ſed unius naturæ attributa non ſunt in alteram tranſferenda . Quare qui denegant communicationem idiomatum , Neſtoriani dicendi ſunt ; & qui illam adſtruunt inter utramque naturam , Eutychiani . His accedere *Ubiquitarii* , qui immenſitatem ac omnipotentiam in Chriſti humanitatem tranſfundunt , affirmant non tantum Scriptores Catholici , verum etiam poſt Theodorum Bezam , & Heſiandrum hæretici poſteriores . Nefarii hujus erroris occurrunt veſtigia aliqua in Lutherana Confeſſione de Cœna Domini ; at illum , ut ſcribit Beza in Præfat. ad Chriſtianum Heſiandrum , poſt obitum Melanchthonis Brentius inexit , ac pertinaciſſime propugnavit in Apologia ad Ingloſtadianos Jacobus Andreas . Primum itaque contra Neſtorii blaſphemias , deinde contra Eutychianam , reſcoctamque perfidiam ſcita Theologorum explanabuntur .

PROPOSITIO I. In Chriſto admitti debet reſpectu Perſonæ communicatione idiomatum .

De-

Demonstratur ratione simul, Scripturis, & Patrum auctoritate. Quemadmodum de una persona hominis, in qua simul corporea ac spiritualis substantia conglutinantur, affirmari potest quod sit ratione prædita, & morti obnoxia; quorum unum animi proprium est, alterum corporis: ita de Christo, in quo eadem hypostasi divina, humanaque natura subsistunt, potest enuntiari quod sit Deus, mundi Conditor, sempiternus, immensus, omnipotens, sitque homo factus ex femine David, affixus cruci, mortuus, sepulcro conditus, in cælum assumptus, loco circumscriptus: quorum attributorum priora competunt divinitati, alia humanitati conveniunt. At hæc est vocabulorum permutatio, quam denegantes repugnant rationi, quoniam si fatentur duarum naturarum hypostaticam unionem, ut probant prædictas de homine enunciationes, ita de Christo allatas, & consimiles probare debent, cum utrarumque fundamentum sit unitas individua Personæ: adversantur Scripturis, quæ Christo homini tribuunt quæ sunt propria divinitatis, & Christo Deo quæ humanitati conveniunt: opponuntur denique Patribus asserentibus Deum Verbum per unionem dispensativam propria sibi fecisse quæ carnis erant, non alterius cujusdam, sed ejus, quæ inenarrabiliter ei erat unita. Ratione itaque, Scripturis ac Patribus communicatio idiomatum stabilitur.

Rationem ex unitione petitam suppeditat Cyrillus de Incarnat. Unigeniti cap. 26. scribens: *Cum enim idem sit homo simul, & Deus, propter unitatem propria sua ducit humana*. Ibiq; demonstrat, quomodo ob eandem unitatem dicitur de Christo quod proficiebat ætate & sapientia, & de plenitudine ipsius omnes accipiamus: quod baptizatus sit secundum carnem, & ipse baptizaverit Spiritu sancto: quod sanctificatus fuerit spiritu, & ipse omnes ad eum accedentes sanctificet; quæ, aliaque plura ita intelligenda sunt, *ut nec quæ Deitati conveniunt, humanitati ipsius attribuantur, nec quæ humanitatis propria sunt, ad deitatem detorqueantur*. Tradit consimilia Augustinus libro 11. contra Max. cap. 20. *Si ergo attendas distinctionem substantiarum, Filius Dei de calo descendit, filius hominis crucifixus est: si unitatem personæ, & filius hominis descendit de calo, & filius Dei est crucifixus*. Et in Epist. ad Dardanum 187. num. 8. *Cum enim sit Christus Deus & homo, Deus utique unde dicit, Ego & Pater unum sumus, homo autem unde dicit, Pater major me est, idemque filius Dei unigenitus a Patre, & Filius hominis ex femine David secundum carnem; utrumque in illo observandum est cum loquitur, vel cum de illo Scriptura loquitur, & quid secundum quid dicatur intueudum. Nam sicut unus homo est anima rationalis & caro, sic & unus Christus est Verbum & homo. Proinde quod ad Verbum attinet, Creator est Christus, omnia enim per ipsum facta sunt. Quod vero*

vero ad hominem, creatus eſt Chriſtus, Faſtus eſt enim ex ſemine David ſecundum carnem . Proximo num. 9. demonſtrat ex verbis Joannis 111. 13. Nemo aſcendit in cælum, niſi qui de cælo deſcendit, Filius hominis, qui eſt in cælo, nec non ex Apoſtolo in 1. ad Corinth. 11. 8. Si enim cognoviſſent, nunquam Dominum gloriæ crucifixiſſent; demonſtrat, inquam, quomodo Filius hominis ſecundum divinitatem erat in cælo, & Dominus gloriæ ſecundum humanitatem crucifigebatur in terra: atque ait hæc recte de Chriſto enuntiari, quia licet eſſet in cælo ſecundum id, quod filius Dei erat, ſecundum id vero quod filius hominis erat adhuc eſſet in terra, & nondum aſcendiſſet in cælum: ac ſimiliter ſecundum id, quod filius Dei eſt, ſit Dominus gloriæ, & crucifixus ſit ſecundum id, quod eſt filius hominis; nihilominus dicitur Dominus gloriæ crucifixus, dicitur Filius hominis eſt in cælo; quoniam Filius hominis, & Dominus gloriæ una perſona eſt: nec cum filium Dei Chriſtum dicimus, hominem ſeparamus, nec cum eundem Chriſtum filium hominis dicimus, ſeparamus Deum.

Producta ex Auguſtino & Cyrillo ratio unitiōis habet, ut conſtat, ſanctarum literarum fulcimentum. Si enim de Filio hominis dicitur quod erat in cælo priuſquam illuc aſcenderet, & de gloriæ Domino quod ſit crucifixus; proſecto enuntiantur de Deo Verbo quæ conveniunt humanitati, & de Filio hominis, quæ divinitatis propria ſunt. Neque hæc tantum in Scripturis occurrunt, ſed alia complura: Nam Chriſtus appellatur Unigenitus conſiſtens in ſinu Patris, Joan. 1. 18. Genitus ante Luciferum, Pl. c1x. 3. Deus ſuper omnia benediſtus, ad Rom. 1x. 5. Antiquior Abrahamo, ac ſempiternus, Joan. vi 11. 56. & ad Hebr. xi 11. 8. Ac pariter Deus Verbum dicitur acquiſiſſe Eccleſiam ſanguine ſuo, Aët. xx. 28. animam ſuam pro nobis poſuiſſe, 1. Joan. 111. 16. appellatur Salvator, ad Titum 11. 6. Agnus occiſus, Apocalyp. v. 12. Quæ omnia ſatis commonſtrant dari expoſitam permutationem vocabulorum.

Hanc agnoviſſe ac propugnari Nazianzenum, Cyrillum, & Auguſtinum liquet ex dictis. Nec diſſentiunt alii Patres. Hilarius enim 1v. de Trinit. inquit: *Qui erat, naſcitur: qui indēmutabilis eſt, creſcit ætate: qui impoſſibilis, patitur .* Vigilius Martyr adverſus Eutychetem lib. 1v. *Conſonat & divinitatem humanitatis, & humanitatem divinitatis habere vocabulum, ideſt, Verbum dici carnem, & carnem dici Verbum; non quia in ſe utrunque mutatum ſit, ſed quia utrunque una perſona, ideſt, unus Chriſtus ſit . Et ideo recte credimus, & prædicamus cum Apoſtolo Deum crucifixum, & mortuum in humana natura, quæ ex uniti Verbi conſortio deitatis poſſidet nomen .* His ceteri omnes aſſentiuntur. Atque hinc apparet communicationem idiomatum eſſe rationi conſonam, Scripturis innixam, Patribus conſentaneam.

PROPOSITIO II. Non est admittenda in Christo permutatio vocabulorum inter unam, & alteram naturam, sive, ne abjiciamus Scholasticam orationem, *communicatio idiomatum in abstracto*.

Explicatur, ac simul demonstratur. Quemadmodum in hypostatice unionem non moraliter, sed substantialiter utraque natura divina & humana spectant ad eandem personam, ut tenet Catholica fides contra Nestorium: ita eadem naturæ sunt in una eademque persona cum suis attributis ac proprietatibus impermixtæ & distinctæ, ut adversus Eutychem firmissime profitebimur. Sicut ergo admittitur communicatio idiomatum respectu personæ, scilicet enuntiantur de Christo vocabula utriusque naturæ, propter indivisibilem unitatem: ita nequit una natura impertiri alteri quæ sui propria sunt, ob impermixtarum naturarum differentiam & distinctionem. Quamobrem & contra Nestorium pronuntiandum est, *Verbum est filius hominis, Dominus gloria crucifixus est, Filium Dei peperit Maria Virgo, Deus suffusus est cruci, Filius Virginis est conditor universorum*, & his consimilia, quoniam Deus Verbum, ac Filius hominis est unus Christus: & adversus Eutychem, *Natura humana quam Verbum assumpsit in tempore non est divinitas quam habet sempiternam a Patre, Christus carne, non divinitate passus est, Una Christi natura est aeterna, infinita, passionem expert, altera autem creata, finita, ac morti olim subiecta*: quoniam in unitate Personæ utraque natura suam retinet proprietatem. Atque ita in vocabulorum permutatione tenemus Theologicum æquamentum ac trutinam, si quæ Nestorii, vel Eutychetis redolent impurum, nefariumque dogma, castigata locutione vitemus.

Accurate id commonent Patres: nam Cyrillus in X. Thesaur. *Duarum*, inquit, *naturarum discretio ex dictis & factis necessario facienda est. Quare debemus quæ vero Deo conveniunt divinitati ejus, quæ homini verò humanitati nostræ, quam propter nos assumpsit, accomodare*. S. P. Augustinus lib. 11. contra Max. cap. 20. n. 2. demonstrat ea verba, *Tristis est anima mea usque ad mortem*, Matt. xxvi. 38. *nonnisi ex natura hominis intelligenda, cum percipi non possit, naturam Verbi Dei unigeniti tristem esse potuisse*: atque hoc pacto excipit quod legitur eodem cap. xxvi. 39. *Veruntamen non quod ego volo, sed quod tu vis*, & quod extat Ioan. vi. 38. *Descendi de celo, non ut faciam voluntatem meam, sed voluntatem ejus, qui misit me*. Similiter Vigilii in v. contra Eutychem: *Impium, & sacrilegum est ea, quæ sunt propria carnis Christi, ad naturam Verbi proprietatem referre: & quæ sunt propria Verbi, carni adscribere*. Item Damascenus lib. 111. cap. 4. *Divinitatem porro cum dicimus, de ea quæ sunt humanitatis propria neutiquam affirmamus. Non enim dicimus divinitatem patibilem, aut creatam. Sed nec de carne, hoc est humanitate,*
præ-

prædicamus divinitatis proprietates : non enim dicimus carnem , ſeu humanitatem increatam . Ad hunc modum Fulgentius de Incarnat. & Grat. cap. 11. *In Chriſto unigenito Dei filio perſonam non dividunt propria naturarum : neque unitas perſonæ poteſt utriuſque naturæ propria confunderi vel auferre .* Habent ſimilia alii Patres .

Duabus his propoſitionibus inniuntur Regulæ communicationis idiomatum apud Scholaſticos pervulgatæ : in quibus tamen connumerandis nequaquam conſentiunt auctores ; nam ſeptem recenſet Sylviuſ III. p. q. 16. art. 4. quinque Turneliuſ q. 9. art. 2. duodecim Petaviuſ lib. 1v. cap. 16. Harum prima eſt , quod proprietates duarum naturarum uni perſonæ tribuendæ ſunt . Sit in exemplo , dum Chriſtus ait , *Ego & Pater unum ſumus* , & , *Pater major me eſt* , de eadem Chriſti perſona enuntiatur quod ſit Patri conſubſtantialis , & quod ſit inferior Patri : quorum unum ex proprietate divinæ naturæ proſciſcitur , alterum ex conditione naturæ humanæ .

II. Regula eſt , quod interdum tota perſona ab una tantum natura , vel proprietatibus ejus denominatur : ut dum Chriſtus appellatur *Filiuſ hominis* , *Verbum homo* , *Deuſ crucifixuſ* , *Filiuſ Dei paſſuſ ac mortuſ* : quarum enunciationum manifeſta ratio eſt , quoniam per hypſtaticam unionem ejuſdem perſonæ , non alteriuſ , eſt utraque natura cum proprietatibus ſuis ; ideoque poteſt perſona vel ab una , vel ab altera denominari .

III. Tertia eſt , quod ob eandem rationem aliquando de eadem perſona enuntiantur contraria , quæ tamen cum diverſam ſpectent naturam , nullam repugnantiam involvunt . Sit in exemplo , *Chriſtuſ in cruce patiebatur & gloria fruebatur : vivens mortuſ eſt : regnabat in cælo , & condituſ erat ſepulcro* .

IV. Quarta præcedentis expoſitiva , quod de una quidem perſona enuntiantur oppoſita , ſed ratione diverſæ naturæ , ut ſi dicamus , *Experi patiendi quatenuſ Deuſ , paſſuſ eſt carne : Ut Deuſ corruſcabat miraculiſ , dum ut homo afficiebatur injuriis* .

V. Regula Abſtracta , quæ naturiſ conveniunt , non communicantur promiſcue , neque in abſtracto , neque in concreto : non enim recte dicitur , *Divinitaſ eſt humanitaſ* , aut , *Homo eſt æternitaſ* , vel , *Deuſ eſt mortalitaſ* : idque propter utriuſque naturæ impermixtam , & inconfuſam perſiſtentiam .

VI. Communicatio proprietatum non ſecundum formam , ſed ſecundum ſubjectum eſt ſemper accipienda : nam ſi dixeris V. G. *Verbum caro factuſ eſt* , non ſic intelligitur , quaſi natura divina humanam aſſumpſerit , ſed hoc de perſona duntaxat affirmatur : ac ſimiliter dum aiſ , *Filiuſ hominiſ deſcendit de cælo* , ſenſuſ non eſt quod

descenderit de cælo natura humana, sed persona, quæ naturam humanam assumpsit. Enimvero, ut singula ad idem principium reducantur, sive dicatur *Deus*, sive *homo*, significatur, una eadem, atque individua persona.

VII. Dum enuntiantur de Christo utriusque naturæ proprietates, affirmativæ propositiones absolute proferri possunt, non autem negativæ. Sit in exemplo, vera est hæc propositio, *Filius Dei passus est*, quoniam id Christo convenit ratione naturæ humanæ; at non est vera propositio negans, *Filius Dei passus non est*, etiam si id Christo conveniat ratione naturæ divinæ. Ratio est, quia particula *non* removet attributum a subiecto: & a Christo removenda non est passio, quam subiit ratione humanæ naturæ. Quare in enuntiationibus negativis apponenda est expositio ad hunc modum, *Filius Dei non est passus secundum divinitatem*.

VIII. Eandem expositionem congruum est apponere in iis enuntiationibus, quæ licet alioqui veræ sint, in pravam sensum ab hæreticis detorquentur. Atque ita consultius est dicere, *Christus est creatura*, quatenus *homo*, ne videamur sentire cum Arianis asserentibus personam Verbi creatam esse; aut, *Unus de Trinitate passus est carne* ut vitetur error Eutychianorum, autumantium divinitatem, & humanitatem, qua Christus passus est, unam esse naturam.

IX. Propositiones, quæ unionem hypostaticam non supponunt sed exprimunt, excipiuntur a lege communionis idiomatum. Ita vera est hæc enunciatio, *Verbum caro factum est*, sive, *Deus factus est homo*, at non contra, *Homo factus est Deus*: quoniam hæc, *Deus factus est homo*, exprimit unionem, non supponit; & quæ unionem non supponunt, non inferunt communicationem idiomatum. Hanc regulam desumptam a Scoto in III. dist. VII. q. 2. plurimum commendat Petavius, utpote expeditam, & perspicue demonstrantem, cur falsa sit hæc propositio, *Homo factus est Deus*. At nobis videtur magis obvia hæc ratio, quod in hac propositione, *Deus factus est homo*, subiectum, *Deus*, est persona: non est autem persona subiectum alterius propositionis, *homo*; nec quemadmodum *Deus* habuit subsistentiam ante assumptionem naturæ humanæ, ita præexistebat humanitas. Quapropter nos causam, cur sit falsa hæc propositio, *Homo factus est Deus*, repetimus ex præcedenti regula sexta, quia nempe communicatio idiomatum non est accipienda secundum naturam, sed secundum personam.

X. Nequeunt de Christo enuntiari concreta adjectiva, quæ designare possunt diversam personam, & recte enuntiantur ea, quæ inferunt solummodo diversam naturam. Ita in sensu Nestorii blasphemata est hæc propositio, *Christus est homo dominicus*, de qua infra.

XI. Si de Christo enuntientur quæ naturaliter & substantialiter ipsi

ipſi Inſunt , appellatur communicatio idiomatum *naturalis* , ut *Chriſtus eſt homo* : ſi vero enuntientur quæ ſuſcepit miſericordia ductus , dicitur communicatio idiomatum *ſecundum habitudinem* , ut , *Faſtus eſt pro nobis maledictum* , *Peccata noſtra ipſe tulit* : ubi *maledictum* , & *peccatum* ſignificant pœnam , quam pro peccatis noſtris miſericorditer ſubiit .

XII. Idiomatum communicatio in Chriſto intelligenda eſt *ſubſtantialiter* & ſecundum hypotaſim , non *moraliter* & ſecundum attributionem , ita ut dum dicimus , *Deus eſt homo* , ſignificetur Deus , & hominem individuo nexu unam conſtituere perſonam , non unum in altero inhabitare , tanquam in templo : quod ex refutata hæreſi Neſtoriana fatiſ eſt maniſeſtum .

PROPOSITIO III. In humanam naturam transfuſa nequaquam eſt omnipræſentia ; ideoque ſupinus eſt error , & hæreſis execranda aſſerentium aſſumptam a Verbo humanitatem eſſe ubique .

Tameſi hæc propositio eſt conſectarium præcedentiſ , confirmanda eſt ob impia dogmata *Ubiquiſtarum* , qui autumant vi unioniſ hypotaſticae convenire humanæ naturæ omnipotentiam , atque immenſitatem : quod diximus totiſ lacertiſ primum propugnaffe Joannem Brentium , & Jacobum Andream Schmidelinum . Lutherani enim in parteſ diſciſſi ſunt , nec uſque ad obitum Melanchthoniſ , qui valide *Ubiquitatem* oppugnavit , fuit ſictitia hæc omnipræſentia comuni plaſu recepta . At poſtquam fatiſ ceſſit Melanchthon , navante operam Illyrico communem fere naſta eſt Lutheranorum approbationem , ut reſert illuſtriſ Boſſuetiſ in H. Variat. lib. viii. num. 42. Merito omneſ Theologi errorem iſtum inſectantur : Eſtiſ in iſſi. diſt. 22. §. 5. L'Herminier Tom. iſſi. pag. 205. Juenin P. iv. diſſert. v. Tournely quaſt. ix. art. 2. ſed omniſ luculentiffime viri treſ Societatiſ Jeſu doctiſſimi , Bellarminiſ lib. iſſi. de Chriſto cap. 9. & ſeqq. Petaviſ lib. x. de Incarnat. cap. 7. & Gregoriſ de Valentia Tom. iv. diſp. i. q. 2. Ampliori etiam ſtilo , omniſ argumentorum genere Ubiquiſtaſ proſtigavit in Refutatione dogmatiſ *de ſiſtitia carniſ Chriſti omnipræſentia* Chriſtianuſ Heſſiander . Hanc noſ Scripturarum auctoriſtate , Patrum traditione , & ratione Theologica breviter reſellemuſ .

Ex Scripturiſ enim liquet Filiſ hominiſ noſtram aſſumendo naturam deſcendiſſe de cœliſ , ideſt , cum antea cœlum terramque contineret , fuiſſe terreno , finitoque corpufculo circumſcriptum , atque adveniente hora virginei partiſ in lucem editum , reclinatum in præſepio , poſtea vero ſublatum fuga in Aegyptum , ac ſubinde in patriam rediſſe , & nunc in Jeruſalem , nunc in Templi ambitu , nunc deſerto in loco , & in præalto monte , aut ſecus marinum lituſ , aut in campeſtribuſ commoratum : quid plura ? ſuffixum cruci , ſepul-

tum

tum marmoreo tumulo, atque in cælum denique assumptum, & ad patris dexteram collocatum. Ne autem quis credat hæc ita gesta circumscriptis in locis, ut simul Christi humanitas esset ubique diffusa, quomodo legimus aliquando Deum ad hortum Eden, ad turrim Babel, ad Sinai verticem, & ad vallem Mambre, aliaque loca plurima descendisse; testatur sacra Evangeliorum historia eo sensu Christum hominem constituisse uno in loco, ut inspecta humanitate alibi non existeret. Enimvero Christum non fuisse in Bethania cum Lazarus obiit, non solum asseruit pia demortui soror, dum ait, Joannis xi. 21. *Domine, si fuisses hic, frater meus non fuisset mortuus*, verum & Salvator ipse ita discipulos alloquens, *Lazarus mortuus est, & gaudeo propter vos, ut credatis, quoniam non eram ibi*. Ita & Angelus quærentibus Christum ad monumentum, Matth. xxv. 11. & Marc. xvi. 6. ait: *Surrexit, non est hic*. Et quid significant illa Christi verba Joan. xvi. 28. *Relinquo mundum, & vado ad Patrem*? quid ea Lucæ xxiv. 51. *Recessit ab eis, & ferebatur in cælum*? quid Pauli ad Hebræos scribentis ratiocinatio, vi. 4. *Si ergo esset super terram, nec esset Sacerdos: cum essent qui offerrent secundum legem munera*? Christus itaque ita corpore circumscriptus est, ut corporea præsentia locum aliquem sibi vindicaret, & dum in uno commoratur, sit disjunctus ab altero.

Validiora sunt ista, cum accedat fida sacrarum Scripturarum, & Ecclesiasticorum dogmatum exploratrix, Fideique norma Traditio. Pervetus enim Scriptor Hippolytus Portuenfis docet Fragm. 3. in Christo *Divinitatis operationem mansisse extra naturæ circumscriptionem omnem, tametsi per carnem natura terminatam peracta fuerit*. Athanasius Orat. de Fide demonstrat ea verba, *Sede a dextris meis*, Christo convenire non secundum divinitatem, quæ cælum terramque implet, sed ratione corporis assumpti, propterea quod, inquit, *Sedere idem est, ac esse circumscriptum in loco*: quæ & repetit in libro de Communi Essent. Gregorius Nazianzenus in Epistola ad Cledonium appellat Redemptorem nostrum *corpore circumscriptum*. Chrysostomus hom. in quadriduanum Lazarum, *Corpore minime præsentem*. Cyrillus lib. 2. in Joan. *Ab Apostolorum consuetudine carne*, per ascensum in cælos, *disjunctum*. Damascenus lib. iii. de Fide Orthodoxa. cap. 3. *creatum & increatum, mortalem & immortalem, circumscriptum & incircumscriptum*, exponens quomodo id accipiendum est de duplici ac distincta natura. Tradunt vero consimilia Latini. Ambrosius in 2. de Fide cap. 4. *Neque enim (ait) Deus de loco ad locum transit, quia ubique est: ut homo est qui vadit, ipse qui venit. In eo ergo vadit, & venit, quod est commune nobiscum*. Augustinus in Epist. ad Dardanum num. 10. *Secundum hanc formam non est putandus ubique diffusus. Cavendam enim est, ne ita divinitatem adstruamus hominis, ut ve-*

ut veritatem corporis auferamus. Non eſt enim conſequens, ut quod in Deo eſt, ita ſit ubique ut Deus. Plura ibidem S. Pater, ubi quæſtionem hanc dirimit data opera. Magnus Leo Serm. 3. de Aſcenſione, *Ineffabili modo, inquit, per aſcenſionem cæpit eſſe divinitate præſentior, qui factus eſt humanitate longinquior.* Petrus Grifologus. ſerm. 63. verba faciens de Lazaro, *Et erat, inquit, locus ubi non erat Chriſtus? Fratres, erat ibi Chriſtus Deus, ſed ibi non erat homo Chriſtus.* Fulgentius denique lib. II. ad Traſimundum cap. 17. *Unus, idemque homo localis ex homine, qui eſt Deus immenſus ex Patre: unus idemque ſecundum humanam ſubſtantiam abſens cælo cum eſſet in terra, & derelinquens terram cum aſcendiſſet in cælum: ſecundum divinam vero, immenſamque ſubſtantiam nec cælum dimittens cum de cælo deſcendit, nec terram deſerens cum aſcendit ad cælum.* Abunde hæc ſufficiunt ad comprobandam perpetuam atque univerſalem Græcorum, Latinorumque Patrum traditionem.

Haberent ſaltem Ubiquiſtæ aliquod humanæ rationis vel tenuiſſimum fulcimentum: at nulla his affulget libræ perceptionis ſcintilla. Principio cum myſterium Incarnationis importet in hypopſtaſis unitate naturas duas impermixtas, nullamque ſingularum naturarum proprietatem ſublata eſſe teſtetur in Confefs. fidei ſacroſancta Synodus Chalcedonenſis, affirmet citata Epistoſta ad Dardanum Auguſtinus, ac profiteantur adverſus Eutychem Catholici univerſi: qui autumant Chriſti humanitatem ubique diffuſam, omnipræſentiam, quæ divinitatis propria eſt, transfundunt in humanitatis circumſcriptam naturam, & conſequenter magnum Incarnationis ſacramentum pervertunt. Quo argumento non ſoli catholici pugnarunt, verum etiam Theodorus Beza, Heſſiander, alique Calviniani, nec non alter Lutheranorum prodromus Melanchthon, ut reſert lib. VII. n. 32. Boſſuetius. Imo Eutyches nulla ratione aſſequutus, quomodo humana natura abſorpta a divina retineret carnis noſtræ proprietatem, aſſerebat in Chriſto poſt naturarum adunationem corpus umbratile: dum Ubiquiſtæ pugnantia commiſcentes putant Chriſti corpus immenſitate ſimul, & communi cum noſtra natura præditum, iſtis Eutychanis, ut etiam hæretici obſervarunt apud Boſſuet lib. XIV. n. 106., deteriores pervicacia, ingenioque obtuſiores. His accedit, quod ſi Chriſti humanitati conveniat omnipotentia & immenſitas, ob divinorum attributorum ſimul & cum natura *identitatem*, conveniat illi neceſſum eſt æternitas, independentia, eademque divinitas; quam conſecutionem denegant Lutherani: ſed hoc ab iis jure petimus, cur in humanitatem ſumma poteſtas, & omnipræſentia transfuſæ ſint, & non item attributa reliqua, ſi unum ab altero nequit diſpeſci? Etenim quum Deus ſolus ſit æternus, immenſus, omnipotens, independentis; ſi humanitas immenſa eſt, onnipotens quoque eſt, æterna eſt,

est, independens est, divinitas est. Atque ratione consimili divina natura erit nata in tempore, affixa cruci, sepulcro recondita, quoniam hæc evenerunt naturæ omnipotenti atque immensæ, ideoque divinæ. Ita *Ubiquistæ* Incarnationis fidem subvertunt, & rem creatam & circumscriptam in divinam commutantes negant Christum hominem, quia ipsi auferunt naturam circumscriptione finitam: negant Christum Deum, quia ipsi tribuunt passionem ac mortem ratione naturæ omnipotentis & immensæ: negant Deum immortalem, quia morti subijciunt naturam præditam omnipræsentia: me latet, num Arianos dicam, num Phantasiastas, num Eutychianos, num Atheos, num omnia ista. Tandem excogitarunt Lutherani corporis Christi omnipræsentiam, ut adversus Calvinistas facilius illud in Eucharistia realiter adesse propugnarent: qua commentatione nihil potuit excogitari futilius, non enim Christi corpus est in Eucharistia, quemadmodum in cælis, modo visibili ac sensibili, sed modo alio sublimiori, ac mirabili, quo in Sacramento duntaxat, non alibi existit. Si etenim degat sub speciebus panis, & vini ratione ubique diffusæ immensitatis, non alia ratione ibidem erit, quàm in elementis singulis, & ubique locorum, a quibus sejungi non potest immensitas. Atque ita Calvinistæ jure optimo contendunt, Lutheranos ad fictitiæ carnis Christi omnipræsentiam confugientes denegare ejusdem carnis in Eucharistia peculiarem præsentiam, atque id aperte oppugnare, quod figmentis suis defendere moliantur. Atque ex his constat undique in absurda Ubiquitarios impingere, eorumque asserta omni genere argumentorum, quod erat demonstrandum, everti.

At opponunt Lutherani: Christo omnipotentiam fuisse collatam testatur idem Salvator Mat. ult. 18. ubi ait: *Data est mihi omnis potestas in cælo, & in terra*. Eundem sedere ad dextram Patris legitur Pf. cix. 1. Matt. xx 11. 44. Marc. xv 1. 19. In ipso inhabitare divinitatis plenitudinem *corporaliter*, testatur Apostolus ad Coloss. 11-9. ascendisse super omnes cælos, *ut impleret omnia*, affirmat idem Apostolus ad Ephes. 1v. 10. Permanfurum denique in terris *usque ad consummationem sæculi*, idem Christus pollicitus est Apostolis Mat. xxviii. 20. At si omnem obtinuit potestatem, cur non omnem præsentiam? Si dextera Patris nullis locorum finibus circumscribitur, quomodo ad hanc sedens dextram non est ubique diffusus? Si divinitas in Christo inhabitat *corporaliter*, qua ratione fieri potest, ut corporea substantia non omnia simul cum divinitate comprehendat? Si Christus implet omnia, cur cælum terramque immensitate propria non continet? Si tandem in cælum conscendens cum discipulis permanfit in terris, quare non est simul nobiscum, & apud superiores? Videtur ergo Lutherana assertum sacrarum literarum auctoritate munitum.

Resp. in hoc falli Lutheranos, quod ea, quæ convenient perfo-

na,

næ, tribuant naturæ, quum, ut vidimus, communicatio idiomatum sit accipienda, non secundum *formam*, sed secundum *suppositum*. Christum itaque omnipotentem esse, implere omnia, ubique consistere, necnon esse æternum, ac Deum verum, quatenus hæc conveniunt personæ, quæ in tempore assumpsit humanam naturam, nemo nostrum dissentit; ipsi naturæ humanæ hæc omnia convenire negamus, cum in ipsa persona una; atque individua retineat utraque natura suas citra mixturam proprietates. Singula nihilominus expendantur. Principio data est Christo omnis potestas, quemadmodum datum est habere vitam in semetipso, & esse unum cum Patre; quia nimirum humana natura hypostatice conjuncta est Verbo omnipotenti, æterno, & unius cum Patre substantiæ, atque ratione hypostaticæ unionis *hic homo*, idest, Christus est Deus, est omnipotens, est immensus; at non *hic homo* ratione naturæ humanæ, qua inspecta est minor Patre, est natus in tempore, est loco circumscriptus; sed ratione personæ, quæ naturam habet aliam, divinam, incircumscriptam, æternam. Non solum id tradunt Patres superius laudati, verum etiam Lutherus, cujus hæc verba ab Hessiandro adversus Lutheranos producuntur pag. 93. *Eo ipso momento, quo divinitas & humanitas in unitatem personæ conjungi cæperunt, homo filius Mariæ est, & dicitur omnipotens, & æternus Deus, cujus est summa potestas, qui omnia creavit, & sustentat, per communicationem idiomatum, quatenus una cum Deo persona est; de hac potestate loquitur Matthæus capite ultimo: Data est mihi omnis potestas in cælo, & in terra.* Eadem est cum Scholasticis responsio Magistri in 111. dist. 14. Adde nomine potestatis intelligendum Ecclesiæ regimen, exaltationem nominis, judicii auctoritatem, & cetera, quæ spectant ad Christi gloriam, atque fidelium gubernationem. Conferas Act. 11. 33. Ad Ephes. 1. 10. & ad Coloss. 1. 16.

Dextera Patris aliquando significat potentiam ac plenitudinem majestatis, ut ad Hebr. 1. 3. aliquando locum & gloriam Deo proximior, ut Mat. xx1. 21. aliquando cælestem beatitudinem. In priori sensu dextera Patris ubique est, ac similiter Christus ut Deus, sive Christus, qui Deus & homo est, ratione divinitatis: in secundo demonstratur duntaxat Christi, etiam ut hominis, super omnem cælestem, terrenamque creaturam exaltatio, ipsi debita & propter personæ dignitatem, & propter singularitatem meritorum: in postremo autem sensu retorquetur argumentatio, nam si Christus secundum assumptam humanitatem sedet a dextris Dei in excelsis, profecto non est ubique locorum diffusus. Recte Augustinus contra Serm. Ariano- rum cap. xxxiv. n. 32. *Secundum formam suscepti hominis, & ad dexteram Patris sedet vel stat, & orat, & gratias agit, & Sacerdos est, & minister est, & supplex est, & subditus est: secundum autem for-*

To.V.

Nn

man

nam Dei, in qua aequalis est Patri, unigenitus est, & gignentis coaeternus, &c. Et Tract. 1. in Joannem num. 13. *Adscendit in calum, & non est hic. Ibi est enim. Sedet ad dexteram Patris: & hic est, non enim recessit praesentia maiestatis.* Vide & Epist. ad Dardanum 57. nunc 187. n. 10.

At quomodo Christus adscendit in calum, *ut impleret omnia*? Vulgaris est Theologorum expositio, ut omnia Prophetarum vaticinia compleret. At forte melius respondetur Christum adscendisse, ut donis suis, ac effusione Spiritus sancti Ecclesiam cumlaret, appposito neutro *parva omnia*, pro communi. Nam Apostolus eo loci hortatur ad unitatem spiritus, demonstrans omnia charismata a Christo fuisse collata ad utilitatem & aedificationem Ecclesiae; ac praemittit ea verba: *Ascendens in altum captivam duxit captivitatem, dedit dona hominibus.* Addit postea verba, quae a Lutheranis opponuntur. Tum Spiritus charismata enumerans ait, *Et ipse dedit quosdam quidem Apostolos, quosdam autem prophetas, &c.* Quid ergo manifestius, quam Apostolum loqui de copiosa gratiarum largitione, ac idem valere, *ut impleret omnia*, ac, ut daret hominibus dona uberrima, sive, ut eadem phrasi loquitur praecedenti cap. 111. 19. ut fideles impleantur *in omnem plenitudinem Dei*? Quamquam illud vellem a Lutheranis doceri, quomodo per ascensionem Christus implevit caelestia, si per omnipraesentiam jam erat ubique diffusus?

Quid est autem in Christo plenitudinem divinitatis habitare *corporaliter*? Theophylactus ex Cyrilli sententia ait hoc vocabulo demonstrari adversus Nestorianos unionem hypostaticam, ita ut sensus sit, Divinitatem habitare in forma suscepta indivisibiliter, & citra mixturam, *perinde ac in corpore immoratur anima.* Consentit Augustinus citata Epistola ad Dardanum num. 39. & in Psalmum LXXVII. num. 23. docens Apostolum affirmare, quod in Christo inhabitavit Divinitas *solide atque veraciter*, non vero *praefigurantibus signis, neque umbraliter, tanquam in Templo a Rege Salomone facto.* Idem Apostolus, ut adnotatum est alibi, usurpat corpus ad significandam veritatem in antiquis figuris latentem, ad Colossens. 11. 17. Dum ergo scribit in Christo habitare divinitatem *corporaliter*, adstruit unionem duarum naturarum veram, & substantialem, nec quicquam ait de fictitia assumptae humanitatis omnipraesentia. Permanet donique nobiscum Christus *praesentia maiestatis*, ut inquit paullo supra Augustinus, Ecclesiae continuo regimine, gratiarum subministracione, necnon sub Eucharistici panis velamine. Ludunt itaque operam Ubiquitarii, nec ullo muniuntur sacrarum litterarum testimonio.

Putant aliquod se invenire praesidium in humana ratione: primum quia omnipraesentia non videtur divinitatis essentialis proprietates, ut est aeternitas atque independentia: priusquam enim crearetur

tur mundus, erat Deus, nulli tamen loco præſens. Poſſeſt ergo, inquirunt, communicari attributum iſtud humanitati. Deinde humanitas ac divinitas Chriſti intime ac ſubſtantialiter uniuntur: & ideo ubicumque una eſt, & altera aſſeſſe debet: alioquin ab invicem, diſtrahentur. Præterea nonne Chriſtus Verbum Dei eſt? Itaque ſi Verbum divinum eſt ubique, ubique etiam eſt Chriſtus.

Reſp. ad primum, attributa divina eſſe eandem divinitatis ſubſtantiam connotantem effecta aliqua, vel objecta; atque ante mundi productionem fuiſſe divinam immenſitatem *ſubſtantive*, non *connotative* acceptam, quemadmodum tunc erat providentia, dominatus, & regimen univerſorum: vel dico non in hoc ſitam eſſe immenſitatem ut actu exiſtat in omnibus, ſed in eo, quod nulla res ſit, ubi non exiſtat, neque ulla eſſe poſſit, in qua producta non exiſteret; ſicut omnipotentia ac providentia non omnia, quæ poſſeſt, actu exequitur, ac diſponit, ſed ea tantum quæ vult, & producit. Ad alterum reſpondeo indiſſolubilem eſſe divinitatis & humanitatis unionem, neque unam diſtrahi ab alia, quoniam ubicumque eſt humanitas Chriſti, ibi eſt etiam divinitas: at non ſequitur ex oppoſito, Ubicumque eſt divinitas, ibi eſt etiam humanitas, quia hæc in illa ſubſtantiali unionione ſuam non amittit proprietatem, permanetque circumſcripta, & finita; alioqui, ut Eutyches autumabat, una eſſet natura permixta, ac propriis affectionibus exſpoliata. Ita in plurimorum philoſophorum ſententia rationalis anima in corpore ubique diſſuſa ſubſtantialiter unita eſt oculo, & ubi eſt oculus, ibi eſt anima: at non, è contra ubicumque eſt anima, ibi pariter eſt oculus: nam anima eſt etiam in manu, pede, ceteriſque partibus corporis; quoniam in hac unionione non tranſit oculus in animæ rationalis naturam, neque propriam coarctatam, & anguſto comprehenſam loco deperdit. In eo quod conſequitur, non immorabor; nam ex quo Chriſtus ſit una cum divino Verbo perſona, inferitur quod ſit ubique ratione perſonæ & nature divinæ, non ratione humanitatis aſſumptæ; ut dictum, eſt ſupra.

C A P U T II.

An Chriſtus dici poſſit filius Dei adoptivus?

FELIX Episcopos Urgelis, urbs eſt ſita in Pyrenæi montis jugo, conſultus circa annum 783. a Toletano antiſtite Elipando quid de humanitate Chriſti ſentiret, reſpondit hunc, quatenus homo eſt, appellandam Filium Dei, non naturalem, ſed adoptivum. Eſt autem adoptivus filius, qui ab aliquo adoptione, ideſt, aſſumptione gra-
tuita

tuita in locum filii, hæreditatemque eligitur, cum alterius sit generatione ac natura. Disputatur, num Felix, & Elipandus asserendo Christum Filium Dei adoptivum, negarent cum Nestorio hypostaticam unionem, & filium Virginis a Filio Dei, sive naturalem ab adoptivo distinguerent; an appellarent eandem personam filium naturalem ratione divinæ naturæ, ratione autem humanæ adoptatum. Hoc duntaxat dogmatizasse Felicem, & Elipandum, ideoque discrepare a Nestoriana hæresi Felicianam propugnat Vasquesius in 111. P. disp. 89. tradit Juenin differt. v1. de Incarnat. q. 6. dubitat Tournely quæst. x11. art. 1. At revera sensu Nestoriano locutos Felicem, & Elipandum tenent Binius & Surius in notis ad Concil. Francofordiense, Petavius lib. 1. de Incarnat. cap. 22. Natalis Alex. differt. 5. sæculi 8. Claudius Frassen de Inc. Tract. 1. disput. 2. Boucat disp. 3. art. 2. sect. 6. & prope finem Biblioth. Joseph Imbonatus. Et revera non desunt schola illustres Theologi, inter quos Durandus in 111. dist. 4. & Scotus in 1. dist. 10. existimantes Christum ut hominem posse dici filium adoptione, quamquam Scotus vitandum docet talem loquendi modum, ob hæreticorum vafritiem, & in usurpandis vocabulis calliditatem. Hos Scholasticos excusandos ab hæresi inquit Boucat differt. 111. art. 3. eo quod ignoraverint definitionem Concilii Francofordiensis in lucem editi a Surio circa annum 1567. Verum nec desunt viri docti, qui propugnant etiamnum citra fidem posse defendi, quod Christus *quatenus homo est* appellari queat filius adoptivus spectata humana natura, & gratia sanctificante: nec sibi constat laudatus Scriptor, qui præcedenti articulo tradiderat, Felicem & Elipandum adhæsisse Nestorianis. Nam si illi a Francofordiensi Synodo fuerunt proscripti, quod Nestorii sensum intenderent; nullum habet momentum ad opinionem Scoti vel profigandam, vel excusandam Felicianæ hæresis ignoratio. Quare primum de opinione Felicis, & Elipandi differendum est, deinde de Scholasticorum sententia: in qua nos ad eorum partes accedimus, qui cum Thomistis, ac nostratibus contendunt, nulla ratione Christum dici filium Dei adoptatum, nec addita illa cautione, *quatenus homo, sive, ratione natura humana*.

Atque ut priorem partem expediamus; tradunt fere omnes, Felicianam hæresim fuisse damnatam primo a Concilio Foro-Julienensi anno 791. Præsidente Paulino Episcopo Aquilejensi, deinde anno proximo 792. in Concilio Ratisponensi, ubi, auctore Eginhardo in Annalib. Felix errorem suum abjuravit, eodemque anno in Synodo Romana sub Hadriano, postea in Francofordiensi anno 794. atque iterum Romæ sub Felice III. anno 799. & hoc ipso anno Aquilgrani, ubi quidam referunt Felicem Urgelitanum celebrem Hilarii locum depravasse. At licet Paulinus Aquilejensis acerrime hæresim Felicianam sit infestatus, ut liquet ex libro Sacrosyllabo & Francofordiensi Concilio; Syno-

Synodus tamen Foroſulienſis neque ante annum 797. celebrata eſt, nec fortaiſſis adverſus Felicis errorem . Liqueſcit enim hanc Synodum habitam anno **xxiii.** Caroli Magni, & xv. Pipini: Carolus autem regnare cœpit in Italia anno 774. erratunſque a multis quod annos Caroli ſupputaverint ab anno 768. quo regnare cœpit in Galliis. At neque Itali aliquam huius epochæ habuere rationem, neque annus **xxiii.** iſtinc ſubductus convenire poteſt cum anno Pipini xv. ut eruditus Pagius demonſtrat ad annum 791. Hæc tamen ſat eſt innuiſſe .

PROPOSITIO I. Felix & Elipandus aſſeruerunt Chriſtum eſſe filium adoptione in ſenſu Neſtoriano .

Demonſtratur primo auctoritate Scriptorum , qui felicem in duos filios Unigenitum Dominum noſtrum diviſiſſe, ac vetuſtam Neſtorianam hæreſim ſuſcitariſſe aſſimarunt . Inter quos Paulinus Aquilejenſis, Alcuinus, & Agobardus, qui eundem Felicem proſtigarunt, id apertiffime aſſerunt . Ac Paulinus quidem, *In duobus vocabulis (inquit in primo contra Felicem libro) proprii ſcilicet & adoptivi, utriusque & nuncupativi filii, unicum eundemque Dei filium dividere fronte impudentiſſima non formidat.* Alcuinus vero lib. i. contra eundem Felicem: *Non ſibi ſufficiebat tantummodo Chriſtum, qui de Virgine natus eſt, negare proprium eſſe Filium Dei: ſed novo, & inaudito ſanctæ Dei Eccleſiæ nomine, nuncupativum Deum nominare illum non timet, dividens Chriſtum in duos filios, unum vocans proprium, alterum adoptivum.* Agobardus: *Timens, Felix, permiſſionem Eutychetis incurere, corruit in diviſionem Neſtorii.* Idem tradunt Scriptores alii . Paſchaſius Ratbertus lib. v. in Mat. inquit: *Hæreſis Feliciana, qua veterum ciberes voluit remove, duas perſonas in Chriſto introducens.* Jonas Aurelian. lib. i. de Cultu Imag. ait Felicem anathemati mancipatum cum auctore ſui erroris Neſtorio . Joannes Mariana lib. vii. Hiſt. cap. 8. ſcribit ſuſcitata in Hiſpania, Felice & Elipando auctorebus, *Neſtorii placita Concilii Epheſini diligentia ſopita.* Sigebertus in Chronico ad annum 793. *Feliciana hæreſis unam perſonam Dei & hominis dividens in duas perſonas, ſcilicet veri filii & adoptivi.* Baronius denique ad annum 783. n. 6. *Error erat Elipandi perditiffimi hominis non tolerandus, quem ſacroſancta Epheſina Catholica Synodus in Neſtorio condemnarat. Iſte ſiquidem aſſerens Chriſtum Dei filium, quod ad humanitatem ſpectat, dicendum eſſe adoptivum, & non proprium ac naturalem, in neceſſariam conſequentiam deducebat, ut duas conſtitueret in Chriſto perſonas, atque aſſereret duos filios, ſicque horrendum dictum! damnata olim in Oriente hæreſis nunc opera miſeri Elipandi reviviſceret in Hiſpania.*

Demonſtratur 2. ex Confeſſione Felicis & Elipandi, quæ extat in Concilio Francofordienſi Tom. ix. poſtremæ Colleſt. pag. 76. *Conſitemur & credimus Deum Dei filium ante omnia tempora ſine initio ex Patre*

Patre genitum, coeternum & consubstantialem, non adoptione, sed genere. Et infra: Confitemur & credimus eum factum ex muliere, factum sub lege, non genere esse filium Dei, sed adoptione, non natura, sed gratia. Qua in Confessione non tantum Feliciani autumat Christum esse filium gratia, & adoptione, spectata natura assumpta, & gratia sanctificante; verum etiam aperte negant filium factum ex muliere esse filium Dei genere, & natura, eumque ipsum, qui ante omnia tempora ex patre genitus est, & est filius non adoptione, sed genere. Dispersunt itaque apertissime Christum in duos filios: negant apertissime filium Dei esse factum ex muliere: asserunt apertissime filium ex muliere factum non esse filium Dei genere atque natura. Qua majori impietate poterant denegare hypostaticam unionem, renovare hæresim Nestorianam, beatissimæque Virgini gloriâ Deiparæ nefaria temeritate auferre?

Tertio demonstratur ex ipso Concilio Francofordiensi. Ibidem enim in lib. Sacrosyllabo pag. 60. appellant PP. Felicianum errorem hæresim veterinosam, illustrium virorum calcibus mirabiliter conculcatam, catholicaque falce olim funditus detruncatam. Pag. 68. testantur Felicianos adstruere adoptivum Dei filium de Virgine natum, atque aut in utero Virginis eum adoptatum, aut puram hominem sine Deo natum, ac per hoc postea, quasi indigneris adoptione, a Patre in filium adoptatum. Ibi, ac sequentibus paginis hanc hæresim refutant omnibus Scripturæ testimoniis, quibus adversus Nestorium, Ephesini PP. certarunt, demonstrantes Mariam peperisse filium Dei, & hunc esse unicam, individuanque personam: quæ argumenta quorsus tanto studio collecta sunt, si Felix fatebatur Mariam peperisse Deum, & Christum unicam esse personam? Sunt autem hæc argumenta deprompta ex Lucæ i. 35. *Quod enim ex te nascetur Sanctum, vocabitur filius Dei:* ad Galatas iv. 4. *Cum ergo venit plenitudo temporis, misit Deus filium suum, factum ex muliere, &c.* Mat. xvi. 16. *Tu es Christus filius Dei vivi*, aliaque supra adversus Nestorianos producta. Præterea in Epistola Synodica pag. 88. testantur PP. Francofordienses, tam Nestorium copulationis nomine, quam Felicem nomine adoptionis negare Christum unam esse personam, & beatam Virginem Deum genuisse. Scribunt eodem loco: *Nonne olim hæresis vestra in Nestorio ab universali sancta Ecclesia refutata est, etiam & damnata? Quapropter forte illum anathematizare nolulistis; dum alios, Bonosum scilicet, Arium, & Sabellium, Manichæumque, qui prava de Dei filio senserunt, in Epistola vestra anathematizastis. Nunquid non ideo damnatus est, quia beatam Mariam semper Virginem, non Dei, sed hominis tantummodo credidit genitricem? Cum ergo PP. Francofordienses tam aperte Felicianam hæresim appellent veterinosam, & in Nestorio damnatam, ad eamque refutandam demonstrent Christum*
unam

unam esse personam, ac Mariam virginem filium Dei genuisse; quo pacto, nisi forte, aut singulari ignorantia, aut nimia insectatione, quorundam Scholasticorum sententiæ, quidam Theologi, inter quos Juenin, neque Concilium Francofordiense asserere hæresim Felicianam prædamnatam esse in Nestorio, neque protulisse testimonia ad probandum Christum unam esse personam, contra tam expressa ejusdem Concilii testimonia, ex tripode ac defigite pronuntiant?

Probatur ultimo. Nullum est argumentum invictum magis ac firmum, quo demonstretur Nestorium denegasse hypostaticam unionem, quam illud, quo evincitur impium hæresiarcham affirmasse, assumptum hominem a Verbo Deo, non in primo conceptionis momento, sed postquam natus erat e Virgine purus homo, atque ob eam rem baptizatum, quasi indiguerit adoptione. Atque id asseruisse Nestorium scribit secundo adversus eundem libro, & undécimo Commentariorum in Joannem S. Cyrillus. Idem vero dogmatizasse, Felicem Urgelitem & conjectare possumus ex citatis verbis Concilii Francofordiensis, atque ex lib. 2. Alcuini contra Felicem, & absque ulla ambiguitate deducitur ex Epistola Albinæ Diaconi ad Monachos Geticos. Albinus enim hac in Epistola testatur se præ manibus habere quemdam Felicis libellum, quem ait edito a se per id temporis opere confutari, in eoque contineri prænarratum Nestorii dogma. *Hæc considerantes diligentius (inquit Albinus) & animo tenete firmiter, & constanter predicate unum filium, & unum Deum, eundem proprium & verum & perfectum esse, quia omnis veritas in Christo est, & nullum figmentum, & tota plenitudo divinitatis, & nulla minoratio, nec defectio, nec unum, sicut in libello præfati Felicis lectum est, baptismo indignum, sed mox sine peccato, & sine labe peccati Spiritu sancto conceptum esse Deum verum, & hominem verum.* Tam aperto testimonio, quod me latet num. ab aliquo Scholastico hæcenus fuerit expensum, legi autem poterit volumine primo Miscellaneorum Baluzii pag. 377. arbitror satis apparere hæresis Felicianæ cum Nestoriana concordiam.

Corruunt ex his Vasquesii, aliorumque diversa opinantium sophismata. Inquiunt Felicem & Elipandum appellasse Christum filium Dei adoptivum *secundum humanitatem*, sive *secundum quod homo est*; ita enim scribit Hadrianus Papa ad Episcopos Hispaniæ, Francofordiense Concilium, Jonas Aurelianensis, imo & liquet ex Confessione, quam Elipandus misit ad Carolum Magnum. Videntur ergo non aliud dogmatizasse, quam nonnulli ex Schola Theologi. At respondemus Felicianos additamento illo *secundum humanitatem*, non intellexisse expoliatam propria subsistentia naturam humanam, illamque assumptam in consortium divinitatis & in unitatem personæ; sed humanitatem propria hypostasi præditam, & divinitati unitam tantum.

mora:

Patre genitum, coeternum & consubstantialem, non adoptione, sed genere. Et infra: Confitemur & credimus eum factum ex muliere, factum sub lege, non genere esse filium Dei, sed adoptione, non natura, sed gratia. Qua in Confessione non tantum Feliciani autumant Christum esse filium gratia, & adoptione, spectata natura assumpta, & gratia sanctificante; verum etiam aperte negant filium factum ex muliere esse filium Dei genere, & natura, eumque ipsum, qui ante omnia tempora ex patre genitus est, & est filius non adoptione, sed genere. Dispersunt itaque apertissime Christum in duos filios: negant apertissime filium Dei esse factum ex muliere: asserunt apertissime filium ex muliere factum non esse filium Dei genere atque natura. Qua majori impietate poterant denegare hypostaticam unionem, renovare hæresim Nestorianam, beatissimæque Virgini gloriam Deiparæ nefaria temeritate auferre?

Tertio demonstratur ex ipso Concilio Francofordiensi. Ibidem enim in lib. Sacrosyllabo pag. 60. appellant PP. Felicianum errorem *hæresim veterinosam, illustrium virorum calcibus mirabiliter conculcatam, catholicæque falce olim funditus detranctam.* Pag. 68. testantur Felicianos adstruere *adoptivum Dei filium de Virgine natum, atque aut in utero Virginis eum adoptatam, aut puram hominem sine Deo natum, ac per hoc postea, quasi indigneris adoptione, a Patre in filium adoptatum.* Ibi, ac sequentibus paginis hanc hæresim refutant omnibus Scripturæ testimoniis, quibus adversus Nestorium, Ephesini PP. certarunt, demonstrantes Mariam peperisse filium Dei, & hunc esse unicam, individuumque personam: quæ argumenta quorsus tanto studio collecta sunt, si Felix fatebatur Mariam peperisse Deum, & Christum unicam esse personam? Sunt autem hæc argumenta deprompta ex Lucæ 1. 35. *Quod enim ex te nascetur Sanctum, vocabitur filius Dei:* ad Galatas iv. 4. *Cam ergo venit plenitudo temporis, misit Deus filium suum, factum ex muliere, &c.* Mat. xvi. 16. *Tu es Christus filius Dei vivi,* aliaque supra adversus Nestorianos producta. Præterea in Epistola Synodica pag. 88. testantur PP. Francofordienses, tam Nestorium *copulationis nomine, quam Felicem nomine adoptionis negare Christum unam esse personam, & beatam Virginem Deum genuisse.* Scribunt eodem loco: *Nonne olim hæresis vestra in Nestorio ab universali sancta Ecclesia refutata est; etiam & damnata? Quapropter forte illum anathematizare nolujstis; dam alios, Bonosum scilicet, Arium, & Sabellium, Manicheumque, qui prava de Dei filio scuserunt, in Epistola vestra anathematizastis. Nunquid non ideo damuatus est, quia beatam Mariam semper Virginem, non Dei, sed hominis tantummodo credidit genitricem? Cum ergo PP. Francofordienses tam aperte Felicianam hæresim appellent veterinosam, & in Nestorio damnatam, ad eamque refutandam demonstrent Christum*

quam

unam eſſe perſonam , ac Mariam virginem filium Dei genuiſſe ; quo pacto , niſi forte , aut ſingulari ignorantia , aut nimia inſeſtatione quorundam Scholaſticorum ſententiæ , quidam Theologi , inter quos Juenin , neque Concilium Francofordienſe aſſerere hæreſim Felicianam prædamaatam eſſe in Neſtorio , neque protuliſſe teſtimonia , ad probandum Chriſtum unam eſſe perſonam , contra tam expreſſa ejuſdem Concilii teſtimonia , ex tripode ac deſinite pronuntiant ?

Probatur ultimo . Nullum eſt argumentum inviſtum magis ac firmum , quo demonſtretur Neſtorium donegaſſe hypoſtaticam unionem , quam illud , quo evincitur impium hæreſiarcham aſſirmaſſe , aſſumptum hominem a Verbo Deo , non in primo conceptionis momento , ſed poſtquam natus erat e Virgine purus homo , atque ob eam rem baptizatum , quaſi indiguerit adoptione . Atque id aſſeruifſe Neſtorium ſcribit ſecundo adverſus eundem libro , & undecimo Commentariorum in Joannem S. Cyrillus . Idem vero dogmatizaſſe Felicem Urgelitenſem & conjectare poſſumus ex citatis verbis Concilii Francofordienſis , atque ex lib. 2. Alcuini contra Felicem , & abſque ulla ambiguitate deducitur ex Epistoſta Albini Diaconi ad Monachos Geticos . Albinus enim hac in Epistoſta teſtatur ſe præ manibus habere quemdam Felicis libellum , quem ait edito a ſe per id temporis opere conſutari , in eoque contineri prænarratum Neſtorii dogma . *Hæc conſiderantes diligentius (inquit Albinus) & animo tenete firmiter , & conſtanter prædicate unum filium , & unum Deum , eundem proprium & verum & perfectum eſſe , quia omnis veritas in Chriſto eſt , & nullum figmentum , & tota plenitudo divinitatis , & nulla minoratio , nec deſectio , nec unum , ſicut in libello præſati Felicis lectum eſt , baptiſmo indiguiſſe , ſed mox ſine peccato , & ſine labe peccati Spiritu ſancto conceptum eſſe Deum verum , & hominem verum .* Tam aperto teſtimonio , quod me latet num ab aliquo Scholaſtico hætenus fuerit expenſum , legi autem poterit volumine primo Miſcellaneorum Baluzii pag. 377. arbitror ſatis apparere hæreſis Felicianæ cum Neſtoriana concordiam .

Corruunt ex his Vaſqueſii , aliorumque diverſa opinantium ſophiſmata . Inquiunt Felicem & Elipandum appellatſe Chriſtum filium Dei adoptivum *ſecundum humanitatem* , ſive *ſecundum quod homo eſt* ; ita enim ſcribit Hadrianus Papa ad Episcopos Hiſpaniæ , Francofordienſe Concilium , Jonas Aurelianenſis , imo & liquet ex Confeſſione , quam Elipandus miſit ad Carolum Magnum . Videntur ergo non aliud dogmatizaſſe , quam nonnulli ex Schola Theologi . At reſpondemus Felicianos additamento illo *ſecundum humanitatem* , non intellexiſſe expoliatam propria ſubſiſtentia naturam humanam , illamque aſſumptam in conſortium divinitatis & in unitatem perſonæ ; ſed humanitatem propria hypoſtaſi præditam , & divinitati unitam tantum

mora-

moraliter : quod profecto nullus Scholasticorum unquam asseruit. Enimvero qui adstruit filium in tempore factum ex muliere non esse genere filium Dei, qui affirmat purum hominem ex Virgine natum, qui ait filium Virginis Indiguiffe adoptione, qui opinatur hunc adoptatum, in filium per sanctificationem baptismatis, quæ omnia evomuerunt perditissimi Feliciani, nonne apertissime cum Nestorio dividunt Uaigenitum, propriamque hypostasim assumptæ tribuunt humanitati?

Opponunt in ea Confessione, quam ad Carolum M. misit Elipandus adstrui hypostaticam unionem, & personam in Christo unam; habetur quippe: *Homo interior, in una eademque Dei, & hominis persona deglomeratus, filius adoptivus humanitate, & non adoptivus divinitate mundum redemit*. At primo respondetur, liquido apparere ex altera Confessione, quæ extat in Synodo Francofordiensi superius producta, Felicianos commentos filium factum ex muliere, non esse illum, qui ante omnia tempora genitus est a Patre, & est filius natura & genere, ideoque in altera Confessione, quæ reperitur in libro a Beato Heterio contra Elipandum conscripto non aliam adstrui unitatem personæ, nisi moralem. Præterea non integra allata est hæc fidei professio; nam istiusmodi est: *Homo interior in una eademque hominis persona adglomeratus, atque carnis vestimento indutus: quia non per eum, qui natus est de Virgine visibilia & invisibilia condidit, sed per illum qui non est adoptione, sed genere, neque gratia, sed natura: & per istum Dei simul & hominis filium, adoptivum humanitate, non adoptivum divinitate mundum redemit*. Ubi dum negatur eum, qui natus est de Virgine, illum esse qui condidit visibilia, & invisibilia, nonnisi *moralis* unitio statuitur inter filium adoptivum, & filium genere. Rursus nonne ob unitatem dignitatis etiam Nestorius vetuit dici duos filios, aut duas personas, apud Cyrillum lib. 1. contra ipsum Nestorium, imo nonne intorsit anathema in eos, qui non secundum conjunctionem unum dixerint Christum, qui est etiam Emmanuel secundum naturam? Vide anathematismum 111. Nestorii eadem phrasi, ac Feliciani professio, contextum.

Præterea obijciunt: Admisit Felix communicationem idiomatum, confessus filium Dei hominem factum, & exinanita divinitate passum & crucifixum. At in primis falsum est Felicem ad sensum Catholicorum admisisse communicationem idiomatum, si negavit mundum redemptum *per eum, qui visibilia, & invisibilia condidit, & hunc factum ex muliere*, quod revera negasse constat ex dictis. Deinde admittere communicationem idiomatum ob conjunctionem affectus, & unionem dignitatis, ob quam etiam Moses appellatus est Deus, eadem est Nestoriana perfidia; a qua purgari nequeunt Feliciati, si filiorum in uno Christo iniecerunt pluralitatem. Accedit quod

quod Felix Urgellitanus non fuit in sententia firmus ; nam in Conventu Ratisponensi , nec non coram Hadriano errorem suum ejuraverat , quem postea majori pervicacia studuit propugnare .

Denique opponunt : Felix & Elipandus certa propriæ sententiæ persuasione rogarunt Carolum Magnum , ut in Concilio ipsorum causa discuteretur , ac oppugnatores damnarentur sui , Beatus præsertim & Heterius . Coacto Concilio Francofordiensi , non hæreseos Nestorianæ infimulati fuerunt , sed ea de causa tantum damnati , quod nova intruderent vocabula , atque Christum appellarent filium adoptione & gratia contra Apostolorum , & Catholicæ Ecclesiæ consuetudinem . Quare si apud Scriptores aliquos tanquam Nestoriani audierunt , non hoc de ipsis iudicium latum est , quod revera Nestorio adhærent , sed quod ex distinctione filii adoptivi , ac proprii videbatur Nestorii hæresis instaurari . Alioqui si Nestoriani revera fuissent , quomodo Concilium exoptassent ? quomodo Beati & Heterii postulassent condemnationem ? quomodo ipsorum dogma appellatum fuisset novum signum , pluribusque dissertationibus refutatum , cum adversus illud satis fuisset objicere Ephesina decreta , & contorta in Nestorium anathemata ? Verum hæc nullius sunt momenti : nullus enim hæreticorum exitit , qui aut simulatione , aut erroris sui patrocinio fabricatum a se dogma a pluribus probandum fore desperaverit . Nestorius ipse ad Cælestinum Pontificem dedit literas , Ephesumque ad Synodum Oecumenicam perfricata fronte , & jam anathemate percussus accessit . Consimili confidentia Felix Urgelitenfis Carolum Magnum convenit per Epistolas , adiitque Synodales cœtus ; quamquam non præditus incredibili Nestorii audacia , sed eximia tamen aut tergiversatione , aut inconstantia . Falsum est autem Felicianam hæresim ob solam novitatem fuisse proscriptam : cum constet appellatam esse veterinosam , antiquam , damnatam a Patribus Ephesinis , atque Nestorianam , iisdemque cum hac argumentationibus refutatam . Verum tamen est Felicem nova intrusisse vocabula : sed , ut inquirunt PP. Francofordienses , eandem nomine *adoptionis* cudebat perfidiam , quam Nestorius vocabulo *copulationis* . Quare novo etiam argumentorum genere Felicianæ hæresis fuit refutata , uti a Cyrillo , aliisque Patribus Nestoriana , jam in Ebione , in Artemone , & in Photino præfocata . Atque Felicem non sola dogmatum consecutione , verum etiam subversione mysterii Incarnationis dominicæ Nestorianis conspirasse , argumento est , quod negaverit natum ex Virgine Filium Dei , & asseruerit filium Virginis indiguisse adoptione , & gratia baptismatis : quæ sunt Nestorianis placitis , ut sibi sunt ova ovorum , & apes apium , simillima .

PROPOSITIO II. Nequit Christus appellari filius Dei adoptivus , etiam secundum humanitatem .

Demonstratur 1. ex Scripturis : in quibus etiam secundum humanitatem .

26.V.

Oo

nita-

nitatem Christus appellatur Filius Dei unicus, dilectus, proprius, ac talis, qui ad angelorum omnium, hominumque distinctionem, fruitur honore, ac proprietate Unigeniti. Ac Christum esse, atque appellari, quatenus homo est, filium Dei, nusquam mentione facta adoptionis, & gratiæ, adeo apertum est, ut probatione non egeat. Parituræ enim Virgini inquit Archangelus Luc. 1. 35. *Vocabitur filius Dei*: eundemque filium Dei vocavit Petrus Mat. xvi. 16. *Tu es Christus filius Dei vivi*; nec ipse abnuitt, dum summus Pontifex interrogavit Marc. xiv. 61. *Tu es Christus filius Dei benedicti*? Judæi quoque illum morti damnarunt Joan. xix. 7. *quia filium Dei se fecit*: atque filium quidem naturalem, non adoptivum, ut demonstravimus lib. vii. cap. 9. Esse autem filium Dei unicum legitur in Evangelio Joannis 1. 18. *Unigenitus filius, qui est in sinu Patris, ipse enarravit*: & 11. 16. *Sic enim Deus dilexit mundum, ut filium suum Unigenitum daret*. Cum vero adoptivi filii complures sint, unigenitus filius est naturalis, non adoptione. Proprium pariter Dei filium appellat Christum Apostolus scribens ad Rom. vii. 32. *Proprio filio suo non pepercit, sed pro nobis omnibus tradidit illum*: nomenque filii ad differentiam Angelorum ipsi Christo debetur testatur idem Apostolus ad Hebr. 1. 5. dicens, *Cui enim dixit aliquando Angelorum: Filius meus es tu, ego hodie genui te*? In his quidem locis de Christo ut homine institui sermonem arbitror esse manifestissimum: nam secundum humanitatem in tempore natus est, regnumque Davidis obtinuit: secundum humanitatem a Patre Unigenitus in mortem traditus est: secundum humanitatem crucifixus & mortuus: secundum humanitatem Mediator novi testamenti, & Pontifex ex hominibus assumptus, qualem Paulus describit in sua ad Hebræos Epistola. Quare si Christus etiam secundum carnem, secundum quam est David filius, ut ratiocinatur in libro Sacrosyllabo Paulinus pag. 68. *est filius Dei non adoptivus, sed verus, non alienus, sed proprius*; quomodo dici potest, Scripturis repugnantibus, secundum humanitatem filius adoptione, vel gratia?

Idem demonstratur ex PP. inter quos connumerari principio possunt qui negant recte dici duos filios Dei, ut Dionysius Alexandrinus in Epist. Synodica adversus Paulum Samosatenum, Athanasius in lib. de Incarnat. contra Apollinarium, Nazianzenus in Epistola ad Cledonium, Cyrillus Alexandrinus Hom. Paschali vii. alique superius citati contra Nestorium. Nam si filii dividi non possunt, nonnisi unum proprium ac naturalem fateamur necesse est. Accedunt Patres, qui negant Christum posse aliquo modo appellari filium Dei adoptivum: inter quos S. Hilarius citatus ab Adversariis, lib. vi. de Trinit. n. 44. recitatis nonnullis testimoniis Apostoli, quibus Christus appellatus est Filius Dei, *Filius suus est, inquit, filius ejus est: non adoptio ejus est, non creatura ejus est. Nomen naturam loquitur, veritatem pro-*

proprietas enuntiat, fidem confefſio teſtatur: non intelligo quid addi poſſit ad naturam filii. Proximo num. 45. Numquid etiam nunc adoptionis in eo erit nuncupatio, in quo proprietatis eſt nomen? Apoſtolus enim volens caritatem erga nos Dei oſtendere, ut magnificentia Dei dilectionis ex comparationis genere noſceretur, non peperciſſe Deum proprio filio ſuo docuit: non utique pro adoptandis adoptato, neque pro creatis creatura, ſed pro alienis ſuo, pro nuncupandis proprio. In his utique Hilarius ſtilum acuit contra Arianos aſſerentes Chriſtum eſſe creaturam, ſed eos refellendo etiam ab ipſo Chriſto penitus adoptivi appellationem excludit. S. Hieronymus in cap. ultimum Matthæi p. 142. affirmat Dominum noſtrum uoum eſſe filium Dei, & filium hominis juxta utramque naturam diuinitatis & carnis, ideoque nunc magnitudinis ſuæ, nunc humilitatis ſigna demonſtraſſe, & quamquam homo eſſet, qui crucifixus eſt, qui ſepultus eſt, qui clauſus eſt tumulo: eundem tamen filium Dei oſtenderunt ſol fugiens, tenebræ ingruentes, terra commota, velum ſciſſum, ſaxa dirupta, mortui ſulcitati. Ita Chriſtum filium hominis eundem ac filium Dei, ſive unum in utraque natura filium eloquenter demonſtrat S. P. Auguſtinus Tract. 11. in Joannem n. 13. Multi homines, inquit, cum filios non habuerint, peractis atate adoptant ſibi, & voluntate faciunt, quod natura non potuerunt. Hoc faciunt homines. Si autem aliquis habeat filium unicum, gaudet ad illum magis, quia ſolus omnia poſſeſſurus eſt, & non habebit qui cum eo diuidat hereditatem, ut pauperior remaneat. Non ſic Deus: unicum eundem ipſum, quem genuerat, & per quem cuncta creauerat, miſit in hunc mundum, ut non eſſet unus, ſed fratres haberet adoptatos. Non enim nos nati ſumus de Deo, quemodo ille unigenitus, ſed adoptati per gratiam ipſius. Ac Tract. vii. num. 4. Oportebat ergo ut ille baptizaret, qui eſt filius Dei unicus, non adoptatus. Adoptati filii miniſtri ſunt unici: Unicus habet poteſtatem, adoptati miniſterium. Et in Enchiridio cap. xxxv. n. 10. Cum enim eſſet unicus Dei filius, non gratia, ſed natura, ut eſſet etiam plenus gratia, factus eſt & hominis filius: idemque ipſe utrumque ex utroque unus Chriſtus, Et infra: Unus Dei filius, idemque hominis filius; unus hominis filius, idemque Dei filius: non duo filii Dei Deus & homo, ſed unus Dei filius, Deus ſine initio, homo a certo initio, Dominus noſter Jeſus Chriſtus. Hoc teſtimonio uſi ſunt etiam PP. Francofordienſes pag. 83. S. Fulgentius lib. 111. ad Traſimundum cap. 3. Unus eſt igitur filius ex patris natura genitus, qui ideo unigenitus dicitur, ut ex proprietate paternæ natura unus, & genitus demonſtretur. Quid autem filio prodeſt, ut nuncupetur unigeniti nomine, ſi privatur vocabuli veritate? Fruſtra namque unigenitus dicitur, ſi in ejus generatione non naturalis de Deo generante veritas, ſed creationis ex donante largitas predicatur: & aliis enim,

quotquot receperunt eum, dedit eis potestatem filios Dei fieri. Quod si etiam unigenitus filius factus dicitur ex gratia, non vere genitus ex natura, proculdubio nomen & veritatem unigeniti perdidit postquam fratres habere jam cepit, privatur enim hujus veritate nominis, si in unigenito non est de patre veritas naturalis. Vide & proximum cap. 4. pag. edit. Lugd. 65. Ildephonfus Archiep. Toletanus in libro de Slibata Virginit. Genitricis Dei Mariæ cap. xi. demonstrat ob unitatem personæ Deum assumptum dici filium hominis, & hominem assumptum dici filium Dei, & inquit: *Propter quam duarum naturarum proprietatem in unitate personæ connexam, Dei & hominis unius Christi hæc sola homo mater est Virgo. Ita in utraque natura unum generans filium, ut idem sit filius Dei qui filius hominis, nec alter sit filius hominis, quam qui sit filius Dei.* Ubi observandum est, quod propter unitatem personæ ita repugnat negare Mariam Virginem esse Dei genitricem, sicut repugnat negare filium ejusdem Virginis esse filium Dei. Quis autem hanc propositionem proferret, *Maria non est mater Dei, si consideretur Christus ut Deus est, & secundum proprietatem divinitatis, quia revera naturam divinam ipsa non genuit?* Id quidem nullus assereret, propterea quod gigni non naturæ est sed personæ. Verum hac de re audiemus iterum disputantem Albinum Diaconum. Ut ad Ildephonsum revertatur oratio, in libro contra eos, qui disputant de perpetua Virginitate S. Mariæ Tom. xii. Bibl. PP. p. 566. *Ergo non illum, inquit, ut ceteros adoptio filios Dei fecit filium, sed divinitatis natura illum in proprium Dei filium exaltavit, donavit & illi nomen, quod est super omne nomen: ut esset totus Dei filius, homo & Verbum: quia nunquam non fuit Dei filius, qui sempiternus permanet unici genitoris unigenitus. Nunquam igitur ipse purus homo conceptus, nec natus, sicut ceteri nascuntur infantes, ut ei ex adoptionis gratia, aut ex molimento virtutum prærogativa filii præstaretur: sed Dei Verbum, quia caro factum est, assumpsit hominem in se sine persona hominis, ut totus esset Christus proprius Dei filius, non dono gratia renascendo, ut ceteri, sed salva proprietate utriusque naturæ.* Valde illustris locus est, & quia Felix & Eliandus aliquando auctoritate Ildephonfi abusi sunt, & quia adoptionis naturam paullo infra explicandam egregie collustrat, & quia totum Christum, idest, etiam ut hominem, esse proprium ac naturalem filium Dei aperte declarat.

Ex his liquet juxta Patrum doctrinam Christum ut hominem esse filium Dei proprium, filium naturalem, filium unigenitum: in ipso loco non habere nuncupationem adoptionis; nec adoptatum, nec alienum a Patre traditum, sed suum, propriumque pro adoptandis & nuncupandis. Liquet adoptionem fieri ab iis tantum patribus, qui filium, quem adoptant, non genuerunt; & voluntate duntaxat peragi,
non

non autem natura atque generatione: quomobrem maximum eſt diſcrimen inter nos & Chriſtum, quoniam hic eſt filius natura, nos gratia: ille unicus, nos multi: ille Sacramentorum habet poteſtatem, nos miniſterium. Liqueſt tandem filium unigenitum non eſſe filium ex gratia: filium, qui nunquam fuit purus homo, non eſſe filium renaſcentia: filium, qui eſt una perſona cum Verbo, totam habere proprii filii prærogativam. Atqui Chriſtus eſt, *in quantum homo*, una cum Deo Verbo perſona, nec unquam extitit abſque huius perſonæ unitate, ac præterea eſt filius unicus, filius alterius, quam ceteri ſint, conditionis, filius proprius, ac Patris, qui eundem quem genuerat, pro nobis tradidit. Quomodo ergo habere poteſt nuncupationem adoptionis, & per gratiam filii prærogativæ potiri?

Conſirmantur hæc omnia explicatione adoptionis, ſimulque propoſitio comprobatur ratione. Adoptio itaque definiri ſolet *legitimus actus naturam imitans, quo liberos nobis quarimus*. A Græcis dicitur *ἰνδοιῶς*, ideſt, alieni in filii locum aſſumptio: ſitque, ut ait Agell. lib. v. cap. 19. *cum in alienam familiam, inque liberorum locum extranei ſumuntur*. Exemplum ex profana hiſtoria petatum ſit Auguſti: de quo Suetonius cap. 65. *Tertium nepotem Agrippam, ſimulque privignum Tiberium adoptavit in ſoro lege Curiata*. Inquit autem *lege Curiata*, quia adoptatio fit principis auctoritate, dum adoptamus eos, qui ſui juris ſunt, quæ ſpecies adoptionis dicitur adoptio; vel imperio Magiſtratus, dum adoptamus eos, qui ſunt in parentis poteſtate. Ex quo ſequitur, requiri ad adoptionem, ut iſ qui adoptat liberos procreare non poſſit, ut ait Tullius inſectans adoptionem Clodii in Orat. pro Domo ſua: & adoptivos liberos eſſe, quibus naturales opponuntur, ut habetur l. ult. D. de honor. donat. Alterum exemplum depromptum ex ſacris literis eſt Moyſis, quem genitum a viro de domo Levi filia Pharaonis Exodi 11. 10. *adoptavit in locum filii*: de quo in libro Sacroſyllabo pag. 70. *Adoptivus dicitur, cui nihil a patre adoptante debetur, ſed gratis indulgendo conceditur. Abuſive namque, & non eſſentialiter adoptivus eſt filius dictus, ſicut Moyſes in filium adoptatus eſt a filia Pharaonis, alienus ab ea, & generatione, & ſanguinis affinitate. Hoc ideo poſuimus, ut patenter daretur intelligi, eum dici adoptatum, qui nondum prius fuerat proprius filius adoptantis*. Aſſertur ibidem exemplum alterum omnium noſtrum, qui *cum eſſemus parvuli*, inquit Apoſtolus ad Gal. 1v. 3. *ſub elementis mundi eramus ſervientes*: at per Chriſti redemptionem factum eſt, ut adoptionem filiorum reciperemus; ex quo loco inferitur adoptivum alienum eſſe ab eo, a quo dicitur adoptatus, & gratis adoptionem tribui, quoniam non ex debito, ſed ex indulgentia tantummodo præſtatur. Poſtremum exemplum ſit eorum, qui Clericali tonſura iniſtantur, & reciſis crinibus e laicorum cœtu in ſortem & hæreditatem Domi-

Domini adoptantur, pronuntiantque cum Episcopo verba Psalmographi, xv. 5. *Dominus pars hereditatis meæ*, &c. quod Paullus Diaconus lib. vi. 53. haud male observat esse imaginem quamdam adoptionis, quoniam veteres adoptabant præcedendo adoptandis capillorum extrema.

Atque ex his primo infertur nomen filii adoptivi nunquam naturæ convenire, sed esse vocabulum personæ, idest, geniti, subsistentis, atque vel liberi sui que juris, vel sub patria potestate constituti: adoptionem vero esse quamdam imitationem generationis naturalis, eaque in filium adsumi, quem adoptans non genuit. Consequenter infertur filium adoptatum esse naturæ filium alienum, non proprium, & fuisse aliquando ante adoptionem, cum non fuerit sub potestate adoptantis, ita, ut adoptatus de non filio filius fiat, & de non hærede hæres. Item sequitur adoptionem non generatione fieri, sed voluntate; non naturæ, sed gratia; non jure nativitatis, sed beneficii largitione: ad solam autem naturam a subsistentia præcisam nonnisi impropria vocabulorum usurpatione, & confusione perceptionum, vocabulum filii adoptivi a nonnullis Scholasticis detorqueri.

Hinc depromitur validissima ratio, cur Christus etiam in quantum homo, Filius Dei adoptivus nequeat appellari. Primo enim uti naturalis *filietas* non convenit naturæ, sed hypostasi atque personæ, non enim natura, sed *suppositum* concepitur, gignitur, nascitur; ita personæ, non autem naturæ convenire debet adoptio, quæ est quædam imitatio naturalis *filietatis*. At humanitas Christi non habet hypostasim diversam a Deo Verbo, sive a filio Dei naturali. Non ergo competere potest humanitati Christi adoptio, & *filietas*, quæ non sit propria, vera, ac naturalis. Hac vero argumentatione utitur Sanctus Thomas 111. p. q. 23. art. 4. Consimiles sunt argumentationes libri Sacrosyllabi: ac prima pag. 68. quoniam Verbum inenarrabiliter de beata Virgine assumpsit carnem, neque hæc præextitit creatura, hypostasi ante inenarrabilem hanc adsumptionem, ideoque humanitas non est adoptata in filium in utero Virginis, in quo a primo conceptionis momento Christus homo fuit eadem persona cum filio Dei, naturali: alioqui deberemus cum Nestorianis personas, filiosque dispefcere; idque multo magis, si dicamus adoptatum Christum hominem, posteaquam prodiit ex utero Virginali. *Aut in utero Virginis*, inquit citatus liber, *eum suspicantur adoptatum, quod dici nefas est, quia de beata Virgine inenarrabiliter sumpsit, non adoptavit carnem: aut certe eum purum hominem sine Deo natum: quod cogitare impium est, necesse est fateantur, ac per hoc postea quasi indiguerit adoptione a Patre in filium sit adoptatus*. Altera argumentatio est, quod nunquam Christus fuit filius alienus: *Adoptatus autem dici non potest, nisi is, qui alienus est ab eo, a quo dicitur adoptatus*; legitur in eodem

dem libro pag. 69. Quod profeſto tenet etiam de Chriſto , ut homine , quoniam Chriſtus ut homo non eſt filius alienus , ſed filius unigenitus ac proprius Dei Patris . Tertia eſt huiusmodi : Adoptio non ex natura & generatione ducit originem , ſed ex dilectionis affectu : *Omnis enim adoptio (legitur ibidem pag. 71.) ex affectione ducit vocabuli ſui originem , quamquam etymologia ſua non videatur trahere ſimilitudinis ſonum . Habet namque ex utraque parte Utinam vocabulum eleganter inſitum , ut ſi dicas : Utinam ſis mihi in filium adoptivum ; & e contra : Utinam merear a te in filium adoptari .* Eapropter diximus ſupra a JCC. adoptionem eorum , qui ſui juris ſunt , appellari *adrogationem* , quoniam & adoptans rogat eum , quem adoptaturus eſt , an velit juſtum ſibi filium eſſe ; & is , qui adoptatur rogat adoptantem ut id fieri patiatur . Vide Juſtinian l. 2. D. de Adoptionib. At Chriſtus ut homo non affectu dilectionis in filium Dei aſſumptus eſt , ſed vi hypoſtaticæ unionis , & generationis æternæ ; ideoque nullo pacto appellari debet filius nuncupativus & adoptivus .

Communibus his argumentationibus tria alia addi poſſunt , quarum prima eſt : Sunt quidem in Chriſto naturæ duæ impermixtæ ac diſtinctæ , divina , quam ab æterno habet a Patre , & humana , quam in tempore ſumpſit ex Virgine , & recte appellatur Deus & homo , filius Dei & filius Virginis ; quemadmodum eſt in homine rationalis anima & corpus , quorum illa creatur a Deo , hoc in maternis viſceribus gignitur & procreatur , ac dicitur homo mortalis carne , & ſpiritu immortalis . At cum utraque natura , caro videlicet & anima , conglomerata ſit ſubſtantiali unitione ; quis aſſereret filium ut rationalem non eſſe filium naturalem hominis , quoniam homo rationalem animam procreare non poteſt , & non potius totum hominem & corporeum & rationalem eſſe unum filium hominis naturalem ac proprium , quoniam corpori ab homine procreato ſubſtantialiter unita eſt ſpiritalis anima , huiusque unionis vi gignitur unus filius homo rationalis , homo corporeus ? *Ita Chriſtus* , inquit citata Episto-
la Albinus , licet ſit carne mortalis , & divinitate immortalis , tamen eſt unus Jeſus Chriſtus , & unus Dei filius , ſicut dixi hominem unum eſſe filium , licet carne ſit mortalis , & anima immortalis ; & nullatenus filius uni patri poteſt eſſe utrumque & proprius & adoptivus . Sit argumentatio altera : Beata Virgo non procreavit divinitatem , & tamen Chriſtus ut Deus eſt filius Virginis , neque dividi poteſt in duos filios , ita ut in quantum homo ſit filius Virginis , in quantum Deus ſit filius Patris : ſed quoniam Deus & homo eſt una perſona Verbi , totus Chriſtus Deus & homo eſt filius Patris , totus Chriſtus Deus & homo eſt filius Virginis , adeo ut ſit blaſphemum , nefandumque aſſerere , Virgo non eſt Deipara , Virgo non peperit Deum Verbum . Pari ergo jure ob perſonæ unitatem aſſerendum eſt , Totus Chriſtus
Deus

Deus & homo est filius Patris proprius & naturalis; non autem, Christus Deus est filius Patris naturalis & proprius, & Christus homo est filius Dei nuncupativus & adoptivus. *Et si beata Virgo proprium potuit generare sibi filium, qui fuit ex æterno Dei filius: quomodo non potuit Deus Pater habere hominem filium proprium, qui est in tempore natus ex Virgine?* Unus omnino est in utraque natura ad utrumque parentem Christus, & filius Dei proprius: inquit citata Epist. ad Monachos Getas Albinus. Postremò Christo ut homini genua flectimus: datum est enim illi nomen quod est super omne nomen: ut in nomine Jesu omne genu flectatur, inquit ad Philipp. 11. 9. Apostolus. *Adoptivo autem Deo non flectit genu creatura, sed vero,* ait in hunc locum Auctor Glossæ Ordinariæ, ideoque Christus etiam in quantum homo, ut hætenus Scripturis, Patrum testimoniis, ac Theologicis argumentis demonstratum est, dici nequit Filius Dei adoptione.

DILUUNTUR OBJECTA.

In contrarium obijciuntur primo loco verba Apostoli scribentis ad Rom. viii. 29. *Nam quos præcivit, & prædestinavit conformes fieri imaginis Filii sui, ut sit ipse primogenitus in multis fratribus.* At Christus primogenitus est gratia, & adoptione, non autem natura, secundum quam est unigenitus, nec fratres aliquos habet. Igitur filius est etiam nuncupativus, & per gratiam adscitus. Scripserat supra idem Apostolus cap. 1. 4. *Qui prædestinatus est filius Dei in virtute.* Quid manifestius, ut percipiamus Christum esse filium Dei prædestinatione, & gratia; ut libro de Prædest. SS. cap. xv. luculenter sanctus P. Augustinus affirmat?

Resp. appellari etiam Dominum Jesum filium Dei naturalem, unigenitum, ac proprium, præsertim a D. Paulo: dici autem primo genitum, & quoniam prius, idest, ante sæcula genitus est, & quia per ipsum acquirimus hæreditatem, ut diximus Volum. II. pag. 71. & hoc ipso pag. 78. Ibidem declaravimus, quo pacto dicatur prædestinatus, nimirum declaratus, & manifestatus virtute miraculorum, & per gloriam resurrectionis, juxta interpretationem Græcorum, & prædestinatus etiam ad filiationem Dei, non adoptivam, sed naturalem, in quantum nullis præcedentibus meritis prædefinitum fuit, ut Christus Dominus, cum primum in virginali utero procreatus est, & priusquam aliquid patraret boni, per summam hypostaticæ unionis gratiam esset idem naturalis & unigenitus Dei filius, qui ab æterno in sinu Patris consistit. Atque hæc est interpretatio Augustini tradita in libro de Prædest. Sanctorum, proximoque capite dilucidanda.

Præterea opponunt auctoritatem Sanctorum. Irenæus enim lib. 111. adv. hæreses cap. 21. sive ex dist. Massuet 19. inquit: *Propter hoc*

hoc enim Verbum Dei homo : & qui filius Dei eſt , filius hominis factus eſt , commixtus Verbo Dei , ut adoptionem percipiens fiat filius Dei . Hilarius lib. 11. de Trinit. ita de Chriſto loquitur : *Poteſtatis dignitas non amittitur , dum carnis humilitas adoptatur .* Cyrillus in Dialog. 111. contra Arianos ait : *Tanquam unus ex nobis in filium adſcriptus eſt Dei , adoptatus nobiſcum , & propter nos ille verus , & germanus .* Athanaſius in diſput. contra Arium n. 28. *Filius quidem verus Dei unus eſt Verbum , & Deus . Eſt autem & tanquam alius filius adoptatus per templum corporis ipſius Domini noſtri Jeſu Chriſti .* Marius Viſtorinus lib. 1. adverſus Candidum Arianum : *Nos adoptione filii , ille natura etiam , & quadam adoptione filius , & Chriſtus , ſed ſecundum carnem .* Eugenius denique , Ildeſonſus , & Julianus Toletanæ Sedis Antiſtites in Miſſa de Cœna Domini ita dixerunt : *Qui per adoptivi hominis paſſionem , dum ſuo non indulſit corpori , &c. Item in Miſſa de Aſcenſione : Hodie Salvator noſter per adoptionem carnis ſedem repetivit Deitatis .* Evincitur itaque Patrum teſtimoniis Chriſtum ſpectata carnis natura filium adſcitiſſimum , & adoptivum eſſe appellandum .

Reſp. 1. Patres locutos de *adoptione* ſenſu ampliſſimo accepta , prout idem eſt , ac naturæ aſſumptio , non vero de adoptione propria quæ eſt alienæ perſonæ ad jura proprii filii libera , & gratioſa . tranſlatio : ideoque hanc , aut conſimilem loquendi methodum uſurpaſſe , *carnis humilitas adoptatur , tanquam filius adoptatus , quadam adoptione filius , &c.* Deinde nonnulla in particulari reponimus . Et quantum ad Irenæum ; evidens eſt ex iis quæ proxime præcedunt , & quæ ſubinde pertexit , quod ait , *ut adoptionem percipiens fiat filius Dei* , non ad Chriſtum referendum eſſe , ſed ad homines , quos redemit : & falli Eraſmum , qui in Præfatione ad hunc 111. librum , inquit ab Irenæo Chriſtum dici juxta humanam naturam adoptatum . Enimvero revincuntur eo loci qui Chriſtum putant purum hominem e Joſephi fatu progenitum ; quos paullo ante citata verba ait *non percipere munus adoptionis* . Atque recitatis iis , quæ obijciuntur , ſtatim ſequitur : *Non enim poteramus aliter incorruptelam , & immortalitatem percipere , niſi adunati fuiſſemus incorruptelæ & immortalitati .* Nec obſcure Irenæi ſenſum demonſtrat præſentis temporis verbum , *ut fiat* ; nam ſi de Chriſto eſſet accipiendum , adhibuiſſet præteritum . Præterea in eodem capite hac aperta Sancti Martyris ſententia hæreſis Felicianæ confoditur : *Ipſe , Chriſtus , propriè præter omnes qui fuerunt tunc homines , Deus , & Dominus , & rex æternus , & Unigenitus .*

Divum Hilarium uſurpaſſe verbum *adoptatur* , prout ſignificat adſciſci , & aſſumi , conſtat ex quo id enuntiet de *carnis humilitate* , non de Redemptoris perſona ; & ex quo tam aperte , ac luculenter

lib. v. i. omnem a Christo adoptionem repellat. Est tamen de hoc loco diversa Eruditorum sententia, affirmantibus aliis cum Vasquesio in 3. p. disput. 89. cap. 15, & præstantis ingenii viro Germonio p. 2. de vet. hæret. Eccles. Cod. corruptoribus legendum, non *adoptatur*, sed *adoratur*: contendentibus aliis retinendum esse verbum *adoptatur*, cum eximiis Scriptoribus Petavio lib. v. i. de Incarnat. cap. 4. Custantio in Vind. vet. codd. & Vallarsio in Præf. ad Hilarium. Ac prior sententia nititur testimonio Hincmari, & Alcuini: quorum unus in, Præf. ad lib. de Prædest. & in Tract. de non Trina Deitate scribit Felicem Orgelitanum tempore Caroli Magni Imperat. omnes Hilarii Codices quotquot arripere potuit adulterasse, & ubi scriptum erat, *Carnis humilitas adoratur*, supposuisse *carnis humilitas adoptatur*. Alter vero lib. v. i. adversus Felicem inquit hunc verba Hilarii *consueti versutia immutasse*. Afferuntur etiam pro hac sententia vetusti Codices Corbejenfis, & Veronenfis, qui exhibent postremas syllabas verbi *adoptatur*, idest, *ptatur* loco cultellis abrafo, aliena manu conscriptas, diversoque atramento, ut satis appareat fuisse olim scriptum *adoratur*. Accedit, quod nullus Codex, quem legerint aut. Erasmus, aut Badius, aut Cribellus præferebat *adoptatur*, cum neuter edendo Hilarium ex scriptis exemplaribus accurate collectis hujusce lectionis meminerit. Tandem legendum esse *adoratur* etiam verborum sensus videtur evincere, cum eo loci agat Hilarius de exhibita a Magis adoratione, atque illa antithesi, *Dum carnis humilitas adoratur*, proferatur causa, cur inter vagitus, sordidosque pannos. *potestatis dignitas non ammittitur*.

Non destituitur tamen opposita sententia rationum præsidio. Nam Agobardus, qui ante Hincmarum de hæresi Felicianæ accurate pertractavit, attentatæ a Felice depravationis non meminit, quam tamen Hincmarus ut rem notissimam venditat: Alcuinus vero de versuta potius interpretatione, quam de corrupto Hilarii loco videtur accipiendus. Deinde inter vetustos codices commendatur ab omnibus Vaticanus scriptus, ut inquit vir Cl. Mabillonius lib. v. de Re diplom. sub finem quarti sæculi, aut quinto ineunte; ubi abrais literis p t aliena manu superinducta est lit. r quod aperte demonstrat antiquitus fuisse scriptum *adoptatur*. Atque id validum argumentum esse haut diffitetur ipse Germonius cap. 9. pag. 446. Quare arbitror ante tempora Felicis Orgelitani Hilarianos Codices variasse, Hincmarum vero illos a Felice existimasse corruptos, quod ipse diversæ lectionis Codicem haberet præ manibus, & revera Felix Aquisgrani exhibuisset præferentem verbum *adoptatur*. Quæ si vera sunt, haud facile erit Germonium inter & Custantium controversiam componere, genuinamque expiscari Hilariani textus lectionem. Accedendum tamen arbitror ad partes Custantii, cum ob Vaticani Codicis auctoritatem.

tatem, tum ob orationis elegantiam sensumque verborum: nam & oratio minus apta videtur, si vox *adorandi* paullo ante posita repetatur, & in hoc ab Hilario instituitur antithesis, quod gloria, potestas, aliaque ornamenta divinitatis consistunt cum partu Virginis, vagitu infantis, pannorumque squallore, nec amittitur in *assumptione* carnis *dignitas potestatis*. Ceterum, quantum ad præfens attinet, sive *adoptatur*, sive *adoratur* legendum sit, nullum hinc habet Felicianæ hæresis fulcimentum.

Quid autem de Cyrillo? Is cit. dialogo 111. Tom. v. pag. 486. adoptionem accipit pro carnis assumptione; nam demonstrat *tunc vere datum esse Filio nomen, quod est super omne nomen, cum formam nostram adsumpsit*, non autem post mortem tantummodo; ideoque licet servilem formam induerit, fuisse tamen a priori suæ conceptionis momento *Filium Dei verum ac germanum*. Imo paucis interjectis ait Christum *dejectum iri, si ex munere habeat filii Dei appellationem*. Ac in eodem dialogo pag. 489. ita ad rem nostram proloquitur: *Si quis autem interroget, utrum substantialem & naturalem filio tribuas filiationem, aut in sola Patris voluntate positam, sicut nimirum in nobis etiam conceditur, quid responderes Hermia? B. Substantialem quidem ego dixerim, sed non videbor adversariis vera loqui. A. Ita plane: sed adjiciens delirare nos, & recta ratione destitui. Quis enim, quæso, istiusmodi sententiis adstipulari volens eorum cachinnos effugiet, qui rabie sic efferati sunt, & eo intemperiarum venerunt, ut cogitandum putens adscititium esse filium, & in aliorum ordine positum?*

Citatam contra Arium disputationem non esse Athanasii observarunt docti viri ex filo, ex argumentis plerumque invalidis ne umbram quidem referentibus Athanasianæ impietati, & ex vetustis in quibus non comparet, operibus ipsiusmet Athanasii. Vid. edit. PP. Ben. Tom. 11. pag. 205. Scopus tamen hujus scriptoris est duas in Christo propugnare naturas, & humanam a divina distinctam: quam perinde æquiparat templo, filioque adoptato: ac num. 21. pag. 215. docet Christum nequaquam in duos filios dividendum esse, quum *unus sit invisibilis filius Dei, qui idem & visus est; incorporatus, qui & corpus assumpsit; immortalis, qui & carne mortem expertus est; intatus idem ac tactus*: & paullo ante num. 20. animadverterat non esse propter humanam naturam unum Dei filium seorsim nominandum, quemadmodum in Imperatore non imperat *seorsim homo, & seorsim purpura*. Verus autem Athanasius initio libri de Incarnat. Verbi pag. 1. ejusdem Volum. ait: *Qui igitur natus est ex Virgine Maria, Filius Dei natura, & Deus verus, non gratia, neque participatione, &c.* Eodem pacto Marius Victorinus duplicem in Christo naturam propugnat, & *adoptionem quamdam*, carnis scilicet assumptionem

pionem adstruit, non adscitiam atque nuncupativam *filiatatem*, quoniam & ipse adversus Arianos decernat. Ad Missam Toletanæ Ecclesiæ respondent PP. Francofordienses in Epist. Synodica pag. 79. cit. Tom. ix. Ven. Collect. Concil. Gregorium Pontificem Romanæ Sedis clarissimum toto orbe Doctorem in suis Orationibus semper Christum filium Dei unigenitum nominare, atque opponunt collectam feriæ secundæ, & quartæ post Palmas, solemnisque diei Ascensionis dominicæ: quamquam in Missa olim a Toletanis decantata non *adoptio* in filium, sed *adoptio* tantum humanitatis & carnis, idest, humanæ naturæ assumptio exprimi videatur.

Præterea argumentantur a ratione. I. Est in Christo non tantum humana natura, quæ esse potest filiationis adoptivæ substratum, verum etiam *habitualis* gratia, quæ tribuit spiritum sanctificationis, arrham hæreditatis, & adoptionem filiorum, neque tali efficientia carere debet, cum juxta proloquium Scholasticum effectum *formalis* necessario formam suam consequatur. Deinde cum Christus ratione humanitatis dicatur recte crucifixus ac mortuus, & juxta quorundam sententiam servus quoque, Dei que famulus, curiam eodem pacto dici nequit filius nuncupativus atque adscitius? Contra si in quantum homo est, non satis apposite appellatur Deus, ne duarum naturarum intelligatur permixtio: quo jure dicetur secundum rationem illam, 'qua est homo, filius Dei naturalis, maxime cum idem prorsus sit Deus, ac Filius Dei? Rursus qui non est filius per generationem, non est filius natura. Christus vero secundum humanitatem non est genitus a Patre, ideoque nec natura ejus filius. Præterea nonne in quantum homo Christus est Patri extraneus? In eo itaque salvari potest tradita definitio adoptionis. Tandem sunt in Christo duæ filiationes, æterna una, altera temporalis: ac debet utrique diversus terminus respondere. At per filiationem æternam Christus est filius Dei naturalis; igitur per filiationem adventitiam ac temporalem est Dei filius assumptus, & adventitius.

Resp. ad primum non naturam, sed personam esse adoptionis subiectum: gratia autem *habitualis* præcipuum effectum esse animi decorem, divinæque participationem naturæ, & adoptionem filiorum per hanc gratiam iis tribui, qui Deo extranei sunt, nec habent ad hæreditatem jus proprium ac personale, quemadmodum habet Christus, cui proinde non impertitur gratia secundarium effectum adoptionis propter personæ dignitatem ac naturalem filiationem. Atque pervulgatæ huic responsioni addo Spiritum sanctum, per quem gratia, & caritas in cordibus nostris diffunditur, esse Spiritum proprium filii ad Rom. viii. 9. & i. Joann. iv. 13. ideoque gratiam in nobis efficere adoptionem filiorum & adventitium jus ad regnum, quoniam sanctificamur per spiritum Christi, at in ipso Christo jus
non

non adſcitiuum ſed proprium, propterea quod ſanctificatus eſt proprio Spiritu; quam reſponſionem confirmo auctoritate Cyrilli ſcribentis Dialogo 111. de Trinit. Tom. v. pag. 492. *Qui ergo nos mortales filiationis gloria ornat, Spiritus nimirum, cum ſis Filius, in aliis quidem adoptionem præſtabit, nihil autem prorsus agat in eo, cujus eſt non adſcitiuus neque extrinſecus inductus, ſed ſubſtantialiter ejus eſt, & per ipſum Patris voluntate effunditur in eos, qui illo digno reperti fuerint.* Quod ſequitur expeditionem habet facillimam, quandoquidem hæc vocabula, *Deus, homo, ſeruus, paſſus, crucifixus* ſpectant per ſe ac directe naturam, & ratione naturæ conveniunt perſonæ: adoptio autem & *filietas* perſonarum ſunt nomina, & juxta ea quæ diximus de communicatione idiomatum, vocabula, quæ ſignificant hypoſtaſim nequeunt naturæ competere: quamquam ſi naturæ humanæ conveniret filiatione ratione perſonæ, non eſſet niſi *filietas* naturalis, quia perſona Chriſti naturalis filius eſt, non adſcitiuus. Proximum hac ratione diluitur. Quamvis Maſtrius in 111. diſput. 2. q. 5. art. 1. diſtinguat filium proprium a naturali, tradatque Chriſtum ut hominem eſſe filium proprium ob unitatem perſonæ, non eſſe naturalem ob peractam in tempore generationem, atque juxta hanc ſententiam a Belluto, aliſque probatam ſalvetur Chriſtum ut hominem eſſe filium Dei proprium, licet non ſit naturalis: aſſerimus tamen ad filiationem naturalem ſufficere hypoſtaticam unionem, ſicuti hæc ſufficit ut beata Virgo ſit vera, propria, ac naturalis Dei mater, prout paullo ſupra explicavimus: quare negamus Chriſtum non eſſe filium Dei naturalem, etiamſi ut homo non procedat per generationem a Patre. Dicendum tamen arbitramur cum noſtro Baſilio Legionenſi Tom. 1. variarum diſput. reſect. 4. quem plurimum commendat Gabriel a. S. Vinc. diſp. xx111. dub. 4. hanc filiationem naturalem repetendam eſſe ab æterna divini Verbi generatione, quia ideo Chriſtus *homo* eſt filius Dei naturalis, quia per unionem hypoſtaticam ſubſiſtit hypoſtaſi Verbi, quod vi generationis æternæ eſt naturalis Dei filius: non ut putant Vaſqueſius diſput. 89. cap. 14. & Suarez diſput. 49. ſect. 1. quia per unionem hypoſtaticam Chriſtus ut homo habet jus ad hæreditatem filiorum. Præciſa enim æterna generatione non eſſet in Chriſto naturalis filiatione, quemadmodum hæc non eſſet ſi Spiritus ſanctus, non Verbum, carnem aſſumpſiſſet humanam, quamvis non deeſſet in hac hypotheſi jus ad gloriam, & hypoſtatica unio. At quod proximo loco ſequitur, nullius eſt momenti; nec enim naturæ competit filiatione, ut dictum eſt ſæpenumero, nec natura, quæ ſubſtantialiter eſt unita, appellari poteſt extranea. Ad ultimum reponimus non unam eſſe Doctorum Scholæ de duplici Chriſti *filietate* ſententiam. Thomiſtæ enim cum Angelico Præceptore q. 35. art. 5. filiationem unicam adſtruunt, eamque æternam ob unitatem ſuppoſiti; at Scotiſtæ cum Subtili Doctore

etore in 111. dist. 8. filiationes propugnant duas, ob æternam, ac temporalem generationem: affirmatque Franciscus Macedo Scoti argumentationes talis generis esse, ut iis Cajetanus non potuerit satisfacere. Videtis Macedi Collat. 111. diff. 3. sect. 2. Attamen non videtur nobis dissidium istud tanti, ut inquirunt, momenti; nam si generationes ad suum referantur principium, æterna scilicet ad patrem, ac temporalis ad matrem, duæ sunt proculdubio; si ad terminum, idest, ad personam genitam, nonnisi una potest adstrui: & quoniam dum *filiationem* dicimus, percipimus relationem ad personam genitam, magis arridet nobis opinio unam in Christo *filietatem* asserentium; quamquam si duas placeat adstruere, minime consequetur duos esse filios, sed unum naturalem ac proprium duas habens veluti *habitudines*, unam ad patrem, ad matrem alteram; quoniam, ut diximus, duæ istæ *filietates* discriminabuntur ex parte generantium, non respectu termini, sive personæ genitæ. Atque hætenus de hæresi Felicianæ.

C A P U T III.

Quo sensu dicatur ab Apostolo Christus Jesus prædestinatus Dei Filius.

HÆRET quorundam menti levis hæc difficultas, quare Christus dici nequeat filius Dei adoptivus, si ad hanc filiationem evectus est gratia, ac prædestinatione divina; & qua ratione prædestinatus dici possit, si persona, quæ prædestinationis subiectum est, extitit ab æterno, atque natura, non gratia ei convenit divina filiatio. Qua in re fuit opinio Durandi in 111. dist. vii. q. 3. non posse Christum servato verborum rigore dici *prædestinatum* filium Dei, propterea quod nequeant alicui prædestinatione competere, quæ ipsam naturam, vel tempore minime consequuntur: posse tamen dici *prædestinatum* improprie, quatenus *hypostatica* unio est maxima gratiarum omnium. Verba autem Apostoli scribentis ad Rom. 1. 4. *Qui prædestinatus est filius Dei in virtute*, Durandus cum Græcis PP. ita exponit, ut idem sit *prædestinatus*, ac *manifestatus & declaratus*: quam interpretationem & nos tradidimus hoc eodem Volumine pag. 78. & pag. 198. non ita tamen, ut Christi prædestinationem luculentissime ab Augustino commendatam rejecerimus. Non enim Græcorum Latinorumque Patrum sententiæ pugnant invicem; quoniam contradictionem non implicat, id fuisse in tempore miraculorum gloria comprobatum, quod fuerat ab æterno præcognitum ac definitum.

Itaque primum dico, posse recte testimonium Apostoli hoc pacto

Et exponi, ut idem valeat *πὸ προδεδειγμένος*, ac certo *pronuntiatus*, ac *declaratus*. Enim vero ita habemus in Græcis, *Τὸ ἐξεδείχθη ὑπὸ τοῦ ἁγίου ἰς δόξαν*. Est autem *ἐξεδείχθη* idem ac *declarati*, & *demonstrati*, ab *ἐξείν*, quod non ſolum ſignificat *definire*, & *decernere*, verum, etiam certo *pronuntiare*, ac *declarare*. II. Syriaca verſio Tom. v. Bibl. Walt. pag. 636. habet: *Et agnitus eſt filius Dei in virtute*. Aethiopica etiam ibidem: *Quem declaravit eſſe filium Dei*. III. Habent Græcorum Scholia citata in hunc locum ab Eraſmo: *ἐξεδείχθη, τὰ ἴσα, ἀποδείχθη, ἀποδείχθη διὰ τὴν τῶν ἀποστόλων, διὰ τὴν τῶν μαρτύρων δύναμιν, διὰ τὴν τῶν ἀνθρώπων, definiti, hoc eſt, demonſtrati, declarati, tum per prophetas, tum per tot divinitatis ſigna, tum per reſurrectionem*. Revera Chryſoſtomus hom. 1. in Paulum pag. Edit. Commelin. 8. ita textum illum exponit: *Qui declaratus eſt, miraculis, quæ edidit, magnum potentie argumentum præbens*. Theophylactus pag. 5. *Nunc igitur aſſeruit, quanta ratione cognitus ſit filius Dei*. Oecumenius pag. 203. edit. Pariſ. *Qui demonſtratus eſt, manifeſtatus eſt, &c.* IV. Etiam D. Hieronymus in Epiſt. ad Eph. cap. 1. pag. edit. Martin. 326. inquit: *De filio vero, hoc eſt, de Domino, Noſtro Jeſu Chriſto in alio loco (ad Rom. 1.) ſcriptum eſt, ἐξεδείχθη: quia ſemper cum patre fuit, & nunquam cum at eſſet divina voluntas præceſſit; de iis verd, qui cum antea non eſſent, poſtea ſubſiſterunt, dicitur ἀποδείχθη: quæ Hieronymus videtur mutuatus ex Origene ſimilia in eumdem locum tradente. V. Cum Apoſtolus eo loci commemoret divinam potentiam ac virtutem, ſanctificationis ſpiritus, & reſurrectionem ex mortuis, opponatque nativitati ſecundum carnem ex ſemine David æternam generationem & virtutem, qua a mortuis ſurrexit, haud obſcure commonſtrat hunc ſuorum verborum ſenſum eſſe, declaratum fuiſſe tot ſignis Redemptorem noſtrum factum ex muliere eſſe filium Altiffimi unigenitum, ac ſempiternum.*

Huic tamen interpretationi non repugnant Auguſtinus, ceterique aſſerentes Chriſtum fuiſſe revera prædeſtinatum filium Dei. I. Vulgata noſtra, imo quotquot ſcripſerunt ante Hieronymum legerunt *Prædeſtinatus*, nec magna caret probabilitate olim fuiſſe ſcriptum, *ἀποδείχθη*, ut nicitur demonſtrare Zegerus. Sane ita legit Irenæus lib. 1. cap. 18. ex diſt. Maſſuet. 16. num. 3. & cap. 32. nunc 22. n. 1. *ἀποδείχθη* legit quoque Ephiphanius hæreſi LIV. quæ eſt Theodotianorum Tom. 1. pag. 467. & Origenes. non quidem in Comment. ſed lib. 2. *περί τῶν* cap. 4. II. Latini hanc lectionem præſeſerunt, Tertullianus contra Praxeam, & Hilarius lib. VII. de Trinitate, qui Hieronymum præceſſerunt, deinde Auguſtinus de SS. Prædeſtinat. ceterique omnes. III. Eſti detur olim ſcriptum fuiſſe *ἐξεδείχθη*, etiam *ἐξείν*, in ſacris literis idem valet ac *ἀποδείχθη*; nam Lucæ XXII. 22. de Chriſti paſſione legitur, *κατὰ τὸ ὑπομνημα, ſecundum quod definitum eſt.* & Act.

& Act. 11. 23. τὸν τῇ ἀποστολῇ, ἢ ἀποστολῇ τοῦ Θεοῦ ἰδόντες. *Hunc definito consilio, & præscientia Dei traditum.* Et Act. x. 42. de ipso Christo legitur, ἀπεσταλμένος ὑπὸ τοῦ Θεοῦ ἀγίου ζῆντος, καὶ νεκροῦ, *constitutus a Deo iudex vivorum & mortuorum*: quare pro eodem frequentissime usurpatur ἰσχύς, & ἀποῤῥῆξιν, ut prænotavimus lib. vi. cap. 9. IV. Profani quoque Scriptores usurpant verbum ἰσχύς pro *statuere*, ac *definire*, ut erudite demonstrat in Comment. linguæ Græcæ Gul. Budæus pag. 704. V. Si Christus appellatur 1. Petri i. 20. *Præcognitus ante mundi constitutionem*: quare dici nequit prædestinatus? VI. Hic Petri locus, in quo dicitur Christus *præcognitus* ab æterno, *manifestatus autem novissimis temporibus*, egregie explicat alterum Pauli textum, conciliatque Græcorum Latinorumque sententiam; quoniam quæ ab æterno in Dei præscientia definita sunt, hæc statutis temporibus eveniunt & declarantur; ac proinde quod ait Apostolus, *Prædestinatus est filius Dei*, recte Latini interpretantur, *Prædestinitus est ante mundi constitutionem*, recte Græci, *Declaratus per resurrectionem ex mortuis*; ita ut ἰσχύς idem valeat, sive sit *definire & prædestinare*, sive *complevere ac declarare*, quod ab æterno fuerat prædestinitum.

Explicato a nobis hac ratione Paulino textu, & ad concordiam revocatis Latinis, Græcisque Patribus, liquet admittendam esse hanc assertionem, *Christus prædestinatus est filius Dei*: quam non solum Augustinus enuntiat, sed etiam ea utitur ad refellendam hæresim Pelagianam. Enimvero quicquid in tempore completur, præsertim si beneficium Dei sit, & ad communem utilitatem præordinatum, illud omni dubio procul fuit in Dei præscientia, ac præinitione dispositum. Si ergo Christus Dominus non fuit prædestinatus filius Dei, nec in tempore conceptus erit ac natus, aut saltem non erit id singulare Dei beneficium, & gratiæ donum maximum ac præstantissimum. *Quisquis igitur filium Dei prædestinatum negat, hunc eundem filium hominis negat*, inquit S. Pater Augustinus Tract. cv. in Joan. num. 8. Deinde quidnam est divina prædestinatio, nisi eorum, quæ per gratiam fiunt in tempore, æterna ac definita præscriptio? At Salvatorem nostrum factum Dei filium per gratiam unionis *hypostaticæ*, nullis præcedentibus meritis & Augustinus non uno in loco declarat, & manifesta ratio demonstrat. Attulimus Augustini verba deprompta ex cap. xv. de Prædest. SS. num. 30. eaque late explicavimus lib. vi. cap. 6. arg. 6. Legi potest & Tract. lxxxiii. in Joan. num. 4. & lib. 1. Operis Imperf. contra Jul. num. 136. Ratio autem ab Augustino tradita est, quoniam *illam susceptionem hominis nulla merita præcesserunt, sed ab illa susceptione merita cuncta ceperunt*, inquit S. Pater Tract. nuper laudato. Quid enim mereri poterat antequam effet? quandonam ante *hypostaticam* unionem extitit Christus homo? annon idem

idem prorfus eſt Verbum fieri hominem , & humanam naturam *hypothetice* uniri Verbo ? *Quid* ergo Chriſtus *egit ante* , *quid credidit* , *quid petiit* , *ut ad hanc excellentiam perveniret* ? ait de Prædeſt. SS. Gratiæ Dei invictiſſimus Propugnator . Itaque ſi aſſumptio humanitatis ad Filii Dei dignitatem munus eſt gratiæ , hanc Deus ab æterno prædeſtinaverat . Huic conſimile eſt argumentum D. Thomæ 3. p. q. 24. art. 1. Præterea niſi in Chriſto prædeſtinationem adſtruamus , pereunt argumenta complura , quibus S. P. hæreſim Pelagianorum proſtigavit , evincens gratiæ , ac prædeſtinationis beneficentiſſimam largitatem ex eo quod , ſicut Chriſtus abſque præcedentibus meritis prædeſtinatus eſt Filius Dei , caput Eccleſiæ , & Redemptor univerſorum , ita nos cum eſſemus filii iræ , & luteæ maſſæ figmentum , prædeſtinati ſumus in Chriſto , ut ſimus membra ipſius , ejuſque imaginis conformes , atque , uti ſperamus , gloriæ , regniſque cohæredes . Atque hinc eſt , quod idem Chriſtus bene ſapienterque appellatur *præclariſſimum lumen prædeſtinationis* , & *gratiæ* . Verum necesse non eſt , ut diu in his immoremur , neque inquiramus ſingillatim ad quæ munera fuerit piſſimus Redemptor noſter prædeſtinatus : cum enim prædeſtinatus fuerit ad naturalem Dei filiationem , etiam prædeſtinatus fuit ad habendam in aſſumpta humanitate *claritatem* , quam habuit , ut Deus , *antequam mundus fieret* ; & ad præclariffima ornamenta , quæ Verbi Dei dignitatem , & Mediatoris officium & characterem ſequuntur , cujuſmodi ſunt ſedere ad dexteram Patris , habere in cælo , & terra pleniffimam poteſtatem , iudiciiſque faciendi ſummam auctoritatem .

At enim , inquis , cum Verbum æternum ſit , habeatque Filii Dei claritatem natura , & ſempiterna generatione , quomodo poteſt dici prædeſtinationis divina *ſubjectum* ? Ut hunc nodum ſolvant , reponunt Scholaſticorum aliqui huius prædeſtinationis ſubjectum eſſe naturam humanam , non autem perſonam Verbi . Sed , præterquamquod naturæ non convenit *ſubietas* , Apoſtolus inquit illum prædeſtinatum eſſe filium Dei in virtute , *qui factus eſt ex ſemine David ſecundum carnem* , ideſt , perſonam Verbi , de qua in Evangelio Joannis : *Verbum caro factum eſt* . Dicendum itaque *ſubjectum* prædeſtinationis eſſe perſonam Verbi , non in quantum Verbum eſt , ſed in quantum *caro factum eſt* : ſub qua ratione temporis ſubjicitur : ita nimirum S. Pater Tract. cv. in Joan. n. 8. *Recte quippe dicitur non prædeſtinatus ſecundum id , quod eſt Verbum Dei , Deus apud Deum . Ut quid enim prædeſtinaretur , cum jam eſſet quod erat , ſine initio , ſine termino ſempiternus ? Illud autem prædeſtinandum erat quod nondum erat , ut ſic ſuo tempore fieret , quemadmodum ante omnia tempora prædeſtinatum erat , ut fieret* . Idem propugnat S. Thomas cit. art. 1. ad 2. Neque penes me aliquid ingerit difficultatis quod aliqui opponunt ,

terminum prædestinationis posteriorem esse *subiecto* ejusdem prædestinationis, *filiationem* autem Dei naturalem eodem momento attributam Verbo secundum carnem, quo ipsam carnem assumpsit: nam, præter vulgatam responſionem, quod hic adest *prioritas* rationis, imo ipsa naturalis *filiatio* oritur ex unione *hypostatica*, eamque supponit: dum assero Verbum secundum carnem esse subiectum prædestinationis divinæ, & ejusdem prædestinationis terminum esse Dei *filiationem*; quamvis oratione utar Scholastica, nihil aliud percipio, quàm Deum ab æterno absque ulla meritorum præscientia prædefinisse perficiendam in tempore *Inarnationem*, ob quam idem esset filius hominis, & filius unigenitus Dei. Atque hanc mentis meæ perceptionem nequaquam obnubilat subiecti, termini, aliorumque vocabulorum caligo.

Illud potius disquirendum esset, quomodo si Christus per gratiam, & nullo meritorum intuitu prædestinatus est filius Dei, nequeat tamen dici filius per adoptionem; nisi sublata verborum æquivocatione res per semetipsam pateſceret. Aliud quippe est per gratiam naturam humanam uniri Verbo: aliud per gratiam Christum hominem esse filium Dei. Primum significat unionem *hypostaticam*, per quam natura humana subsistit hypostasi Verbi, magnam esse gratiam, quam Christus præcedentibus operibus non poterat promereri: atque hoc ultro conceditur. Aliud significat personam subsistentem per gratiam fuisse evectam ad *filiationem* Dei; quod falsum est penitus. Illud verum est, quia humana natura ante unionem non poterat promereri; istud est falsum, quoniam persona subsistens est filius non adscititius, sed naturalis. Quare gratia unionem spectat, & ex unione consequitur naturalis *filiatio*: unde recte diximus cap. præcedenti in resp. ad 1. Christum per gratiam prædestinatum fuisse ad *filiationem* Dei naturalem. Haud obscure id insinuat Augustinus scribens citato cap. 15. de Prædest. Sanct. Salvatore nostrum singulari Dei munere, nullisque suis vel operum vel fidei præcedentibus meritis fuisse prædestinatum, quoniam prædefinitum fuerat, *ut ille homo a Verbo Patri coæterno in unitatem personæ assumptus, filius Dei unigenitus esset*. Atque hæc de prælaudato Pauli textu, & de Christi prædestinatione.

C A P U T IV.

Quare Christus dicatur natus de Spiritu sancto, nec tamen ejusdem Spiritus sancti sit filius.

VERBA Angeli Iosephum virum Mariæ alloquentis Matt. 1. 20.
Quod exim in te natum est, de Spiritu sancto est, & quæ concin-

tinentur in Apoſtolico Symbolo, *Qui conceptus eſt de Spiritu ſancto, natus ex Maria virgine*, moverunt Magiſtrum in 111. diſt. iv. & qui in illum ediderunt Commentaria, nec non D. Thomam 3. p. q. 32. ad inquirendum, cur Chriſti conceptio tribuatur Spiritui ſancto, nec tamen ſit ipſe Spiritus pater Chriſti . Ad quam difficultatem dirimendam plurimum valere diſtinctionem particularum *de*, & *ex*, quarum illa de Spiritu, altera de Virgine uſurpatur in Symbolo, nonnulli ingenioli Scholaſtici adnotaverunt . Sed quamquam diſtinctionem ipſam caute fateamur adhibitam : in Græco Evangelii textu, quemadmodum Matth. 1. 16. de Maria Virgine legitur, *ἐκ τῆς ὑμῶν γενέσθαι, de qua natus eſt Jeſus*, ita verſu 20. habetur, *ἐκ τῆς ὑμῶν γενέσθαι, De Spiritu ſancto eſt*, eadem particula *ex* repetita . Atque hinc Eraſmus, alique Grammatici occaſionem arripuerunt deridendi Scholaſticorum obſervationes ; ſed immerito, diverſum quippe ſenſum, quem non exhibet Græcorum particula, optime expreſſit Latinus Interpres, uſu & auctoritate Eccleſiæ probatus .

Nos tamen, ut facilius difficultati occurramus, primum dicimus Verbi *Incarnationem*, tametſi efficienter a tota perfecta ſit Trinitate, ob Myſterii ſignificationem eſſe tribuendam Spiritui ſancto, eo ſerme pacto, quo de ſpecie Columbæ diſſeruimus viceſimo capite libri vii. Ac prima ratio eſt, quam innuimus in Expoſit. Symboli Vol. iv. pag. 377. ſcilicet, ad commonſtrandum non ex ſemine viri Chriſtum fuiſſe conceptum, ut autumarunt Ebionæi, ſed ſupra naturæ ordinem, divinaque virtute : quæ enim divinitus efficiuntur, ſpeciali titulo Spiritui ſancto ſunt attribuenda, ut Exodi vii. 19. patrata a Moyſe miracula, Joelis i. 28. munus prophetandi, Mat. xii. 28. expulſio dæmonum, & Iſaiæ lxi. 1. ipſum opus præſtantiffimum Incarnationis . Ob eam rem Chryſoſtomus hom. 2. in Matth. inquit Chriſtum dici natum de Spiritu ſancto, quoniam ipſius conceptio nova fuit, mirabilis, & *humanis cogitationibus ſupereminens, ſuper legem vadens omnem naturæ* . Altera ratio ex eo petitur, quod Chriſti *Incarnatio* magnum eſt, præclariffimumque gratiæ beneficium, ut diximus capite præcedenti . Etenim Spiritui ſancto gratiarum dona tribuuntur in 1. ad Corinthios vi. 4. propterea quod ipſe eſt Caritas & Amor Patris, & Filii, imo appellatur *donum Dei*, Ioan. iv. 10. & Act. vii. 20. ideoque Auguſtinus in Enchiridio cap. xxxviii. num. 12. poſtquam oſtendit humanæ naturæ aſſumptionem fuiſſe maximam gratiarum omnium, *Quæ gratia*, inquit, *propterea per Spiritum ſanctum fuerat ſignificanda, quia ipſe proprie ſic eſt Deus, ut dicatur etiam Dei donum* . Tertia ratio illinc promitur, quod Spiritui ſancto tribuitur ſanctificatio, caſtitatis decor, peccatorum remiſſio, Dei cum hominibus habitatio, & æternæ beatitudinis arrha, ut liquet ex Epiſt. ad Rom. cap. i. 4. ad Eph. i. 13. & 2. ad Corinth. i.

22. Quare dum Christum natum asserimus de Spiritu sancto, profite-mur ejus conceptionem cujuslibet contagionis peccati fuisse exper-tem, celebramus eximii partus sanctitatem, uberrimumque fructum Redemptionis, præsertim peccati remissionem, regnique cælestis hæreditatem.

Deinde affirmamus Christum dici non posse Spiritus sancti fi-lium; hancque apertissimam rationem proferimus, quod *filiatio*, ut supra disputatum est, nonnisi *supposito* competat. *Suppositum* autem cum sit persona Verbi, a quo Spiritus sanctus procedit, non potest ab eodem Spiritu sancto procedere & generari: ideoque recte appellamus Spiritum sanctum *Spiritum Christi*, non vero Christum *filium Spiritus sancti*. Atque hanc rationem affert etiam eximius Ecclesiæ Doctor S. Bonaventura in 111. dist. 1v. art. 1. Accedit altera ratio inviçtissima, quod servata verborum proprietate ille tantum di-citur *Pater*, qui alteri substantiam propriam communicat: Spiritus autem sanctus Christo neque naturam humanam generatione imper-titus est, quoniam Spiritus ea caret, neque communicavit divinam, quia, ut paullo ante dictum est, hanc potius Spiritus sanctus per *pro-cessionis* originem habet a Filio. Postrema ratio huic similis est, quod Christus nequit appellari Filius Dei, nisi ob æternam divinamque ge-nerationem, quemadmodum cap. 2. præced. fuit declaratum. In æter-na autem, divinaque generatione Christus a Patre, non a Spiritu sancto procedit. Nequit ergo Spiritus sanctus appellari *Christi pater*.

Neque officit, quod Christum *natum de Spiritu sancto* affirmet Evangelista. Sapientissimus enim Augustinus laudato cap. xxxviii. Enchiridii, ubi quæstionem hanc egregie pertractat, docet non-omne quod nascitur ex altero, ejus filium esse, cum aliter de homi-ne nascantur filii, aliter capilli, qui filii dici nequeunt; sicuti nec aquæ dicuntur filii, sed Ecclesiæ, qui per Sacramentum baptisma-tis regenerantur. Nimirum, ut nuper dicebam, ad constituendum *patrem* requiritur ejusdem naturæ participatio, quam filius vi ge-nerationis habet ab ipso patre. Si autem quæras, cur Christus ratione creationis, atque sanctificationis dici non possit Spiritus sancti, imo sui ipsius, & totius Trinitatis filius, cum Deum nomine Patris oraverit Joan. xvi 11. 1. quemadmodum nos quotidie facimus in Dominica ora-tione: adhibenda est eadem responsio, idest, quod esse filium con-venit personæ Christi ratione generationis æternæ: persona autem ge-nita ad solum Patrem refertur: atque juxta D. Thomæ doctrinam 3. p. q. 32. art. 3. qui dicitur filius ratione generationis, non debet appellari filius ob creationem, vel sanctificationem; *quia quod de aliquo dicitur secundum perfectam rationem, non est dicendum secun-dum rationem imperfectam*. Quamobrem oratio Christi, quamvis to-tam Trinitatem exoraverit, peculiari ratione dirigebatur ad Patrem; quem-

quemadmodum ad ipſum Patrem ſpeciali titulo refertur vox, quæ intonuit in Chriſti baptiſmate, Mat. 111. 17. & Lucæ 111. 22. tametiſi tota Trinitas vocem illam ſit operata, ut docet in quarto de Trinitate cap. 21. præclariffimus divinarum rerum ſcrutator, Theologorumque columen Auguſtinus.

C A P U T V.

Poſſit ne Chriſtus appellari Dei ſervus, creatura, homo Dominicus, homo Deiſer?

CHRIſTUM Dominum appellandum non eſſe Dei ſervum tradiderunt Hadrianus I. ac Patres Francofordienſes, Joannes Damascenus lib. 111. de fide Orthodoxa, & ex Scholaſticis Vaſqueſius diſp. v111. cap. 3. L'Herminier Tom. 111. p. 377. Du-Hamelius lib. 3. de Incarnat. cap. 6. Juenin Diſſert. v1. q. 5. Thomaffinus, alique non pauci. At oppoſitum tradiderunt complures PP. paullo poſt laudandi, iſſque acceſſit univerſa fere Thomiſtarum, & Scotiſtarum ſchola, haud repugnantibus ex noſtratibus Romano Aegidio diſt. 10. lib. 3. Gavardi de Incarn. q.vi. art. 5. Gibbon diſp. 22. dub. 6. nec non Leonardo Coquo in cap. 34. lib. xv111. de Civit. Dei, & Lupo in Scholiis ad v1. S. Cyrilli Capitulum. Facile autem conciliari utramque ſententiam, ſi diverſa huius vocabuli *ſervi* ſignificatio ſpectetur, docuit Petavius lib. v11. de Incarnat. cap. 9. & Tournely q. x11. ſ. 2. Nam ſi *ſervum* illum dicimus, qui alteri ſubjectum eſt, eique obtemperat, ſed aliàs ingenuus eſt, bonorumque Domini particeps, quæ eſt impropria *ſervitutis* acceptio; ſervum eſſe Dominum Jeſum Chriſtum fatentur: ſecus, ſi ſervum illum intelligamus, qui omnino juris eſt alieni, & libero, ingenuoque opponitur.

Verum hi naturalem, & legalem ſervitutem videntur confundere, quam tamen accurate diſtinxerunt Scholaſtici, Gonet præſertim diſput. 22. art. 1. Maſtrius diſp. 11. q. 7. & præcitatus Gavardi. Servitus itaque, per quam ſamulus diſtinguitur ab ingenuo, eſt ſervitus *legalis*, quæ definitur l. 4. ſ. 1. de ſtatu hom. *conſtitutio juris gentium, qua quis Domino alieno contra naturam ſubjicitur*: juxta quam acceptionem *ſervus* dicitur a *ſervando*, quod Imperatores ſervare captivos, quàm occidere mallent, ut cum Jurifconſultis ait Auguſtinus lib. x1x. de C. D. cap. 15. At ſervitus naturalis illa eſt, per quam juxta naturæ legem quis alteri ſubjicitur: ſecundum quam ſignificationem *ſervus* dicitur a *ſerviando*. Atque ad ſervitutem *legalem* illa reducitur, per quam homo dicitur *ſervus peccati*, quoniam per culpam ſubjicitur dæmoni: a qua ſervitute liberamur per gratiam Chriſti, do-

cente

cente Apostolo ad Galatas IV. 31. *Non sumus ancilla filii, sed libera; qua libertate Christus nos liberavit.* Ad servitutem vero naturalem spectat etiam conditio, qua filii nondum emancipati parentibus subjiuntur, scribente eo loci Apostolo V. 1. *Quanto tempore habes parvulus es, nihil differt a servo:* & potiori jure ad hanc servitutem reducitur subiectio, per quam omnis creatura dependet a Deo, eique tenetur obtemperare, quoniam filius emancipari potest, & ex jure patris exire, at creatura nequit subtrahi a dependentia, quam habet a Deo.

Nostra itaque sententia est, Christum non posse dici servum Dei, si loquamur de *servitute legali*, & de *servitute peccati*, de qua locutos cum Hadriano Patres Francofordienses, inde potest inferri, quod Felix & Elipandus deprædicabant Christum filium Dei alienum & adscititium, & qui aliquando etiam sanctificatione indiguerit, ut liquet ex præcedenti cap. 2. Affirmamus etiam non posse dici servum *absolute ac simpliciter*, quemadmodum nec *necessitate & naturali conditione*, in quantum persona Verbi sponte ac libere formam servi assumpsit. Afferimus tamen non repugnare, quin dicatur servus ratione naturæ humanæ servitute *naturali*, non quatenus istiusmodi servitus Verbo Dei, & Christi personæ necessaria conditione conveniat, cum servi formam libere assumpserit, sed quatenus ratione naturæ assumptæ est revera factus sub lege, Deo subiectus, eique debebat morem gerere, obtemperare, ac servitutem, & obsequium tanquam famulus exhibere.

PROPOSITIO I. Contradictionem non implicat Christum dici servum sensu explicato.

Id enim Scripturæ, Patribus, ac rationi magis videtur conforme. Et quidem quod ait Psalmographus LXXXV. 16. *Da imperium tuum puero tuo, & salvum fac filium ancillæ tuæ;* nec non Ps. CXV. 7. *O Domine quia ego servus tuus: ego servus tuus, & filius ancillæ tuæ,* de Christo interpretatur non solum auctor Altercationis cum Pascentio, sive vetus Epistola 178. inter Augustinianas, sed etiam laudandus infra Ambrosius lib. V. de Fide cap. VII. num. 109. De ipsomet Christo locutus est Isaias cap. 42. 1. *Ecce servus meus, suscipiam eum:* quem locum juxta Græcorum versionem citat Matthæus C. XI. 18. *Ecce puer meus electus, quem elegi,* & Christo tribuendum esse declarat. Nullius autem est momenti, quod aliqui reponunt legi in Græco vocabulum *παῖς*, *puer*, quo non servus, sed filius significatur: cum & *παῖς*, *puer*, servum frequentissime sonet, denotetque famulos ancillas, domesticos, liberos etiam, omnemque familiam, exceptis parentibus. Videatur in Lexico Robertus Constantinus, & Erasmus in Matth. At ambiguam hujusce vocis significationem tollit hebraicum *עבד*, *servus meus*, quod extat in Hebræorum Codice, & in Vul-

gata

gata citato cap. XLII. Isaïæ, & cap. XLIX. 6. ubi legitur : *Ut sis mihi servus ad suscitandas tribus Jacob* : quem pariter locum de Christo interpretatur Ambrosius. Similiter de Christo inquit Zacharias 111. 8. *Adducam servum meum orientem* ; ideoque falluntur, qui negant Christum nunquam in sacris literis servum Dei nuncupari. Neque nomen *servi* duntaxat in utroque testamento tribuitur Christo, sed nominis etiam res ac substantia, scribente Apostolo ad Galat. IV. 4. *Misit Deus filium suum factum ex muliere, factum sub lege* : ad Philipp. 11. 7. *Semetipsum exinanivit formam servi accipiens* : & 1. ad Corinth. XV. 28. *Ipse filius subiectus erit ei, qui subiecit sibi omnia*. Quid est autem, quæso, fieri sub lege, accipere formam servi, & subiectum esse, nisi esse servum ?

His robur addunt Patrum cum Græcorum, tum Latinorum traditæ allatis Scripturæ testimoniis interpretationes. Nam S. Cyrillus in Apologet. 6. Anath. Tom. VI. pag. 223. ait : *Forma servi assumpta frater appellatus est eorum, qui sub servitute erant, hoc est noster : & factus est sub lege quasi homo, qui ut Deus legislator est*. Quocirca si quis dicat eum appellatum esse servum per vocem sanctorum Prophetarum, nullo modo offendi decet. Theodoretus ipse, quem nobis obijciunt, in Ezech. Tom. 11. pag. 488. inquit : *Tanquam homo ipse servus est, idque secundum naturam, non secundum dignitatem* : & paucis interjectis : *Servus igitur vocatus est, ut homo, & hoc sicut dixi non secundum dignitatem, sed secundum naturam, servi enim formam assumpsit*. Atque in Epistolam ad Galat. eodem Volum. p. 507. *David autem Dominum dicit Christum, ut ex David secundum carnem oriundum, servum vero propter humanam naturam : cum enim in forma Dei esset, formam servi accepit. Ut assumptam igitur naturam ostendat, servum nuncupavit, hoc est, ex servili secundum carnem natura ille genitus est. Non enim servus est omnium Dominus Unigenitus, neque enim qua Deus David nominatur, sed qua ex David David appellatur, secundum assumptionem autem servus est*. Idem tradunt alii Græcorum, præsertim S. Athanasius paulo post laudandus.

Ex Latinis tres omnium ore celebratissimos proferam, Ambrosium, Hieronymum, Augustinum : quorum primus epist. 49. novæ edit. num. 3. ait : *Etenim secundum formam servi locutus Dominum vocavit, quem patrem noverat, æqualis in Dei forma, servum secundum carnis substantiam se prædicans* : & proximo num. 4. *Eramus enim mortui, & ideo unus pro omnibus servus factus est*. Citato autem lib. V. de Fide cap. VII. n. 18. *Nec solum, inquit, ex genere David servitutem suscepit in persona hominis, sed etiam ex nomine, sicut habes : Inveni David servum meum, & alibi, Ecce ego mittam ad vos servum meum, Oriens nomen est ei. Et ipse Filius ait : Sic dicit Dominus, qui finxit me ex utero servum sibi, & dixit mihi : Ma-*
gnum

gnum tibi est vocari puerum meum, &c. Cui hoc dicitur, nisi Christo? quæcum in forma Dei esset, exinanivit se, & formam servi accepit: proximoque numero 109. *Disce igitur quid sit, Formam servi accepit, id est, plenitudinem perfectionis humanæ, plenitudinem obedientiæ. Ideoque dicit in Psalmo trigesimo: Illustra faciem tuam super servum tuum. Servus dictus est homo, in quo sanctificatus est: servus homo, in quo unctus est: servus homo, in quo factus sub lege, factus ex Virgine est; & ut compendio dicam, servus dictus est, in qua matrem habet, sicut scriptum est: O Domine, ego servus tuus; ego servus tuus, & filius ancillæ tuæ. Hieronymus in Esaïam Tom. 111. pag. 317. hæc habet: Nec mirum, si servus vocetur factus ex muliere, factusque sub lege, qui cum in forma Dei esset, humiliavit se, formam servi accipiens, & habitu inventus ut homo. Augustinus denique lib. xviii. de Civit. Dei cap. 34. ait: Ezechiel quoque more prophetico per David Christum significans, quia carnem de David semina assumpsit, propter quam formam servi, qua factus est homo, etiam servus Dei dicitur idem Dei filius. Hæc profecto adeo aperta sunt, ut enucleatione non egeant nostra. Vide & Hilarium xi. de Trinit. num. 13.*

Sunt vero hæc dicta Patrum rationi coherentia. Primo enim qui habet formam servi servus est, quemadmodum qui habet formam, ac naturam domini dominus est, neque enim istiusmodi nomina *servus, dominus*, per se connotant *personam*, sed respiciunt potius *naturam*, ut hæc vocabula *Deus, homo*: alioqui cum tres sint in Trinitate personæ, etiam tres dominos fas esset dicere, quod repugnat Symbolo Athanasiano. Si autem vocabula *dominus & servus* ad naturam referuntur, quare Christus spectata natura humana nequit dici *servus*, quemadmodum ratione divinæ naturæ dicitur *dominus*? Deinde in *servi* nomine nihil aliud percipimus, nisi dependentiam, subjectionem, ac præstandam jure naturali supremo rerum omnium Auctori obedientiam, quæ Christo ut homini inesse nullus ambigit. Postremo quicquid vel humanæ naturæ, vel divinæ convenit, ob ætissimum vinculum hypostaticæ unionis illud de Christo possumus enuntiare. At naturæ creatæ convenit esse servam Conditoris sui, a cujus auctoritate ac dominio nequit emancipari.

Quæ opponuntur, etsi plura sint, possunt breviter ad tria capita revocari. Ac primo sacræ literæ nullibi, teste Hadriano in Epistola contra Felicem, & Elipandum, Christum servum appellaverunt, sed Dominum ac Salvatorem: eundem Pater filium dilectum, non servum, delapsa desuper voce nuncupavit: Christus vero ipsum Patrem, nunquam Dominum, nec in articulo passionis, cum deprecabatur, ut ab eo amarus transiret calix, legitur appellasse; & Apostolus in Epistola ad Hebræos cap. 1. demonstrat Christum differentius præ Angelis nomen hæreditasse, quoniam hi spiritus ac ministri sunt, ille vero

vero filius unigenitus : atque tertio capite hoc Chriſtum inter ac Moſen ſtatuit diſcrimen , quod Chriſtus fuerit *tanquam filius in domo ſua* , Moſes autem *in domo ejus tanquam famulus* . Deinde Patres negant Chriſtum poſſe famulum , ſervumque nuncupari . Dionyſius enim Alexandrinus in Epiſtola ad Paulum Samofatenſem negat *Chriſtum fuiſſe naturā ſervum* , exponens verba Apoſtoli *formam ſervi accipiens* de exteriori apparentia , non de intrinſeca ſervi natura . Athanaſius Orat. 111. contra Arianos nunc 2. num. 14. *Eſſi Verbum* , inquit , *in forma Dei exiſtens ſervi formam accepit , carnis tamen aſſumptio Verbum , qui Dominus natura erat , ſervum non effecit* . Theodoretus ia fine 2. Dialogi de Apollinario ait : *Quia etiam ſervum quoque Chriſtum nuncupavit , quod nemo noſtrum dicere unquam eſt auſus* ; eandemque locutionem damnat in conſut. v1. Capituli S. Cyrilli . S. P. Auguſtinus hom. 39. citata a PP. Francoford. Tom. 1x. Concil. pag. 85. inquit : *Dominus noſter etiam in forma ſervi non ſervus , ſed in forma etiam ſervi Dominus fuit* . Hadrianus autem , ac iidem Francofordienſes PP. non ſolum negant convenire Chriſto ſervi appellationem , ſed ulterius id luculenter demonſtrant , primò ex commemorato ſacrarum literarum , novi præſertim teſtamenti ſilentio , atque ex Chriſti ſupra Moſen , & Angelos ampliſſima dignitate ; deinde ex eo , quod Chriſtus nos liberaverit a ſervitute , cum ſervus nullo jure poſſit libertatem conferre , ut ajebat etiam contra Arianos Fauſtinus ; præterea ex quo idem Dominus nos amicos maluit in Evangelio nominare , quam ſervos . Poſtremò eadem ratio videtur eſſe ſervi atque filii adoptivi , ſicut enim *ſilitatis* naturalis omnem excludit adoptionem , ita arcet omnem penitus ſervitutem . Ad ſervitutem quippe requiritur , ut qui ſervus dicitur , teneatur ad præſtandam obedientiam , ut non ſit juris ſui , ut cum Domino in bonis non communicet , quemadmodum erudite ſcribit Vaſqueſius : ob quam poſtremam conditionem nedum Chriſto repugnat ſervi appellatio , ſed & quibuslibet filiis etiam ſub patria poteſtate degentibus , ut docent JCC. Neque verum eſt *ſervi* vocabulum non connotare perſonam , ſcribente lib. 111. de Fide cap. 21. Damasceno , *Servitutis , & dominationis vocabula non naturæ ſunt indicia , ſed ex eorum genere quæ ſunt ad aliud , quemadmodum paternitatis & filiationis nomina : hæc enim non ſubſtantiam , ſed habitudinem ſignificant* : qui ſimilia repetit lib. 1v. cap. 19. commonſtrans hac ratione eos , qui Chriſtum ſervum appellant , duas in ipſo cum Neſtorianis aſtruerent perſonas . Atque ex his videtur evinci oppoſitam quoque ſententiam auctoritate plurima , & ratione valida communiri .

Hæc tamen facillima ſunt , & ex dictis ſoluta . Jure enim meritoque Scripturæ Chriſtum appellant Dominum , Dei Unigenitum , mundaſque Reparatorem , hiſque titulis eundem Moſi & Angelis præferunt , quoniam revera talis eſt ; quamvis ſpectata humana natura non repu-

gnet etiam servum illum nominare phrasi earundem Scripturarum servata. Ac præterea nullum extat, in novo præsertim Testamento, vocabulum exprimens aut servitutem, quæ tribuatur personæ, non assumptæ naturæ, aut quæ Filio Dei *naturalis* sit, non libere suscepta: nam si *servi* nomen aut personam connotet, aut conditionem ejusdem, profecto nec servus est Dominus Jesus Christus, nec in Prophetarum oraculis in alios, quam in Christi progenitores, Davidem, Abrahamum, Jacobum cadet servi appellatio. Quod scite, sapienterque docet differens contra Felicem & Elipandum Romanus Pontifex Hadrianus: nam hi veterinosam suscitantes hæresim, Christi personam, ut adscititium filium, ita servum, non ratione naturæ humanæ duntaxat, & libere suscepta servitute, sed propria ac naturali servitutē personæ, blasphemarunt, non autem sensu Catholico, & a PP. usurpato: quod & in Epistolam 46. Ambrosianam adnotarunt Mauro-Benedictini. Similiter Patres negant Christum *servum* ad sensum hæreticorum, qui vel personam Verbi ausi sunt ad conditionem creaturarum deprimerē, aut unam illi tribuere naturam, illamque servilem, quemadmodum commenti sunt execrandi Ariani, atque Apollinaristæ. Ita Theodoretus ratiocinatur contra Cyrillum, quem opinabatur imbutum ejusdem hæresis veneno, & in Dialogo pariter secundo perstringit confusionis duarum naturarum assertores, ipsos non tantum redarguens quod servum nuncuparint Unigenitum Dei filium, verum etiam quod illum dixerint *in sede in dextris Dei collocatum*: quod nonnisi ad sensum damnatorum hæreticorum decet redargui. Quare ipsemet Theodoretus *secundum assumptionem* Christum servum esse disertissime aliis in locis pronuntiat: quamquam si id negaret ubique, pluris facienda videretur sententia Cyrilli Theodoretum impugnantis. Sanctus quoque Athanasius laudata Oratione adversus Arianos exercet stilum: in eaque num. 11. his verbis sententiam nostram confirmat: *Dummodo factum eum esse hominem concedatur, nihil sane interest, si de eo dicatur, sive factus est, sive effectus est, sive creatus est, sive formatus est, sive servus, sive filius ancilla, sive filius hominis, sive constitutus est, sive peregrinatus est, sive sponsus, sive patruelis, sive frater. Siquidem omnia hæc vocabula hominum conditionis propria sunt, eaque & similia non naturam Verbi significant, sed eum hominem factum esse demonstrant*. Horum ergo, aliorumque Patrum disputantium adversus hæreticos contrariæ sententiæ minime evertunt communioem Scholasticorum opinionem. Facile quoque diluuntur rationes positæ loco postremo: nam ad primam liquet *filiationem* esse vocabulum commonstrans hypostasim, & servitutem designare tantummodo subjectionem, & in Christo conditionem assumpti hominis, ut inquit Athanasius nuper laudatus. Quare Damascenus definit servitutem *legalem*, & secundario jure inter

ter

ter homines inductam , non eam , quæ *naturaliter* ineſt cuilibet creaturæ reſpectu Dei . Quadrant ipſi tantum ſervituti *legali* connumerate a Vaſqueſio conditiones ; nam quælibet creatura , etiam rationalis facta Dei filia per adoptionem , libera a ſervitute peccati , amicitie Dei particeps , & conſors gloriæ nequit a dependentia & ſervitute naturali ullatenus ſubtrahi .

PROPOSITIO II. Nec repugnat appellari Chriſtum ratione aſſumpti hominis creaturam .

Enimvero ratione formæ ſervi , & libere aſſumptæ humanitatis ad Rom. 1. 3. dicitur Chriſtus *factus ex ſemine David* : & ad Galat. 1v. 4. *factus ex muliere , factus ſub lege* . Quid eſt autem eſſe *factum* , niſi creaturam eſſe ? Nec Patres huic aſſertioni repugnant : nam S. Hilarius lib. xii. de Trinit. num. 45. ait : *Ultima diſpenſationis ſacramentum eſt , quo etiam creatus in corpore , viam ſe Dei operum eſt profeſſus : creatus autem eſt in vias Dei a ſæculo , cum ad conſpicabilem ſpeciem ſubditus creaturæ habitum creationis aſſumpſit* . Et num. 48. *Beatam autem illam & veram conceptæ intra Virginem carnis natiuitatem , quia tum creaturæ noſtræ & natura & ſpecies naſcebatur , creaturam & facturam Apoſtolus nominavit* . Et infra : *Filius itaque ſuus eſt , qui eſt in homine , & ex homine factura , neque factura tantum , ſed etiam creatura* . Athanaſius citato loco appellat Chriſtum Dominum in quantum homo eſt , *factum , effectum , creatum* . Ambroſius in 1. de Fide cap. xv. num. 96. Caro , inquit , *Dominum agnoſcit , gloria Patrem ſignificat : creatura noſtra Dominum conſitetur , caritas Patrem novit* . Itaque quis ignoret quia ob cauſam incorporationis hoc dicitur ? In eo igitur ſe creatum dicit , in quo & hominem teſtificatur , &c. Sanctus Hieronymus in cap. 11. ad Ephēſios Tom. 1v. pag. 342. *Et quia ſemel ad uomen creaturæ venimus , & Sapientia in Prov. Salomonis dicit ſe creatam initium viarum Domini : multique timore ne Chriſtum creaturam dicere compellantur , totum Chriſti myſterium negant , ut dicant non Chriſtum in hac ſapientia , ſed mundi ſapientiam ſignificari ; nos libere proclamamus non eſſe periculum cum dicere creaturam , quem vermem , & hominem , & crucifixum , & maledictionem tota ſpei noſtræ fiducia proſitemur* . Auguſtinus Epit. 187. alias 57. ad Dardanum num. 8. Perinde , inquit , quod ad Verbum attinet creator eſt Chriſtus : *Omnia enim per ipſum facta ſunt . Quod vero ad hominem , creatus eſt Chriſtus : Factus eſt enim ex ſemine David ſecundum carnem* : quo in loco ſeptemdecim MSS. conſentire , & editos habere *creatura eſt* , obſervarunt Benediſtini . Atque his accedit Theologica ratio : quæ enim utrique naturæ competunt , poſſunt omnia de Chriſto enuntiari ; & naturam humanam *creaturam* eſſe res per ſe loquitur . Quamobrem Patres , ubi affirmant Chriſtum non eſſe creaturam , accipiendi ſunt juxta traditam Auguſtini interpretationem , in

quantum ad Verbum attinet, ideoque frequentiora occurrunt hujusce generis testimonia, ubi refellitur hæresis Ariana. Atque iccirco Christum secundum humanam naturam posse *creaturam* dici propugnant omnes Scholastici, quamquam id absolute enuntiandum, negent complures, ne videamur cum hæreticis fovere errorem, sermonisque consuetudinem: ob quam perutilem monitionem traditam in 3. p. q. 16. art. 8. a magno Aquinate, addam proximam thesism tertiam.

PROPOSITIO III. Congruum magis, ac religiosum est abstinere, ab istiusmodi enuntiationibus, *Christus servus est, creatura est*, ac multo magis ab illa, *Christus est homo Dominicus, aut Deifer*.

Illud quippe sedulo est observandum, ne quomolibet probare videamur hæreticorum asserta, neque de Redemptore nostro loquamur demisse nimis, atque irreverenter. Cum itaque hunc appellare *servum* sit Felicianæ hæresis contumacia, creaturam dicere sit Ariana perfidia, & nuncupare Dominicum, aut Deiferum hominem sit perversa blasphemantis Nestorii calliditas; satius est ad horum scita oppugnanda omnem ambiguum, & flexiloquam vitare orationem. Ac si mortalium nemo terrenum principem communibus plebis vulgi-que nomenclationibus appellat, eique foret infestus, atque inurbanus, qui ipsum diceret mortale animal, rudem hominem, civem populari stirpe progenitum, quamvis talis esset naturali conditione: quis nostrum audeat appellare Dominum Jesum Christum servum, & creaturam, dum formam servi, creatamque substantiam assumpsit propter nimiam erga nos caritatem, divina non amissa majestate? Rationi præterea consentaneum est, unumquemque illustriori nomine, non titulo ignobiliore notare. Ad hæc, quæ universalia sunt, argumenta accedunt circa *servi* nomenclationem peculiariora. Ac primum, ut scribit ad Hispaniæ Episcopos Hadrianus cit. Tom. ix. pag. 62. non decet nos humillimos ac miserrimos illum nominare servum, quem *universalis Ecclesia Evangelicis atque Apostolicis imbuta lucidissimis documentis Deum ac Dominum suum totis medullis cordis, tota animi devotione in dextera Patris proficitur sedentem*. Deinde quænam esset, ut inquit idem Pontifex, arrogantiæ, *servum* dicere, quem Deus Pater appellat dilectum sibi Unigenitum, cui post gloriosam resurrectionem omnia subiecta sunt, & in cujus nomine flecti omne genu testatur Paulus *mundi lilium, & Ecclesie pulcherrima rosa*, ut ibidem pag. 63. vocatur ab Hadriano? De decet insuper, inquit ibidem pag. 90. PP. Francofordienses in Epistola Synodica, eum dicere *servum*, qui Ioan. xv. 14. nos *amicos* maluit nominare, quam servos, dicens: *nam non dicam vos servos, &c.* Denique, cum nos Christus Jesus a servitute peccati liberaverit, magna esset ingratitude Redemptorem ac liberatorem nostrum servum, potius,

potius , quam Deum ac Dominum , & noſtræ ſalutis auctorem , incaute audacterque proferre .

Similiter abſtinendum eſſe ab appellatione *creaturæ* , plura argumenta ſuadent . Ac primo , ut ratiocinatur Hilarius lib. xii. de Trinitate . num. 4. *Per Dominum Chriſtum creata omnia ſunt , & ideo ei proprium nomen eſt , ut ſit creator* : quo nomine illum appellant Melchiſedech Gen. xiv. 19. Oſee Propheta xiii. 4. Petrus Epiſt. i. cap. iv. 19. ne repetamus loca a nobis producta lib. vii. cap. ii. Itaque , Hilarius ait , *non cadit in eum efficientia ſua & natura & nuncupatio* . Ac ſimiliter Ambroſius lib. i. de Fide cap. xiv. n. 88. *Quis hunc induxit errorem , ut eum , qui creavit omnia , qui fecit omnia , diceret creaturam* ? Præterea qui Filius Dei eſt natura , ideoque ei ſimilis , & æqualis , & ex utero ejus genitus *ante Luciferum* , appellari nequit creatura ; cum creatura omnis ſit Deo longe diſſimilis , & inæqualis , necnon in tempore procreata . Deinde , ut eo loci Hilarius , & Ambroſius concordii ſententia loquuntur ; de creatura ſcribit ad Rom. vii. Apoſtolus ſubjectam eſſe vanitati , ingemiſcere , & a ſervitute corruptionis fore liberandam : quis vero his per creaturæ contumeliam ludibriis Chriſtum deputabit , ut vanitati ſubjectus ſit , ut ingemiſcat ſub ſpe longinquæ expectationis , ut maneat etiam in corruptione naturæ ? Utitur eodem argumento S. P. Auguſtinus in libro contra Secundinum cap. 8. Inſuper Chriſto tribuitur æternitas , ut adverſus Socinianos & Ebionæos diximus lib. vii. cap. 8. Imo e Schola quamplurimi reſellunt hanc enuntiationem , *Chriſtus incæpit eſſe* : quamquam enim aliqui cum Scoto in 3. diſt. xi. q. 3. illam propugnent , & , ſi accipiat ſecundum aſſumptam naturam ſit vera , prolata nihilominus abſolute rejicitur a majori Theologorum numero , ut in eamdem diſtinctionem tradunt noſter Argentina , & Eſtius , necnon Thomiſtæ omnes in articulum 9. q. xv. 3. p. Et revera , ut ibidem docet S. Thomas , in illa , aut conſimili enuntiatione Chriſti nomine designatur *ſuppoſitum* , id eſt , Verbum , quod ante omnia ſæcula extitiſſe proſitetur fides Catholicorum . Atque verbum *incipere* , inquit Eſtius , negationem includit exiſtentia anterioris : ideoque licet recte enuntietur de Chriſto aliquando non fuiſſe hominem , non fuiſſe corpore animoque præditum , non fuiſſe quoque Mediatorem , quomodocumque aſſerit Auguſtinus Tract. cv. in Joan. num. 7. quoniam Mediatoris munus non abſque aſſumpta humanitate exercetur : abſolute tamen Chriſtum , aut hunc hominem , Chriſto demonſtrato , aliquando cœpiſſe non affirmamus , ſed potius aſſerimus cum Apoſtolo ad Hebræos ult. 8. *Jeſus Chriſtus veri , & hodie : ipſe & in ſæcula* . Illam quoque propoſitionem , *Hic homo* , designato Chriſto , *incæpit eſſe* gravi cenſura notatam a ſacra Facultate Pariſienſi anno 1593. die 2. Auguſti ſcribunt Lambertus in q. xvi. diſp. iv. art. 5. & Gabriel a S. Vincentio diſput. xvi. de Incar.

car. dub. 9. probatamque sacræ Facultatis proscriptionem ab Alex. VI. testatur in præcitatum art. 9. q. xvi. illustris Thomæ Commentator Cajetanus. Nunc ut redeat, unde digressa est disputatio: quum Christo tribuatur æternitas, & apud plerosque Theologos male oleat enuntiatio illa, *Incapit esse*; omnis vero creatura sit per ipsum Christum producta in tempore, & aliquando esse cœperit, non erit Christo Domino tribuenda, sine hac determinatione *secundum naturam humanam*, creaturæ nomenclatio.

Multo magis abstinendum ab illa enunciatione, *Christus est homo Dominicus*, *homo Deifer*. I. Quoniam hujusmodi enuntiatio frequens erat in ore Nestorianorum, ut ea Christum unum Dei filium negarent, ipsumque in duas personas dispeſcerent, quarum ex Virgine assumpta, idest, *homo*, non Deus, vel Dominus esset, sed *Emmanuel*, in quo Dominus, & Deus habitaret, ut diximus lib. xxvi. cap. 13. & adversus hanc Nestorianam locutionem pugnat quintum Cyrilli Capitulum ab Ephesina Synodo consecratum: *Si quis dicere audeat Christum non esse verum Deum, sed hominem tantum Deiferum; utpote unum, naturalemque filium, quatenus nimirum Verbum caro factum carni & sanguini perinde ac nos communicavit, anathema sit*. II. Quoniam si vis grammaticalis spectetur, *Dominicus*, non Dominum, sed ad Dominum attinentem, & *Deifer*, non Deum, sed Dei bajulum denotat: ideoque neutrum horum vocabulorum de persona, quæ Dominus ac Deus est, potest recte enuntiari. III. Quoniam Patres aperte enuntiationem ipsam rejiciunt, nam Gregorius Nazianzenus in prima ad Cledonium Epistola citata a Lupo in Scholiis ad v. S. Cyrilli Capitulum, ait hac voce *Homo Dominicus* uti hæreticos, *ut imposturam faciant, vicissimque ipsi fallantur*. Et S. P. Augustinus in 1. Retract. cap. 19. num. 8. castigans quæ scripserat lib. 2. cap. 6. de serm. Domini in monte, ubi Christum *hominem Dominicum* appellaverat, *Sed non video*, inquit, *utrum recte dicatur homo Dominicus, qui est Mediator Dei, & hominum, homo Christus Jesus, cum sit utique Dominus*: additque, quod etiam si occurrat hujusmodi locutio apud nonnullos tractatores Catholicos eloquiorum divinatorum, & nonnulla possit ratione defendi, se tamen dixisse nollet. IV. Tandem in dubium revocari nequit, quin *Dominici* appellentur, qui ad Christi familiam spectant, ut ibidem inquit S. Pater; *Deiferi* autem dicuntur a vi. Synodo Orthodoxi omnes Patres, eoque nomine insignitus est sanctissimus Martyr Ignatius, ut diximus citato cap. 13. ubi quoque diluimus Nestorianorum objectionem. Dedecet autem quæ sunt communes fidelium sanctorumque notæ, maxime post eliminatas hæreses, libratamque vocabulorum significationem, in Unigenitum Dei filium indiscriminatim transferre.

A P P E N D I X.

In diſputationem trahitur in Scholis, num Chriſtus poſſit reve-
ra dici *compoſitus*, & *hypoſtica* unio vere, proprieque appellari
compoſitio; ſed hæc quæſtio tanti non videtur ponderis, ut in ea
pertractanda immoremur, præſertim cum ex hæcenus diſputatis poſ-
ſit ab unoquoque expediri. Enimvero, cum Chriſtus una ſit *perſona*
ſubſiſtens in naturis duabus, liquet non poſſe illum appellari ex du-
plici *ſubſiſtentia*, aut ex duabus perſonis *compoſitum*, ſed potius dicen-
dum cum Patribus v. Synodi collat. v l l l. anath. 4. *unam ſubſiſtentiam*
compoſitam, ſcilicet, unam perſonam præditam naturis duabus: quo
ſenſu Chriſtum *compoſitum* appellarunt orthodoxi Patres, Cyrillus in
libro de recta fide ad Theodoſium, Juſtinianus Imperator in Profeſſ.
fidei, ſanctus P. Auguſtinus cap. 35. Enchiridii, Joannes Damaſce-
nus lib. l l l. de Fide orthod. cap. 3. aliique bene multi. Ita nimirum
profiteſtes Chriſtum unam *ſubſiſtentiam compoſitam*, Neſtorianam,
& Eutyſchianam hæreſim expreſſe damnant.

Diverſæ autem Patrum & Theologorum ſententiæ, quorum ali-
qui unionem *hypoſticam* eſſe compoſitionem affirmant, aliqui ne-
gant, abſque ulla difficultate componuntur, ſi *compoſiti*, ac *partis* di-
verſam attendamus perceptionem: nam ſi *compoſitum* dicas illud,
quod pluribus conſtat partibus incompletis, quæ habent ad invicem
naturalem *habitudinem*, atque ſeſe mutuo perficiunt, cujuſmodi ſunt
corpus & anima, materies ac forma; conſtat Chriſtum non eſſe per-
ſonam *compoſitam*, neque naturam divinam habere rationem partis,
ut diximus hujus voluminis pag. 74. & 249. Atque hoc ſenſu Ferran-
dus Epiſt. ad Severum, Hugo Viſtorinus, & ex Scholaſticis ſubtilis
Scotus negant Chriſtum recte dici compoſitum, & Athanaſius apud
Euthymium in Panoplia p. 2. tit. 15. nec non S. Pater Auguſtinus lib. 2.
contra Maximinum cap. 10. negant divinitatem hujus perſonæ, quæ
Chriſtus eſt, poſſe dici partem. Ac ratio ſatis eſt obvia, & etiam eo
loci innuitur a magno protoparente, quoniam *Filius Dei Deus, an-
tequam ſuſciperet formam ſervi, erat totus*: nempe divinitas non eſt
pars incompleta, atque imperfecta, & quæ per unionem cum alte-
ra parte unam efficiat conſuſam, permixtamque naturam. Quod ſi
compoſitum illud dixeris, quod pluribus conſtat diſtinctis, & invicem
unitis, ſive habeant propriam rationem partis, ſive potius numeri,
aut rei, quæ ſimul cum alia re unum conſtituat; Chriſtum eſſe *com-
poſitum*, & divinam naturam aliquo ſenſu eſſe partem, non incom-
pletam, & perfectibilem, ſed quæ ſimul cum natura humana unam
conſtituit perſonam, permanens perfecta, atque impermixta, aſſe-
runt laudati Patres, & cum magno Theologorum numero Thomas
Aqui-

Aquinas. Nec immerito; cum ad hujusmodi compositionis genus factis esse videatur unio distinctorum. Ad hanc ergo quæstionem dirimendam sufficit distinguere duplex hoc genus compositionis, quod in Scholis appellant *per modum partis*, & *per modum numeri*, aut *simpliciter*, *ex his*, & *cum his*.

Proscriptus quidem fuit a Synodo Constantiensi anno 1414. articulus 4. Joannis Hus, *Dux naturæ, divinitas, & humanitas sunt unus Christus*: sed hæc damnatio non evincit Christum ex divinitate, & humanitate non esse compositum, sed tantum personam non esse, aut unam, aut alteram naturam sejunctim acceptam, ut arbitrabatur Wiclefus, cujus errores Joannes Hus pertinaciter propugnavit. Vide Tom. XII. Conc. Labbei p. 129. Adde, quod juxta regulam v. i. Communicationis idiomatum enuntiationes, quæ de Christo proferruntur, accipiendæ sunt secundum *subiectum*, non secundum *formam*, & ita dux naturæ ob unionem hypostaticam *in concreto* enuntiantur de Christo, ut nequeat propter utriusque naturæ distinctionem quod competit uni transferri in alteram, sive prædicari humanitas de divinitate *in abstracto*. Hoc ergo sensu Christus *non est divinitas & humanitas*; quatenus quæ enuntiantur de persona ratione naturæ divinx, affirmari non valent de natura humana, aut e converso quæ ei competunt ratione naturæ humanæ, prædicari non possunt de natura divina: quippe non valet, *Divinitas passus est*, sicut valet, *Passus est Christus*; neque tenet, *Humanitas est ubique*, quemadmodum tenet, *Ubique est Christus*. Brevi dicam: Joannes Hus confundebat concretum & formam, sive personam & naturam; ut de Wiclefo scribit Thomas Valdensis lib. 1. art. 3. cap. 42. num. 1.

C A P U T VI.

Quid asserendum de ea propositione, Unus de Trinitate passus, ac mortuus est.

ACRIS de Uno ex Trinitate passo controversiæ narrationem incipit ab anno 519. quo Scythæ Monachi cum Victore Diacono disceptarunt, præclarus scriptor, & de Dogmatica Theologia optime meritus Dionysius Petavius lib. 1. de Incarnat. cap. 18. At historia ab anterioribus temporibus est repetenda. Vita enim functo circa annum 434. Constantinopolitano Antistite Maximiano, quo sedente tumultus maximos excitant Nestoriani, Proclus Maximiani successor adversus dogmata Theodori Mopsuesteni Nestorianorum signiferi, suis in scriptis asseruit *Unum de Trinitate incarnatum*, sententiam Procli approbante Joanne Antiochenorum Patriarcha. Horum vero aucto-

auctoritate, Joannis scilicet & Procli, *Unum de Trinitate passum*, (non quidem catholico sensu assertum istud comprobantes de Christo, quatenus cum Verbo est una persona, sed pravo & hæretico, atque transferentes passionem in unam confusam permixtamque naturam), dogmatizabant Eutychiani, tempore præsertim Concilii Chalcedonenſis, idest, anno 451. Ab ipsa tamen Synodo Procli, & Joannis Epistolæ, ut liquet ex Relatione Synodi ad Marcianum Augustum, tanquam orthodoxæ receptæ fuerunt, & commendatæ.

Afferuit postea *Deum cruci suffixum*, addiditque Trisagio ea verba, *Qui crucifixus est pro nobis*, Petrus Fullo; qui, ut Baronius & Valesius inquirunt, Antiochenum Episcopatum invasit anno 471. vel ut alii saniori fortasse judicio, 463. Romano Pontifice Hilario. Et Petri quidem sententia erat Eutychiana; nam cum Ario, Apollinari, & Eutychete illum affirmasse *passum Deum Verbum in ipsa divinitate*, demonstrat ex Epistolis Felicis III. ad eundem Petrum, & ad Zenonem Augustum, eximius Lupus in Scholiis ad cap. x. Synodi Chalcedonenſis. Varia autem fuit Petri Fullonis fortuna; nam ejectus e Sede, quam invaserat, sententia Antiocheni congressus, & damnatus etiam a Romano Pontifice Simplicio, recepit se in Monasterium Monachorum, quos *Acæmetas*, idest, *Inſomnes*, ac *Pervigilantes* dixerunt. Restitutus postea opera Basilisci Tyranni, iterum damnationem sublit sedente Felice III. anno scilicet 484.

Imperante deinde Justino, Scythæ quidam Monachi, quorum agmen ducebat Joannes Maxentius, falsò a Vossio lib. 1. Hist. Pelag. cap. 23. & a Josia Simlero in Adnot. ad Maxentii libros, ab altero Maxentio Abbate distinctus, illud in professione fidei addendum contendebant, *Unum ex Trinitate esse crucifixum*, acerrime disputantes cum Victore Diacono, oblatisque libellis coram legatis Romani Pontificis, qui anno 519. Justinum ad compeſcendum Orientalis Ecclesiæ schisma convenerant. Verum Monachi nulla obtenta a Legatis summi Pontificis definitione, ad ipsum Romam usque profecti, eidem fidem suam probare conati sunt: sed jubente Pontifice, ut expectarent reditum Legatorum, Scythæ dissidiorum amatores cœperunt omnia turbare, conscribere ad longinquos Episcopos libellos, & epistolas de fide sua, ad simulacra quoque Regum confugere fidem publicam implorantes. Atque hæc insolens agendi ratio, rerumque, quæ contigerant sub Petro Fullone, vicens adhuc memoria in causâ fuerunt, ut Monachi Scythici venirent in suspicionem hæresis Eutychianæ, cujus etiam a Baronio, & Bellarmino insinulantur, atque ut in eos juste animadverteret summus Pontifex Hormisdas. Fuisse tamen ab illa hæresi immunes propugnant viri doctissimi, Petavius lib. v. cap. 2. Valsiquius in 3. p. disp. 15. cap. 3. Natalis Alex. dissert. 2. sæculi vi. Pagius

ad annum 519. num. 6. ac fusiori stilo in Opere de hac controversia. conscripto, aliisque in locis Norisius.

Compresso tamen Scytharum tumultu, erexere se iterum Nestoriani, quasi Hormisdas in Monachos sententiam dicens, nullo modo probaret personam Verbi, quæ est una ex Trinitate, incarnatam & passam, sed personam aliam Verbo sola morali unionem conjunctam: diffidique auxere Monachi alii Acemetæ, non Eutychiani illi & ex factione Petri Fullonis, sed quidam Monachorum Scytharum æmulatores, qui cum Nestorianis negabant Christum dici posse *unam ex Trinitate personam*, & Mariam Virginem esse *Deiparam*, auctore Liberato Diacono in Breviario, & Joanne Papa 2. in Epist. ad Imp. Justinianum. Hi monachi Acemetæ ad eundem Pontificem Joannem legatos misere Cyrum, & Eulogium, ut opinionem suam apud Sedem Apostolicam propugnarent, ejusdemque adversus Scythas obtinerent approbationem. Contigit id Justiniani anno VII. idest, Vulg. Aera 533. At Pontifex certior factus tunc temporis propositionem hanc, *Unus e Trinitate passus est*, reprobari a solis Nestorianis, auditis etiam Justiniani Legatis Demetrio a Philippis, & Hypatio Ephesiorum Episcopo, Acemetas in sententia pervicacissime persistentes, tanquam Nestorianos, Ecclesiastica communione privavit. Ex qua narratione potest quisque deprehendere tam illam enunciationem, *Unus ex Trinitate passus est*, quam additamentum illud Trisagii, *Qui crucifixus est pro nobis*, recte in sensu Eutychianorum fuisse ab Hormisdæ, & a Felice III. reprobata, recte etiam a Joanne II. approbata adversus Nestorianos & Acemetas, & facile Scythas horum adversarios purgari posse ab hæresis suspicione: ad utriusque demum hæresis execrationem satius esse, si secundam e sancta Trinitate personam dicamus affixam cruci, & passam *secundum carnem*: quod ad majorem veritatis dilucidationem proximis positionibus confirmabo.

PROPOSITIO I. Hæc enuntiatio, *Unus e Trinitate est passus*, est Catholica & orthodoxa.

Demonstratur I. Ex Scripturis, & PP. præcedenti libro cap. 13. adversus Nestorianos productis constat Dominum nostrum Jesum Christum esse cum Verbo Dei unam personam, unigenitum filium Patris, ideoque unum ex sancta, & individua Trinitate. Quemadmodum, itaque catholica & orthodoxa est hæc propositio, *Christus crucifixus est*, ita extra erroris periculum pronuntiari potest altera, *Crucifixus est una e sancta Trinitate persona*. Accedit in hujus argumenti confirmationem, quod non tantum Scripturæ ac Patres affirmant crucifixum Dominum Jesum Christum, verum etiam proprio Filio Deum Patrem non pepernisse, annuntiasse nobis vitam æternam Unigenitum, qui est in sinu Patris, locutum nobis Patrem novissime in Filio, per quem fecit & sæcula, aliaque etiam hoc libro repetita. At conditor sæculorum, pro-

proprius Dei filius, Unigenitus in ſinu Patris conſiſtens nonne eſt ſe-
cunda ſanctæ Trinitatis perſona? Una ergo ex Trinitate perſona in-
carnata eſt, paſſa eſt, crucifixa eſt. II. Eandem enunciationem proba-
runt Romani Pontifices, illamque definivit in Epistoſa 111. ad Avie-
num & Liberium Senatores Joannes Papa II. decernens Chriſtum eſſe,
ac recte dici *unum de Trinitate*: eandemque propositionem v. Syno-
dus canone 10. his verbis conſecravit: *Si quis non conſitetur Domi-
num noſtrum Jeſum Chriſtum, qui crucifixus eſt carne, Deum eſſe ve-
rum & Dominum gloriae, & unum de ſanctæ Trinitate, talis anathema
ſit.* IV. item Synodus Aſt. iv. approbavit Epistoſam Agathonis Papæ,
in qua Chriſtus dicitur *Una de tribus Perſonis ſanctæ Trinitatis*, nec-
non Epistoſam Synodicam Concilii Mediolanenſis ſub Manſueto, in
qua idem Chriſtus appellatur *Unus de tribus ſubſiſtentiis de ſanctæ
Trinitate*. Eccleſiaſticis itaque definitionibus enuntiatio, de qua diſ-
putatur, munita eſt. III. Nititur quoque Patrum auctoritate; nam
S. Pater Auguſtinus cap. 38. Enchiridii *unum Trium* appellat unam
Trinitatis perſonam quaerens, *An quando Unus trium in aliquo opere
nominatur, operari Trinitas intelligatur?* & de Dono Perſev. cap. ult.
ſcribit humanam naturam ſuſcipiente Deo Verbo in unicum Filium
Dei ſublimatam, ita ut qui ſuſcepit, & quod ſuſcepit una eſſet in Tri-
nitate perſona. S. Proclus, ut diximus, longe ante exortam Mona-
chorum Scytharum contentionem, in Epistoſa ad Armenios poſuit ad
interimendas Neſtorianorum verſutias *unum de Trinitate incarnatum*,
inquit cap. 10. Brev. Liberatus Diaconus. S. Fulgentius de Fide ad Pe-
trum, cap. 13. idem plane docet his verbis: *Firmiſſime tene, & nul-
latenus dubites unam ex Trinitate perſonam, ideſt, Deum filium,*
&c. Atque de Incarnat. cap. 10. *Una ex Trinitate perſona Chriſtus Dei
filius unicus, ut nos ſalvos faceret, carne conceptus, & natus eſt de
ventre Virginis Matris.* IV. Patribus accedunt viri doctiſſimi, Fer-
randus Diaconus, qui in Epistoſa ad Anatolium propositionem illam
immunem oſtendit ab hæreſi Eutychniana, etſi illam in Chalcedonenſi
Synodo protulerint Dorotheus, & Caroſus Eutychetis Apocriſarii,
Sape enim, inquit, per ignorantes loquitur veritas. Dionyſius Exiguus
in Præfat. ad Epistoſam præcitatam S. Procli, ſcribit Theodorum Mo-
pueſtenum, ejuſque fautores, Neſtorianos nimirum hæreticos, ne-
gaviſſe *Chriſtum Dominum unum de Trinitate*; quamobrem mona-
chi Acœmetæ idem negantes tanquam Neſtoriani fuerunt jure merito-
que damnati: & Facundus Hermianenſis lib. 1. de Tribus Capitulis
cap. 3. *Nihil eſt, inquit, quod de verbo reprehendamus dicentes
unum de Trinitate incarnatum, ſive paſſum, ſive crucifixum.* V. In
hac enunciatione, *unus de Trinitate paſſus eſt*, *unus* nequit ſignifica-
re unam ſubſtantiam, non enim idem valet, ac *unus de tribus Diis*,
cum in trinitate unus duntaxat ſit Deus: ſignificat ergo unam per-
ſonam,

sonam, ut in textu illo Geneseos 111. 22. *Ecce Adam quasi unus ex nobis factus est*: eo vel maxime, quod ad significandam naturam, & communem proprietatem, dici non solet absolute *unus*, sed, vel *unum* in neutro genere cum hypallage, idest, submutatione pronominis, ut dum Christus ait, *Ego & Pater unum sumus*, & Joannes, *Hi tres unum sunt*: vel *unus* cum additamento vocabuli exprimentis naturam, aut commune attributum, ut dum dicimus, *Unus Deus, unus Dominus*. In præfata itaque enunciatione nonnisi proprie loquendo sensus occurrit orthodoxus, commonstrans Dominum Jesum Christum esse unam S. Trinitatis personam, quod impie negabant Nestoriani. VI. Eutychiani asserentes Deum passum & crucifixum, tenebantur cohærenter asserere passam & crucifixam totam Trinitatem, quoniam Christus in eorum sententia passus fuerat in natura Deitatis, quæ est toti Trinitati communis, unde ex illorum errore alter Theopaschitarum tanquam è proprio fonte manavit, aut si naturam divinam, in qua Christus passus est, aliam dixerunt ab una natura Trinitatis, impegere necessario in hæresim Arianam, & invexerunt quartam in Trinitate personam. At quisquis profitetur unam de sancta Trinitate personam crucifixam, (quemadmodum ratiocinatur Ferrandus cap. 12. Epist. ad Anatolium,) non asserit suffixam cruci totam Trinitatem, neque personam adstruit quartam, sed crucifixam profitetur unam ex tribus personis. Immerito itaque Eutychianæ hæreseos insinuat.

Operosum non est ex dictis contrarias argumentationes refutare: quarum prima est, hanc propositionem *Unus de Trinitate passus est*, sensum exhibere Eutychianum, quum significet passam fuisse unam sanctæ Trinitatis naturam, quod olim pluribus momentis demonstravit Trifolius presbyter in Epistola ad Faustum Senatorem, postea Baronius ad an. 519. n. 80. Accedit altera, quoniam propositio illa damnata est a Synodo Chalcedonensi, ut scribit Dioscorus in *Suggestione* ad Hormisdam, nec non a Felice III. contra Petrum Cnapheum cognomento Fullonem, ut nos supra diximus. Proxima est, quod si probetur hæc enuntiatio, orthodoxum quoque erit additamentum ab eodem Fullone factum Trisagio, & canere fas erit etiamnum, *Sanctus Deus, sanctus fortis, sanctus immortalis, qui crucifixus es pro nobis, miserere nobis*. Petitur argumentatio quarta ex eo, quod anno 482. Zeno Imperator devicto Basilisco edidit fidei professionem, quam appellavit *Henoticum*, in qua legebatur, *Trinitas mansit Trinitas, incarnato uno de sancta Trinitate Deo Verbo*: huic tamen *Henotico* subscribere noluerunt Orientales Episcopi.

At ad 1. respondemus nullo pacto præfata enunciatione præscribi sensum Eutychianum, si *et unus* ad personam, non ad naturam divinitatis, referatur, uti referendum esse præcedentia argumenta nostra demon-

demonſtrant : atque hac una expeditiſſima reſponſione eliduntur facillime objecta quæque Trifolii parum in hac controverſia exercitati , ad quæ tamen plura reponunt Natalis citata diſſertatione , & in hac controverſia Noriſius cap. 6. Ad alteram , nego hanc propoſitionem a Synodo Chalcedonenſi fuiſſe damnatam , etſi illam ſuis definitionibus ſacroſancta Synodus noluit inferere , quod ea abuterentur Eutychiani , quorum tamen hæreſim per ſe propoſitio ipſa non redolet : qua in re imitati ſunt Chalcedonenſes Patres ſapientiam Majorum , qui adverſus Samofatenſes non probarunt *homouſion* , & contra Neſtorianos vocabulum Chriſtiparæ , quod his hæretici abuterentur , cum tamen utraque vox ſit in ſe catholica , & ab aliis Synodis , Patribuſque recepta . Deinde , etſi damnata eſſet , non repugnat eandem propoſitionem *ad ſenſus loquentis* , ut Ferrandus inquit , modo rejici , modo approbari : quod confirmant allata exempla . Nec Dioſcorus in Suggeſtione ſcribit damnatam propoſitionem a Synodo Chalcedonenſi , ſed quod illam *Eutychetiſis diſcipuli in Synodo Chalcedonenſi propoſuerunt* . Videſis ipſum Baronium ad an. cit. num. 79. Profecto Synodus in Allocutione ad Marcianum non damnat , ſed ſummopere commendat Epistolam S. Procli ad Armenios , ubi eadem occurrit propoſitio : extatque hæc allocutio Tom. 11. Conciliorum Harduini pag. 650. & Collect. Labbeanæ Tom. iv. pag. 825. Petrus autem Cnapheus non ſolum affirmabat unam de Trinitate perſonam paſſam , ſed etiam *unum de Trinitate paſſionem pertuliſſe in ſubſtantia Deitatis , juxta Arii , Apollinaris , Eunomiique blaſphemiam* , inquit Felix III. in Epist. ad Zenonem , eodem Tom. iv. pag. 1071. Quod ſequitur diluitur facillime , quoniam veteres omnes ſemper *Trifagium* acceperunt de Deo Trino , nunquam de ſolo Filio , ut inquit in Epistola de Trifagio Damascenus , demonſtratque Pagius ad annum 512. num. 13. Hinc Felix III. Epist. 111. ad Petrum pag. ejuſdem volum. 1063. ipſum redarguit , quoniam addens *Qui crucifixus eſ pro nobis tertiæ Trifagii particulæ* , ideſt , *Sanctus immortalis* , aſſerebat crucifixum fuiſſe Spiritum ſanctum . *Ad hæc* , inquit , *fideiſſimum Chriſti gregem in Manichæi opinionem præcipitare contendis , qui Spiritum ſanctum aſſerit crucifixum* . Quod ſi clauſula a Fullone adjecta referatur ad unam tantum S. Trinitatis perſonam , negamus non eſſe admittendam ; imo perpetuo uſurpatam in Orientalibus Eccleſiis ſcribit Valeſius in Annot. ad Evagrium pag. 99. adductis verbis Ephremii Antiocheni ex Photii Bibliotheca : quamquam ex ipſo Evagrio lib. 111. cap. 44. aliſque Scriptoribus conſtat graviſſimam Conſtantinopoli ortam ſeditionem , cum Anaſtaſius Trifagio voces illas addere voluiſſet . Ad ult. dico Orthodoxos Patres merito reprobaſſe Zenonis *Henoticum* , quia , ut Semieutychianis ſatisſaceret , tres tantum Synodos ſervandas proponebat , omiſſa Chalcedonenſi , anſam tribuens hæreticis , qui hanc Synodum execrabantur , & quia

& quia etiam non spectat ad Cæsarem definire de fide . Affert utramque rationem lib. xii. cap. 2. Facundus Hermianensis . Nonnulli Zenonem hæreticum putant : alii defendunt . Negari non potest , quin saltim supprimendo memoratam Synodum , & Epistolam S. Leonis ad Flavianum hæreticis Eutychianis fuerit patrocinatus , non minus ac Heraclius in Ecclésiâ , & Constantius in Typo Monothelitis , ob duarum operationum vocem suppressam .

PROP. II. Monachi Scythæ , quamvis tumultuose , ac turbulente se gesserint , ab hæresi tamen Eutychiana fuerunt immunes .

Demonstratur primo ex dictis , quoniam ipsorum assertum nulla erat hæresis nequitia conspersum . Deinde confirmatur luculentissimis testimoniis . Ipse enim Dioscorus Legatus Hormisdæ in *Suggestione* nonnullos novitatis & audaciæ redarguit , & fatetur illos & hæc dicere : *Nos Synodum Chalcedonensem suscepimus : hoc speramus , ut ju-beatis eam nobis exponi , quia non sufficit sic , quomodo est exposita , contra hæresim Nestorianam* . Justinianus in Epistola ad Hormisdam citato Tom. iv. Concil. pag. 1517. testatur Scythicos Monachos asseruisse , *Christum filium Dei Dominum nostrum pro nostra salute carne crucifixum unum de Trinitate debere prædicari* ; ideoque non tribuisse passionem divinitati . Hormisdas in Epist. ad Possessorem ibidem pag. 1530. non tanquam hæreticos damnavit , & ex Urbe ejecit , ut falso præfert Epistolæ titulus , sed ut seditiosos , superbos , odia foventes , sui amatores , ad regum statuas inclamantes , & doctos crimina sere-re , & obtreffationum venena componere . Nulla in hac Epistola Eutychianæ hæresis mentio . *Nullam aliam notam illis subscribit præter istam , temerariæ novitatis , contumaciæ , ac superbiæ* ; inquit Petavius lib. v. de Incarnat. cap. 2. num. 2. S. Fulgentius , alique Episcopi Afri apud Sardiniam exules , accepto libro Petri Diaconi , in quo cap. iv. habetur hæc propositio , lib. de Incarnat. cap. i. respondent : *Vestram simul alacres & fidem cognovimus , & salutem : imo in agnitione fidei vestra nobis salus innotuit* . Vide Tom. ix. Bibl. PP. pag. 199. Joannes etiam II. certior factus a Justiniano solos Nestorianos negare Christum crucifixum unum esse sanctæ , & consubstantialis Trinitatis , Epistola , quæ extat cit. Tomo Concil. pag. 1743. Acæmetas Monachos tanquam Nestorii sectatores vitandos decrevit , in Epistola ad Senatores ibidem pag. 1752. probans propositionem Scythicorum Monachorum , *Unus ex Trinitate crucifixus est carne* , ut etiam supra inuebamus . Præterea fatis apparet fides Monachorum istorum ex professione fidei eorundem . Maxentius enim in Fide sua inquit , *unum ex Trinitate esse Christum , qui pro nobis passus est carne* ; & in 4. Anathematismo : *Si quis non acquiescit confiteri Christum unum de Trinitate etiam cum carne propria , qui pro nobis passus est carne , quamvis secundum carnem non sit de substantia Trinitatis , anathema sit* . Et

Pe-

Petrus Diaconus , aliiſque Scythæ citato libro ad Fulgentium pag. 197. *Huc de cauſſa* (inquit) *Trinitas etiam poſt incarnationis myſterium Trinitas manſit ; quia idem Deus Verbum etiam cum propria carne , unus eſt ex Trinitate , non quod caro ejus ſit de ſubſtantia Trinitatis , ſed quia caro Dei Verbi eſt , qui eſt unus ex Trinitate Quapropter & Deum Verbum paſſum carne , & crucifixum carne ſecundum beatum Cyrillum (Anath. xiii.) proſitemur dicentem , Si quis non conſitetur Deum Verbum paſſum carne , crucifixum carne , & mortem carnis guſtaſſe , anathema ſit .* Poſtremo ex his fidei profeſſionibus etiam inviſta ratio in patrociniū Monachorum Scytharum depromitur . Immerito enim inuritur Eutychianæ hæreſis nota iis , qui aſſerunt unum ex Trinitate paſſum carne , non ſecundum illam ſubſtantiam , ſecundum quam eſt unus ex Trinitate ; cumque id tam expreſſe Scythici prædicaverint , cenſeri nequeunt inter Eutychianæ hæreſis ſectatores .

Militat adverſus hanc propoſitionem I. quod Monachi Scythæ Conſtantinopoli a Legatis Hormiſdæ tanquam Eutychiani fuerint reje-
cti , itemque Romæ a Pontifice tanquam hæretici expulſi . II. Quod Joannes Maxentius Monachorum Abbas præſæcte negavit Hormiſdæ Epistolam ad Poſſeſſorem , eamque ſtudit oppugnare , imitatus per-
verſorum hæreticorum perverſitatem . III. Quod vaſerrimi hujus hæ-
retici , ideſt , Maxentii patrociniū ſuſcipiunt , ut inquit Philip.
Labbeus Tom. xi. Conc. pag. 1533. , proceres quidam & infruſti
Novatores Janſenii aſſectæ ; cum ille hoc uno titulo Janſenianorum
patrociniū fuerit promeritus , quia præluſit illorum in Apoſtolicam
Sedem conviciis , & in ſummum Eccleſiæ Antiſtitem calumniis . IV.
Quod etſi tolerari poſſit aſſertio illa , *Unus ex Trinitate paſſus eſt* , Scy-
thici Monachi eandem blandientis vulpeculæ artibus protulerunt ,
ſeſtantes veterum hæreticorum vaſritiem . V. Quod hi Monachi *unum
de Trinitate paſſum* affirmaverunt *ſimpliciter* , nulla facta carnis men-
tione , quod Eutychianæ perfidiæ eſt evidens argumentum . VI. Quod
aſſerentes ſuffixam cruci unam è ſancta Trinitate perſonam , *perſona*
vocabulum ad ſignificandam divinitatis naturam callide detorſerunt .
VII. Quod nulla ratione ab Eutychiana labe purgari queat aſſertum
illud Petri Diaconi in libro ad Africanos Episcopos in Sardinia exules ,
Unam Dei Verbi naturam incarnatam .

At corruunt hæc , & iis conſimilia argumenta ex præmiſſis pro-
poſitionibus . Nam ad primum liquet ex Suggeſtione Dioſcori , & ex
Epistola Hormiſdæ non ob pravitatem dogmatum , ſed ob diſſidiorum
fomenta , ob inconfultam novitatem , & ob audaciam male Scythas
tum Conſtantinopoli , tum Romæ audiſſe , quamquam aliunde com-
perta ſit fides ipſorum ingenua . Alterum nihil aliud probat , quam
Maxentium in Apoſtolicam Sedem irreverenter , & tumultuoſe ſe geſ-
ſiſſe ;

fisse; cum tamen ei nequaquam morem gesserint Scythæ alii, ut demonstrat Norisius in Monachorum Apologia Tom. 111. pag. 927. recte cum Augustino affirmans *nec causam causæ, nec personam præjudicare personæ*, & Maxentium, qui nonnulla in Hormisdæ irritatus effudit, Schismaticum quidem fuisse, at non hæreticum Eutychianum. Atque ut refellamus male libratam Labbei inter Maxentium & hæreticos, atque inter defensores Scytharum & Janseianos comparationem: hæretici judicio Romani Pontificis aperte contradicunt; at Maxentius negat Epistolam illam ad Possessorem esse Hormisdæ, scribens Tom. 1x. Biblioth. PP. pag. 539. *Fertur ab inimicis ubique Epistola, quasi a Romano Pontifice destinata*: & pag. 541. ait inverisimile esse, ut Hormisdæ eam Epistolam dederit, cum Romano magistro militum dixerit Dioscorum pelago demergendum, nisi Christum unum esse ex sancta Trinitate fuisset confessus, jubens, *ut sua verba insinueret Imperatori*. Fatetur etiam Maxentius in eadem Epistola nunquam Romanum Pontificem ab Ecclesiæ Catholicæ deviare sententia, ut observarunt ibidem Norisius, & dissert. 18. in Synodos Thomassinus. Nescio, num talia unquam ab hæreticorum pectore erumpant. Neque connumerandi sunt Janseianis Scythicorum Monachorum patroni, ut falso scribit Labbeus, cum omnia Apostolicæ sedis Judicia excipiant, propugnent, vindicent, non, ut ille inquit, aut cum Maxentio ficta existiment, aut cum hæreticis conviciis proscindant. Nulla quippe Janseiana fuligine tinctus fuit Norisius, quicquid nebulones quidam mussarint, nulla Lupus, nulla Thomassinus, nulla Du-Hamelius, nulla Pagius, nulla Dionysius a S. Martha, ab eodem Norisio laudati in citata Apologia pag. 898. Atque si hos velis, Labbee, Janseiana oblitos fuligine, nunquid Janseanii assecla Gabriel Vasquez, qui in 111. p. disput. 15. cap. 3. num. 41. ait, *Quod igitur attinet ad ipsos Monachos, existimo primum eos non fuisse Eutychianos, unam tantummodo in Christo asserentes naturam, aut deitatem ipsam passim fuisse, cum oppositum in eorum scriptis appareat*? Nunquid Janseanii assecla Christophorus Ortega, qui disput. 1. de Incarnat. certam. 1. num. 4. animadvertens *unus* significare communi sensu personam, non autem naturam, inquit, *Catholicum doctumque Mixentium, ejusque Monachos eo proprio sensu locutos credendum est, quo a Catholicis omnibus ea propositio admitti debet*? Nunquid Janseanii assecla Dionysius Petavius, qui lib. v. de Incarnat. cap. 2. num. 2. *Quocirca, inquit, Nihil in illorum facto, atque scriptis aliud culpes, nisi inconsultam rationem, & præcipitem ardorem inculcanda novitatis, intempestivæ potius, minimeque necessariæ, quam aut callidæ, aut errore contaminatæ*? Atque his diluitur etiam objectio tertia. At in proximis duabus non immorabimur, cum demonstratum sit Monachos Scythas addidisse assertioni suæ, *carne*; & expresse docuisse

Chri-

Chriſtum ſecundum carnem non eſſe de ſubſtantia Trinitatis ; & conſequenter falſiſſimum eſt illos & paſſionem tribuiſſe divinitati , & propoſitionem ſuam absolute ac ſimpliciter pronunciaſſe . Sexta ſimiliter oppoſitio eadem facilitate diſpellitur ; nam cum Scythæ confeſſi ſint unum Dominum Jeſum Chriſtum , eumque paſſum ſecundum carnem , non in natura divinitatis , etiam unam perſonam & naturas duas agnoverunt , ideoque *perſonæ* vocabulum in proprio ſenſu uſurparunt . Ad ult. reſpondemus Petrum Diaconum citato libro cap. 2. diſerte ſignificare ſe *unam Dei Verbi naturam incarnatam* aſſerere in ſenſu Cyrilli : quare ut Cyrillus , ita Petrus aliique Scythæ , quorum eſt communis illa profeſſio , ab hæreſi Eutychiana fuerunt immunes . Imo teſtatur Petrus Diaconus *unam Dei Verbi naturam incarnatam* , nihil eſſe aliud , quam *duas naturas ineffabiliter unitas* , prudenter hæreſim declinans tam Neſtorii , quam Eutychetis . *Igitur* , inquit , Tom. ix. Bibl. PP. pag. 296. *juxta ſanctorum Patrum traditionem , Dominum noſtrum Jeſum Chriſtum in duabus naturis unitis & inconfuſis , ideſt , divinitatis & humanitatis , in una perſona , ſive ſubſiſtentia conſitemur . Nec illis acquieſcentes , qui unam Dei Verbi naturam incarnatam prædicantes venerabilis Chalcedonenſis Concilii fidem refugiunt ; nec illos admittentes , qui duas naturas doſe pronuntiantes unam Dei Verbi naturam incarnatam minime conſentunt , exiſtimantes hoc duarum naturarum profeſſioni contrarium : quaſi aliquid aliud , quam duas naturas ineffabiliter unitas , una Dei Verbi natura incarnata ſignificet , beato Cyrillo Alexandrina civitatis Antiſtite ad Succellum Episcopum Diocæſariæ ita ſcribente : Si enim unam naturam dicentes Dei Verbi tenuiſſemus non inferentes incarnatam , ſed veluti abjicientes diſpenſationem , erat illis forſitan non improbabilis ſermo ſimulantis interrogare , Ubi eſt in humanitate perfectio , aut quomodo ſubſtantia noſtra ſubſiſtit ? Quoniam vero , & perfectio quæ in humanitate eſt , & eſſentiæ noſtræ manifeſtatio illata eſt per id quod dictum eſt Incarnati jam deſerant arundineam virgam ſibiſmet ſupponentes . Sat ne eſt tam expreſſa profeſſio ? Additur cap. v. pag. 197. recipi a Scythiſ Monachis cum aliis conciliis , ſanctum & venerabile quod apud Chalcedonem celebratum eſt , amplecti epistolæ quoque beati Leonis , anathematizari univerſos contraria dogmatibus Eccleſiæ ſentientes , facta expreſſa mentione Theodori Mopſueſteni , Neſtorii , Eutychetis , & Dioſcori . Atque hæc fidei profeſſio merito ab Africanis Patribus commendata , nonne ſufficit ad abſtergendam a Scythiſ quamlibet notam hæreſis ? nonne omnes adverſariorum objectiones effringit ? Hac itaque abſolvi poteſt apologetica pro Scythiſ Monachis diſſertatio .*

C A P U T VII.

*An Christus sit Sacerdos secundum Ordinem
Melchisedech?*

VARIAE fuerunt circa Melchisedechum placita, ante propositæ quæstionis solutionem ad examen revocanda. Melchisedeciani enim hæretici, de quibus lib. II. h. LV. Epiphanius, & S. P. Augustinus de Hæres. h. XXXIV. illum opinati sunt præclaram quamdam Virtutem Christo superiorem, quæ ad benedicendum Abrahamo è cælo descenderit: cujus hæresis cum Tertulliano de Præsc. & Theodoro lib. 2. hæres. fab. auctorem faciunt Theodorum quemdam Argentarium, sive Theodotum; sed Epiphanius ibidem appellat Melchisedecianos a *Theodotianis avulsos*. Hierax, aut Hieracha, quem ferunt vixisse imperante Severo, vir Aegyptiacis, Græcisque literis imbutus tradidit Melchisedec esse Spiritum sanctum: quam opinionem refutat eo loci num. 5 & hæresi LXVIII. n. 7. Epiphanius, & in Epistola ad Evangelium presbyterum Tom. II. pag. 570. edit. Martian. (alias 126. ad Evagrium) magnus Hieronymus illam tribuit imperito Scriptori, ei fortassis, qui edidit quæstiones rejectas a doctissimis Mauro-Benedictinis in Appendicem Tom. III. Operum S. Augustini, ubi q. CIX. pag. 106. idem error propugnatur: nam id conjectant Vindingus noster in Critico Augustiniano pag. 65. & Martianæus in notis ad præcitatam Hieronymi Epistolam. Origenes, & Didymus eò prolapsi sunt, ut Melchisedechum Angelum dicerent, uti refert ibidem Hieronymus: hujusque opinionis meminit etiam Augustinus q. LXXII. in Genesim. Nonnulli denique arbitrati sunt Melchisedeci nomen, non proprium esse, sed appellativum, eoque solum Dei filium significari: quod post Novatores quosdam alios prolixè nititur demonstrare Cunnæus in Tract. de Republ. Hebr. lib. III. cap. 3. refutatus a Natali Alex. dist. 3. in III. M. Aet. & a Friderico Koerberio Lutherano de Melchisedeco in Typo, & Antitypo.

Inter eos vero, qui Melchisedecum saniori judicio hominem existimant, occurrit primo eorum sententia, qui ipsum fuisse putant Semum filium Noe: quam sententiam Epiphanius h. LV. num. 6. inter somnia connumerat, tribuitque Samaritanis. At Hieronymus in Quæstionibus Hæbraicis Tom. 2. pag. 520. tribuit Hebræis, nec illam aperte refellit: quod & repetit laudata epistola ad Evangelium. Tuentur hanc sententiam Targum Jerosolymitanum, Abenezra, Baal Hatturim, neque improbabilis ea videtur Lyrano, Abulenfi, Torriello, Villalpando, Eugubino, aliisque doctissimis Interpretibus. Communior tamen videtur quæ asserit Melchisedecum fuisse hominem indigenam, & genere Chananæum: quam sententiam, cum per-

multi

multi erudite propugnent , breviter ac nerveſe vindicant Salianus ad annum M. 2118. & Controverſia 18. Capifuccus. Quorundam Judæorum opinio , autumantium Melchifedecum fuiſſe filium ſorti , ideoque ipſius genealogiam in ſacris literis prætermitti , adeo ſcurriſis eſt , adeo impia , ut vix digna ſit quæ recenſeatur ; meritoque reſellitur ab Epiphanio n. 7. refutatur a Torniello ad annum M. 2118. & riſu excipitur ab omnibus tam Catholicis , quam hæreticis . Hujus generis ſunt futiles aliæ opiniones a Koerbero citatæ §. 16. illa præſertim , quæ tenet Melchifedecum ideo ignotum eſſe & abſque genealogia , quia ejus imprecationibus terra ima dehiſcens ipſius parentes , conſanguineoſque omnes deglutierit . Atque his enarratis ſententiam exponemus noſtram , poſtea quæſtionem de Sacerdotio Chriſti inſtituemus adverſus innumeras Novatorum phalanges : qui cum negent in Miſſa verum offerri Deo ſacrificium , inſiciantur quoque oblationem panis & vini , de qua Gen. xiv. 18. fuiſſe typum Eucharitiæ , ob eamque rationem Chriſtum a Pſalmographo , & ab Apoſtolo dici Sacerdotem ſecundum ordinem Melchifedecb .

PROPOSITIO I. Melchifedec non fuit Angelus , neque Virtus quædam cæleſtis , neque Spiritus ſanctus , neque ipſe Dei filius .

Demonſtratur 1. Melchifedec fuit verus homo : duo enim characteres ei tribuuntur Gen. xiv. 18. quorum uterque nonniſi homini convenit ; unus eſt *Rex Salem* , terræ nempe civitatis , ſive fuerit Jebus aut Jeruſolima , ut inquit Joſephus lib. vii. de Bello cap. 18. nunc lib. vi. cap. 10. ſive , ut probabilius cenſet Hieronymus epiſt. ad Evangelium , civitas alia , vel *oppidum juxta Scythopolim* . Character alter eſt *Sacerdos Dei altiffimi* ; Sacerdotis vero munus ſolis hominibus fuit demandatum , ut primogenitis in lege naturali , & filiis Aaron , ac Levitis in lege ſcripta : quare Apoſtolus ad Hebræos cap. v. 1. ait omnem Pontificem ex hominibus aſſumptum eſſe . II. Eſt Apoſtolus cap. vii. ejusdem epiſtolæ v. 3. appellat Melchifedecum *ſine patre , ſine matre , ſine genealogia* , non ad ſignificandum illum non eſſe hominem , quemadmodum autumant adverſarii ; non ad innuendum illum fuiſſe ſpurium , ut commenti ſunt quidam Hebræorum , non ob ejuſdem in affines imprecationem , ut demonſtrat ipſius egregia virtus , typi dignitas , nominisque celebris commendatio ; ſed quia Scriptura ejus genus ac poſteritatem non enarrat , vertente Syro , *Cujus nec pater nec mater ſcripti ſunt in genealogiis* , & propria ſignificatione vocabuli *ἀποκαλύπτει* demonſtrante , non virum genus nullum habentem , ſed cujus origo literis non eſt prodita : licet , inquam , id ſcribat Apoſtolus ; attamen verſu 6. proximo ait genitum eſſe Melchifedecum ex hominibus , ſed ejus generationem minime recenſeri in Hebræorum genealogiis : id quippe ſonant ea verba , *Cujus autem generatio non annumeratur in eis* , id eſt , *ἐν ἀντῶν* , ut habet Græcus ,

ex eis, ex eorum majoribus. Unde recte illustris Estius in hunc locum: *Hic innuitur Melchisedech non prorsus credere genere: qui enim dicit genus ejus non recenseri inter illos, aut ex illis, tacite significat eum aliunde genus habere.* Imo Epiphanius num. 7. *Ex aliis hominibus, quam Israelitis genus illius pertexitur.* Quid ergo? cum innuitur Melchisedec ex hominibus genitus, oportet ut illum hominem fateamur. III. Nomen *Melchisedec* non appellativum est, ut quidam autumant, sed proprium; nam litera Jod inscripta in hebraica voce מלכיצדק, *Melchisedech*, cum non sit nota pronominis, vel regiminis, debet esse proprii nominis *characteristica*, ut in nomine filii Saul, מלכישואי, *Melchisuaab*, 1. Reg. xxxi. 2. in nomine filii Jechonix, מלכירם, *Melchiram*, 1. Paralip. iii. 19. in nomine regis Gerar, אבימלך, *Abimelech*, Gen. xx. 2. in nomine uxoris Nabal, אביגיל, *Abigail*, 1. Reg. xxv. 3. in nomine filii Beria, מלכיאל, *Melchiel*, Gen. xlv. 17. aliisque in locis plurimis. Omnes quoque Versiones, ut demonstrat in differt. de Melchisedech Martinus Van-Rein §. 1x. evincunt Melchisedechi nomen proprium esse: quicquid scribant loco citato Cuneus, & in Locis ad Ps. 110. Enjedinus. Quare assentiendum non est Cajetano, qui Comment. in Genes. ait appellativum esse, & commune regibus Salem: quamquam opinio Cajetani nullatenus sententiæ oppositæ suffragatur, quippe etiam Pharo, Xerxes, Cæsar, aliæque vocabula ejusmodi pluribus sunt communia, & tamen nonnisi de hominibus enuntiantur. Itaque Melchisedech proprium nomen est; atque ex ipso nomine, ex genere Hebræis extraneo, & ex dignitate sacerdotis ac regis liquet eundem verum fuisse hominem.

Generatim demonstrata thesis, etiam quoad singulas partes confirmatur. Et quidem Melchisedec non fuisse Angelum constat ex priori momento, nam Angelis incorporeis non convenit externum offerre Deo sacrificium, quod munus est Sacerdotum, ut inquit Estius. Ex eo etiam, quod Melchisedech dicatur Rex Salem, nequit hæc sententia firmo talo consistere: visibile quippe civitatis regimen homini, non angelo demandatur, cum sit inter principem ac populum civilis societas. Deinde Melchisedecum non esse filium Dei evidens est ex Epist. Pauli ad Hebræos; nam ibidem cap. vii. dicitur Melchisedec *assimilatus filio Dei*; quis autem recte dicitur similis sibi ipsi? In Græco etiam pro *assimilatus* habetur *ὁμοιωµατις*, quo vocabulo non significatur omnimoda similitudo, sed analogia typi cum re significata: unde vertit Syrus, *In similitudinem Filii Dei permanet pontificatus ejus*. His ergo verbis Melchisedech Filio Dei ostenditur minor. In eodem cap. nec non Psalmo cix. Christus appellatur *Sacerdos secundum ordinem Melchisedech*: quis vero proprie dicitur Sacerdos secundum ordinem, ritumque sui ipsius? Præterea Christus, saltem ad oblationem faciendam, *semel apparuit*, ut inquit Apostolus ex-

dem

dem ep. cap. 1x. 26. Denique Melchifedecum non eſſe Spiritum ſanctum præter producta argumenta hæc evincunt . Nunquam legitur Spiritum ſanctum carnem induiſſe : quomodo ergo in perſona Melchifedech latitabat ? Ac ſi Melchifedech eſt Rex Salem , terrenæ civitatis incola , Filii Dei typus , illoque minor , quis niſi penitus cæcutiatur , eundem dixerit Spiritum ſanctum ? Tandem cum omnis ſacerdos ſit inferior Deo , & huic in ſubjectionis teſſeram offerat munera ac ſacrificia , neceſſum eſt deprimat cum Macedonianis Spiritum ſanctum ad ſortem creaturarum quiſquis illum cum Melchifedeco confundit . Hinc Hieronymus laudata ad Evangelium epiſtola : *Si omnes repuleris , tam certe ſpiritualementem interpretem non recipies , qui imperitus ſermone & ſcientia Melchifedech Spiritum ſanctum pronuntiavit , ut illud veriſſimum comprobaret , quod apud Græcos canitur , Imperitia confidentiam , erudito timorem creat .* Eſt ſententia iſta Thucydidis lib. 3. *ἀνὰ δὲ τοὺς ἱερεῖς , λογισμὸς δὲ οὐκ ἔστιν .*

PROPOSITIO II. Incertum eſt , an Melchifedec fuerit Sem filius Noe , an Chanaanæus genere ; quamquam videatur hæc poſtrema opinio probabilior præcedenti .

Fuiſſe enim Semum auctore Hieronymo citata epiſt. & in quæſt. Hebraicis , tenent quamplures & fere omnes Judæi : & licet Epiphanius hæref. lv. num. 6. ſequutus chronologiam lxx. mathematico argumento demonſtret Semum eo tempore , quo Abrahamo occurrit Melchifedechus , fuiſſe mortuum ; attamen juxta communiter receptam ſupputationem adhuc erat ſuperſtes , vixitque uſque ad annum M. 2158. Iſaacii filii Abraham quinquageſimum : unde recte ibidem Hieronymus inquit : *Supputantes annos viſe ipſus offendunt eum ad Iſaac uſque vixiſſe , omneſque primogenitos Noe , donec ſacerdotio fungeretur Aaron , fuiſſe Pontifices .* Verum hoc argumentum non videtur prorfus invictum . Ex quo enim vixerit Sem ad Iſaac uſque , non inferitur fuiſſe regem ac Sacerdotem illum , qui Abrahamo occurrit : neque verum eſt Semum fuiſſe primogenitum Noe , cum major natu fuerit Japhet , ut liquet ex Genef. x. 2. ideoque Genef. v. Sem prius quam Japhet inter filios Noe commemoratur , quoniam de Sem Hebræi , de Japhet populus Gentium natus eſt : idque exacta chronologia poſſum demonſtrare , quippe ex v. Genefis 32. Noe operam gignendis liberis primum dedit , *cum quingentorum eſſet annorum* , ideſt , anno M. 1556. & Sem biennio poſt diluvium , ideſt , anno 1658. cum eſſet centum annorum genuit Arphaxad , ex Genef. xi. 10. Itaque Sem natus eſt anno M. 1558. & Japhet anno M. 1556. corruiſque traditio illa Hebræorum deprompta ex primogenitorum dignitate . Imo nec traditio iſta videtur inter Hebræos communis : nam Joſephus lvi. de Bello cap. 18. ſive libro vi. cap. 10. ſcribit conditorem urbis ſalem fuiſſe *Chanaanæum Dynaſtam* : ab ipſa traditione recedit *Achæna* ,

nezra, illamque, ut diximus supra, Epiphanius solis tribuit Samaritanis. Videtur quoque ea traditio orta ex Hebræorum superbia, utpote qui ægre ferunt commendari Sacerdotem ex genere Chananæorum. Ad Hieronymum quod attinet, refert quidem Hebræorum traditionem, at nihil definit: imo laudata ad Evangelium epistola, contrariam traditionem his verbis commendat: *Verti me ad Hippolytum, Irenæum, Eusebium Casariensem, & Emisenum, Apollinarem quoque, & Eustatbium nostrum, qui primus Antiochena Ecclesia Episcopus contra Arium clarissima tuba bellicum cecinit: & deprebendorum omnium opiniones diversis argumentationibus ac divorticulis ad unum compitum pervenisse, ut dicerent Melchisedech hominem fuisse Chananæum, regem urbis Hierosolymæ, quæ primum Salem, postea Jfebus, ad extremam Jerusalem appellata sit.* Ibidem exemplo Abelis, Henoch, & Job ostenditur mirum non esse, si describatur Sacerdos Dei altissimi absque circumcissione & cæremoniis legalibus. Ex quibus constat sententiam Hebræorum, in quam manibus pedibusque ierunt complures interpretes, ficulo inniti præsidio: quamvis illam ob amplissimum istorum numerum, lectorum relinquamus arbitrio.

Melchisedecum ergo fuisse genere Chananæum probabilius suadet Patrum traditio nunc a Hieronymo commemorata, & præferenda proculdubio derivatæ a Judæorum commentationibus. Adde Epiphanium h. LXV. num. 7. Accedit, quod Semo, ejusque filii ex Gen. x. 30. contigit regio a Messa usque Sephar, ultra Euphratem: & Melchisedec erat Rex Salem, cis Jordanem in terra Chanaan. Fateor non unam esse de *Salem* sententiam Auctorum, quibusdam asserentibus Salem eandem esse ac Jerusalem; aliis eandem ac Salim urbem Sichimorum, de qua Gen. xlii. 18. & Joan. iiii. 23. Ac esse Jerusalem, probant perimulti, quoniam Onkelos & Jonathan vertunt, *Melchisedec Rex Jerusalem*; & quoniam videtur in oblatione Melchisedechi designatus Dei cultus in Hierosolyma instaurandus. Sed Hieronymus amplectitur alteram sententiam: quam in Epistola citata ad Evangelium probat ex peregrinæ linguæ mixtura, & ex quo cernerentur adhuc juxta Scythopolim ruinæ palatii Melchisedec commoustrantes veteris operis magnificentiam. Addit Cappellus, Melchisedec obviam profectum Abramo in vallem *Save*, Gen. xiv. 17. idest, in planiciem, Jerusalem vero ex Psalmo cxxiv. 2. fuisse vallatam montibus: quæ tamen conjectura futilis est, quia Melchisedec processit in occursum Abrahami extra Salem: & haud procul a Jerusalem fuisse vallem, ubi Salomon sibi monumentum erexit, liquet ex ii. Reg. xviii. 18. Verum etiam urbs Salim fuit in regione Chanaan, ex cap. xiii. Gen. 18. Quicquid igitur de civitate *Salem* statuamus, liquet regem ejusdem urbis fuisse Chananæum. Nam quod reponunt Semum occulta Dei inspiratione illic permanisse, ut Sacerdotio fungeretur tanquam Noe primogeni-

genitus, nullum habet fulcrum, & refutatum eſt ſupra. Præterea de Melchifedeco ait Apoſtolus ad Hebræos vii. 3. fuiſſe *ſine patre, ſine matre, ſine genealogia*, ideſt, ipſius genus minime in Scripturis narrari. Quomodo ergo Melchifedec Semus, cujus novimus parentes ac filios? At enim, inquiunt, non narratur genealogia Scini ſub nomine Melchifedechi. Quid vero inde? Principio demonſtratum eſt Melchifedecum eſſe certi hominis proprium nomen. Deinde Apoſtolus verſu 6. inquit generationem Melchifedec non connumerari inter Levitarum majores, cum tamen Leviticum genus recta linea aſcendat ex Levi ad Jacob, ex Jacob ad Abraham, ex Abraham ad Arphaxad, ex Arphaxad ad Sem. Ad hæc Apoſtolus non ex ſolo nomine Melchifedec, ſed ex aliis quoque perſonæ adjunctis nobis Chriſti ſacerdotium commendat. Rurſus quis dixerit non narrari genealogiam Iſraelis, per hoc, quod ſub Jacobi nomine tantummodo recenſeatur? Itaque vulgaris illa reſponſio nequit hæc ſententiam infringere. Superſedeo ab argumentis reliquis, quæ a Saliano, ceteriſque Scriptoribus producuntur, quoniam ex diſctis facile eruuntur, nec de re magni momenti in præſentia diſquiritur.

Opinionem autem eorum, qui dixerunt Melchifedec nothum, ortumque ex adulterinis conjugiiſ, quamobrem prætermiſſa ſit generis ejus origo, rejciendam inter aniles fabulas probat num. vii. Epiphanius, quia *Rabab meretrix fuit, & ejus nihilominus Scriptura meminit: ſed & Zumbri, & Chasibtha adulterium ibidem expreſſum eſt, tameſi alienæ ſtirpis hæc erat, nec Iſraelitarum ex genere originem trahens*. Confutatione pariter non eget quod nonnulli autumant patrem illius appellatum Heraclam, matrem vero Aſtariam, vel Aſtaroth, ipſiusque Melchifedec proprium nomen fuiſſe aut Joram, ſive Jehoram, ut inquit apud Drufium Ben-Gorion, aut Sydyc, ut ex Sanchuniathone conjectat Grotius, cum iſthæc nullo argumento probentur; quamvis ſi vera forent, magis inde confirmaretur Melchifedechum ex genibus genus arceſſere.

Petrus Cunaus decem protulit argumenta ad probandum Melchifedec eſſe ipſum Dei filium, quorum quinque præcipua ſunt, alia nihil crepant ſolidi. Ac primum depromitur ex vocabulo, quod appellativum eſſe contendit, ex quo Paulus ad Hebræos vii. illud interpretetur *Rex juſtitia*, &, *Rex pacis*; nulluſque ætate Abrahami eſſet in terra Chanaan fidelium cœtus, quia alioqui peregrinatus non eſſet inter Ethnicos, ſed in Salem fixiſſet ſedem. Petit alterum ex verbis ejuſdem epiſtolæ v. 3. *Sine patre, ſine matre, ſine genealogia*, quæ non videntur cuiſpiam hominum convenire, Chriſto excepto. Fabricat tertium ex ſubſequentibus, *Manet ſacerdos in perpetuum*, in quibus enuntiatur æternitas propria ſolius Dei. Promit argumentum quartum ex eo, quod ibidem Apoſtolus verſu 7. facit Melchifedecum

decum meliorem, ac digniorem Abrahamo. Quintum urget ex cap. v. 11. ubi de Melchisedeco legitur, *De quo nobis grandis sermo, & ininterpretabilis ad dicendum*: quibus sane verbis ineffabilem illius magnitudinem, ac divinitatem Paulus deprædicat.

At ad 1. & 2. responsum est in prima propositione: neque addendum inodo aliud, nisi Abrahamum jam fœdes inisse cum habitatoribus Mambre, ex Gen. xiv. 13. nec completum adhuc, dum revertetur a cæde Chodorlahomor, tempus divinarum promissionum, ideoque collocandum ei non fuisse in Salem domicilium. Victoriis etiam ac dignitate adauctus debuit suam urbem relinquere iusto, & erga & beneficentissimo Regi ac Sacerdoti Dei altissimi. Quod sequitur ita accipiendum est, ut intelligamus Sacerdotii Christi nullum finem futurum, & ideo præfiguratum in sacerdotio Melchisedec, de cuius fine nihil in Scripturis habemus: quemadmodum ad commonstrandum Christi sacerdotium non conferri carnali generatione, paullo ante dictum est Melchisedec fuisse *sine genealogia*, idest, sacerdotium Christi spirituale fuisse antitypum sacerdotii Melchisedechi, cuius non proditur in sacris literis origo generis. Apostolus enim ex typo declarat Christiani sacerdotii dignitatem, & ibidem appellat Melchisedec *ἱερεὺς ὁ ἀθάνατος*, assimilatum Filio Dei. Argumentum proximum nil probat, quia Melchisedec dignior erat Abrahamo sacerdotii munere ac typo; nam licet & Abraham tanquam princeps familiæ fuerit sacerdos, & obtulerit sacrificia, ut liquet ex Gen. xv. ex canone Missæ, & ex Divo Thoma 111. p. q. 31. art. 2. Melchisedec erat Ἀρχιερεὺς, ad Heb. vi. 20., idest, Summus Pontifex, gerebatque typum sacerdotii nostri omnium præstantissimi. Ad ultimum dicimus illa verba, *de quo*, referenda esse ad Christum, aut ad Melchisedec, non absolute, sed ut Christi divinum sacerdotium præfigurabat.

Tandem Melchisedec esse Spiritum sanctum probat Auctor Qq. novi & veteris testam. inter opera Augustini iisdem prorsus argumentationibus, quæ ad Filium Dei detorsit Petrus Cunæus. Koerberus eandem sententiam affricat D. Ambrosio in lib. 1. de Abraham c. 111. Verum recte Hieronymus appellat Auctorem Qq. illarum *imperitum sermone & scientia*: quem non fuisse Augustinum eruditi omnes consentiunt, demonstrantque invictis momentis PP. S. Mauri in Admonit. in librum earundem Quæstionum, Append. Tom. 111. pag. 34. Qui ineptam illam opinionem tribuit Ambrosio, legens dormitabat. Sancti Doctoris hæc sunt verba, loc. cit. num. 16. *Sacrificium denique obtulis, decimas dedit; ideoque ei Melchisedech, qui interpretatione latinæ dicitur rex iustitiæ, rex pacis, benedixit: erat enim sacerdos summi Dei. Qui est rex iustitiæ, sacerdos Dei, nisi cui dicitur, Tu es sacerdos Dei in æternum secundum ordinem Melchisedech, hoc est, Dei filius, sacerdos Patris, qui sui corporis sacrificio Patrem no-*
sivis

ſiſ repropitiavit delictis? Quo in loco Ambroſius tribuit Chriſto interpretationem nominis *Melchizedec*, non hujus perſonam : de qua ad hunc modum ſe habet noſtra lucubratiuncula .

PROPOSITIO III. Chriſtus eſt Sacerdos ſecundum ordinem Melchizedec, quoniam in priſca hujus ſacerdotis oblatione *panis & vini* præfiguratum fuit ſacraſſimum Eucharistiæ ſacrificium .

Ita Catholici omnes adverſus Novatores, qui fatentur utique Chriſti ſacerdotium præfiguratum in ſacerdotio Melchizedechi, ob interpretationem nominis *Melchizedec*, & *Regis Salem*; ob typum divinitatis expreſſum in eo, quod Melchizedec dicitur *ſine genealogia*; ob perpetuitatem ſacerdotii ſignificatam iis verbis, *Manet ſacerdos in æternum*; ob diſcrimen a ſacerdotio Levitico quod Apoſtolus innuit, docens generationem Melchizedec non connumerari inter Levitas; ob ſpiritualem unctiorem, ad quam innuendam dicitur Melchizedec factus ſacerdos non ſecundum mandatum carnalis legis, ſed ſecundum virtutem vite inſolubilis; ob præexcellentiã Chriſtiani ſacerdotii ſupra Leviticum in eo commonſtratam, quod Melchizedec benedixit Abrahamo, ex cujus lumbis exierunt filii Levi, ab eoque acceperit decimas: hæc, inquam, tradita ab Apoſtolo in Epiſt. ad Hebræos cap. vii. (quam tamen plerique illorum Apoſtolo abjudicant,) ultro heterodoxi concedunt: at dici Chriſtum ſacerdotem ſecundum ordinem Melchizedec, ſpectata oblatione *panis, & vini*, iſtud præſtacte abnuunt, idque nos Scripturis, traditione Patrum, atque ratione probamus.

Depromptum ex Scripturis argumentum eſt huiusmodi. Chriſtum eſſe Sacerdotem ſecundum ordinem Melchizedech ait David Pf. cix. 4. *Tu eſ ſacerdos in æternum ſecundum ordinem Melchizedech*: affirmat Apoſtolus ad Hebræos cap. v. 7. & vii. 15. verba Davidis eſſe de Chriſto accipienda, quod & confirmat omnium Patrum, Theologorum, atque ipſorum hæreticorum aſſenſus. At non aliter Chriſtus appellatus eſt *ſacerdos ſecundum ordinem Melchizedech*, niſi quia, ſub ſpeciebus panis ac vini obtulit ſacrificium Corporis & Sanguinis ſui, prænuntiatum in priſca illa Melchizedeci oblatione. Quid eſt enim eſſe ſacerdotem ſecundum ordinem Melchizedech, niſi ſecundum ritum ac ſimilitudinem hujus ſacerdotis Dei ſummi? Atqui Chriſtus nequit appellari ſacerdos ſecundum ritum ac ſimilitudinem Melchizedeci, niſi quatenus obtulit ſub ſpeciebus *panis & vini* Eucharisticum ſacrificium. Igitur ratione hujus oblationis Chriſtus appellatus eſt Pontifex, & ſacerdos ſecundum ordinem Melchizedech. Et quidem niſi ita appellatus ſit ratione illius oblationis, ob quam aliam cauſam ſic appellatum putabimus? Non ob aliquam aliam oblationem, quia non legitur Melchizedecum aliud obtuliſſe præter panem, & vinum, & ſi viva animalia maſtavit, id non ſufficit ad conſtituendum peculiarem ordinem ſacerdotii, cum iſtiusmodi cruenta ſacrificia etiam Abel,

T6.V.

Vu

etiam

etiam Noe, etiam Levitæ omnes obtulerint. Non propter alias Melchisedechi dotes superius connumeratas; nam illæ commonstrant utique Christum fuisse in Melchisedec præfiguratum, at non evincunt fuisse sacerdotem *secundum ordinem Melchisedech*; quippe aliud ad figuræ rationem, aliud ad sacerdotii ritum, ordinemque requiritur. Sat est ad figuræ rationem, ut typi ac signa præcesserint; quare dicitur figura Christi Abel, dicitur Isaac, dicitur Moyses. At ad sacerdotii ritum & ordinem necessaria est similitudo etiam in re oblata, nec sufficit ratio figuræ; aliqui diceretur Christus sacerdos secundum ordinem Abel, secundum ordinem Isaac, secundum ordinem Moysis. Immo, ut in Paulum scribit Eftius, tametsi Christus in ara crucis obtulerit semetipsum Patri sacrificium cruentum, atque hoc præfiguratum fuerit in mactatione vivorum animalium; quia nulla in cruce est ritus similitudo cum immolatione pecudum, nemo jure affirmabit Christum esse sacerdotem *secundum ritum alienius sacerdotis præcedentis, qui pecudes immolaverit*. Nulla ergo ratio typi, nisi quæ sita est in rei oblatæ similitudine, constituit Christum sacerdotem *secundum ordinem Melchisedech*; & recte Tridentina Synodus Sess. xxii. cap. i. exponens Catholicam de sacrificio Missæ doctrinam ait de Christo: *Sacerdotem secundum ordinem Melchisedech se in æternum constitutum declarans, corpus, & sanguinem suum sub speciebus panis & vini Deo patri obtulit*.

Alterum argumentum ex traditione petitur: quod omnes Patres affirmant non solum Christum esse sacerdotem *secundum ordinem Melchisedech*, verum etiam in hujus oblatione, de qua Gen. xiv. 18. præfiguratum sacrificium Christi incruentum, unde apparet quam commentitia sit, quam fallax interpretatio hæreticorum autumnantium oblationem illam Melchisedechi fuisse civile epulum, profanamque comitatus Abrahami refectionem. At quid ex Græcis Patribus, ne proferamus omnes, Clemens Alex. Chrysostomus, Theodoritus? quid ex Latinis Cyprianus, Hieronymus, Augustinus? Clemens in iv. Strom. pag. editionis Morelli 539. *Melchisedec*, inquit, *rex Salem, sacerdos Dei altissimi, qui vinum & panem sanctificatum dedit nutrimentum in typum Eucharistia*. Chrysost. hom. xxxv. in Gen. pag. edit. Commel. 512. etiam in pane, ac vino a Melchisedeco oblati agnoscens figuram sacrificii nostri, ait: *Protulit, Melchisedec, panem & vinum. Videns typum cogita, oro, & veritatem, & admirare divinarum Scripturarum accuratam diligentiam, quomodo superioribus sæculis & ab initio futura præsignata sint*. Theodoritus To. i. p. 50. sive in Gen. Inter. 65. inquit de Melchisedeco, *Typum enim gerebat sacerdotii Domini*. Mitto Eusebium Cæsariensem, qui lib. v. de Demonstr. Evang. cap. 3. ait Melchisedecum nusquam aliis functum sacrificiis, nisi *solo vino, ac pane*, repræsentando corporis & sanguinis

guinis Chriſti myſteria : in quem locum nonnulla erudite Tournelius de Sacram. Euch. p. 339. ad literam exſcripta , uti alia ibidem , a Becano Tom. 11. Opuſc. x1. cap. 4. num. 5. uſque ad 10. nulla Becani mentione facta . Cyprianus epift. 63. ad Cæcilium hæc habet : *Quod autem Melchizedech typum Chriſti portaret , declarat in Pſalmis Spiritus ſanctus ex Perſona Patris ad Filium dicens , Ante Luciferum genui te : tu es ſacerdos in æternum ſecundum ordinem Melchizedech . Qui ordo utique hic eſt de ſacrificio illo veniens , & inde deſcendens , quod Melchizedech ſacerdos Dei ſummi fuit , quod panem & vinum obtulit , quod Abraham benedixit .* Hieronymus in Qq. hebraicis Tom. 11. pag. 528. hæc habet : *Quod autem ait , Tu es ſacerdos in æternum ſecundum ordinem Melchizedech , myſterium noſtrum in verbo Ordinis ſignificatur : nequaquam per Aaron irrationabilibus viſtimis immolandis ; ſed oblato pane & vino , ideſt , corpore & ſanguine Domini Jeſu .* Idem in Epift. xlii. ad Marcellam Tom. 1v. p. 547. *Recurrere ad Geneſim , inquit , & Melchizedec regem Salem hujus principem invenies civitatis : qui jam tum in typo Chriſti panem & vinum obtulit , & myſterium Chriſtianum in Salvatoris ſanguine & corpore dedicavit .* Demum S. P. Auguſtinus de Doctrina Chriſtiana lib. 1v. cap. xxi. num. 45. ait : *In Sacerdote Melchizedech Dominicum ſacramentum præfiguratum videmus ſecundum quod divina Scriptura teſtatur , & dicit , Es Melchizedech rex Salem protulit panem , & vinum , &c.* Et in Epift. 95. ad Innocentium aliorum quoque Episcoporum nomine data , nunc 177. num. 12. *Melchizedech prolato Sacramento menſa Dominica novit æternum ejus ſacerdotium figurare .* Atque lib. xvi. de Civit. Dei cap. 22. de Melchizedeco loquens , *Ibi quippe , ait , primum apparuit ſacrificium , quod nunc a Chriſtianis offertur Deo toto orbe terrarum . Quid ad hæc heterodoxi ? Num Melchizedec typum Chriſti geſſit tantummodo ob res principio hujus theſis commemoratas ? At Patres in oblatione panis & vini ab eo facta agnoſcunt typum Eucharistiæ , typum ordinis de ſacrificio illo venientis , typum menſæ Dominicæ , typum ſacrificii , quod nunc offertur toto orbe terrarum .* Manet itaque inconcuſſum , ideo Chriſtum dici ſacerdotem ſecundum ordinem Melchizedech , quoniam in oblatione panis & vini præfigurabatur Eucharistiæ .

Et quoniam hæretici profana eruditione tumidi , & hebraicæ linguæ peritia ſuperbientes firmiſſimæ Scripturarum ac Patrum auctoritati opponunt grammaticales quaſdam obſervationes paullo infra expendendas ; ſciant etiam Rabbinos in textu Geneſeos xiv. 18. ac præſertim in iis verbis , *Obtulit panem , & vinum* , percepisse aliquod magnum myſterium , & oblationem illam ſacram exiſtimasse , non civilem atque profanam . Nam Rab. Samuel Ben-Nahaman in illa verba inquit : *Erat enim ipſe Melchizedech ſacrificans panem & vinum .*

Rab. Moses Hadarfan, aliique tradunt Melchisedec obtulisse Abrahamo panes propositionis & vinum libaminum. R. Ben-Jahir ita exponit verbum *וַיִּבְרַח* *proculis*, *exire fecit*, hoc est, *Separavit a cessatione sacrificiorum sacrificium panis & vini*: & Rab. Johai pariter, *Tempore Messia omnia sacrificia deficient: sacrificium v. ro panis & vini nunquam deficiet*. Perlegat hæc eruditionis cupidus apud Galatinum lib. x. c. 5. Adeat & Joseph de Voisin de Lege Divina cap. 6. testimoniis Rabbinorum demonstrantem Melchisedecum in oblatione panis & vini designasse Abrahamo sacrificia & libamina, quæ oblaturus erat Messias, quod vir doctus probat ex Talmud Tract. *Nedarim* cap. 2. & ex Salomone Jarchi in caput xiv. Genesis. Addimus Commentaria Rab. David Kimchi in Osee caput xiv. 8. ab eodem Auctore producta, cap. 44. Ipsemet Koerberus §. 23. fatetur ex vetustissima traditione, cujus meminit Patricides, Melchisedechum nullum obtulisse sacrificium præter panem & vinum, nihil aliud reponens, quam labile esse firmatum traditione argumentum: portentosa alia hæreticorum doctrina in libro xxiii. pluribus refutata.

Suadetur demum propositio Theologica ratione. Hæretici quippe negant Christum appellari Pontificem secundum ordinem Melchisedechi ratione oblationis panis, & vini, quoniam hanc in Melchisedec nolunt fuisse actionem sacerdotalem. At nisi id afferatur, non est cur Melchisedechus sacerdotii Christi gesserit typum, cum alii characteres, nominis *justitiam*, & *pacem* exprimentis, regalis dignitatis, ac prætermissæ genealogiæ, nequeant sacerdotii munus ritumque signare: unde in quartodecimo Genesis ad monstrandum oblationem Melchisedechi non fuisse a Sacrificio disjunctam legitur, *At vero Melchisedech rex Salem proferens panem & vinum, (erat enim sacerdos Dei altissimi) &c.* quibus in verbis oblationi munus sacerdotale conjungitur. Additur ibidem Melchisedecum benedixisse Abrahamo, ab eoque e manubiis decimas accepisse: unde in vii. ad Hebræos ostendit Apostolus Melchisedecum in ratione sacerdotis fuisse Abrahamo superiorem. Atque hæc Melchisedechi præexcellencia non salvatur per solam regis auctoritatem, quoniam hæc ad constituendum sacerdotii ordinem indifferenter se habet, & etiam Abraham princeps erat, regumque victoriis onustus: non per vivorum animalium inactionem, quia hæc non distinguit sacerdotium Melchisedech a Levitico, & Abraham quoque eadem cruenta sacrificia immolavit, Gen. xv. 9. & xxii. 13. non denique per alios Melchisedechi characteres, quoniam hi personæ dignitatem, non sacerdotii ordinem præsignabant. Fuit ergo Melchisedech major Abrahamo, quantum ad sacerdotium attinet; spectata oblatione panis, & vini; in qua latebat mysteriorii Eucharistici Sacramentum. Quapropter Scripturarum auctoritate, testimoniis Patrum, atque Theologica ratione assertio nostra munitur.

CA.

C A P U T VIII.

Reſutantur hæreticorum objecta.

HÆRETICI verò nituntur oftendere nullatenus oblationem panis, & vini a Melchisedec factam, fuisse sacram & mysticam; quod primò evinci autumant ex textu hebraico: in quo Gen. xiv. 18. habetur de Melchisedeco *וַיֵּצֵא לֶחֶם וַיִּבְרַךְ*, *protulit*, sive, *exire fecit panem & vinum*. Habent pariter *protulit*, aut, *eduxit*, aut, *fecit exire*, Versiones reliquæ. Perperam autem hæc demonstrantia epuli exhibitionem ad significandam oblationem sacram detorquentur. Etiam Vulgata legit, *Proferens panem & vinum*, non, *offerens*, aut, *obtulit*. Præterea extat in Græco pronomen, quo demonstratur panem vinumque non Deo oblatum, sed Abrahamo, ideoque actionem fuisse civilem, non sacram: *ἐξήγαγε αὐτῷ ἄρτον & οἶνον*, habet versio LXX. idest, *protulit illi panes, ac vinum*. Deinde consuetum fuit, ut victoribus prostrato hoste e bello redeuntibus, magnique principis transeuntibus copiis finitimi reges aut obsequentis animi, aut fœderis, aut benevolentiae causa suppeditarent cibaria. Id ergo fecisse perhibetur Melchisedech: quod & Joseph historicus narrat, & asserit Damascenus, & Pontificii quidam Scriptores fatentur. Et Josephus quidem in 1. Antiq. cap. x. alias x1. ait: *Iste autem Melchisedec militibus Abrahæ iusta dedit hospitalia, iisque omnia ad usus vitæ necessarios abunde suppeditavit*. Damascenus lib. 1v. de Fide Orthodoxa cap. 14. inquit: *Abrahamum ex alienigenarum strage redeuntem summi Dei sacerdos Melchisedec pane ac vino excepit*. Cajetanus in Genesim p. 74. *Nihil*, inquit, *scribitur hic de sacrificio, seu oblatione, sed de prolatione, seu extractione: quam Josephus dicit factam ad reficiendum victores*. Etiam Gabriel Vasquez disp. 87. cap. 3. art. 6. ait: *Fatemur ingenue in nullo Codice Vulgato esse verbum, obtulit, aut participium offerens, quod sacrificare, aut sacrificantem denotat, sed protulit, aut proferens, quod significat idem, quod in medium educere, seu in medium educens*. Quibus Vasquesii verbis recitatis, exclamat gestiens Koerberus: *Videant hic Romanenses, quid ipsi suis in religione conviciantur respondeant*. Similia effutunt Tarnovius, Rungius, Rivetus, alique novatores. Ex textu itaque hæbraico, & Versionibus singulis, ex Josepho, ex Damasceno, ex ipsis Pontificiis Scriptoribus liquet oblationem Melchisedechi non fuisse sacram & mysticam, sed civilem, & qualem commemorat liber Judicum viii. 5. Polybius etiam l. 3. & Livius 31. idest, datam militibus annonam, & comineatum.

Respondent quamplures, non posse de exhibita annona, aut de epulo

epulo factō Abraham accipi laudata Genesis verba, quoniam legitur supra versu 11. Abrahami milites tulisse omnem substantiam Sodomorum, & universa, quæ ad cibum pertinent, & infra vers. 24. eosdem milites ex acceptis hostium prædis fuisse saturos. Addunt sacri libri scriptorem non prætermisurum pretiosiores cibos, si tantum de convivio factō Abrahæ sermonem instituisset. Responsio tamen nostra hæc est, Melchisedec cum esset summi Dei Sacerdos accepto victoriæ nuncio obviam processisse Abrahamo, oblatoque in gratiarum actionem sacrificio panis & vini, & de more sacrificii parte sacra-
ta Deo, Abramo ejusque pueris panem sacrum vinumque libaminum distribuisse. Id quippe affirmant Patres, qui tradunt porrectum Abrahamo *panem sanctificatum*, ut inquit Clemens Alexandrinus, sive *typum mensæ Dominicæ*, ut docent alii. Idem tradunt hebræorum Rabbini, qui scribunt Melchisedecum panem vinumque sacrificasse, & Abrahæ protulisse panes propositionis & vinum libaminum. Hoc idem confirmat ratio, quoniam Melchisedec venit in occursum Abrahæ, non ut sœderatus princeps ad exhibendum comneatum, sed ut sacerdos ad offerendum sacrificium in gratiarum actionem, atque ad benedicendum Abrahamo. Itaque ad hebraici textus auctoritatem fatemur hebraicum verbum הוציא, *Hotsi*, idem esse ac *exire fecit*, aut *exire faciens*, & recte in Vulgata reddi *proferens*, in aliis Versionibus, *protulit*, *extraxit*, *exire fecit*; quoniam ex urbe Sacerdos summi Dei *exire fecit* panes vinumque ad offerendum Deo sacrificium gratiarum actionis, & ad præbendum Abrahamo ejusque militibus nutrimentum, non de communi pane, sed de consecrato, typumque mensæ dominicæ præferente, quemadmodum tradunt Patres ipsique Rabbiorum doctissimi, qui nequeunt vim hebraicorum verborum ignorare. Et quidem verbum illud usurpari etiam ad significandam rem, quæ ad peragendum sacrificium profertur & asportatur, demonstrat doctissimus Bellarminus ex Judicium vi. 18. ubi legitur, *Portans sacrificium, & offerens tibi*, & habet Hebræorum textus, הוצאתי את־הקֹחֶה, *Exire faciens ad sacrificandum*. Quid, quod Rabbini in verbo הוציא arbitrantur designari separationem sacrificii panis, & vini a sacrificiis cruentarum victimarum, ut supra ostendimus? Neque possunt id hæretici refutare, quoniam nunquam e scripturis demonstrabunt Melchisedec hircos pecudesque mactasse. Prior ergo versutorum hominum argutatio hebraicis oculis fabricata, ineptissima est, atque ex Hebræorum Magistris in eos retorquetur. Nullus est pariter momenti quod petunt ex græca versione; primum, quia gratis dato inscriptum esse in hac Versione pronomen αὐτῷ, *illi*, manifestum est ex dictis *illi*, idest, Abrahamo exhibuisse Melchisedec *panem sanctificatum*: deinde asserimus Codices melioris notæ, Oxoniensem, Aldinum, Vaticanum, Waltonianum quoque, sicut & he-

& hebraicum, carere hoc pronomine . Quod sequitur de officiis ex vetusta consuetudine præstandis Regi a pugna redeunti , & de epulis , cibariisque a Iosepho narratis , id quoque a me ultro libenterque conceditur : sed nego Regem Salem , qui erat sacerdos Dei summi , qui obviam ierat Abrahamo ad ei benedicendum , qui sacerdotii Christi gerebat typum , præter consueta regum officia , non exhibuisse panem sanctificatum , ut postulabat ipsius sacerdotii excellentia , ut exigebat typus futurorum , ut tradiderunt Patres , ut agnoverunt Rabbin , ut asseruit in præf. Plicomachie Prudentius , ubi de Abrahamo cecinit :

Adhuc recentem cade de santa Virum

Donat Sacerdos ferculis caelestibus .

Etsi ergo Melchisedec alimenta dederit Abrahamo , copiisque ejus , ut inquit Iosephus , nec non R. Samuel in Bereseith Rabba , atque ut facere mos erat finitimis , factum hoc tamen sacrificio præcedente : quod etiam fatetur Grotius in Genesim productis verbis Philonis : *יְהוֹנָתָן יִזְרְאֵל , sacra fecit victoria causa* . Idem respondetur ad auctoritatem Damasceni , qui eo loci commendat Christi sacrificium sub speciebus panis & vini , ac post verba citata addit immediate : *Mensa illa mysticam hanc adumbrabat , quemadmodum & sacerdos ille veri Pontificis Christi figuram & imaginem præferebat* . Qui ergo talia objectant , aut putres fungos nos credunt , aut ipsi sunt ejuscemodi . Quod attinet ad Vasquesium & Cajetanum reponeret aliquis horum duorum non tanti faciendam esse auctoritatem ; sed postulat ratio æquitatis , ut castigetur improba hæreticorum arrogantia . Igitur Cajetanus in 111. P. D. Thomæ q. xx11. art. 6. hæc habet : *Cum Christus dicitur sacerdos secundum ordinem Melchisedec , intelligitur de ordine assimilationis in materia sacrificii : nam panem & vinum assumi instituit in suo memoriali sacrificio pro materia Eucharistia , sicut Melchisedec panem & vinum obtulerat in sacrificium* . Quid his exprefius ? quid magis communi Catholicorum sententiæ conveniens ? Igitur Cajetanus , quamvis Comment. in Gen. scribat verbum *proferens* suapte natura non denotare sacrificium , sed *extractionem* , nec non asserat in textu hebraico , non haberi particulam *Enim* , quæ in Vulgata subjicitur ut causa oblationis ; putat tamen sacrificium , oblationemque in pane , & vino peractam , priusquam fieret inter Abrami pueros distributio . At Gabriel Vasquez disput. lxxxvi. cap. 3. (ibi enim extant verba citata a Koerbero) ait , quod hebraicum verbum , quod respondet latino , *protulit* , etsi idem sit , ac *in medium eduxit* , prout circumstantia loci exigere videtur , *non quamcunque eductionem rei* denotat , sed *eductionem hostia , & victimæ ad immolandum* . Addit , gratis dato quod hebraicum verbum significet tantum *proferre* , Melchisedec prius Domino obtulit panem & vinum , postea oblata Domino protulit Abraham , ut ei benediceret . Concludit porrectum

exerc-

exercitui Abraham panem *oblatum*, vinumque libaminum, *non commune*. Stet suo loco veritas. Nil istic Vasquesius habet non orthodoxum, non libratum, non rectum: ejusque lucubratio ambiguum quorundam interpretationem complanat. His ergo quid respondeant Romanenses quæritant Fractarii? Responsum est: definant gessere, & obmutescant.

At enim reponunt hæretici: Abierunt in eam sententiam Papicollæ, quod in ipsorum Vulgata extet, *Erat enim sacerdos Dei altissimi*, apposita particula *enim* causam sacræ oblationis exprimente. Verum id ineptum est supra quam dici possit. Primo enim habet Hebraicus textus, והוא כהן לאל עליון, *Et ipse sacerdos Deo excelsio*: non particula *causali* posita, sed *copulativa*. Deinde incertum est, num hæc verba ad Melchisedecum, num ad Abrahamum sint referenda. Præterea כהן non semper sacerdotem significat; nam filii David 11. Regum v 11. 18. dicuntur כהנים, *sacerdotes*, quo in loco *sacerdos*, principem, non ministrum sacrum designat. Disspellitur ergo multiplici ex capite Pontificiorum commentatio.

Resp. Theologorum, quos deridendi gratia vocant *Papicolas*, illi autem hoc nomine se cohonestari gloriantur, incorruptam hoc loco esse & immaculatam Versionem. Enim vero, num sunt hæretici in hebræorum dialectis peritiores Hieronymo, qui particulam *Ve* reddidit *enim*? Num doctiores Rab. Samuele Ben-Nahaman, qui legit, *Erat enim ipse Melchisedech sacrificans panem & vinum*, notans vim participii eadem observatione, quam in Maldonato tanquam a *Papista* confictam risu Novatores excipiunt? Num Rabbini Ben-Jahir, & Johai tradent hebrææ grammatices præceptiones? Ecur non eradunt ex priori Volumine Bibliorum Waltoni pag. 54. interpretationem textus Samaritici, *Protulit panem & vinum. Quia ipse erat sacerdos Deo Altissimo*? Negamus ergo particulam *Ve* non recte reddi per *Enim*; quemadmodum Genes. xx. 3. ea verba, *Et habet virum*, Gen. xxx. 27. *Et benedixit mihi Deus*, Isaïæ lxiv. 5. *Ecce tu iratus es, & peccavimus*, recte verti, *Habet enim virum: Quia benedixit mihi: Quoniam peccavimus*, nemo unus hæreticorum negabit. Gratis etiam dato legendum esse, *Et erat sacerdos Deo altissimo*; petimus, quare commemorata oblatione *panis & vini*, Sacerdotalis muneris fiat mentio. Non quidem ad commonstrandam tantummodo Melchisedech dignitatem, nam ita Sacerdotii character cum Regia dignitate jungendus erat, legendumque, *Melchisedech Rex Salem, & sacerdos Deo excelsio*: non ad innuendum, cur Melchisedech benedixit Abramo; sic enim Sacerdotii nota ponenda erat in illo periodi comate, *Et benedixit ei*, non jungenda præcedenti, *Exire fecit panem & vinum, & ipse sacerdos Deo excelsio*; post quæ verba tam Hebraicus codex, quam Onkelos habet *soph pasueh*, periodi membra dispiciens.

pefcens . Siye itaque accipiatnr particula *Ve* pro caufali *Enim*, five pro copulativa *Et*, fiat immobilis Romanenfium Theologorum interpretatio . Vocabulum autem *Coen* referendum ad Abram, neque hæretici dicunt, nifi obtufioris ingenii, & craffioris Minervæ: quippe violenta hac interpretatione admiſſa, fequeretur ea, quæ poſtea de hoc ſacerdote narrantur, eſſe Abramo, non Melchifedecho adſcribenda . Atque ita Abramus benedixiſſet Melchifedecho, & ab ipſo excepiſſet decimas, non è contra: quod repugnat Paulinæ ad Hebræos epiſtolæ, libroque Geneſeos . Poſtrema obiectio eſt caſſa nuce deterior, כֹּהֵן quippe nonniſi perraro denotat virum principem, neque ſine aperta cauſa debemus propriam ſignificationem abjicere: ideoque omnes hoc loco *ſacrum miniſtrum* intelligunt, ſancti Patres, Judæi, Catholici, hæreticorum quoque præcipui, Munſterus, Druſius, Tremellius, Junius, Piſcator . Deinde Melchifedech non ſolum appellatur *ſacerdos*, verum etiam *ſacerdos Dei altiffimi*; quis autem *princeps ſummi Dei* fingi poteſt? Tandem dignitas viri principis expreſſa ſatis fuerat præmiſſis verbis, *Rex Salem* . Non ergo Melchifedech appellatus eſt *ſacerdos*, ut filii David, hoc dignati nomine, quia *primi erant ad manus Regis*, 1. Paralip. xviii. 17. ideoque in Græca verſione 11. Regum viii. non *Sacerdotes* appellantur, ſed *ἀρχαὶ*, *aula principes*: & hebraice dicuntur כֹּהֲנֵי *ſacerdotes*, ſpectata ampliori ſignificatione verbi כֹּהֵן, ideſt, *κλῆρυξ*, *miniſtrare* . Præcedens igitur hæreticorum obiectio ſic a nobis ſit refutata .

Inſuper opponunt Apoſtolum ad Hebræos omnes Sacerdotii Chriſti characteres in Melchifedecho præſignatos enumerare, & Chriſti Sacerdotium præferre Levitico, ex quo illud maneat in æternum, ex quo Melchifedecho decimas dederit Abraham patriarcha, ex quo ille huic benedixerit, ex quo denique illius ſacerdotalis unctio facta non fuerit ſecundum legem mandati carnalis . Inter quæ penitus prætermittit *panis vinique* oblationem . Iſtam ergo ad Sacerdotium Melchifedechi ſpectaſſe perperam autumant Pontificii . Addunt hæretici nos in Menſa Dominica ideo ſacrificium adſtruere, quoniam panis & vini immutationem in Chriſti corpus & ſanguinem proſitemur, priſcis duntaxat manentibus *ſpeciebus*, percipientes nullum ſacrificium dari abſque oblata rei mutatione . At nullam in oblatione facta a Melchifedeco rerum oblatarum immutationem inveniemus: ideoque non habet oblatio iſta rationem ſacrificii; idque animadvertens Apoſtoloſ, oblationem iſpſam alto præteriit ſilentio . Immo iſtiusmodi oblatio nequit diſcernere ſacrificium Melchifedecianum ab Aaronico, quoniam & filii Aaron panem vinumque offerebant . Fruſtra itaque Romanenſes opinantur in præſata oblatione latere myſteria .

Reſpondemus iſpſum Apoſtoli ſcopum, cui exponendo tota hæreticorum machinatio incumbit ut veritatem labefactare perſtentent, *Tò. V.* X x faci-

facile priorem argumentationem elidere, quamquam eum solo nitatur Pauli silentio, nihil habet, juxta Dialecticos, firmitudinis. Studet itaque Apostolus hebræorum animos a sacrificiis Aaronicis, quæ magno adhuc habebant in pretio, novi sacerdotii excellentiam ex typo Melchisedeci exponens, penitus remove. Profecto in Melchisedech præfigurata est sacerdotii Christi *excellencia* in perpetua duratione, in decimatione Levitarum, & in unctione spirituali ac virtute indissolubilis vitæ: & præsignatus est *ordo*, ritusque sacerdotii in similitudine rerum oblatarum, videlicet panis & vini. Cum ergo non agat Paulus de Sacerdotii *ordine*, sed tantum de *præexcellencia*, commemorat cetera, quibus Melchisedech gessit typum, & figuram Christi, ejusque sacerdotii dignitatem expressit; præteritque silentio similitudinem rei oblatæ, in qua proprie situs est sacerdotii ritus & ordo; eo vel maxime, quod hæc oblatio, (si tantum panis vinumque spectetur,) non videatur præstantior vivorum animalium mactatione, & ipsi Levitæ quandoque panes ac libamina obtulerint. Hac de causa Apostolus ejusmodi oblationem prætermittit: præmonens tamen alia in Melchisedecho latere mysteria, quæ captum ipsorum Judæorum adhuc cruentis victimis addictorum superabant, idest, Corporis, & sanguinis Domini sub speciebus panis vini que præsentiam: quare cap. v. 11. ait: *De quo nobis grandis sermo, & ininterpretabilis ad dicendum; quoniam imbecilles facti estis ad audiendum: & versu proximo, Facti estis, quibus lacte opus sit, non solido cibo.* Quod sequitur breviter expeditur; panis enim immutari poterat in sacrificio Melchisedech coctione facta in clibano, ut Levitici 11. 4. Vinum pariter conspersione, vel effusione, vel ratione alia ritus Melchisedec propria. Proximo quoque argumento hæc brevissime retulerim: Differt in oblatione panis, & vini sacerdotium Melchisedec a Levitico: quia ille in pane tantum ac vino sacrificium obtulit, non in cæsis hostiis, hircisque mactatis; at Levitæ sacrificarunt potissimum animalia, eaque immolarunt unà *cum libationibus*, ut liquet ex cap. xxix. Exodi, & xxviii. Numerorum: ideoque in sacrificio Aaronico oblatio panis & vini non fuit sola, non præcipua, non propria.

Tandem hoc hæretici afferunt: Si a similitudine rei oblatæ desumendus sit *ordo* sacerdotii, Christus sacerdos secundum ordinem Aaron, non secundum ordinem Melchisedech dicendus erit. Præcipuum enim sacrificium Christi, imo unicum, fuit sacrificium cruentum crucis: at cruenta sacrificia nunquam Melchisedech fertur immolasse, quemadmodum præstiterunt Levitæ.

Verum hoc ipso argumento in hæreticos invehimur: quippe, etiamsi sacrificium cruentum Christi præsignatum fuerit in victimarum mactatione; quoniam non eadem est res oblata super altare Le-

vita-

uitarum , & in ara crucis , neque spectata rei oblatæ substantia , neque specie ac similitudine , nequit appellari Christus sacerdos secundum ordinem Aaron . Igitur etiam si præfiguratus fuerit in Melchisedech ob rationes complures : nisi obtulit sacrificium simile in re oblatæ sacrificio Melchisedechi , appellari non potest *sacerdos secundum ordinem Melchisedech* . Quare abunde objectioni satisfactum est in priori thesi demonstratione . Non diffiteor tamen plura ob stare , ne Christus dicatur sacerdos secundum ordinem Aaron , præsertim quod non fuerit ex tribu Levi , quod institutus non fuerit sacerdos secundum mandatum legis , quod sacrificium crucis non fuerit typus futurorum , sed antitypus veterum , quod semel fuerit oblatum omnemque consummaverit expiationem . Ob quam rem non abjiciendum sacrificium Missæ quotidie oblatum in passionis Christi memoriam , ipsiusque applicationem , alibi demonstrabimus . Addimus responsum S. Thom. q. xxii. art. 6. ad 2. etiam participationem sacrificii Crucis ejusque effectuum , *in quo præcipue attenditur excellentia Sacerdotii Christi* , expressius fuisse præfiguratum in Sacerdotio Melchisedech ; etiam si oblatio Crucis cum effusione sanguinis magis fuerit expressa in sacerdotio Levitico : propterea quod panis & vinum significant Ecclesiæ , ejusque membrorum unitatem , ut inquit S. P. Augustinus in Psalm. cxlvii. num. 25. & Tract. xxvii. in Joan. num. 13. & habetur in cap. *Quia passus* , de Consecrat. dist. 2.

A P P E N D I X .

Nulla modo propugnari potest sententia eorum , qui Christum sacerdotem Leviticum dixerunt ex Pseudohistoria , quam narrat Suidas Tom. 1. pag. 1229. Jesum in sacerdotum numerum , cum adhuc esset adolescens , cooptatum , & repugnantes sacerdotes aliquos , eo quod genus duceret ex tribu Juda , acquievisse ubi compertum fuit genus ejus fuisse mixtum . Fabulosa enim historia illa est , meritoque ab omnibus refutata , cum constet Dominum Jesum fuisse ex semine David , atque ex tribu Juda ; quod evidentissime inferitur ex Psalmo cxxxii. 11. Luc. 1. 32. Joan. vii. 42. Act. xiii. 23. ad Rom. 1. 3. & Apocalypsi xxi. 16. Manifestum quoque est sacerdotes in veteri lege fuisse ex sola tribu Levi , nulla femineæ lineæ ratione habita . Vide Exodi xxi. 9. 44. Levit. vii. 2. 11. Paralip. vii. 14. & ad Hebræos vii. 14. His non repugnat quod habetur Lucæ iv. 16. Jesum in die sabbati legisse in Synagoga , & explicasse Isaiam Prophetam : aut quod ejecerit de Templo ementes & vendentes , Matt. xxi. 12. , & Joan. ii. 14. Legere enim in Synagoga , & habere sermonem exhortationis ad plebem , non erat munus tantummodo sacerdotum , cum idem fecerit Paulus de Tribu Benjamin Act. xiii. 16. unde quod

Augustinus scribit lib. 1. de Peccat. Meritis cap. xxv. 1. num. 54. Christum *lectoris etiam functum officio in Synagoga*, nullius sacri ministri innuit ordinem; maxime quod ibidem ait Lucas traditum illi librum, & ab ipso redditum sacris ministris: *Et cum plicuisset librum, reddidit ministro*. Ejecit vero è templo vendentes & ementes permotus zelo domus Dei, divinaque præditus potestate, non ex æditui officio; ideoque Judæi dicebant, *Quod signum ostendis nobis, quia hæc facis?*

Falsum præterea est a Davide duos prodiisse stipites, regium unum per Salomonem, sacerdotalem alium per Nathan; quorum unum describat Matthæus, Lucas alterum. Propugnant hanc opinionem Torniellus ad annum M. 405 1. num. 15. & 16. quia Nathan fuit filius Davidis non natura, sed adoptione, atque sacerdos, ut liquet ex 11. Regum cap. viii. genitus enim fuerat ab Uria Bethsabæe marito de Tribu Levi. Addit hanc esse S. P. Augustini mentem quæst. 61. ex lxxxiii. ubi ait Nathan progenitorem Josephi, (de quo Lucas) fuisse Nathan prophetam, *cujus correptione David peccati abolitionem, penitendo impetravit*. Similia tradit S. P. lib. 11. de Consensu Evang. cap. 3. Alii etiam Patres, Ambrosius præsertim in Lucam, Hilarius can. 1. in Matth. & Gregorius Nazianzenus in Carmine de Christi Genealogia eundem ex utraque tribu progenitum asserunt. Accedit in hujus sententiæ confirmationem, quod Maria cognata erat *Elisabeth de filiabus Aaron*, ex Lucæ 1. 5. cumque lege Numerorum xxxv. 1. 7. cunctæ feminae nubere possent tantum suæ tribus hominibus, inferitur Mariam Virginem & Elisabetham fuisse de eadem cognatione ac tribu, idest, Levi.

Hæc tamen sententiaprehenditur falsa ex dictis pag. 103. & seq. neque firmo ullo momento fulcitur. Enimvero Nathan, per quem Lucas texit Salvatoris genealogiam, fuit filius Davidis generatione, non adoptione, ut liquet ex 1. Regum cap. v. 14. & 1. Paralip. cap. 11. 5. licet procreatus ex Bethsabæe uxore Uriæ. Imo, etiamsi fuisset a Davide adoptatus, non diceretur de tribu Levi; falso enim supponitur Uriam virum Bethsabæe ad hanc pertinuisse tribum, cum fuerit Hethæus genere; 2. Regum xi. 3. longe diversæ cognationis ab Uriâ Pontifice, de quo 1v. Reg. xvi. 16. Hethæi quippe terram promissionis circa Hebron incolebant, quæ regio cesserat tribui Juda. Quo autem sensu filii David 11. Regum vii. 1. appellati sunt sacerdotes, paullo supra explicavi. Flaccescit igitur ex hoc capite Tornielli opinatio. Nulla etiam firmitatem habet in auctoritate Augustini, qui lib. 11. Retract. cap. 7. & 16. priorem sententiam deposuit distinguens Nathan filium David a Nathan propheta, nullamque adoptionem agnoscens in Eli patre, secundum Lucam, Sponsi Virginis, nisi juxta legem Deuteronomii xxv. 5. ut diximus disputantes de Christi genealogia. Alii vero Patres ambarum Tribuum, Regiæ & Levi-

Leviticæ permixtionem agnoſcunt ratione connubiorum; quod ſcilicet Sacerdotes in uxores acciperent etiam filias Juda, & viciffim viri Juda ſæpenumero filias Aaron: nam liquet ex Juda ortum Dominum Jeſum, & ex hac Tribu neminem connumeratum inter Levitas. Legitote Epistolæ ad Hebræos caput vii. Hæc, quæ de Levitarum connubiis dixi, diluunt objectionem poſtremam: Maria enim potuit eſſe cognata Eliſabeth, tametſi hæc eſſet *de filiabus Aaron*, ex qua tribu fuit etiam Virginis mater, aut Avia: quamquam Ambroſius lib. i. i. in Lucam num. 5. tradat Eliſabeth fuiſſe *de tribu Juda*, & hac ratione cognatam Deiparæ. Nec repugnat aſſertioni noſtræ allata lex Numerorum, quæ ſpectat tantum ad filias paternorum bonorum hæredes. Id probatur primò ex præcedenti cap. xxv. i. 3. ejusdem libri Numerorum, ubi hæc lex dicitur ſuper filias Salphaad a Domino promulgata: quarum filiarum pater *non habuit mares filios*. Deinde cap. xxxv. i. 8. exprimitur finis ejusdem legis, ideſt, *Ut hæreditas permaneat in familiis*; quo fine ceſſante, ceſſat lex ipſa. Conſtat præterea Davidem uxorem duxiſſe Michol filiam Saul ex Tribu Benjamin, Booz Ruth Moabitidem, & e contra Joſadam Sacerdotem Joſabeth fororem regis Ochoziæ. Vide lib. i. Regum xviii. 27. Ruth iv. 10. & ii. Paralip. xxii. ii. Tandem ubi Vulgata noſtra Num. xxxvi. legit, *Et cuncta femina*, extat in hebraico Codice, וְכָל־בְּתוּלָתָא וְיִרְשָׁתָא, *Et omnis filia hæreditans hæreditatem*: Græcus *καὶ πάντα θύγατερ ἀρχαιούσα κληρονομία*, *Et omnis filia vindicans ſibi hæreditatem*: ac ſimiliter Onkelos, Samaritanus, Arabicus in Polyglottis Walt. Tom. II. pag. 710. Nec tamen id ſuccenſendum Vulgatæ, cum hæc præcitatis verbis, *Ut hæreditas permaneat in familiis*, eundem ſenſum abſque ulla ambiguitate præſeferat.

C A P U T IX.

De aliis titulis, qui Salvatori noſtro conveniunt.

QUEMADMODUM in Melchizedeco prænuntiatum fuerat Chriſti Sacerdotium, ita in Davide, qui reprobo Saule conſtitutus fuit Rex Iſrael, præfiguratum novum Chriſti regnum, ſcite docet in duodecimo libro contra Fauſtum cap. 33. S. P. Auguſtinus. Itaque poſt Chriſti Sacerdotium, de Regno diſſerendum nobis eſt, brevi tamen, cum plura de hoc argumento dicta ſint lib. xx. cap. 16. prop. 4. & 5. Regem itaque eſſe Dominum noſtrum Jeſum Chriſtum, extra omnem dubitationem poſitum eſt, commonſtrantque textus divinarum Scripturarum locupletiffimi. Legitur enim Pf. ii. 6. *Ego autem conſtitutus ſum Rex ab eo ſuper Sion montem ſanctum ejus*, & verſ. 8. *Dabo*

Dabo tibi gentes hereditatem tuam. Ps. lxxi. 8. *Et dominabitur a mari usque ad mare.* Zach. xi. 9. *Ecce Rex tuus venit tibi iustus & Salvator.* Lucæ i. 32. *Regnabit in domo Jacob in æternum.* Idem. testati sunt profecti ex Oriente Magi, & percontantes Mat. II. 2. *Ubi est, qui natus est rex Judæorum?* Idem asseruit Salvator ipse respondens Pilato illum interroganti xviii. 17. *an rex esset, Tu dicis, quia Rex sum ego.* Idem confirmat causa mortis ejus inscripta cruci, Mat. xxviii. 37. *Hic est Jesus rex Judæorum.* De hoc itaque nulla est inter Theologos controversia.

Fatentur quoque omnes Christum spirituale regnum habere, ac temporale, si habuit, intentum sublimiori operæ Redemptionis novisse exercere: non enim rex fuit *ad exigendum tributum, vel exercitum ferro armandum, hostesque visibiliter debellandos, sed rex Israel est, quod mentes regat, quod in æternum consulat, quod in regnum caloram credentes, amantesque perducatur;* inquit S. P. Tract. xi. In Joan. num. 4. At temporale regnum Christo complures denegant, aut, si dominium aliquod ei tribuunt in Reges terræ, nonnisi illud indirectum putant, & quatenus ad finem supernaturalem conducit, ipsius scilicet regni spiritualis consecutionem. Negant vero omnimode temporale Christi regnum Magdeburgenses, Molinæus, Jandunus, Marsilius Patavinus, alique apud Capisuccum controversia xix. necnon L'Herminier tom. iiii. p. 392. Tournely q. xii. pag. 394. Juenin dissert. vi. q. 9. Indirecte tantum regiam dignitatem Christo in temporalibus tribuunt Bannesius, Sotus, Bellarminus, alique.

Horum argumenta sunt partim e Scripturis, partim ex Patribus, partim ex ratione deprompta. Enimvero ex Scripturis liquet regnum Christi esse spirituale & æternum; dominium autem temporale ipsum Christum abjecisse, dum descriptus est inter Augusti subditos, Lucæ ii. 1. dum noluit arbiter sedere inter fratres litigantes, Lucæ xii. 14. dum fugit in montem ne raperetur ad thronum, Joan. vi. 15. dum Pilato confessus est, regnum suum non esse de hoc mundo Joan. xviii. 36. Deinde ex Patribus idem videtur evinci, scribente Ambrosio lib. 3. in Lucam, *Regnum ejus non erat in hoc seculo, supra sæculum erat:* Hieronymo in cap. 22. Jerem. *Regnum ejus non erat terrenum, sed perpetuum atque caeleste:* Augustino Tract. cxv. in Joannem num. 3. *Neque regem talem se esse fatetur, cujus regnum putetur esse de hoc mundo;* & lib. xvii. de Civ. Dei cap. 7. asserente regnare Christum, *non carnaliter, sed spiritualiter:* Magno demum Gregorio hom. viii. in Evangelia, *Quasi in alieno nascebatur.* His accedit multiplex ratio: ac prima, quoniam regia dignitas ad redemptionis finem erat omnino supervacanea: altera, quod Nicolaus III. cap. *Exiit*, definivit Christum verbo & exemplo docuisse religiosam paupertatem, quæ dominio caret omni: postrema ac præcipua:

pua ; quia non erat Rex Judæorum , neque gentium ceterarum ; cum talis non fuerit hæreditaria ſucceſſione , neque electione populi , neque jure belli , neque dono Patris , a quo Filio conceſſum fuit regnum duntaxat ſpirituale .

Aſſerimus nihilominus , Dominum Jeſum Chriſtum , quantum ad poteſtatem , & juſ regni ſpectat , fuiſſe tam ſpirituſalis , quam temporalis regni pleniffima præditum auctoritate , etiamſi hanc exercere noluerit , eamque ſinat ſæcularibus princeipibus demandari ; quemadmodum corporalia officia ſpirituſalis anima committit miniſterio membrorum , prout explicavi laudato libro viceſimo . Et revera ſe tanquam regem a ſolvendo cenſu immunem declaravit , Mat. xv 11. 24. omnemque poteſtatem ſibi a Patre traditam affirmavit , ejufdem Matth. cap. ult. 18. quæ tam univerſaliter enuntiata , fruſtra ad ſolum ſpirituale regimen coarctantur . Hujus autem generis plura in Scripturis occurrunt , ut Pf. viii. 7. *Omnia ſubjeciſti ſub pedibus ejus* : Act. x. 36. *Hic eſt omnium Dominus* : Apoc. 1. 5. *Princeps regum terræ* , & xix. 16. *Rex regum , & Dominus dominantium* . Imo , ut alibi oſtendimus , ex ipſumet conditione regni ſpirituſalis conſequitur poteſtas in temporalia ; quoniam ille , ad quem pertinet finis , debet etiam diſponere de iis , quæ ſunt ad finem : unde agebat Bonifacius Papa in Extravaganti , *Unam ſanctam . Oportet gladium eſſe ſub gladio , & poteſtatem temporalem ſpirituſali ſubjici poteſtati* . Ex quo itaque Chriſto ſpirituale competat regnum , ei omnis poteſtas etiam temporalis ſubjici debet : quæ cum ſit a Deo , ex Apoſtolo ad Rom. x 11. 1. debet eſſe *ordinata* , atque ad ſpirituale regnum referri , tanquam medium ad finem . Quapropter & Chriſtus ſe regem orbis terrarum oſtendit excipiendo gentium munera , regiamque urbem ingrediendo tanquam rex Iſrael , univerſo populo plaudente . Sed vide quæ diximus citato cap. xx. necnon Auguſtinum Triumphum de poteſt. Papæ , & Petrum de Aragon 2. 2. q. 67. art. 1. ne commemorem ceteros , Roſſenſem , Almaynum , Cardinalem de Lugo , alioſque apud Caſiſuccum .

Corrunt verò argumenta quæque in contrarium , ſi animadvertatur unde regia poteſtas Chriſti ſit derivata , & cur noluerit in terris degens illam immediate exercere . Veriſſimum eſt ergo , quod non eſt Chriſtus totius orbis monarcha jure ſucceſſionis hæreditariæ , cum ſit ex ſemine ac poſteritate Davidis , nullum juſ habentis in regna exterorum : imo nec videtur ratione carnalis generationis habuiſſe juſ in regnum Judæorum ; cum virgo Maria eſſet quidem ex genere Davidis , ſed non illius familiæ , in qua ſceptrum erat , abſque regni ſucceſſione a Jechonia ad Chriſtum uſque productæ ; quamquam ex hoc capite , & præſertim ex quo Meſſias eſſet , propugnari poſſit juſ ad ſceptrum Judæorum ipſi Meſſiæ repromiſſum . Neque Chriſtus regiam

giam dignitatem obtinuit electione populorum; quippe nunquam ei populus universus, tanquam regi acclamavit, semper Phariseorum, Scribarumque factione repugnante: & in Prætorio multitudo protestata est se nullum alium regem habere præter Cæsarem: ac multominus jus sceptri acquisivit vi armorum, ac potestate terrena. Cum itaque natura humana ad tam arctam cum Deo Verbo unionem assumpta est, ut fieret eadem cum ipso persona; factus est Christus filius Dei naturalis, omnium Dominus, eique universa in cælo, & in terra subiecta sunt, quocunque titulo servitutis, ac dependentiæ. Neque dicas tantam ei dignitatem non convenire, in quantum homo est: nam in quantum homo, si est naturalis Dei filius, eademque cum Deo Verbo persona, debet habere absolutam plenissimamque potestatem; ideoque præcitato cap. xix. Apocalypsis speciosus ille titulus, *Rex regum & Dominus dominantium*, dicitur scriptus, *in vestimento & in femore*, quæ sunt hominis notæ. Cumque Christus hinc omnem habeat potestatem ac principatum, & pro humani generis redemptione seipsum exinanierit *formam servi accipiens*, ut nos ad cæleste regnum eveheret; recte ait regnum suum non esse *de hoc mundo*, quia neque istud obtinuit generatione carnali, neque in isto vim armorum & insignia principatus ostendat, neque ab istius administratione terrenos homines suo fungentes munere arcet.

Ad argumenta itaque ex Scripturis petita rectè alibi responsum est in Christo fuisse dignitatem regiam *quantum ad potestatem*, non quantum *ad potestatis exercitationem*, ut etiam inquit 3. p. q. 59. art. 4. S. Thomas: noluisse autem hanc potestatem in omnibus exercere, quia divinis intendens humana commisit hominibus; noluisse regni sceptrum a populo accipere, quoniam illud habet divinitus; atque regnum suum non esse *de hoc mundo*, quoniam neque a mundo regiam auctoritatem nactus est, neque hanc in mundo exercuit armorum violentia, subditorum censu, ac terrenæ majestatis ostentatione. Eadem responsio adhibenda est testimoniis Patrum asserentium Christi regnum esse spirituale ac æternum, spectata regis potestatis origine, neglecto rerum temporalium regimine, & considerato beatitudinis fine. Diluuntur eodem pacto argumenta a ratione: etenim ad redemptionis opus perficiendum congruebat *non exercere* regiam potestatem; & majus erat meritum Christi regis ornari spinea corona, quam diademate: major gloria adorari in cruce, quam in throno: major virtus domare orbem doctrina, quam armis. Verbo pariter & exemplo commendavit religiosam paupertatem reclinatus in præsepio, ac derelictus in cruce, abiciens quicquid sibi met jure poterat vindicare actualis dominatus, regalivæ magnificentiæ, quamvis esset Rex regum, & Dominus dominantium: quam dignitatem, quia non poterat refutare quantum ad potestatem attinet, eo quod sit a Filio

Filio Dei inſeparabilis , noluit in temporalibus immediate exercere parvipendens quicquid poteſt ceterorum hominum allicere cupiditatem , ideſt , temporalium bonorum adminiſtrationem , copiam , dominiumque omne ex jure ſanguinis , cognationis , & hæreditatis exortum . Atque ad rationem poſtream , ex dictis liquet regiam Chriſti dignitatem proſectam ex *hypoſtica* unione , ex regni ſpiritalis in temporale dirigendum auctoritate , ex dono etiam Patris , quatenus natura humana nullis præcedentibus meritis prædeſtinata fuit , ut eſſet cum Filio Dei , qui eſt princeps regum , per quem reges regnant , & cui ſubjecta ſunt omnia , una eademque perſona .

Ex quo Chriſtus , etiam ſpectat natura humana prout in perſona Verbi ſubiſtit , omnem habeat poteſtatem in cælo , & in terra , conſequitur eſſe Caput hominum & Angelorum : ut affirmat Apoſtolus ſcribens ad Ephēſ. 1. *Et ipſum dedit caput ſuper omnem Eccleſiam* , etiam *Angelorum* , ut inquit in hunc locum Hieronymus , & S. P. Aug. conc. 3. in Pſalm. xxxv. 1. n. 4. Quod ut melius percipiatur , tria ad rationem Capitis requiri communis ſententia eſt , præminentiam , unionem cum membris , & vitalem , ut inquirunt , influxum . Atque de præminentia nullum oriri poteſt dubium , ſcribente ibidem Apoſtolo Chriſtum conſtitutum a Patre *ſupra omnem principatum , & poteſtatem , & virtutem , dominationem , & omne nomen , quod nominatur non ſolum in hoc ſæculo , ſed etiam in futuro* . Similiter de unione capitis membrorumque nullam arbitror inſtituendam quæſtionem , cum etiam Angeli ad cæleſtem Jeruſalem pertineant , cum qua Eccleſia militans vinculo caritatis eſt conjuncta , & ad hoc divinum Verbum carnem aſſumpſerit , ut numero civium ſuorum non fraudaretur ſuperna civitas . Quare S. Pater laudato ſermone 3. in Pſalmum xxxv. 1. exponens verba Apoſtoli 1. ad Corinth. x. 17. *Vos autem eſtis corpus Chriſti , & membra de membro* , inquit : *Caput noſtrum Chriſtus eſt ; corpus capitis illius nos ſumus . Numquid ſoli nos , & non etiam illi qui fuerunt ante nos ? Omnes qui ab initio ſæculi fuerunt juſti , caput Chriſtum habent . Illam enim venturum eſſe crediderunt , quem nos veniſſe jam credimas ; & in ejus fide & ipſi ſanati ſunt , in cujus & nos : ut eſſet & ipſe totius Caput civitatis Jeruſalem , omnibus connumeratis fidelibus ab initio uſque in finem , adjunctis etiam legionibus & exercitiis Angelorum , ut fiat illa una civitas ſub uno rege , & una quædam provincia ſub uno imperatore , felix in perpetua pace & ſalute , laudans Deum ſine fine .*

Quantum vero ſpectat ad gratiarum influxum , ex hac eadem auctoritate conſtat eſſe Chriſtum caput prædeſtinatorum omnium hominum , necnon fidelium etiam reproborum , qui fidem , gratiamque Chriſti participant ; quamquam hi ſint corporis Chriſti membra aliquando abſcindenda , non defectu capitis , ſed membrorum ipſorum .

sanie ac putredine, voluntaria scilicet culpa, atque impenitentia finali. Ampliori quoque sensu est Caput viatorum omnium degentium extra corpus Ecclesiæ, in quantum pro his quoque Ecclesiam ipsam, fontesque gratiarum aperuit, his sæpenumero gratiarum beneficia impertitur, ac neminem, quantum in se est, a compagine membrorum suorum abscindit. Id enim suscepta communis causa humani generis postulat, completumque munus Redemptoris univerforum. Verum an sit etiam inspecto hoc gratiarum influxu Caput Angelorum sanctorum, disputant in utramque partem Scholastici.

Et quidam putant ex Christi merito omnia prorsus in Angelos gratiæ & gloriæ munera derivasse, ut Catharinus, Viguerius, Albertus, eo quod Apostolus scribat citato cap. 1. ad Eph. vers. 9. *omnia in Christo* instaurata, *quæ in calis*, & *quæ in terra sunt*, familia tradentibus Patribus productis a Vasquesio disp. xli. cap. 1. Videntur in eandem sententiam conspirare, qui arbitrantur ex gratia Christi fuisse sanctorum Angelorum perseverantiam: quod nituntur comprobare testimoniis Augustini lib. 1. de consensu Evangelistarum cap. 35. Fulg. lib. 2. ad Trasimund. cap. 3. Gregorii Papæ in Ps. 18. & Bern. serm. 22. in Cantic. quorum verba affert Petavius lib. xii. de Incarnat. cap. 10. num. 7. Alii tamen negant ex meritis Christi derivasse aut gratiam, aut perseverantiam finalem, aut gloriam Angelorum *essentialem*; nam *accidentalem*, quæ oritur ex instauratis ipsorum ruinis, ex confortio beatorum, ex gloriosa Christi Domini exaltatione nemo est qui deneget singulari merito Redemptoris. Atque hanc sententiam propugnat major Scholasticorum pars apud laudatum Vasquesium, cap. 2. ejusdem disputationis: in eamque nos consentire debemus, qui libro iv. cap. 9. & lib. vi. cap. 6. statuimus sanctos Angelos in accepta justitia stetisse per adjutorium *sine quo*, sive per gratiam Conditoris, non per adjutorium *quo*, idest, per gratiam secundi Adam potentioris, & actualis perseverantiæ effectricem.

Interim videtur nobis via ad hanc dirimendam controversiam expeditissima, si in Christo distinguamus divinitatem Personæ a suscepta pro redemptione humani generis *forma servi*, & Conditorem universi, ac Reparatorem comparate ad diversam naturam ratione nostra spectemus. Christus itaque, ut Deus Verbum, & univerforum Conditor, est Auctor gratiæ & gloriæ Angelorum æque ac hominum; idque tantum docent Patres a Petavio laudati: nam Augustinus de Consensu Evangelistarum demonstrat Angelos habuisse per Christum gratiam permanendi, quia *cum ipse sit sapientia Dei per quam creata sunt omnia, nullæ mentes rationales sive angelorum, sive hominum, nisi participatione ipsius sapientes fiunt*. Fulgentius etiam de Deo Verbo cujuslibet gratiæ auctore instituit disputationem: eoque intendit Gregorius demonstrans Angelos *sanctificatos in Filio* ex verbis Psal-

mogra-

mographi, *Verbo Domini calis firmati ſunt* : nec aliter eſt accipien-
 dus Bernardus , & ex Græcis Cyrillus . At ſi conſideretur Chriſtus
 Dominus quatenus morte ſua Mundum reparavit ; quemadmodum
 omnes fatentur adverſus Origenem Chriſtum pro ſolis homini-
 bus crucifixum , ita ad ſolos homines Chriſti gratiam fructusque paſ-
 ſionis ejus uberrimos dicendum eſt promanſiſſe , ita tamen , ut etiam
 Angelis *accidentalis* gloriæ acceſſerit incrementum . Atque id magis
 confirmatur in eorum ſententia , qui putant ob ſolam Adæ culpam
 Chriſtum apparuiſſe , uti & nos definivimus capite libri xxv. poſtre-
 mo . Ita Chriſtus omnia *inſtauravit* , quia Eccleſiæ firmiorem poſuit
 baſim , & fundamentum , hominesque Angelis ſociavit : nam *inſtau-
 rare* idem eſt , ac *conjungere* , ſcribente in hunc locum Chryſoſtomo :
τὸ ἐν ἀνακαταλίσσειν ; ἐνέχει . Quid eſt inſtaurare ? conjungere ;
 divoque i rotoparente in Ench. cap. lxi. n. 16. *Inſtaurantur quippe
 quæ in calis ſunt , cum id quod inde in angelis lapſum eſt , ex homini-
 bus redditur .*

Capitis , Regiſque dignitati accedit Judicis poteſtas , & auctori-
 tas , quam Chriſto conceſſam liquet ex Pſalmo lxxi. 1. Mat. xvi. 27.
 xxvi. 64. Joan. v. 22. 27. Aët. x. 42. xvi. 31. Apocalypſi xx. 11. De-
 betur judicandi poteſtas Chriſto , quia cum in Judice requiratur recti-
 tudo , ſapientia ac potentia , nemo eſt , in quo iſta præfulgeant ma-
 gis ; ideoque Jeremiæ xxiii. 5. de Chriſto prænuntiatum eſt , *Re-
 gnabit Rex , & ſapiens erit , & faciet judicium & juſtitiam in terra ;*
 Judicandi poteſtatem competere Domino Jeſu Chriſto , in quantum
 Deus & homo eſt , ſcribit S. Pater Tract. xx. in Joan. & lib. 1. de
 Trinit. cap. 13. Verum de his legenda quæ diximus libro xxi. in Ex-
 poſitione Apoſt. Symboli ; & orandum aſſidue , ut , priuſquam nos
 ad tribunal Judicis evocemur , nominis Jeſu , ideſt , Salvatoris affe-
 quamur maximam atque inexhauſtam munificentiam , eamque , de
 qua proximo libro diſturus ſum , peccatorum omnium expiationem .





DE THEOLOGICIS DISCIPLINIS LIBER VICESIMUS OCTAVUS.

*De satisfactione Christi, ejusque
merito dissertationem
comprehendens.*



PRAE ceteris titulis, quibus verum Deum, & verum hominem CHRISTUM JESUM, maximis fulgentem insignibus, honore atque admiratione prosequimur, censendus est præclarum caritatis ejus monumentum, necnon perfectio, & finis rerum omnium, quæ spectant ad hujus Mysterii dispensationem, eximius ille, de quo pertrahendum est modo, titulus scilicet REDemptoris. Cur enim sempiternus mortalitatem, & incircumscriptus formam nostram assumpsit, cur humiliavit semetipsum usque ad mortem, cur factus est peccatum, & maledictum, cur denique e Cruce pependit, nisi ut profuso pretiosi sanguinis lytro nos a captivitate reduceret, ejiceret principem tenebrarum, diriperet inferni spolia, & destrueret regnantis mortis imperium? Ast incredibile dictu, verissimum tamen, omnibusque compertum! ingentem hanc Redemptoris beneficentiam, hanc soluti pretii dignitatem atque oblationem temere, audacter, sacrilege parvipendunt hæretico-
rum

rum complures : quorum aliqui ad ſolos prædeſtinatos , aliqui vero ad neminem prorfus veram redemptionem extendi impiiffime dogmatizant . Et illos quidem cum Janſenianis , ac magno aliorum Novatorum numero infectati ſumus libro xviii . & ſi negotium adhuc faceſſant , haud erit arduum fractos devictosque contere : at quinam ſunt audaciores iſti , qui nos repente , & ex inſidiis adoriuntur , nondum hac in parte opera noſtra vexati , atque univerſalis reparationis myſterium funditus evertere cogitantes ? Sunt hi Poloni , ut dicuntur , Fratres , Fauſtus Socinus , Joannes Francus , Smalcius , Wolkelius , alique perditiffimi Ebionitæ : qui non tantum anathemata Catholicorum , verum etiam Calvinistarum , atque Lutheranorum execrationem experti , (tam pernicioſa dogmata ſpargere tentaverunt , ut ea nefarii quoque homines diſperdenda , & eliminanda eſſe crediderint) ejeſti ac profugi ab hominum conſpectu quaſi evanuerant , & vix famâ præteriti ſæculi Scholaſticis noti erant . In hujus tamen ævi licentia , cum eruditionis prætextu vetuſti ſuſcitarentur errores , erupit iterum peſtilentiſſima lues , atque , ut fertur , fines hæreticorum omnes pervaliſit , incolumi tantum , quæ nunquam perverſi dogmatis labe polluitur , Romana & Apoſtolica Eccleſia . Id vero me , quamquam virium mearum imbecillitatem agnoſco , nec ſoleo abſque animi trepidatione ſubire literaria certamina , ſuſcitatus ſum tamen Catholicæ Fidei præſidio , ac tua , benevole Leſtor , humanitate , vehementer impulit , ut communis Redemptionis beneficium peſſundantes acri diſſertatione compeſcerem : in qua elucubrandâ ſi dixero nihil me contuliſſe laboris , profeſſo mentiar ; ſi autem affirmavero hanc ſpartam pro dignitate exornaviſſe , ero utique ſuperbiſſimus . Quid enim pro Unigenito Filio Dei , qui me tanto redemit pretio , præſtare ego poteram homuncio , & vermiculus ? quid etiam ingenio rudis in medium proferre , adeo elaboratum , atque expolitum , ut ſuſcepto muneri conveniret ? Verum quod poſſum , illud perſolvo ; & facienti quod poteſt , fruſtra obloquantur malevoli , & æquo animo boni omnes indulgent .

C A P U T I.

Exponitur Catholicorum Theologorum de Chriſti ſatiſſactione ſententia , & Fauſti Socini placitum neſarium atque iniquiſſimum .

CATHOLICORUM ſententia eſt , definitam æterni Verbi Incarnationem , mortemque Chriſti teterrimam , ut pro univerſo humano genere peccati labe contaminato , dæmonisque captivo , piſſimus Jeſus in

in se iniquitatum nostrarum poenam transferens, & affigens cruci damnationis nostræ chirographum, divinæ justitiæ condignam exhiberet satisfactionem, & redemptionis nostræ pretium persolveret. Quamvis enim senserint aliqui fore ut divinum Verbum fieret caro, etiam si nulla culpa fuisset expianda; supposito tamen Adæ lapsu, etiam nos reparandi Deum-hominem iniisse consilium illi quoque fatentur, qui aliam adventus Christi causam constituerunt. Verbum ergo carnem factum soluto proprii sanguinis pretio homines reparasse, concordī firmissimoque consensu tradidere Theologi.

Arbitrati sunt quidam fuisse Christi satisfactionem necessario summæ Dei justitiæ exhibendam, supposita Adami prævaricatione, aliqui nullum aliud salutis nostræ potuisse excogitari remedium; cum nulla pura creatura potuisset ad juris apices pro suo, vel pro alieno peccato satisfacere, quam tamen rigorosam satisfactionem exposculaverit Dei honor, & incommutabilis justitiæ æquitas. Pro qua opinione præter Ricardum Victor. cap. v. i. i. de Incarnat. citari solet divus Anselmus in libris *Cur Deus homo*. Communior tamen sententia prædictam opinionem expungit, propugnatque, salva omni æquitate, potuisse Deum optimum maximum homines non redimere, aut pro redimendis non exigere condignam satisfactionem; quamquam magis congruum honestumque videatur, si culpæ respondeat punitio, injuriæ honor, & læsæ justitiæ reintegratio. Et quidem potuisse Deum in massa perditionis deferere universum humanum genus, demonstrant sacræ literæ, in quibus reparatio nostra tribuitur gratiæ, caritati, & magnæ erga nos Dei benignitati ac misericordiæ, ut ad Rom. v. 8. ad Ephes. i. 5. ad Tit. ii. 21. prima Petri i. 3. & i. Joannis iv. 10. comprobant argumenta omnia prædestinationis ac reprobationis divinæ, quibus evincitur in his, qui liberantur gratiam esse agnoscendam, in his vero qui damnantur justitiam, debitumque supplicium: confirmat denique idea libertatis; quia Deus plenissima pollens auctoritate, ac honorum nostrorum non indigens, quicquid ad creaturas attinet, liberrima voluntate decernit, & pro suo beneplacito moderatur.

Poterat etiam Deus perditum hominem reparare absque Christi morte, & liberali condonatione: quod etsi negant nonnulli, quo facilius revincant Socinianos, tradunt tamen Patres omnes, Doctores Scholastici, & ipsorum hæreticorum permulti. Sans id asserunt Athanasius serm. 3. contra Arianos, Gregorius Nazianz. orat. 9. S. Pater Augustinus lib. xii. de Trinit. cap. 10. & 16. necnon de Agone Christiano cap. 11. Magnus Leo serm. 2. & 8. de Nativit. Gregorius Magnus lib. xx. Moral. cap. 26. Bern. epist. cxc. contra Petrum Abaelardum, alique innumeri. Horum testimonia profert Carolus Witasse q. 2. sect. 4. affricans sententiam oppositam, quod

quod homo ſine Incarnationis beneficio non potuiſſet reparari , omnibus Calvinianis . Aſt , licet nil noſtra Sectariorum referat , profeſſo Calvinus in Joan. cap. xv. 13. inquit , *Poterat nos Deus verbo , aut nutu redimere , niſi aliter noſtrâ cauſâ viſum eſſet , ut proprio & unigenito filio non parcens teſtatum faceret in ejus perſona , quantam habeat ſalutis noſtræ curam* . Similia ſcribit lib. 11. Inſtitut. cap. 12. Voſſius autem contra Hermannum Ravenspergerum cap. 28. collectis ſententiis Wolfangi Muſculi , Hieronymi Zanchii , Danielis Tileni , Wolfangi Franzii , Antonii Thyſii , aliorumque multorum , maniſeſto evincit , etiam Reformatæ , ut inquirunt , Eccleſiæ Theologos concedere Deum abſque Chriſti paſſione , & citra ſatiſfactionem potuiſſe condonare peccata . Quare immerito Calvinianis , ſaltim omnibus , adſcribitur contraria opinio : quod tamen , ut dixi , parum , aut nihil noſtra refert . Porro cum Deus ſit omnipotens , miſericors , ac independens , cur non potuit ſolo nutu hominem reparare , ſine ſatiſfactione condonare debitum , & quemadmodum in Chriſtum tranſtulit peccatorum noſtrorum pœnas , ita illas nobis miſericorditer relaxare ?

Moverunt adverſa opinantes , quod juſtitia exigat punitionem culpæ , nec Deus injuſtus eſſe queat : atque ideo Anſelmus libro 1. *Cur Deus homo* , cap. 12. ait : *Non decet peccatum impunitum dimittere* : quod probat proximo capite , quoniam *nihil ſervat Deus juſtius , quam ſuæ dignitatis honorem* ; unde inferit neceſſum eſſe , ſive ut reddatur ablatus honor , ſive ut pœna ſequatur . Capite autem 19. concludit : *Tene igitur certiffime , quia ſine ſatiſfactione , ideſt , ſine debiti ſolutione ſpontanea , nec Deus poteſt peccatum impunitum dimittere , nec peccator ad beatitudinem , vel talem , qualem habebat antequam peccaret , pervenire* .

Verum optime obſervatum a Joanne Driedone Tract. 111. de Captivitate , & Redemptione generis humani , Deum eſſe *ipſam juſtitiâ* , imo omnis juſtitiæ fontem ac plenitudinem , & conſequenter *non eſſe in aliam juſtitiâ ordinabilem* , ſed ad ipſum tanquam ad finem & conſummationem omnis juſtitiæ quamlibet aliam juſtitiâ dirigendam eſſe : omnia vero , quæ ad finem ultimum referuntur , pro voluntate liberrima primæ cauſæ fuiſſe conſtituta ac diſpoſita . Quæ cum rectæ rationi , ac Theologiæ noſtræ principiis ſint apprime convenientia , omiſſis aliorum reſponſis , dicimus , quod non repugnaret juſtitiæ Dei abſque ulla ſatiſfactione hominem reparare ; quoniam ſi id ſtatuiffet ac voluiſſet , talis hominum reparatio juxta divinæ voluntatis prædefinitionem referretur ad finem ultimum , quemadmodum refertur modo exhibita ſatiſfactio , ideoque nihil in hypotheſi contingeret inordinatum . Neque enim inordinatum dici poteſt , quod juxta ordinem a Deo conſtitutum peragitur . Cumque Deus ſit ſuamet juſtitia , ſi remittat abſque ſatiſfactione illatam ſibi injuriam , non fit debi-

debitor ullius justitiæ; quoniam summa justitia non est alteri subjecta; neque in alteram ordinabilis. Aliter contingere in creaturis, quæ si dimittant scelus impunitum, subjiuntur justitiæ Dei, res per se loquitur. Ab hac doctrina non recedit S. Thomas 3. p. q. 46. art. 2. ubi demonstrat omnem Dei justitiam ex ejus voluntate pendere. Eandem esse beati Anselmi sententiam liquet ex eodem Opere, *Cur Deus homo*. Libro enim II. cap. 5. solvens objectionem, quod si Deus ex necessitate vitandi indecentiam non dimisit impunita scelera, & per Filii redemptionem salutem procuravit humanam, aufertur, aut minuitur benefacientis gratia; respondet majorem beneficio gratiam deberi, *eum aliquis sponte necessitati benefaciendi se subdit*, allato exemplo necessitatis donandi ortæ ex promissione, & ejus, qui sanctæ cogitationis vovet propositum. Atque hinc infert totum gratiæ imputandum, licet non deceat Deum a bono incæpto deficere, quia nihil Deus facit necessitate; *& bonitate sua hominem creando sponte, se ut persiceret incæptum bonum quasi obligavit*. Capite etiam 17. demonstrat omnem necessitatem, de qua locutus est, divinæ subjacere voluntati: nihil necessarium esse, nisi quia Deus ita decernit; & licet statuatur aliquid immutabiliter se facturum, nullam tamen esse in eo faciendi necessitatem, quia sola operatur in eo voluntas. Ex quibus apparet Anselmum loqui de justitia spectato hoc ordine rerum, & divinæ voluntatis proposito circa hominis creationem atque reparationem, ideoque de illa necessitate, quam Scholastici appellant *ex suppositione, & consequentem*. Quare judicio nostro errat Vasquez, qui in 3. p. disput. 1. cap. 2. & 3. scribit juxta Anselmum Deum ex necessitate ad injustitiam vitandam voluisse Filii satisfactionem: erratque etiam Carolus Witasse, qui disp. 2. sect. 3. ait durius Anselmum locutum, quam ut in bonam partem possit facile inflecti; atque videtur is legisse tantum quæ ex Anselmo Vasquesius exscripsit, aliis neglectis. Inconcussum est ergo, & fere omnium consensione firmatum potuisse omnipotentem uti innumerabilibus modis ad nos liberandos, etiam non exhibita per Christum satisfactione.

Verum facta statuti ordinis hypothesi, in qua Deus decrevit complendam hominum redemptionem reparata injuria sibi per culpam illata, pretioque captivitatis soluto, quam hypothesim congruam, ac supremo Numine dignissimam esse defendimus; firmissima fide tenemus hanc satisfactionem exhibendam, hoc pretium persolvendum a Deo-homine, ipsaque re illam exhibitam, istud persolutum a Christo: qui peccatorum nostrorum pœnas luens, & super lignum perferens omnium nostrum iniquitates, seipsum Deo patri pro nobis obtulit hostiam ac sacrificium expiationis. Id congruum aptissimumque fuisse demonstrant Theologi ac Patres, ex quo sanandæ nostræ miseriæ convenientior modus non fuerit, quam iste, in quo nobis
Deus

Deus contulit remedium, præbuitque humilitatis, patientiæ, & dilectionis exemplum. Addunt hac ratione Deum miſericordiam & juſtitiam ſuam nobis declaraffe, decernendo ad oſtentionem juſtitie mortem Unigeniti; quem tamen ſponte dedit, & miſit in mundum, ad caritatem ſuam commonſtrandam. Ad diſpellendam quoque cæcitate[m], & animi languorem ſanandum, quæ duo per Adæ prævaricationem contraximus, nihil videbatur magis idoneum, quam ab illo naturam noſtram aſſumi, qui eſt veritas, & lux vera, ac poterat exemplo, doctrina, & Spiritus ſancti communicatione abundantius præſtare Adæ poſteris, quam illis paterna tranſgreſſio attulerit nocuenti. Sed ceteris cauſis prætermiſſis, ſat eſt modo priorem repetere, ideſt, congruum fuiſſe, ne peccatum dimitteretur inultum, & ſatiſſeret Deo irato; quamvis ad hunc redemptionis modum abſolute divina juſtitia coarctata non eſſet, atque in alia rerum hypotheſi, ſi voluiſſet Deus abſque ſatiſfactione homines reparare, id etiam ſalva æquitate decenterque feciſſet. Atque hæc eſt de Chriſti ſatiſfactione Catholicorum ſententia.

Huic opponitur portentofus error Socinianorum, non a Fauſto, vel Lellio primum excogitatus, ſed conſtatus ex Paganorum, Ebionitarum, Pelagianorumque blaſphemiis, impie recuſus, non, ut inquit Crellius, reſoſitus poſtliminio. Quod ut exponam; Pagani haud percipientes peccati miſerrimam conditionem, ac multo minus Trinitatis arcanum, & Verbi ſancti hominis ſacramentum, difficulter aſſequuntur dari ſecundam e ſanctæ Trinitate perſonam, & hanc ad expianda mundi delicta naturam aſſumpſiſſe noſtram, præſertim cum ſuperis nil afferant detrimenti mortalium ſcelera, eaque deleantur ſuperni Judicis condonatione. Hanc eſſe paganorum ſententiam neminem latet, demonſtratque in Præf. laudati operis Joannes Driedo. Sociniani itaque cum Paganis denegantes Catholicæ Fidei myſteria, & Chriſtum Dominum purum putumque hominem autumantes, atque gloriantes ſeſtari ſe, (tanta eſt perditiffimorum hominum audacia,) Theodotum Byzantinum, Artemonem, Paulum Samofatenum, Beryllum Boſtrenſem, & Photinum Sirmienſem Epiſcopum, quos majores ſuos agnoſcit Joannes Crellius in Præſatiuncula ad opera didactica & Polemica; conſequenter aſſeruerunt non eſſe Dominum Jeſum tantæ dignitatis perſonam, ut poſſet Deo pro alienis peccatis exhibere ſatiſfactionem, neque hanc exigere divina juſtitia, quæ beneficentiſſima condonatione peccata quæque remittit. Hinc recentiores quidam Theologi Socinianos oppugnaturi plurimis Scripturarum ſanctarum testimoniis probant eſſe in Deo conſtante[m] voluntatem puniendi peccata, juſtitiamque immutabilem; quæ tamen omnia non videntur ad rem: hæretici enim illi ſatentur eſſe in Deo juſtitiam oppoſitam miſericordiæ, quæ non abſolvit, ſed punit nocentes, qui per-

gunt esse rebelles, nec resipiscunt, atque asserunt peccata dimitti per justitiam, quæ est idem ac misericordia, & di-linguitur ab indignatione & vindicta; sive per justitiam, quæ nihil est aliud, quam reſtitutio & æquitas, quam Deus exercet condonando peccata, dum agitur pœnitentia, & ingemiscit iniquus: quæ ideo justitia appellatur, quia nihil est divinæ naturæ æquius ac justius, quam beneficiis afficere humanum genus miserum atque despectum. Quamobrem ad revincendos Socinianos non sufficit commonstrare Deum odio habere peccata, & punire scelestos, quod illi annuunt; sed opus est, ut demonstraretur interfuisse in hominum redemptione justitiam ipsam, quæ punit, & opponitur misericordiæ, non illam duntaxat æquitatem & reſtitutionem, quæ absque ulla satisfactione hominem, licet immeritum, cumulat beneficiis.

At quomodo negant perditissimi homines satisfactionem istiusmodi non fuisse exhibitam a Christo Domino, cum negare non audeant hunc pro nobis crucis patibulum subiisse? Facile id percipies, si animadvertas Socianos ad Paganorum & Ebionitarum errores, arcessisse, sibi que ulterius adoptasse hæresim Pelagianam. Hujus assertores cum originale labem, & gratiæ reparatricis necessitatem negarent, non salutis præsidium, sed exemplum solum ponebant in Christo, ejus adventum ac mortem ad hoc tantum existimantes valere, ut per Evangelium discamus quomodo vivere debeamus, & negantes ipsum Christum esse *Jesum*, idest, Salvatorem parvulorum, qui sine culpa decedentes, quamvis a regno colorum extorres, nulla afficerentur peccati pœna. De quo errore legi potest Pelagianæ hæresis acerrimus debellator Augustinus lib. de Nat. & grat. cap. xl. num. 47. lib. v. contra Julianum num. 58. lib. 11. Operis Imperf. num. 198. & lib. 111. num. 156. Recoxit Pelagianum errorem Petrus Abaelardus quingentis ante Socinum annis, affirmans, ut scribit S. Bernardus Epist. 190. ad Innocentium, nec diabolum post Adæ lapsum jus aliquod in hominem habuisse, nec Filium Dei assumpsisse carnem, ut nos liberaret: sed hujus nativitatem, conversationem, ac mortem ad hoc solum redigens, ut Christus vivendo, & docendo tradiderit hominibus formam vitæ, patiundo autem ac moriendo suam erga nos commendaverit caritatem. Atque hoc idem asseruit Socinus scribens initio disputationis de Christo Salvatore: *Ego confesso Jesum Christum ideo Servatorem nostrum esse, quia salutis æternæ viam nobis annuntiaverit, confirmaverit, & in sua ipsius persona cum vitæ exemplo, tum ex mortuis resurgendo manifeste ostenderit, vitamque æternam nobis ei fidem habentibus ipse daturus sit; divina autem justitia, per quam peccatores damnari meremur, neque illum satisfecisse, neque ut satisfieret opus fuisse affirmo.* Tradit consimilia Prælectionum Theologicarum cap. 15. in responsionibus ad Volanum, & in Episto-

lis

ſis ad Joannem Niemojevium : idemque proſitetur Valentinus Smalcus lib. de Divinit. Chriſti cap. 11. Joannes Crellius in Reſponſione ad H. Grotium , Catecheſis Polonica cap. 8. omneſque Sociniani unanimi perverſitate : dicam verbo ; fatentur Sociniani Chriſtum Dominum de ingenti Dei patris in nos caritate certos reddidiſſe , negant nobis morte ſua meruiſſe ſalutem , contendunt peccata abſque ulla compenſatione deleri , aſſerunt ſatiſfactionem quam nos propugnamus obſcurare Dei gloriam , & Chriſti poteſtatem labefactare .

Cum tam pernicioſum dogma non ſolum Catholici , verum etiam hæretici execrarentur , & Fauſtum retrahere a ſententia Joannes Baptiſta Rota , & Jacobus Covetus , aliiſque fruſtra tentaffent : edidit ille ejuſdem Coveti cauſa memoratam diſputationem *de Chriſto Servatore* , quatuor in partes diſtributam . At de ultima parte , quæ agit de imputatione juſtitie Chriſti , exagitatque hæreticam doctrinam a nobis quoque lib. XIX. reſutatam , nihil in præſentia diſſertandum . Prior itaque Socinianæ diſputationis pars nititur oftendere nullam Dei juſtitiam poſtulare ut puniantur peccata , licet aliquando ſupplicio a Deo plectantur perverſaces : Chriſtum dici Servatorem noſtrum ob id tantum , quod nobis ſalutis æternæ viam annuntiaverit , & confirmaverit vita , morte , promiſſione , ac reſurrectione ſua ; nullam comprobari ſatiſfactionem ex quo Chriſtus dicatur Mediator , & nos per mortem ejus ſimul reconciliati . Pars altera demonſtrare nititur redemptionem per Chriſtum factam eſſe metaphoricam , nullumque in ea peragenda pretium fuiſſe ſolutum , neque oppoſitum evinci ex quo legatur in ſacris literis Chriſtum peccata noſtra portaffe , pro nobis paſſum & mortuum eſſe , & in ara crucis ſacrificium obtuliſſe figuratum in viſtimarum legalium maſtatione ; negatque perverſaciter Salvatorem noſtrum , priuſquam cælum ingrederetur , functum fuiſſe munere Sacerdotis . In tertia parte contendit Antichriſti præcurſor Fauſtus , Deum nobis abſque ulla ſatiſfactione condonare peccata , non potuiſſe divinæ juſtitie ſatiſfieri nobis non pereuntibus , nec ſatiſfactionem a Chriſto exhiberi , non potuiſſe ipſi peccata noſtra imputari , maximamque fore injuſticiam , ſi innocens ſupplicio afficiatur pro ſcleratis . Nos ergo impium dogma breviter reſutaturi eundem ſervabimus ordinem ; incipiendo tamen a ſecunda parte ; nam prima eſt nefariæ ſententie expoſitio , & nihil continet quod in ſequentibus non recudatur . Eſſi enim Hugo Grotius in ſuo adverſus Socinum Opere cap. 4. contendit argumenta , quibus is catholicum dogma it labefactatum , non ſatis recto ordine fuiſſe poſitum ; Joannes tamen Crellius Volum. IV. Bib. FF. Polon. pag. 99. ait ordinem illum ſatis videri commodum : nullamque nos de methodo Adverſariis litem intendimus , ſed venenata tela , undecunque ejaculentur , retundimus atque vitamus fidei lorica , clypeoque protecti .

Non hæc profecto indutus armatura adversus Socinum pugnavit Grotius, sed post editum opus de Christi satisfactione, ut erat ingenio multivolus, ex Calviniano Arminianus, ex Arminiano nullius fere fidei more Academicorum effectus oppugnatore suo Joanni Crellio literis datis Parisiis anno 1631. officiose gratias egit, & librorum Crellii lectione non solum plurimum se delectari significavit, sed etiam inde interpretationes ebibit perniciosas, passim in suis Bibliorum Commentariis dispersas. A quibus lectori accurate cavendum recte monet in Præfat. ad 3. sacrorum librorum volumen postremæ Vetus editionis vir multijugis literaturæ, & si veterum officiorum memor est, sodalis noster ac necessarius; quod & præmonuerat Admonitione in Psalmos præclarissimus Meldensium Episcopus. Cumque Grotianum opus oppugnandum cepisset Hermannus Ravenspergerus adjiciens illi depromptam ex Daniele inscriptionem *Tekel*, idest, *Appensus lancibus, & inventus minoris ponderis*; Ravenspergerum confutavit Jo. Gerardus Vossius erudita dissertatione, quæ Grotianæ solet adjungi. Grotius tamen adversariis suis noluit respondere, non quod prorsus in partes Crellianas concessisset, ut visum plerisque: sed quoniam arbitratus est quæstionem istiusmodi talis esse generis, ut in ea salva religione ac pietate possint homines dissidere, ut non obscure colligitur ex ipsa ad Crellium Epistola, nobisque, antequam hanc legeremus, in suspicionem venerat; prout innuimus lib. XXI. cap. 4. differentes de fide in Christi divinitatem. Atque ita Grotius in hæresi Sociniana, quam alibi appellavit ceteris nocentior, & venenum Ecclesiæ præsentissimum, non dissitetur plura doceri utilia, ac servari pietatem: ex quo diversa prodierunt de Grotio judicia, nec omnino iniqua; tametsi in sua quadam ad Vossium epistola data Kal. Januarii an. 1638. retundens impactas sibi accusationes profiteatur de summa Trinitate Orthodoxam sententiam, erroresque Socini, Crellii, Schokii de Christi satisfactione detestetur. Quos breviter refutaturis cum a falsa Grotii pietate sedulo cavendum erit, tum 2. Vossii aliorumque hæreticorum palmari, atque supino errore circa redemptionis Christi participationem per solam fidem, & imputationem justitiæ ejus: iisque prænotatis, ex Grotii quoque, & ex Vossii conatibus plura delibare fas erit ad Socinum, ejusque amassios profligandos idonea. Sed erit primum, ac validissimum præsidium nostrum in sacris literis, & Catholicorum Patrum interpretationis: quæ opponere studebimus pestilentissimis Fausi & Crellii commentationibus, veri hominum Redemptoris Christi Jesu, cujus causam agimus, implorato summo, divinoque auxilio.

C A P U T II.

*Demonſtratur adverſus Socinianos Redemptionem noſtram
per Chriſtum factam non eſſe metaphoricam, ſed in co
peragenda verum pro nobis pretium fuiſſe ſolutum,
& Dominum Jeſum eſſe vere, ac proprio
hominum Redemptorem.*

ITAQUE adverſus Socinianos, ut illum ſervemus ordinem, quem in ſecunda ac tertia parte diſputationis ſuæ Fauſtus tenuit, demonſtrabimus decem propoſitionibus nos vere, atque interveniente pretio fuiſſe a Chriſto redemptos, idque nullatenus ſummi Dei repugnare æquitati. Erunt autem propoſitiones noſtræ, quæ ſequuntur. I. Revera Chriſtus Jeſus humanum genus redemit. II. Hanc redemptionem non ſolum exemplo, & commendatione caritatis peregit, ſed etiam ſoluto pretio. III. Hujus rei cauſa mortem pertulit. IV. In morte perferenda peccatorum noſtrorum poenas luit. V. Fuit affixus cruci ſalutaris viſtima, oblatumque pro nobis ſacrificium. VI. Per hanc hoſtiam & ſacrificium, cum eſſemus filii iræ & vindictæ, reconciliati ſumus Deo. VII. Reconciliatio iſta facta eſt per veram peccatorum expiationem. VIII. Nolu itaque Deus peccata noſtra per ſolam condonationem dimittere. IX. Decebat enim quammaxime, ut divinæ juſtiæ ſatisfactio exhiberetur condigna. X. Nec fuit injuſtum, non pereuntibus nobis, Chriſtum ſubire crucis ſupplicium, eique peccata noſtra imputari. Poſtrema tres theſes, quoniam impetunt tertiam Socinianæ diſſertationis partem, erunt proximi capitis argumentum: in prioribus ſeptem præſens diſquiſitio verſabitur.

PROPOSITIO I. Revera Chriſtus Jeſus humanum genus redemit.

Hanc propoſitionem probant invictiſſime ſequentia divinatorum librorum testimonia. 1. Mat. xx. 28. *Filius hominis venit dare animam ſuam redemptionem pro multis.* In Græco: *ὁ υἱὸς τοῦ ἀνθρώπου ἵνα δῷ τὴν ψυχὴν αὐτοῦ λύτρον ὑπὲρ πολλῶν.* Indubitatum eſt τὴν λύτρον eſſe pretium ſolutum ad redimendum captivum, derivatum a λύω, quod eſt ſolvere, ut animadvertit in hunc locum etiam Eraſmus. II. Apoſtolus ad Galatas 1. 4. *Qui dedit ſemetipſum pro peccatis noſtris, ut eriperet nos de præſenti ſæculo nequam:* & 111. 13. *Chriſtus nos redemit de maledictō legis factus pro nobis maledictum.* Ubi in Græco extat verbum *ἐξηπάσθη*, a propoſitione *ἐξ*, & *ἀπαράγω*, quod eſt redimere, & emere magno ſoluto pretio: de hoc tamen loco infra prop. 4. 111. Idem Apoſtolus ad Eph. 1. 7. ſcribit: *In quo habemus redemptionem*

ptionem per sanguinem ejus, remissionem peccatorum. Græce: *ἡ ἱκετιὰ τῆ ἀπολύτρωσις διὰ τοῦ αἵματος αὐτοῦ, τῆ ἀφίξις τῶν παραπτωμάτων*; quo in loco notandum vocabulum ἀπολύτρωσις, quod valet idem, ac *pretium*, quod ad redimendum captivum persolvitur, denotatque redemptionem gravi peractam impendio. Occurrit idem vocabulum ad Rom. 111. 24. ubi loquitur Apostolus de justificatione, quæ ita beneficium est gratiæ, ut ipsam tamen gratiam Christus nobis promeruerit. IV. In priori ad Timotheum 11. 6. ait ipsemet Paulus: *Qui dedit redemptionem semetipsum pro omnibus*. Et istic habetur in Græco vocabulum ἀντίλυτρον, solum *pretium* pro redemptione captivi. Ignatius in Epistola ad Trallianos legit *λύτρον, pretium*. Hesychius ἀντίλυτρον. Ἀντίλυτρον est ille, qui pro altero se morti devovet, ut apud Gallos Solduri, de quibus Cæsar lib. 111. cap. 22. & apud Romanos Decii, de quibus Cicero in 1. Tuscul. & S. P. Aug. lib. 1v. de Civit. Dei cap. 20. Dio Cassius ait: ἀντίλυτρον αἱ ἀποδιδόντες ἑδωκέναι: *Antipsychi ii sunt, qui pro altero se tradere morti percipiunt*. Vide etiam ad Coloss. 1. 14. ad Hebræos 1x. 15. & Apocalypf. 1. 5. Ex quibus hæc ratiocinatio fabricatur. Ille revera humanum genus redemit, qui soluto proprii sanguinis *pretio*, & ad nos liberandos se diræ morti devovens eripuit homines a peccatorum captivitate. Id præstitit Christus Jesus. Igitur Christus Jesus revera humanum genus redemit.

PROPOSITIO II. Cum hæc redemptio contigerit *pretio* oblato, non fuit peracta duntaxat Domini Jesu prædicatione & exemplo.

Sequitur ex dictis; ubi enim *lytrum* intervenit, ibi non est redemptio metaphorica, qualem adstruunt Sociniani. Confirmatur autem 1. Apostolus in priori ad Corinth. v1. 23. inquit: *Empti enim estis pretio magno*: Græce, ὑπαράδωκε γὰρ τιμὴν. De verbo ὑπαράδωκε, quod est *emere* pretio soluto, dictum paullo supra. *Magno* non exacte in Græco, neque in Syriaco, nec apud Tertullianum de Pudic. cap. 16. & lib. 2. ad Uxorem cap. 3. sed *τιμὴν* legendum esse cum emphasi ostendit Estius, quoniam alioqui redundaret; non enim proprie fit emptio sine pretii solutione. Recte itaque Vulgata lectio. Quod hic notandum est; demonstrat Paulus nobis incontaminate corpore, animoque vivendum ducta ab emptitiiis comparatione. Nam sicut qui pretio emuntur, non sunt juris sui, sed alieni; ita nos impenitus Domino servire debemus, quoniam empti pretio sanguinis Jesu Christi effecti sumus Dominici juris. Atque hæc interpretatio liquet ex scopo Apostoli hortantis eo loci ad vitandam fornicationem, atque ex Commentariis Patrum, præsertim Chrysostomi Hom. xv111. p. 476. scribentis: *In memoriam enim revocat magnitudinem beneficii modum salutis ostendens, quod cum essemus alienati, empti sumus, & non absolute, sed pretio*. Idem tradit Theophylactus pag. 211. & Oecum. pag.

pag. 474. qui etiam locum Apoſtoli reddunt, *Et non eſtis veſtri ipſorum: ſiquidem empti eſtis pretio*. Similia habet auctor Comment. quæ tribuuntur Ambroſio Tom. 2. pag. 132. Quænam vero eſſet Apoſtoli ratiocinatio, quænam ratio comparationis, quænam exhortationis vis, ſi redemptio noſtra fuiſſet abſque pretio peracta? II. Eundem ſenſum habent verba Apoſtoli proximo cap. v. 11. 23. *Pretio empti eſtis, nolite fieri ſervi hominum*, Græce: *Τίμῃ ἀγοράσθητε, μὴ γίνεσθαι δούλοι ἀνθρώπων*, ideſt, Cum emptitii ſitis, nec proinde veſtri juris, non debetis aliquid ad hominum gratiam facititare, & illorum juiſſa, qui prava injunxerint, exequi. Videatur Oecumenius in hunc locum. pag. 209. III. Petrus quoque in Epiſtola 1. cap. 1. 18. ſcribit nos redemptos a ſervitute legis, & a priſcorum rituum obſervatione debere incolatus noſtri tempore converſari cum ſumma Dei reverentia, eo quod magni æſtimanda eſt collata nobis libertas, quam non pecuniarum impendio acquiſivimus, ſed ſupereminenti pretio, ideſt, eſuſo in ara Crucis ſanguine immolati pro nobis Filii Dei. *Scientes*, inquit Apoſtolorum Princeps, *quod non corruptibilibus auro, vel argento redempti eſtis de vana veſtra converſatione paternæ traditionis: ſed pretioſo ſanguine quaſi agni immaculati Chriſti, & incontaminati*. Græce: *Εἰδότες ὅτι οὐ φθαρτοῖς, ἀργυρίῳ ἢ χρυσῷ ἐλευθέρωσθε ἐκ τῶν ματαίων ὁμῶν ἀναστροφῆς πατρὶ παραδόντων, ἀλλὰ τιμῇ ἀίματος ὡς ἀγίου ἀμώμου ἡ ἀπύλου Χρῆστος*. Iſtic verbum ἐλευθέρωσθε designat liberationem factam ſoluto pretio a th. λυτρίον, pretio redimo: idem pretium argento, auroque, quibus redimuntur captivi, præfertur; & quale ſit assignatur, nempe pretioſus Chriſti ſanguis: cui redemptio noſtra tribuitur ad Ephēſ. 1. 7. 11. 13. ad Coloff. 1. 14. ad Hebr. 1x. 14. x. 19. prima Joannis 1. 7. Apocalypſ. 1. 5. &c. IV. Quidnam ſignificat canticum illud novum. Agno pro nobis occiſo decantatum Apocalyp. v. 9. niſi attributam Chriſto judicii poteſtatem, quoniam pro nobis immolatus iram placavit, & nova, ac mirabili expiatione peccati redemit nos proprio ſanguine? *Dignus es Domine* (ajebant ante thronum decumbentes) *accipere librum, & aperire ſignacula ejus: quoniam occiſus es, & redemiſti nos in ſanguine tuo*: Græce, *Λξὺς ἢ λαβὼν τὸ βιβλίον, & ἀνοῖξας τὰς σφραγίδας αὐτοῦ, ὅτι ἱσθράς, καὶ ἠγάπησας τὸ θῆθ ὅμας ἐν τῷ ἀίματι σου*. Ubi redemiſti, eſt aorittus verbi ἀγοράζω, pretio emere, de quo ſupra, ac pariter pretium ſanguinis designatur propoſitione ἐν, in, quæ juncta dativo idem eſt, ac per, denotatque cauſam instrumentalem. Hinc Aethiopica legit, *Mercatus es cum ſanguine tuo*, Arabica autem, Syriaca, *Emiſti nos Deo per ſanguinem tuum*. Videtiſ N. Teſt. Wal. pag. 944. & interpretationem Arethæ ad calcem Oecumenii. Lege etiam Auguſtinum ſerm. 329. num. 1. & 336. num. 4. egregie explicantem quomodo Chriſtus lancea tranſfixus in cruce, quaſi conſciſſo ſacco egerit grande commercium, atque totius orbis pretium fude-

fuderit. Quare ita Socinianos revincimus: Nisi Christus nos soluto pretio redemisset, nequaquam diceremur *Empti*; & ad jus Domini cum translatis per Christi mortem; neque sanguis Christi analogiam haberet cum auro, & argento, quo redimuntur captivi. Atqui id repugnat productis modo, expositisque Scripturis. Christus ergo nos vere, proprie, ac soluto pretio redemit.

PROPOSITIO III. Christus eo fine, ut nos a peccato, dæmonique captivitate redimeret, mortem pertulit.

Enimvero Joan. xi. 50. pontifex Caiphas, *non a semetipso*, sed divino numine afflante inquit: *Expedi vobis, ut unus moriatur homo pro populo, & non tota gens pereat*: Græce, *συμψύχῃ ἡμῶν, ἢ αὐτὸς ἀποθνήσκει ἀπὸ τοῦ ὑπὲρ τοῦ λαοῦ, ὃ μὴ ἴδω πῶς ἔσται ἀποθνήσκει*. Conantur Sociniani ea Scripturæ loca, in quibus Christus dicitur *pro nobis*, vel *propter peccata nostra* mortuus, ita interpretari, ut particula *ὑπὲρ*, nihil aliud significet, quam *causâ nostrâ*, non *causâ antecedente*, & impulsiva, sed finali duntaxat, sive mera puta occasione, scilicet, ideo Christum pro peccatis nostris passum fuisse, quia inde consecutus est effectus aliquis peccata respiciens nostra; non quatenus mortuus sit ad satisfaciendum pro eisdem peccatis, sed quia inde fides gignitur nobis peccatum divina benignitate remissum iri. Ita Socinus Præf. Th. cap. 20. & de Christ. Serv. p. 2. cap. 10. At facilius Herculi clavam, quam nobis producti testimonii firmissimum præsidium extorquebunt. Etenim prophetavit Caiphas *perituram* totam gentem nisi Christus moreretur pro populo: fuit ergo *causâ* antecedens, & impulsiva mortis Christi imminens perditio populi. Præterea ubicunque particula illa *ὑπὲρ* morti, aut perpeffionibus jungitur, semper antecedentem ac meritoriam causam significat: nec exemplum contrarium inveniri, aut in Scripturis, aut in idoneo quoquam Scriptore affirmat Vossius adversus Ravensperg. cap. 17. Hoc autem loco particula illa *ὑπὲρ τοῦ λαοῦ*, conjungitur morti Christi. Igitur vim habet causæ antecedentis & impulsivæ. Insuper eo loci Socinus, & Crellius c. 11. adversus Grotium contendunt a *Cajapha* nullum alium interitum consideratum, nisi qui tum demum fuisset populo metuendus, si Christus mansisset superstes, idest, futuram Romanorum militum incurfionem, de qua ipse Caiphas versu 48. cum suis ratiocinabatur, *Si dimittimus eum sic, omnes credent in eum: & venient Romani, & tollent nostrum locum, & gentem*. At ineptum supra quam dici possit, ac temerarium figmentum! Ineptum quidem, nam nec Sociniana interpretatione admissa, inde sequeretur Christum non fuisse occisum pro reparando imminenti Judæorum interitu, temporali saltim, & qualis ob carnalium mentem obversabatur; nec sequeretur Messiam præstolantes eidem non credituros, ut a servitute Romani Imperii eo duce liberarentur. Temerarium vero, quoniam citata verba versu 48.

funt

sunt Concilii Phariseorum, non Caiphæ, qui eis contradicens inquit: *Vos nescitis quidquam, nec cogitatis, quia expedit, &c.* quæ verba a semetipso non dixit, commonstrans ab alia servitute, quam a Romanorum iugo fore per Christi mortem liberandum populum, idest, a dæmonis captivitate. Ergo ut nos hinc erueret, piissimus Redemptor mortem oppetiit. II. Apostolus ad Romanos cap. v. 6. demonstans nos iustificatos in sanguine Christi, & reconciliatos Deo salvos futuros ab ira per ipsum, utitur argumento a majori ad minus, quoniam scilicet pro impiis mortuus est, ac multo magis salvabit iustos, sibi que acceptos: *Ut quid enim Christus, inquit, cum adhuc infirmi essemus, secundum tempus pro impiis mortuus est?* Græce: *ὅτι γὰρ ὁ Χριστός, ὅτε οὐκ ἡμῶν ἀσθενῶν, κατὰ καιρὸν ὑπὲρ ἀσθενῶν ὁπαθὲν*. Et verbi 8. *Christus pro nobis mortuus est*. Græce: *Χριστὸς ὑπὲρ ἡμῶν ὁπαθὲν*. His in locis particulam ὑπὲρ significare substitutionem, idest, Christum mortuum loco nostri, atque ut nos ab ira Dei redderemur immunes, liquet primo, quoniam ostendit Apostolus commendari caritatem Dei in nobis ex quo, cum peccatores essemus, pro nobis mortuus sit Christus. Si enim vix reperitur inter mortales, qui pro iusto, aut amico se devoveat, ut fecerunt pro Reipublicæ incolumitate Curtius, Decius, Codrus, quam singularis erit amor se devovere pro impiis? *Vix enim pro iusto quis moritur?* inquit Paulus. Ubi, etsi Erasmus, imo & Hieronymus ad Algasiam q. 7. *iustitiam*, non personam intelligit, quod nullo pacto vim argumentationis infringit; personam accipiendam commonstrat antithesis, ut observant docti viri Estius, & Jo. Gagnæus: comprobantque Versiones Aethiopica, & Arabica in novo Testam. Walt. pag. 648. At dum quis pro amico, aut iusto se morti devovet, pro alterius incolumitate vitam surrogat suam. Id ergo, teste Apostolo, longe præstantiori caritate fecit Christus pro impiis, & inimicis. Accedit quod proximo versu 10. id expressius exponens ait Paulus: *Si enim cum inimici essemus reconciliati sumus Deo per mortem filii ejus, &c.* quibus in verbis effectus mortis Christi, de quo infra, idest, peccatorum reconciliatio apertissime declaratur. III. Idem Apostolus in prima ad Corinth. 1. 13. ne humanæ eloquentiæ, & eorum, qui sibi Evangelium annuntiaverant merito se fidem crederent affecutos, *Nunquid, ait, Paulus crucifixus est pro vobis?* *Μὴ Πάυλος ἐσταυρώθη ὑπὲρ ὑμῶν;* Quo sane in loco particula ὑπὲρ, plus aliquid innuit, quam ubi ipse inquit percipere fieri anathema pro fratribus, aut nos jubemus pro fratribus animam ponere. Ibidem quippe significat Paulus neminem mortaliū, nisi Christum, morte nobis impetrasse quæ ad salutem perducat, licet multi & prædicatione, & exemplo, & etiam martyrio salutem nostram studuerint promovere, ideoque nos Christi esse, non Pauli, non Apollo, non Cephæ, ut aiebant Coriuthii. Hujus

autem rei optimam profert causam S. P. Augustinus Tract. LXXXIV. in Ioan. num. 2. scribens : *Eis fratres pro fratribus moriantur, tamen in fratrum peccatorum remissionem nullus sanguis Martyrum funditur : quod fecit Christus pro nobis*. IV. In altera ad Corinth. v. 14. ostendit Paulus impelli nos caritate Christi, ut illi vivamus, *quoniam unus pro omnibus mortuus est*. Græce : *ὅτι ἓς ὑμῶν πάντων ἀντίστον*. Istic quoque *ὑμῶν πάντων* subrogationem mortis Christi pro vera omnium redemptione commonstrat; quoniam Sociniano sensu, ad promovendam scilicet fidem, & caritatem commendandam, non unus, sed complures mortem appetiere: & quoniam e vestigio Paulus denegatam a Socinianis antecedentem causam mortis Christi, transfusam scilicet in omnes originariam prævaricationem commemorat dicens : *Quoniam si unus pro omnibus mortuus est, ergo omnes mortui sunt*. Quare hinc Augustinus sexcentis in locis, ut dictum alibi, probat contra Pelagianos originale peccatum. V. Non solum particula *ὑμῶν*, occurrit, ubi Christus dicitur mortuus pro nobis, sed etiam particula *ἀντί*, in textu Matt. citato Prop. 1. quæ particula commutationem, & substitutionem significat, ut demonstrat Grotius cap. 9. ex Matth. 11. 22., & xvii. 27. ex Lucæ xi. 11. ex 1. ad Corinth. xi. 15. ad Hebr. xii. 16. ex 1. Petri 1. 11. 9. quæ loca exscripsit etiam Tourneley de Incarn. pag. 175. Imo Socinus, & Crellius ea particula *ἀντί* commutationem significari haud negant, comminiscentes commutationem quamdam a subrogatione diversam, veluti dum captivi inter se permutantur, nec tamen alter vice alterius captivus evadit. Non enim Crellius locum invenire potuit, ubi *ἀντί* commutationem non denotet. Videatur Tom. 1v. Operum Crellii pag. 190. At quis percipere potest duorum captivorum permutationem, nisi uterque captivus sit? Quis nostrum redemptione peracta asserit quempiam remanere captivum? Quis inficias eat ex duobus captivis unum tradi in pretium & redemptionem alterius, & ideo utrumque solvi a captivitate, quia soluto pretio uterque solvitur a jure, & potestate Tyranni? Perperam ergo Faustus & Crellius tentant istinc evadere. Habet autem vim eandem vocabulum *ἀντί* 1. ad Timoth. 1. 6. supra explicatum. Ex quibus omnibus ad thesim probandam hæc construitur argumentatio. Si in locis, ubi Christus dicitur pro nobis mortuus, non solum significet particula *pro* aliquam utilitatem nobis proveniente ex Christi passione, qualem percipimus ex Apostolica prædicatione & exemplo; verum etiam demonstret mortem illum appetiisse, ut nos a sempiterna erueret perditione, ut se loco nostri substitueret ad placandam Dei indignationem, ut nobis impertiret gratiam, & peccatorum remissionem, ut nos denique a peccati captivitate redimeret; profecto Christus redemptionis nostræ causa mortem appetiit. Atqui explicato nuper sensu dicitur *pro nobis mortuus*. Ergo Christus eo fine,

ut nos redimeret a peccato, dæmoniſque captivitate, mortem pertulit.
PROPOSITIO IV. Chriſtus in morte perferenda peccatorum noſtro-
rum pœnas luit.

Chriſtum in cruce peccatorum noſtrorum pœnas pertuliſſe ex ſequentibus locis evincitur. I. Eſaias cap. lxxxv. 4. de Chriſto, ut Soci-
nus fatetur P.2. cap. 4. pag. 149. vaticinatus, nec ſermonem inſtituens
de Jeremia, ut opinatur Grotius Tom. 1. pag. 323. (falſo enim Tournely
ſcribit pag. 177. Grotium ad ipſum Iſaiam literæ ſenſum inſteſtere;) etſi magis נאִשָּׂא אֵינָהּ, ſecundum verba, fateatur in Chriſtum potius, ſu-
blimiſque vaticinium congruere: Eſaias inquam, ait: Vere languo-
res noſtros ipſe tulit, & dolores noſtros ipſe portavit. Hebraice: אָמַן
וּמַכְיָנוּ כָּלֵהָ וְהוּא נִשָּׂא וְהָלִינוּ quorum verborum ſenſus eſt, Vere de-
bitas peccatis noſtris pœnas tulit. Contendit Socinus verbum נִשָּׂא,
Nasâ, idem eſſe, atque auferre, non perferre, ac ſuſtinere, eo quod
Matthæus cap. vii. 17. hunc locum interpretetur de languoribus,
morbisque corporis, quos Chriſtus ſanavit, nec tamen tranſiit in
ſemetipſum. Idem cenſet Forerius Tom. iii. Crit. Sac. pag. 601. At
primum cum נִשָּׂא ſignificet pœnam luere Exodi xxv. 11. 43. Ezech.
xxix. 19. aliſque in locis plurimis; quare ſenſum iſtic non præſert
eundem? Certe Verſio Syriaca habet: Vere paſſiones noſtras ipſe per-
tulit, & dolores noſtros ipſe paſſus eſt. Arabica, Ipſe portat peccata
noſtra, & pro nobis dolore afficitur. Græca, ἵνα μάρτυρας ἡμῶν ᾖ, &
αὐτὸς πῶς ἡμῶν ἐδύναται. Ipſe peccata noſtra portat, & pro nobis dolet.
Deinde non ſolum verbum נִשָּׂא occurrit hoc loco, ſed etiam סָבַל ſa-
bal, quod nullibi aliud ſignificat quam ſuſtinere, ac bajulare. Vide
hebraica Biblia Gen. xli. 15. If. 46. 4. Thren. v. 7. &c. Præterea,
Chriſtum peccata delere quis negat? pœnas verò peccatorum ip-
ſum non pertuliſſe Socinus undenam probat? Sane quæ ſequuntur,
evincunt oppoſitum. Neque ad rem eſt præcitatus locus Matthæi.
Etenim languores Iſaias dixit, & qui animum afficiunt, & qui in
peccatorum pœnam torquent corpora: & Chriſtus utroſque curavit,
quoniam ſaſtus in ſimilitudinem carnis peccati pertulit infirmitates no-
ſtras ut a nobis languores animi, corporiſque morbos diſpelleret.
Quare recte Matthæus, etſi loquatur de ægotantibus corpore, uti-
tur teſtimonio Iſaiæ, ut per corporalium morborum curationes men-
tem erigamus ad percipienda ſpiritualia beneficia, ut curatio corpo-
ris eſſet veluti præambula redemptionis animarum, ut ſubaperiret
plurimas ægotationes ab animi peccatis originem trahere. Videatur
Joannes Chryſoſtomus hom. 28. in Matth. pag. 275. Eſtius, Arias
Montanus, ac præ ceteris Taddæus noſter Peruſinus in Iſaiam, Mal-
donatus, Janſenius, Nat. Alex. in cap. vii. Matthæi. Sanare ita-
que Chriſtum animi, corporiſque languores concedimus; de utriſque
loquutum Eſaiam quatenus mors, & infirmitates ſunt pœna peccati,

haud inficiamur: Christum vero utrifque languoribus attulisse medelam, quoniam ipse pertulit infirmitates nostras, & peccatorum nostrorum pœnas in se transtulit, firmissime profitemur. Atque id Esaias sequentibus verbis confirmat. Versu enim proximo inquit: *Ipse autem vulneratus est propter iniquitates nostras, attritus est propter scelera nostra*. Hebraice: *וְהוּא חָלַל מִבְּשָׁעֵינוּ מְרֵכָא מִפְּעֻוֹתֵינוּ*. Et ipse vulneratus a prævaricationibus nostris, attritus ab iniquitatibus nostris. Quo in loco iniquitates & scelera nostra fuisse mortis, ac suppliciorum Christi causam effectricem ac meritoriam fatis ipsa verba declarant. Sequitur autem Propheta: *Disciplina pacis nostræ super eum, & livore ejus sanati sumus*. Hebr. *וְנִחַרְתָּנוּ עָלָיו וְנִבְרַחְתָּנוּ*. *Castigatio pacificationum nostrarum super eum, & in livore ejus medicatum est nobis*. His apertissime significat Vates castigationem, quam divina justitia pro offensis nostris postulabat, ex qua conciliatio & pax consequeretur, Christo fuisse impositam; ut ex proprietate lingue sanctæ demonstrat Arias Montanus Tom. 2. in Esaiam p. 1160. Temere negat Socinus pag. 151. *castigationem* hoc loco significare punitionem, quoniam ei conjungitur *pax*; nam puniatio peccati dicitur *castigatio pacis*, quoniam per mortem Christi reconciliati sumus Deo, ut infra ostendam, innuitque ibidem Profeta dicens, *Et in livore ejus medicatum est nobis*. Habet Syriacus: *Castigatio pacis nostræ ipsi imponitur, & cicatricibus ejus curabimur*. Et Arabicus, *Castigatio pacis nostræ imposita est ei, per ejus vulnera nos sanati sumus*. Tom. 3. Polygl. pag. 145. Expende totum illud caput 1. 11. de quo hætenus. II. Apostolus in 2. ad Corinth. v. 21. scribit: *Eum, qui non noverat peccatum, pro nobis peccatum fecit*. Perspicuum est male a quibusdam legi, *Is*, idest Christus, *peccatum fecit*, quam lectionem rejicit Augustinus cap. XL1. Ench. num. 13. sed legendum, *Eum, qui non noverat peccatum*, ut habet Vulgata, & Græcus codex, *ὃς μὴ γινῶσκει ἁμαρτίαν*, ideoque sensus est, *Deus fecit Christum pro nobis peccatum*, sciicet, *sacrificium pro peccato*; ut ostendimus hujus Volum. pag. 173. Nam Levit. iv. 29. ubi habet Vulgata, *Ponetque manum super caput hostiæ, quæ pro peccato est*, legunt Hebræi, *עַל רֹאשׁ הַחֲטָאִת*, *super caput peccati*, & LXX. pariter *ἐπὶ κεφαλῇ τοῦ ἁμαρτήματος αὐτοῦ*. Recte itaque Augustinus citato loco, necnon Q. 12. super Num. & lib. 1. contra Maximinum cap. 2. ait *peccatum* dici ab Apostolo *sacrificium*, quod pro peccato offertur: quod & demonstrat scopus Apostoli ibidem loquentis de peccatorum reconciliatione. Possunt Apostolica verba & hunc habere sensum, *Fecit Deus Christum subiectum supplicii, & punitioni peccati*: quem sensum comprobat citato loc. contra Max. S. Pater ex alio Pauli contextu, ad Rom. vii. 3. *De peccato damnavit peccatum in carne*: ubi in Græco est verbum *καταγινώσκει*, idest, *condemnavit, judicavit, morti tradidit*. Sive autem dicas

Christi

Chriſtum fuiſſe pro peccatis noſtris maſtatum, ſive in ipſius carne affixa cruci apparere peccati iudicium, ac punitionem; quid aliud, te amabo, dices, niſi Chriſtum ſcelerum noſtrorum fuiſſe pœnas? III. Inviſtiſſime Socinianos revincit quod ſcribit Paulus ad Galatas 111. 13. *Chriſtus nos redemit de maledictio legis factus pro nobis maledictum: quia ſcriptum eſt, Maledictus omnis qui pendet in ligno*. Hic maledictionem & execrationem dici pœnam inſiſtam in punitionem peccati pluribus oſtendimus contra Pheraponum Tom. IV. pag. 45. & ſeq. Omnia, quæ ibidem diximus, demonſtrant verborum Apoſtoli ſenſum eſſe, Chriſtum nos redemiſſe a peccatorum pœna & execratione, a qua liberare non poterat lex ſcripta, ipſam execrationem ac pœnam in ſe ſuſcipiendo. Confirmat hanc interpretationem primo lex ipſa Deuteronomii xx1. 22. quæ agit de ſuſpenſis in patibulo ob graviſſimum ſcelus: idem commonſtrant exempla ſuſpenſorum, quæ habentur Num. xxv. 4. ob idololatriam, & ſcortationem, Joſue vi11. 29. & x. 26. ob intentatas clades Iſraelitis, cultumque Deorum, 2. Reg. xx1. 9. ob peccatum Saulis in Gabaonitis, & in divinæ vindictæ exemplar. Deinde etiam veteres Rabбини ſuſpenſum eſſe maledictum obſervant, quia peccavit coram Domino, & ſuſpenſus eſt in pœnam ſcelerum, & convitiſſimum, quibus Deum proſcudit. Ita Onkelos, Talmud lib. Sanhed. cap. 6. Abenezra, Kimki, alique collecti a Coccejo, Vitringa, & Seldeno. Catholicos Interpretes laudavit. pag. 45. Poſtremo maledictionis cauſa non a ſuſpendio petenda eſt, ſed a delicto, alioqui mortem Chriſti maledictam diceremus, quam phraſim in Catecheſi Palatina etiam hæretici *indisciplinatam* appellaverunt. *Non enim*, inquit Hieronymus in hunc locum, *maledictus quia pendet, ſed ideo pendet quia maledictus*. Igitur eſſe maledictum eſt eſſe ſuſpenſum in ligno in punitionem peccati. Cum itaque Chriſtum ibidem appellet Apoſtolus *μὴ γινῶτα ἁμαρτίας, innocentem*, & *neſcientem labem*, & ad Hebr. v11. 26. *ἁγίου, ἄκακον, ἀμίαντον, κεχωρισμένον ἀπὸ τῶν ἁμαρτωλῶν, ſanctum, innocentem, impollutum, ſegregatum a peccatoribus*, quomodo fecit illum Deus maledictum? Non alia ratione, niſi quia aliena peccata in ſe ſuſcepit, ut pro iis pœnas lucret; quemadmodum debitor appellatur tam qui per ſe debitum contrahit, quam qui pro alio vadimonium promittit, præſ, atque ſponſor. IV. Petrus Epift. 1. cap. 11. 24. inquit: *Qui peccata noſtra ipſe pertulit in corpore ſuo ſuper lignum*. Græce, *ὅς τὰς ἁμαρτίας ἡμῶν αὐτὸς ἀνέσχετο ἐν τῷ σώματι αὐτοῦ ἐπὶ τῷ ξύλῳ*. Carolus Witallie pag. 374. de Incarn. inquit Socinianos reſpondere Petrum non uſum verbo ſimplici *φέρειν*, quod eſt *ferre*, ſed composito, quod eſt *aufferre* & *delere*. Non i a ineptiunt Sociniani, ut fateantur *φέρειν* eſſe *perferre*, aut diverſam habere ſignificationem ab *ἀναφέρειν*: ſed Joan. Crel. pag. 20. ait, quamquam dixiſſet Petrus, *τὰς ἁμαρτίας ἡμῶν ἵπνευεν*, quod eſt a verbo ſimplici

plici *ἀνέβη*, non tamen verba illa protinus significarent *pœnæ* proprie dictæ *perpeſſionem*; nec forte ignorant *Ἰſαῖα* LIII. v. 4., habere *lxx.* *ἀνέβη ἀμαρτίας ἡμῶν ὅσοι*, ubi tamen *ὅσοι* interpretantur, *aufert*, *deleſ*. Reponunt itaque, uti eodem verbo *ἀνέβη* Paulum in Epistoſa ad Hebr. ix. verſu ult. ubi tamen, veritate cogente, etiam nos legimus, *ad multorum exhaurienda peccata*: unde conſtat *ἀνέβη* *ἀμαρτίας* non eſſe *perferre* peccata, ſed *tollere* & *auferr*. Ita Fauſtus pag. 152. Addit Crellius pag. 21. verbum *ἀνέβη* poni a *lxx.* pro hebraico *Haalab*, aſcendere fecit, ut adnotavit Tremellius in editione Syriaca. Addat, ſi lubeat, Theodorum Beza, & Eraſmum Schmidium. Eſt autem *aſcendere facere*, idem ac *transportare*, & *auferr*, ut de offibus Joſephi ex Aegypto aſportatis legitur Joſue xxiv. 32. Hæc Sociniani. At primum, ſi grammaticis ſignificationibus pugnandum eſt, *ἀνέβη* *τὸν ὁμαρτίας*, eſt *ſcelus in aliud transferre*, ut exquisitis exemplis demonſtrat Budæus Comment. ling. Græc. p. 401. Deinde non ait tantum Petrus, *ἀνέβη*, *tulit*, *portavit*, ſed *ἀνέβη ἐν τῷ σώματι αὐτοῦ ἐπὶ τὸ ξύλον*, *portavit in corpore ſuo ſuper lignum*. At corpus ſuum cruci affixit. Ergo etiam affixit cruci peccatum, ut ad Coloſſ. ii. 14. inquit Paulus de quo loco infra. Præterea quis noſtrum negat Chriſtum abſtuliffe peccata? Abſtulit, *delevit*; ſed pro nobis luendo pœnas: quod innuit eo loci Petrus, nos exhortans ut Chriſti exemplo feramus æquo animo maledicta, & cōvicia. De teſtimonio autem Pauli idem omnino dicimus. Optime Vulgata habet: *Ad multorum exhaurienda peccata*; at quo paſſo peccata exhaurivit? Eorum ſupplicium in cruce perferens, & corpus ſuum vulneratum, claviſſimum tranſfixum exhibens Deo *hoſtiam* propitiationis. Inquit enim ibidem Paulus, *Ad deſtitutionem peccati per hoſtiam ſuam apparuit*. At quid eſt *per hoſtiam ſuam*, niſi forte *per corpus ſuum*, quod fecit *hoſtiam pro peccato*, ut obſervat in hunc locum Primæſius? Ad hæc Paulus eo loci inſtituit antitheſim inter adventum Chriſti primum, & ſecundum: & in hoc ait appariturum *χρὶς ἀμαρτίας*, *ſine peccato*, ideſt, impaſſibilem atque immortalem. Igitur in primo adventu dicitur *tuliſſe peccata*, quatenus pro his paſſus ac mortuus eſt: alioqui inter adventum primum & ſecundum nulla ibidem exprimeretur *ἀντιθεſις*. Quod proinde ait Crellius *ἀνέβη* idem eſſe, ac *aſcendere fecit*, producta Syriaca Verſione, notiffique Tremellii, excipimus gratanter. *Aſcendere fecit*, ſed ſuper lignum, quemadmodum attollebatur in ara holocauſtum pro peccato. Nam *lxx.* Interpretes verbum illud *הָיָה*, *Aſcendere fecit*, vertunt *ἀνέβη*, ac inter alia cum de ſacrificiorum oblatione agitur, ubi utriuſque verbi frequens eſt uſus. Ita Crellius. Ex cujus confeſſione inferitur, quod Chriſtus in corpore ſuo affixo cruci ideo peccata ſuſtulit, quoniam corpus illud ligno ſuſfixum erat pro peccatis ſacrificium & hoſtia. Ita ex invitis pectoribus

erum-

erumpit veritas . Atque hæc omnia ſyllogiſmum iſtum efficiunt : Luit peccati pœnas quiſquis pro iniquitatibus confoditur , & vulneratur ; quiſquis in execrationem culpæ ſuſpenditur ; quiſquis pro peccatis tanquam hoſtia conteritur , & maſtatur . Atqui hæc omnia Chriſtus perpeſſus eſt . Igitur Chriſtus peccatorum noſtrorum pœnas luit .

PROPOSITIO V. Chriſtus affixus cruci fuit pro peccatis noſtris hoſtia , & ſacrificium Deo ſponte immolatum .

Hanc theſim confirmant verba Pauli in 2. ad Corinth. v. 21. & quæ nuper diximus de loco Petri Epiſt. prima 11. 24. ex confeſſione Joannis Crellii . Sed ulterius comprobatur . I. Indubitatum eſt , neque id Sociniani audent negare , Chriſtum præfiguratum fuiſſe in ſacrificiis veteris Teſtamenti . Hoc nos demonſtravimus libri x. nono capite ; hoc ſcribunt Patres , ut Hieronymus in caput 2. ad Ephēſ. & Auguſtinus lib. xx. contra Fauſtum cap. 18. & x. de Civ. D. cap. 20. Hoc teſtatur Apoſtolus Ad Hebr. x. 1. hoc denique Chriſtus in Cruce exclamans , *Conſummatum eſt* . At ſacrificia veteris legis , ſi non omnia , plura ſaltem pro peccatorum expiatione immolabantur : quod teſtatur Apoſtolus ad Hebræos v. 1. & v. 11. 3. Nolunt vim huius argumentationis hoſtes veritatis percipere . Negant antiquas viſtimas aliquod præferre veræ expiationis veſtigium : negant agnum , qui poſtiſimum Chriſtum præfigurabat , fuiſſe aliquando pro peccato immolatum : negant viſtimas illas aliquam per ſe habuiſſe vim divinæ juſtitie ſatisfaciendi , atque ad id comprobandum appellant ad conſenſum doctōrum virorum : addunt & rationem , quia nec inter homines & beſtias eſt ſpeciei communio , nec earum oblatione indiget Deus omnium univerſorum . Hæc Socinus P. 2. pag. 156. & ſeq. Ad quæ cum multa reſpondeat Grotius cap. 10. omnia nos facillime elidi arbitramur , ſi duo per ſe obvia prænotentur ; unum , quod *ſi totum præcedat in typo , jam non typus , ſed hiſtorie veritas eſt appellanda* : alterum , quod *de umbra tranſeuntibus ad veritatem , & de lege ad Evangelium , pro brevibus & præſentibus futura , & æterna ſuccedant* : quorum primum tradit Hieronymus in cap. x1. Oſeæ , alterum in cap. x111. Zachariæ . Eſſi ergo vetera ſacrificia per ſe non delebant peccati maculam , typus tamen erant ſacrificii Chriſti , per quod peccatum expiatur ; atque ipſa peccati expiatio præſignabatur in oblatione immunditiæ legalis , & in relaxatione temporalis pœnæ , quam lex tranſgreſſoribus minabatur . Etenim effuſionem ſanguinis pecudum fuiſſe homini *pro anime piaculo* , legitur xvii. Levit. verſu 11. Et quavis Deus pecudum & arietum ſit Dominus ; ea libera maſtatione , qua pro hominibus carne immundis mundæ pecudes necabantur , parcebat tranſgreſſoribus , ne iis mortem immitteret violentam . Sicut ergo per hoſtiarum ſanguinem abſtergebatur carnis inquinamentum , ita per ſanguinem Chriſti detergitur labes peccati . Vide Auguſtinum lib.

lib. xvi i i. contra Faustum cap. 6. & Apostolum ad Hebræos c. ix. 13. Itaque sive hostia pro peccato, quæ erat piaculum animæ, sensu explicato, sive mactatio agni, sive hirci emissarii, sive oblationes pro legali immunditia, præsignarunt effectum passionis Christi, qui unico sacrificio omnia consummavit: nec opus est, ut præmonui, in typis totum præcedere, & carnalibus tribuere spiritualia. De mactatione agni, liquet ex cap. xii. 13. Exodi ejus sanguinem liberaſſe a *plaga disperdente*: immolatos agnos pro delicto patet ex Levit. xiv. 13. & Num. vi. 14. quod & fatetur Crellius pag. 205. ægre ferens *u*. Grotio in hoc reprehendi Socinum: qua in re arbitror potius Crellium peccare; nam Socinus P. 2. cap. i. pag. 156. negat Baptistam, appellasse Christum *Agnum*, respiciendo tanquam *ad typum*, ad agnos immolatos, & hanc rationem profert, *Cum in vetere federe, ut jam dictum est, pro peccato nullus agnus immolaretur. Quæ ratio cum Crellii confessione falsa sit; Christus dicitur agnus Dei*, quia in peccatorum expiationem tanquam agnus occisus est, ut prænu-tiavit Esaias l. i i i. 7. & in illius passione completum testatur Philip-pus, Act. vi i i. 32. Vide supra Prop. 2. num. 3. & 4. II. Apostolus ad Ephesios v. 2. nos hortatur, ut ambulemus in dilectione, *Sicut & Christus dilexit nos, & tradidit semetipsum pro nobis oblationem, & hostiam Deo in odorem suavitatis*. Græce, *προσφοράν, ἣν θυσίαν τῷ θεῷ οὕτως ὡς ἡμῶν ἰουδίας*. Hostiam, *θυσίαν*, esse victimæ mactationem a *θύω, mactō, sacrifico*, negare non audent Sociniani, præsertim si ad-jungatur *προσφορά*, oblatio, quæ vox *nunc ipsum offerendi actum, nunc rem oblatam significat*, inquit Crellius p. 223. oppugnaturus Grotium, qui inter *θυσίαν*, & *προσφοράν* haud male distinguit, cum non omnis oblatio sit mactatio hostiæ, ut res per se loquitur. At si discrimen illud approbes, aperte sequetur Christum non solum pro peccatis no-ſtris oblatum caritate, & amore, verum etiam effuso sanguine ma-ctatum atque immolatum: si oblationem accipias pro ipso actu ma-ctationis; consequetur sacrificium quod pro nobis Christus obtulit, cruenta sanguinis effusione fuisse peractum. Quicquid ergo affirmes, negari nequit Christum esse pro peccatis nostris oblationem & hostiam. acceptis *προσφοράς*, & *θυσίας* vocabulis pro concreto, nam Christus tradidisse *semetipsum*, innuit ibidem Paulus. Quamobrem bene sapienterque Interpretes nostri observarunt Christum Dominum esse si-mul hostiam & Sacerdotem. At enim respondet Crellius, in mactatio-ne nullam haberi rationem sacrificii, cum & Levitæ sacerdotio pri-vati holocausta victimasque mactarent, Ezech. xli v. 10. 11. Verum ibidem versu 15. sacerdotes appellantur, qui offerunt Domino *adipem & sanguinem*: quibus verbis verum sacrificium designari p. 224. fatetur Crellius. Cum itaque Christus obtulerit se Deo hostiam, & cruentatam victimam, ut inquit Apostolus; sacrificium pro nobis obtu-

obtulisse negat frustra idem Ebionita. Subtilius aliquid videtur repone-
 nere, dum ait illorum verborum *in odorem bonæ fragrantie* vix ullum
 esse usum, cum de expiatoriis sacrificiis est sermo. Sed primo de ho-
 locaustis ea verba usurpantur Gen. vii. 21. de mactatione arietis
 Exodi xxix. 16. de immolatione avium Levit. i. 17. de hostia bovinæ,
 & ovium Num. xv. 3. Deinde etiam de hostia, *quæ pro peccato est*,
 ea phrasi fit sermo Levit. iv. 31. Verum tamen est ubique appelli sacri-
 ficiū *in odorem suavitatis* non mactationem pecudis, aut effusio-
 nem sanguinis, sed adustionem holocausti, & cremationem adipis:
 ignis enim, intestina, incensum, & suffimenta caritatem, animique
 rectitudinem, ad quam Deus attendit, significant. Itaque Aposto-
 lus sacrificiū Christi tanta caritate ac dilectione peractum, rectissi-
 me appellat *hostiam in odorem bonæ fragrantie*; gerebatque typum
 mortis Christi victimarum mactatio; dilectionis autem, & flagran-
 tissimæ caritatis crematio adipis. III. In epistola ad Hebr. oblato pro
 nobis sacrificii pluribus mentio fit, inter Sacerdotium Leviticum, &
 Christi allato discrimine. Ac primum cap. vii. 27. Christi commen-
 datur sanctitas ac perfectio, quod non habuerit necessitatem, quem-
 admodum Sacerdotes, quotidie offerre hostias pro suis delictis, dein-
 de pro populi: *Hoc enim fecit semel seipsum offerendo*, in ara Crucis,
 ut recte Tridentini Patres sess. 22. cap. 1. subaudi *pro delictis populi*,
 nam versu præcedenti dicitur Christus *sanctus, innocens, impollutus,*
segregatus a peccatoribus. Hanc oblationem in cælis fieri perperam
 autumant Poloni fratres, nam Apostolus loquitur de oblatione hostiæ,
 hanc semel peractam ait, statuitque discrimen inter cruentam macta-
 tionem victimarum sæpenumero repetitam, & immaculati Agni occi-
 sionem semel peractam. At in cælo *semper vivit ad interpellandum*
pro nobis, ait eodem capite Paulus, nec mactatur denuo, sed inces-
 santer effusi sanguinis pretium exhibet Patri. Deinde Apostolus c. ix.
 11. inquit: *Christus assistens Pontifex futurorum bonorum*, &c. qui-
 bus verbis sempiternum ejus Sacerdotium commendat, per quod cæle-
 lestem nobis aditum referavit, & *per proprium sanguinem introivit se-
 mel in sancta, æterna redemptione inventa*. Et hic ludunt operam
 Socius, Crellius, Smalcus, Wolchellius, aliæque pestes, asseren-
 do Christum nonnisi in cælo Sacerdotis munere fungi, ut summus
 Pontifex Aaronicus quotannis ingrediebatur sanctuarium cum san-
 guine hircino, & vitulino, ut legitur ibid. versu 25., & Levit. xvi.
 2. At revera mentita est iniquitas sibi: enimvero illa verba, *Chri-
 stus assistens Pontifex*, Græcè habentur, *ἰστησὶς ὡς ἀρχιερεὺς ἀρχιερεὺς*
Postquam advenisset Pontifex, idest, posteaquam in tua incarnatione
 factus esset Pontifex: & si in cælum ingressus dicitur *ὡς τὸ ἰδὲ ἄναξ*,
per proprium sanguinem, sive ut legit Arabs, *cum sanguine*; prote-
 cto jam sanguinem effuderat, & obtulerat hostiam. Atque ita Aaron

ingredi non poterat sanctuarium, nisi antea obtulisset *vitulum pro peccato, & arietem in holocaustum*, citato cap. Levitici versu 3. Nec inferre poterat sanguinem intra cælum, nisi prius mactasset *hircum pro peccato populi*, ibid. vers. 15. Omnia ergo quadrant adamussim, si dicamus Christum effuso sanguine obtulisse sacrificium in cruce, cujus pretium indefinenter exhibet Patri. Eodem cap. ix. ad Hebr. versu 14. producto typo junicis rufæ, de qua Num. xix. 2. ait Apostolus: *Quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram*, designans longe perfectius esse sacrificium sanguinis Christi immaculati, & absque omni prorsus labe, quo emundantur conscientie sordes, quam fuerit sanguis & cinis vaccæ rufæ sanctificans inquinatos *ad emundationem carnis*. Dicent ne Socini gregarii factam hanc oblationem in cælo? At de vacca rufa legitur Num. xix. 3. immolatam *extra castra*: & de Christo ad Hebr. xii. 12. *Propter quod & Jesus, ut sanctificaret per suum sanguinem populum, extra portam passus est*. Videfis iv. volum. hujus op. pag. 78. In eadem ad Hebræos Epist. citato cap. v. 22. habetur: *Semel in consummatione seculorum, ad destitutionem peccati per hostiam suam apparuit*. Dictum apparuit in primo adventu, nam sequitur, *secundo sine peccato apparebit*. Dum ergo iniquiunt hanc hostiam immolari in cælis, delirant FF. Poloni. Non debent permoveri illis verbis *in consummatione seculorum*; nam & his designatur tempus Dominicæ Incarnationis, ad Galatas iv. 4. & ad Ephes. i. 10. Denique Apostolus laudata Epistola ad Hebr. cap. x. 12. ait: *Hic autem unam pro peccatis offerens hostiam, in sempiternum sedet in dextra Dei*. Audio cavillatores: *sedet offerens*, inquit, non obtulit in cruce pendulus. At quis non videt antithesim præcedentium verborum, *Omnis Sacerdos præsto est quotidie ministrans, & easdem semper offerens hostias, quæ nunquam possunt auferre peccata*? Itaque sensus est: Christus una oblatione peracta in cruce *consummavit in sempiternum sanctificatos*; cum sacrificia Aaronica essent quotidie innovanda. Ita Apostolus proximo versu 14. cujus sensum optime affectus est suis in Paulum Adnotationibus sodalis noster, Joannes Thomas de Bonis. Addo pro *offerens* extare in Græco *παριστάς*, participium præteriti temporis, idem valens, ac, *cum obtulisset*. Adeas Estium in Paulum. Offert itaque Christus in cælo illam eandem hostiam quam obtulit in cruce; eandemque nos in altari immolamus in commemorationem, & applicationem illius sacrificii, quod *consummavit in sempiternum sanctificatos*. Atque his abunde refutavimus hæreticos, qui negant Christum in terris degentem functum munere sacerdotis, & seipsum in satisfactionem pro peccatis nostris sacrificasse. Possunt autem dicta hæc ratiocinatione concludi: Esse antitypum victimarum legalium, tradere semetipsum oblationem & hostiam Deo, ac semetipsum immolare

sare pro delictis populi , idem est , ac pro peccatis offerre sacrificium . Atqui Christus in ara Crucis fuit antitypus victimarum legalium , tradidit semetipsum oblationem , & hostiam Deo , atque pro delictis populi immolatus est . Ergo Christus in ara crucis semetipsum pro peccatis nostris obtulit sacrificium .

PROPOSITIO VI. Per hanc hostiam , & sacrificium reconciliati sumus Deo .

Reconciliationem hominum per Christum factam , quatenus nostram procuravit conversionem , & effecit ne pœnam , quam promeriti fuimus , sentiamus , fatetur Socinus P. 2. cap. 8. & Crellius in respons. ad cap. 7. disert. Grotianæ . Negant tantum morte Christi iram Dei fuisse placatam , & Deum nobis reconciliatum intuitu passionis ejus : quam impiam tergiversationem superioribus , & sequentibus argumentis refutamus . I. Apostolus ad Rom. 111. 24. & seq. de nostra justificatione sermonem instituens , inquit : *Justificati gratis , per gratiam ipsius , per redemptionem , quæ est , in Christo Jesu , quem proposuit Deus propitiationem per fidem in Sanguine ipsius* . Clarissimus Pauli interpretes doctissimus Seripandus pag. 57. Apostoli verba hac perspicuitate declarat . Justificati gratis : *absque ullo eorum promerito* . Per gratiam ipsius : *non per opera legis , sed per bonam , liberalem & benignam Dei erga nos voluntatem* . Per redemptionem , quæ est in Christo Jesu : *In hac Dei erga homines præclara voluntas excelluit , quod pretium , quo redimerentur a servitute peccati , non in auro , non in argento , non in humanis quibuscunque , aut operibus , aut divitiis posuit , sed in carne unigeniti filii sui Jesu Christi* . Abeant nunc in malam crucem inimici Redemptoris . Inquiunt , Si reconciliati sumus gratis , quomodo per sanguinis Christi placamentum ? At *gratis* ait Apostolus , excludens nostra promerita , & legis opera , de quibus paullo supra , *Ex operibus legis non justificabitur omnis caro* , non excludens *redemptionem , quæ est in Christo Jesu* ; sive *ἀντάγωην* , ut legunt Græci , *pretium* , quo redimuntur captivi : quod sane pretium gratiam non tollit , quoniam libera Dei voluntas proposuit nobis Christum *propitiationem , ἱλαστικόν , iræ placamen* . Reponunt nusquam extare scriptum quod Deus reconciliatus sit nobis , sed quod nos reconciliati simus Deo . Quid vero inde ? Reconciliationem percipi nequit , nisi intelligatur placari , qui averſo erat animo . At non Deo nos , sed nobis Deus iratus erat , ipse pœnalem legem statuerat , ipse erat offensus . Ita ergo Deo reconciliati sumus , ut ipse placatus sit , pœnamque debitam relaxaverit . Dicitur autem in sacris literis *propitiari Deo peccatorem* , ut dicitur summus Sacerdos , ad Heb. 11. 17. *repropitiare delicta populi* , idest , placare Deum ob delicta populi iratum , consueta Scripturarum locutione , quam dicunt Grammatici *enallagen* , scilicet , permutationem . Ajunt non

esse tribuendam hanc placationem sanguini Redemptoris ; quoniam si Deus proposuit Christum *propitiationem*, jam salutem nostram concupierat, & media, quæ ad eam pertinebant, statuerat ; ideoque nullam adversus nos fovebat indignationem. Sed ait Apostolus hanc propitiationem positam *in sanguine ipsius*, & proximo capite v. 10. affirmat nos, *cum inimici essemus*, reconciliatos Deo *per mortem filii ejus* : de quo loco etiam supra Prop. 3. Itaque sanguis & mors Christi hanc propitiationem effecerunt : neque id gratiæ & misericordiæ repugnat, quia, ut diximus cum Scripando, reconciliationis pretium libera Dei voluntas *proposuit*. II. In 2. ad Corinth. v. 19. ait Paulus : *Quoniam quidem Deus erat in Christo mundum reconcilians sibi*. Ubi nota Christo tribui *reconciliationem*, Apostolis autem qui pro Christo legatione funguntur, *ministerium reconciliationis* : quod exercent dispensatione verbi, & administratione sacramentorum. Christus ergo proprio sanguine non solum Dei reconciliationem annuntiavit, sed etiam promeruit. III. Et reconciliationem, & placamentum, & sanguinem, & crucem Christi complectitur Doctor gentium ad Colossens. 1. 20. scribens, *Per eum* (complacuit Deus) *reconciliare omnia in ipsum, pacificans per sanguinem crucis ejus*. Legit Oecum. pag. 121. *Pace facta per sanguinem crucis sue*. Perperam, itaque a reconciliatione placamen, a placamine sanguinis, & Crucis Christi efficientiam sejungunt Sociniani. IV. Joannes Epist. prima 1. 1. 2. scribit. *Si quis peccaverit, advocatum habemus apud Patrem, Jesum Christum justum : & ipse est propitiatio pro peccatis nostris*. Quid ad hæc Socinus, quid Crellius ? Ille lib. 1. cap. 7. contendit Christum dici advocatum nostrum, ac mediatorem, quia, ut Moses, internuncii munus gessit, non quod *pacificatoris* locum teneat ; sed aliter suadet Paulus 1. ad Timot. 11. 5. scribens : *Unus est mediator Dei & hominum homo Christus Jesus : qui dedit redemptionem semetipsum pro omnibus* ; de quo loco propos. 1. & ad Hebr. 1x. 15. *Et ideo novi testamenti mediator est, ut morte intercedente, in redemptionem earum pravaricationum, &c.* Christus ergo est Mediator, & advocatus speciali titulo, quia tradens semetipsum *ἀνταρτα*, pretium liberationis, factus est propitiatio pro peccatis nostris : quod nec Mosi convenit, nec ulli mortalium. Crellius autem reponit pag. 147. a Joanne nullam mortis Christi mentionem fieri, & dici ipsum Christum advocatum apud Patrem, quia semper vivit ad *interpellandum* pro nobis, ut ad Hebr. vii. 24. Verum meminisse oportebat, paullo supra scripsisse Joannem, *Et sanguis Jesu Christi filii ejus emundat nos ab omni peccato*. Illud quoque observandum erat, Paulum ad Hebræos commonstrare eo loci sempiternum Christi Sacerdotium, redemptionem æternam, & assiduam pro nobis intercessionem, quia semel obtulit seipsum hostiam perfectam pro delictis populi. *Quamobrem*

obrem ubique Chriſti mediatio , officiumque advocatiſonis commendatur , ſanguinis ejus placamentum non excluditur , ſed ſupponitur . Immobiles ſtat ergo theſis noſtra , quandoquidem reconciliati ſumus Deo per Chriſtum , tanquam per hoſtiam pro nobis maſtatam ; ſi in ejus ſanguine habeamus propitiationem , & ob mortem crucis ipſe fuerit pacis noſtræ ſequeſter ac mediator . Atqui in ſanguine Chriſti propitiationem habemus , & ipſe per ſupplicium crucis ſequeſter pacis , & Mediator noſter effectus eſt . Ergo per ipſum , tanquam per hoſtiam , & ſacrificium placaminis , reconciliati ſumus Deo .

PROPOSITIO VII. In hac reconciliatione a peccatis expiati ſumus , deleti per paſſionem Chriſti delictorum noſtrorum chirographo.

Adverſus Socinum , qui lib. 2. pag. 173. cap. 20. ait expiaſſe quidem Chriſtum peccata noſtra , quatenus ea peregerit , quibus peractis veniam delictorum noſtrorum jam nobis ſponte decretam , & promiſſam confeſuti ſimus , vel etiam eam veniam nos confeſutos eſſe declaratum ſit , non autem quatenus obtulerit pro nobis ſacrificium expiatorium , pugnant quæ diximus quinta propoſitione . Ut appareat modo , Chriſtum in cruce non declaraviſſe peccata noſtra expiata , nec tantum ingeneraviſſe nobis fidem , qua a peccatis in poſterum retrahamur , ut inquit Crellius cap. 10. contra Grotium pag. 210. dicimus nos per Chriſtum a peccato expiatis , quatenus ipſe per crucem & mortem ſuam verè diviniſtice a nobis pœnam exigenti cruciatibus ſuis ſatiſfecerit : quod non ſolum præcedentiũ confeſtarium eſt , verum etiam apertiſſime traditur ab Apoſtolo . I. Is enim ait ad Galat. 3. aliisſque in locis , Chriſtum , ut nos ſolveret a maledictio legis , ideſt , a pœna nobis infligenda , factum pro nobis *maledictum* , hoc eſt , ſubjectum punitioni , ac ſupplicio . Vide ſupra IV. Prop. Quid eſt autem aliena expiare peccata , niſi delere reatum , & ſacrificiis purgare noxium a ſcelere ? Quod cum factum ſit etiam ſubſtitutione Unigeniti , pro inimicis aliàs damnandis , nil reſtat ad veram ſatiſfactionem conſtituendam . II. Idem Apoſtolus ad Coloſs. 11. 14. ait : *Delens quod adverſum nos erat , chirographum decreti , quod erat contrarium nobis , & ipſum tulit de medio , affigens illud cruci . In quem locum Chryſoſtomus hom. 6. p. 1357. Vides quantum poſueris ſtudium , ut deleſetur chirographum . Utpote eramus omnes obnoxii peccato , & pœna . Ipſe punitus ſolvit & peccatum & pœnam : punitus autem fuit in cruce . Illic ergo ipſum affixit , tanquam qui haberet poteſtatem , ipſum diſrupit . Quodnam chirographum ? Aut id , quod dicebant Moſi , Quæcunque dixit Deus faciemus , & audiemus . Aut ſi non hoc , quod Deo debemus obedientiam . Aut ſi non hoc , quod id tenebat Diabolus chirographum , quod Deus fecit Adamo dicens , Quæ die a ligno comederis , morieris . Hoc ergo chirographum tenebat diabolus : nec id nobis dedit Chriſtus , ſed ipſe id ſciavit .* Idem ſcribunt

Oecu-

Oecumenius pag. 132. & Theophylactus pag. 651. Auctor etiam Comment. quæ tribuuntur Ambrosio, pag. 269. tom. 2. chirographum interpretatur *peccatum*, quod ex *Adæ* erat *prævaricatione*, quod nos a mortuis *resurgere non sinebat*. Socinus P. 2. cap. 24. pag. 181. respondet ex verbis Pauli non Christum sed Deum delevisse chirographum: nec in cruce deletum, sed postquam deletum erat, affixum cruci. Ingeniosa cavillatio, nisi in Græcis extaret, *ἀποκαταρτιστὸν τὴν σταυρῶν*, ubi *affigens* exprimitur participio præteriti temporis, quo significatur deletum chirographum, postquam fuerat affixum. Deinde ait Socinus, hujusmodi chirographum esse veterem legem, & cæremonialia præcepta, quoniam de iis loquitur Apostolus: unde concludit postmodum, *Nemo ergo vos judicet in cibo, aut potu*. Illud peterem a Socino: si cæremonialia præcepta non fuerunt abrogata, nisi in morte Christi; quomodo *chirographum*, quo hæc præcepta significantur, erat deletum antequam Christus esset affixus cruci? Sed me aliquantulum commovet, quod *chirographum* hoc loco legem Mosaicam interpretatur etiam Grotius Socini adversarius. Quid mihi cum Grotio? Sodalis quoque noster Joannes-Thomas: imo & Estius, qui eandem ac Socinus rationem profert, quod Paulus loquatur adversus judaizantes, qui Colossenses abrogatæ legi subicere conabantur: additque Estius hunc sensum præcipue a Græcis interpretibus probari, & eos, qui *chirographum* interpretantur aut legem datam in Paradiso, aut mortis æternæ obligationem, quam omnes incurrunt peccando, sensum hujus loci ultra Pauli mentem extendere. Qua in re Estium recedere ab interpretatione Græcorum, quos tamen pro se laudat, ex dictis est manifestum. Quamobrem Grotii, Estii, Sodalis nostri, aliorumque interpretatio, nisi accipiat, ut inquirunt, cum grano salis, nihil est aliud, quam evasio Sociniana. Itaque verum est, agere Apostolum de abrogatione legis Mosaicæ, quod optime probat Estius, imo & Socinus: sed lex non dicitur *chirographum* eo sensu, quod ea premebantur; sed quia legem, quæ peccata arguit, profitentes fatebantur se reos legis, prævaricatores, & obnoxios pænæ, a qua sola Christi mors potest nos liberare. Est enim chirographum propriæ manus syngrapha, qua aliquis se debitorem fatetur; unde Apostolus addit: *Et expolians principatus & potestates, traduxit confidenter, palam triumphans illos in semetipso*, idest, vicit diabolum ac demones nobis peccatorum reatum obijcientes, ut exponit lib. 1. Confels. cap. 13. num. 36. Augustinus: qui etiam disputans contra Pelagianos *chirographum* appellare solet culpæ debitum. Verum est ergo Apostolum loqui de abrogatione legis; sed nihilofecius in abolitione legis deletum ait, quod adversum nos erat, *chirographum*, idest, peccatum, & pænâ, quam promeremur *mortui in delictis*, quæ lex Moïsi arguebat & increpabat. Et quo-

quoniam peccato , quod lex accuſabat , non ſanabat , obnoxii fuimus non ſolum transgreſſione legis ſcriptæ , ſed etiam prævaricatione Adæ , præferendam puto interpretationem Chryſoſtomi , maxime quod *chirographum decreti* Græce dicitur *χειρόγραφον τῆς διαγραφῆς* , decretis , plurali numero ; atque ita etiam legit S. Pater Epistoła 59. ad Paulinum , nunc 149. num. 26. Quam facile hac præmiſſa explicatione dirumpatur rete , quod in araneolis textit Fauſtus Socinus , eliquatiſſimum cenſeo . III. Peccatorum expiatio ſpeciali titulo morti , & ſanguini Chriſti tribuitur . Adeas Matth. xxv 1. 28. ad Rom. 111. 24. & v. 9. ad Ephes. 1. 7. ad Coloſſenſ. 1. 14. ad Hebr. 1x. 20. 22. aliaque loca ſuperius explicata . At mors , & effuſio ſanguinis juſtitiæ potius , quam miſericordiam commonſtrant , licet caritas fuerit maxima Unigenitum Filium Dei pro inimicis ſupplicio affici : quare ad Rom. 111. 25. 26. Chriſtus dicitur mortuus *ad offenſionem juſtitie* . Fidem quoque excitare potiori jure videtur prædicatio , patratio miraculorum , & præſertim reſurrectio , quam mors in ſe duntaxat ſpectata : nam ſi dixeris reſurrexerit ipſam , & fidem effectus eſſe mortis Chriſti , id etiam nos proſitemur . Cur ergo morti ac ſanguini tribuitur expiatio culparum , non vero miraculis , quibus pernulti crediderunt in Chriſtum , non terræ concuſſioni , aliſque ſignis , quibus viſis Centurio , aliique e Golgotha *revertebantur percutientes peſtora ſua* , non reſurrexerit , qua comprobata Chriſto Judæorum quamplurimi nomen dederunt ? Ipſe Socinus veritate cogente lib. 2. cap. 3. p. 147. hanc assignat rationem : *Neque enim ea analogia , ſive proportio eſt reſurrexerit Chriſti ad pretium , quæ mortis . Chriſtus ſiquidem reſurgendo nihil de ſuo dat aut impendit ; ſed moriendo vitam ſuam & ſanguinem perfundit* . Ergo non fidem ingenerando , ſed ſanguinem profundendo nos Chriſtus a peccato expiavit : qua expiatione facta , & *reconciliati Deo per mortem filii ejus* , ut inquit Apoſtolus ad Rom. v. 10. ad juſtificationem diſponimur , credentes vera eſſe quæ divinitus ſunt revelata , atque illud in primis juſtificari impium per gratiam ejus , per redemptionem quæ eſt in Chriſto Jeſu . Vide lib. xix. cap. 4. Atque his prior abſolvitur diſſertatio . Enimvero reconciliati ſumus per Chriſtum Deo vera exhibita ſatiſfactione ; ſi hac reconciliatio facta ſit ſubſtitutione mortis , deletionem chirographi , & ſanguinis effuſione . Liquet autem ex Apoſtolo factam hanc reconciliationem ſubſtitutione mortis Chriſti , abolitione chirographi , & ſanguinis profuſione . Ergo liquet nos Deo reconciliatos eſſe per Chriſtum vera exhibita ſatiſfactione .



CAPUT III.

Sequitur perversi dogmatis FF. Polonorum confutatio.

VIDENDUM modo qualem in satisfactione Christi locum habeat divina justitia : qua in re , ut præmonui priori capite , solent quidam Theologi ad refellendos Socinianos demonstrare , quod fit in Deo justitia vindex peccatorum reposcens pœnas , & constans voluntas puniendi scelestos . Id vero accuratius præstant , qui studiosorum teruntur manibus , A. Boucat dissert. v11. sect. 1. art. 1. Honoratus Tournely Q. v. art. 1. Carolus Witasse Q. 11. sect. 5. cap. 1. & Nicol. L'Herm. pag. 399. volum. 3. Atque sunt argumenta illa deprompta ex pœnis , quibus Deus in impios animadvertit , sit in exemplo mors primo homini inflicta , universale diluvium , Sodomorum everfio , immissio ignitorum serpentium , Assyriorum captivitas , ac Jerosolymorum vastatio . Accedunt prophetica , & Evangelica oracula , quibus in impios ira , maledictio , ultio , gehenna prænuntiantur : ut Deut. v11. 10. Ezech. v. 13. ad Rom. 1. 18. ad Galat. 111. 10. aliisque in locis sexcentis ; quæ sat erit in præsentia commemorasse . Enimvero Socinus de Christo Servat. pag. 122. illam in Deo agnoscit justitiam , qua Deus perdit contumaces , & qua etiam impios non perditæ spei punit ac deserit , iisdem testimoniis , quæ nunc in eum contorquentur , ad hanc justitiam comprobendam accitis , ac præsertim Exodi xxxiv. 7. num. xiv. 18. Luc. x111. 2. ad Rom. 11. 4. 5. Crellius vero non solum vindicem justitiam fatetur , sed etiam in lib. de Attributis divinis pag. 69. ait hujus justitiæ effectus esse iis , qui non respiciunt semper negare veniam , nonnunquam illos , eorum respicientia non expectata , e medio tollere , & aliquando oculos sponte claudentibus lucem veritatis subtrahere . Etsi ergo laudatorum Theologorum probo conatus , miror eruditionem , & ipsorum quoque lectione me profecisse , si profeci tamen , confiteor ; opportunius arbitror non permiscere in gravi hac controversia quæ de Justitia vindice peccatorum nobiscum hostes propugnant , sed illud inquirere , quod controversiæ caput est , an hæc justitia pœnam ab iniquis reposcens interfuerit in hominum redemptione . Atque hoc pacto non poterunt reponere adversarii , quod novimus Coveto respondisse Socinum citato Op. pag. 123. *Quod igitur ais Deum iniquitatem impunitam non relinquere , hoc quidem verum est , idque perpetuo , si obliuiscamur , hominis malitiam ejusque perseverantiam in malis perpetrandis intelligis : sed si de ea iniquitate , in qua quis non persistat , verba facis , id a veritate quamlongissime abhorret , præsertim si de ea punitione loqueris , qua Deus summo jure agens in delicta*

liſta hominum vindicare poteſt. Proſecuturus itaque nefariæ hæreſis conſultationem ſtatutam proximas poſitiones.

PROPOSITIO VIII. Noluit Deus in hominum redemptione peccata dimittere non exhibita divinæ juſtitiae ſatiſfactione.

Ac primo fatetur Socinus in Deo eſſe juſtitiam, atque ſeveritatem, qua animadvertit in homines perverſaces, qui perſiſtunt in perpetrando ſcelere, nec reſipiſcunt. At ubi de originali peccato & de gratia Chriſti diſputatum eſt, vidimus filios Adæ naſci culpæ obnoxios, peccati captivos, concupiſcentia, animique languore affectos, ſcribente Apoſtolo ad Rom. v. 18. *Per unius delictum in omnes homines in condemnationem*. Diximus quoque neminem abſque gratia poſſe a peccatis reſipiſcere, imo nec bonam concipere voluntatem. Hæc autem gratia ſi non ex Chriſti donaretur merito, & aliunde haberi poſſet juſtitia, gratis idem Chriſtus mortuus eſſet: quare nil in Paulo expreſſius, quam nos habere per Chriſtum acceſſum in gratiam iſtam, nec amplius peccatum dominari, quia ſumus ſub hac gratia. Quid ergo? Niſi Chriſtus ſolviſſet maledictionem, & ſicut per inobedientiam Adæ regnavit delictum, ita per Chriſti obedientiam ac meritum ſuperabundaret gratia; dominaretur peccatum, nec quis noſtrum de reſipiſcentia cogitaret. Atqui aſſentitur Socinus divinam juſtitiam punire & damnare perverſaces, qui ad bonam frugem non redeunt. Igitur niſi Chriſti mors maledictionem ſolviſſet antiquam, & obedientiæ merito per ipſum regnaret gratia; juſtitia puniret omnes; quia omnes perverſaces forent, in omnes eſſet judicium ex uno in condemnationem, in omnibus regnaret mors, dominaretur peccatum, perſiſteret vetuſta captivitas. Intuitu ergo meritorum Chriſti, & ſatiſfactionis ejus ab ira, & a punitione ſalvi erimus. II. Revera redemptionem noſtram, non condonatione tantum, ſed judicio, ac juſtitia fuiſſe peractam literæ evincunt ſacræ: quas priuſquam profero, pecto an condonatio ſit, an juſtitia, ſi reus ad tribunal judicis ab adverſario compulſus, cum miſerrimus ſit, & ad ſolvendum impar, naſtus miſericordem Advocatum, vademque ditiffimum, hujus opera ac ſolutione abeat immunis? Gratis quidem reus abſolvitur, ſi attendas ipſius miſeriam; at ex juſtitia, ſi conſideres Advocati officium, & ſolutum a Vade pretium. Ad hunc plane modum Chriſtum nos redemiſſe ſacræ teſtantur eloquia. Illuſtre eſt vaticinium Michææ vi 1. 9. *Ego autem ad Dominum adſpiciam, expectabo Deum Salvatorem meum, audiet me Deus meus. Iram Domini portabo, quoniam peccavi ei, donec cauſam meam judicet, & faciat judicium meum*. Et Dominus Jeſus paſſioni proximus, Joan. xii. 31. ait: *Nunc judicium eſt mundi, nunc princeps hujus mundi ejicitur foras*. In hoc judicio Pater non tantum perſonæ offenſæ vices gerit, ſed & judicis: quem proinde Advocatus noſter Chriſtus Jeſus,

Tv.V.

C c c

clien-

clientulorum causam suam dicens, ad hunc modum alloquitur, Ps. vii. 9. *Judica me Domine secundum justitiam meam, & secundum innocentiam meam super me. Consumetur nequitia peccatorum.* Et Jerem. Thr. iiii. 58. *Judicasti Domine causam animæ meæ. Vidisti Domine iniquitatem illorum adversum me: judica judicium meum.* Recte in hunc locum Auctor Comment. inter Opera Hieron. Tom. v. p. 829. *Judicavit Dominus causam animæ Christi, quando innocentis mortem pervenire fecit ad salutem generis humani.* Adversarium nostrum, & accusatorem fuisse diabolum, in Christi passione privatum principatu ac dominio, quo in pœnam peccati, & tanquam divinæ justitiæ minister captivum tenebat genus humanum, liquet ex verbis Christi Joan. xii. nuper citatis: nos reos esse, debitores, & impares ad solvendum, satis per se constat. Omnes ergo, qui ad constituendum judicii actum concurrunt, in redemptione nostra interfuere, Judex, reus, Advocatus, accusator. Judex Deus, reus homo, Advocatus Christus, accusator diabolus. III. Ne putes advocatum nullo soluto pretio reportasse de accusatore triumphum, tria animadverte. Ac primum nullam in Christo sine labe concepto actionem habuisse adversarium: unde agebat Dominus Joan. xiv. 30. *Venit enim princeps hujus mundi, & in me non habet quidquam.* Pilatus etiam Lucæ xxi. 14. *Nullam, inquit, invenio causam in homine isto.* Deinde observa, sponforis, & præsertim si idem sit sponfor & advocatus, eandem cum reo causam esse: quare causa Christi fuit cum ipsius morte finita, quia procurandam susceperat salutem nostram, & se pro nobis vadem fecerat ac sponforem. Hinc causa supra ejus crucem posita fuit, Matth. xxv. 37. & Marc. xv. 26. *Hic est Jesus rex Judæorum.* Et quamquam Pontifices dixerant præfili, ut non titulum hunc præfigeret cruci, sed, *Quia ipse dixit, Rex sum Judæorum*, nempe ut spectatores perciperent, Jesum damnari ob usurpatam regni auctoritatem; Pilatus tamen, qui illum invenerat innocentem, noluit causam illam mutare, responditque, *Quod scripsi, scripsi.* Recole *Jesu* nomen fuisse Salvatori nostro impositum, quia ipse debebat *salvum facere populum suum a peccatis eorum*, Mat. i. 21. Luc. i. 31. Hæc itaque, (non regni usurpatio,) est causa mortis ejus inscripta Crucī. Nota postremo, non posse cogi advocatum ad satisfaciendum pro reo, nisi etiam sit vas, ejusque vadimonium Judex acceptet. Acceptasse Patrem hanc Vadis nostri sponfionem liquet, quia *irruere fecit Dominus in eum iniquitatem omnium nostrum*, Is. liiii. 6. id vero non quoad culpæ maculam, sed quoad debitum duntaxat, ac pœnæ repetitionem. Hoc debitum a Christo solutum, ipsemet testatur ore Psalmographi Ps. xvi. 11. 5. *Quæ non rapui, tum exsolvebam.* Psalmum hunc esse de Christi passione perspicuum est: atque hæc verba significant Christum, licet non raperit

puerit Deo honorem transgrediendo legem, reddidisse tamen quæ rapnerat homo transgressor, singulari obedientia ac passione. Præclare Augustinus in eundem Psalmum num. 9. *Non rapui, & exsolvebam: non peccavi, & pœnas dabam*. Confimilia habet Tractatu LXXIX. in Joan. num. 2. consentit Hilarius in hunc Ps. num. 7. Hieronymus Brev. in Psalt. Tom. 2. pag. 295. alique nobiliores interpretes. In hac ergo redemptionis causa quis justitiæ satisfactum esse non videt? IV. Dum hac ratione refellitur Socini dogma, ei penitus obstruitur os putidum. Objicienti quippe redemptionem esse opus misericordiæ, & gratis nos esse redemptos, annuimus toto capite: magna est enim misericordia & caritas Dei tradere Unigenitum pro inimicis, & justum pro injustis, ac summa Domini Jesu benignitas exsolvere quæ non rapuerat. Contigit etiam remissio debiti absque debitoris dispendio, dum solvit ex propriis sponsor. Opponenti Socino diabolum non esse creditorem, cui esset satisfaciendum; respondemus non creditorem esse, sed accusatorem, utpote qui, id supremo Judice in pœnam peccati permittente, factus princeps impiorum, ac tenens sub tyrannide humanum genus ægre ferebat ejici se foras, superboque dominatu expoliari. Denique objicienti Deum esse partem offensam, quæ injuriam pro sua potestate, plenoque jure remittit; dicimus esse quoque Judicem, supremumque rectorem zelum honoris sui, vindicemque improborum. Sed ne videamur scholasticam abjecisse methodum, ex dictis ita adversarios perstringimus. In humani generis redemptione locum habet justitia vindex, si Deus in illa se gesserit ut Judicem, & Dominus Jesus impleverit vices vadis atque sponsoris, ac debitum solverit pro clientibus. Atqui Deus in hac redemptione exercuit munus Judicis, & piissimus Jesus Advocatus noster & sponsor pro nobis clientulis suis solvit debitum. Ergo in humani generis redemptione locum habuit justitia vindex.

PROPOSITIO IX. Decebat quamaxime, ut divinæ justitiæ condigna exhiberetur satisfactio.

Non illo ego utar argumento, quod Justitia vindex sit de conceptu essentiali divinitatis, nec fieri possit quin Deus retribuatur male agentibus debitam pœnam, ut contendunt Tournely loco supra citato, alique perpauci. Absolute enim potuisse Deum salvare humanum genus absque divini Verbi *Incarnatione*, & sola voluntate homini perditio afferre salutem, ut diximus cap. 1. tradunt Patres, & consentiunt antiqui Theologi. Si autem poterat Deus solo nutu mortis dominatum evertere; non video, quomodo probetur necessitas satisfactionis Christi, ex quo Deus concipi nequeat sine justitia vindice. Non desunt præterea, qui negant hanc justitiam esse proprie in Deo, imo illam quamplurimi a numero divinorum attributorum sejungunt, ut Vasquez 1. p. disput. 85. cap. 4. & Suarez Opusc. de

Justit. sect. 5. Præterea sicut per injuriam constituitur debitor is, qui injuriam infert, non qui recipit; ita per culpam nulla Judici supremo accedit ratio debiti, per quam teneatur de culpa vindictam sumere, quemadmodum tenentur judices alii, qui superiorum leges custodire debent. Accedit quod sententiâ nostrâ divina attributa distinguuntur comparate ad effectus productos; erga quos nulla est in Deo necessitas, nisi consequens liberam voluntatis ejus præfinitionem. Quod ergo in hoc rerum ordine, & facta hypothefi, quod Deus talem legem statuerit, ut pœna sit comes individua peccati, non possit Deus non animadvertere in impios, verissimum est, ac traditum ab Augustino lib. xxv1. contra Faustum cap. 3. aliisque in locis: quod vero Deus teneatur absolute punire iniquos, idque sit *de conceptu Dei essentiali*, ut tenet memoratus Theologus, id tarditas ingenii mei non assequitur. Quod ait Deum necessario habere odio peccatum, verum est: at non est verum, ex odio consequi necessario vindictam, si id quod odio habetur, possit sine vindicta deleri. Nec putes ea sententia facilius revinci Socinianos: cum potius illius falsitas fecerit Crellium audaciorem, isque dogmati Sociniano aliquam peperit existimationem, ubi contra incautos adversarios demonstrasse visus est, Deum esse supremum Dominum sub nullo judice constitutum, qui propterea habeat liberam pœnas condonandi potestatem. Ita in respons. ad caput 2. Grotii a pag. 60. usq. ad 88. Non ergo nos hoc levi, incertoque prælio velitabimur. Deus est supremus Dominus potuitque cedere juri suo, debitamque scelestis pœnam gratis remittere. Quid ni? Cuinam si id fecisset, irrogasset injuriam? At ex iis, quæ Socinianis concedimus, hanc adversus ipsos deducimus consecutionem: Supremus Dominus potest cedere juri suo, & gratis pœnam remittere; ergo potuit jus suum reposcere, & debitam pœnam infligere. Si remittat, exercebit misericordiam; si reposcat, judicium. In satisfactione autem, quam nos propugnamus, relucet misericordia, & relaxatio debiti in redemptione miserrimi hominis; justitia, & infliccio pœnæ in passione Unigeniti. Ubi ergo Socinus misericordiam a justitia disjungit; nos in ipsa misericordia justitiam commendamus, repetentes cum Davide Ps. lxxx1v. 11. *Misericordia & veritas obviaverunt sibi, justitia & pax osculatae sunt*. Atque nil hic adversarii excogitare poterunt, quod non sit undequaque honestum, & supremo Domino dignum. II. Si ipsum summum Judicem, Rectoremque spectemus, non solum in hoc liberationis modo ostendit, quantum sit *misericors, & justus Dominus*, verum & ob oculos nostros statuit quanta sit peccati turpitudine, ut ex remedii qualitate pensemus morbi conditionem, & deinceps vitemus pericula: atque hinc Auctor de Cardinalibus Christi Operibus inter scripta Cypriani, *serm. 14. ait: Hoc vult intelligi, quæ sit causa mortis, quis quæstus;*

ut utraque re cognita peccatum appareat, & gratia; & quanti ponderis ſit utrumque, rerum probet effectus: cum originali mortui nulum, niſi in Chriſti morte potuerit eſſe remedium; nec reconciliare Deo potuerit exules, & damnatos qualibet oblatio, niſi ſanguinis hujus ſingulare ſacrificium. Et ſine hoc holocauſto poterat Deus tantum condonaſſe peccatum; ſed facilitas veniæ laxaret habenas peccatis effrenibus, quæ etiam vix Chriſti cobibent paſſiones, &c. Habet ſimilia S. P. Auguſtinus lib. xlii. de Trinit. cap. 17. num. 22. & Bernardus Epift. 190. adverſus P. Abaelardum, cujus impium dogma Socinus, ut prænotavimus, revocavit ab Orco. III. Magna exhibendæ Deo ſatisfactionis congruitas etiam ex ipſo Redemptore noſtro depromitur; erga quem, cum juſtus pro injuſtis mortuus ſit, & exhibuerit pretium, quod nemo noſtrum potis erat perſolvere, facilius excitatur compaſſionis affectus, gratique animi recordatio. Legantur quæ ſcribit Magnus Gregorius lib. xx. Moralium cap. 26. IV. Etiam utilitatem hominum peccantium promovet magna, quam Deus in redemptione exercuit, juſtitia æquitas, tum quia, ut diximus, inſiſtentiæ pænæ cohibet iniquorum licentiam; tum etiam quia ex pretio, quo redemptus eſt homo, imaginem Dei pluris æſtimare didicit, gratiarum beneficia penſitare, & ne iterum incidat in laqueum diaboli præcavere: impenſius quoque exhibet Chriſto ſervitutem, eumque glorificat in corpore ſuo abſtinens ab omni imunditia, dum ſe emptitium conſiderat, & alieni juris, ut inquit Apoſtolus 1. ad Corinth. vi. 20. de quo loco præced. cap. prop. 2. Eapropter S. P. Auguſtinus cit. libro xlii. de Trinit. cap. 10. docet, non alium modum, nos liberandi, poſſibilem Deo fuiſſe, cujus poteſtati cuncta equaliter ſubjacent, ſed ſananda noſtra miſeria convenientiorem modum alium non fuiſſe, nec eſſe oportuiſſe. Similiter Athanaſius ſer. 3. contra Arianos ait: Poterat ſine ullo adventu Chriſti ſolummodo loqui Deus, & ſolvere maledictionem. Ceterum ſpectandum hic eſt quid hominibus ſit utile, non quid ſitum ſit in Dei omnipotentia. V. Inſpecta etiam dæmonis tyrannide, videtur magis congruum ex Dei juſtitia, quam ex potentia repetere redemptionem. Etenim cum homo in peccatum non impellente neceſſitate, ſed libera voluntate prolapſus ſit, dæmon debito dominatu ſibi tyrannicum juſ in hominem vindicabat: quo jure merito privatus eſt, dum Chriſtum nullius peccati conſcium ſupplicio crucis affecit: debet enim jure exſpoliari, qui illo in perniciem innocentis abutitur. Hac ratione S. P. Auguſt. citato lib. xlii. cap. 13. num. 17. & cap. 15. num. 19. demonſtrat placuiſſe Deo ut propter emendum hominem dæmonis poteſtate, non potentia diabolus, ſed juſtitia vinceretur; & motivis quibuſdam aliis adductis, Ut, inquit, quia eos diabolus merito detinebat, quos peccati reos conditione mortis obſtrinxit, hoc per eum

eum merito dimitteret, quem nullius peccati reum immerito pœna mortis affecit. Item S. Leo serm. 2. de Nativ. cap. 3. Verax misericordia Dei, cum ad reparandum humanum genus ineffabiliter ei multa suppeterebant, hanc potissimum consulendi viam elegit, qua ad destruendum opus diaboli non virtute uteretur potentia, sed ratione iustitiæ. Nam superbia hostis antiqui non immerito sibi in omnes homines jus tyrannicum vindicabat, nec indebito dominatu premebat, quos a mandato Dei spontaneos in obsequium suæ voluntatis illexerat. Non itaque iuste amitteret dedititii generis servitutem, nisi de eo quod subegerat vinceretur. Habet similia in celebri ad Flavianum Epistola cap. 2. & 3. Ex quibus apparet hæc momenta, non ex necessitate vindictæ, sed ex convenientia iustitiæ petita, esse consentanea tam rationi, quam Patrum auctoritati. Quamobrem hac valida ratiocinatione adversarios urgemus: Redemptio humani generis peracta cum satisfactione iustitiæ fuit convenientissima ad æquitatem Dei monstrandam, ad Christi commendandam caritatem, ad infirmitatem sanandam nostram, & ad diaboli tyrannidem evertendam. Igitur decebat summopere, divinæ iustitiæ in hominibus redimendis condignam exhiberi satisfactionem.

PROPOSITIO X. Non fuit injustum, non pereuntibus nobis, Christum subire crucis patibulum, eique peccata nostra imputari.

Ac primo, cum id factum sit, & magnopere æquitati congruat, illud etiam iustissimum fateantur adversarii, quod supremo universorum Domino visum fuerit; quidnam apparere potest in hoc, quod Deo decernente executioni mandatum est, iustitiæ repugnans? Arripiam confessionem Crellii scribentis pag. 60. col. 2. adversus Grotium: *Quia Deus omnium hominum, ut aliarum quoque rerum universalium, Dominus est absolutus: ideo etiam in Christum qui natura homo erat, (adde & Deus summus,) inque ejus vitam ac corpus jus domini absoluti habebat. Itaque pro eo jure ipsum nostræ salutis causæ poterat in mortem tradere, & corpus ipsius cruci affigendum dare.* Ex qua ratione liquet, quam imperite objectent postmodum Sociniani, fas non esse cuique mortalium infontem pro scelesto devovere suppliciiis, quasi sit eadem auctoritas supremi Judicis, & eorum, qui illius legi subjiciuntur. Adde posse Deum compensare necem illatam innocenti, immortali vita, resurrectione corporis, & nominis exaltatione; quemadmodum compensatum cum Christo testatur Apostolus ad Philip. 11. 9. Et Crellius ibidem, *Quia Deus, inquit, omnes (Christi) cruciatus premio infinitis partibus majori compensaturus erat, jure tanquam Dominus absolutus de eo statuendi habuit arbitrium.* Quod si Deus potuit decernere mortem Unigeniti, spectato duntaxat domini jure; cur non accedente etiam consilio populum suum redimendi? Sane id expedire, per os Pontificis asseruit Spiritus veritatis. Vide Pro-

Propoſ. 3. Ex parte itaque Dei, ſive attendas juſ ſupremum, ſive conſilium reparandi perditum hominem, ſive prædeſtinationem gloriæ Unigeniti, nihil apparet in hoc negotio injuſtum . II. Dignoscitur ulterius juſtitie æquitas ſpectata Redemptoris noſtri perſona . Is quippe non invitus ad necem perductus eſt, ſed habens *potēſtatem* animæ ſuæ, *oblatus quia voluit*, ut legimus Iſ. 111. 7. & Joan. x. 17. 18. Eſt autem juſis proloquium etiam vulgi ſermone tritum, *Volenti nulla fit injuria* . Debemus etiam illum conſiderare ut ſponſorem, & vadem, cui volenti noſtra imputarentur delicta, oh quam cauſam ibidem Propheta eum appellat *percuſſum & humiliatum* ; quoniam *vulneratus eſt propter iniquitates noſtras, attritus eſt propter ſcelera noſtra, & diſciplina pacis noſtræ ſuper eum* . Nec inuſitatum eſt, legique repugnans, ſponſorem plecti & multari pro reo . Nam id in re pecuniaria evenire non diſſidetur Socinus P. 111. cap. 3. & liquet ex L. *Si quis reum* . D. de cuſtod. & exhibit. reor. & L. *Si a reo* . D. de fidejuſs. Hæc cum objeciſſet Grotius, reſpondit Crellius pag. 115. non eſſe eandem rationem de ſolutione pecuniæ, & afflictiōe corporis, quoniam pecunia unius poteſt fieri alterius, non item afflictiō : addidit nec fidejuſſorem liberare abſentem reum ab obligatione pecuniæ, quam poteſt repetere . Sed quid hæc efficiant, non video . Primo enim pecunia a fidejuſſore ſoluta non fit debitoris, ſed creditoris ; atque ita pretium ſanguinis Chriſti non peccatoribus, ſed Deo creditori perſolutum eſt : deinde cum poſſit fidejuſſor pecuniam donare, cur non poteſt Dominus Jeſus *habens potēſtatem animæ ſuæ* illam pro nobis impendere ? Inſuper & ipſe poteſt a nobis ſanguinem proprium exquirere, niſi animam magno a ſe emptam pretio ſine crimine exhibeamus : nam & ad hoc accepit potēſtatem judicium faciendi, *quoniam occiſus eſt, & redemit nos Deo in ſanguine ſuo* . Vide Apoc. v. 9. Præterea non tantum in re pecuniaria, verum etiam in capitalibus inſontes pro reis plecti conſueverunt, quod Grotius probat ex hiſtoria Damonis, & Pithiæ . Eandem aſſert Witafſe ſect. 111. in reſp. ad object. 2. in qua caput 1v. diſſertationis Grotianæ expilavit . Huic tamen reſpondebat Joannes Francus pag. 116. adducendum non eſſe in exemplum, quod a Dionyſio crudeliſſimo tyranno ſemel factum eſt . At ſtat in ſuo robore quod ait Grotius ; juſ enim in alienam vitam ſi innocens fit occidendus, nulli mortalium conceditur : Deo tamen illud ineſſe fatentur Sociniani, comprobatque exemplum Iſaac, quem Dei juſſu a Patre immolatum ſacra proponit hiſtoria . Id ergo, quod præter ſas juſque homines præſtiterunt, vindicat ſibi Deus in violata æquitate . Addit Grotius exempla obſidum, quos hoſtes etiam humaniſſimi trucidarunt, Theſſali, Romani, Daci, alii : ideoque non confirmatur veritas uno Dionyſii facto . Non ſolum Chriſtus Sponſor noſter eſt, ſed etiam Rector, & Paſtor, qui de ſemetipſo inquit Joan. x. 11. *Bo-*

nus pastor animam suam dat pro ovibus suis. Et decebat quamaxime, ut oves propria morte redimeret, ut fures & latrones qui mactabant illas & perdebant, non possent repetere, prout innuit ibidem Evangelista, & nos præced. propositione explicavimus. Ponendo etiam animam suam pro ovibus suis magnum sibi apud Patrem, meritum comparavit; cujus intuitu diximus majori honore, & gloria fuisse honestatum. Propterea, ait ipsemet Salvator cit. cap. x. 17. *me diligit Pater, quia ego pono animam meam, ut iterum sumam eam*: & Apostolus ad Hebr. 11. 9. *Videmus Jesum propter passionem mortis gloria & honore coronatum*. Itaque nulla injustitia Christus pertulit mortem, quam sponte subiit, qua implevit Redemptoris officium, & quæ illi summam contulit dignitatem. III. Postremo nec contra naturam pœnæ est, si ea publicæ salutis causâ afficiantur innoxii. In filiis enim, & posteris Deum visitare peccata parentum liquet ex cap. xx. 5. & xxiv. 7. Exodi, ex Jerem. Thr. 1. 5. & v. 7. & c. Ob delictum Chami punitum Chanaan, ob crimen Saulis crucifixos septem filios, ob peccatum Davidis periisse septuaginta hominum millia, constat ex Genes. ix. 25. 11. Regum xxi. 8. xxiv. 15. Hujusmodi pœnæ permutatio, cum fiat, ubi qui plectuntur nequeunt Deo satisfacere, vel ad incutiendum timorem posteris, vel ad augendam peccantium confusionem; fiatque iis invitis, qui loco aliorum puniuntur: quanto magis absque injustitia fieri potest, dum is, qui pro alienis peccatis afficitur supplicio, sponte morti subicitur, ac moriendo liberat reos, Deum placat, divinæque justitiæ satisfacit? Quare dum Crellius pag. 106. & seq. ad prædicta Scripturarum exempla reponit, innocentes filios afflictos in pœnam & ignominiam parentum, & post punitionem aliorum in reos adhuc sævitum, non oppugnat pœnæ permutationem, sed illam argumento a fortiori confirmat. Quod enim licet ad malorum perniciem, id multo magis ob Dei gloriam, hominumque reparationem potest salva æquitate permitti. Duo etiam sunt in causa, cur in punitione aliorum absoluti non fuerint Saul, Achan, & Jeroboam, quorum facta Crellius persequitur: scilicet, quod illatam Deo per peccatum injuriam nulla hominum punitio expiaverit, nec potuerit fontibus veniam promereri, eisque gratiam ad respiciendum conferre: quæ duo præstari a morte Christi agnovisset Crellius, si de ejus divinitate, ac gratia melius sensisset. At nos quemadmodum divinitatis naturam, ita redemptionis gratiam in Domino Jesu Christo pro viribus propugnamus; & quod attinet ad hanc thesim, dicta hoc ratiocinio colligimus: Non debet censeri injustum, quod non repugnat supremi Judicis æquitati, quod non opponitur Christi innocentiae, quod non adversatur merito delictorum. Sed Christum subiisse crucis patibulum in punitionem peccatorum nostrorum non adversatur delictorum merito, non opponitur inno-

inno-

Innocentiæ Chriſti , non repugnat ſupremi Judicis æquitati. Ergo quod Chriſtus crucifixus fuerit in peccatorum noſtrorum pœnam , non debet cenſeri injuſtum .

C A P U T IV.

*Catholicum dogma perpetua Patrum traditione
roborari.*

QUAMQUAM nihil eſt apud hæreſum propugnatores ſolemne magis , & uſitatius , quam Patrum contemnere documenta , ac Sociniani præſertim fulgidiffimis Eccleſiæ luminibus præferre audent nonnullos a fidelium cœtu deſectos , lucifugas , atque tenebriones : attamen cum veritatis argumentum ſit inviſtiſſimum , univerſorum , præſertim doctrina , probitate , & ceterorum exiſtimatione præſtantium in eodem dogmate conſenſus & conſpiratio , atque hinc percipiant orthodoxi teneri a ſe antiquam , & Apoſtolicam traditionem ; hoc loci , brevi , quantum fieri poterit , prædeceſſorum noſtrorum ſententiam inveſtigabimus . Ac primo S. Martyr Juſtinus in dialogo , quem habuit cum Tryphono ſcribit Chriſtum *ex omni mortalium genere omnium maledictionem ſuſcepſiſſe* : in Epift. ad Diognetum ait Deum dediſſe *propriũ filium pretium redemptionis pro nobis* : & in reſponſ. ad q. xcix. ad orthod. , ſi tamen hoc opus Juſtino jure adſcribitur , docet etiam viſtimas ratione carentium animalium ex divina benignitate ita acceptas , *perinde atque animam ſuam hoc modo legis prævaricator offerret* : ubi aperte traditur *ſubſtitutio* , quam in veteribus ſacrificiis perperam negant Sociniani . Irenæus lib. iv. adverſus hæreſ. cap. 18. ſive ex diſtinct. Maſluet 8. ſcribit Chriſtum ſummi Sacerdotis operam perfeciſſe , *moriens ut exſiliatus homo exiret de condemnatione* : quo in loco adnotavit Feuard. ex Hebræorum lege mortuo Pontifice exules domum rediſſe . Habes autem iſtic paucis verbis expreſſam redemptionem , & peractum a Chriſto Sacerdotis munus in morte . Ait ibidem Irenæus Chriſtum *propitiaviſſe pro hominibus Deum* . Fugit tam inſignis locus comprobans veram redemptionem , ſacrificium Chriſti , & ſanguinis ejus placamentum , tam Grotium , quam illius recentiores expilatores . Vide & lib. v. cap. 21. ubi multa de Satanæ , qui captivum duxerat hominem , facta per Chriſtum alligatione . Tertulliani adverſus Judæos cap. 13. eſt præclara ſententia : *Hunc enim oportebat pro omnibus gentibus fieri ſacrificium , qui tanquam ovis ad viſtimum ductus eſt , & velut agnus coram tondente ſe ſine voce , ſic non aperuit os ſuum* . Origenis innu-mera extant loca : Hom. 3. in Levit. demonſtrat quomodo ſacrificium

Td.V.

D d d

Pon-

Pontificis fuerit mortis Christi figura. Hom. iv. in Num. scribit : *Si non fuisset peccatum, non necesse erat Filium Dei agnum fieri, nec opus fuerat eum in carne positum jugulari, sed mansisset hoc, quod in principio erat, Deus Verbum. Verum quoniam introiit peccatum in mundum, peccati autem necessitas propitiationem requirit, & propitiatio non fit nisi per hostiam, necessarium fuit provideri hostiam pro peccato.* In primo autem contra Celsum, Christum comparat iis; qui sponte se morti devoverunt ad averrancandam grassantem in sua patria pestilentiam, & qui ultronea morte obita pro republica totos populos, atque gentes a calamitatibus liberarunt: additque traditum fuisse, utpote purum, pro omnibus, qui peccaverant. Cyprianus de Lapsis pag. 378. *Veniam peccatis, quæ in ipsum commissi sunt, solus potest ille largiri, qui peccata nostra portavit, qui pro nobis doluit, quem Deus tradidit pro peccatis nostris.* Idem in Epist. ad Fortunatum ait Christum passum *pro alienis peccatis.* Carmen de Passione Domini Lactantio attributum sic incipit :

*Quisquis ades, medique subis in limina templi,
Siste parum, infontemque tuo pro crimine passum
Respice me, me conde animo, me in pectore serva.*

Idem Lactantius lib. iv. de vera Relig. & sap. cap. 25. scribit : *Discant igitur homines & intelligant quare Deus summus, cum legatum & nuncium suum mitteret, ad erudiendam præceptis iustitia suæ mortalitatem, mortali voluerit eum carne indui, & cruciatus affici, & morte multari.* Eusebius Cæsar. lib. i. demonstr. Evang. cap. 10. erudite de sacrificiorum origine pertractans ratione, & auctoritate divina demonstrat in sacrificiis *brutorum animam* pro anima hominum fuisse oblatam, & ideo unumquemque, dum sacrificabat, capiti victimæ manus habuisse injectas, quasi *pro suo capite* hostiam exhibuisset; sublatisque antiquis sacrificiis venisse Christum Dei *infrar pecudis* pro toto genere humano interficiendum. Hinc infert ideo dici Agnum Dei, qui tollit peccata mundi, & esse magni æstimandum pro redimendis pretium, pro toto mundo piaculum, pro anima cunctorum hominum sacrificium, pro omni macula, & peccato purissimam hostiam. Et in præf. ad lib. x. ostendit Christum dici agnum de nostro grege assumptum, ductum ad eandem, oblatumque pro reliquis cognatis agnis, & pro omni humano grege, Deo victimam. Proximo capite primo ad hunc modum loquitur : *Ceterum non modo rebus his gestis Dei Agnus, verum etiam pro nobis tormenta passus, supplicioque affectus, quo ipse quidem dignus minime erat, sed nos ipsi propter multitudinem peccatorum, ut peccata nobis dimitterentur auctor exiit: utpote qui pro nobis & mortem subierit, & verbera, & probra, & contumelias, quibus nos digni eramus, in seipsum transtulerit: & execratio pro nobis factus, execrationem, quæ nobis debebatur ad seip-*

ſeipſum attraxerit. Hæc aliaque plura ab Euſebio ſacris literis confirmata ſuppeditabunt ſtudioſo lectori adverſus hæreticorum tela clypeum munitiſſimum. Sequitur beatiffimus Athanaſius, qui de Incarnat. Verbi Dei, adventus Chriſti cauſis luculenter expoſitis, num. 9. inquit: *Hinc corpus, quod ſibi accepit, velut hoſtiam, & viſtimam omni puram macula morti offerendo, id quod debebatur, in morte ſolvit: &* num 10. *Mortem, in quam illi incurrerant, proprio oblato corpore delevit.* Et infra: *Idcirco ipſum Verbum ſibi corpus accepit, ut viſtima pro ſimilibus corporibus fieret.* Ac num. 21. *Mortuus eſt, ut pretium per omnibus ſolveret.*

Hilarius Pictavorum Epiſcopus in Pfalm. Lxiv. num. 4. ait: *Sciētes tandem vetera delicta, & antiqua impietatis crimina Deo propitianda eſſe per Chriſtum. Ipſe enim ſecundum Apoſtolum noſtra placatio eſt, &c.* In cap. x. Matth. n. 18. *Et quidem, quæ ſub peccato vendita ſunt, redemit ex lego Chriſtus: ergo quod venditur, corpus & anima eſt; & cui venditur peccatum eſt: quia Chriſtus & de peccato redemit, & animæ ac corporis eſt redemptor.* In Pfalmum cxxv. num. 15. *Redemit nos, cum ſe pro peccatis noſtris dedit, redemit nos per ſanguinem ſuum, per paſſionem ſuam, per mortem ſuam, per reſurrectionem ſuam.* Hæc magna viſa noſtra pretia ſunt. Magnò enim, ait Apoſtolus, pretio redempti eſtis: & redempti ab inimicis, a diabolo, ab angelis ejus, a filio perditionis, a principibus aeris, a mundi potentibus, ab inimica morte. Optatus Milev. lib. 111. de Schiſmate Donatiſt. num. xi. *Quis eſt ille neſcio quis angelus, qui nundinas fecit animarum, quas ante ejus adventum diabolus poſſidebat? hæc ſanguine ſuo Chriſtus Salvator noſter redemit, Apoſtolo dicente, Empti enim eſtis pretio magno. S. Baſilius in Pfalm. xlviii. Quid enim uſquam tanti eſt momenti, quod homo poterit dare pro redemptione animæ ſuæ? Inventum tamen unum eſt pro omnibus ſimul hominibus dignum pretium, nempe ſanctus, & omni pretio ſuperior pretioſus ſanguis Domini noſtri Jeſu Chriſti, quem pro nobis omnibus effuſit: quamobrem pretioſiſſimus empti.* Gregorius Nyſſenus magni Baſilii frater in libro de Chriſtiana perfect. ad Olympium docet ab Apoſtolo appellari Chriſtum *ἐπαλutron*, redemptionem, quia ſeipſum ut nos redimeret pretium dedit; probatque ex hac pretii ſolutione, illum nos e morte a ſe per vitam coemptos propriam ſibi poſſeſſionem effeciſſe. Ambroſius de fuga ſæculi cap. 7. num. 44. *Ideo ergo ſuſcepit Jeſus carnem, ut maledictum carnis peccatrici aboleret; & factus eſt pro nobis maledictum, ut benedictio abſorberet maledictionem, integritas peccatum, indulgentia ſententiam, vita mortem. Suſcepit enim & mortem, ut impleretur ſententia, ſatiſfieret judicatio: Maledictum carnis peccatrici uſque ad mortem. Idem de Joſeph Patriarcha cap. 4. num. 19. Pretio igitur noſtrum debitum, non ſua ara contraxit, chi-*

regraphum sustulit, fœneratorem removit, exuit debitorem: unus exsolvit, quod ab omnibus debebatur. Non licebat nobis exire servitio. Suscepit hoc ille pro nobis, ut servitutem mundi repelleret, libertatem paradisi restitueret, gratiam novam consortii sui honore donaret. Et lib. vii. in Lucam num. 117. Ezenim adversarius tanquam captivum mancipium vilioris pretio estimationis addidit: at vero Dominus tanquam speciosa servitia, quæ ad imaginem & similitudinem sui fecit, idoneus sui operis estimator magno pretio nos redemit, sicut sanctus Apostolus dixit: Empti enim estis pretio magno. Et bene Magno, qui non estimatur ære, sed sanguine, quia pro nobis mortuus est Christus, qui pretioso nos sanguine liberavit, &c. Epiphanius lib. 11. h. lv. quæ est Melchisedecianorum, num. 4. de Christo inquit: Qui sacerdotale Patri suo munus offert, accepta ex natura hominum massa, ut pro nobis Sacerdos secundum ordinem Melchisedec successione omni carentem constituitur. Manet enim, & assidue dona pro nobis offert. Inprimis quippe semetipsum obtulit, ut perfectiore, vivaque pro totius mundi salute mactata hostia, veteris Testamenti sacrificium aboleret. In quo quidem ipse victima fuit, ipse sacrificium, ipse Sacerdos, ipse altare, ipse Deus, ipse homo, ipse Rex, ipse Pontifex, ipse ovis, ipse agnus, &c. Hieronymus in cap. LIII. Isaïæ Tom. 111. pag. 384. Quod enim nos pro nostris debebamus sceleribus sustinere, ille pro nobis passus est, pacificans per sanguinem crucis suæ, sive quæ in terra, sive quæ in calis sunt. Infra: Qui igitur oblatus est Pilato, quia ipse voluit, & non respondit, ut patibulum pro nobis damnatus adscenderet, ipse sicut ovis ad occisionem ductus est. Ac paucis interjectis: Hic agnus est, in cuius typo immolabatur agnus, cujus cruor linitus in postibus exterminatorem fugabat Aegypti, qui non solum sanguine suo nos redemit, sed & lanis operuit, ut argentes infidelitate sua veste calefaceret. Et prope finem ejusdem capituli: Peccata enim nostra portavit in corpore suo, ligno crucis affigens ea, ut deleter chirographum, quod diabolo & angelis illius feceramus, scriptum manibus animæ, idest, operibus ejus. Sanctus P. Augustinus in Psalm. xcvi. num. 5. Venit redemptor, & dedit pretium; fudit sanguinem suum, emis orbem terrarum. Queritis quid emerit? Videte quid dederis, & invenite quid emerit. Sanguis Christi pretium est. Tanti quid valet? Quid, nisi totus orbis, quid, nisi omnes gentes? In Psalmum cxxix. num. 7. Sacerdos noster a nobis accepit quod pro nobis offerret. Accepit enim a nobis carnem: in ipsa carne victima factus est, holocaustum factus est, sacrificium factus est. In passione sacrificium factus est: in resurrectione innovavit illud, quod occisum est, & tanquam primitias tuas dedit Deo, &c. Vide lib. iv. contra duas Epist. Pelagian. cap. 4. num 8. & contra Faustum lib. xi v. cap. 4. Joannis Chrysostomi, Gregorii Magni, Leonis alio-

aliorumque ſententiæ duobus præcedentibus capitibus ſunt productæ. Cyrilli Alexandrini præclara teſtimonia, & ad revincendam quamdam cavillationem Fauſti Socini fatiſ idonea, proferam proximo capite ad 3. oppoſit. Digniſſima lectu eſt D. Paulini Epiſt. iv. ad Severum pag. edit. Plantinianæ 52. & Bernardi exc. ad Innocentium cap. 5. & 6. nunc inter Tractatus Tom. iv. pag. 114. Venantius Honorius Clementinianus Fortunatus ſecundum de Cruce Domini librum ſic auſpicatur :

Cruce benediſta nitet, Dominus qua carne pependiſ,
Atque cruore ſuo vulnera noſtra lavit.

Mitis amore pio pro nobis victima factus,
Traxit ab ore lupi, qua ſacer Agnus oves :
Transfixis palmis ubi mundum a clade redemit,
Atque ſuo clauſit funere mortis iter.

Hic manus illa fuit clavis confixa cruentis,
Quæ eripuit Paulum crimine, morte Petrum.

Expreſſiſſimis hiſce SS. Patrum teſtimoniis colluſtrantur quæ de ſacris literis, earumque ſenſu diximus paullo ſupra, ſimulque neſaſſiſſima FF. Polonorum hæreſis firmiſſimo Orthodoxorum conſenſu revincitur. Nam inepte redemptione adſtruitur metaphorica, ubi intervenit magnum pretium, ubi ſolvitur debitum, ubi ſatiſfit judicatio: audacter denegatur ſacrificium Crucis expiatorium, in qua incontaminatus agnus ſeipſum pro nobis obtulit, ductus tanquam ovis ad victimam, holocauſtum factus, & pro totius mundi ſalute maſtata hoſtia: impie ac temere ſubſtitutionem, ac ſurrogationem Chriſti pro iniquiſ inſiciantur Sociniani, ſi ipſe peccata noſtra portaverit, execrationem ad ſeipſum attraxerit, ſupplicia, quibus nos eramus digni, in ſemetipſum tranſtulerit. At Patres Orthodoxi diſertiſſime affirmant in humani generis redemptione magnum interceſſiſſe ſanguinis Chriſti pretium, eoque empta corpora & animas peccato vendita: luculentiffime tradunt Chriſtum Dei Agnum factum in cruce hoſtiam, victimam, ſacrificium, holocauſtum, ac pro toto mundo piaculum: apertiſſime docent Unigenitum Dei Filium omnium maledictionem ſuſcepſiſſe, verbera, probra, & contumelias toleraſſe, pro nobis affectum cruciату, pro nobis interfectum, pro nobis morte multatum. Itaque Sociniani inepte adſtruunt Redemptionem impropriad, & metaphoricam: audacter negant ſacrificium Crucis expiatorium; & impie ac temere inſiciantur mortis Chriſti pro nobis ſubrogationem, atque ſubſtitutionem.

CAPUT V.

Fausli Socini referuntur, & refutantur sophismata.

AT objicit Faustus: Christus non ideo hominum Servator est, quia illos redemerit soluto pretio, sed ob alias causas a divina Scriptura aperte commemoratas. Prima est, quod nobis viam salutis annuntiaverit; ideo namque dicitur missus, ut testimonium redderet veritati, & prædicaret Evangelium. Ita legitur Marci 1. 38. Lucæ 1v. 18. 19. 43. Joan. xvi 11. 37. Atque hinc appellatur Apocal. 1. 5. *Testis fidelis*, & dicitur ab Apostolo in prima ad Tim. 11. 6. & vi. 13. *testimonium temporibus suis*. Id vero sublimiori titulo competit Christo, quam Apostolis; nam ille *testis* simpliciter dicitur, isti autem Aët. 1. 8. *testes* tantummodo *Jesu Christi*, propterea quod non propriam, sed Christi doctrinam prædica verint: quare non elidunt Socini argumentum, qui Apostolorum exemplo nituntur ostendere redemptionem nihil aliud importare, quam æternæ salutis annuntiationem. Deinde appellatur Christus Salvator hominum, quia veritatem confirmavit sanguinis effusione: nam ob eam rem pretiosus ille sanguis dicitur sanguis *novi fœderis*, Mat. xxvi. 28. & ad Hebræos xiii. 20. nimirum quia meliora annuntiat, ac loquitur, quam sanguis Abel, ut Apostolus ibidem ait cap. xii. 24. Constat etiam ex cap. xxiv. Exodi versu-8. in vetere fœdere faciundo effusum sanguinem, quod & priscarum gentium servavit consuetudo. Frustra reponeres id in Martyres etiam quadrare; cum hi sancitum a Christo fœdus confirmarint, iccirco appellati Aët. xx. 11. 20. & Apoc. vii. 17. *Testes Jesu Christi*. Tertio sacræ literæ appellant Christum hominum Servatorem, quia mortuus est, ut ipsum imitantes consequamur æternam vitam: quod expresse docet Apostolus ad Rom. xiii. 13. ad Ephes. 1v. 20. & Petrus 1. Epist. 11. 21. Præterea dicitur Christus Redemptor noster, quoniam resurgens a mortuis nos in fide & justificatione firmavit. Videatur Apostolus ad Rom. vi. 5. ad Corinthios prima, vi. 14. ad Ephes. 11. 6. ad Philipp. 111. 12. Ratio manifesta depromitur ex quo per resurrectionem declaratus filius Dei firmiorem nobis fidem ingeneraverit. Videtis Joan. xx. 31. Aët. xiii. 33. Apost. ad Rom. 1. 4. Tandem Christus Reparator est nostri, quia nobis æternam vitam daturus est, ut colligitur ex Matt. xxviii. 18. Joan. xvi 11. 2. ad Hebræos 1v. 14. Cum tam apertas causas Scriptura proferat, cur Christus dicatur Reparator humani generis, quid necessum est recurrere ad exhibitam satisfactionem, ad solutionem pretii, ad pœnarum subrogationem?

Respondetur nihil concludi pro Socino, etiamsi omnia quæ haftenus objecta sunt, concedantur. Quæ enim inepta magis, & futilis

tilis confeſcutione, quam hæc Sociniana, Servator noſter vitam annuntiavit æternam, fœdus ſancivit novum, reſurrexit ne vana eſſet fides noſtra, nobiſque ſalutem impertitur; ergo nos ſoluto pretio non redemit? Ino ſi ob auctoritatem Scripturarum ſanctarum, quæ in antecedenti præmittuntur vera ſunt; veriſſimum eſt etiam nos a Chriſto fuiſſe magno pretio coemptos, pretioſum ipſius ſanguinem eſſe *lyrrum*, ac ſatiſfactionis medium, & pro nobis immaculatum Agnum fuiſſe in cruce maſtatum, hoſtiam, ſacrificium, placamen, id pariter ſacris literis teſtantibus: in quibus ſi propria ſatiſfactio erat nobis ſignificanda, quæ verba magis idonea uſurpare poterant divinitus afflati Scriptores? Poterant aſſerere Chriſtum pro nobis dediſſe animam ſuam, fuſiſſe ſanguinem, ſolviſſe pretium? Affirmare factum pro nobis *maledictum*, portaiſſe peccata noſtra, fuiſſe prævaricationibus noſtris percuiſſum ac vulneratum? Demonſtrare nos ejus morte a dæmonis poteſtate erutos, reconciliatos Deo, a peccatorum inquinamento expiatis? Aſſeruerunt, affirmarunt, demonſtraverunt. Propriam ergo redemptionem fruſtra Sociniani Scripturis oppugnant. At cur noſtra redemptio prædicatione etiam, miraculis, & reſurrectione peracta eſt? Cum Deus hominem conſiderit liberi arbitrii, is non a Deo humanum genus inſtituente, neque impellente & cogente cauſa aliqua, ſed propria voluntate ſuggerenti diabolo aſſenſum præbens, venumdatus eſt ſub peccato. Ut ergo venditioni reſponderet redemptio, non tantum Chriſtus pretium ſolvit, hoſtemque devicit; ſed etiam voluit, ut homo erueretur a diaboli poteſtate non reluſcans & invitus, ſed Deo invitanti ac trahenti libere obtemperans. Atque hinc eſt, quod licet omnes redempti ſimus per ſoluto pro ſingulis pretioſi ſanguinis pretio; degunt tamen complures ſub dæmonis captivitate, quia per liberum arbitrium nolunt reſiſcere. Tantummodo parvulis abſque motu voluntatis propriæ applicatur per Sacramentum regenerationis fruſtus paſſionis Chriſti, quoniam illi abſque propriæ voluntatis actu peccaverunt in Adam: ab aliis jure voluntatis aſſenſus requiritur, quoniam diaboli illecebris volentes, non inviti detinentur captivi. Mortuus eſt ergo Chriſtus, ut effuſo ſanguine redemptionis noſtræ pretium ſolveret: prædicavit, ut deliteſcentes in tenebris veritatem agnoſcerent: patravit miracula, ut increduli præberent fidem: reſurrexit, ut in fide complantati ad juſtificationem diſponerentur: promiſit vitam æternam, ut traherentur ad gratiam meliorum bonorum expectatione. Atque ita, licet ad redemptionem ſpectent omnia Chriſti opera, ratione tamen præcipua tribuitur ipſa redemptio ſanguinis effuſioni, ut vidimus cap. 2. prop. 2. quia ſanguis habet rationem pretii, cetera ſpectant ad alliciendam captivi hominis voluntatem: in quibus ſi præſertim ſita eſſet redemptio, hæc non paſſioni, ſed Chriſti miraculis,

culis, & resurrectioni speciali titulo conveniret. Hæc vero abunde convellunt Sociniana sophismata. Brevi ad primum reponimus Marcum cap. 1. afferere Christum venisse ad prædicandum, sed in hoc tantum sitam redemptionem divinat Faustus. Lucas cap. 1v. non solum ait Christum evangelizasse, sed etiam prædicasse *captivis remissionem*: neque istic habes hac prædicatione mundum fuisse redemptum. Joannes pariter cap. xvi 11. ait Christum in mundum venisse, ut testimonium perhiberet veritati: nil aliud hoc loci. Apostolus in prima ad Timoth. vi. præter testimonium commemorat etiam *redemptionem*, & quidem Græco vocabulo *ἀντίλutron*: de quo cap. 2. prop. 1. Apocalypsis addit, *Et lavit nos a peccatis nostris in sanguine suo*. Discrimen inter Christum, & Apostolos ac Martyres in eo situm, quod Christus solus crucifixus sit pro humani generis redemptione, ceteri habeant reconciliationis ministerium, vidimus cit. cap. 2. prop. 111. num. 2. 3. 4. 5. & prop. vi. num. 2. Hoc tamen discrimen tollitur, si redemptio in sola prædicatione constituatur. Ad secundum dicimus Christi sanguinem esse *sanguinem fæderis, ac testamenti*, quia cum factum sit peccatorum nostrorum placamen, pactum Dei cum justis initum, & ob iniquorum culpas contrafactum firniori nexu sancivit. *Fæderis* quoque vocabulum, factum Moysi Exodi xxiv. & gentium consuetudo incundi fœdera effuso hostiarum sanguine catholicam sententiam confirmant; quia cum antiquitus fœderum transgressores capite plesterentur, facta per sanguinem expiatione hostes reconciliabantur, hostia loco fœdifragorum mactata. Vide Lippomanum in Exodum pag. 234. Illa quoque cæremonia significatum veteribus, fractores fœderum more mactatarum pecudum discriptum iri, ut ostendit de Conviviis Vet. cap. vi 11. Jos. Laurentius Lucensis. Itaque sanguis Christi appellatus est *sanguis fæderis*, quoniam & pro transgressoribus effusus est, & novum Dei pactum firmavit. Et ideo melius loquitur, quam sanguis Abel, quia effusus in remissionem peccatorum loquitur veniam & gratiam, cum sanguis Abel loqueretur supplicium, atque vindictam, Gen. iv. 10. Ad tertium dico recte sanguinem Christi nos hortari, ut ejus vestigia sectemur, cum Christus *veniens non verbis tantum nos hortatus sit, sed & factis, post omnes injurias & contumelias passus quoque & crucifixus, ut nos pati & mori exemplo suo doceret, ut nulla sit homini excusatio pro se non pati, cum passus sit ille pro nobis, & cum ille passus sit pro alienis peccatis, multo magis pro peccatis suis pati unumquemque debere*. Ita Cyprianus Epist. ad Fortunatum, sive de Exhortat. Martyrii cap. 5. & Auctor Carminis de Passione Domini inter Lactantii Opera sic Dominum Jesum nos alloquentem inducit:

*Settare mea vestigia vite,
Ipsaque supplicia inspicies, mortemque severam,*

Ger-

*Corporis innumeros memorans , animique dolores ,
Diſce adverſa pati , & propria invigilare ſaluti .*

Quantum argumentum retorquetur adverſus Socinum ; nam ſi Chriſtus declaratus eſt filius Dei per reſurrectionem , in morte autem cum ſceleratis reputatus eſt ; aut redemptio potiſſimum non conſiſtit in fidei confirmatione , aut per reſurrectionem , non per mortem Chriſti principaliter redempti ſumus . At Socinus redemptionem noſtram tribuendam præſertim Domini Jeſu paſſioni , non uno in loco fatetur , neque tam audax eſt , ut id queat denegare . Citatis autem locis reſurrectioni potius fidei firmitudo & juſtificationis tribuitur , quam expiatio delictorum , & ſolutio captivitatis : nimirum Chriſtus , ut inquit Auguſtinus citatus cap. præcedenti , *in paſſione ſacrificium factus eſt , in reſurrectione innovavit illud quod occiſum eſt , & tanquam primitias dedit Deo* . Hinc Apoſtolus ad Rom. 1v. 25. de Chriſto ait : *Qui traditus eſt propter delicta noſtra , & reſurrexit propter juſtificationem noſtram* ; non quod Chriſtus reſurgendo a mortuis juſtitiam noſtram promeruerit , ſed quia traditus eſt , ut ſua morte peccatorum noſtrorum pœnam lueret ; & reſurrexit , ut juſtitie , & novitatis vitæ typum quemdam præferret , ſive , ut loquitur Eccleſia in Præfat. Paſchali , *Mortem noſtram moriendo deſtruxit , & vitam reſurgendo reparavit* . In quinto neceſſum non eſt immorari ; quippe Chriſtum nobis æternam vitam dediſſe , & omnem poteſtatem adeptum eſſe , ut legitur in locis poſtremo a Socino citatis , eſt proriſus indubitatum ; ſed æque indubitatum eſt hanc vitam nobis teterrimæ ejus mortis beneficio comparatam : quia *Chriſti ſanguis ſic in remiſſionem peccatorum omnium fuſus eſt , ut omne peccatum poſſit delere* : quod docet S. P. Auguſtinus Tract. xc1 1. in Joan. num. 1. nec everti unquam poterit Socinianis machinationibus .

Pergit obſectare Socinus : Redimere nihil aliud eſt , quam captivum liberare nullo ſoluto pretio . Primo namque populus Iſrael dicitur ex Aegypto redemptus , Exodi xv. 13. & Deut. vii. 8. nec ulla tamen in hac redemptione interfuit pretii ſolutio . Moſes quoque , Act. vii. 35. appellatur Redemptor , & quidem Græco vocabulo *λυτρωτής* , nec tamen pro reducendis ſuorum tribubus fudit ſanguinem . Eo proriſus pacto ſe abſque ullo pretio redemptum a Domino in Pſal. xxx. 6. ait regius Vates . Præterea redimere ac vendere ad invicem opponuntur : at Scripturarum phraſi is dicitur ſub peccato venundatus , qui nullo pretio in ſervitutem traditur , ſubjicitur , mancipatur . Aperte id colligitur ex Deut. xxxii. 30. Judic. iiii. 8. & Iſaiæ l. 1. Idem dicendum de redemptione liquet ex eodem Propheta cap. lxi. 3. Ad hæc redemptionem nihili eſſe aliud , quam remiſſionem peccatorum affirmat Apoſtolus ad Coloſs. i. 14. Hanc autem remiſſionem nobis gratis impendi idem Apoſtolus docet in primo ad Eph.

To. V.

Ecc

verſu

versu 7. Frustra itaque ex verbo *redimendi* infertur Christum pro nobis satisfecisse.

Resp. *Redimere* nihil aliud esse, quam captivum soluto pretio liberare, id fatente Socino cap. 1. secundi libri, nec aliam significationem habere hebraicum verbum פָּדָה, & græcum λυτρωσις: & quamvis eadem verba aliquando accipiantur metaphorice pro liberatione a miseria, quemadmodum vendere interdum dicitur Deus quem a sua misericordia alienat, specie, ut Lorinus inquit in Pl. v. 11. 3. usurpata pro genere; non fit consequens quod ubi de humani generis reparatione occurrit sermo, verbum *redimere* sensum non præferat proprium. Non enim redempti tantum dicimur, sed redempti sanguine, empti pretio magno: & sanguis Christi hujus redemptionis appellatur λύτρον, & auro, argentoque, per quod redimuntur captivi, præfertur. Atque illud mirandum est, Socinianos, qui acuti dialectici videri volunt, ex quo verbum *redimere* alicubi accipitur sensu ampliori, nullibi, nec ubi pretium innuitur, propriam illi tribuere significationem. Itaque ad primum concedimus populum Israel absque pretio redemptum ex tyrannide Pharaonis: sed dicimus hanc liberationem appellari Redemptionem ob typum, quia Paschalis Agnus tunc immolatus præfigurabat Christum, cujus morte redempti sumus: nec oportet, ut omnia prorsus convenient in figura, & in veritate; ut vidimus cap. 11. prop. 5. quamquam populus Israel non dicitur de Aegypto redemptus pretio, ut nos dicimur empti a Christo, sed iisdem in locis, quæ Socinus objicit, dicitur Deus redemisse populum suum *in brachio excelso, in manu forti, in misericordia, in fortitudine*; ita, ut Scriptura ipsa innuat hanc liberationem peractam fuisse divina virtute, ac potentia miraculorum. Quod additur de Mose, eandem habet solutionem: siquidem in Actis dicitur λυτρωσις, quatenus gerebat Christi typum; ut etiam Cyrus appellatus est *Christus*, præsignans libertatem a captivitate peccati, aliique permulti Messiam præfigurarunt. Ut ergo nomen *Christi* de Cyro propter typum, de Jesu Nazareno ob veritatem enuntiatur: ita nomen Redemptoris de Mose improprie, de Domino Jesu, qui non solum internuncii functus est munere, sed etiam tradidit semetipsum, sanguinisque pretium effudit, asseritur proprio sensu. Hinc Basilium in Psalmum xlviii. pag. 280. & S. P. Augustinus lib. 1v. contra duas Epist. Pelagianor. cap. 4. num. 8. demonstrant Redemptoris ac Mediatoris nomen proprie Christo duntaxat competere. Vide supra cap. 2. prop. 6. Addo Syriace Mosen dici, non *Redemptorem*, sed רִבֵּה, *diremptorem litium*, a radice רָבַח, *judicare*: in versione autem Arabica, & Aethiopica, *liberatore*; quamvis liquet ex Græco, ex Hieronymo, & ex vetustissimo Codice Vaticano præferendam esse lectionem Vulgatæ, ac decipi Lutherum, Beza, ac Schmi-

Schmidium abjicientes vocabulum *Redemptoris* . Quod ſequitur de venditione diluitur ex dictis ; ut enim qui vendit , rem a ſuo dominio alienat , ita Deus iniquos abjicit , traditque miniſtris juſtitiae ſuae puniendos : ac dicitur gratis vendere , quaſi vilis æſtimet , ac parvipendat . Ita redimere valet aliquando idem , ac liberare a vexatione & tyrannide : quod tamen in humani generis reparatione non gratis perfectum eſt , ſed pretio perſoluto . Nec oppoſitum evincit Iſaias cap. 111. ubi dicimur ſine argento redempti , quoniam non captivorum promeritis , ſed Chriſti paſſione contigit liberatio . Atque his refutatur poſtrema objectio , quod Apoſtolus doceat nos gratis juſtificari : de qua recole quæ dixi Prop. 111. num. 2. & Prop. v1. ubi vitrea Socini tela fuerunt contrita . Addo nunc præclaram Auguſtini adnotationem q. xv11. in librum Jud. ſcriptum a propheta nos *gratis* eſſe venundatos , non autem redemptos gratis & ſine pretio , ſed redemptos *ſine argento* , ut pretium redemptionis intelligamus , quale dicit Apoſtolus Petrus , *Non enim auro , vel argento redempti eſtis , ſed pretio ſanguinis Agni immaculati* . Itaque Iſaias ait , *ſine argento redimemini* , quoniam precio quidem ſanguinis Chriſti , non tamen *pretio pecuniario* eramus redimendi . Hæc Auguſtinus . Ad damus ulterius , etiam in venditione peccatorum pretium aliquod intercedere , licet non ſemper pecuniarium , ſcribente Polybio lib. 4. *ἴσως πωτὰν τὰ κατὰ ζῆον , mala quælibet eſſe venalia* , cum nemo ſine maximo impendio ſectetur erimina . Vide quæ de Jaſone narrat Auſtor 2. lib. Machab. cap. 1v. 8. Quæ ab improbo amatore extorquet libido recenſet lib. 1v. Lueretius , & quæ ab avaro fames auri , Perſius Satyra v. ab eo verſu , *Mane piger ſtertis , &c.*

Tertio loco opponit Fauſtus Socinus : *Portare peccata* nihil eſt aliud , quam illa auferre ac delere : fruſtra itaque hinc ſatisfactionem Chriſti nituntur comprobare Catholici . Ac primo ſunt loca permulta , in quibus *ferre* , & *auferre* idem ſonant , ut Exodi xxx1v. 7. & Joannis xx. 5. Deinde celebris Iſaiæ textus cap. 53. *Vere languores noſtros ipſe tulit* , in Evangelio Matth. v111. 16. exponitur de corporis infirmitatibus , quas tamen Salvator in ſe non tranſtulit . Ad hæc Levit. xvi. 22. dicitur hircus emiſſarius portaffe *iniquitates in terram ſolitariam* , cum tamen non maſtaretur in expiationem peccati , ſed vivus emitteretur in deſertum . Præterea licet portare peccata ſit ſcelerum pœnam ſubire , nulla inde conſequitur ſatisfactionis ; nam & Judæi in captivitate dicuntur portaffe patrum ſuorum iniquitatem Jerem. Lam. cap. v. 7. nec tamen Deo ullam exhibuerunt ſatisfactionem .

Reſp. Chriſtum eo ſenſu portaffe peccata omnium noſtrum , quatenus propter ſcclera noſtra attritus eſt ; quatenus pro nobis factus eſt peccatum & maledictum , ſcilicet ſacrificium & hoſtia ; quatenus

peccatorum nostrorum pœnas luit : ut ostendimus cap. 2. prop. 4. ideoque, etsi *portare* sit idem alicubi, atque *auferre*, dum agitur de Redemptione importat quoque supplicium peccato debitum, præsertim eum Salvator non solum dicatur *portasse peccata*, verum etiam ea *fuisse in corpore suo super lignum*, crucemque latronum. De cap. viii. Mat. plura nuper citata propositione. Quod vero attinet ad hircum emissarium, respondent quidam fuisse typum Christi, nec de typo ad antitypum valere comparisonem. At in primis eodem cap. xvi. Levit. asseritur alium hircum *pro peccato populi* fuisse mactatum : qui cum pariter fuerit Christi typus, commonstrat hunc proprio sanguine scelera nostra expiasse. Quomodo autem mactatione hostiarum peccata olim expiarentur, dictum cap. ii. prop. 5. Deinde hircum quoque deportatum in solitudinem, si Hebræis interpretibus habenda est fides, e sublimi loco præcipitatus dabatur neci, aut saltem illa in solitarium locum abactio ei mortem ex ferarum laniatibus minabatur. Sed detur hircum emissarium non fuisse in præcipitum actum, atque discerptum : cum omnia vetera sacrificia fuerint typus Christi, in re significata hircus mactatus non est spectandus tanquam aliquid ab hirco ablegatitio diversum. Alloquimur itaque Socinum verbis, quibus Cyrillus Alex. lib. ix. p. 301. urget Julianum : *Cerne ergo, cerne mysterium etiam in capris duobus recte adumbratum. Caper enim, sive hircus pro peccatis sacerdotis & populi mactabatur ex præscripto legis. Ut enim ait Esaias propheta : Omnes sicut oves erravimus, & Dominus tradidit eum pro peccatis nostris. Duo siquidem hirci assumuntur, non tanquam duo Christi sint, aut duo juxta nonnullos filii, sed potius, quod oportebat eundem immolari pro nobis, & mori quidem secundum carnem, vivere autem secundum spiritum.* Facit etiam ad rem nostram, quod Sacerdos imprecabatur capiti hirci emissarii, ut quicquid malorum venturum erat super filios Israel, caderet super hircum, cui etiam tradunt ligatas ad caput schedas peccatis inscriptas. Verum de his Joan. Lorinus in Levit. pag. 503. Tertullianus de hirco emissario lib. 3. adv. Marcionem inquit : *Circumdatus coccino, maledictus, & consputatus, & convulsus ; & compunctus a populo extra civitatem abiciebatur in perditionem, manifestis notans insignibus Dominica passionis.* Depromptus ex Lament. Jeremiæ locus demonstrat quomodo *portare peccata* aliquando idem sit ac *propter peccata puniri* : atque hoc sensu Christum portasse peccata nostra, ut pro illis subiret mortem, nos affirmamus. Quare hinc revincitur Socinus contendens quod portare peccata sit illa *auferre*, non *perferre* : quod ipsemet in multis Scripturæ locis significari fatetur cap. 21. suarum Prælectionum. Christus vero non solum peccata pertulit, sed etiam pro nobis satisfaciens illa delevit, quia pro nobis vulneratus est, & nos

ejus livore ſanati ſumus , atque factus pro nobis maledictum nos redemit de maledicto . Sed perlege laudatam IV. propoſitionem cap. 2.

Rurſus Sociniani obijciunt: Dum Chriſtus dicitur *pro nobis mortuus* , ſenſus eſt morte ſua nobis beneficium maximum contuliſſe , conteſtans ſuam erga nos caritatem , ac Patris miſericordiam promittens ; nullo autem pacto inferitur loco noſtri fuiſſe maſtatum . I. Quia particula *ὅτι* , *pro* , ſignificat occaſionem , cauſamque finalem , non autem perſonæ ſubſtitutionem . II. Joannis 1. cap. 111. 16. legitur nos debere *pro fratribus animas ponere* , exemplum ſeſtantes Chriſti , qui *pro nobis poſuit animam ſuam* . At nos fratribus utilitatem afferre poſſumus , non ſatiſfacere pro iſdem . III. Dicitur Chriſtus *pro nobis mortuus* , quatenus nos exemplo ſuo in ſempiternam vitam tranſtulit , & in ejus nomine baptizamur ; ut colligitur ex 1. ad Corinth. 1. 13. *Nunquid Paulus crucifixus eſt pro vobis ? aut in nomine Pauli baptizati eſtis ?* IV. Idem Apoſtolus ad Heb. 11. 9. inquit Chriſtum *gratia Dei* pro omnibus guſtaſſe mortem . Ideo dicitur ergo mortuus pro nobis , quia declaravit nos *gratiam* , maximumque beneficium fuiſſe aſſecutos . V. Joan. x. 11. ſe comparat Jeſus Paſtori , qui *animam ſuam dat pro ovibus ſuis* . Paſtor autem ſe propter oves ſervandas periculo exponit , ſed nullam illis moriens aſſert libertatem : imo ſi moriatur , quomodo ſervantur oves ? VI. Frangens apud Lucam panem Euchariſticum cap. xx11. 19. ait Chriſtus : *Hoc eſt corpus meum , quod pro vobis datur* ; nec tamen in Cœna pro homine redimendo fuit immolatus . VII. Dum quis pro redimendo captivo ſubſtituitur , loco illius captivus permanet . Si ergo Chriſtus mortuus pro nobis eſſet , ut nos redimeret , loco noſtri manſiſſet captivus . Itaque dum Chriſtus dicitur *pro nobis mortuus* , particula *pro* finalem tantum cauſam importat , non perſonæ ſubſtitutionem .

Reſp. refelli hæc inania ſophiſinata prop. 3. capit. 2. ubi oſtendimus quod licet particula *ὅτι* aliquando ſignificet tantummodo utilitatem aliquam , in redemptionis negotio denotat ſubſtitutionem , cum Chriſtus ſit mortuus pro impiis , ut ipſi eriperentur a perditione . Oſtendimus ibidem haberi etiam in Scripturis particulam aliam *ἀντὶ* , quæ adverſariorum confeſſione demonſtrat permutationem . Ad primum ego reſpondemus nuſquam de fidelibus legi quod debeant pro fratribus animam ponere , ut eos ſolvant a maledicto , ut illi reconcilientur Deo , ut eruantur a damnatione Adæ ; quemadmodum de Redemptore noſtro id affirmatur . Joannes itaque exemplo Chriſti nos ad caritatem hortatur , *ex quo ſimul empti ſumus , & unum ſit pretium omnium noſtrum* , ut S. Pater demonſtrat Tract. vi. in cit. Epistol. num. 12. At non poſſumus in ponendo animam pro fratribus Chriſto eſſe pares : *ille enim poteſtatem habuit ponendi animam ſuam , & iterum ſumendi*
eadem ;

eam; nos autem nec quantum volumus vivimus, & morimur etiamis volumus: ille moriens mox in se occidit mortem; nos in ejus morte liberamur a morte: illius caro non vidit corruptionem; nostra post corruptionem in fine sæculi per illum induet incorruptionem: ille nobis non indignus ut nos salvos faceret; nos sine illo nihil possumus facere: ille se nobis palmitibus præbuit vitam; nos habere præter illum non possumus vitam. Postremo etsi fratres pro fratribus moriantur, tamen in fraterum peccatorum remissionem nullius sanguis Martyris funditur; quod fecit ille pro nobis. Hæc idem Aug. Tract. in Joan. LXXXIV. n. 2. Ex quibus verbis apparet quantum in *ponendo* pro aliis animam Christus a nobis differat. At quod sequitur in Socinum retorquetur; nam Paulus Corinthios hortatur ad unitatem spiritus, & ad vitanda schismata ex quo solus Christus *pro nobis sit crucifixus*, ejusque virtute ac merito consecuti sumus in baptismo remissionem peccatorum. Eo itaque pacto, quo Christus pro nobis est mortuus, nemo mori potest pro fratribus: sed ille fudit sanguinem ob redemptionem, alii ad exemplum, & communionem caritatis. Quod sequitur ex cap. 2. ad Hebræos demonstrat Christum *gustasse* mortem, non necessitate ductum, sed caritate, ac redemptionis nostræ causa; ut legitur quoque ad Rom. v. 8. ad Titum III. 4. aliisque in locis. Est autem in Græco: ἵνα ἵκεται θάνατον, & vocula ἵνα modum, non finalem causam significat; unde legit Syrus, *Per gratiam suam*, & Arabs, *Ex Dei gratia*, idest, per humanitatem, beneficentiam, *καταπόνησιν*. Vide Bibl. Reg. N. Test. pag. 442. & Valtou. 853. Ad proximum æque facilis est responsio: quippe *Bonus Pastor* ut oves redimeret, dedit animam suam; & ne iterum lupi gregem discerperent, ne gloriarentur Judæi quasi prævaluerint, surrexit a mortuis; quamobrem et vestigio addit, *Ego pono animam meam, ut iterum sumam eam*. Ex quo etiam Christus dicatur antonomastice *Bonus Pastor*, inferitur neminem in ponendo pro ovibus animam suam esse illi simillimum. At legendus Augustinus Tract. XLVIII. in Joan. num. 3. & 10. Quod additur ex Luc. XXI. de Pane Eucharistico, si ea verba, *Quod pro vobis datur*, conferantur cum Epist. I. ad Corinth. XI. 24. ubi legitur, *Quod pro vobis tradetur*, & cum iis, quæ ibidem apud Lucam habentur versu 20. de sanguine, *Qui pro vobis fundetur*; liquet posse habere significationem futuri, ac idem esse, ac *pro vobis dabitur* in mortem: etsi nos profitentes in consecratione panis verum sacrificium haud negamus significationem præsentis temporis, ut idem sit *datur*, ac, *offeritur*. Quod si ad hujus loci versiones confugiamus, his Lucae verbis refellitur omnis Socini tergiversatio: legitur quippe in Arabica: *Quod commutabitur pro vobis*: in Aethiopica, *Quod datur propter vos in redemptionem*; in Syriaca, *Quod pro vobis tradetur*. En commutatio victimæ loco nostri: en expressa redemptio: en futura

tura in cruce immolatio . Adeas N. Teſt. Walt. p. 378. & Bibl. Max. Tom. xiv. pag. 254. Poſtremum nihil evincit ; nam Chriſtum pro captivis ſubſtitutum ultro fatemur , ſed ei non erat in captivitate permanendum , quia Diabolus , qui captivum tenebat humanum genus, Redemptorem noſtrum nullius peccati reum poenâ mortis afficiens deviſtus & eſectus eſt ; ideoque Chriſtus abſtulit ejus arma , & ſpolia diſtribuit , Luc. xi. 22. elevatus in cruce omnia ad ſeipſum traxit , & quos redemit , emptitios fecit , ſuique juris , ac hujus mundi principem eſcit foras , Joan. xii. 32. & denique a mortuis reſurgens , atque in altitudinem cælorum aſcendens , ad fidem redigens qui erant ſub tyrannide diaboli , captivam duxit captivitatem , Pf. lxxviii. 19. & ad Ephēſ. iv. 8. Colluſtrabunt hanc reſponſionem quæ diximus cap. iiii. prop. 9. num. 5.

Præterea opponunt : Ita per Chriſti ſanguinem reconciliati ſumus , ut ille nullatenus fuerit redemptionis noſtræ *lytrum* , ac pretium . Ac primo ad Rom. v. 10. legitur : *Si enim cum inimici eſſemus , reconciliati ſumus per mortem filii ejus ; multo magis reconciliati ſalvi erimus in vita ipſus* ; ubi magis vitæ , quam morti Salvatoris noſtra tribuitur ſalus . Deinde idem Apoſtolus 2. ad Corinth. v. 19. inquit : *Deus erat in Chriſto mundum reconcilians ſibi , non reputans illis delicta ipſorum* . Vides quo pacto reconciliati ſumus per Chriſtum ? Sola non imputatione peccati . Addit Paulus : *Et poſuit in nobis verbum reconciliationis . Pro Chriſto ergo legatione fungimur , tanquam Deo exhortante per nos* . Itaque hortatione , miniſterio verbi , & internuncii completo munere nos Chriſtus reconciliavit Patri . Denique ex eodem Apoſtolo ad Ephēſ. iv. 32. ut ad Rom. iii. 24. *gratis* , ideoque abſque pretio juſtificamur .

Reſp. hæc omnia fuiſſe abunde reſutata cap. 2. prop. 3. Brevi nunc ad primum dicimus ibidem Apoſtolum aſſerere nos eſſe reconciliatos *per mortem filii ejus* , & *in ſanguine ipſus* . Sanguini itaque , & morti reconciliatio noſtra præcipue tribuitur , & ideo per vitam ſalutem conſequimur , quia reconciliati ſumus per mortem . Quod ut aperte percipias , animadvertite Apoſtolum inſtituere *antithēſin* inter inimicos & reconciliatos , inter mortem & vitam Chriſti . Verborum itaque illorum ſenſus obviuſ , & apertiſſimus eſt : Si cum peccatores eſſemus , redempti ſumus pretio ſanguinis , & reconciliati per mortem ; curnam ſi juſti erimus , eo vivente , nunquam morituro , & interpellante pro nobis , reconciliati & amici ſalutem non aſſequemur ? Præclare Chryſoſtomus hom. ix. in Paul. p. 93. *Vides quantum locus hic fundamentum habeat ad adſtruendam ſuavorum ſpem : ante hunc enim duo quidem erant ad ſalutem noſtram difficilia ; & quod peccatores eſſemus , & quod ſalus per Domini mortem neceſſaria : quod ipſum minus perſuaſibile erat , antequam fieret* ,
ac ma-

ac magnam adeo caritatem requirebat, ut fieret; nunc autem posteaquam hæc evenere, reliqua faciliora sunt. Etenim amici facti sumus, nec morte amplius opus est, &c. Et S. Pater Aug. lib. xiii. de Trinit. cap. xvi. num. 21. *In vita salvi, quia per mortem reconciliati. Quis enim dubitet daturum amicis vitam suam, pro quibus inimicis dedit mortem suam? Quod sequitur, inepte ad hanc rem detorquetur a Socino; etsi enim reconciliatio fieret per solam non imputationem peccati, ut tenent hæretici plurimi, minime excluderetur Christi redemptio, quoniam ait ibidem Paulus nos reconciliatos esse in Christo, & ad Coloss. 1. 20. per sanguinem crucis ejus. Ceterum non juvat hic locus nefarium aliud de justificatione placitum; quoniam Apostolus explicat reconciliationem ex parte, quæ continet abolitionem offensæ; non excludit gratiam habitualement, per quam reddimur sancti, & immaculati, ut demonstrat in h. l. illustris Estius, & nos vidimus lib. xi. cap. 2. Alterum in Socinianos retorquetur: nam Paulus tribuit Apostolis ministerium reconciliationis ob prædicationis officium, & munus legati atque oratoris; Christo autem tribuit ipsam reconciliationem, ideoque is non solum prædicatione & exemplo, verum etiam solutione pretii, sanguinisque effusione reconciliationis esse auctor. Recte Chrysostomus hom. xi. in 2. ad Corinth. p. 321. *Ob idque etiam dicebat Apostolus, Deus erat mundum sibi reconcilians in Christo, hoc est, per Christum. Quoniam enim dixerat, Qui dedit nobis ministerium reconciliationis, temperamento quodam utitur, perinde ac si diceret: Non est quod existimetis summam hujus rei auctoritatem, penes nos esse, ministri tantum sumus. Deus est qui totum hoc efficit, qui per Unigenitum suum terrarum orbem in gratiam recepit.* Comprobat hanc expositionem S. P. Aug. serm. cxi. de Verbis Apostoli num. 10. ex iis, quæ apud Paulum sequuntur, *Eum, qui non noverat peccatum, pro nobis peccatum fecit*: ubi peccatum significare hostiam pro peccato, etiam ibidem tradit S. Doctor: quod nos ostendimus prop. iv. num. 2. Scimus contendere Socinum pag. 137. de Christo Servatore, peccatum non hostiam significare, sed hominem habitum ut peccatorem. Sed præterquamquod refellitur ex dictis ibidem: quid inferitur ex interpretatione versutissimi hominis, nisi Christum, ut nos Deo reconciliaret, factum esse peccatum, id est, tanquam peccatorem aliquem pænis obnoxium, ut exponit quoque pag. 639. Occumenius? Stat ergo reconciliationem nostram ex morte Christi esse repetendam. Ad ult. dictum est cit. prop. 6. nos justificatos esse gratis, & per redemptionem, quæ est in Christo Jesu, ut gratis ad nostra promerita, non ad exhibitam a Christo satisfactionem debeat referri.*

Ad hæc Sociniani objectant: Sacrificio Crucis nulla inerat vis expiandi; legales enim victimæ erant figura passionis Christi, ut serpentes

pens æneus, de quo Num. x1. 9. At quemadmodum qui respiciebant serpentem illum, eripiebantur a morte; ita qui Christo credunt, non pereunt, sed habent vitam æternam, ut inquit Joan. 111. 14. Item arca Noe, mare rubrum, & aquæ, quæ fluxerunt de petra, præfigurabant baptismum ex Apost. 1. ad Corinth. x. 6. 11. & 1. Petri 111. 21. quamvis nullam haberent vim expiandi. Præterea victimæ nullam sanctificationem afferebant, & tamen omnia illarum sanguine secundum legem mundabantur, ut Apostolus docet ad Hebr. 1x. 22. quia sacrificiis peractis Deus plenam remissionem credentibus conferebat. Præterea falsum est Christum Sacerdotis munere functum, priusquam cælum ingrederetur. I. Quia Apostolus ad Heb. 11. 17. ait debuisse Christum per omnia fratribus simulari, ut Pontifex fieret: assimilatus est autem per mortem; ideoque nondum in cruce fuerat Pontifex constitutus. II. Quia in eadem epist. cap. v. 5. legitur, *Christus non semetipsum clarificavit, ut pontifex fieret; sed qui locutus est ad eum: Filius meus es tu, ego hodie genui te*: quæ verba de resurrectione esse accipienda liquet ex Act. xiii. 33. non ergo ante resurrectionem Christus Pontifex erat. III. Quia in eadem ad Hebræos Epist. vii. 26. habetur: *Talis enim decebat ut nobis esset pontifex sanctus, innocens, impollutus, segregatus a peccatoribus, & excelsior cælis factus*. Priusquam ergo Salvator ab impiis segregatus cælum, conscenderet, nequaquam Sacerdotali functus est munere. IV. Quia in capite ejusdem epist. viii. 4. extat, *Si ergo esset super terram, non esset Sacerdos*. Quomodo ergo sacerdos erat e ligno pendens?

Resp. Aperte jam a nobis prop. 5. cap. 2. demonstratum cruentum, atque expiatorium crucis sacrificium, ostensumque qualem vim expiandi haberent olim mactatæ pecudes, & quo pacto præsignarent immaculatæ Agni immolationem. Ad illud ergo, quod priori loco objicitur, dicimus diversis typis, non uno duntaxat, Christum præfiguratum, ut diversa ejus munera innuerentur; & consequenter necessum non esse in unoquoque typo sacrificii rationem adinveniri: quamquam & serpens æneus Christum exaltatum in cruce, & petra, unde fluxerunt aquæ latus illius apertum lancea, & Arca Noe Christi incarnationem, mortem, resurrectionem, & Ecclesiam præsignarint; ut accurate exponit S. P. Aug. serm. 6. ad populum, alias 17. de diversis num. 7. Tract. x11. in Joan. num. 11. q. 35. in Num. & libro x11. contra Faustum cap. 14. & seq. Quod additur de victimis, satis citata prop. 5. dilutum est, quippe, licet illæ non imperirentur vi sua animarum sanctitatem, eam præfigurabant; quatenus loco transgressorum mactatæ illos eruebant a pœna temporali, & mactationes animalium erant *promissivæ figuræ* illius sacrificii, per quod habemus remissionem peccatorum, prout explicat idem S. P. lib. xx11. contra Faustum cap. 17. Hinc S. Thomas 1. 2. q. 102. art. 3.

ad 5. ait: *Per occisionem animalium significatur destructio peccatorum; & quod homines erant digni occisione pro peccatis suis, ac si illa animalia loco eorum occiderentur ad significandam expiationem peccatorum.* Et quoniam Sociniani negant victimarum pro transgressoribus substitutionem; dicant, quæso, cur Levitæ super caput immolandi vituli manus imponerent, Lev. 1. 4. & 14. 4. cur super caput hirci posita utraque manu confitebatur sacerdos omnes iniquitates filiorum Israel, & imprecans capiti ejus illum in solitudinem emittebat, Levit. xvi. 21. cur dicebatur hircus ille portare omnium iniquitates, ibidem versu 22. nisi ut eo ritu demonstraretur victimam illam hominum iniquorum esse, pro illis immolari, ejusque sanguinem esse pro animarum *piaculo*, ut habetur eodem libro Levit. xvi. 11. ? Si ad hæc oculos aperire nolunt miserrimi Sociniani; videant saltim Genes. xxi. 13. pro Isaac in holocaustum offerendo immolatum arietem inter vepres hærentem cornibus: quo exemplo non tantum comprobatur victimæ pro homine substitutio, verum etiam præsignatur Christi immaculati agni pro nobis oblatio. Quare bene sapienterque Chrysostomus hom. xlv. 11. in Gen. pag. 665. *Hæc autem omnia figura fuerunt crucis: propterea & Christus Judæis dicebat, Abraham pater vester exultavit, ut videret diem meum; & vidit, & gavisus est. Quomodo vidit, qui tot annis præcessit? Per figuram, per umbram. Sicut enim hic ovis oblatus est pro Isaac, ita & rationalis agnus oblatus est pro mundo.* Similia Ambrosius lib. 1. de Abraham c. viii. num. 74. & S. P. August. lib. xvi. de Civit. Dei cap. 32. num. 1. & lib. 11. contra Maxim. 2. 9. Quæ adduntur ad probandum, Christum priusquam cælum adscenderet, non obtulisse sacrificium, sunt prorsus futilia; quum introierit *per proprium sanguinem*, & jam sacrificio peracto: unde sacrificium ab illius applicatione, & mastationem, hostiæ ab ejus repræsentatione hæretici non distinguunt; nec animadvertunt, olim Pontificem victimam extra sanctuarium immolasse, postea intulisse sanguinem intra velum: ac pariter Jesum prius fuisse oblatum in cruce, postea ingressum cælos, ut pretium sanguinis jam effusi Patri exhibens semper viveret *ad interpellandum pro nobis*. Facta hac semel peractæ mastationis, & repræsentationis, oblationisque perpetuæ distinctione, quam faciendam esse ostendimus laudata prop. v. num. 3. corrui tota machina Socinianæ perfidiæ. Ad quatuor autem loca paulo supra ex Epistola ad Hebr. petita laboriosum non est respondere. Nam priori loco docet Apostolus nos non habere Pontificem, qui non possit compati infirmitatibus nostris, cum fuerit *tentatus per omnia pro similitudine absque peccato*, ut infra cap. iv. 15. sed misericordem ac fidelem, qui vere illud efficit quod nomine, officioque suo pollicetur, idest, Deum placat, atque ad hoc efficiendum formam induit nostram, *ut per*

mortem

mortem deſtrueret eum qui habebat mortis imperium , iſeſt , diabolum . Ita nimirum ſeſe explicat Apoſtolus præced. verſu 14. Quamobrem non docet ibidem quando Chriſtus conſtitutus ſit Pontifex , ſed quod factus ſit particeps conditionis ac mortalitatis noſtræ , ut fieret Pontifex miſericors , & iis , quos fratres appellare dignatus eſt , aſſimilatus laborem ſuſtineret , anxio eſſet animo , mortem ſubiret , & dolores noſtros expertus facilius nobis condoleret : quod cum præſtiterit ſuffixus cruci , in cruce factus eſt Pontifex miſericors & fidelis . Legi poteſt in hunc locum Ribera . At cap. v. ait Paulus Chriſtum non ſe extuliſſe , ut fieret Pontifex ; ſed glorificatum a Patre , qui illum filium appellavit . Quamvis ergo Chriſtus fuiſſet filius Dei tantum poſt reſurrectionem ; nihil afferret adjumenti hac in re locus iſte Socinianis . Declaratus eſt tamen filius etiam ante mortem , dum baptizaretur in Jordane , Mat. 111. 17. dum glorioſus appareret in monte , Mat. xvii. 5. & 2. Petri 1. 17. Imo cum ſit filius generatione , ut etiam inferitur ex cit. cap. xiii. Act. , nunquam fuit non filius proprius , ac naturalis . Quo autem ſenſu ea verba , *Filius meus eſ tu , ego hodie genui te* , quadrent reſurrectioni , dixi libro vii. cap. 9. In tertio loco non immorabimur , cum ibi aſſerat tantum Apoſtolus aſſumptæ humanitatis Chriſti exaltationem in cælis poſt peractum crucis ſacrificium , ſicut olim Pontifex ingrediebatur in ſancta mæſtato vitulo ; ideoque ſicut iſ erat Sacerdos , & ſacrificium obtulerat antequam ſanctuarium ingrederetur ; ita Dominus Jeſus , cum cælos penetravit , erat Pontifex , & peregerat ſacrificium . Poſtremi loci planiſſimus ſenſus eſt , quod ſi Chriſtus eſſet ex genere ſacerdotum illorum , qui ſuper terram offerunt viſtimas , ut erant ſacerdotes Leviici , ipſe non eſſet ſacerdos , quia munera a ſacerdotibus Leviticis oblata ſuos habebant miniſtros lege ſtatutos , inter quos non poterat connumerari Chriſtus ortus de tribu Juda : unde poſt ea verba , *Si eſſet ſuper terram nec eſſet ſacerdos* , addit Paulus , *Cum eſſent , qui offerrent ſecundum legem munera* . Poteſt & ſic intelligi , ſi eſſet ſuper terram , nec eſſet ſacerdos : quam enim viſtiam , niſi moreretur , offerret ? Pecudes ? minime , quia non eſſet ex genere Levitarum . Seipſum ? nequaquam , quia ſe cruentam hoſtiam obtulit moriendo ; incruentam vero , ut mortem ſuam hominibus applicaret . Itaque ſi viveret ſuper terram , ſacerdos non eſſet . Oecumenius in Paulum Tom. 11. pag. 375. aliam reſponſionem ſuppeditat minime contemnendam ſcribens : *Si mortuus non fuiſſet , neque reſuſcitatus aſſumptus fuiſſet , ne ſacerdos quidem eſſet . Eſſent enim alii , & jam ſeditio eſſet in hac re* : nimirum perſiſteret adhuc ſacerdotium Leviticum ; nam , ut ſequenti cap. ix. 8. docet Apoſtolus , ſtatum habuit prius tabernaculum , antequam Chriſtus ſeipſum offerret hoſtiam placabilem , & per proprium ſanguinem introiret ſemel in Sancta . Quod ſi

distinguas duo illa munera sacerdotis paullo ante explicata ; sacrificare , & inferre sanguinem intra velum ; adhibere poteris aliam repositionem , quam præ ceteris arripuit Witalius de Incarn. pag. 394. fufe autem explicavit Cameron volum. vii. Critic. Sacr. pag. 1029. idest , si Christus permanisset in terra , defuturam Sacerdotio Christi partem illam præsignatam in ingressu Pontificis intra velum , scilicet , oblationem , qua peracto sacrificio sistit se ante Deum pro nobis interpellando . De qua oblatione accipiendum quod legitur eodem cap. vii. 3. *Necesse est , & hunc habere aliquid quod offerat ; manifestius expressum proximo cap. ix. 24. Non enim in manufacta sancta Jhesus introivit exemplaria verorum , sed in ipsam calum , ut appareat nunc vultus Dei pro nobis . Neque ut saepe offerat semetipsum , quemadmodum Pontifex intrat in sancta per singulos annos in sanguine alieno ; alioquin oportebat eum frequenter pati ab origine mundi , &c.* Ex quibus verbis etiam liquet factam in cælis oblationem nihil aliud esse , quam exhibitionem illius mortis , qua non frequenter mactatur , sed semel oblatus est ad multorum exbarrienda peccata , ibid. versu 23. Obstruamus igitur ora Socinianorum verbis Theophylacti p. 964. *Cum oblatione ingressus est , qua posset placare Patrem . Pontifex quotannis ingreditur , Christus vero semel . Ille in sanguine alieno , taurorum & bircorum ; Christus autem in proprio . Si saepe oblaturus erat seipsum , oportebat eum & saepius mori , quandoquidem per proprium sanguinem oblationem facere debuisset . Nil his proferri potest Paulinæ Epistolæ congruentius , nil simplicius , nil ad frangendam perviciam robustius .*

Deinde nititur Socinus commonstrare repugnantiam satisfactionis ex parte Dei , ejusque misericordiæ . Ad hanc vero repugnantiam demonstrandam utitur primo veterum justorum exemplo , qui absque ulla Christi satisfactione salutem sunt affecti , ut Abelis , de quo Mat. xxii. 35. & ad Hebr. xi. 4. Noe , de quo i. Petri i. 11. 20. aliorumque multorum . Affert 2. testimonia Scripturarum , quibus resipiscenti repromittitur venia , nulla alia apposita conditione , quam ut iniquus ingemiscat , & convertatur ad Dominum . Vide Deut. iv. 30. Psalm. xxxii. 19. & Jeremiæ ix. 24. Idem confirmat ex quo , etiamsi sententiam Deus tulerit , si peccatorem pœniteat , omnino iniquitatum illius obliviscitur ; ut idem Jeremias inquit xviii. 8. necnon Ezech. xxxii. 14. hujusque rei profert experimentum in Ezechia , in Achab , in Ninivitis . Cum ex his appareat Deum nulla accepta satisfactione condonare peccata , nonne Dei misericordiam obscurat decantata a Catholicis satisfactio ? An non pugnant invicem misericordia & punitio , liberalis condonatio & debiti repetitio , beneficentissima largitas magnique pretii solutio ? Præterea qui in hoc putant Deum liberalissimum , quod pro nobis tradiderit Unigenitum ,

faciunt ipſum Deum injuſtum magis & iniquum. Quis enim regem tenacem & avarum non dixerit, qui cum poſſit debitas condonare pecunias, eas ab illo, qui nihil ipſi debebat, repetierit? Ad hæc ille dicendus eſt munificus & liberalis, non qui eſt cauſa ut alter beneficio afficiatur, ſed qui de ſuo donat atque largitur: & ideo Dei miſericordiam obſcurat quiſquis opinatur dediſſe filium ut nos redimeret, & benefactis cumularet, non vero gratis debita condonaſſe. Quid? quod miſericors Deus non miſit Filium ſuum in mundum, ut diſſolveret debitum, ſed *ut omnis, qui credit in eum non pereat*, teſte Joanne 111. 16. Inſuper Apoſtolus hortatur, ut ſimus *invicem benigni, miſericordes donantes invicem ſicut & Deus in Chriſto donavit nobis*, ad Epheſ. 1v. 32. Similia repetit proximo cap. v. 1. & ad Colloſ. 111. 13. Si ergo nos debemus ita proximo condonare injurias, ut non repoſcamus ſatiſfactionem; Deus quoque nihil a nobis repetens peccata donavit: quod verum non eſt, ſi aut nos, aut pro nobis quiſpiam alter perſolvat. Inſuper nec Deus ratione ſui, nec ratione alterius poteſt exigere ſatiſfactionem: non ratione ſui, quid enim emolumenti ipſi aſſerre poteſt ſolutio debiti? quid ei ablatum fuit tranſgreſſione & peccato, niſi forte extrinſecus honor, qui ſine punitione peccati ei redditur per reſipſcentiam iniquorum? Nemo autem eſt alter, cujus intuitu debitum velit repoſcere. Quis enim erit? Peccator? At is miſer ac reus nullum jus habet repetundarum. Diabolus vero? Sed nihil debetur carnifici, atque tortori, nulla- que eſt illi actio adverſus ſupremum Dominum. Denique repoſcit Deus ab iniquis pœnitentiam, ac bona opera in ſclerum ſatiſfactionem: atque id quo jure, ſi pro nobis abunde ſatiſfecit filius ejus Unigenitus? Num poteſt aliquis ſolutam pecuniam repetere? Repugnat ergo ex parte Dei illa redemptio, quæ non fiat per ſolam condonationem.

Reſp. Chriſti ſatiſfactionem Dei miſericordiæ, quæ nunquam a juſtitia divellitur, eſſe magnopere congruentem, ut 111. cap. prop. 9. explanavimus, quæ vero ad hanc veritatem labefactandam Sociniani producant, eſſe portenta vetuſtarum hæreſum, gerraſque germanas. Ac primum Pelagius, ejuſque diſcipuli a gratia Redemptoris excludere nitebantur veteres juſtos, ut Auguſtinus ait de Peccat. Origin. cap. 26. n. 30. & lib. 2. contra Julianum Operis Imp. n. 188. Refellitur autem aperte hæreſis ab eodem Auguſtino, ex quo ſolus Chriſtus ſit Dei hominumque Mediator juxta Apoſtolum 1. ad Timot. 11. 5. ex quo nullum aliud nomen ſit ſub cælo datum hominibus, in quo oporteat nos ſalvos fieri, prout habetur Act. 1v. 12. & ex quo veteres juſti eundem cum nobis habuerint ſpiritum fidei, ut legitur 2. ad Corint. 1v. 13. quorum argumentorum primum urgetur a ſtrenuiſſimo Pelagianorum Debellatore lib. de Perſect. juſt. cap. 19. n. 42. & lib. 1.

& lib. 1. Operis Imp. num. 124. alterum De peccat. origin. cap. 24. num. 28. tertium Epist. 190. num. 6. & de Patientia cap. 21. num. 18. Huc spectant quæ scripsimus lib. xxiii. cap. 7. prop. 1. de necessitate fidei in mediatorem. Prima itaque objectio Socini nullius est ponderis, quoniam in antiquis Justis operabatur virtus futuræ passionis Christi, qua & redempti fuerunt, & adepti sunt gratiam; veluti absolvitur debitor intuitu fidejussoris pollicentis definito tempore pretium persolvere. Quæ de misericordia Dei subjiciuntur, nihil pro Socino efficiunt; quippe non repugnat idem opus esse summæ misericordiæ respectu hominis nullum habentis promeritum, & justitiæ respectu Christi solventis quæ non rapuerat; præsertim cum ipsa Dei caritas hunc Unigenitum salutis nostræ causa in mundum miserit: quæ cum dilucide explicata sint citata prop. 9. & 6. præced. necessum non est iterum inculcare. Nobis itaque pœnitentiam agentibus misericordiam impendi, & si noverimus vitam renovare, mutari quoque divinas comminationes, verissimum est; sed cum reconciliati simus per mortem Christi, divinæ liberalitatis exercitatio non excludit, sed supponit Redemptoris satisfactionem. Accedit quod absque Christi meritis expertes gratiæ, & facti servi peccati nec possemus agere pœnitentiam, nec de resipiscencia cogitare; ut diximus prop. 8. cap. 3. ideoque ipsa Dei ad pœnitentiam invitamenta ex beneficio peractæ redemptionis proficiunt. Neque avaritia est, sed æquitas repetere pecuniam ab eo, qui nihil debebat, si fidejussor ac sponzor sit; hoc enim ipso, quod fidejubet, debitor constituitur. Ineptum vero est, & supra quam dici possit futile, ac ludicrum quod ajunt non esse in Catholica sententia summum Deum munificum & liberalem, quia de suo non donat: proprius enim Dei filius est, cui pro nobis non pepercit, eumque non coactus necessitate, sed caritate beneficentissima tradidit, id sacris eloquiis asserentibus, Joan. i. 16. & ad Rom. vi. 32. At istuc, inquit Socinus, dicitur Christus traditus ut credamus. Recte, quia fides necessaria est, ut nobis meritum passionis Christi applicetur, ut paullo post explicabo; quum unus redemptionis effectus alterum non excludat, nec fides satisfactionem innumeris aliis testimoniis expressam. Proxima objectio petita ex cap. 1v. ad Ephesios diluitur a D. Anselmo lib. 1. *Cur Deus homo* cap. xii. pag. 57. his verbis: *Nulla in hoc est repugnantia, quia Deus hæc præcipit nobis, (ut condonemus invicem) ut non præsumamus quod solius Dei est. Ad nullum enim pertinet vindictam facere, nisi ad illum, qui Dominus est omnium, &c.* Quod si reponas inutilem fore Pauli hortationem, si Deus in condonandis delictis respiciat ad Filii mortem; dico ex hoc etiam capite Apostolica verba nos vehementius ad condonandas injurias permovere: quod evidenter ostendit eloquentissimus Joannes Chrysostomus hom. xv. in Ep. ad Ephes. Tom. 2.

pag.

pag. 1139. ea verba, *Sicut Deus in Christo donavit nobis*, sic apte graviterque exponens: *Hoc quoque magnum habet enigma . Non absolute, inquit, sed cum periculo filii . Ut tibi ignosceret, sacrificavit filium . Tu autem saepe videns condonationem & sine periculo, & sine sumptu, non facis .* Ac pariter Theophylactus pag. 547. *Deus donavit nobis . Quomodo? In Christo, hoc est, cum periculo filii sui, satisfactioneque ejus . Tu fortasse citra periculum donas; ille vero non sic: ac tu quidem fratri tuo; ille vero tibi, cum hostis esses, remisit ac donavit.* Ad insequentem Socini objectionem dico nos redemptos a diabolo, non tanquam a Domino, sed tanquam a ministro divinæ justitiæ, & lictore, a quo congruum erat nos liberari, non sola Dei omnipotentia, sed justitia; quoniam ipse jure aliquo hominem tenebat captivum, prout explicavi citata prop. 1x. n. 5. Quoniam tamen pretium solvitur Domino & proprietario, non ministro aut custodi; summo Deo, non diabolo, pretium redemptionis nostræ fuit persolutum. Quæris quid Deo accesserit emolumentum? Profecto nihil intrinsecum, sed gloria, & honor, quem ei abstulit primus homo: nam quemadmodum Deus puniendo pervicaces, licet in sui usum non convertat aut vitam quam aufert impio, aut beatitudinem quam ei denegat, sicut homo convertit pecuniam ablatam debitori in propriam utilitatem; *hoc tamen quod aufert* (inquit Anselmus lib. 1. *Cur Deus homo* cap. 14. pag. 58.) *attitur ad sui honorem per hoc quia aufert: auferendo enim peccatorem, & quæ illius sunt, subjecta sibi esse probat.* Ita Dominus Jesus nulli obnoxius peccato, & factus obediens usque ad mortem crucis, atque hac obedientia naturam nostram tanquam victimam Deo subiciens reddidit ei honorem, ac supremi Domini cultum, quem inobedientia denegaverat Adam prævaricator. Ad ultimum omnes Theologi respondent, Christum quidem pretium pro nobis persolvisse, nec tamen inanes esse conatus nostros, ac bona opera supervacanea; quoniam mors Christi necessaria erat ad satisfaciendum divinæ justitiæ, & ad redimendum humanum genus, nostra autem opera requiruntur ad applicationem passionis Christi, ejusque fructus percipiendos: neque id ejusdem passionis merito quicquam detrahit, quia non tollit exquisiti medicamenti virtutem necessitas applicationis; atque *Christus sua passione nos a peccato liberavit causaliter, id est, instituens causam nostræ liberationis, ex qua possent quacunq; peccata quandoque remitti vel præterita, vel præsentia, vel futura: sicut si medicus faciat medicinam, ex qua possint quicunque morbi sanari etiam in futurum.* Ut vero passio Christi fortietur effectum suum, debet applicari *per fidem, & caritatem, & per fidei sacramenta.* Ita & nos docuimus Volum. 111. pag. 355. magni Aquinatis verba adhibentes. *Quod si petas, cur ad applicationem istam cooperatio requiratur nostra;*

stra; responſionem exhibent quæ diximus ad primam objectionem Socini, nimirum homines libero arbitrio præditos, & nulla neceſſitate cogente factos peccati, dæmonisque mancipia ſoluto quoque redemptionis lytro, volentes tantum, non invitos erui a captivitate; ideoque ad prædictam applicationem requiritur motus liberi arbitrii, & conatus eo major, quo majori voluntate adhærent peccato, ita, ut relapſis etiam pœnitentia ac tabula poſt naufragium ſit neceſſaria, gravatis autem conſuetudine vehementior niſus, & contumacis animi compreſſio. Adeat qui plura cupit Joannem Driedonem inter mediæ ævi Scholaſticos de his accuratiſſime pertractantem in elaborato Opere de Captivit. & redempt. humani generis Traſt. 111. pag. 66. editionis Lovaniensis.

Inſuper Socinus demonſtrare conatur fieri non potuiſſe, ut divinæ juſtitiae ſatisfieret, nobis non pereuntibus: quod ut evincat opponit. I. Pœna peccato conſtituta eſt mors æterna, & hæc a nemine ferri poteſt, niſi qui peccavit; unius quippe pecunia poteſt alterius effici, at non mors inſiſta, ac ſempiternum ſupplicium. II. Quamvis homines libidine excæcati vindictæ aliquando in juſtum deſæviant; nunquam tamen pleſtunt aliquem innocentem, incolumi ſponte diſmiſſo qui intulit injurias. At ſi homines barbari nunquam de innocentibus pœnam ſumunt, conſulto diſmiſſis nocentibus; quomodo id pluſquam immane ac ferinum cenſeri poterit dignum Deo? III. Vituperationem promeretur exemplum Zaleuci Locrenſis, qui cum deberet utrunque oculum erueri filio, ſibi unum, filio alterum effodi; ac dum ſimul parcere nocenti filio, & legi ſatisfacere curat, neutrum facit. Ita in Catholicorum ſententia nec filio unigenito pepercit Deus, nec punivit iniquos. IV. Omnium gentium exemplo comprobatum eſt non debere, nec poſſe corporalem pœnam, quam unus debet, ab alio perſolveri; quod & ſupremus legumlator Deus apertiſſime docuit, Deut. xxiv. 16. *Non occidentur patres pro filiis, nec filii pro patribus, ſed unusquiſque pro peccato ſuo morietur*. Habentur conſimilia iv. Regum xiv. 6. & Ezechielis xviii. 20. Si autem pro patre ſatisfacere nequit filius conjunctiſſima patri perſona; quomodo ſatisfacere potuit pro ceteris hominibus Chriſtus? V. Si Deus erga homines voluit exercere miſericordiam, cur filium affecit ſupplicio? Si juſtitiam, cur non potius animadvertit in eos, qui deliquerant? Num repones exercuiſſe utrumque? Non eſt perfecta miſericordia, quæ cum peccatum condonare valeat, non condonat: nec perfecta juſtitia, quæ pœnam non exigit a delinquentibus. VI. Vera ſatisfactio eſt plena debiti perſolutio. Unusquiſque debebat divinæ juſtitiae mortem æternam. Igitur nequit juſtitiae ſatisfactum iri, niſi unusquiſque mortem illam perſolvat. VII. Quomodo poteſt quis eam corporalem pœnam pro aliis ſolvere, quam ipſe debeat? VIII. Si di-

xeris

xeris Christum non fuisse obnoxium morti, utpote qui nihil deliquerit, unicam tamen habebat vitam, quæ substitui non poterat pro vita hominum singulorum, sicut qui habet tantum centum aureos nummos, satisfacere nequit pro innumeris debitoribus, quorum singuli debeant centum nummos aureos. IX. Non potest unius iustitia, alterius qui iniustus fuerit iustitia censerî. Igitur nec pœna unius pœna alterius: ait enim Ezechiel citato cap. xv 111. 20. *Iustitia iusti super eum erit, & impietas impii erit super eum.*

Resp. his quoque Socinî argumentationibus a me satisfactum c. 3. prop. 10. Ad priorem ergo nego quod non possit pro vita nocentium subrogari vita Innocentis, si vas ille sit ac fidejussor, si potestatem habeat ponendi animam suam, si non invitus, sed lubens ad supplicium trahatur, & si debitum persolvat supremo Domino, qui accepta exhibita satisfactione, oblatis innocentis satisfactionem, ob meritum spontanæ immolationis, compenset vita meliori ac sempiterna. Et si innocens, qui mortem subit, sit Deus homo; nego etiam ejus cruciatus corporisque vitæ profusionem, quamvis factam exiguo tempore, non esse propter infinitam personæ dignitatem cum sempiterna universorum hominum punitione, equali ac majori pretio æstimandam. Verum id proximo capite est demonstrandum. Hæc divina persona plenissimo vitæ suæ dominio prædita, potest illam pro aliis profundere, non minus ac fidejussor propriam pro debitore pecuniam; nam ideo inter homines sit pecuniarum, non vitæ subrogatio, quoniam hanc supremus Dominus juri suo reservavit, præcipiens ne quis absque divina auctoritate funderet humanum sanguinem. Ad 2. dico homines vindictæ excæcatis libidine non spectare æquitatem, sed hostium suorum necem ac perditionem, ac propterea nunquam illos dimittere incolumes, si detur potestas ulciscendi. At Deus justitiam suam spectans, hominumque incolumitati prospiciens, his ob Unigeniti mortem pepercit; maxime quod non oderat creaturam suam, cum scriptum sit, *Nihil odisti eorum quæ fecisti*, Sap. xi. 25. sed oderat iniquitatem, quam incolumi opera manuum ejus punivit in Filio. Atque ita justus exemplo Domini sui *magis cupit inimicum suum corrigi, quam puniri, & cum in eum videt a Domino vindicari, non ejus delectatur pœna, quia non eum odit, sed divina justitia, quia Deum diligit.* E contra malevolus animus contristatur, si ejus inimicus correctus evaserit pœnam: & cum puniri eum videt, vindicari se ita gaudet, ut non justitia Dei, quem non diligit, sed illius quem odit miseria delectetur. Hæc sapientissimus Augustinus Enarrat. in Ps. lxxv 111. n. 14. Ex quibus apparet cur in hominibus vindictæ cupidus appareat ferinum odium, & vesana libido; in Deo autem æquitas simul, & caritatis munificencia splendescat. Perlegas & S. Patris librum contra Adimantum cap. x111. num. 3. Ad id,

To.V.

G g g

quod

quod sequitur, primum liquet imperite a Socino proferri exemplum Zaleuci, cum mortalium nemo queat manus in seipsum inferre; ac supremus Dominus, Socino non diffidente, addicere potuerit teterimæ morti Filium nullius criminis conscium, idque perditissimus hæreticus asserat, quamvis non credat Dei Unigenitum peccata nostra potuisse, nostrumque fuisse vadem, atque fideiussorem; id quod difficilius esse intellectu, quam si affirmes oblatum, quia voluit, ut Iytrum pro nobis solveret, & nos a captivitate reduceret, percipit quilibet homo cordatus. Vidit propterea hujus exempli incoherentiam idem Socinus, vir, si bene usus fuisset ingenio, nec rudis, nec incultus, scribens pag. 195. de Christo Salvatore, *Sed jam ineptum hoc exemplo valere jussu*. Deinde Zaleucum commendant Heraclides de Politis Græcorum, Aristoteles de Locrorum Republica, Diodorus lib. xli. Strabo libro vi. Aelianus lib. lli. Clemens quoque Alex. in i. Stromatum: & de exemplo, quod objicitur a Socino, scriptum ab Emmio de Rep. Locrensi, Tom. iv. Antiq. Græc. pag. 595. *Sic & filio consultum, & legi satisfactum, & robur majus additum*. Quarto loco imperite Socinus opponit Gentium universarum consuetudinem; primum, quia citata prop. 10. demonstravimus exemplo Damonis, Pythiæ, obsidum, & eorum quos Græci appellant ἀντιλήκον, idest, animæ alterius vicarios, sumptum apud Gentes etiam de infantibus supplicium, si devoti essent, aut vades ac fidejubentes; quod non solum testatur Ausonius, & Diodorus in Excerptis Paresianis, verum etiam S. Pater Augustinus Epist. 54. ad Macedonium, nunc 153. num. 17. De qua re legi potest Grotius de Jure belli & pacis lib. 2. c. 21. n. 11. Nec repugnat iniquum & atrox visum fuisse Narseti, Scipioni, aliisque de innoxiiis obsidibus supplicium sumere: nam & nos id inhumanum existimamus, quia nihil juris est homini in vitam suam, vel alterius, sed tantum in alias res, quæ in proprietatem veniunt, & quarum transfertur dominium. Quamobrem Gentes ejusmodi jus usurpantes arbitrabantur fas esse scire in vitam innocentium; & quia hoc jure carebant, ab aliquo probro viro redarguebantur: cum Deus, qui pollet supremo jure, possit inviolata æquitate plectere innoxium, maxime non invitum, & se constituentem alterius vadem, ut inde Dei gloria, hominum, salus, peccati abolitio, vitæque proveniat æterna. Atque hinc eruitur responsio altera, idest, quod si ab hominibus morte tantummodo afficiantur innoxii, dum pereunt justi, scelesti autem evadunt incolumes, labefactatur respublica: quod sane incommodum non oritur ex Christi morte, cujus efficacia deleta est culpa, & instituta sunt peccatorum omnium remedia. Insuper non esse contra naturam pænæ si ea plectantur innoxii demonstratum est prop. 10. num. 3. pluribus Scripturarum testimoniis, eisque addi possunt Hesiodi, &

Vir.

Virgilii carmina, & profanarum hiftoriarum exempla partim collecta a Juſto Lipſio lib. 2. de Conſtantia pag. 23. tom. 2. partim vero a Jo. Lorino in cap. 24. Deut. tom. 2. p. 213. Socinianis ergo mirantibus quod nos credamus iruiſſe in Chriſtum debita peccatis noſtris ſupplicia, æquum eſt, cum eodem Lipſio reſpondere: *Hem! ita ne hoc novum, aut mirum? Imo miror ego mirari iſtos miriones.* Atque hinc habes objecta Scripturarum loca eſſe accipienda de lege ordinaria, quando filii ab originali noxa expiati legem cuſtodiant, quando ex illorum punitione nullum commodum capeſſit reſpublica, quando juſtis ſupplicio affectis improbi pervicaciores perſiſtunt, & quando judicia exercentur ab homine nullam habente in vitam alterius poteſtatem. Quare hiſ finibus non continetur altiſſimum homines reparandi conſilium, executioni mandatum pro impiis ſcelere paterno inquinatis, mortem Chriſti decernente ſupremo Domino, eandem ſubeunte Unigenito ſumma prædito poteſtate, atque hinc commodis innumeris prodeuntibus. Ad 5. patet reſponſio ex 9. prop. ubi oſtendimus quomodo in hominum redemptione *miſericordia, & veritas obviaverunt ſibi, juſtitia & pax oſculata ſunt.* Quamvis vero ſit imperfecta miſericordia, quæ delectatur morte delinquentium; perfectiſſima eſt, quæ delectatur juſtitia, non peccatorum miſeria: ac talis fuit miſericordia Dei, cui accepta fuit paſſio Chriſti. non propter Filii cruciatus, ſed propter hominum liberationem: nec deeſt huic miſericordiæ liberalis condonatio, quia ipſa donavit proprium filium, qui ſatiſfaceret; nec deeſt perfectio juſtitia, quia cum ſatiſfacere non poſſet debitor, condignum pretium exegit a. Vade: ac ſi Deus vel peccata gratis condonaſſet, vel ſatiſfactionem exegiſſet ab homine, (quamvis cum ſit ſupremus Dominus facere potuiſſet utrumque) minus appareret miſericordia, quia non donaret hominibus proprium Filium; & minus juſtitia, quia non exegiſſet condignam ſatiſfactionem. *In hoc ergo apparuit caritas Dei in nobis, quoniam Filium ſuum unigenitum miſit Deus in mundum,* inquit Joannes Epiſt. 1. cap. 1v. 9. Præclara ſunt etiam S. P. Auguſtini verba ſerm. ccv 11. alias 71. de diverſis num. 1. *Quæ autem major eſſe miſericordia ſuper miſeros poſuit, quam illa, quæ cali Creatorem de calo depoſuit, vel terreno corpore terræ induit conditorem; eum qui in æternitate Patri manet æqualis mortalitate coæquavit & nobis, formam ſervi mundi Domino impoſuit, ut ipſe panis eſuriret, ſatietas ſitiret, virtus infirmaretur, ſanitas vulneraretur, vita moreretur? Hoc autem ut noſtra paſceretur fames, rigaretur ariditas, conſolaretur infirmitas, extingueretur iniquitas, ardeſceret caritas. Quæ major miſericordia, quam creari creatorem, ſervire dominatorem, vendi redemptorem, humiliari exaltatorem, occidi ſuſcitatorem?* Ad 6. 7. & 8. diſciſum paullo ſupra, & proximo capite repetendum, G g g 2- vitam

vitam unius Domini Jesu Christi majoris esse pretii, quam sit vita hominum universorum, & illam voluntaria immolatione profusam fatis esse ad totius mundi exhaustiunda peccata. Ad ultimum dicimus posse justitiam Christi esse justitiam nostram *efficienter*, idest, nobis promerendo caritatem & gratiam, per quam *formaliter* justificati lavacro regenerationis, & renovationis Spiritus sancti, hærentes Domino, *per occultam communicationem, & inspirationem gratiæ spiritualis* salvi sumus ab ira in vita ipsius; ut explicatum est libro xix. cap. 2. *Quare si justificemur in Christo, de nobis ob Christi merita recte enuntiabitur, Justitia justis super eum erit; sicut de iniquis, qui a gratia exciderunt, Et impietas impiis erit super eum.*

Conatur insuper Socinus evincere Christum neque satisfecisse pro nobis, nec satisfacere potuisse. Ac primum probare nititur ad hunc modum. Priusquam, inquit, Christus in mundum veniret, jam Deus erat placato erga nos animo: ait enim Joannes Epist. 1. cap. iv. 10. *Ipse Deus dilexit nos, & misit Filium suum propitiationem pro peccatis nostris.* Jam ergo nobis condonaverat illatas sibi injurias. Deinde non subiit Christus æternam mortem, alioquin non resurrexisset, & multo minus expertus est pœnas damnatorum; ac proinde non pertulit quicquid peccato debetur. Præterea ad hoc ut superaret mortem, necessarium fuit, ut resurgeret: ergo satisfactio nostra vitam Christi potius requirit, quam mortem. Quid enim opus fuerat per resurrectionem mortem superari, si peccatis deletis eadem mors amplius non poterat dominari? *Aculeus mortis peccatum*, inquit Paulus 1. ad Corinth. xv. 56. Si igitur peccatum auferas, mors caret aculeo, & nocere non potest. Ineptum est quod respondere solent Catholici resurrectionem fuisse necessariam ad fidem. *Nunquid enim*, ait Socinus pag. 198. *si aliquis pro me creditori meo satisfecerit, & pecunia reipsa meo nomine solverit, quam repetere jam non possit, neque solum, neque satisfactum erit, nisi prius ego id verum esse credam?* Ad hæc ante resurrectionem nihil fuit in Christo, quod in nobis futurum non sit; nam & nos resurgemus in æternum regnaturi, Apoc. xxi. 5. Non ergo ante resurrectionem pro nobis satisfecerat, præsertim cum scribat Apostolus cit. Epist. 1. ad Corinth. xv. 15. nos in peccatis nostris futuros fuisse, nisi Christus resurrexisset. Accedit, quod in nos adhuc dominantur mors corporis, & calamitates quamplurimæ, quæ peccatum consequuntur; & innumeri homines plectuntur sempiternis quoque suppliciis, ac magnus numerus parvulorum excluditur a cælesti regno: quod salva æquitate fieri non posset, si pro peccatis omnium Christus satisfecisset. His ergo momentis constat nullum redemptionis pretium fuisse ab eodem Christo solum. Sed neque id fieri potuit: primo quia ipsemet factus erat *sub lege*, ad Galatas iv. 4. Legi itaque subjectus, quo-

quomodo pro aliis ſatisfacere poterat? deinceps erat innocens, ac omnis pœna peccatum ſupponit, ut non ſemel eſt repetitum.

Reſp. facillime ſuperatis aliis eludi conatus iſtos Socinianorum, infirmiores. Et priorem quidem difficultatem proponit majori etiam vi, quam Socinus faciat, S. Pater Auguſtinus lib. xiii. de Trinit. cap. xi. n. 15. eamque in ſequentibus luculentiffime ſolvit. Quærit primum cur jam placatus Pater proprio Filio non parcens pro nobis illum tradiderit, & nihilominus Filius pro nobis mortuus ſit, & reconcilietur nobis Pater per mortem ejus: quorum unum docet Apoſtolus ad Rom. vii. 31. alterum ad Rom. v. 10. nec tamen una ſententia alteri ſit adverſa? Deinde ait Patrem dilexiſſe nos, non ſolum antequam pro nobis Filius moreretur, ſed etiam antequam conderet mundum, ipſo teſte Apoſtolo ad Ephes. i. 4. ipſumque Filium Patre ſibi non parcente non invitum eſſe traditum, ſed dilectione & caritate ſua, ut ſcriptum eſt Galat. ii. 20. ſanctum quoque Spiritum, quem pariter & concorditer cum Patre & Filio operetur noſtram reconciliationem decreviſſe, & tamen nos juſtificatos eſſe in Chriſti ſanguine, & reconciliatos Deo per mortem Filii ejus. Explicans deinde quomodo id factum ſit, narrat quadam juſtitia Dei in poteſtatem diaboli fuiſſe traditum genus humanum, & non potentia, ſed juſtitia fuiſſe eruendum, quod factum eſt beneficio mortis Chriſti; quia cum in eo nihil morte dignum inveniretur, occidit eum tamen diabolus: atque ita juſtum erat, ut quos debitores tenebat, liberi dimitterentur, quia occiſus liber a debito mortis ſolvit quæ non rapuerat, in remiſſionem peccatorum noſtrorum innocente ſanguine effuſo. Hæc Auguſtinus demonſtrat testimoniis Scripturarum invictiſſimis uſque ad cap. xiv. num. 18. & omnia cohærent cum his, quæ diximus cap. 3. prop. 8. num. 3. & prop. 9. num. 5. hoc de Trinitate Opere laudato. Præcedit itaque miſericordia tradens Filium, ſequitur juſtitia vincens diabolum. Et quoniam Socinus objectat priorem Joannis Epistolam, adeat eundem Auguſtinum Traſt. vii. num. 9. respondentem, ideo Deum prius dilexiſſe nos, quia *miſit Filium ſuum litatorem pro peccatis noſtris*, & ipſe Filius non inveniens *hoſtiam, quam puram volebat offerre, ſeipſum obtulit*. Sed quid plura, cum idem eo loci affirmet Joannes verbis, ut inquirunt, quadratis? Ad illud, quod proxime ſequitur, diximus Chriſti mortem æquivalere, imo præponderare, niliſet alteri pretio. Ad alterum reſponſum eſt in i. harum objectionum claſſe num. 4. ubi diximus reſurrectionem fuiſſe neceſſariam ad fidei confirmationem; quia articulo reſurrectionis ſublato concidit ſpes noſtra, inanis eſt fides, & Apoſtoli faciunt Deum mendacem, falſique ſunt teſtes. *Nam ſi mortuus non potuit reſurgere, neque abſolutum eſt peccatum, neque mors eſt perempta, nec ablatum eſt maledictum & execratio, & non ſolum nos inania prædicamus, ſed vos quoque*

que credidistis inania, inquit ibidem Apostolus versu 14. & 15. Chrysostomo interprete, Hom. xxxv. 11. Tom. 1. in Paulum pag. 675. Pet. Socinus, quid necessum erat resurgere, si mors carebat aculeo? Quid sit aculeus, sive stimulus mortis docet Apostolus scribens v. 56. *Stimulus autem mortis peccatum*, Mors ob Adæ culpam in omnes homines pertransiit, teste eodem Apostolo ad Rom. v. 12. nec pertransiit tantum, dominabatur quoque, & *habebat imperium*, ad Hebræos 11. 14. At post resurrectionem *mors ultra non dominabitur*, ad Rom. vi. 9. quia *mortale hoc induet immortalitatem*, ad Corinth. xv. 53. Necessum ergo erat, ut Christus a mortuis resurgeret, & resurrectionem prænuntiaret nostram; ut perciperemus cessasse mortis imperium, & fore ut aliquando diceremus, *Ubi est mors victoria tua? Ubi est mors stimulus tuus? idest, ubi est mors victoria tua, qua omnes sic viceris, ut etiam Dei Filius tecum confingeret, teque non vitando, sed suscipiendo superaret? Ubi est aculeus tuus, hoc est, peccatum, quo puncti & venenati sumus, ut te etiam in nostris corporibus figeres, & ea tam longo tempore possideres?* Audis, opinor, Socine, quis loquatur. Augustinus is est in 111. de remissione peccat. libro cap. xi. num. 20. Mortuus est ergo Christus, ut nullus esset mortis aculeus; resurrexit, ut nulla esset mortis victoria. Quod si reponas per nos contrahi a pueris originale peccatum, adeoque habere adhuc mortem aculeum; aperta est ex dictis responsio, necessarium esse, ut conscripti simus Christo in baptismo, & complantati similitudini mortis ejus, ad hoc ut redemptionis fructum percipiamus: quod ipse docet Apost. ad Rom. vi. 4. ad Colossem. 11. 12. & Petrus 1. Epist. 111. 21. Aliud est enim de redemptione loqui, aliud de ejus applicatione. Ergo, ut ad Socini argumentationem revertar, surrexit Christus ne inanis esset fides nostra, id Apostolo absque ambage ulla asserente in 1. ad Corinth. xv. 15. Nec requiritur fides nostra, ut pretium sit reipia a Christo solutum, ut mussat tergiversator; sed ut pretium applicetur nobis, quemadmodum semel, iterumque explicatum est supra. Quod ait nos post resurrectionem in æternum regnatos, si se excipiat, alioque ministros Satanæ, nec non improbos omnes ingratos Redemptori; id credimus & speramus: sed ideo regnabimus, quia agnus occisus redemit nos in sanguine suo, & fecit nos Deo nostro regnum; quod pariter legimus in Apocalypsi v. 10. aliisque in locis compluribus. Illud, quod proximo loco objicitur de morte, ceterisque miseriis etiamnum debacchantibus, diluitur a magno Augustino lib. 2. de peccat. merit. & remis. cap. 31. num. 50. & seqq. quia nisi homines a Christo redempti experirentur corporis mortem, *carui quadam felicitas adderetur, minueretur autem fidei fortitudo*: deinde quia nemo ad illam vitam, quæ post istam mortem beata futura est, per virtutem

etiam

*etiam contemnendæ ipsius mortis feſtinaret: ulterius quia dum ſemina-
 tur corpus animale, & reſurgit ſpiritale, Redemptor plus fidelibus
 ſuis ſine dubitatione donavit: inſuper quia res, quarum reatum
 ne poſt hanc vitam obſint, Deus ſolvit, tamen ad certamen fidei ſinit
 manere, ut per illas erudiantur, & exerceantur in agone juſtitie. Re-
 vera, ut S. Pater ait proximo cap. 33. num. 53. propter peccatum
 ſpinas & tribulos parit terra: propter peccatum dixit Deus homini,
In ſudore vultus tui veſceris pane. Gen. 111. 19. propter peccatum
 dictum eſt mulieri, *In dolore paries*, ib. verſ. 16. & tamen nonne
 poſt remiſſionem peccatorum terra germinat aſpera? nonne labor
 permanet? nonne ſemine doloris parturiendo patiuntur? Negare
 itaque non poteſt Socinus, niſi alienus a fide catholica etiam ſacris
 literis adverſetur, mortem, & calamitates, quæ ante remiſſionem
 ſunt ſupplicia peccatorum, poſt remiſſionem eſſe certamina exercita-
 tioneſque juſtorum. Ita Pelagianorum argumentationes recoquenti
 Socino cum Pelagianorum oppugnatore respondemus. Legi item
 poſſunt quæ de hoc argumento ſcribit Athanaſius de Incarnat. Verbi
 Dei num. 21. Tom. 1. pag. 65. Quod autem addebat de iniquis pe-
 reuntibus, & de infantibus decedentibus ſine regenerationis lavacro,
 cum dictum ſit ſupra neceſſariam eſſe applicationem per fidem, per
 caritatem, & per Sacramenta, ut Chriſti paſſio effectum ſortiat
 ſuum, alia modò confutatione non eget. Ad rationem, quæ in po-
 ſtrema parte nobis opponitur, respondeo ad hunc modum. Tres
 cauſæ ſunt, propter quas Chriſtus, tametſi legi ſubjectus, potuit
 nihilominus pro nobis ſatiſfacere. Prima eſt, quod huic ſubjectioni
 ſponte ſeſe addixit, ut haberet quod poſſet immolare pro nobis, ac-
 cipiens formam ſervi, & in ſimilitudinem hominum factus, ut docet
 Apoſtolus ad Philipp. 11. 7. imò & eodem loco, qui opponitur ad
 Galat. 1v. 4. aſſumendo autem formam ſervi, & factus ſub lege, non
 amiſit quod erat in principio, id eſt, formam Dei, per quam eſt æqua-
 lis Patri, ideoque potuit eſſe Redemptor, ac Mediator inter Deum
 & homines, inter juſtum & injuſtum, inter immortalem & mor-
 tales, quia *aſſumpſit aliquid ab inimicis & mortalibus ſervans ali-
 quid cum juſto & immortalis*, inquit S. P. Auguſtinus ſerm. 361. alias
 120. de diverſis num. 16. Altera cauſa eſt, quia habebat poteſtatem po-
 nendi animam ſuam, Joann. x. 10. & conſequenter mortem carnis non
 conditionis neceſſitate, ſed miſerationis voluntate ſuſcepit, ait idem
 Auguſtinus in Pſalm. lxxxv11. num. 3. Tertia cauſa eſt, quia mors
 homini inſiſta eſt in pœnam peccati, & cum Dominus Jeſus aliquid
 non haberet quare juſte moreretur, carnem aſſumens noſtram de pec-
 cato damnavit peccatum in carne, ad Rom. viii. 3. Unde illa mors Domini
 dignationis fuit, non debiti, inquit prælaudatus Auguſtinus in Expoſi-
 tione prop. ex Ep. ad R. n. 48. Poſtremum abunde refutatum eſt ſupra.*

Tan-

Tandem Socinus contendit nos Christi satisfactionem defendere philosophicis inventis, dum ad probandum exhibitæ præcti valorem, confugimus ad personæ divinæ infinitam dignitatem. Quod ut probet decem urget argumenta, aut ineptias potius aniles. Principio, inquit, nulla est apud Deum personarum acceptio. Deinde istud urget: Nunquid si vir princeps unius horæ exilio mulsetur, idem erit, ac si homo plebejus perpetuo damnetur exilio? Tertio repetit Christum passum non fuisse damnatorum pœnas, & quamvis non defuerint qui id senserint, explosam tamen esse communi suffragio sententiam istam, Præterea opponit: Christus ad gloriam ea quam antea habebat infinitis partibus majorem evectus est: quomodo ergo ejus passio tanti fuit pretii, ut promeretur pro aliis? Addit quinto loco: Finiti ad infinitum, ut dici solet, nulla est proportio: pœnæ Christi exiguo tempore finitæ fuerunt; nullam ergo proportionem habent ad nostras perpetuo non finiendas. Argumentum sextum illud est: Creditur Christus a Catholicis verus Deus, sed falso, non enim opus fuisset, ut tot acerbos cruciatus, mortemque tam diram perferret. Insuper arguitur: Dato quod Christus Deus sit, ut Deus non poterat quidquam pati; passus itaque est, ut homo. Nec sufficit unio, quam dicunt hypostaticam, ad conferendam passioni humanitatis majorem efficaciam: nam qua majori prædita est vi sumptio cibi vel potus in homine, quam in ceteris animantibus? Ergo plaga corpori hominis inflicta nullam aliam vim habet, quam si inflicta fuisset bestię, nec aliam mors illata homini Deo, quam si illata esset puro homini. Illud quoque objicit: Divina natura non potuit affligi, sicut animantia, quæ dum corpus affligitur, persæpe dolent; nullam igitur vim contulit afflictionibus naturæ humanæ. Octavo illud assert: Etiam si Deus sit infinitus, non tamen operationes Dei, quantumvis maximi, infinitum habent pretium; non enim tanti æstimatur mundus, homo, & quælibet res creata, quanti summus Deus Auctor, & Conditor. Idem asserendum de Christi operibus. Aliam quoque rationem adjicit, mirum, quod ille qui satisfacit, debet esse ejusdem generis & naturæ, cujus ille est, pro quo satisfacit; unde infert opus fuisse, ut Christus satisfaceret in quantum homo: quod ob finitam humanitatis conditionem fieri non potuit. Postremum argumentum hoc pacto intenditur: Ipsa divina natura ipse Deus erat, cui erat satisfaciendum; quomodo ergo Christus ut Deus poterat satisfacere? Si recurras ad divinarum personarum distinctionem; nonne ipsius Filii personæ, non minus, quam personæ Patris satisfaciendum fuerat? Hæc Socinus: qui, ut ex dictis apparet, quicquid adversus Christi satisfactionem asserere poterat vel perfidia hæresis, vel fallax dialectica, vel dæmonis inspiratio, & quicquid ipsius gregarii ore pectifero evomuerunt, retexit & propinavit; & quem nos data opera oppugnare

gnare ſtuduimus everſo funditus univerſo ejus ſyſtemate: nam quæ objecta ſunt nuper Scholaſtici omnes norunt, & contriverunt in quaſtione proximo capite inſtituenda.

C A P U T VI.

An ſatiſfactio Chriſti fuerit condigna, atque ad juris apices?

CONTRA poſtremas Socini argutationes ferunt nobis ſuppeditas omnes e Schola Theologi in ea quaſtione, utrum Chriſti ſatiſſactio fuerit æquivalens, & ex ſtriſta juſtitia. Omnes enim condignam & æquivalentem fatentur propter perſonæ ſatiſfacientis infinitam dignitatem; quamvis Scotus, Durandus, & Gabr. in diſtinct. xix. libri 3. ac nonnulli alii eorundem ſeſtatores negent fuiſſe ex rigoroſa juſtitia, ſi omnes conditiones ſpeſtentur juſtitiae hujus, quas ſinguli approbant. Sunt vero conditiones illæ quatuor: ac prima, ut ſatiſſactio ſit æquivalens, & creditori quantum ablatum eſt perſolvatur: ſecunda, ut ſit ad alterum: tertia, ut ſit ex propriis bonis perſonæ, quæ ſatiſfacit, eaque bona ſint aliàs indebita: ultima, ut non interveniat ex parte creditoris alicujus partis debiti gratioſa remiſſio. Addunt quidam conditiones alias, ut ſatiſſactio ſit libera, ut ſit a perſona offendente, ut denique creditor teneatur illam acceptare: quas tres conditiones arbitror non eſſe modo expendendas; nam quantum ad libertatem attinet, requiritur tantum ratione meriti, & Chriſtum mortuum pleniffima libertate conſentiunt omnes: ſatiſſactionem exhibendam ab ipſa perſona offenſa verum eſt, ſi nullus adſit fidejuſſor, qui ſolvat; ac demum nullam in Deo creditore reperiri neceſſitatem abſolutam, ſed hypotheticam tantum, ac ſuppoſita redimendi humanum genus gratuita prædefinitione, liquet ex priori capite hujus libri. Occurrit ergo difficultas de quatuor illis conditionibus principio poſitis, præſertim cum illuſtris Scotiſta Maſtrius fateatur diſp. 1v. q. 4. dub. 3. poſtremas ab omnibus non requiri.

His conditionibus non obſtantibus, ſatiſſactionem Chriſti fuiſſe ad juris apices tenet univerſa Schola Thomiſtarum, ac noſtra, ſubſcribentibus Salmant. diſp. 1. dub. 7. Sylvio quaſt. 1. art. 2. q. 3. Suareſio diſp. 4. ſeſt. 5. L'Herminiero Tom. 3. pag. 115. Du-Hamel lib. 1v. diſſert. 1. cap. 2. Tournely quaſt. v. art. 3. Witafſe quaſt. xi. art. 2. quos e magno numero ſat eſt laudaſſe, Nec deſunt, qui ſententiam oppoſitam appellent ſacrilegam, impiam, & Chriſto Domino indignam, ut Barth. Medina, Capreolus, Soto, Cabrera, apud præcitatos Salm. num. 214. Sed cum illius auctores pretii valorem non minuunt, ac tantum de his conditionibus diſſentiant, temperandum eſt

est a censura, quam hac ratione propulsat Mastrius loco citato. Distinguenda itaque est illa quæstio, an Christi satisfactio fuerit æquivalens & condigna, ab altera, an fuerit ad strictos apices juris: quarum primam negative resolvere esset meritis Christi detrudere, & instaurare ad bellum contrafectas Socini vires: alteram affirmative propugnare, licet id catholica fides non exigit, est omnino extremos ejusdem Socini impetus confringere, cum & ipse, ut vidimus, iisdem justitiæ conditionibus objectis tela ejaculet: quod nonnulli ad concertationem domesticam, quam ad hostium conflictum paratiores, minime præviderunt. Duabus ergo propositionibus id, quod quæritur, explanabimus.

PROPOSITIO I. Satisfactio Christi nedum æquivalens est, verum etiam superabundans.

Probat 1. ex Scripturis: nam Psal. cxxix. 7. legimus: *Copiosa apud eum redemptio*; ubi non solum advertendum est redemptionem dici *copiosam*, *multam*, *eximiam*; verum etiam addi, *Ipse redimet Israel*, ad commonstrandum, inquit August. Enarrat. in hunc Psalm. n. 12. *quia Israel vendere se potuit, & fieri venumdatus sub peccato; redimere se ab iniquitatibus non potest: sed ille potuit redimere, qui se non potuit vendere*. At satisfactio imperfecta etiam ab homine, qui se vendidit, poterat exhiberi. II. Ad Rom. v. 20. inquit Apostolus: *Ubi abundavit delictum, superabundavit & gratia*: quo in loco fieri ex contrariis collationem probat adversus Jul. S. P. Aug. lib. 2. Op. Imperf. n. 217. *cum ex una parte generatio ponatur, & ex altera regeneratio; ex una regnum mortis, ex altera regnum vitæ; ex una abundantia, ex altera remissio peccatorum*. Atqui, ait Sylvius, peccatum de rigore justitiæ intulit damna, quibus homo erat obnoxius. Ergo gratia Christi etiam de rigore justitiæ damna illa reparavit. Aperta est in eundem locum sententia Theophylacti pag. 54. *Veluti igitur contrariæ inter se se pugnantes acies constituuntur, peccatum quidem militem habuit mortem, gratia vero justitiam*. III. Idem Apostolus ad Hebr. x. 12. 14. instituens comparisonem inter legales hostias, & Christi mortem, de illis inquit: *Numquam possunt auferre peccata*; de hac autem: *Consummavit in æternum sanctificatos*; atque utitur hac ratione, ut ostendat cur olim Sacerdos quotidie præsto esset ministrans, easdemque semper offerens hostias, Christus vero unam semel obtulerit: quod sane nihil evinceret; nisi Christi satisfactio omne debitum persolvisset æquivalenti pretio; nam & sacrificia legalia purgare poterant ex Dei liberalitate peccata; & iusta adesset causa aliam quotidie hostiam mactandi, nisi Christus semel oblatu sanguinis sui magno pretio peccata omnium exhausisset. Audias in hunc locum Oecumenium Tom. 2. pag. 395. *Unica enim oblatione, quam obtulit Christus, perfecte a peccatis liberavit*. Et infra:

fra : *Quæ neceſſitas eſt multarum oblationum quum unica illa, quam exhibuit Chriſtus, fuerit ſufficiens ad auferenda peccata?* IV. Huc ſpectant omnia fere argumenta, quibus cap. 2. & 3. ex ſacris literis probatum eſt nos emptos pretio magno, damnatum peccatum ex peccato, Chriſtum peccata noſtra portaffe, & cetera, quæ repetere non eſt opus.

Deinde probatur ex Patribus: nam Chryſoſtomus hom. x. in Epift. ad Rom. pag. 100. *Quemadmodum, inquit, ſi quis eum, qui obulos decem ſibi debeat, in carcerem conjiciat, nec eum tamen ſolum, ſed ejus cauſa tum uxorem, tum liberos, tum famulos, atque hic ſuperueniens unus aliquis decem quos dixi obulos non numeret modo, ſed cum infinita item auri talenta largitur, tam vero in aulis regias vinctum illum introducat, cum eo ſummum honorem, reliquumque principalem ſplendorem communicet, non poſſint utique poſtea oboli illi decem illius memorie obverſari, qui eos numeraverit mutaveritque; ſic & in nobis evenit: multo enim plura iis, quæ debemus dependit Chriſtus, atque adeo tanto plura, quanto mare immenſum ad puſillam guttam collatum majus eſſe poſſit.* Cyrillus Jeruſolymit. Catech. x111. pag. edit. Morelli 316. *Cuſtodivit enim & decreti veritatem, & benignitatis virtutem. Aſſumpſit Chriſtus peccata in corpore, in lignum: ut per mortem ipſius nos peccatis mortui juſtitie viveremus. Non parvus erat, qui mortuus eſt pro nobis. Non erat ovīs ſenſilis. Non erat ſimplex homo: non erat angelus tantum, ſed Deus incarnatus. Non tantum erat peccantium peccatum, quanta pro illis morientis juſtitia; non tantum nos peccavimus, quantum ille juſte egit, qui animam pro nobis poſuit, qui poſuit quando voluit, & rurfus accepit quando voluit.* S. P. Auguſtinus lib. x111. de Trinit. cap. 13. num. 17. ait: *Diabolus non potentia Dei, ſed juſtitia ſuperandus fuit: quod poſtea pluribus probat, repetitque.* cap. 2. Ench. num. 14. Et in Pl. 95, num. 15. & 129. num. 3. docet quomodo Chriſtus pro toto pretium dedit: *delevit omnia peccata nocentium: redemit omnes captivos.* Sed plura ex Auguſtino præcedenti cap. ſunt producta. Magnus Leo ſerm. x11. de Paſſione Domini cap. 3. pag. 59. inquit: *Effuſio enim pro injuſtis ſanguinis juſti tam potens fuit ad privilegium, tam dives ad pretium, ut ſi univerſitas captivorum in Redemptorem ſuum crederet, nullam tyrannica vincula retinerent: quoniam, ſicut Apoſtolus ait, Vbi abundavit peccatum, ſuperabundavit & gratia. Et cum ſub peccati præjudicio nati poteſtatem acceperint ad juſtitiam renaſcendi, validius donum factum eſt libertatis, quam debitum ſervitutis.* Divus Bernardus contra Petrum Abael. cap. 8. pag. 117. *Fuit vero ſanguis, qui effuſus eſt, tam multus ad ignoſcendum, ut ipſum quoque peccatum maximum, quo factum eſt ut effunderetur, deleveret, ac per hoc de antiqui illius*

utpote levioris deletione nullam omnino dubietatem relinqueret. Ac ne repetamus quæ attulimus tertio capite, Clemens V. in Extrav. *Unigenitus*, de pœnit. & remis. cap. 2. hæc Tarraconensi Archiepiscopo scripsit: *Non enim corruptibilibus auro & argento, sed sui ipsius agni incontaminati & immaculati pretioso sanguine nos redemit: quem in ara crucis innocens immolatus, non guttam sanguinis modicam, quæ tamen propter unionem ad Verbum pro redemptione totius humani generis suffecisset, sed copiose velut quoddam profluvium noscitur effudisse: ita, ut a planta pedis usque ad verticem capitis nulla sanitas inveniretur in ipso.* Ubi animadvertit Sylvius, Pontificem pro causa, cur una gutta pretiosi sanguinis suffecisset, adferre humanæ naturæ unionem ad Verbum, & ideo ineptum esse quorundam responsum, Clementis verba exponentium, *divina acceptione supposita*. Accedit Triburiense Concilium celebratum tempore Formosi Papæ anno 895. cap. 19. Tom. ix. Collect. Lab. pag. 451. causas afferens cur Sacra non conficiantur sine aquæ vinique mixtione, præter allatas a Florentino in decreto Eugenii ad Armenos Tom. xiii. p. 536. & a Tridentino sess. 22. cap. 7. Tom. xiv. 854., de quibus alibi, præcipere, *ut duæ partes sint vini, quia major est majestas sanguinis Christi, quam fragilitas populi; tertia aquæ, per quam intelligitur infirmitas humana natura.*

Tertio comprobatur propositio ratione: Christus erat, quantum ad personam attinet, verus Deus, & licet passio, & quicquid ei convenit ratione assumptæ naturæ sit physica *entitate* spectata finitum, quia tamen persona ad sua jura transfert naturæ utriusque actus, nam illa humanitatem regit, cum ea conjunctim operatur, & quicquid operis ab ea elicitur, tribuitur ipsimet personæ; nulla fuit Christi actio libera ac meriti laude condecorata, cui non inesset valor infinitus, summumque pretium. Ejus itaque satisfactio non solum omnium hominum iniquitati diluendæ fuit æquivalens, verum etiam pluris æstimanda ac præponderans, cum nihil Verbo Deo excogitari possit præstantius. Nota hic obiter ab infinita dignitate personæ repetere satisfactionis æqualitatem cum Patres, tum Theologos præstantissimos: nam Cyrillus Jerosolymit. laudata Catech. 13. demonstrat Christum plene pro nobis satisfecisse; quia non erat *ὁ υἱὸς ἀνθρώπου*, parvus ac finitus homo, sed *ἰσὺς τοῦ θεοῦ* *ἡ ἀληθινή*, *ἡ ὑπερσυνάρτητος*, qui pro nobis mortem subiit. Cyrillus alter Alex. in caput 1. Joann. Tom. iv. pag. 27. ostendit quomodo gratia per quam filii Dei constituimur nobis sit conferenda per Christum, quoniam ipse duntaxat *proprie filius est, non spurius, neque falso nuncupatus: unus ex uno, semper coexistens, & patri insitus.* Et in Epist. ad Monachos Aegypti Tom. v. 2. p. pag. 18. demonstrat contritam mortem, quia temere hostiliterque insultavit corpori, *quod ipsius*
vita

vita corpus erat, τὸ τῆς ζωῆς σῶμα. Damascenus lib. 111. de Fide Orthodox. cap. 26. declarat quomodo ipsum Verbum omnia carne sustinuerit, etiamsi divina natura ab omni doloris sensu permanserit incolumis, quoniam *unus ex divinitate & humanitate compositus* vere patiebatur, atque hinc meriti illius seq. cap. repetit granditatem. Idem Latini docent. Ambrosius enim lib. v. in Lucam num. 102. probat ex divinæ personæ testimonio nihil posse majori pretio æstimari, quam Dei Unigenitum *se obtulisse pro mundo*. Augustinus lib. x. Confess. cap. 43. num. 68. ait Mediatorem debuisse utramque sibi copulare naturam, ut *per justitiam conjunctam Deo evacuet mor-tem*: quod repetit ferm. xxvi. num. 7. & cclx. num. 5. Anselmus lib. 2. *Cur Deus homo* cap. 6. demonstrat non potuisse Deo satisfacere *nisi Deum*, & cap. proximo satisfecisse Christum, *quia est Deus homo*, & quia duæ naturæ integræ in eo convenerunt in unam personam, quemadmodum corpus & anima rationalis conveniunt in unum hominem. Atque ex his inferitur nullatenus posse repudiari rationem, quam pro hac assertionem proferunt Scholastici cum D. Thoma in 3. dist. xx. 3. & 3. p. q. 48. art. 2. & D. Bonav. in Breviloq. p. 4. cap. 7. petitam ex quo vita, quam pro nobis Salvator pendit, quamvis corporalis, fuerit tamen *vita Dei hominis*.

Ex his diluitur vulgaris objectio, quod omnis actio Christi fuerit finita, si loquamur de actionibus humanis ex natura assumpta, prodeuntibus, quibus proculdubio peracta est generis humani redemptio. Missis enim responsis aliis, videtur nobis facile præfatam objectionem elidi, si reponamus actionem quoque finitam & humanam esse summo pretio æstimandam, si efficiatur ab *homine Deo*, in hac enim hypothefi divina persona, quæ agit in utraque natura, trahit ad jus suum quicquid in humana operatur, & revera dicitur: Hanc mortem pertulit ipse Deus: ad hanc humilitatem exinanivit semetipsum qui permanet in forma Dei; ac proinde hæc humilitas, hæc passio æstimanda non est tanquam *puri* hominis, sed tanquam Dei, licet nihil acciderit divinitati: quemadmodum mors inflicta corpori hominis, non est æque æstimanda, ac mors illata bestię, licet non interficiatur spiritualis anima; sed recte dicitur mors rationalis hominis, quia vita illa corporis, quamvis communis sit bestię, non erat vita cujuslibet animantis, sed hominis: ita nimirum a dignitate personæ, cujus vita est, mutuatur ipsa vita rationem pretii. Quamobrem utroque pollice subscribendum censeo magno Aquinatis cit. loco scribenti: *Vita corporalis Christi habebat quemdam infinitum valorem ex conjuncta divinitate, in quantum non erat vita puri hominis, sed Dei & hominis*.

Dices: cum scribat Apostolus ad Coloss. 1. 24. *Adimpleo ea quæ desunt passioni Christi in carne mea, pro corpore ejus quod est Ecclesia;* dicen-

dicendum est aliquid defuisse exhibitæ a Christo satisfactioni, ideoque non fuisse tanti, ut inquiunt, pretii. Resp. minime asserere Apostolum, quod aliquid defuit Christi passionibus *in seipsis inspectis*, sed affirmare deesse tantum aliquid in *carne nostra*, & in corpore Ecclesiæ; quoniam, ut supra explicavimus, compati debemus, ut conglorificemur cum Christo: & licet ipsius Christi passio sufficiens sit ad universorum salutem; debet nihilominus adnitentibus nobis, & opera bona exercentibus applicari, ut effectum suum fortiat. Audias Augustinum summum Theologorum culmen in Psalm. 86. num. 5. *Videte quid dixit Apostolus, quia in ipso Christus patiebatur. Ut adimpleam, inquit, quæ defunt pressurarum Christi in carne mea. Ut adimpleam: quid? quæ defunt. Cui defunt? pressurarum Christi. Ubi defunt? in carne mea. Nunquid aliquid pressurarum deerat in illo homine, quod factum est Verbum Dei nato de Maria Virgine? Passus enim est quicquid pati deberet ex sua voluntate, non ex peccati necessitate: & videtur quia omnia. In cruce enim posuit accepit acetum ultimum, & ait, Perfectum est. Potest etiam responderi, Apostolum pressuras, quas patiebatur, ut Christo reconciliaret Ecclesiam, non suas velle passiones esse, sed illius; quia ipse Christus per ministros suos curam gerit Ecclesiarum, & quicquid hi præstant,tribuendum est Redemptoris nostri sollicitudini ac merito. Atque hæc interpretatio cum ceteris, quæ ibidem tradit Paulus, mire cohærens, est Chrysostomi Hom. 1v. in eandem ad Coloss. Epistolam pag. 1342. edit. Commel. necnon Theophyl. p. 642. Addit Oecumenius pag. 125. *complere hoc in loco nihil esse aliud, quam ius in ipsam adin, æque ac similiter pati; & omnes nos debitores constitutos, ut ipsi etiam toleremus, & vicissim sustineamus afflictiones pro Christi Ecclesia.* S. Thomas in cap. 1. ad Coloss. lect. 6. *Hoc deerat, inquit, quod sicut Christus passus erat in corpore suo, ita pateretur in Paulo membro suo, & similiter in aliis; quia nimirum Deus in sua prædestinatione prævidit sanctorum suorum merita, inter quæ connumerantur passiones martyrum: & licet capitis merita sint infinita, quilibet sanctus exhibet aliqua merita, secundum mensuram suam: quæ juxta eundem Apostolum ad Ephes. 1v. 7. est mensura donationis Christi, gratia scilicet meritis ejus collata. Id vero a præmissa Augustini interpretatione parum, vel nihil differt.**

PROPOSITIO II. In Christi satisfactione omnes conditiones interfuerunt, quæ requiruntur ad exactas justitiæ leges.

Ut hanc positionem firmemus momentis Patrum auctoritate munitis, aliqua præmittemus. Ac primum sit, nullam Redemptoris operationem, sive agat assumpta forma, sive divina, sejungendam esse a communione personæ; quoniam, ut diximus lib. xxv. 1. cap. 11. licet caro exequatur quod carnis est, & divinitas pariter quod proprium

prium habet ; utraque natura , divinitatis , & carnis assumptæ operatur in una persona Unigeniti Dei Patris *inconfuse atque indivise* . Vid. supra pag. 158. Ratio hujus rei apertissima est , quia sicut nisi ageret utraque forma , Christus non esset Deus & homo ; ita nisi operaretur eadem indivisa persona , Christus & Mediator non esset unus. Hinc sequitur , quod mors & passio , quæ si spectetur tantummodo forma humanitatis assumptæ , nota est infirmitatis ac subjectionis , si attendatur persona , quæ sibi humanitatem *hypostatice* univit , est plenissimæ potestatis ac libertatis . Ac sic in Christi satisfactione gratior facta est in humilitate justitia , quia *nisi Christus homo esset , non potuisset occidi ; nisi Deus esset , non crederetur noluisse quod potuit , sed non potuisse quod voluit : nec ab eo justitiam prælata fuisse , sed ei defuisse potentiam putaremus . Nunc vero humana pro nobis passus est , quia homo erat : sed si noluisse , etiam hoc non pati potuisset quia Deus erat* . Hæc Augustinus lib. xiii. de Trinit. cap. 14. num. 18.

Animadvertendum deinde est , quod juxta plurimorum doctrinam , etiamsi quælibet rationalis creatura teneatur Deo omne obsequium & reverentiam præstare , supposita tamen rectissima justitiæ præscriptione , ut mors sit pœna peccati , si sponte creatura innocens mortem subeat , Deo exhibet quod pro se non debet . Quamquam enim vita creaturarum omnium sit Dei ; posteaquam illam beneficentissima largitate impertitus est , libero subjiçiens arbitrio , ac statuta lege , ut perpetuo creatura vivat , nisi concessa libertate abutatur , si quis habens vitæ suæ potestatem hanc profundat , dat aliquid proprium , sui que juris , nec alio titulo debitum : quemadmodum etiam servus data sibi dono pecunia a Domino , facta ei facultate , ut illam industria sua det mutuam , aut pro libito impendat , non tenetur titulo servitutis Domino suo reportatum inde lucrum rependere ; & filius emancipatus , sui que juris , potest iis , quæ in dominium ipsius transferuntur , satisfacere patri ; licet neque inter Dominum & servum , neque inter patrem & filium vera intercedat justitia in iis , quæ non transcant in fervorem , filiorumque dominium . Hoc pacto mundi Redemptor , quamvis deberet supremo Domino præstare obedientiam , & omnia mandata ejus implere ; accepta tamen plenissima potestate ponendi animam suam , subeundo mortem debitam tantummodo filiis Adæ peccato obnoxiiis , ipse nulla culpa inquinatus , & persolvens quod non rapuerat , dependit pretium a se non debitum . Neque hujus pretii valorem imminuit mandatum Patris præcipientis ut subiret supplicium crucis , quia Pater non tantum potestatem in mundi redemptione , sed etiam judicium exercens , idest , justitia utens , non sola auctoritate domini , ideo præcepit Christo ut moreretur , quia erat fidejussor in quem irruerant omnium hominum scelera ; alias id non præcepturus , quia decreverat antea , mortem non esse

esse infligendam nisi in pœnam peccati. Quare S. Anselmus lib. 2. *Cur Deus homo* cap. 11. *Si dicimus* (inquit) *quia dabit seipsum ad obediendum Deo, ut perseverando & servando iustitiam subdat se ejus voluntati; non erit hoc dare, quod Deus ab illo non exigat ut debitor: omnis enim rationalis creatura debet hanc obedientiam Deo.* Ac postea: *Videamus si forte hoc sit vitam suam dare, sive ponere animam suam, sive tradere seipsum morti ad honorem Dei.* Hoc ex debito Deus non exigat ab illo: quoniam namque non erat peccatum in illo, non debebat mori.

Præterea notandum est, esse quidem in Deo unam operationem, quia est una virtus effectrix, nec non unam summam majestatem, quæ a peccatoribus afficitur injuria, quia est una divinitas, una potestas, unum bonum incommutabile: sed propter incomprehensibilem trium personarum in una divinitatis natura coexistentiam, ita quæ ejusdem naturæ propria sunt, æqualiter conveniunt tribus personis, ut quæ ad personarum proprietatem attinent, competant uni, non alteri. Singulis enim personis convenit ex æquo æternitas, immensitas, omnipotentia; at soli Patri esse expertem originis, soli Filio nativitas, atque soli Spiritui sancto ab utroque procedere. Atque id non nisi ab ineffabilis Trinitatis perfectione repetendum est. Itaque cum nihil in Trinitate sit ratione operationis divisum, Verbi Incarnatio E. G. a tota Trinitate peracta est, quatenus est opus aliquod, ut inquirant, *ad extra*, & Filius non solum dicitur missus a Patre, sed etiam a Spiritu sancto; imo & Filius ipse, in quantum existens *in forma Dei*, misit semetipsum ut existentem *in forma servi*: alioquin divideretur operatio, nec eadem essent, *opera patris, & filii*, contra testimonia scripturarum, ac primæ causæ propriam trium personarum rationem. Verum, ut dixi, cum hac indivisa operationis unitate, proveniente ex individua divinitatis natura, consistit discretio quædam orta ex distinctione personarum in iis, quæ ipsarum personarum sunt propria: per quam discretionem Pater dicitur mittens, Filius missus, Spiritus sanctus illuminans: atque ita, ubi est in actione communio propter unitatem ejusdem substantiæ, adinvenitur singularis proprietas ob discretionem personarum. Hæc, quæ ad catholicam fidem spectant, gravi & eloquenti oratione declarantur a Leone Magno sermone 3. de Pentec. cap. 2. pag. 76. his verbis: *Una est ibi benignitas misericordia, una censura iustitia: nec aliquid est in actione divisum, ubi nihil est in voluntate diversum. Quæ ergo illuminat Pater, illuminat Filius, illuminat Spiritus sanctus. Cumque alia sit persona missi, alia mittentis, alia promittentis, simul nobis & unitas manifestatur & Trinitas: ut essentia habens æqualitatem, & non recipiens solitudinem, & ejusdem substantiæ, & non ejusdem intelligatur esse persona.*

ſonæ . Quod ergo ſalva cooperatione inſeparabilis Deitatis , quædam Pater , quædam Filius , quædam propriè Spiritus ſanctus exequitur noſtræ diſpoſitio redemptionis , noſtræ ſalutis eſt ratio . Si enim homo ad imaginem & ſimilitudinem Dei factus in ſua honore natura manſiſſet , nec diaboli fraude deceptus a lege ſibi poſita per concupiſcentiam deviaſſet ; Creator mundi creatura non fieret , neque aut ſempiternus temporalitatem ſubiret , aut æqualis Deo patri filius Deus formam ſervi , aut ſimilitudinem carnis peccati aſſumeret . Sed quia invidia diaboli mors introivit in orbem terrarum , & aliter ſolvi captivitas humana non potuit , niſi cauſam noſtram ipſe ſuſciperet , qui ſine majestatis ſuæ damno & verus homo fieret , & ſolus peccati contagium non haberet : diſiſit ſibi opus noſtræ reparationis miſericordia Trinitatis ; ut Pater propitiaretur , Filius propitiaret , Spiritus ſanctus igniret . Haſtenus Magnus Leo .

Ex his prænotationibus tanta auctoritate firmatis videor mihi ampliffimam quæſtionem de Chriſti ſatiſfactione perfectâ , & ad ſtriſtos apices juris , finitam eſſe , & etiam quorundam Scholaſticorum cavillationibus cumulatiſſime ſatiſfactum . Verum enim vero ex priori notatione ex Auguſtino deprompta liquet in Chriſti ſatiſfactione interfuiſſe pretii æqualitatem , non alicujus partis debiti liberalem condonationem ; quoniam vita , quam pro reparatione noſtra profudit , erat vita Dei , qui pati non poterat , ſi tantum *in forma Dei* permanſiſſet , atque ut pateretur aſſumpſit *formam ſervi* , ſine qua non potuiſſet occidi . Quare errant , me judice , qui paſſionem Chriſti , & quælibet opera carnis propria ſpectant *in ſeipſis* , ut ex horum finitate inferant inæqualitatem ſatiſfactionis ; cum debeat attendi infinita perſonæ dignitas : cujus perſonæ erat caro quæ pependit in ligno , ſanguis qui effuſus eſt , & ſpiritus morte divuſus a corpore . Neque in re tanti momenti obſequendum arbitror humani ingenii excuſionibus ; quibus in humanitatem , quæ Chriſtus eſt paſſus , non in Verbum divinum , cujus eſt humanitas ipſa , ſolent quidam dirigere mentis aciem : ſed , *ut appareat gratior in humilitate juſtiſſia* , attendendum eſt Jeſum pro nobis paſſum eſſe verum hominem & verum Deum , & tam humanitatis , quam divinitatis operationes ad eandem pertinere perſonam .

Inſertur ex eadem prænotatione , & ex proxima colluſtrata verbis beati Anſelmi , Redemptoris noſtri ſatiſfactionem fuiſſe ex propriis , & aliàs indebitis : quoniam aſſumpta a Verbo natura hominis tranſlata eſt in juſ divinæ perſonæ , quæ cum Deus ſit , habet pleniffimam poteſtatem *ponendi animam ſuam* , & hanc omni jure ſibi vindicans , dum illam offert Patri hoſtiam *placationis* , dat quod ſibi proprium eſt , ac magis proprium , quam ſit ſolventis debitum pecunia , utpote unitam ſibi *hypoſtaſice* , & ſubſtantialiter ; unde recte

citato loco Augustinus, *Si nolisset*, inquit, *hoc non pati potuisset, quia Deus erat*. Et quamvis quidquid Christus habet, acceperit a Patre, ut merito ipsum his verbis alloqueretur, Joann. xvii. 10. *Omnia mea tua sunt*: in quantum tamen data sunt Filio coæterno & consubstantiali, ita sunt dona Patris, ut simul transiant in jus Filii, in cujus manu sunt *omnia*, Joan. i. 11. 35. & qui habet *vitam in semetipso*, v. 26. liberam *ponendi animam* suam facultatem, x. 18. atque *potestatem omnis carnis*, xvii. 2. Ergo & assumpta forma hominis, & anima, & vita, & innumera beneficia gratiarum, quæ inveniuntur in Christo, propria ejus sunt, & ab omni prorsus soluta debito; quoniam omnia sibi in proprietatem vindicat persona Verbi, quæ est Deus summus. Atque hoc pacto, si *hypostatica* unio attendatur, quam diximus in hoc satisfactionis negotio accurate spectandam; pretium pro nobis solvit persona a quocunque debito immunis. Id vero aperte sequitur ex doctrina Augustini. Dato enim, quod in Christo Domino attendatur ratio creaturæ duntaxat, quæ est subiecta Deo, eique debet obtemperare (tamen si præmonui ab hac, ut inquirunt, *præcisione* cavendum Theologo castigate disputanti de Deo homine Christo Jesu,) dirimit subtiliter disputantium oppositiones Anselmus, demonstrans neque a creatura exigere *ex debito* mortem, quando nulli est obnoxia peccato; cum divina justitia ipsam mortem infligat hominibus, qui peccaverunt in Adam: quod supra ejusdem Anselmi verbis, & pervulgato exemplo fuit declaratum.

Præterea ex prænotatione tertio loco posita, & verbis Magni Leonis suffulta apparet nimium esse litigiosos, qui negant Christi satisfactionem fuisse *ad alterum*. Mirabilis quippe divinitatis unitas, & personarum discretio præstat, ut *Incarnatio* sit opus Trinitatis indivisum, & divinum Verbum existens *in forma Dei* miserit seipsum ut existens *in forma servi*. Pari ergo jure tribus personis inferitur per peccatum injuria; & nihilominus Verbum divinum ut existens *in forma servi* potuit satisfacere sibi ipsi, quatenus est offensum ut existens *in forma Dei*. Ut ergo satisfactio Christi dicatur *ad alterum*, sufficit duplex in eo natura: per quam, licet sit una persona, esse potest satisfaciens & creditor; quemadmodum est Deus & homo, mittens & missus. Explanant id nonnulli Scholastici exemplo tutoris, qui pupilli nomine, si creditor etiam sit, potest satisfacere sibi ipsi. Verum ne aliunde petantur exempla; etiam mittere & mitti, præcipere & obtemperare dicunt ordinem *ad alterum*, non minus, ac solvere debitum & satisfacere: & si assumpta *forma servi* sat est, ut Christus sit missus a tota Trinitate, ut toti Trinitati factus sit obediens usque ad mortem, ut a tota Trinitate sit exaltatus & clarificatus; non percipio mehercule, cur id non sufficiat, ut revera toti Trinitati plenam exhibuerit satisfactionem. Quare conditiones necessaria-

ceſſarias ad pleniffimam ſatiſfactionem facile inveniemus in Chriſto ; ſi in Deo inſeparabilem deitatem a proprietatibus perſonarum , & in ipſo Chriſto unitatem perſonæ a duplici natura ratiocinando minime divellamus . Ita enim intelligemus quomodo hæc ſatiſfactio ſit debitis peccatorum æquivalens , ac proinde nulla pars debiti remiſſa ſit gratis : quomodo ſit ex propriis , & aliis indebitis ; quomodo etiam ſit ad alterum : quod erat hæc propoſitione inquirendum .

His nobis videtur poſſe Subtilis Scholæ Theologos acquieſcere ; neque aliud cenſemus reponendum eſſe ad illorum argumentationes ab Auctoribus principio laudatis multifariam diſcuſſas . Duo tamen ex illa ſchola prodiſerunt percelebres viri , quorum placitum poſtulat animadverſionem aliquam noſtram . Eſt unus Claudius Fraſſen , qui diſput. 1. de Incarnat. art. 7. ſect. 3. q. 4. propugnat ſatiſfactionem Chriſti ſuppoſito divino pacto habere omnes conditiones , quæ requiruntur ad ſatiſfactionem ex rigoroſa juſtitia , atque id eſſe ſententiæ Scoti magis conforme . Verum & nos divinum beneplacitum in humana redemptione interſuiſſe concedimus ; quia nullo noſtro præcedente promerito , cum poſſet ſupremus Dominus omnes homines perdere , nulla neceſſitate abſoluta ductus , dignatus eſt tradere pro nobis proprium Filium , ut pretium , cui ſolvendo non erant debitores , perſolveret Fidejuſſor . At poſteaquam id pro beneplacito voluntatis ſuæ definivit , non poteſt datam a tanto Fidejuſſore ſatiſfactionem reſpuere : & quod reſpectu noſtri munificentia eſt , comparate ad Redemptorem noſtrum habet veram rationem juſtitia , ut non ſemel ſupra explicavimus . Si ergo Fraſſen Scoti mentem eſt aſſectus ; poſſumus etiam cum florentiſſima ipſius Schola facile convenire .

Theologus alter eſt Franciſcus Macedo , qui Collat. v. differentia 4. demonſtrat juſtitiam Dei longe eſſe diverſam ab ea , quam agnovērunt Philoſophi : ab illa procul eliminandam omnem rationem debiti ac dependentiæ , quæ repugnant ſupremo dominio Dei , & nihilominus perfectiſſimam juſtitiam eſſe : ſicuti perfectiſſima eſt ſapientia , quæ caret diſcurſu , quamvis ad ſapientiam homines diſcurrendo pertingant . Atque hæc Macedo ornate , & luculenter demonſtrat . His autem poſitis miratur Theologos tanto ſtudio contendere Deum eſſe juſtum eo modo , quo nos juſti ſumus , redarguit ſodales quod formam juſtitia noſtræ in Deum transferant , aut controverſiam hanc tantis animorum diſſidiis exagitata pendere a notione juſtitia , concludit denique ſatiſfactionem Chriſti non eſſe ex rigore illius juſtitia , quam Ariſtoteles invenit , eſſe tamen ad apices juſtitia illius ſublimioris , quæ cum ſit independens , nulli obligationi , niſi ex liberrima voluntate Dei ſubjicitur , atque id nihil detrudere dignitati Chriſti , quoniam rigoroſa juſtitia , quæ Deum debitorem conſtituat , eſt indigna ipſo Deo , eique aufert rationem independentia . At non eſt , cur Macedo

Theologos alios redarguat, ac multo minus cur animadversionem hanc suam, ut novam lectori proponat. Nullus quippe Theologorum tam demisse sentit de divina iustitia, ut credat illam ab ea, quæ versatur inter homines, nulla ratione differre. Inter Scotistas Cardinalis de Laurea Tom. 2. in 3. p. disput. xx. art. 1. demonstrat in Deo esse quidem iustitiam erga homines, sed hanc esse ipsam Dei voluntatem, & iustitiam *non simpliciter* esse appellandam, sed tantum *secundum quid*; quoniam Deus nulli legi subicitur, coronat dona sua, & obligatur tantum ex sua liberalitate. Suarez disput. 1v. sect. v. & lib. 12. de Grat. cap. 7. demonstrat Deum non posse constitui debitorem, nisi ex sui promissione. Vasquez citatus cap. 3. prop. 9. negat iustitiam commutativam esse proprie in Deo, ac inter Thomistas Deum non posse constitui debitorem, *nisi ex sui promissione*, nec aliquid habere rationem meriti, *nisi ex suppositione ordinationis divine*, tenent cum Angelico Doctore 1. 2. q. 114. art. 1. & 3. p. q. 46. art. 2. Joannes a S. Thoma, Alvarez, aliique complures apud Salmant. disput. 1. dub. 8. Quod ergo tanquam novum, & peracutum proponit Macedo, id in triviis, & frequenti loco persæpe audierat. Sed reposuerant etiam Theologi, non requiri, ut unus teneatur acceptare quod offertur ab altero, ad hoc ut inter ipsos vera iustitia intercedat: *nam etsi* (inquit Sylvius) *Rex, aut mercator non teneatur acceptare iustum captivi, vel mercis pretium; si tamen acceptet, vera intercedet iustitia, modò sit æqualitas rei ad rem*. Attamen si placeat huc revocare controversiam, ut in Deo præsupponatur ad constituendam iustitiam illius promissio, & liberalis voluntas; dicimus distinguendam duplicem necessitatem: *absolutam*, quæ nunquam in Deum cadit in iis quæ pertinent ad creaturas, & *hypotheticam*, cui absque ullo independentiæ præiudicio Deus positis prædefinitionibus suis subicitur, atque hac necessitate acceptasse Deum satisfactionem Christi Domini, posteaquam ob nimiam erga nos caritatem illum miserat *in similitudinem carnis peccati*, ita, ut in humani generis reparatione sibi iustitia & pax obviaverint, & quod est gratiarum maxima si attendatur Christi prædestinatio, sit summa æquitas si inspiciantur amplissima illius merita: quod non semel asserui in præcedenti Sociniani dogmatis refutatione.

C A P U T VII.

In quo refelluntur postrema argumenta capitis quinti.

REDEO nunc ad Socinum, qui non assereret defendi a nobis Christi satisfactionem philosophicis inventis, si in obsequium Fidei, qua

qua nos proſitemur Unigeniti divinitatem , captivaffet anguſtum & ſæpe numero aberrans ingenium . Quoniam ergo in ſola humana ratione , & in dialectica arte cenſet locundum eſſe veritatis præſidium , abjicitque divinarum rerum agnoſcendarum æquiſſimam rectiſſimamque normam , ideſt , Catholicæ Eccleſiæ doctrinam ; fatendum illi eſt , ſe potius , quàm nos ſuperno fidei lumine ſultos , conſugere ad inventa philoſophorum . Illud ergo , quod in claſſe poſteriorum argumentationum obtinet primum locum , ſcilicet , apud Deum nullam eſſe acceptionem perſonarum , nescio quem ob finem Socinus proferat . Paulus in vi. ad Ephes. 9. utitur ea ſententia , *Perſonarum acceptio non eſt apud eum* , eaque in ſacris literis frequenter occurrit ; ac ſemper hunc præſert ſenſum , legem Domini nullam noſcere differentiam , communiter Deum omnibus benefacere , & Judæo ſimul & Græco , dummodo bono operentur , retribuere mercedem . *Unusquisque quodcumque fecerit bonum , hoc recipiet a Domino , ſive ſervus , ſive liber* , inquit ibidem Apoſtolus , ac ſimilia 11. ad Romanos . 11. Optimam affert rationem Chryſoſtomus Hom. xx11. pag. 1181. quoniam apud Deum nulla eſt ratio vel ſervi , vel liberi ; nam etiam inter homines non induxit ſervitutem juſ primarium , ſed illam peperiſſe avaritia , ſordidus & illiberalis quaſtus , atque inſatiabilis . Verum ex hac communi ſuprema lege omnibus æquo animo benefaciendi , minime ſequitur teneri Deum ad impertiendum beneficia iniquis hominibus , quoniam nulla eſt perſonarum acceptio , niſi ille , qui judicat relinquens cauſa meritum , de qua judicat , alteri contra alterum ſuffragatur ; ut demonſtrat Auguſtinus lib. 2. contra duas Epift. Pelagian. cap. vi 11. num. 13. Quis enim dixerit acceptatorem perſonarum creditorem , qui debitori uni dimittat debitum , ab altero exigat , aut vineæ dominum , qui operarios æquales facit in mercede , nulli denegando denarium , de quo pactus fuerat ? Ex Apoſtolica ergo ſententia , ſi Socinus inferat poſuiſſe Deum Optimum Maximum ſine acceptance perſonarum dare Redemptorem hominibus & non dæmonibus , eligere Jacob ac reprobare Eſau , & etiam redemptione peracta unum præveniente miſericordia trahere ad fidem , alterum in pœnam perverſitatis deferere , quia nulla eſt acceptio perſonarum in debitoribus æqualiter rei ; dicet aliquid in confeſſionem gratiæ Redemptoris , quam ipſe negat cum Pelagianis : ſed cum ex eadem ſententia , impia confeſſione deducit tam iniquum , quam juſtum Deo acceptos eſſe , aut nullam dari diſcrepantiam meritorum , aut nullum verſari diſcrimen inter perſonam Unigeniti , & hominum ceterorum ; proſecto ludis operam , & ex abyſſo in abyſſum probabitur .

Quod addit Socinus de Viſo principe ad unam horam pulſo in exilium , nullius eſt momenti : nam ſi ſpectetur exilium in ſe , pluris

ris quidem æstimandum est hominis alterius e plebe exilium diuturnum atque perpetuum; sed conditione personarum spectata, quis dixerit idem esse exulare regem, ac minimum ipsius famulum? At in satisfactione Christi considerandam esse mortem, non in se tantum, sed comparate ad personam, quæ illam subiit, capite præcedenti monuimus. Corruit hac responsione tertia argumentatio; nam mors hominis Dei majori pretio æstimanda est, quam sempiternum damnatorum supplicium. Quod si neget Socinus; istud ab eo petam cum Anselmo lib. 2. *Cur Deus homo*, cap. xiv. pag. 72. *Si præsens esset homo ille, & quis esset scires, & diceretur tibi, Nisi occidas hominem illum, peribit mundus iste totus, & quicquid Deus non est, faceres hoc pro conservanda omni alia creatura?* Si respondeat Socinus, ut ibidem Boso, *Non facerem, etiamsi mihi infinitus numerus mundorum ostenderetur*; ex sui ipsius conscientia discet quanti vitam Domini Jesu sit æstimanda: si respondeat autem, *Facerem*; abeat impiissimus cum manu in foro Præsidis conclamantium, *Tolle, tolle, crucifige eum*. At Pater, inquit, illum absque immanitate tradidit crucifixoribus. Dixi cap. 111. prop. 10. tradidisse, quia ipse voluit, quia se exhibuit sponsorem nostrum ac vadem, quia nullum aliud inveniri poterat pretium condignæ satisfactionis: unde ipsa justitiæ æquitas commendat Patris caritatem, sicut mors tam dira commonstrat quanti ponderis sit peccatum, quod nonnisi morte Unigeniti filii Dei poterat expiari. Solvitur eadem responsione quarta Socini argumentatio: quandoquidem cum satisfactio Christi sit infiniti valoris, poterat ob valorem pretii facere satis justitiæ, & ob meritum obedientiæ obtinere tantam Christi exaltationem; non enim oblatus est invitus, sed *quia voluit*: unde Apostolus, qui pretio sanguinis nostram tribuit redemptionem ad Ephes. 1. 7., ait quoque ad Philipp. 11. 8. exaltationem nominis Jesu esse præmium singularis obedientiæ, & maximæ humilitatis.

Argumentatio quinta nullam aliam postulat responsionem: sed redarguenda est tamen Socini audacia, dum detrahit passioni Christi, ex quo peracta si exiguo temporis intervallo. Plura enim sunt, quæ passionem ejus supra humanum captum adaugent. I. Quod in ejus mortem homines cujuscunque ordinis conspirarunt, Pontifices, Sacerdotes, Præsides, Ecclesiasticum, & Sæculare forum, Judæi, Ethnici, viri, ac mulieres. Accusarunt eum falsi testes, abnegavit Petrus, vendidit Judas, damnarunt contribules, deriserunt milites, impropèravit latro, deseruerunt propinqui. II. A planta pedis ad verticem usque capitis dolores maximos pertulit: caput spinea corona circumdatum, facies colaphis palmisque contusa, caesum diris flagellis dorsum, extensa brachia, manus pedesque transfixi. III. Quolibet exteriori, & interiori sensu exaniam pœnam expertus est, excipiens auribus

ribus improborum convicia, labiis amaritudinem fellis, oculis piſſiſſimæ Matris lacrymas, animo peccatorum noſtrorum aculeos . IV. Perpeſſus eſt famæ, rei, & vitæ jaſturam, appellatus ſeducſor, poſthabitus homicidæ, inter latrones ſuffixus, venditus vili pretio, exutus veſtibus, nudus expoſitus, vitamque profundens ad ultimum, uſque ſpiritum . V. Ejus paſſio diuturnitate ſuperavit ceteras, expectata a priori conceptionis momento, ſemper præſens menti, frequenter prænuntiata, prolixam habens agoniam, afflictationes innumeras, & mortem, cum qua diu luſtatus eſt, non capite truncatus, non abſumptus igne, non aqua demerſus, ſed in cruce ad horam uſque nonam blaſphemiis, ſubſannationibus, ludibriis objeſtus . VI. His accedit corpus divina virtute formatum, ut eſſet hoſtia placaminis, ſenſus vegetior, mens perſpicacior, vita innocentior, honoris ſui major quàm dici poſſit exiſtimatio, cujuſque conſolationis voluntaria abjeſtio, ut mors in illum vehementiori atrocitate ſæviret . Videat ergo Socinus, an Redemptoris noſtri cruciatus leves ſint, & exigui; an potius de his vaticinatus fuerit in Threnis 1. 12. Jeremias, dum ait: *O vos omnes, qui tranſitis per viam, attendite, & videte ſi eſt dolor ſicut dolor meus*. Adeas, Leſtor, Auguſtinum in Pf. Lxviii. Thomam Aquinatem 3. p. q. 46. art. 5. & 6. Joan. Driedonem de capt. & red. hum. gen. 3. p. 2. cap. 2. traſt. art. 1. &c.

Ea, quibus Socinus impetit perſonæ Chriſti dignitatem, percurram breviter, ne hoc loco longior ſim, quam neceſſe eſt. Fatemur itaque unam pretioſi ſanguinis guttam fuiſſe redemptionis humanæ ſufficiens lytrum: & nihilominus affirmamus Chriſtum tot cruciatus mortemque acerbiffimam haud inutiliter pertuliſſe; quandoquidem oſtendit primum quid ſit cauſa mortis, & quæſtus peccati, quantæ prævaricationem Adæ conſecuta ſint damna, quantum divinam juſtitiam pertimeſcere debeamus, quali ſtudio cohibenda ſit vitiorum licentia. Deinde nimiam erga nos caritatem teſtatam fecit, præbuit inviſtæ patientiæ exemplum, oſtendit ingentem humanæ ſalutis ardorem, deprecatus eſt veniam interfectoribus; & quia venerat non ſolum redemptor, ſed etiam novæ vitæ inſtitutor, tanta paſſus eſt, ut ſequamur veſtigia ejus. Voluit præterea, ne qua juſtitie pars deeſſet, iſſdem rationibus delere peccatum, quibus admiſſum fuerat, expiare obedientia culpam inobedientiæ, qua primus parens deliquerat, & per ſalutiferum Crucis lignum ſuperare inſenſiſſimum hoſtem humani generis, qui per lethiferum interdiktæ arboris lignum protoparentem deceperat; mortem denique *ſtipendiam peccati*, ut dicitur ab Apoſtolo, ad Rom. vi. 23., moriendo deſtruere, æternamque vitam iis, qui morti ejus complantantur, conferre. Hæc perpolita oratione de Paſſione Domini, plurimum ab Alexandro VI. pro-

probata, & quam Aldus Manucius gestabat in sinu, & legendam tradebat omnibus, prosequitur noster Lippus: quibus addenda sunt momenta a nobis capite tertio præmissa.

Ad confutationem septimi faciunt quæ diximus postremo capite. Revera enim Christus satisfecit, ut homo; sed natura humana, in qua passus est, erat *hypostatice* unita divino Verbo: *Et divinitas* (inquit Damascenus lib. 3. de Fide orthodoxa cap. 15. pag. 245.) *miracula perpetrabat, sed non citra carnem; caro rursus humilia & abjecta efficiebat, sed non a divinitate sejuncta. Nam & patienti carni connexa erat divinitas ab omni doloris sensu incolumis permanens, & salutares cruciatus efficiens: ac rursus operanti Verbi divinitati mens sancta conjuncta erat, cogitans & intelligens ea, quæ patrabantur.* Imperite ergo in satisfactionis negotio attenditur humanitatis natura, non Verbi persona, absque cujus regimine ac nutu illa nec existeret, nec patiebatur. Eadem responsione eliditur insequens Socini objectio; quippe & mundi productio, & quælibet alia operatio summi Dei, tametsi comparate ad *terminum*, sive ad rem creatam atque productam, finita sit, habet ex parte causæ effectricis infinitam virtutem. Ideo autem mundus in se finitus habet pretium, quia infinita illa virtus causæ efficientis est extrinseca rei creatæ: sed personæ dignitas est ratio intrinseca merito, quoniam ipsa persona est, quæ pretium exhibet, quæ sacrificium offert, quæ oblatæ rei dominium habet ac potestatem. Et quoniam in iis, quæ absque deliberatione patrantur, nulla deprehenditur ratio meriti; satis apparet, quam inscite producat Socinus exemplum bestię cibum, potumque sumentis, & naturalem facultatem confundat cum libera; bestia ipse, ac monstrum naturæ, si neget rationalem hominem promereri jejunio, quo sine ullo merito belua fame laborans atteritur. His nona quoque objectio refutata est.

Postrema eludi primum potest repetito discrimine duarum naturarum, quæ in Christo conveniunt in unitatem personæ: illo enim discrimine posito, potuit Verbum in humana natura subsistens sibi tanquam Deo satisfacere: de qua re plura prop. 2. præced. cap. Deinde, quoniam nobis concertatio est cum hæreticis omnium pervicacissimis, dicimus Christi personam, quamvis una est, moraliter censeri unam, & alteram, quoniam constans naturis duabus, vindicat sibi divinitatis, atque humanitatis jura: cumque habeat divinitatis plenitudinem, & *formæ*, quam assumpsit, potestatem; hanc *ut homo* in redemptionis pretium exhibet, quam *ut Deus* acceptat in satisfactionem justitiæ. Idem quippe homo habens jus creditoris, & potestatem tutandi eum, qui nondum pervenit ad pubertatem, ob hæc duo jura in capite libero constituta potest satisfacere sibi ipsi, ac debitum pupilli persolvere, ut diximus eadem.

2. pro-

2. propoſitiones. At mittamus Socinum, qui nos coegit in hac controverſia diutine commorari, & celerius reliqua percurramus.

C A P U T VIII.

An pura creatura poſſit Deo pro peccato proprio, vel alieno condignam exhibere ſatisfactionem?

EX his, quæ ſæpe repetita ſunt, *Incarnationem* divini Verbi neceſſariam fuiſſe facta hypotheſi, quod Deus decreverit ſervato omni jure æquitatis redimere captivum hominem, manifeſta illatione conſequitur, nullam creaturam a divina perſona *hypoſtati*cè non aſſumptam, neque ad conſortium, nexumque ſubſtantialem divinitatis eveſtam, poſſe munus mediatoris, ac redemptoris implere tali ſoluto pretio, quod æquare valeat peccati magnitudinem, ac debitum prorſus delere. Quæ in re, etſi Scholaſtici, ut ſolent, vel in oppoſitas partes abeant, vel etiam uni adhærentes producta ab aliis momenta ſtudeant exagitare; geram me temperanter admodum, & pacate, certior factus Patrum documentis, & majori etiam Scholarum aſſenſu, fieri non poſſe, ut exhibita ab homine, vel ab angelo ſatisfactionis tantum honoris perſolvat ſupremo Domino, quantum illi prævaricatoris iniquitas intulit injuriæ. Verum quia de hominibus originali peccato obnoxiiis, & de creatura quæ poſſet a Deo produci gratiæ decore exornata, proferenda non cenſeo omnia indifcriminatim argumenta, quæ inveniuntur apud divinarum rerum tractatores; conſilium eſt eadem ſejunctis theſibus ad hunc modum diſponere.

PROPOSITIO I. Rationalis creatura obſtricta peccato nequit vel pro ſe, vel pro aliis condigne Deo ſatisfacere.

Demonſtratur primo ex Scripturis, quæ docent ideo Chriſtum nos a maledicto ſolviſſe, eo quod *iniquitatem non fecerit*, Iſ. LIII. 9. quia *peccatum in eo non eſt*, 1. Joan. III. 5. quem in locum ait Auguſtinus Traſt. IV. num. 8. *In quo non eſt peccatum, ipſe venit auferre peccatum. Nam ſi eſſet & in illo peccatum, auferendum eſſet illi, non ipſe auferret.* Quomodo ergo creatura aliqua inquinata peccato poteſt culpam abſtergere, & ſolvere maledictionem? II. Confirmatur concordiffima SS. Patrum traditione. Divus enim Irenæus lib. III. adverſus Hær. cap. 20. & ex diſtinct. Maſſuet 18. n. 2. ait: *Non erat poſſibile cum hominem, qui ſemel victus fuerat & eliſus per inobedientiam, replaſmare, & obtinere bravium victoriæ, &c.* S. P. Auguſt. in Pf. XXIX. num. 12. *Quia Iſrael vendere ſe potuit, & fieri venundatus.*

datum sub peccato, redimere se ab iniquitatibus non potest. Eusebius Emesenus hom. 6. de Paschate ita loquitur: *Non subvenire peccato poterat simili peccato obnoxius, nec intervenire pro servis adstrictus legibus servitutis.* Vide ceteros similia tradentes apud Dionys. Petavium lib. 11. de Incarnat. cap. 12. III. Idem Theologica ratione firmatur: quoniam, ut diximus IV. Volumine pag. 235. mortale peccatum, in quantum est Dei offensa, infinitam habet malitiam, cui nullum bonum opus quantavis caritate ab homine *puro* peractum, potest æquivalere: quod repetam paullo infra. Deinde fieri nequit, ut homo æternam mortem, quæ peccato mortali debetur, usque ad ultimum quadrantem persolvat, quippe æterna punitio non habet fines, qui possint attingi: atque temporalis quælibet pœna, nisi sit personæ sempiterna, maximaque majestate fulgentis, æquiparari non potest cum perpetuo gehennæ supplicio. Cum insuper anima, quam impius peccato vendidit, sit Dei imago tot, tantisque divinæ beneficentiæ muneribus decorata; (ut repetam verba divinæ Sapientiæ ore prolata, Mat. xvi. 26.) *Quam dabit homo commutationem pro anima sua?* Ac tandem, cum omnia creaturarum bona sint a Deo, si quid ipsi exhibeat homo, vel angelus; id non ex propriis solvit, sed ex liberalitate Creatoris: neque enim quod habet a supremo Domino, potest creatura aliqua in jus suum vindicare; ut præcedenti capite VI. I. diximus de Unigenito Filio Dei, qui cum sit Deus summus, habuit a seipso quicquid dependit pro humani generis redemptione: mortem vero, quam juxta Anselmi doctrinam, ex debito Deus ab innocente non exigit, qui semel legem transgressus esset, omni jure persolveret; nec in satisfactionem justitiæ posset impendere vitam, quæ post peccatum evasit indebitum beneficium, inter bona, quorum jus habeat iniquus, nullatenus recensendum.

PROPOSITIO II. Nulla creatura, quantumvis gratia, meritoque exornata, potest exhibere Deo pro mortali peccato cœqualem satisfactionem.

Id primo evincitur ex Scripturis, asserentibus tantummodo Domino Jesu Christo competere, ut sit *Mediator Dei, & hominum*, ad Tim. 11. 5. & ad Heb. 1x. 15. ut pacem conciliet nostram, quia *fecit utraque unum*, ad Ephes. 11. 14. ut nobis sit *Pontifex impollutus, segregatus a peccatoribus, & excelsior calis factus*, nec habens necessitatem pro suis delictis hostias offerre, ad Hebr. vii. 26. Hæc non solum in hac rerum constitutione valere existimanda sunt, ut quidam sentiunt, verum etiam in quocumque rerum ordine, quoniam non potest esse mediator, nisi qui utriusque habeat naturam, nec sanguinem in redemptionem fundere, qui non habeat potestatem ponendi animam suam, quemadmodum diximus Patrum aucto-

auctoritate suffulti disputantes contra Socinum . Sed aperta sunt verba Psalmographi xl. v111. 8. *Frater non redimit , redimet homo : non dabit Deo placationem suam , & pretium redemptionem animæ suæ* : quæ fatentibus omnibus de Christo sunt prænuntiata . Ita est , inquis , sed fieri tamen potuit , ut redimeret *frater* . Hæc quidem Scholasticorum nonnulli . Quid autem in hunc Psalmum Basilus ? Is Tom. 1. pag. edit. Morel. 280. *Neque enim , inquit , fratrem in redemptionem querit , sed unum aliquem , qui nostram exuperet naturam : non item hominem nudum , sed hominem Deum Jesum Christum , qui solus pro nobis omnibus Deo propitiationem dare potest* . Similia Ambrosius Tom. 1. pag. 949. Et Augustinus in eundem Ps. num. 8. serm. 1. quasi eam prævidens responsionem , inquit mirabundus : *Aliquis homo redimet , si Filius hominis non redimit ?* Audis ergo non tantum nos a Filio hominis fuisse redemptos , verum & non posse hominem nudum , qui non excedit communem naturam , dare Deo placationem . II. Et quoniam ad Patres progressa est disputatio ; Irenæus lib. 111. cap. xv111. num. 7. assertum nostrum extra omnem hæsitacionem his verbis confirmat : *Nisi homo conjunctus fuisset Deo , non potuisset particeps fieri incorruptibilitatis* . Addit quod supra diximus , non posse officium Mediatoris exerceri , *nisi ab homine Deo* . Addit etiam quod nulla ratione possemus fieri participes adoptionis filiorum , *nisi per Filium eam , quæ est ad ipsum , recepissemus communionem* . Athanasius lib. 2. contra Apollin. habet ea verba , quæ laudantur Aët. 8. Synodi v1. *Nisi in ea , quæ peccaverat , natura impeccabilitas visa esset , peccatum in carne damnari non potuisset* . S. P. Augustinus in Enchir. cap. cv111. num. 28. ait : *Neque per ipsum liberaremur unum Mediatorem Dei & hominem Jesum Christum , nisi esset & Deus* . Fulgentius lib. 11. ad Trasim. cap. 2. pag. edit. Lugd. 457. demonstrat nec Angelum potuisse reparationis munus obire , quoniam est juvenis egenus , nec potest propriæ stabilitati sufficere : & de Incarnat. & Grat. cap. 4. pag. 636. docet nunquam naturam humanam idoneam futuram esse ad auferendum peccatum , *nisi in unionem Verbi Dei , non naturali confusione , sed solum personali unitate transfret* . Loca producant alia Petavius lib. 11. de Incarnat. cap. 12. & 14. L'Herminier pag. 105. Witasse q. 2. cap. 2. Tournely q. v. pag. 161. Verum a nobis selecta videntur insigniora , & ad aliam confugientium hypothesein diruunt perfugium : quippe nulla simplex creatura est Deus & homo , nulla personali unitate conjuncta esset Deo , nulla per communicationem proprii spiritus impertiretur filiorum adoptionem ; quod tam expresse tradunt Ecclesiæ Patres . III. Auctoritati accedit ratio , & ea primum , quam supra dixi petendam esse a pravitate peccati : de quo licet sit in Scholis fervida partium contentio , verissima sententia est infinitam habere labem ac tur-

pitudinem. A majestate enim personæ offensæ æstimatur gravitas injuriæ, quamvis damnum illatum dignoscatur a pretio illius rei, quæ aufertur: quod puto etiam manifestum fieri ex ipsa hominum consuetudine. Nam si per vim regium diadema legitimo ablatum principi, imponas capiti alicujus tyranni, quamvis postea reddas quod rapueras, non tamen illatum dedecus poteris facile compensare: & si aliquam inter homines etiam disparis ordinis compensationem inveneris, frustra illam *nudus* homo sataget ei dare, a cujus majestate infinitis intervallis recedit. Quare videntur mihi qui mortale peccatum finitum faciunt, minus accurate distinguere inter peccati, ut inquirunt, *entitatem*, atque malitiam. Sane hæc ratio inconcussa visa est D. Anselmo lib. 1. *Cur Deus homo*, cap. 21. pag. 63. ubi demonstrat quanti ponderis sit peccatum, ex eo etiam, quod nemo illud perpetraret, divina majestate perspecta, quamvis universi moles rueret, & redigeretur in nihilum. Neque arbitror diversa sentire mortalium aliquem, qui Deum timeat. Liquet ergo ex ipsa hominis recti conscientia plus horrore incutere peccatum, quam mundialis machine, & creaturarum universarum ruinam, profecto propter divinæ Majestatis contemptum, cui nihil possumus comparare. Hoc propterea momento deprompto *ex infinitate divinæ majestatis* utitur D. Thomas 3. p. q. 1. art. 2. Aeg. dist. 1. p. 2. q. 1. S. Bonav. dist. xx. q. 4. Suarez disp. xv. q. 1. art. 2. sect. 7. Estius dist. 20. §. 3. Sylvius Q. 1. q. 4. art. 2. & ne alios commemorem, nostræ, ac Thomisticæ scholæ universi. Spectata itaque gravitate peccati, ut in historia Dominicæ Passionis carmine conscripta cecinit F. Adam Januensis vir Instituti nostri pius, atque eruditus,

*Ista salus hominis sub opaca mole ferenda
Tanti erat, ut totum natura creata, vel omnis
Angelica humanum Genus instaurare nequirit.*

Atque id non solum de redemptione hominum universorum, sed etiam de rigorosa satisfactione pro uno duntaxat impio, propter peccati granditatem est asserendum.

Sunt præterea, qui idem non sentiunt de magnitudine peccati; & tamen negant posse puram creaturam ad æqualitatem Deo satisfacere ea ducti ratione, quod Deus supremum ordinem teneat, creatura autem medium, aut infimum, & asserentes opus esse, ut injuria ac satisfactio ordinis sint ejusdem. Si enim plebejus colaphum impingat regi, finitam quidem injuriam infert, non tamen huic ullo actu obsequii satisfacit: nec damnum illatum honori compensatur solutione pecuniæ; propterea quod rex & plebejus, fama ac divitiæ teneant ordines discrepantes. Et quamvis contingat aliquando, ut in hominum æstimatione inimum damnum ordinis præstantioris, sit in exemplo, famæ, censeatur ad æqualitatem compensatum per eximiam

miam ſatiſfactionem inferioris ordinis , v.g. per ingentem ſolutionem rei pecuniariæ ; quam ob cauſam Vaſqueſius diſput. 1v. cap. 4. n. 36. Cardin. de Lugo diſput. v. ſect. 4. aliiſque rationem illam reſellunt : poteſt tamen hæc valide propugnari , quoniam inter unum , & alterum ordinem creaturarum rerum datur quædam propinquitas , per quam inferiorum ſuprema poſſunt ad infera ſuperiorum pertingere ; ſed hæc propinquitas inveniri nequaquam poteſt inter ſupremum Dominum & creaturam . Si cui autem placeat hac incedere , faciem ei præferet L'Herminier pag. 106. Suareſius quoque præcitata ſect. 7. & Auguſtinenſis Gibbon diſput. 11. dub. 6. quamvis hæc ſemita minus trita ſit , & a via ampliori , quam ſequimur , parum diſtet .

Quæ adverſus poſitionem hanc obijciuntur , ſunt iſtiusmodi : Primum *ſimplex* homo eliciens actum contritionis perfectæ tantumdem reddit Deo , quantum ei abſtulit gravitate delicti : & quemadmodum ſe per noxiam cupiditatem converterat ad bona commutabilia , & finem ultimum conſtituerat in rebus creatis ; ita per caſtam delectationem retrahens animum a fluxis bonis , & ad incommutabile vergens , locat finem ſuum in Deo , compenſatque merito ſanctæ caritati quicquid prava dilectione contraxit . At ſi creditori reſtituas omne , quod abſtulisti , ſatiſfacis ad juris apices . Per actum ergo perfectæ contritionis poteſ exhibere Deo ſatiſfactionem condignam . Præterea contritione perfectâ promereriſ remiſſionem peccatorum ; & ſi ornatus fueris ſanctitatis decore , erit tibi vita æterna condigna merces , & corona juſtitia . Si tantum gratia condecoratus mereri poteſ , cur non ſatiſfacere pro peccati injuria ? Inſuper conferre tibi poteſ ſummi Dei liberalitas adeo eximiam ſanctitatem , ad quam nemo unquam pervenerit : ac talem ſaltem dignitatem naſtus , par eris ſolvendo peccati debito . Ad hæc , ſi Deus rationalem creaturam conſtituat Caput morale ceterarum , ut fuit Adam poſteriorum hominum , poterit illa ſuam in alios juſtitiam transfundere , quemadmodum Adam ipſe communem naturam vitiando homines univerſos infecit . Poſtremo ratio deprompta a gravitate peccati , eſt admodum imbecillis ; quoniam ſi a dignitate perſonæ offenſæ deſumenda foret turpitudine peccati , neque eſſet diſcrimen inter veniale & lethiferum , neque unum mortale excederet ſœditatem alterius , neque pro minima culpa poſſet condigne ſatiſfieri : quarum aſſertionum duæ priores redolent impietatem , & hæreſim ; tertiã verò fere ab omnibus improbat .

Ad primum igitur ſic reſpondeo . Duo in mortali peccato attendi debent , quod aufertur , & cui aufertur , five , ut inquirunt cum Sylvio quidam e Schola , injuria *realis* , ac *perſonalis* : quorum illud æſtimatur ex rei pretio , alterum penſatur ex perſonæ amplitudine ac dignitate . Neque enim tantum reſert expendere , an furatus ſit quif.

quispiam obulum, vel aureum; an inflixerit colaphum, aut vulnus; sed etiam an damnum illatum sit diviti vel pauperi, an plaga inflicta plebicolæ vel principi; & quid discriminis interfuit inter eum qui ignominiam inurit, & qui eandem perpetitur. Atque restituta re oblata, obulo nimirum, vel aureo, & vulnere inflicto pro vulnere, alapa impasta pro alapa, persolvendum quoque est, ni locum habeat hostimentum & talio, debitum contumeliæ, aut loris, aut triremi, aut suspendio, idque facta offendentis offensique comparatione: nam si servus servum percusserit, eadem saltem poena multabitur; si quemdam procerum, exilio; si regem, furca. Injuriam vero irrogatam Auctori suo, maximo, atque beneficentissimo, quæ multa multabit? Distinguo itaque majorem propositionem: Contritione perfecta redditur Deo tantumdem, quantum peccato ablatum fuerat, spectata duntaxat rei magnitudine, & *reali injuria*, concedo: attento Deum inter, hominesque discrimine, atque *injuria personali*, nego. Deinde per actum contritionis cuinam peccato satisfacies? Proprio? Minime, quoniam caritatem gratis, & eo fine ut resipisceres, tibi Pater luminum inspiravit: nec est ex propriis, aut condigna ea satisfactio, in qua tibi remittitur debitum carendi gratia, ac novo obstringeris beneficio. Alieno ne? Nequaquam: pro illa enim gratia, quæ te exornat, ne interim commemorem debita alia quam plurima, debes Deo tuo, quicquid habes. Sed de primo quidem argumento satis. Ad alterum nego quod per contritionem mereatur quis remissionem peccati, merito *de condigno*: justificatio enim gratia est, non corona, vel merces. Vitam vero æternam homo justus meretur quidem, etiam *condigne*, sed quia Christo tanquam palmiti inferitur, & Christi gratia fit in eo *fons aquæ vitæ salientis in vitam æternam*; & quia accepta adoptione filiorum habet quoque hæreditatis pignus & arrham: ideoque meritum a gratia *habituali*, non ab opere in se spectato, talem habet condignitatem. Accedit, quod non est eadem ratio merendi, atque satisfaciendi: quippe in merito intervenit divina promissio, cum nequeat Deus constitui debitor creaturarum suarum, nisi sua largitate; in satisfactione autem attenditur personæ offensæ amplitudo, & pravitas injuriæ. Vide lib. x. cap. 6. & 8. Illud, quod tertio loco objicitur, nullius est ponderis: nam sanctitas quælibet creaturarum, quantumvis eximia, finita est: & si etiam infinita fingatur, distat a Dei majestate infinito intervallo, ut infinitum accidens ab infinita substantia, & infinitum in quantitate ab infinito in omne genere; & ideo nunquam erit inter meritum creaturæ, & injuriam Deo illatam proportio. In solutione argumenti quarti me vano labore non frangam; siquidem *nudus* homo potest esse morale caput in ordine ad transfusionem peccati, quia illius prevaricatio habet infinitam turpitudinem, & peccatum

tum originale transfunditur vitiata generatione , cujus homo primus eſt auctor : at meritum cujuſlibet ſimplicis creaturæ finitum eſt , nec ejus intuitu tenetur Deus gratiam poſteris impertiri , niſi ex ſua promiſſione ; & conſequenter *purus* homo nequit conſtitui morale caput , ex quo non ex Dei munifica largitate , ſed ex juſtitia profluat gratia , & ſanctitas ceterorum . In poſtremo pariter argumento haud multum operis & verborum inſumam . Dixi enim libro XXI. cap. 8. offenſam , quæ commenſuratur cum dignitate perſonæ , eſſe illam , quæ conjuncta eſt cum deſpicientia & contemptu ; & ideo veniale peccatum , licet ſit Dei offenſa , caret illa gravitate , quæ eſt in mortali , per quod conſtituitur finis ultimus in creatura . Affirmavi præterea adverſus Jovinianum dari inter peccata mortalia diſcrimen , quia licet omnia afficiant injuria ſupremum Dominum , habeantque ex hoc capite maximam turpitudinem , ratione tamen violandi præcepta , & conſiderata cujuſcuſque peccati materia , unum eſt gravius altero , quia habet majorem voluntatis perversitatem , magiſque recedit a regula incommutabilis æquitatis . Sed neceſſum non eſt , ut eo loci expoſita repetantur . At , inquis , pro veniali peccato poteſt ne *purus* homo ſatiſfacere ad juris apices ? Attenta peccati turpitudine poteſt quidem ; idque tenent e ſchola perinulti : nam cum veniale peccatum non habeat infinitam gravitatem , poteſt juſtus boni aliquid præſtare , quod illi æquivalet . Negant id tamen alii , quia hæc ſatiſfactio eſſet ex gratia , non vero ex propriis . Ceterum non videtur omnibus momentum iſtud invidium , quoniam peccato duntaxat veniali non contrahitur debitum carenti ipſa gratia ; neque hæc collata eſſet poſt ejusdem venialis peccati perpetrationem , ut ratio cinatur Suarezius diſp. IV. q. I. art. 2. ſect. 9. Poteſt autem , inquiunt , fieri ſatiſfactio etiam ex bonis dono acceptis , dummodo non conferantur poſt contractum debitum , & eo fine , ut iſtud deleatur , ſicuti pecunia dono collatâ perſolvitur inter homines debitum aliunde proveniens . Verum , ſi cui inhæreat oppoſita perſuaſio , reponet nunquam creaturam vindicare ſibi juſ donorum Domini ſui ; licet id eveniat inter homines , quos inter transferri poteſt dominium . Adde , gravitatem peccati , niſi infinita ſit , ſpectare nihilominus ordinis diverſitatem : quæ omnia declarata ſunt paullo ſupra . Ex quibus colliges me in poſtremam ſententiam propendere , altera tamen in ſuo jure relicta .



CAPUT IX.

*Ad universos homines, etiam feminei sexus, non vero
ad daemones pertinere Christi Domini
redemptionem.*

CIRCA humani generis redemptionem tria adhuc remanent inquirenda: quorum primum est, an pro omnibus, ac singulis hominibus piissimus Iesus sanguinem fuderit, an duntaxat pro electis ante Mundi constitutionem: quod postremum commenti sunt Calvini asseclæ, Janfeniani, & quorundam opinione Prædestinati hæretici quinto Ecclesiæ sæculo, & vertente 9. Gothescalcus, damnatus in Carisiaca Synodo ab Hincmaro Remensi coacta. De quibus postremis quid sentiamus, vide lib.vi. cap.14. Immitem hanc, rigidamque sententiam, non solum a prælaudata Synodo, verum etiam a Tridentina sēss. vi. cap. 2. ac postea in v. propositione Jansenii Romanorum Pontificum definitione damnatam, contumeliosam Christo, ejusque flagrantissimæ, maximæque caritati derogantem, 3. capite lib. xvii. refutavimus. Contraria est enim divinis Scripturis, asserentibus *unum pro omnibus mortuum esse: dedisse semetipsum redemptionem pro multis: pro omnibus gussasse mortem: Salvatorem esse omnium; nec pro nostris tantum peccatis propitiationem esse, sed etiam pro totius mundi*. Hæc enim leguntur 2. ad Corinth. v. 14. prima ad Tim. 11. 6. ad Heb. 11. 9. ad Tim. iv. 10. ac 1. Joan. 11. 2. Quæ loca, quoniam producta sunt eodem libro xvii. & repetita: hoc, in quo versamur, contra Socinum, necessum non arbitror prolixius, diuque inculcare. Repugnat quoque sententia illa impia, ac blasphemata traditioni Patrum universorum; Irenæi asserentis cap.17. lib.v. Christum *propitiassse pro omnibus Patrem*: Clem. Alex. scribentis in vii. Strom. illum *prorsus omnium, nullo excepto, Servatorem esse*: Origenis in iv. adversus Celsum conscribentis, *non iis tantum mederi voluisse, qui in uno erant orbis angulo, sed quantum in ipso fuit, iis qui ubique sunt*: Nazianz. Orat. 42. *universum orbem instaurasse*: Ambrosii in 2. lib. de Abel & Cain, cap. 3. *pro salute universorum advenisse*: S. P. Augustini tract. xxxvi. in Joan. *venisse ut salvaret vos etiam, qui salvari noluerunt*: Prosperi ad object. ix. Gallorum, *rectissime dici pro totius mundi redemptione crucifixum*: Anselmi in primam ad Tim. cap. 2. *mortem pro omnibus sustinuisse, ut omnes a morte redimeret*. Atque hæc pariter, cum obvia sint iis omnibus, qui vel in nostras, vel in aliorum dissertationes oculos conjecerunt, satis est recapitulatione quadam recensuisse. Adversatur tandem placitum illud hæreticorum rationi, quæ petitur ex originali peccato, cui

cui omnes filii Adam naſcuntur obnoxii : ex oratione , quam pro omnibus tenemur effundere : ex Eccleſia , quæ in ſui gremium quoſcunque excipit : ex Evangelii prædicatione per univerſum terrarum orbem : ex Domini *Jeſu* nomine : ex Mediatoris officio : ex Judicis poteſtate : ex ſacrificii ejus valore : ex caritate , qua proditorem amplexus eſt , qua pro crucifixoribus exoravit , qua tota die ad populum non credentem , & contradicentem manus extendit ; quæ item produximus Tom. 111. pag. 349. & ſequentibus .

In hac tamen univerſali redemptione permultos eſſe , qui mortis ejus beneficium non recipiunt , expreſſa eſt definitio Tridentini ſeſs. v1. cap. 3. ac tradita olim ab Auguſtino in Pf. 87. & Tract. in Joan. 45. a Proſpero ad ob. Gallorum 9. necnon a Valentina Synodo cap. 4. & a Lugdunenſi Eccleſia in Epift. *de tenenda Eccleſiæ veritate* : & quam comprobant experientia reproborum multorum ; quorum aliqui prædicato Evangelio non credunt , aliqui ſuſcepta fide tranſgrediuntur mandata , aliqui a juſtificatione ſtatim decidunt , aliqui demum juſtitiam , quam diu ſervaverant , miſerando lapſu peſſundant . Id tamen communi Redemptioni , qua Chriſtus pro univerſis hominibus profudit ſanguinem , minime derogat : ſive dicamus Chriſtum ſua paſſione omnes redemiſſe *inſtituendo cauſam noſtræ liberationis* , ſed paſſionem ipſam ſuo carere effectu , niſi applicetur *per fidem* , *per caritatem* , *per Sacramenta* ; quæ eſt ſententia noſtra præcitato Volumine pag. 355. imo D. Thomæ 3. p. q. 49. art. 1. ſive aſſeramus , quod idem prorsus eſt , requiri ad percipiendum fructum redemptionis aſſenſum noſtrum , quo non inviti , ſed libero arbitrio cooperante divinæ gratiæ , accedamus ad Chriſtum , & corpori ejus coaptemur ; ut explicavimus præcedenti cap. 5. ſive cum Theologis plurimis dicamus aſſeſſe ſingulis beneficio Chriſti ſufficientem gratiam , qua poſſint ſalutem conſequi : ſive denique affirmemus gratiam ipſam univerſis præparari , atque exhiberi , neque denegari ulli mortalium , niſi quis ſua culpa , rectiſſimoque judicio Dei permittente , veræ luci , quæ *illuminat omnem hominem venientem in hunc mundum* , claudat oculos : quod nos pariter diximus Tom. 111. pag. 455. in qua ſententia nihil derogari voluntati , quæ in Deo eſt , ſalvandi omnes , & beneficio univerſaliſſimæ redemptionis , hinc colligitur , quod non eſt tribuendum Soli , *ſi quis generali lucis beneficio ſe frandet , quia clauſis fenestris immiſſos radios excludat* ; ut diximus eodem volum. pag. 548. & docuerat ante nos S. Thomas 1. 2. q. 79. art. 3. ante Thomam vero iſdem verbis Ambroſius in Pf. 118. ſerm. 8. n. 57.

Verum tamen eſt , quod pro ovibus ſuis , in ſempiternum regnum prædeſtinatis non tantum Chriſtus mortuus eſt *cauſaliter* , & inſtituens *cauſam liberationis* , ſed etiam iis mortis ſuæ fructum impertitur , & ſalutiſerum remedium reapte applicat : quod eſt redem-

demptionis singularis quædam proprietas; veluti si medicus non solum faciat medicinam, ex qua possint morbi omnes sanari, verum etiam quibusdam ægrotis illam applicet: quod est peculiaris benevolentie argumentum, haud imminuens virtutem medicaminis instituti pro omnibus, exhibiti singulis, & adversus omnium morborum genera efficacissimi. Specialem hanc erga electos dilectionem probant eæ Scripturarum, Sanctorumque testimonia, quibus abutuntur hæretici, ut imperitis suadeant Christum pro solis electis sanguinem profudisse; respicientes, ut ajebat beatus Prosper, ad infidelium partem, qui delectati captivitate redimi noluerunt, aut ad eandem sunt servitutem reversi, non vero ad Sacramenti virtutem, atque ad mortem, quam Redemptor subiit propter communem omnium hominum perditionem. Nos itaque redemptionem, ejusque fructum, Augustino, Prospero, D. Thoma, ac Tridentinis Patribus erudientibus, accurate distinguentes nulla Novatorum cavillatione percellimur. Nec quod illi ajunt Christo perspectam fuisse reproborum perviciam, ac damnationem, nos aliqua ratione perstringit: quia non debebat munus suum ob aliquorum perversitatem deferere; sicut publicus medicus visitat omnes in xenodochio laborantes, & publicus Advocatus damnandorum quoque agit causam: ne quis dicat, ille medici culpa decessit, is strangulatur indiligentia advocati. Comuni ergo suscepta causa, debuit Christus pro omnibus immolari; ne perditissimi homines vel pretium sanguinis ejus parvipenderent, vel prætermisso Mediatoris officio propriam adscriberent damnationem. Atque his summatim, omnibusque simul comprehensis pertractata iterum est controversia de universali hominum Redemptione.

DE MULIERIBUS.

Nunc vero præconceptam a nobis justissimam indignationem adversus Redemptoris nostri inimicos, deliniam lepida quæstiuncula, quæ est hujus capituli pars altera, an mulieres quoque sint a Christo redemptæ. Id etiam, inquis, in disputatione positum est? nonne & mulier formata ex una costarum Adæ habet nobiscum ejusdem generis corpus, animumque ratione præditum? quisnam tam insanus fuit, ut ad hoc insinuandum ipse voce & sensu obbrutesceret, aut sacrilegio jocaretur? Fuit is quidam Horatius Plata in opusculo typis edito Lugduni 1647. ejusque meminit in Historia hæresum Dominicus Bernini Tom. 1. pag. 30. ac refutavit tam supinum errorem. Philippus Maria Boninus edito adversus Platam libro vernacula lingua conscripto, & postea Opere, cui titulus, *Advocatus mulierum*, Franciscus Bordonius.

At primo manifestum est, mulieres eandem nobiscum naturam

ge-

gerere , quia Gen. 1. 26. poſt ea verba , *Faciamus hominem ad imaginem & ſimilitudinem noſtram* , ſequitur , *Maſculum & feminam creavit eos* : quo textu non utor modo cum Bordonio , ut problem. in femina , ſicut in viro , imaginem Dei relucere , quippe ibidem , & verſu proximo , necnon cap. v. verſu 1. Dei imago ſingulari numero tribuitur ipſimet viro , eique revera titulo convenit ſpeciali , tametſi etiam mulier ratione mentis , & animi divinam imaginem præſeferat ; ſed interim illud tantum aſſumo , quod pronomen *eos* nequeat ad aliud referri vocabulum , niſi ad præcedens , *hominem* ; ideoque tam maſculus , quam femina *homo* eſt . Deinde volucres , jumenta , ac beſtias terræ , ſive maſculini ſint generis , ſive feminei , ſpecies habere ſuas , atque in his maſculum & feminam non eſſe diſſimiles , conſtat ex eodem cap. 1. Genetiſis , verſu 24. & ex cap. vi. 19. Quare autem brutis conceditur ejuſdem naturæ ſœmella , non autem viro ? Præterea 11. Genetiſ. verſ. 18. appellatur mulier *adjutorium ſimile* Adamo : atque Adam ipſe cap. 11. 12. ſuam illam vocavit *ſociam* . Incepit autem Plata , dum ait mulierem eſſe viri adjutorium , ut ſutoris acus , & agricolæ aſellus ; quandoquidem mulier eſt *adjutorium ſimile* : non ſexu , ut per ſe liquet , adeoque natura . Si enim ad ſimilitudinem ſufficit ratio tantum adminiculi , vel inſtrumenti ; irriſorem feminei ſexus dicemus jure ſimilem aſino , ſi unquam hoc animal ipſum proprio dorſo veſtavit . Eſt inſuper mulier procreata in viri adjutorium , ut eſſet gignendorum liberorum auſtrix ; quod , ut commonſtrat idea generationis , requirit naturæ ſimilitudinem . Societas quoque eſt ratione utentium mutua conſuetudo , Philoſophorum nemine repugnante . Demum , ut vir , ita femina corpore , animoque prædita eſt . Et de corpore quidem ait Adam Gen. 11. 23. *Hoc nunc os ex oſſibus meis , & caro de carne mea* : de anima vero , ſive per *metonymiam* de perſonis anima non deſtitutis , Petrus Epit. 1. cap. 111. 20. *Oſto anima ſalva facta ſunt per aquam* : in quibus connumerari uxores Noe , & filiorum ejus conſtat ex Genetiſ. vi. 7. quo etiam in libro cap. xlv. 27. *Anima domus Jacob* ingreſſæ in Aegyptum dicuntur *ſeptuaginta* : animæ ſcilicet *filiorum* , & *filiorum* , ut habetur eodem cap. verſu 15. Eſt ergo mulier animal præditum anima & corpore . Nec dici poteſt animam mulierum deſtitutam eſſe ratione ; divina enim Scriptura , Patres , Hiſtorici , noſtrorum quoque temporum experientia commendant mulieres plurimas , nulli virorum ſanctitate , prudentia , doctrina , & rerum agendarum experimento poſthabendas : Quis enim præſtantior Sara , Rebecca , Juditha Eſtere , Anna , aliſque in veteris Teſtamenti hiſtoria magnopere commendatis ? Quis eloquentior apud Ethnicos Aſpafia , Amphiclæa , Sapho , cæteriſque compluribus ? Claret Hieronymi laudibus Eutochium , Paula , Fabiola ,

Marcella; Augustini præconio Monnica, Italica, Florentina: laudat Clemens Alexandrinus Arthemision, Didymus Anaxandram, Eusebius Hypatiam. At sanctarum martyrum, ac virginum gloriosa pro fide certamina, & virtutum omnium decora nec recensere possumus, nec digne admirari. Una tantum femina hominum, & angelorum univerforum merita superavit, Genitrix Dei, & perpetua Virgo Maria. Verum illustriores apud Gentes mulieres laudarunt Boccacius, Ribera, Alexander Piccolomineus: inter Divos relatas recensent Sanctorum Acta: eas autem, quæ florent ætate nostra ingenii acumine, morumque honestate, celebrabit venerabunda posteritas.

Sunt ergo feminae ejusdem cum viris naturæ, ideoque redemptæ a Christo, qui communem causam suscepit. Et quantum spectat ad Redemptionem; apertissimum est, etiam in mulieres debacchari mortem, & calamitates innumeras, quæ consequuntur antiquam maledictionem, ad quam solvendam venit humani generis Reparator. Is ergo debuit etiam pro mulieribus subire mortem. Nam ad quos pertransit poena primæ prævaricationis, ad illos omnes extenditur passio Christi: ut demonstrat ferm. 214. Tom. 2. pag. 154. Albertus nosser Patavinus, vulgari disticho:

Mortis homo calicem gustavit ut omnis in uno;

Omnis in unius morte revixit homo.

Et quidem legimus Act. 11. 17. tam filios hominum, quam filias frui participatione Spiritus Christi: in priori ad Corinth. vi. 18. nedum filiis, sed & filiabus adoptionis filiorum Dei beneficium conferri: ad Philipp. iv. 3. mulierum quoque nomina esse in libro vitæ: in prima Petri 111. 5. etiam mulieres sanctas sperare in Deo, & versu 7. coheredes esse *gratiæ vitæ*. Quomodo autem iis, quæ non sunt participes redemptionis, conferri potest Christi gratia, communicatio Spiritus sancti, & pignus hæreditatis? Præterea Christum gessisse salvandarum mulierum sollicitudinem comprobatur ex misericordia qua excepit Chananeam, ex illius cum Samaritana colloquio, ex ejus ad Martham exhortationibus, ex ingenti erga hujus sororem caritate, ex suscepto adulteræ patrocinio, ex colloctione facta, dum Golgotham adscenderet, cum filiabus Jerusalem: licet præbens nobis exemplum nimis familiaritatis vitandæ, a seminarum contuberniis diligentius caveret, quam a conviviiis publicanorum. Apostoli denique mulierum salutem æque ac virorum procurarunt. Paulus in 1. ad Corinth. vii. docet quæ cura habenda sit virginum: ad Philipp. iv. admonet Evodiam, ut cum Syntyche concordia sit animo: ad Timoth. 1. cap. v. plura habet de viduis: Petrus Epist. 1. cap. 3. instituit, atque erudit ad probitatem junctas marito. Ita Clemens Alex. Tertullianus, Ambrosius, alique Patres de Pedagogiis puellarum, de

de habitu mulierum , & de Institutione Virginis pertractarunt : non causa duntaxat nostri , quo fine reguntur & bestię : sed ut ipse mulieres consequerentur nobiscum sempiternam felicitatem ; quippe non solum eis tradiderunt regulas domesticorum officiorum , verum etiam capeſſendę eternę vitę pręcepta . Hanc ergo tam viri , quam mulieres assequi possunt beneficio passionis Christi .

Ex 111. argumentis , quę urget Plata adversus mulieres , hæc sunt præcipua . Primum femina non est producta ad imaginem Dei . Non itaque participat rationalem animum , in quo sita est hæc imago . Antecedens probatur ex Genes. 1. 27. ubi legitur : *Creavit Deus hominem ad imaginem suam : ad imaginem Dei creavit illum , masculum & feminam creavit eos* . Similia habentur cap. v. 1. & utrobique imago Dei tribuitur tantum viro . Accedit Apostolus , qui in 1. ad Corinth. x1. 6. ait de muliere : *Velet caput suum* : at de homine , versu proximo inquit : *Vir quidem non debet velare caput suum , quoniam imago , & gloria Dei est* . Ergo mulier juxta Apostolum non est imago & gloria Dei . Item in cap. *Hæc imago* , Causa xxx111. q. 5. num. 13. Augustini verbis sic Apostoli sententia explicatur , *Mulier autem ideo velet , quia non est imago Dei* . In eandem rem conspirat Ambrosius in 1. Epistolam ad Corinthios . Pręcitatus Augustinus libro x1. de Gen. ad lit. cap. 42. num. 58. asserit Apostolum mulieri imaginem Dei non tribuere : idem sensit Magister Sent. dist. xviij. lib. 11. n. 2. Pręterea objicit Plata . Mulieres destitutas esse ratione , inde colligitur quod nec peccati labem , nec remissionis gratiam habere queant . Si enim peccatum contrahunt , cur pro ipsis institutum non fuit originarię contagionis remedium , uti pro masculis circumcisio ? Etiam baptismum pro viris tantum institutum fuisse colligitur ex cap. ult. Mat. versu 19. *Euntes ergo docete omnes gentes , baptizantes eos* . Non istic occurrit feminini generis pronomen , ut exigebat *Gentes* , ne quis crederet mulieres sacro tingendas esse lavacro . Rursus opponit , feminas subjici dominio viri , ut bestię & jumenta Genes. 1. 26. subjecta sunt Adę : ineptas esse ad Reipublicę regimen , eisque prohiberi docendi munus in prima ad Timoth. 11. 12. necnon cap. *Mulierem* , Caus. xxx111. q. 5. n. 17. Ex quibus liquet quantum intercedat inter feminas , virosque discrimen . Postremo nullam habere illas in redemptione partem , infert Plata ex quo satis demonstratum supponat in humano genere non comprehendi : additque fuisse Christo Domino summopere exosas : cani comparasse mulierem Chananeam : eidem dixisse se non pro feminis missum , sed pro ovibus domus Israel , Matth. xv. 24. nullum mulieribus beneficium præstasse ; nam & puella , quam fertur revocasse ad vitam , Lucę vi11. 52. dormiebat : præcepisse ut relinquerentur uxores , Mat. x1x. 29. & Lucę xiv. 26. non permisisse tangi se a muliere post resurrectionem ,

nem, Joan. xx. 17. *Quid plura?* etiam Matri hoc responsum dedisse; Jo. 11. 4. *Quid mihi, & tibi est, mulier?* Indiciis igitur tam apertis ostendit Dominus, quam vehementer sexum femineum aspernaretur. Hæc improbus derisor, ineptus sculorator, & pessimus dialecticus.

Respondetur ad primum, levis hujus scrupuli eximendi rationem esse, si quid importet Dei imago attendamus. Hæc primum sita est in facultate intelligendi ac volendi, deinde in dominio, quo rationalis creatura præest cunctis animantibus; tandem in productione, qua primus homo omnes ex sua posteritate præcedit. Disserrimus de hac re Vol. 11. pag. 14. & 482. Ergo si accipiamus imaginem Dei pro facultate intellectu, in qua consistit natura hominis, tam masculus, quam femina refert imaginem Auctoris sui; si pro dominio erga res homini subiectas, hæc imago principaliter in homine, deinde etiam in muliere invenitur; si denique pro initio & prima causa effectrice humani generis, solus vir est gloria & imago Dei. Itaque in primo Genesis ratio divinæ Imaginis masculino ac feminæ indiscriminatim tribuitur, ubi legitur, *Creavit Deus hominem ad imaginem suam*; hic enim *homo* est masculus, & femina, nam sequitur, *masculum & feminam creavit eos*; nimirum uterque productus fuit præditus corpore & animo. Ibidem tribuitur tam viro, quam mulieri dominium in alia terræ animantia; legitur enim ibidem, *Benedixitque illis Deus, & ait: Crescite, & multiplicamini, & replete terram, & subijcite eam, & dominamini piscibus maris, &c.* Nihilominus quia vir prior, quam femina creatus est, de illo singulari numero repetitur, *Ad imaginem Dei creavit illum*. Liquet vero quod si accipiat *imago* hoc postremo sensu, etsi tribuatur duntaxat viro, non infert in illo naturæ diversitatem, nam alias nullus filiorum Adam esset homo, quoniam prior factus est Adam, quam filii possent ab eo gigni. Apostolus pariter docens feminas humilitatem & verecundiam, usurpat vocabulum *imaginis* quatenus in homine effulget regiminis dignitas, & principatus: unde ait, *Non enim vir ex muliere est, sed mulier ex viro. Etenim non est creatus vir propter mulierem, sed mulier propter virum*. Atque hinc recte sequitur, caput mulieris velandum esse, quia velamen in capite indicium est potestatis alterius, teste eodem Apostolo, qui ibidem versu 10. pro velamine usurpat *metonymice* vocabulum potestatis, scribens, *Debet mulier potestatem habere supra caput*: & e contra non velare caput suum, ut Augustinus inquit serm. 14. in Octava Paschæ, nunc 376. num. 2. *est indicium libertatis*. Eodem pacto accipitur Dei imago in Cap. x111. Causa 33. q. 5. quippe legitur eo loci, *Hæc imago Dei est in homine, ut unus factus sit quasi Dominus, ex quo ceteri orirentur, habens imperium Dei, quasi vicarius ejus*. Opus tamen Quest.

vet.

vet. & novi Teſt. ex cujus cap. 106. deſumptus eſt canon , non eſſe Au-
guſtini conſentiunt Eruditi . Mitto reſponſionem Auctoris libri *de*
nobilitate mulierum , Etruſco idiomate eloquenter conſcripti , editi-
que anno 1549. pag. 15. Ambroſio etiam falſo tribuuntur Commenta-
ria in Episto-*las* Pauli ; ubi tamen adverſus Platam legitur , *Quamvis*
una ſubſtantia ſit vir & mulier . In lib. xi. de Gen. ad lit. loquitur Au-
guſtinus eodem ſenſu , quatenus mulier ſubjicitur *viro regenti , &*
diſpenſanti : at S. Pater Dei imaginem locat etiam in rationalis animi
perceptione , & amore , lib. vii. de Trinit. & xxiv. contra Fau-
ſtum . Atque his omnibus ſubſcribit Magiſter , cujus citato loco hæc
ſunt verba : *Per hoc imago Dei in homine apparuit , quia ſicut Deus*
omnibus rebus extitit principium creationis ; ita homo omnibus homini-
bz principium generationis . Dicam verbo , Mulier non eſt imago
Dei , ratione *naturæ* , nego : ratione *poſſeſſatis* , concedo . Vide
quæ ſcripſimus lib. xii. cap. 7.

Ad argumentum alterum hoc habeto reſponſum : ſi mulier pec-
care nequit , cur Levitici xx. adverſus illas , quæ viris alienis com-
miſcentur , æque , ac viris iſtis mors præſcribitur ? cur in adulterio
deprehenſæ ait Jeſus , Ioan. viii. 11. *Vade , jam amplius noli pec-*
care ? cur mulieri , *quæ erat in civitate peccatrix* , inquit , Lucæ vii.
48. *Remittuntur tibi peccata* ? Pro feminis ergo inſtituta remedia pec-
catorum indubitatum eſt ; cum in Levitico pro utroque ſexu occur-
rant ſacrificia , atque expiationes ; & licet ignoremus quale fuerit
olim remedium pro originali peccato , quantum ad feminas attinet ,
negare non poſſumus extitiſſe ; ſicut fateri tenetur adverſarius de ma-
ſculis ante inſtitutam circumciſionem . De baptiſmate vero ſcriptum
eſt , *Baptizantes eos* , digniori genere conſueta oratione uſurpato pro
epicæno & promiſcuo , ut Gen. i. 27. *Maſculum & feminam creavit*
eos . Mirum ! quod adeo infanierit Plata , ut mulieribus denegarit
regenerationis lavacrum , tam labili fundamento innixus . Quomodo
enim in ejus mentem cadere potuit nullam extitiſſe feminam in domo
Stephanæ , quam baptizavit Paulus , i. ad Corinth. i. 16. nullam in
familia cuſtodis carcerum , cujus domum totam baptizatam legimus
Act. xvi. 36. nullam in multitudine trium millium , de quibus eodem
libro , cap. ii. 41. ? Atque ſi id quoque potuit commiſci ; nonne in
iſtis Apoſtolorum Actibus cap. xvi. 15. de Lydia purpuraria muliere
civitatis Thyatirenorum habetur , *Cum autem baptizata eſſet , &*
domus ejus ? nonne legimus præcedenti cap. viii. 12. *In nomine*
Jeſu Chriſti baptizabantur viri , ac mulieres ? Vide ergo quam Plata
deſideret , dum in patrocinium erroris ſui advocat ſacras literas .

At argumentum tertium ſic refellitur . Nedum viro , ſed & mu-
lieri diſtum eſt Gen. i. 28. *Dominamini piſcibus maris , & volatilibz*
cali , & univerſis animantibus , quæ moventur ſuper terram ; non
ergo

ergo eo pacto, quo jumenta, viris subjectæ sunt feminæ; a quibus domum quoque regendam docet Paulus in priori ad Timoth. v. 4. Debebat vero uxor subdi marito, quoniam in quolibet bene instituto regimine, unus præest; ut imperator exercitibus, civibus princeps; nec tamen ratione carent qui reguntur, aliqui bestia fuit Plata alieno subjectus imperio. Ut mulieres in Ecclesia taceant, recte monet Apostolus 1. ad Corinth. xiv. 34. & ad Timoth. 11. 11. nam docere publico in loco est auctoritatis indicium; atque hæc causa affertur præcitato Canone, *Mulierem constat*: sed esse feminas ad perfiscendum idoneas asserit Apostolus utroque in loco; in primo quidem scribens, *Si volunt discere, domi viros suos interrogent*: in altero, *Mulier in silentio discat cum omni subjectione*. Imo non defuerunt, quæ, ut olim apud Græcos Aspasia, apud Italos in publico Licæo traderint disciplinas, Patavii præsertim, ac Bononiæ, ubi etiamnum ingenii sui specimina exhibet lectissima mulier Laura Catharina. Num optime id factum, non quæro; nam sat est hinc inferre, uti masculos, ita feminas pollere mentis acumine, Ingeniique præstantia.

Ultimum vero argumentum indignum est, ut a nobis responsum habeat; perlegat ergo adversarius Evangeliorum historias, & inveniet Mariam sororem Marthæ a Christo laudari Lucæ x. 42. sanatam ab ipso focum Simonis, 1v. 39. feminam alteram habentem decem & octo annos infirmitatis, xiii. 12. *reversam* eo jubente, *spiritum* mortuæ puellæ vii. 55. exhibuisse illum Samaritanæ *aquam vivam*, Joan. iv. 10. dilexisse Martham ac sororem xi. 5. commendasse Matrem discipulo, xix. 27. plorantem mulierem fuisse solatum, xx. 15. *Querit* cur de Filia principis synagogæ dixerit, Lucæ vii. 52. *Non est mortua puella, sed dormit*? Etiam de Lazaro vita functo inquit Joan. xi. 11. *Amicus noster dormit*; quia potest Dominus *tanta facilitate excitare mortuum e sepulcro, quanta nos non excitamus dormientem de lecto*; ut ait Tract. xli. num. 9. Augustinus. Petit cur Chananeam comparaverit *cani*? Ipse quoque appellatus est *Agnus*, & quemadmodum Christus *Agnus* comparatur propter humilitatem, ita Gentes *canibus* assimilantur, quoniam colentes idola quasi *lapides lingunt*, ut animadvertit S. P. serm. 74. de Chananeæ, nunc 77. num. 10. Inquit cur Dominus se missum dixerit *ad oves Israël*? Etiam pro hominibus non Israëlitis genere passum Christum, fatetur Romanus homo mulierum despector; & Judæis Dominus ita *sui corporis præsentiam* exhibuit, ut oves, *quas habebat in gentibus non contemneret*, inquit Augustinus citato Serm. num. 4. In cap. xix. Matth. & Lucæ xiv. non solum uxores dicuntur relinquendæ, sed etiam filii, parentes, ac fratres. Nullus ergo hominum est homo? Quis ita deliret? Immo uxores diligendas amore quodam peculiari, legimus Gen. 11. 14. Matth. v. 32. ad Eph. v. 25. & ad Coloss. 111. 19. Mulieres

lires ergo, (quomodo & ceteri hominum) fugiendæ ſunt, ſi in Dei nobis itinere obſiſtant, inquit hom. 37. in Evang. Gregorius Magnus. Noluit Chriſtus poſt reſurrexionem tangi a muliere, quia hæc figurabat Eccleſiam de gentibus, *quæ in Chriſtum non credidit, niſi cum adſcendiſſet ad Patrem*, juxta Auguſtinum Tract. in Joan. cxxi. num. 3. vel quia *non eſt querenda gloria, donec perveniamus ad Patrem, ubi ſit gloriatio omnis jam ſecura*, juxta Bernardum ſerm. v. de Omnib. SS. num. 7. Præſtitiffe Jeſum Genitrici obedientiam filii conſtat ex Lucæ 11. 51. In Cana autem Galilææ cur illam appellaverit *mulierem* communi vocabulo, diximus hoc eodem Volumine pag. 100. Si quis ergo joculari audacia tecum nugas agat inceptiens cum Plata; hac noſtra lucubratiuncula, juxta vetus adagium Proverb. xxvi. 5. *Reſponde ſulto juxta ſultitiam ſuam, ne ſibi ſapiens eſſe videatur*.

D E D A E M O N I I S .

Tertio loco quærendum eſt, an Chriſtus dici poſſit redemptor dæmonum, & damnatorum hominum: Origenes enim hom. 1. in Levit. Comment. in Joannem, & in Epift. ad Rom. etiam angelos, imo & aſtra, quæ arbitratus eſt ſpiritali animo prædita, cenſuit morte Chriſti fuiſſe purgata; quod & ſenſit Didymus in Epiftolam 1. Petri, Tom. 1v. Bibl. vet. PP. p. 325. & quamquam Vaſqueſius 111. p. diſput. 49. cap. 5. ſcribat falli Sixtum Senenſem, qui lib. v. Bibl. An. 117. adſcribit prædictum errorem Origeni Com. in Leviticum, & videatur de aliis Origenianis locis ambigere; ipſe tamen Vaſqueſius, inquit eruditus Petavius lib. xiv. de Incarnat. cap. 10. *ſaluſ eſt*. Profecto Origenem in ea fuiſſe ſententia, quod perpetua non ſit pœna dæmonum & damnatorum, (qui error eſt huic valde affinis,) exploratiſſimum eſt, ut diximus lib. x. cap. 17. Verum aliquando illius pœnæ finem videtur adſcribere ſacrificio Crucis jam peractõ; aliquando autem tradit iterum venturum Dominum, ut pro angelis crucifigatur, uti legitur in Epiftola Juſtiniani Imperatoris ad Mennam, quæ extat in Actis v. Synodi, aliisque in locis paullo poſt proferendis. Nonnulli eundem errorem de redemptis a Chriſto angelis tribuerunt S. Hieronymo, poſt Ruſinum in priori Inveſtiva. Vaſquez citato loco ſcribit non ſatis conſtare, an Hieronymus ex propria, an ex alterius ſententia ita docuerit; ſed paullo poſt caſtigatius loquens, exiſtimo, inquit, errorem memoratum non docuiſſe ex propria ſententia; ſed ex aliorum libris, aut Origenis, aut Apollinarii, aut Didymi ad verbum tranſtulſiſſe. Id extra omnem dubitationem poſitum eſſe demonſtravi tertio Volumine pag. 338. Divinum Verbum Angeli induiſſe naturam eſt hæreſis vetuſtior Origene, reſutata a Tertulliano cap. xiv. de carne Chriſti: ſed Tertullianus ibidem non

To. V. M m m redar.

redarguit asserentes a Christo redemptos dæmones, ut falso scribunt recentiores quidam eruditi; sed ex quo angeli non sint redempti, refellit nonnullos, qui opinabantur, non Christum esse salutis nostræ auctorem, sed angelum, quem Christus induerit: quod constat ex ipso Tertulliano, & adnotatum est a Jacobo Pamélio num. 110.

At primum Origeniana sententia refellitur iis momentis, quibus alibi demonstravimus sempiterna fore dæmonum, aliorumque reproborum supplicia: quod expresse habetur Dan.xi.2. Matth.xxv. 41. Marci i.29. ad Thessalon. secunda 1.9. in Epistola Judæ versu 13. Apoc. xiv. 11. ac traditur ab Irenæo lib. iv. cap. 47. nunc 28. a Tertulliano cap. 13. Apologetici, a Lactantio in secundo Institut. libro cap. 12. ab Hilario Canone 27. in Matth. ab Ambrosio in Octonario 20. Pf. 118. a Hieronymo in cap. 25. Matth. ab Augustino lib. xxi. de Civit. Dei, a Magno Gregorio lib. xxxiv. Moralium cap. 16. nec non ab aliis Patribus, quorum constantissimam traditionem necessarium non est iterum explorare. Deinde ex sacris literis colligitur Christum esse Mediatorem *Dei & hominum*, 1. ad Timoth. ii. 6. Salvatorem *omnium hominum*, ibidem cap. iv. 10. dedisse *semetipsum pro nobis*, ad Tit. ii. 14. Ubi autem legitur, esse Mediatorem Angelorum, Salvatorem dæmonum, Redemptorem damnatorum? Præterea ineptum est, putidumque commentum, asserere divinum Verbum induisse Angelorum naturam, cum Joannes cap. 1. 14. affirmet tantummodo factum carnem, & in nobis habitasse, Paulus ad Heb. 1. 16. scribat nunquam ab illo apprehensos *Angelos*, sed *semen* duntaxat *Abrabæ*; ipse Dominus testetur Lucæ xv. 4. advenisse se ad inveniendam ovem unam perditam, in qua Patres figuratum agnoscunt humanum genus: atque aperte asserat capite ejusdem Lucæ xi. 22. a se dæmonis spolia diripienda, Joan. xiv. 30. nihil sibi negotii esse, cum principe tenebrarum, & præcedenti cap. xi. 31. foras hunc ejiciendum esse, atque exturbandum. Insuper apertissime Patres hanc veritatem confirmant. Tertullianus citato cap. xiv. de carne Christi inquit: *Nullum mandatum de salute angelorum suscepit Christus a Patre: quod Pater nec repromisit, nec mandavit, Christus administrare non potuit*. S. P. Augustinus in Ench. ad Laurentium cap. lxi. n. 16. ait: *Non enim pro Angelis mortuus est Christus*. Greg. Magnus lib. 11. in Regum libros Tom. 1. pag. 115. scribit malos angelos *pénitentiam agere de perpetrata superbia nunquam posse*: & in iv. Moral. cap. 12. Tom. 2. pag. 382. *Idcirco namque Redemptor noster, non angelus, sed homo factus est, quia hoc proculdubio fieri debuit, quod redemit, ut & perditum angelum non apprehendendo defereret, & hominem in semetipso apprehendendo repararet*. Ad hunc modum loquuntur alii Patres. Ad hæc vel Angeli mali salvari possunt beneficio mortis Christi jam præteritæ, vel juxta Origenianum delirium morte, quam

ite-

iterum Chriſtus perferet. Non beneficio mortis Chriſti tranſactæ; quoniam, ut vidimus, in hac devictus eſt diabolus, non redemptus; expulſus & judicatus, non factus ſalvus: perſeveratque etiamnum inimicitia inter ſemen mulieris, & antiquum ſerpentem: cui nihil moleſtum magis & odioſum, quam Chriſti glorioſiſſimum nomen, fideique & Eccleſiæ propagatio. Multo minus futura Chriſti morte, ſalvabuntur cum membris ſuis angeli tenebrarum; nam *Chriſtus reſurgens a mortuis jam non moritur, mors illi ultra non dominabitur*, inquit Paulus ad Rom. vi. 9. Quo teſtimonio Bernardus ſerm. 54. in Cantica num. 5. Origenianum delirium reſutat, damnatque *impudentis mendacii*: quemadmodum illud appellaverat *ſacrilegium* Hieronymus in Epift. 59. nunc 94. ad Avitum, & apud Hincmarum, loco citato Theophilus Alexandrinus in ſecunda Synodali, *vecordiam*, atque *dementiam*. Tandem, ut eo loci Theophilus & Hieronymus obſervarunt, fabricatum eſt Origenis commentum ex revolutione animorum: in qua ſicuti opinabatur omnia circumagi, donec in meliorem ſubſtantiam commutentur, ita credidit Redemptorem noſtrum qui ſalutem operatus eſt in medio terræ, iterum pro dæmonibus ac ſpiritualibus nequitiis in aere, vel apud ſuperos affigendum cruci. Ut ergo ea revolutio, & animorum migratio eſt Platonicornum, Pythagoreorumque delirium, a nobis exploſum lib. xi. cap. 6. ita, eodemque jure ſubruitur, hoc fundamento ſuffoſſo, ſuperſtructa hujus & ceterorum errorum compago.

Opponebant Origeniſtæ duo Pauli loca: unum ex Epiftola ad Eph. 1. 10. ubi legimus inſtaurari in Chriſto omnia, *quæ in calis & quæ in terra ſunt*: alterum ad Colof. 1. 20. ubi legimus omnia per Chriſtum reconciliata, & pacificata, *ſive quæ in terris, ſive quæ in calis ſunt*. His addi poteſt illuſtris ſententia Hieronymi ſcribentis in Epiftolam ad Ephēſios Tom. 4. pag. 337. *Poteſt itaque reſponderi, quod abſque peccato nullus ſit, & ſidera ipſa non ſint munda coram Deo, omniſque creatura paveat Creatoris adventum. Unde & cum Saluatoris non ſolum ea quæ in terra, ſed etiam ea quæ in calis erant, purgaſſe perbibetur*. Accedit quod Chriſtus Agnus Dei, ut inquit Joannes 1. 29. *tollit peccatum mundi*, atque, ut idem Joannes ait Epift. prima cap. 11. 2. *Ipe eſt propitiatio pro peccatis totius mundi*.

Verum hæc nil pro Origenianis evincunt: prioris enim loci ſenſus eſt, quem tradit Auguſtinus cap. 62. Ench. num. 16. in verbis: *Inſtaurantur quippe quæ in calis ſunt, cum id, quod inde in Angelis lapſum eſt, ex hominibus redditur: inſtaurantur autem quæ in terris ſunt, cum ipſi homines, qui prædeſtinati ſunt ad æternam vitam, a corruptionis vetuſtate renovantur*. Si autem contendas ideam eſſe inſtaurare, ac recapitulare, cum extet in Græco, *ἀνακαταστήσει, in unum colligere*; ſenſus erit, quod *omnis diſpenſatio, quæ eſt ante*

mundum, & postea esse cepit in mundo, tam invisibilem, quam visibilem creaturarum, adventum Dei Filii pollicebatur; inquit Hieronym. citato loco pag. 330. Chrysostomus hom. 2. pag. 1038. ait per peccatum abscissa fuisse caelestia a terrestribus, & per Christum, fuisse iterum conjuncta: & instancare nihil esse aliud, quam conjungere. Exponendum est eadem ratione locus alter; quocirca Angeli per Christi redemptionem cum hominibus redierunt in gratiam, post inimicitias, quas inter homines, & sanctos angelos peccata fecerunt; inquit S. P. Augustinus cap. 61. Ench. & Hieronymus eodem loco pag. 345. quod Christus in suo sanguine terrena & caelestia copulavit, quae inter se antea dissidebant. Ac Joannes Chrysostomus hom. 111. p. 1337. Quae autem sunt in caelis quomodo pacificavit? Illic quoque erat bellum, & pugna. Abscissa erat terra a caelo: bellum gerebant Angeli adversus homines, videntes suum dominum probo, & contumelia affectum. Nihil ergo in Epistolis Pauli pro daemonum redemptione. Sed nec in Joanne: nam mundi nomine intelliguntur homines in toto terrarum orbe diffusi, tam mali, quorum princeps diabolus dicitur princeps mundi, Joan. xiv. 30. quam boni, ex quorum corde princeps hujus mundi, id est, ipse diabolus ejicitur foras, Joan. xvi. 11. Legitote Augustinum Tract. lxx. in Joannem num. 10. Innumera sunt Scripturarum loca, in quibus mundus pro terra, & inhabitantibus in ea hominibus usurpatur, Mat. xxv. 13. Marc. xiv. 9. xvi. 15. Joan. i. 10. 11. 17. viii. 23. xii. 19. xvi. 28. ad Rom. i. 8. &c.

Quantum ad Hieronymum attinet; si quae sunt in ejus Commentariis ad Epistolam Pauli ad Ephesios, quae redolere videantur Origenianum dogma, ipsi Hieronymo nequaquam sunt tribuenda. Respondet enim Rufino similia objicienti libro 1. Apologiae pag. 365. Tom. iv. *Ego in Commentariis ad Ephesios sic Origenem & Didymum & Apollinarium sequutus sum (qui certe contraria inter se habent dogmata,) ut fidei meae non amitterem veritatem. Commentarii quid operis habent? Alterius dicta edisserunt: quae obscure scripta sunt, plano sermone manifestant: multorum sententias replicant, & dicunt: Hunc locum quidam sic edisserunt: alii sic interpretantur: illi sensum suum, & intelligentiam his testimoniis, & hac nituntur ratione firmare: ut prudens lector, quum diversas explanationes legerit, & multorum vel probanda, vel improbanda didicerit, judicet quid verius sit: & quasi bonus trapezita, adulterina moneta pecuniam reprobet. Num diversa interpretationis, & contrariorum inter se sensuum tenebitur reus, qui in uno opere, quod edisserit, expositiones posuerit plurimorum? Vide hujus Operis Tom. II. pag. 338. Addendum est modo, S. Hieronymum in fine Praef. Commentariorum in Epistolam ad Ephesios, in qua Praefatione obsecrat Paulam, Eustochium, & Marcellam, ne maledicis & invidis opuscula sua tradant,*

dant , asserere se dedisse operam , ut studiosus statim in principio lector agnosceret , an hoc opus suum esset , vel alienum : unde arbitror in Hieronymi autographo fuisse accurate distincta , quæ sunt Origenis , quæ Apollinarii , quæ Didymi : ea vero postmodum indiligentia Amanuensium permixta nonnisi difficulter distingui . Præterea dato , quod verba superius objecta sint Hieronymi , possunt facile exponi ex dictis : asserendo scilicet , eatenus per crucem Salvatoris fuisse purgata omnia , quatenus terrenis & cælestibus copulatis , inter sanctos angelos , & homines inita est amicitia . Idem enim Hieronymus sese aperte explicat infra pag. 345. *Et hæc totam intelligentiam ad angelos , virtutesque cælestes , & ad animas temperabit humanas : quod Christus in suo sanguine terrena , & cælestia copulavit , quæ inter se antea dissidebant : & bonus pastor morbidam ad montem revectans ovem , fecerit esse cum ceteris ; drachmamque quæ perierat , drachmis quæ salvæ fuerant copulaverit : & mandata legalia ad illa retraxerit dogmata , ad quorum typum , & imaginem Moyses quæ essent in tabernaculo fabricanda conspexit . Atque ita fieri , ut crux Domini non solum terræ , sed & cælo profuerit : non solum hominibus , sed & angelis : & omnis creatura Domini sui cruore purgata sit .* En aperte Hieronymus purgationem creaturarum omnium , de qua supra pag. 337. scripserat , *Crux Salvatoris non solum ea quæ in terra , sed etiam ea quæ in cælis erant , purgasse perhibetur* , nihil aliud esse declarat , quam hominis , qui perierat , & angelorum , qui nunquam Deo contrarii fuerant , copulatio .

Præterea obijciunt Christum ad inferos descendisse , ut indueretur etiam incredulos Impiosque , scribente Apostolorum Principe in Priori Epist. cap. 111. 18. 19. 20. *Quia & Christus semel pro peccatis nostris mortuus est , iustus pro injustis , ut nos offerret Deo mortificatus quidem carne , vivificatus autem spiritu . In quo & iis , qui in carcere erant , spiritibus veniens prædicavit : qui increduli fuerant aliquando , quando expectabant Dei patientiam , cum fabricaretur Arca .* Verum perdifficilis Petri textus , etsi omnium fere interpretum torquet ingenia , nullo tamen pacto probat , incredulos , qui sine poenitentia discesserant , fuisse extractos a Christo e sempiternæ gehennæ suppliciiis : sed accipiendus est uno , vel altero sensu ex iis , quos innuimus IV. volumine p. 381. idest , quod Christus spiritu divinitatis prædicaret olim incredulis , quemadmodum adveniens in carne Judæis primum , deinde Gentibus Evangelium nuntiavit ; sive quod ad inferos descendens , detentis in Patrum limbo spiritibus lætum attulerit nuntium redemptionis peractæ , inter quos & ii connumerabantur , qui dum fabricaretur Arca , quamvis aliquandiu increduli fuerint , nihilominus priusquam fluctibus mergerentur , egerunt poenitentiam . His addo Petrum eo loci nos hor-

hortari ad ferendum adverſa, & calumniantium diſteria; propoſito nobis exemplo Chriſti: qui cum juſtus eſſet, mortem oppetiit pro impiis, nec deſeruit perſicaces; ſed, ut olim ad pœnitentiam vocavit incredulos, ita venit ad filios Iſrael, qui ipſum recipere noluerunt: nec ad hos tantum, etiam ad nos deliteſcentes in tenebris & idolis addiſtos, quos ſalvos fecit, & per lavacrum regenerationis locavit in Eccleſia, cujus typum gerebat Arca Noe. Atque de hac planiori interpretatione legi poterit noſter Baſilius Poncius P. 1. variarum diſputationum quæſt. 9. ex poſitiva nam hunc præ ceteris Petri verba accurate enodaſſe liquet ex Indice illuſtriorum interpretum Fabiani Juſtiniani.

Nunc ego, quoniam prior interpretatio eſt Auguſtini in Epiſtola 164. ad Evodium, & poſtrema traditur a præclariffimo Ordinis noſtri Theologo, in utramque pauliſper intendam animum. Interpretationem Auguſtini reſellit doctiſſimus Bellarminus, modeſte tamen, eoque conſilio, ut ex loco producto Petri demonſtret adverſus Novatores catholicum dogma de Chriſti deſcenſu ad inferos. Ait ſe ideo ab Auguſtino recedere, quoniam & ipſe fatetur ſe hunc locum minime intellexiſſe, rogatque, ut qui commodiorem invenerit interpretationem, ipſi impertiat: alia autem ex parte expoſitionem diverſam ſuppeditant Patres; & momenta, quibus ductus eſt Auguſtinus, videntur infirma, cum Chriſti *ſpiritum* non ad animam referat, ſed ad virtutem divinitatis, & nomine *carceris* intelligat cuſtodiam corporis, non inferna animorum receptacula. Cornelius a Lapide Auguſtinianam illam interpretationem non rejicit, ſed inquit eſſe potius ſymbolicam, & myſticam. Benediſtus Juſtinianus ait, ab hac Auguſtini ſententia parum admodum diſcrepare Novatores. Permulti illam abſque nota ulla recenſent, præferunt tamen allatam paulo ſupra ſecundo loco.

Principio itaque affirmo Auguſtinianam expoſitionem nulla eſſe cenſura notandam; cum in eadem Epiſtola num. 3. non ſolum Auguſtinus aſſerat Chriſti deſcenſum ad inferos, verum etiam hunc demonſtret ex Pſalmo xv. 10. & ex Act. 11. 24. 27. concludatque in hæc verba: *Quis ergo, niſi infidelis, negaverit fuiſſe apud inferos Chriſtum?* Quibus ſimilia habet lib. xi. 1. de Gen. ad lit. cap. 33. n. 63. & de Civit. Dei lib. xx. cap. 15. Nihil ergo habet Auguſtinus affine damnatis placitis Novatorum. Deinde aſſero, non ſolum Auguſtini ſententiam probari a Beda, a D. Thoma, atque ab Interpretibus a Cornelio a Lapide laudatis, verum & ab aliis, ut a Joanne Gagnæo, a Tacito Nicolao Zegero, a Franciſco Titelmano, ceteriſque compluribus: Divum autem Thomam non probare illam duntaxat, ſed exiſtimare alia qualibet meliorem; nam 3. p. q. 52. art. 2. ad tertium inquit: *Auguſtinus tamen melius exponit in Epiſtola ad Evodium, ut* *reſera-*

referatur non ad deſcenſum Chriſti ad inferos, ſed ad operationem divinitatis ejus, quam exercuit a principio mundi. Affirmo præterea, Auguſtinum exiſtimaffe traditam a ſe expoſitionem, non ambigam & fluxam, ſed talem, quæ non poſſit de falſitate convinci, & ex ſingulari ejus modeſtia non eſſe arripiendam anſam eam reſellendi, ſed apprehendendum documentum alias quoque interpretationes Sanctorum debito obſequio excipiendi, ut nos præſtare ſtuduimus præcitato volumine quarto. Ad hunc enim modum loquitur S. Pater in ipſa ad Evodium Epistoſa num. 22. *Hæc expoſitio verborum Petri, cui diſplicet, vel cui, etiamſi non diſplicet, non tamen ſufficit, quærat ea ſecundum inferos intelligere. Qui ſi valuerit illa, quibus me moveri ſupra commemoravi, ita ſolvere, ut eorum auferat dubitationem, impartiat & mibi: quod ſi factum fuerit, poterunt illa verba utroque modo intelligi; ſed iſta ſententia de nulla falſitate convincitur.* Dico inſuper probabilius videri, quod Petrus ſermonem inſtituat de prædicatione facta incredulis, dum adhuc detinerentur in carne. Enimvero pro *iis, qui in carcere erant*, habent nonnullæ Verſiones, *iis, qui in carne concluſi erant*: neque ita legit ſolus Thomas Anglicus, quem unicum citat A Lapide; verum etiam hanc lectionem præſert Venerabilis Beda: eamdem occurrere in nonnullis codicibus vetuſtioribus ſcribit Zegerus: idem affirmat Correnſis apud Eraſmum. Præferendam tamen cenſemus vulgatam Verſionem, cum extet in Græco, *ἐν φυλακῇ, in carcere*: atque arbitramur ſapientiſſime adhibuiſſe Petrum eam verborum phraſim, dum ageret de incredulis; eo quod uno vocabulo ſignavit corpus, quo concluditur anima, & mentis cæcitatem, & captivitatem dæmonis, in qua deliteſcunt increduli: unde Auguſtinus laudata Epistoſa num. 16. ait: *Ad illum ergo ſenſum, qui te movet, ideo videntur adtracti qui hoc Petrum ſeuſiſſe crediderunt, quia dixit concluſiſ in carcere ſpiritibus prædicatum; quaſi animæ non poſſint intelligi ſpiritus, quæ tunc erant in carne, atque ignorantia tenebris velut carcere claudebantur: de quali carcere ſe deſiderat liberari ille, qui dicit, Educ de carcere animam meam, ut conſiteatur nomini tuo; quæ alibi umbra mortis appellatur. De qua non utique apud inferos, ſed hic liberati ſunt, de quibus ſcriptum eſt, Qui ſedebant in umbra mortis, lumen ortum eſt eis.* Neque in uno tantum loco, ſed in multis infideles & iniqui dicuntur ſedentes in tenebris, mortui, captivi; tametſi vitam agant corpoream: ut Iſ. ix. 2. Lxi. r. Matth. xv. 16. Luc. i. 79. iv. 18. Rom. v. 15. vi. 11. vii. 6. Tandem aſſero particulas illas, *In quo*, ſi referantur ad *ſpiritum*, quod, ut dicam paullo infra, non eſt neceſſarium omnino, melius ſignificare *ſpiritum divinitatis*, quo Filius Dei antequam veniret in carne, venit ab initio mundi ad homines commonendos, quàm *animam*, in qua deſcendit ad inferos. Si enim

atten-

attendatur verberum ordo, inquit Petrus Christum fuisse mortificatum carne, vivificatum vero spiritu: *in quo spiritu*, in eo scilicet, quo vivificante resurrexit, prædicavit & illis spiritibus, qui increduli fuerant aliquando in diebus Noe: præsertim cum difficile sit demonstrare eos pœnitentiam egisse, & rationem asserre, cur iis Christus apud inferos prædicaverit, aut Petrus istorum potius, quàm aliorum mentionem fecerit, atque hac in re tot fere inveniuntur sententiæ, quot capita.

Ex quibus omnibus inferitur Augustinianam expositionem de nulla posse falsitate convinci: & ad eam corroborandam ulterius animadverto, S. Hieronymum in caput LIV. Isaïæ absque ulla ambiguitate referre verba Petri ad prædicationem factam in diebus Noe, & dum inferebatur diluvium. *Unde* (inquit Tom. III. pag. 395.) *Dominum fecisse diluvium, qui juxta Apostolum Petrum occisus est carne, vivificatus spiritu, & prædicavit spiritibus in carcere constitutis, quando Dei patientia expectabatur in diebus Noe, diluvium impiis inferens.* Audin quando prædicavit? *In diebus Noe.* Vides quomodo? *Diluvium inferens.* Revera de quo argumento pertractat Apostolorum Princeps? Aut de perferendis contumeliis, ut mihi satis perspicuum videtur; aut de Ecclesia, quam ibidem comparat Arcæ Noe. Ad perferendas contumelias movet quidem plurimum, si dicamus etiam Christum justum pro injustis passum fuisse deglutiendo pro nobis mortem, nec detrectasse Evangelium nuntiare Judæis, quamvis credere noluerint, quemadmodum diluvii tempore vocavit ad pœnitentiam incredulos, eos quoque, qui perierunt extra arcam: sed quam vim habeat ad hoc comprobandum commemorare beneficia facta iis, qui egerant pœnitentiam, id mehercule non satis assequor. Quid enim habet roboris hæc exhortatio, Patimini eos, qui detrahunt vobis, vestramque calumniantur conversationem; quoniam & Christus evangelizavit spiritibus olim incredulis, sed justis postmodum, ac fidelibus? Nonne habere videtur majorem efficaciam hortatio istiusmodi? Patimini, quoniam etiam Christus olim spatio centum annorum pertulit incredulos, postea Judæis pervicacibus in carne apparuit, deinde pro iniquis subiit crudelissimum supplicium crucis, & modò vos omni labe inquinatos purgavit baptismate? Itaque Augustini interpretatio scopo Petri cohæret quammaxime. Quod si dicas hunc instituere comparisonem inter Arcam Noe, & Ecclesiam; nec illud percipio, quomodo gentibus, quæ venerunt ad fidem, æquiparari possint increduli, qui extra Arcam demersi sunt, & qui typum gesserunt damnandorum, ut legimus Matth. XXIV, 37. & Lucæ XVI, 26.

Ut modo expositionem Augustini cum Basilio Legionensi referamus etiam ad pervicaces Judæos, quibus Christus adveniens in carne præ-

prædicavit, & percipiamus quomodo & ii ſint, *qui fuerunt increduli, dum fabricaretur Arca*; obſervandum eſt, quod ſupra dixi, particulas illas, *in quo*, non eſſe neceſſario accipiendas de ſpiritu. Habere enim vim cauſalis, & idem valere, ac, *ideo*, *propter quod*, *quapropter*, tradunt ſcholia Græcorum, & Oecumenius præſertim ſcribens Tom.2. pag.514. *τὸν ἄρτι τὸν δὲ, Hoc, id ē, cauſaliter ſumitur pro ideo*. Idem Poncius plura indigitat loca, ubi propoſitio *In ſexto* juncta caſui eſt idem, ac *propter*: ut Pſalmo lxxv. 3. *In multitudine virtutis tuæ*. Michææ 111. 11. *Principes ejus in muneribus judicabant*. Mat. 11. 6. *Beatus eſt, qui non fuerit ſcandalizatus in me*; quibus in locis conſtat ſenſum eſſe, *Ob multitudinem virtutis tuæ, Propter munera, Propter me*. Illis quoque verbis, *In diebus Noe*, cenſet Baſilius ſupplendum *ſicut*; ut ſenſus ſit, *Propter quod*, id eſt, ut nos offerret Deo *mortificatus quidem carne, vivificatus autem ſpiritu*, veniens prædicavit etiam illis, qui aliquando fuerant increduli, *ſicut* increduli fuerant homines, cum fabricaretur Arca. At videtur Legionenſis probare lectionem quorundam Bibliorum, ut Plantinianorum anni 1583. Sixti V. anni 1590. & Complutenſium: quum proculdubio legendum ſit *mortificatus, & vivificatus*, ut habet modo Scriptura Canonica, necnon correctior Sixtina anni 1592. in cujus margine aureis notis propria manu conſcriptis Angelus Rocca demonſtrat hanc lectionem eſſe ceteris præferendam. Retenta hac tamen, perſiſtit adhuc ſententia Legionenſis, ſi dicamus morem eſſe cum profanorum, tum ſacrorum Scriptorum, dum alloquuntur præſentes, eis tribuere, quæ eiſdem antiquitus acciderunt, veluti dum idem populus putatur, qui nunc extat, & qui fuit majorum ætate, aut plurimis ab hinc annis. Atque exempla apertiffima hujus rei occurrunt apud Marc. x. 3. Joan. vi. 32. vii. 19. Act. vii. 38. & apud Latinos quoque, Græcoſque Scriptores laudatos a Grotio lib. 2. de Jure belli & pacis cap. 9. Hanc loquendi conſuetudinem eo magis ſervare debebat Petrus, quo pervicaces, & increduli, quibus prædicavit Chriſtus, aut in ſpiritu Chriſti prædicarunt Apoſtoli, non minus ac ii, qui vixerunt ætate Noe, debebant ſub peccati captivitate; & quemadmodum ad naufragium vitandum tunc Arca conſtruebatur, ita Chriſti, & Apoſtolorum temporibus ad ſalutem credentium ædificabatur Eccleſia. Recte itaque Baſilius Poncius ſupplendum cenſuit *ſicut*, nec male Petri locum explicavit de increduliſ in carne viventibus: quod poſtea fecerunt alii citati a Calmet, & nuperrime Joannes-Thomas Melitenſis.

Inſertur ex hætenus dictis poſſe utramque ſententiam Auguſtini, ejusque diſcipuli ſimul defendi, & commodiorem eſſe intelligentiam Apoſtoli textus, ſi dicamus proponi nobis ad patientiæ exemplum Dominum Jeſum Chriſtum, qui pro injuſtis affixus eſt cruci;

To.V

N n n

qui

qui venit ad oves quæ perierant domus Israel; qui post resurrectionem ex mortuis per Apostolos prædicavit spiritu virtutis suæ gentibus idololatriis, sicut olim antequam appareret in carne, aut per ora prophetarum, aut occulto divinitatis suæ spiritu increpaverat improbos, rectosque docuerat, ut unumquemque erueret e dæmonis captivitate: quæ fusiori stilo dicta sint ad vindicandam Augustini expositionem, ad explicandam alteram eximii Augustinensis Theologi, ad enodandum Scripturæ locum, in quo expediendo sudant quamplurimi; salva tamen interpretatione meliori, & persistente Catholico, & Orthodoxo dogmate de Christi descensu ad inferos, quod libro xxii. cap. 7. adversus hæreticos propugnâvimus.

C A P U T X.

De Christi merito, oratione, & Mediatoris officio.

FACITE ex præmissis disputationibus infertur quid Candidati nostri tenere debent in ceteris quæstionibus apud omnes fere Scholasticos pertractatis, circa Christi meritum, orationem, atque munus, officiumque Mediatoris: sed nihilominus eas in hujus libri postremo capite diluere curabimus, ne rudiores querantur, quod illæ non sint a nobis singillatim expositæ. Ergo circa meritum Christi illud primo loco definimus, quod revera fuerit merendi capax: nam fuit in ipso necessaria ad meritum libertas, cum oblatus sit quia voluit, & potestatem habuerit ponendi animam suam, If. l. i. 7. & Joan. x. 18. Servavit præterea mandatum Patris factus obediens usque ad mortem, ad Philipp. i. 8. Fuisse plenum Spiritu sancto, & gratia exornatum liquet ex If. xi. 2. Dan. ix. 24. & Luc. i. 35. Ad hunc quoque finem in mundum venerat, ut salutem nostram operaretur, atque honorem libera prævaricatorum culpa Deo ablatum, voluntaria sui ipsius immolatione restitueret, Joan. i. 16. & Epistola prima iv. 9. Ejus præterea singulari obedientiæ retributum a Deo præmium exaltationis nominis sui, Patris glorificationem in universo terrarum orbe, necnon omnium redemptionem, justificationem multorum, atque electorum suorum gloriam, manifeste colligitur ex Isaia l. i. 10. Joan. xvi. 5. 9. Rom. v. 2. 9. 11. Fuerunt autem hæc omnia suis quæque locis comprobata. Nihil ergo ad Christi meritum deest: non arbitrii libertas, non gratiæ ornamentum, non obedientiæ perfectio, non denique Dei præordinatio, ac promissio.

Querunt deinde nonnulli, quandonam Christus Dominus incæperit promereri: qua in re arbitramur subscribendum sententiæ communiori, quam propugnat Magister in xi. dist. xvi. S. Thomas

mas q. 34. art. 3. Scotus in diſtinct. præcitata, Argentinas ibidem q. 1. art. 3. Gavardi q. v111. art. 1. Gabr. a S. Vincent. diſp. x1x. dub. 2. Juenin diſſer. v1. q. 6. Witafſe q. x. ar. 3. & cum his prope-
modum infiniti, quod nempe Chriſtus meruerit a primo ſuæ conce-
ptionis momento. Ac præter Scriptorum auctoriſtatem, conſtat 1.
ex Apoſtolo ad Hebræos x. 5.7. Dominum Jeſum in exordio vitæ ſuæ,
& mundum ingrediendo ſeſe obtuliſſe Deo hoſtiam & oblationem pro
peccato, cum ad hoc expiandum ſatis non eſſent holocaustomata, ,
eoque priori momento divinæ voluntati obedientiam præſtaſſe: *In-
grediens mundum dicit: Hoſtiam, & oblationem noluiſti: corpus
autem aptaſti mihi: holocaustomata pro peccato non tibi placuerunt.
Tunc dixi, ecce venio: in capite libri ſcriptum eſt de me, ut faciam,
Deus voluntatem tuam.* Diximus præterea lib. x. cap. 15. nec An-
gelis id denegandum, quin promeruerint in primo iſtanti; quam-
vis ordine cauſalitatis ipſorum mentis perceptio præceſſerit motum
liberum voluntatis: quod multo magis eſt afferendum de Chriſto,
in quo fuit plenitudo ſcientiæ, neque ad deliberandum potuit præ-
cedere hæſitatio ulla animi fluctuantis. Inſuper affirmavimus eo loci,
nunquam juxta Magnum Gregorium lib. 1. in Ezech. hom. 6. beatif-
ſimam Chriſti animam fuiſſe abſque merito. Ad hæc Chriſtus & lu-
mine gloriæ, & gratiæ virtute ſuffuſus fuit. Ut ergo per lumen glo-
riæ ſtatim vidit Dei eſſentiam; ita per effectricis gratiæ virtutem ſta-
tim promeruit. Demum quod movit perpaucos ſententiæ oppoſi-
tæ aſſertores, requiri ſcilicet ad meritum liberum arbitrium, ad
iſtud vero indifferentiam, non videtur alicujus eſſe ponderis.
Alia eſt enim indifferentia ſuſpenſionis, quæ ſita eſt in hæſitatio-
ne animi, & per quam quid agendum ſit, conſultatione quadam
inquiritur: alia eſt indifferentia libertatis, qua ita operamur, ut
poſſimus non operari propter mediorum liberam electionem. Prior
quidem indifferentia nequit conjungi cum actu; ſed cum proveniat
ex ignorantia, & ſit arbitrii defectus, locum non habuit in Chri-
ſto. At indifferentia altera cum ipſo actu perſiſtit, cum ſit exer-
citiū libertatis; quamvis idem actus a voluntate perſpicuo ſcientiæ
lumine colluſtrata abſque ulla mora exeratur. Vide Tom. 1. pa-
gina 408.

Tertia, eaque præcipua quæſtio eſt, an Chriſti merita infiniti
ſint pretii: ſed hanc etiam dirimunt quæ præcedenti capite ſexto diſ-
ſerui de Chriſti ſatiſfactione. Infinita quippe eſſe Chriſti merita inde
colligimus, quia eſſi meruit per actiones tantum humanæ naturæ,
cujus proprium eſt Deo ſubjici, & ipſius mandatis obtemperare;,
ipſæ tamen actiones erant hominis-Dei, & a perſona, quæ in ſua
jura eas vindicabat, habebant ſummum, maximumque valorem. De-
monſtravimus enim Patres ideo ſatiſfactioni Chriſti tantam vim tri-

buere, ut non solum sufficiens fuerit ad omnia exhaurienda peccata, verum etiam superexcedens, plurisque æstimanda, quoniam non homo nudus passus est, sed homo-Deus: neque a forma assumptæ humanitatis segreganda est divinæ personæ majestas. Quare, ut cum Damasceno, & Leone Magno dictum est, patienti carni connexa erat divinitas; & licet aliud sit Creator, aliud creatura, aliud deitas inviolabilis, aliud caro passibilis; in una tamen persona concurrit proprietas utriusque substantiæ, ut sive in infirmitatibus, sive in virtutibus, ejusdem sit contumelia, cujus est gloria. Verum ab iis repetendis, in quibus multum locavi operis, superfedeo.

Prætermittendum non est autem, negare quoklam infinitum: meritum Christi valorem; propterea quod promeruerit operibus naturæ humanæ finitis, & finita quoque fuerit gratia ipsius, effectrix causa promeriti. Illud quoque nonnullos movet, quo pacto si infinita fuerunt Christi merita, non sit una tantum actione consummata humani generis redemptio. Quærent denique quomodo diversa merita in Christo sint, si infinitum est unumquodque, neque in suo genere potest perfici.

Verum hæc omnia diluimus disputantes contra Socinum. Ad primum enim dictum est, stare cum humano opere, & finita gratia promeritum summum atque infinitum, si persona, ex cujus dignitate æstimatur opus, sit Deus ipse. Ad alterum responsum est, Christum actionibus plurimis, quarum unaquæque ad nos redimendos sufficiens erat, dedisse nobis salutaria præcepta, & ingentem erga nos caritatem manifestasse. Adde fuisse in eo potestatem referendi vel mortem, vel opus aliud ad hominum reparationem, cum sit Deus summus plenissima pollens auctoritate. Ad ultimum dicimus unum quidem esse singulorum operum Christi valorem attenta dignitate personæ, sed esse multiplicem respectu operum & objectorum: quemadmodum est una Dei actio, si referatur ad ejus omnipotentiam; multiplex, si ad res creatas: servato tamen discrimine, de quo superiori capite v. 11.

Quid, & quibus Christus meruerit, hoc loco non repetam; quum ex cap. 20. libri xxvii. constet non potuisse sibi promereri hypostaticam unionem, ac primam gratiam, quæ duo merita quæque præcedunt. Eadem ratio est de beatifica visione, & sanctitatis ornatu, quæ unionem ipsam hypostaticam consequuntur: non enim cadunt sub merito, quæ in primo conceptionis momento alicui tribuuntur. Meruit ergo Dominus Jesus sibi met gloriam corporis, nominis exaltationem, cultum populorum, creaturarum omnium obsequium, dæmonum subjectionem, & Ecclesiæ suæ firmitatem, atque incrementum. Quæ omnia licet sibi deberentur jure divinæ generationis, ad nostræ tamen profectum virtutis comparare voluit profusione sanguinis, maximorumque meritum impendio. Illustris est sententia Hugu-

gonis

gonis Victorini q. 150. in Epist. ad Rom. scribentis : *Mereri geminam habet significationem : dicitur enim mereri , cum per bonum opus efficiatur dignus aliquo qui prius non erat dignus ; secundum quam significationem videtur nobis quod nec secundum divinitatem , nec secundum humanitatem Christus aliquid meruit , etiam in ipsa morte . Dicitur etiam aliquis mereri , cum bonum aliquod facit , quod sit dignum remuneratione ; secundum quod Deus dicitur etiam mereri , cum beneficia præstat pro quibus tenemur eum in æternum laudare , & Christus secundum humanitatem in sua passione meruit nobis introitum vite æternæ . Vide Thomaf. lib. v. cap. 16. & Du-Hamel lib. iv. cap. 1. At nobis Christum promeruisse redemptionem , remissionem peccatorum , omniaque gratiarum munera , quæ justificationem præcedunt , vel subsequuntur , liquet ex 11. capite hujus libri : quid demum præstiterit Angelis dictum est supra pag. 354. Hæc itaque de Christi merito ,*

DE CHRISTI ORATIONE.

De oratione autem illud principio statuendum est , Christum Dominum Patrem orasse : quod extra controversiam omnem positum cenfeo . Lucæ enim vi. 12. legitur : *Exiit in montem orare , & erat pernoctans in oratione Dei .* Joann. xvi. 1. *Et sublevatis oculis in calum dixit : Pater venit hora , clarifica filium tuum , ut filius tuus clarificet te .* Ibidem versu 20. *Non pro eis autem rogo tantum , sed & pro eis , qui credituri sunt per verbum eorum in me .* Legimus quoque orasse dum in Bethania suscitaret Lazarum , Joan. xi. 41. in horto Gethsemani , Mat. xxvi. 39. necnon e cruce pendens , Lucæ xxi. 34. Atque id factum optime , primo ut nobis demonstraret unde petendum sit auxilium , & quomodo in corporis animique angustiiis divinam voluntatem debeamus eligere ; ut præclare demonstrat hom. 38. in Mat. pag. 707. Jo. Chrysostomus . Deinde ut omnia referret ad Patrem , inquit Epiphanius hæresi 69. quæ est Ariarum , num. 30. Tum ut nobis Filii persona innotesceret , & sermo deprecantis alterum nobis fidem Trinitatis & Incarnationis insinua- ret , juxta doctrinam Hilarii libro x. num. 22. præterea , ut im- pleret Mediatoris officium , Sacerdotis munus , Capitis nostri partes , optimique Magistri munia ; quemadmodum exponunt Augustinus in Psalm. lxxxv. num. 1. & Damascenus lib. 111. de Fide ortho- doxa cap. 24.

Secundo loco animadverto Christi orationem non tam illum ve- rum hominem demonstrasse , quàm ostendisse majestatem divinitatis : quod summo opere notandum est adversus Arianos . Primo enim orans pro electis suis , Joan. xvi. 10. dixit sua esse omnia , quæ Patris sunt : & versu 21. rogans , *ut omnes unum sint , ait , sicut tu , Pater , in-*
me ,

me, & ego in te; non vero, ut tu in nobis, & nos in te; aperte, se a creaturis separans, inquit Ambrosius lib. iv. de Fide cap. 3. num. 37. Item orans eodem cap. versu 5. Nunc clarifica me tu, Pater, apud te ipsum, claritate quam habui priusquam mundus esset, apud te, ostendit, Unigenitum, quod ad divinam quidem naturam spectat, gloria sibi convenienti non esse destitutum; inquit Cyrillus lib. xi. in Joan. cap. 4. Lazarum pariter suscitaturus, Joan. xi. 43. postquam Patri gratias egerat, ait voce magna, Lazare veni foras, quæ vox imperantis est, non precantis, demonstratque internam, Christi gratiam vivificantem, & divinitatis potentiam, juxta Augustinum Tract. xliix. in Joan. num. 24. Demum, ne alia exempla proferam, Lucæ xxiii. 34. exoravit veniam crucifixoribus suis, sed ibidem vers. 43. ait Latroni, Hodie mecum eris in Paradiso, ostendens, quomodo propria auctoritate regnum dabat, ut inquit Ambrosius citato libro iv. cap. 5. num. 56. Itaque, ut eo loci concludit sanctus Antistes, Rogat quando passurus ostenditur, imperat quando filius Dei creditur. Atque hinc duo inferuntur digna notatu; perperam Arianos ex oratione, qua Christus comprobavit propriam humanitatem, impugnare divinitatis substantiam: & Paulinum Aquilejensem, dum libro i. adversus Felicem tinctum pice Nestoriana, videtur asserere Christum non orasse, intelligendum esse de illa oratione, quæ divinæ personæ deprimit majestatem.

Affirmo tertio loco quamlibet Christi orationem, absolutam, atque proficiscentem ex voluntate regimine rationis directâ fuisse a Patre exauditam, ut docet S. Thomas 3. p. q. 21. art. 4. Sylvius, ac Thomistæ omnes ibidem, Estius in dist. xvi. §. 4. alique unanimiter. Atque id in sacris literis expressum est. In Psalmo enim xx. 3. de Christo Rege legimus prænuntiatum: *Desiderium cordis ejus tribuisti ei, & voluntate labiorum ejus non fraudasti eum.* Martha Joannis xi. 22. ait: *Sed & nunc scio, quia quocunque poposceris a Deo, dabit tibi Deus.* Ipsemet Christus eodem capite vers. 42. *Ego autem sciebam quia semper me audis.* Paulus denique in Epistola ad Heb. v. 7. *Qui in diebus carnis suæ, preces, supplicationesque ad eum qui possit illum salvum facere a morte, cum clamore valido, & lacrymis offerens, exauditus est pro sua reverentia.* Et quidem duo sunt, quæ non sinunt quemquam de hac re dubitare: unum, quod Christus nullam habens voluntatem rationis contrariam Deo, nil poterat absolute precibus petere, quod nollet idem Deus elargiri; ideoque exaudiri debuit omnis oratio istiusmodi voluntatis interpretativa; quæ est ratiocinatio D. Thomæ: alterum vero, quod cum omnia quæ petuntur in Christi nomine, cunctis, juxta Evangelica eloquia, concedantur, Mat. xx. 21. Marc. xi. 24. Joan. xiv. 13. multo magis credendus est accepisse quicquid petit Unigenitus filius: cujus orationi

tionem neque caritatis fervor defuit, neque fiduciæ firmitas, neque expectandarum rerum honestas, neque præstantia meritorum.

Hæc cum ita sint, illud principio a me queritis, Ecce quando oravit ad Patrem, Matth. xxvi. 39. *Pater mi, si possibile est, transeat a me calix iste*, nequaquam fuerit exauditus? Sed quamquam id Christus peteret commonstrans humanam infirmitatem, ac sensum, pro quo mortem refugiebat; in ipsa tamen oratione expressit desiderium ratione directum, atque absolutum & efficax, ut Patris adimpleretur voluntas, idque iterum, ac tertio dicens, *Fiat voluntas tua, & ostendens*, ut diximus paullo supra cum Chrysostomo, *voluntatem se Dei omnino continere, & ubique voluntatem Dei querendam, & eligendam esse*. Quamobrem in hac oratione non solum attendi debet voluntas, quæ sentiens tristitiam mortis, exclamavit, *Transeat a me calix iste*, verum etiam imperium rationis, quo addidit, *Fiat voluntas tua*: atque istud præsertim, cum volentes quæ sequitur rationis deliberationem, sit absoluta & propria; quæ vero sectatur motum sensualitatis, (inquit ibidem S. Thomas) sit potius *velleitas*. In illa ergo oratione quod Christus absolute petiit, & deliberata voluntate exoravit, impletum est: atque huic responsioni lubens subscribo. Est tamen sententia beati Hilarii lib. x. de Trinit. num. 37. 38. & 41. non sibi orationem illam Christum fecisse, sed Apostolis, qui per calicem Domini passionis tentandi erant: at Hilarius de Christi divinitate ibidem differens demonstrat mortis tristitiam non potuisse perturbare mentem divinitati conjunctam, quod evenire utique potest hominibus ceteris; ideoque non indigebat Christus auxilio ad voluntatis reprimendam obliuionem: quale auxilium Martyribus implorabat. Quare, ni fallor, potest Hilarii sententia propugnari simul cum præcedenti. Idem dicendum arbitror de responsione quorundam asserentium orationem Christi exauditam fuisse, non ut mortem evaderet non patiendo, sed ut mortem vinceret resurgendo, quod videtur conforme verbis Apostoli ad Hebr. v. 7. Recurrit enim responsio prima; quoniam ut mortem vinceret erat divina voluntas, idque Christus orabat voluntate deliberata: quamquam, me quidem iudice, ea verba, *Transeat a me calix iste*, non mortis victoriam significant; sed afflictionem potius atque passionem, calicis poculo comparatam Matth. xx. 22. & Joan. xviii. 11.

Queris præterea, quomodo exaudita fuerit altera Christi oratio, qua in cruce clamavit, Luc. xxiii. 34. *Pater, dimitte illis: non enim sciunt quid faciunt*? Complures enim teterrimæ illius mortis auctores, atque magna Judæorum in illam conspirantium pars miserrime perierunt. Respondet autem S. Thomas citato art. 4. ad 2. non orasse Christum *pro omnibus crucifixoribus, sed pro iis solum, qui erant*

erant predestinati, ut per ipsam vitam consequerentur æternam; quam responſionem omnino tenendam eſſe demonſtrat ibidem Sylvius ex verbis Chriſti Joannis xv 1. 9. *Ego pro eis rogo, non pro mundo, ſed pro his quos dediſti mihi, quia tui ſunt*: quo loco & nos uſi ſumus Tom. 111. pag. 352. ad demonſtrandam in Chriſto pro ſalute electorum peculiarem ſolicitudinem. Accedit ad hanc reſponſionem corroborandam Auguſtinus, cujus Traſt. xxx1. in Joan. num. 9. hæc ſunt verba: *Videbat quosdam ſuos inter multos alienos: illis jam petebat veniam, a quibus adhuc accipiebat injuriam*. Verum cum ſæpenumero dictum ſit mortem Chriſti omnibus, etiam reprobis, attuliſſe redemptionem, ac paraſſe ſalutarem medicinam, quamvis illius mortis beneficium ſinguli non accipiant, ſed ii tantum, quibus per fidem, per caritatem, & per ſacramenta applicatur: cohærenter aſſero, Chriſtum in cruce pro electis oraſſe, *ut ſalutem conſequerentur*, quod optime expreſſit D. Thomas; pro reprobis vero oraſſe, ut iis quoque pararetur ſalubre medicamentum, neque ulli mortalium poenitentiam agenti denegaretur venia, atque in utraque parte exauditam fuiſſe Chriſti orationem. Audiendus eſt Auguſtinus ſerm. 175. aliàs 9. de verbis Apoſt. num. 2. & 3. *Ille autem, inquit, etiam cum occideretur medicus erat, vapulabat, & curabat: patiebatur pbreneticum, nec deſerebat agrotum: tenebatur, alligabatur, colapſis percutiebatur, arundine plagas accipiebat, irridebatur, inſultabatur ei, poſtremo occidebatur, dampnabatur, ligno ſuſpenderetur, undique circumferebatur, & medicus erat. Agnoſcis pbreneticos, agnoſce & medicum. Pater ignoſce illis, quia neſciunt quid faciunt. Iſi perdita mente ſæviebant, & medici ſanguinem ſaviendo fundebant: ille etiam de ipſo ſanguine ſuo agrotis medicamentum faciebat. Non enim fruſtra dixit: Pater ignoſce illis, quia neſciunt quid faciunt; orat Chriſtianus, & exauditur: orat Chriſtus, & non exauditur? Proſus exauditus eſt. Ibi erant, ibi ſæviebant. Erant in ipſo populo, a quo ipſe medicus occidebatur, & in ejus ſanguine etiam ipſis antidotum parabatur*. Haſtenus de Chriſti oratione.

DE CHRISTO MEDIATORE.

Poſtremo loco dicenda nonnulla ſunt de officio Mediatoris. Ac primo Chriſtum Mediatorem eſſe peculiari quodam titulo, & ad differentiam Sanctorum, quatenus ipſe ſolus nos redemit, ac pretio ſanguinis ſui debita perſolvit noſtra, quamvis etiam Sancti per Chriſti gratiam, & redemptione peracta, pro nobis fungantur interceſſorum officio, ſatis ſuperque demonſtratum eſſe contra Socinum, ac traditum ab Apoſtolo 2. ad Corinth. v. 18. prima ad Timot. ii. 5. aliſſ.

aliisque in locis innumcris . Inquirendum remanet , ſecundum quam naturam Chriſtus ſit Mediator , an ſecundum divinam , an ſecundum humanam , an ſecundum utramque . Miſſis itaque Socinianis , qui divinam in Chriſto naturam negant , aliisque Arianis & Ebionitis ; ſciendum eſt Andreæ Oſiandrum Lutheri diſcipulum , cum reſtaret ſententiam aliorum Novatorum , autumantium juſtificari homines per ſolam fidem , excogitaſſe abſurdiorē alteram , quam amplexi ſunt Joachimus Weſtphalus , & Joannes Wigardus , fieri ſcilicet juſtificationem per ipſam juſtitiam *ſubſtantialem* Chriſti ſanctis inhabitantem . Quem errorem oppugnaturus Franciſcus Stancarus Mantuanus addiſtus partibus Lutheranis in Apologia edita adverſus Wittembergenses , docuit Oſiandri ſententiam labili innixam eſſe momento , cum Chriſtus ſit mediator , & juſtificationis auctor , ſpectata tantum natura humana , quæ nequit juſtis ſingulis inhæreere . Ita Oſiander divinæ tantum naturæ , Stancarus humanæ duntaxat tribuit Mediatoris officium . Legatur Florimundus Ræmundus lib. 11. cap. xiv. num. 6. & cap. xv. num. 1. Contra Stancarum conſcripſit Joannes Calvinus duas ad Polonos epiſtolas : in quibus mediam ingreſſus viam tradidit Chriſtum Mediatorem eſſe ſecundum utramque naturam . Sed nec Calvinus recta inceſſit , autumans juxta utramque naturam Chriſtum perſunſtum Mediatoris officio : quum ſententia Catholica teneat , Chriſtum utique eſſe Mediatorem ut Deum & hominem , ſed ex humana tantum natura tanquam a principio , ut inquiunt , *formali* , prodiſſe opera redemptionis ; quæ a perſona Verbi exequentis quæ carnis erant , habebant pretium , valorem , ac dignitatem .

Hæc ſi probe diſtinguas , nihil occurreret in hac materia difficultatis : & quamquam ad ea diſtinguenda ſatis ſuperque ſufficiunt quæ diximus in conſutatione trium hæreſum , Monothelitarum , Neſtorianorum , Eutychianorum : majoris tamen perſpicuitatis gratia affirmo primum , non fuiſſe Chriſtum Mediatorem , prout eſt homo a perſona Verbi præciſus . Quod probatur primo , quia in noſtræ Redemptionis negotio non debet humanitas conſiderari a divinitate ſejuncta ; quoniam Chriſtus non potuit occidi niſi ut homo , & non potuit morti ſuæ tantum conferre pretium , niſi ut Deus . Atque id præcedenti cap. vi. ratione , & auctoritate probatum eſt . Deinde ipſum Mediatoris nomen commonſtrat , debuiffe Chriſtum habere aliquid cum Deo , & cum hominibus commune , quemadmodum docet Irenæus lib. 111. cap. 20. nunc 18. num. 7. Joannes Chryſoſt. hom. vii. in Epiſtolam 1. ad Timotheum , Theodoretus Dialogo 111. Laſtantius lib. 1v. cap. 25. & S. P. Auguſtinus in Enchirid. cap. 108. n. 28. lib. x. Confefs. cap. 42. num. 67. ſerm. 2. in Pf. 90. n. 1. aliisque in locis ſupra productis , Depromitur præterea illuſtris ratio ex ipſomet

Augustino lib. 1. de Consensu Evangelistarum cap. 35. num. 53. quæ ex Theologiæ nostræ principiis sponte fuit : & quam ut percipias , recole immutabilem virtutis regulam nihil esse aliud , quam sapientiam Dei : rectam esse rationalem Creaturam , dum hujus sapientiæ participes facta casto amore adhæret summo bono ; impiam vero , dum avertens mentis obtutum a luce sapientiæ , convertit se ad imaginem rerum commutabilium , atque his adhærescit amore noxiæ cupiditatis . Ut ergo hinc animus divellatur , & ad suprema redeat , opus habet ipsa Dei sapientia , quæ nos ex imis attrahat ad superna . Audi nunc citato loco Augustinum : *Quia omnia , quæ in contrarium pergunt per aliquod medium reducuntur , & ab æterna justitia temporalis iniquitas nos alienabat ; opus ergo erat media justitia temporalis , quæ medietas temporalis esset de imis , justa de summis , atque ita se nec abruptens a summis , & contemperans imis , ima redderet summis . Ideo Christus mediator Dei & hominum dictus est , inter Deum immortalem , & hominem mortalem Deus & homo , reconcilians hominem Deo , manens id quod erat , factus quod non erat .*

Nihilominus assero , quod si attendantur opera , per quæ Christus partes Mediatoris implevit , Mediator est in quantum homo . Principio id affirmat Apostolus in 1. ad Timoth. 11. 5. scribens : *Unus Mediator Dei , & hominum homo Christus Jesus* . Præterea Augustinus de Peccat. Origin. cap. 28. num. 33. inquit : *Non autem per hoc Mediator est , per quod æqualis est Patri* . Similia habet Tract. 82. in Joan. num. 4. & lib. x. Confess. cap. 43. num. 63. Deinde idem tradit Magister dist. 19. & antiqui omnes Scholastici , necnon S. Thomas q. xxvi. art. 2. Sylvius ibidem , Estius in dist. xix. §. 7. Denique ratione constat mortem , obedientiam , orationem , sacrificium crucis , & cetera Mediatoris officia peracta quidem esse a persona divina , sed ratione naturæ assumptæ . Quamobrem mirari soleo recentiores aliquos , qui longam instituunt disputationem , ut ostendant hæc non juvare Scantarianos . Isti enim cum Nestorio negabant Verbi personam redemptionis opera perpetrasse , affirmantes *in seipsum* adfuisse tantum naturæ humanæ , ut posset passionem perferre , ut inquit citato loco Ræmundus , Canisius in Præmonit. ad librum 1. de Corruptelis Verbi Dei , necnon Vasquesius disput. 83. cap. 2. At nos ipsum Dei Verbum passum , mortuum , & Mediatoris officio perfunctum profiteamur ratione humanitatis assumptæ , quam a Verbi persona minime separamus , refutantes hac fidei professione , Stancari , Osiandri , Calvinii , aliorumque omnium hæreticorum errores .

Habes hinc , Lector , quantum in Mediatoris officio Dominus Jesus discrepet a Sanctis suis . Primum quia humana natura Christi est Verbo unita *hypostatice* , Mediator est , ut inquirunt Theologi , per
me-

mediationem ſubſtantialem, ideſt, Mediator noſter non morali tantum affectu, ut ſancti alii, ſed *ſubſtantiali* unione conjunctus eſt Deo. Ille inſuper eſt reconciliatio & propitiatio pro peccatis totius mundi; alii habent miniſterium reconciliationis. Fecit ille proprio ſanguine ægrotis medicamentum: ceteri tantum dant operam, ut ægrotis medicina applicetur. Chriſtus eſt ſons gratiarum, lux, via, veritas, vita; alii Chriſti gratiam ſuppliciter petunt, lumen quærunt, viam commonſtrant, veritatem docent, vitam annuntiant. Chriſtus denique eſt Eccleſiæ caput, vivus Panis, Sacerdos & holocauſtum: ſancti autem ſunt Chriſti membra, paſcuntur ad Chriſti menſam, offerunt Chriſti viſtimam.

Denique inquirunt aliqui, an etiamnum ſedens a dextris Dei orando, atque interpellando pro nobis exerceat piſſimus Jeſus officium Mediatoris. Exercet utique. Nam Apoſtolus ad Rom. viii. 34. ait: *Chriſtus Jeſus qui mortuus eſt, imo qui & reſurrexit, qui eſt ad dexteram Dei, qui etiam interpellat pro nobis*: & ad Hebr. vii. 25. *Semper vivens ad interpellandum pro nobis*. Joannes etiam in priori Epiſtola cap. ii. 2. *Advocatum habemus apud Patrem Jeſum Chriſtum juſtum*. Legatur Auguſtinus Epiſt. 59. ad Paulinum quæſt. 5. nunc 149. num. 14. & 17. & Traſt. i. in Epiſt. Joan. num. 8. Joannes Chryſoſtomus hom. xviii. in Epiſt. ad Rom. hanc proferit rationem, quoniam Chriſtus in cælis *noſtri curam non depoſuit, & adhuc eandem caritatem conſtanter ſervat*. Scribit idem Theodoretus Tom. iii. pag. 70. Theophylaſtus in cap. vii. ad Rom. ac Patres alii. Me non latet eruditum Vaſqueſium diſp. lxxxii. cap. 2. contendere Patrum testimoniis, quod Chriſtus in cælis non oret, niſi naturam noſtram in Patris dextera collocatam inceſſanter Patri manifeſtando, ut inquit Paulinus Aquilejenſis in libro Sacroſyllabo, Nazianzenus orat. 36. num. 52. & Gregorius Magnus libro 22. Moralium cap. 13. Verum manifeſtat quidem Salvator Patri ſuſceptam pro nobis humanitatem; ſed non abſque interpellatione, atque oratione: quam ſi aliqui Patrum denegare videntur, aut ſermonem inſtituunt de oratione illa, quam fecit in diebus carnis ſuæ cum lacrymis & clamore valido, ut inquit Apoſtolus ad Hebr. v. 7. vel de oratione, qua petitur redemptio hominum, non redemptionis applicatio; vel de ea, quæ ſita eſt in vocibus oris, non in cogitationibus cordis. Priori ſenſu loquuntur Nazianzenus & Paulinus, poſtremo autem Gregorius: nam illi oppugnant hæreticos deprimentes perſonam Chriſti; hic vero demonſtrat æternam vitam corde potius, quam ore petendam eſſe. Proſeſto orationem Chriſti nihil gloriæ & majestati ipſius derogare, demonſtrat citato loco Theodoretus duorum regum exemplo: quorum unus ſi a regni conſorte petat, ut ei quiſpiam reconcilietur, *hoc ne* (inquit Præſul Cyrenſis) *de ejus qui*

petit dignitate detrahit ? Nequaquam . Atque hæc dicta sint de humani generis redemptione , de Unigeniti Filii Dei nimia erga nos caritate , de magno Sanguinis ejus pretio , & de beneficiorum omnium maximo perpetua contemplatione in memoriam revocando .

Hoc igitur pretio captivi cum redimuntur ,

Agnoscant quali conclusi carcere , quove

Ossessi fuerint morbo : quibus eripiendis

Succurri baud aliter potuit , quam morte Medentis :

inquit in Carmine de Ingratis cap. 54. alias 43. Aquitanorum decus , & Augustinianæ doctrinæ vindex , beatus Prosper .





DE THEOLOGICIS DISCIPLINIS LIBER VICESIMUS NONUS

*In quo disputatur de tempore perfectæ
Reparationis.*



ESCRIO, qua de causa recentiores Scholastici dantes operam Theologicis institutionibus politiori stilo tradendis, gravissimas disputationes de Christi ætate, ac de rebus ab ipso gestis omittant; nisi forte, quod hujusmodi dissertationes difficillimæ sint, easque sibi sacrarum Historiarum Scriptores, Chronologi, & Critici soleant jure suo quodammodo vindicare.

At ego illas penitus non prætermittam, propterea quod Chronologicæ saltem necessariae videntur, ut percipiantur libri xxv. supputationes; præsertim cum nostratium plurimi, non viri summi, ac domestici Norisii, sed Alexandri Natalis, doctissimi quidem, sed cum Usserio, ceterisque postremi ævi Chronologis haud recte de Christi ætate differentis, dediti pervolvendis lucubrationibus; atque assueti duntaxat lectioni Theologicorum librorum, qui nuper e Galliis ad nos cum magna Auctorum fama delati in dies typis Italicis recuduntur, nisi forte in controversiis ceteris, in his saltem a vero exorbitant: nec Norisii tantum, quod in Augustinenis doleo magnoperc, sed & Augustini de Christo affixo

fixo cruci Cofs. duobus Geminis sententiam aut deferunt; aut ignorant, necnon, si probe scio, in supputatione hebdomadam Danielis ignoranter, ac temere oppugnant. Perpaucis itaque disputationibus exornandis, quæ ad domestica limina Norisianam Chronologiam revocarent, dicandos putavi conatus istos tenuissimi ingenii mei, fortassis Instituti nostri fodalibus haud inutiles, exterisque minime ingratos. Et quoniam etiam sunt, qui ut uno, vel altero studiorum anno se plurimum profecisse videantur, vix conjicientes oculos in Serrium, Tillemontium, Honoratum, aut Criticum alium, vel Historicum recentiore, pervulgatis controversiis rejectis, disputare solent absque delectu de re aliqua, sciolis nova, & jucunda litteratorum congressibus; ut iis simul morem geram, ostendamque quid in vellicandis receptis traditionibus sit periculi, & audaciæ, inseram Chronologicis discussionibus aliquam animadversionem in Christi vitam. Ero tamen hac in re brevis, tum quia plura non patiuntur voluminis hujus angustiae; tum etiam quia opinione nostra Scholastica Theologia methodo, & ordine a nobis servatis tradenda est, ut juvenes his studiis peractis, certisque imbuti elementis, aut Ecclesiasticæ historiæ, aut lectioni sacrorum Canonum, aut Patrum monumentis se totos libero, ac maturo judicio devoteant. Si quis vero nobis auscultet; illum forte consilii non pœnitebit; neque ætate grandævus mirabitur se perperam diu luisse operam, quod nos fecisse maximo cum dolore experimur. Ceterum, ut me revocem ad munus pensumque meum; Doctores quoque Scholastici multa de rebus a Christo patratis differuerunt, Divus Thomas, Alexander Alenfis, Suaresius, Sylvius, alii: ut mihi succensendum non sit, quod nonnulla tradam necessaria admodum, & quibusdam forsitan eruditulis hæctenus incomperta.

C A P U T I.

Exposita sententia nostra de genere Herodis, hujus Epocha figitur, & explanatur.

CUM natus sit Jesus, teste Evangelista, in diebus Herodis regis; priusquam definiam annum salutiferæ nativitatis, statuere cogitavi Epocham Herodianam: quod nunc faciam, investigato genere ejusdem regis. Non consentiunt Auctores, cujas Herodes fuerit. Genus illum traxisse a primoribus Judæorum ait Nicolaus Damascenus apud Josephum lib. XIV. Antiq. cap. 2. nunc 1. num. 3. fuisse Idumæum genere scribit eo loci Josephus, necnon lib. 1. de Bello cap. 5. nunc 6. num. 2. Assentiuntur Hegeſippus lib. 1. cap. 14. Pho-

Photius in Biblioth. num. 238. Petavius lib. x. de Doctrina Temp. cap. 5. Natalis Alex. v1. Act. M. differt. 9. Valesius in Notis ad Euseb. lib. 1. cap. 6. Ufferius ad an. P. Jul. 4642. Ezech. Spanhemius in Stemm. Herodis , Cellarius in Hist. Herod. Noldius in Historia Idumææ , Sam. Basnagius in principio Annalium ; innumeri denique , cum orthodoxi , tum hæretici . Fuisse Aſcalonitam genere , ejuſque patrem , Antipatrum poſtea ab irruentibus Idumæis in Idumæam adductum , Aſcalone in templo Apollinis ſunſtum officio æditui narrat Eusebius lib. 1. cap. 6. ex Epistola Africani ad Ariſtidem , & S. Epiphanius Hæref. 20. quæ eſt Herodianorum : idem propugnat Baronius in Apparatu , Salius ad annum 3989. n. 12. in ſingulari opusculo de Herode Nicolaus Serarius , nec diſſentiunt Magdeburgenſes Cent. 1. lib. 1. cap. 3. Sive Idumæus fuerit , ſive Aſcalonita , fuiſſe alienigenam eſt communis traditio Patrum , quam defendunt Serrius Exerc. de Chriſt. 17. Tournellius q. 3. de Incarnat. art. 1. Witaffe q. 3. art. 1. cap. 1. Censendum eſſe indigenam , & Judæum genere contendunt Joſeph Scaliger in Animadverſ. Eusebianis ad an. 1983. Caſaubonus exercit. 1. in Baronium , Torniellus ad annum. 4018. num. 7. Daniel Huetius in Demonſtr. Evangelica prop. 1x. cap. 4. & Claudius Fraſſen diſp. 1. art. 1. ſect. 3. q. 5. Sententiam noſtram proxima theſi explicabimus .

PROPOSITIO I. Herodes alienigena dicendus eſt : an Idumæus fuerit , an Aſcalonita , incertum ; videtur tamen probabilior opinio eorum , qui illum exiſtimant Idumæum .

Demonſtratur prima pars teſtimonio Judæorum . In omnibus quippe Hebræorum Chronicis , Regnum Herodianum appellatur regnum *Proſelytorum* : deinde Joſephus lib. xiv. Antiq. cap. 2. nunc 1. num. 3. ait Antipatrum fuiſſe *genere Idumæum* ; fuit autem Antipater pater Herodis . Ibidem ait Nicolaum Damascenum deducentem Antipatri genus a primoribus *Judæorum* , mentiri in gratiam Herodis , quem fortuna ad Hebræorum regnum evexit . De eodem Antipatro ſcribit lib. 1. de Bello cap. 5. nunc 6. num. 2. *Erat autem genere Idumæus , & nobilitate , & opibus , & alia poteſtate gentis ſuæ princeps* . Probatum præterea traditione Patrum , quorum ſinguli Herodem faciunt *alienigenam* , etiamſi non videantur convenire in eo , an fuerit Idumæus genere , an Aſcalonita ; ſed hanc eſſe nominis , verborumque diſcrepantiam merito aſſeruit citato loco Petavius . Sive enim dixeris Antipatrum Aſcalone natum , & illinc abductum ab Idumæis cum Africano , atque Epiphanio ; ſive Idumæum genere , & Aſcalone commoratum , ut dicam paullo infra , perſiſtit ſententia Herodem adſtruens alienigenam , & cohærentia inter eos , quorum aliqui Herodem Aſcalonitam appellant , aliqui vero Idumæum . Torniellus & Fraſſen reſpondent non eſſe attendendam traditionem Patrum , quod nec de genere Herodis hi data opera pertracta-

tractarint, nec hæc quæstio ad fidem pertineat. Sed cum omnia argumenta, quæ adversus traditionem istam proferuntur, inepta sint, & futilia; intemperanter se gerunt, qui putant Patres omnes in errore fuisse versatos, maxime cum Patribus ipsis compertum fuerit tradi Judæorum historiis literisque certissimis, *primum alienigenam Herodem regem fuisse in gente Judæorum quo tempore Christus natus est*, ut inquit Augustinus lib. xii. contra Faustum cap. 42.

Herodem itaque fuisse Ascalonitam probant primò ex Julio Africano, qui in Epist. ad Aristidem apud Eusebium inquit *Herodem Antipatri fuisse filium: huic vero Herodem quemdam Ascalonitam, unum ex numero servorum templi Apollinis, quod Ascalone est, fuisse patrem: Antipatrum, cum admodum puer a latronibus Idumæis captus esset, cum iisdem diutius vixisse, eo quod pater præ inopia pretium pro redemptione illius solvere non valeret; moribus postea, atque institutis Idumæorum innutritum Hircani Judæorum Sacerdotis amicitiam fuisse consecutum*. Idem confirmant ex Epiphanio eandem historiam narrante ad hæresim xx. Herodianorum. Accedit S. Ambrosius lib. 111. in Lucam num. 41. Ad hæc Herodem *Ascalonitam* appellant S. Martyr Iustinus in Dialogo cum Tryphone, Theodoretus dialogo primo, Severus Sulpitius lib. 2. Historiæ sacræ, Photius etiam in Bibliotheca num. 76. licèt Cod. 238. faciat *Idumæum*, Eutychius denique Alexandrinus in Annalibus editis a Pocochio. Qui hæc sententiam propugnant, asserunt Herodem ab aliis Patribus dici *Idumæum* a nativitate, cum ab avorum origine fuerit *Ascalonita*. Atque ita facile singulos revocant ad concordiam.

At fuisse *Idumæum* genere affirmant longe plures, quibus ad stipulatur, ut vidimus, Flavius Iosephus. Hegesippus pariter lib. 1. cap. 14. scribit de Antipatro: *Is erat Idumæus genere, moribus apud suos clarus, non tenuis pecuniæ, & pravalida potentia*. Rupertus libro 9. in Gen. cap. 29. *Herodes*, inquit, *Alienigena, patre Idumæus, matre ortus Hebraica*. Qui autem huic sententiæ subscribunt, possunt reponere ab aliis Patribus Herodem dici *Ascalonitam*, quia et si Idumæus genere, quandoque Ascalonem inhabitaverit; quæ videtur sententia Norisii differt. v. de Epoch. Syromacedonum Tom. 11. pag. 542. Ex his probatur propositionis nostræ pars prima: Omnium prorsus consensu Herodes vel Idumæus est, vel Ascalonita: aut fuerit Ascalonita genere, & nativitate Idumæus; aut Idumæus origine, Ascalonita domicilio atque sede. At si ve Ascalonita, si ve Idumæum dixeris, semper alienigena est. Igitur Herodes est alienigena. Recte Serarius de Herode cap. 9. *Modò ex Hebræa gente non fuerit Herodes, cujusque gentis alterius fuerit, alienigena semper contra Scalligerum intelligitur*.

Quærenti a me tamen, cui parti potius adhæream, primum re-

reſpondeo me ſummopere eos commendare , qui vitantes ejuſcemodi conſlictum dicunt abſolute Herodem alienigenam : atque ut id afferam , ducor hiſce momentis . Primum eſt , quod hac ratione ſtat ſua cuique Patrum auctoritas . Alterum , quod docti viri ajunt hanc eſſe verborum conſiſtationem , & cum poſſunt facile componi Scriptorum diſſidia , non opus eſt ſingula expendere minutatim . Tertium quod Euſebius commendans traditionem Africani , laudat quoque ſententiam Joſephi ſcribentis Herodem paterno genere fuiſſe Idumæum . Quartum denique , quod inter Patres præſtantiffimi vocant Herodem alienigenam & profelytum , nihil de ipſius patria definiētes : ut Hieronymus lib. 1. in Oſeam cap. 3. & lib. 111. in Matth. cap. 22. S. P. Auguſtinus lib. xviii. de Civit. Dei cap. 45. num. 3. atque lib. xii. contra Fauſtum cap. 42. necnon Cyrillus Alexandrinus lib. vii. contra Julianum pag. 260. quorum teſtimonia magis videntur expedite ad eos revincendos , qui arbitrantur Herodem Judæam genere .

Deinde affirmo videri mihi probabiliorē ſententiam eorum , qui Herodem exiſtimant *Idumæum* . Movet autem me primò numerus & eruditio eorum Scriptorum , qui ſententiam iſtam propugnant . Deinde S. Ambroſius lib. 111. in Lucam num. 41. ait opinionem alteram tradi *ab his , qui ſive argumentati , ſive ſimpliciter docentes , ſive vera adſtruentes* Herodem fecerunt Aſcalonitam : in quæ verba adnotarunt Benediſtini , *Narratio illa ut prorsus fabuloſa , & commētitia rejicitur , neque omnino probatur Ambroſio* . Præterea non conveniunt Africanus atque Epiphanius , cum unus *Hierodolum* , ſive æditum Apollinis faciat Antipatrum , alter Herodem Antipatri patrem ; & aliunde conſtet patrem Antipatri appellatum fuiſſe *Antipatrum Antipam* , ex Joſepho lib. xiv. Antiq. cap. 2. nunc 6. quamquam fateor hæc poſſe facile conciliari , ſi Antipatro ac patri idem tribuamus in templo Apollinis miniſterium , & avo Herodis nomen *Herodis* ſimul atque *Antipatri* . Verum gratis id fingitur . Inſuper conciliari nulla ratione poteſt , Antipatrum fuiſſe non tenuis pecuniæ & prævalidæ potentiæ virum , ut cum Joſepho ſcribit Hegheſippus ; ac non potuiſſe *pro inopia* redimi ab Idumæis , quemadmodum Epiphanius inquit poſt Africanum . Item quod de Antipatro ſcribit Joſephus ex hoc redditur probabilius , quod vir miſerrimus & captivus non adeo facile veniſſet in amicitiam Hircani ſummi Judæorum Pontificis , neque is Mariannem neptem ſuam formæ venuſtate inſignem , & nobiliſſimo exortam genere Herodi locaſſet in matrimonium . Inſuper pater Antipatri , auctore ibidem Joſepho , tenuit totius Idumææ præfecturam : quomodo ergo Antipater captivus in Idumæam a latronibus adductus eſt ? Ad hæc cum Africanus opinionis ſuæ neminem alium laudet auctorem , quàm privatam traditionem quorundam , qui ſe

se faciebant Domini cognatos, Iosephus autem gentis suæ origines, historiaeque conscribat, antiquior etiam sit, & ætati Herodis proximior, huiusque avum, parentes, uxores, filios, universamque familiam recenseat; huic potius, quam illi videtur fides præstanda. Hæc sunt quæ me permovent, ut Herodem asseram Idumæum.

Non hinc tamen inferitur, male a multis Patribus dictum *Ascalonitam*. Enimvero constat ex Iosepho citato loco Antipam patrem Antipatri fecisse amicitiam cum Arabibus, Gazæis, & Ascalonitis, eosque sibi multis & magnis muneribus conciliovisse. Factum id, uti adnotavit dissert. v. de Epoch. Syromaced. Norisius, ut si forte æmulo- rum invidia excideret a gratia Alexandri regis, posset Ascalonem ad amicam urbem secedere. Valde itaque probabile est majores Herodis quandoque Ascalone fuisse commoratos. Confirmat sententiam suam Norisius, ex quo Herodes ad regnum evectus, memor pristinae amicitia, & paterni domicilii construxerit *Ascalonitis balneas & fontes magnificos, prætereaque peristylia tam opere, quam magnitudine suspicienda*, ut ait Iosephus lib. 1. de Bello cap. 16. nunc 21. num. 11. Cæsar etiam Herodis sorori Salomi ades regias in Ascalone largitus est, ut inquit idem Historicus lib. 2. de Bello cap. 4. nunc 6. num. 3. Igitur Herodes & Idumæus, & Ascalonita recte dicitur; Idumæus genere, Ascalonita domicilio, semper tamen *profelytus, atque alienigena*.

Qui Herodem putant Judæum, opponunt primo testimonia Scriptorum, Nicolai Damasceni, de quo supra: ipsius Iosephi, qui lib. xx. cap. 6. nunc 8. num. 7. sermonem instituens de rixa inter Judæos, & Syros orta Cæsareæ, inquit: *Judæi primas sibi deferri volebant, quod Rex illorum Herodes fuerit Judæus*. Libro etiam xv. Antiq. cap. 14. Judæi ab Herode dicti sunt *viri ejusdem originis, ædificatores*. Strabo quoque lib. xvi. Geographiæ Herodem vocat *Ἰουδαίου, virum indigenam*. II. Si Herodes fuisset Idumæus genere, ad solium evectus studuisset Idumæorum ritus inducere, quemadmodum Hircanus coegerat Idumæos ad Judæorum legem, ac politiam. III. Ex Iosepho lib. xv. cap. 7. num. 9. Costobarus Idumæus factus gener regis indignum existimabat Idumæos servire Judæis. Herodes ergo Idumæos ipsos in suam libertatem vindicavisset, si ortus esset eodem genere. IV. Hircanus alienigæ non locasset in matrimonium nepotem suum Mariannem, cum id Exodi xxxiv. 16. & Deut. v. 11. 3. inhibeatur. V. Præstulit Herodes Judaicæ legis zelum maximum, adeo ut Cæsar apud Macrobius lib. 2. Saturn. cap. 4. cum audisset Herodem occidisse filium suum, dixerit, *Melius est Herodis esse porcum, quam filium*. Ejusdem religionis argumentum sunt instauratum ab ipso Templum, sollicitudo ne statua Caji Cæsaris peristeret in sacris ædibus, aliaque hujus generis facinora. VI. Nisi Judæus Herodes fuisset

ſuiſſet, falſitatis convinceretur vaticinium Genetiſ xxv. 23. *Major ſerviet minori*, quandoquidem Idumæi originem ducentes ab Eſau imperaſſent Jacobi poſteritati. VII. Multo magis corrueret oraculum Jacobæum Gen. xli. 10. de non auferendo ſceptro de Juda uſque ad Meſſiæ adventum; nam ablatum foret anno ante Chriſtum 35. dum Herodes regnum Judæorum adeptus eſt. VIII. Matth. 22. commemorantur Herodianī. Hi exiſtimabant Herodem eſſe Chriſtum, juxta Epiph. h. 20. Incredible eſt autem habitum fuiſſe, ut Meſſiam, principem non Judæum. IX. Tandem Idumæi quoque erant Judæi: ſi ergo Herodes fuit Idumæus, Judæus fuit.

Reſp. ad primum nil probare prædictorum Scriptorum teſtimonia, nam Nicolaum Damascenum in gratiam Herodis mentitum affirmat Joſeph lib. xiv. cap. 1. num. 3. Ad ſeipſum, ceteroſque intelligendos, faciem præfert idem Hiſtoricus lib. xlii. cap. 9. num. 1. ubi de Idumæis ab Hircano deviſtis inquit: *Illi vero patriæ ſuæ amore tum circumciſionem admiferunt, tum vitam in ceteris ſimiliter ac Judæi agere conſtituerunt. Atque eo tempore ipsis contigit, ut deinceps Judæi eſſent.* Hoc ſenſu dici *ἱουδαῖοι* Judæos, atque Idumæos a Stephano, & a Strabone, compertum eſt. Ergo Judæi, Idumæique idem genus ſunt, quatenus Judæorum nomine veniunt recuti, & ritibus Moſis additi; non quatenus designantur eo nomine poſteri Jacob. Alterum diluitur iis, quæ de moribus Herodis narrantur lib. xv. Antiq. cap. 9. num. 6. *Cogebatur a receptis moribus decedere & patriæ inſtituta violare, dum & urbes ambitioſa ſui oſtentione conderet, & templa erigret, non hæc quidem in Judæa, nam Judæi nunquam tuliſſent, cum nobis interdictum ſit ſtatuas & ſimulacra Græcorum more colere, ſed alias regiones & urbes ita inſtruxit & ornavit, Judæis ſemet purgans, quod non ſuapte ſponte, ſed ex jūſſu & mandatis hoc faceret, a Cæſare vero & Romanis gratiam iniens, quaſi non adeo patriis moribus, ac eorum honori ſtuderet.* Itaque Herodes non induxit ritus Idumæos, ne Judaicum populum adverſum ſe concitaret, & quoniam Hebræorum ſtatutis imbutus veram noverat religionem. Ad tertium reſpondeo Coſtobarum fuiſſe de genere Sacerdotum Coze, quem Deum exiſtimant Idumæi, ſtudiſſe autem, ut Judæorum excuteret jugum, quod arbitrabatur acciſis Herodis viribus facile ſe poſſe gentis Idumææ dominatum adipiſci, inquit Hiſtoricus lib. xv. cap. 7. num. 9. Perperam itaque comparatur proſelyto & regi homo principatum affectans atque idololatra. Ad quartum dico primum, vetitum Judæis jungere connubia cum idololatriſ, ut liquet ex locis objectis; Herodem vero fuiſſe *proſelytum*: deinde peto a Torniello & Fraſſenio, qui adeo commendant Herodis pro lege zelum, & has argutiunculas objectant, cur Herodes Coſtobaro Idumæo, apud Joſephum cit. loco, *Salomen ſororem ſuam nuptui dedit?* Ad quintum

idem, ac ad secundum esto responsum; ne longior sim narrando fer-
 vitudinem qua Herodes Judæos premebat, insidias quas struxit Ari-
 stobulo, eadem Hircano illatam, interfectam Mariannem, aliaque
 flagitia innumera. In argumentatione sexta non immorabimur, longo
 enim tempore posteri Jacob tenuerunt principatum in filios Esau, at
 non semper. Quod sequitur nullius est ponderis; tempore quippe Hero-
 dis sceptrum penitus ablatum est, & quia ipse fuit Rex primus alieni-
 gena, & quia non permansit eo regnante *Dux de femoribus Juda*, ait
 Hieronym. lib. 3. in Matth. cap. 22., *Rex de semine Juda*, inquit Augu-
 stinus lib. XII. contra Faustum cap. 42. *Principes ex tribu Juda & David*
qui per successores sceptrum ad regnum Herodis usque transmiserunt,
 scribit Cyrillus lib. VII. contra Julianum 260. Quo autem pacto ad
 Herodem usque sceptrum permanferit non solum in Judæorum populo,
 sed etiam *in tribu David, in semine Juda, in duce ex bujus femoribus*
orto, diximus alibi. Si vero cum viris doctis sceptrum referas ad solum
 regem genere Judæum; dico ablatum quidem paullo ante Christum,
 sed non esse vaticinium Jacobæum ad punctum & particulam temporis
 coarctandum: nam & in magnis rerum eventis solet tempus diu-
 tinum designari, ut dum dicimus adventurum Antichristum in fine
 mundi: & signum debet rem, quam promittit, præcedere. Sane
 Jacobi vaticinium eventum omnium maximum portendebat: & sce-
 ptri Judaici finem tanquam signum illius eventi prænuntiabat. Fa-
 ctor tamen non posse falsitatis convinci celeberrimum vaticinium,
 etiam si Herodes dicatur *indigena*, quoniam successor ejus Archelaus
 non obtinuit a Cæsare *regii nominis honorem*, ut legimus lib. XVI.
 Antiq. cap. 13. nunc II. num. 4. Quare sententia Tornielli, Frasse-
 nii, & Huctii nullatenus enervat, ut quidam arbitrantur, oracu-
 lum Jacobæum: sed rejicitur a nobis tantummodo tanquam falsa.
 Ad objectionem octavam dico in sententia Hieronymi Herodianos
 fuisse *Herodis milites*, & S. Doctoris lib. III. in Matth. pag. 104.
 Tomi IV. hæc verba legi: *Quidam Latinorum ridicule Herodianos*
putant, qui Herodem Christum esse credebant: quod nusquam omni-
no legimus. Sed dato id Herodianos credidisse; quid mirum hos He-
 rodem pro Messia coluisse, quum Joseph Historicus Messiam dixerit
 Vespasianum, alique Simonem Magum, & Dosithæum Samaritas?
 Adde hoc argumento, si quid evinceret, etiam probari Herodem
 esse filium Davidis, atque de Tribu Juda, quoniam verus Messias e
 semine David expectabatur. Postrema obiectio facillime ex dictis
 diluitur, quoniam Idumæi erant quidem Judæi religione, sed genere
 atque origine *adipisci, profelyti, alienigena*; qualem fuisse Hero-
 dem dixi hæcenus: nunc de Epocha.

PROPOSITIO II. Duplex distinguenda est Epocha Herodiana, qua-
 rum prima figenda est anno U. C. 714. P. Julianæ 4674. Cofs. Domi-
 tio

tio Calvino II. & Afinio Pollione : altera anno U.C. 717. P. Jul. 4677. Coſs. M. Vipſanio Agrippa, & L. Caninio Gallo .

De priori Epocha conſentiunt accuratiſſimi Chronologi , Peta-
vius lib. x. de Doctrina Temp. Noriſius diſſert. 2. Cenot. Piſan., diſ-
fert. v. de Epoch. Syromaced. & in Paræn. ad Johan. Harduinum, Uf-
ſerius ad annum 3964. Calviſius in Auguſto, Pagius in Apparatu
num. 80. Baſnagius ad an. P. Jul. 4711. Auſtor Chronologiæ ad Bi-
blia Antonii Vitrè, & poſt doctrinam temporum majori in lumine
collocatam, omnes propemodum. Demonſtratur autem I. Joſeph
lib. xiv. Antiq. cap. 14. num. 5. olim cap. 26. inquit de Herode: *Ille
regnum ſuſcipit Olympiade centeſima nonageſima quarta, Cajo Do-
mitio Calvino iterum, & Cajo Afinio Pollione Conſulibus*. Eadem
repetit lib. 1. de Bello cap. xiv. n. 4. Perſpicuum eſt autem Conſula-
tum Calvini, & Afinii Pollionis concurrere cum anno Auguſti Im-
peratoris quinto, correptionis Julianæ ſexto, P. Jul. 4674. & U. C.
714. nullo Chronologorum diſſentiente. II. Utroque loco Joſephus
narrat Herodem decreto Senatus ſalutatum regem, *quod etiam ad
Parthicum bellum expediret ut rex fieret*. Atqui Parthi aggreſſi Sy-
riam ducibus Pacoro regis Parthorum filio, & Labieno, univerſam
ſubegere anno U. 714. ex Dione Caſſio lib. 48. pag. 372. edit. Hano-
viæ, atque ex ipſo Joſepho lib. xiv. Antiq. cap. 2. Igitur eodem an-
no U. 714. Herodes a Romanis declaratus eſt Rex. III. Joſephus eo
loci ſcribit occupatam Syriam a Parthis altero anno ab adventu An-
tonii in Aſiam. Antonius vero in Aſiam ſe contulit anno Romæ 713.
ex Dione ibidem. Sequenti ergo anno 714. Herodes ſenatusconſulto
declaratus eſt rex Palæſtinæ & Judææ. De priori hac regni Herodia-
ni Epochâ nulla difficultas ſuperèſſe videtur, inquit Cl. Pagius in
App. num. 90. Similia Noriſius de Nummo Herodis Antiq. Tom. 2.
pag. 655. Emanuel a Schelſtrate diſſert. 1. Antiq. Eccl. cap. 2. art. 1.
aliique complures.

Altera Epocha figenda eſt in anno, quo captis a Soſio & Hero-
de Jeruſolymis, atque interfecto Antigono, ipſe Herodes rerum
potitus eſt: quod etſi non omnino ſit exploratum, contigſſe arbi-
tratur anno U. Romæ 717. Conſ. Agrippa, & Gallo. I. Joſeph.
lib. xiv. Antiq. cap. 28. nunc 16. num. 4. ait accidiſſe Jeruſolimita-
rum cladem *M. Agrippæ & Caninio Gallo conſulibus, olympiade cen-
teſima, & octogeſima quinta, menſe tertio, jejunii ſolemnitate,
tanquam recurrente in idem temporis momento illata a Pompejo Ju-
dæis calamitate: nam & eodem die ab illo poſt ſeptem & viginti annos
Jeruſolyma capta fuerat*. Memoratum conſulatum incidere in an-
num U. 717. commonſtrant Faſti. Occupatam a Pompejo Jeruſoly-
nam Coſs. M. Cicerone, & Antonio, ideſt, anno Romæ 691.
narrat etiam Dio lib. 36. pag. 36. Hinc ergo connumeratis annis 27.
per-

pervenitur ad consulatum M. Agrippæ, & Caninii Galli, & duplici nota, Faſtorum ſcilicet, & devictæ a Pompejo Jeruſolymæ, conſtat hanc a Soſio, & Herode fuiſſe occupatam anno 717, urbis Romæ. II. Conſentiunt omnes captam Jeruſolymam proximo anno poſt ſecundam victoriâ, quam de Parthis retulit Ventidius. Is Labienum Parthorum ducem priori conſictu devicit anno U. 715. juxta Dionem lib. 48. pag. 385. Id confirmat Cl. Pagius in App. num. 91. & ſeq. ex quo Ventidius ab Antonio miſſus fuerit ad reprimendos Parthos poſt ultimum ſœdus initum cum Cæſare, ut liquet ex Vellejo cap. 77. libri 2. & Appiano lib. 5. de Bello civ. At de pace pertractatum non eſt, niſi labente anno 714. ex ipſo Dione libro 48. pag. 376. dum Sextus Pompejus occupata Sicilia vaſtabat Italian; ideoque non potuit Ventidius Lambienum ſuperare, niſi vertente anno U. 715. Atqui ſecunda victoria Parthica, qua P. Ventidius Pacorum in Syria Cyrrheſtica prælio vicit, contigit elapſo anno poſt primam e Labieno relatam: non ergo accidit ante annum U. 716. quo etiam anno narratur a Dione libro 49. pag. 404. cumque Chronologis omnibus aſſentientibus Soſias & Herodes Jeruſolymas expugnaverint anno proximo poſt ſecundam victoriâ P. Ventidii, idque colligatur etiam ex Joſepho lib. xiv. Antiq. cap. 27. nunc 15. num. 7. & lib. 1. de Bello cap. 12. nunc 16. num. 6. conſequens eſt Jeruſolymitanam cladem conſignandam eſſe anno Romæ 717.

Dixi tamen id omnino exploratum non videri. Doctiſſimus enim Norſius diſſert. 2. Cenotaph. Piſan. contendit captas Jeruſolymas anno U. 716. Claudio, & Norbano Coſs. quoniam hoc anno conſignatur a Dione facta a Soſio & Herode expugnatio lib. 49. pag. 405. ubi etiam Dio addit: *Anno inſequenti nihil memoratu dignum a Romanis in Syria actum eſt*. Addit Scriptor Eminentiſſimus Joſephum deceptum anno Sabbatico, qui inchoatus fuit anno U. 716. menſe Tiſri, exiitque vertente anno 717. ideoque Joſephum annum captæ urbis illum putaffe, quo exhibit annus Sabbaticus, cum revera fuerit A. U. 716. Vide Tom. 111. pag. 231. Ita valde probabile eſt, ex Dione corrigendum eſſe Joſephum. Fateor tamen me in priorem ſententiam propendere: primum quia ubique Joſephus ſibi conſtans ait Herodem caſtra prope urbem metatum anno tertio poſtquam Romæ declaratus rex fuerat, & regnaſſe annos 34. ab interfecto Antigono, poſtquam vero rex designatus eſt a Romanis, 37. Ita lib. 1. de Bello cap. 13. nunc 17. num. 8. & cap. ultimo num. 8. Videntur ergo tres anni inter unam, & alteram Epocham ſtatuendi. Præterea Joſephus conſignans cladem Jeruſolymitanam anno U. 717. diem, menſem, olympiadem, & priorem expugnationem commemorans ſatis oſtendit quantum hac in re fuerit accuratus. Deinde præcedentia argumenta ipſius Dionis teſtimo-

ſimoniis corroborata aperte evincunt Dionem, non Joſephum erraſſe ; quod Toinardus, Pagius, aliiſque viri doctiſſimi hujus problematis inſpectioni toto ingenii niſu inſudantes rem nunc definitam, & in luce poſitam arbitrantur . Verum tanta eſt Noriſii in Chronologicis difficultatibus enodandis diligentia, tantum argumentorum ejus pondus, & tanta ipſius apud omnes exiſtimatione, ut illius judicium nec poſſim, nec debeam extrudere ; præſertim cum id parum ſcopo hujus diſceptationis afferat adjumenti .

PROPOSITIO III. Herodes deceſſit ante feſtum Paſchatis anni U. C. 751. a palilibus, ſive antequam exiret annus U. C. 750, Auguſti 41. correctionis Jul. 42. & P. Julianæ 4710. quo autem menſe præciſe, arduum eſt definire .

In priori propoſitionis parte conveniunt recentiores Chronologi, in altera plurimum diſſentiunt ; nam Herodem fatiſ ceſſiſſe circa feſtum Paſchatis anni U. C. 750. putant Petavius lib. x1. cap. 1. & lib. x111. ad annum P. Julianæ 4710. Henſchenius & Papebrochius in Apparatu ad Chronolog. Pontificiam, quæ præmittitur Tom. 1. Aët. SS. Aprilis, Tillemontius in Hiſt. Imp. Tom. 1. p. 2. pag. 1041. aliiſque viri doctiſſimi . Herodem vita functum eodem anno U. 750. die 25. Novemb. tenent Uſſerius ad annum P. Jul. 4710. Schellſtratus diſſert. 1. Antiq. Eccleſ. Franciſcus Blanchinus in Chronolog. Conſul. Tom. 2. Anaſtaſii Prolog. p. 164. Antonius Pagius in App. n. 142. nec diſſentit Noriſius in diſſert. de nummo Herodis Antipæ Tom. 2. p. 654. ſed Pagius hoc aſſerit ex ſententia Uſſerii, nec aperte negat contigſſe mortem Herodis ſequenti anno circa feſta Paſchalia, quod & propugnat Noriſius diſſert. 2. Cenotaph. Piſan. Tom. 111. pag. 232. & ſeq. Hi enim duo viri de Chronologia optime meriti certo ſtatuunt Herodis obitum ante feſtum Paſchatis anni Romæ 751. a palilibus, diem ex ſententia Uſſerii duntaxat innuentes . Eo denique anno 751. non vertente 750. ad fata Herodem veniſſe ſcribunt loco nuper laudato Noriſius, Aegidius Bucherius in Belgio Romano lib. 11. ſect. 3. Samuel Baſnagius ad annum P. I. 4711. ſive 43. Juliano, & U. 751. His poſitis primam theſis partem ſic demonſtro . I. Herodes regnavit annos ab interfecto Antigono 34. & ex quo ſalutatus fuerat rex a Romanis 37. Scribit enim Joſephus lib. 17. Antiq. cap. 10. nunc 8. num. 1. *Quinto poſt occiſum Antipatrum die vitam finivit, cum regnaſſet poſt interfectum Antigonom annos triginta quatuor, poſtquam autem rex a Romanis creatus fuerat, triginta ſeptem*. Et lib. 1. de Bello cap. ult. num. 8. *Poſtquam autem a filii eade quinque dies vixiſſet, mortem obiit, cum ſcilicet regnaſſet annos quidem triginta quatuor, ex quo Antigono interfecto verum poſitus eſt, triginta vero ſeptem ex quo rex a Romanis declaratus eſt*. At ſive ſupputentur anni 37. ab anno U. 714. quo demonſtratum eſt Herodem

dem acclamatum fuisse regem; sive anni 34. ab anno U. 717. quo cum Sosio Ierosolymas expugnavit, pervenitur ad annum Romæ 751. Hoc ergo anno Herodes magnus interiit. II. Post Herodis obitum ejus filii Romæ apud Augustum de paterna hæreditate judicio disceptarunt: atque hoc judicium habitum Lentulo & Messalino Cofs. constat ex quo eidem interfuerit Cajus Cæsar superiori anno Kalendis Januariis Consul destinatus, nec interesse potuerit Lucius Cæsar. designatus consul anno insequenti, Conf. Augusto x111. & Silvano, idest, anno Romæ 752. a palilibus. Decefferat ergo Herodes ante Azymorum festivitatem Cornelio Lentulo, & Valerio Messalino Consulibus, & anno Urbis 751. Præterea Archelaus successor Herodis, accusantibus fratribus ac primoribus Judæorum ab Augusto Viennam in Galliis relegatus est, *anno regni nono*, ex Josepho lib. 2. de Bello cap. 6. nunc 7. num. 3. sive *anno decimo*, ex eodem Auctore lib. 17. Antiq. cap. 15. nunc 13. num. 4. idest, expleto anno *nono*, & *decimo* inchoato. Pulsus vero in exilium Archelaus *nono* principatus sui exacto anno consentiunt omnes, Eusebius ad annum Augusti 56. Beda Tom. 7. p. 195. Philippus Bergomas Historicus Ordinis lib. viii. Supplem. Petavius, Norisius, Pagius, Tirinus, Ufferius, Scaliger, omnes. Disceptatur tantum de anno hujusmodi exilii. Et quamquam Ecclesiasticorum Annalium Parens id contigisse contendat anno U. 767. paullo ante mortem Augusti, quem fatis cessisse hoc anno duobus Sextis Consulibus, 14. Kalendas Septembris, *est doctorum omnium sententia*, inquit Fastorum Pater Panvinus lib. 2. Fast. cap. 302. attamen compertum modo est Archelaum pulsus in exilium anno Romæ 760. Cofs. Gretico, & Nerva, septem annis ante Augusti obitum. Relegato enim Archelao Quirinius ejus facultates redegit in censum, *anno post Actiacam pugnam trigesimo septimo*, ex Josepho lib. xv111. cap. 3. nunc 2. num. 1. Cumque pugna Actiaca contigerit anno Urbis 723. Cofs. Augusto 111. & Messala, annus 37. a pugna Actiaca inceptus est tricesima die mensis Augusti anno U. C. 760. Ab hoc ergo anno retro enumeratis integris annis novem, devenitur ad annum U. 751. ideoque hoc anno Herodes magnus obierat. Liqueat autem ex dictis Josephum sibimet per omnia constare, & perperam damnari a multis antilogiæ. IV. Julia Augusti filia in exilium deportata est anno U. C. 752. Cofs. Augusto III. & Silvano, ob turpem vitam, & deditam libidini consuetudinem. At Philippus Tetrarcha filius Herodis Bethsaidam urbem ornatam splendidissimis ædificiis è nomine filiæ Augusti appellavit *Juliam*, non ut quidam autumant in honorem Liviæ Augusti uxoris, urbem *Julia* confundentes cum ædificata ab Herode Antipa fratre Philippi *Julidae*. Vide lib. 18. Antiq. cap. 3. nunc 2. num. 1. At numquam Julia ingrata Cæsari, adulteriisque infamis a Philippo tales habuisset

bono-

honores . Præcedenti ergo anno Philippus Tetrarchiæ potitus Bethſaidam ornaverat , & appellaverat *Juliam* .

Ex his conſtat Herodem vita functum ante Paſcha anni Romæ 751. Dixi autem perdifficile eſſe definire præſiſum mortis tempus . Obiſſe illum anno 750. ante Paſcha, videtur colligi ex eclipſi lunæ hujus mortis prænuncia, ut legitur lib. 17. Antiq. cap. 8. ſive 6. n. 4. quam eclipſim Keplerus , & tabulæ Aſtronomicæ conſignant die 13. Martii tribus oris ante ſolis ortum , apud Bucherium in Belgio Rom. lib. 2. pag. 79. & Petavium lib. x 1. de doct. Temp. Tom. 2. pag. 292. Præterea conſtat ex Dione lib. 55. pag. 567. Archelaum trans alpes relegatum M. Aemilio Lepido , & L. Arruntio Coſs. ideſt , anno U. C. 759. ideoque exordium habuit Archelai principatus ab anno 750. Inſuper liquet ex nummo Rigordiano , de quo extat erudita diſſert. Noriſii , Herodem Antipam attigſſe Tetrarchiæ ſuæ annum. 43. extat enim in poſtica , ΗΡΩΔΗΣ . ΤΕΤΡΑΡΧΗΣ . L. ΜΤ. *Herodes tetrarcha , anno quadrageſimo tertio* . Atqui in altera nummi parte cuſum eſt nomen Caſaris , cujus poſtremus imperii annus eſt U. C. 793. Ab hoc ergo anno detractis 43. adinventur annus Urbis 750. ac primus tetrarchiæ Herodis Antipæ . Obiter nota Rigordii nummum Pariſiis delatum ab omnibus eruditis judicatum fuiſſe antiquiſſimum , & germanum , & Cl. Noriſium , qui initio dubitabat num eſſet adulterinus , depoſuiſſe tandem omnem dubitationem . Legendus Schelſtrate diſſ. 1. p. 32.

Deceſſiſſe Herodem eodem anno 750. labeſcente Novembri , conjiciunt alii ex cit. lib. 17. Joſephi , ubi narrat poſt prædictam eclipſim , ſumptumque de Matthia , ceteriſque ſeditioſis ſupplicium , Herodem ingreſſe morbo , & pœnam impietatis exigente Numine , proſectum ultra Jordanem calidis aquis ſe fovifſe apud Callirrohen , reverſum deinde Hierichuntem , vocatos ad ſe Judæorum nobiliores concluſiſſe in circo , aliud teſtamentum condidiſſe , mandaſſe necem Antipatri , & exactis ab hujus morte diebus quinque ceſſiſſe fatiſ . Quæ omnia longiori egent tempore , quam quod inter diem 13. Martii , & feſtum Paſchatis interceſſit . Præterea Hebræi die ſeptimæ menſis Ciſleu , ideſt , die 25. Novembris feſtum celebrant ob mortem Herodis , ut liquet ex ספר חנונית , *Sepher thabanith* , ſeu ex Volumine Jejunii edito Amſtelodami anno 1659. ubi cap. 9. pag. 45. legitur , בשבעה ביה יום טוב יום שמת הרודוס מפני שהיה הרודוס שונא את החכמים , *Septima die hujus , feſtiva dies ; in hac enim mors Herodis ; & habuit odio Herodes ſapientes* . Fertur autem volumen illud Jejunii ſcriptum a ſociis Rab. Eliezer Ben-Chaninà , qui floruit paulo poſt obitum ipſius Herodis . Atque hoc argumentum præcipuum eſt Livellii , Uſſerii , Emanuelis a Scheleſtrate , Graveſonii , aliorumque multorum ; quod diximus proſus non rejici a viris erudiſſimis Pagio , & Noriſio ,

20V,

Qq9

Demum

Demum qui putant Herodem decessisse ante festum Paschatis anni Urbis 751. atque Paschate ipso imminente, his momentis ducuntur. Primo melius in hac sententia enumerantur anni Herodis 37. de quibus supra, & triginta quatuor a morte Antigoni; cum hi anni mense Novembri A. 750. vix fuerint inchoati. Deinde si Herodes obiit paullo ante Pascha, fateatibus adversariis, annus tricesimus septimus, ex quo Herodes declaratus fuit rex a Romanis, nec inchoatus erit; quoniam declaratus fuit rex labente autumno anni U. 714. Obiisse autem paullo ante Pascha, præter consensum omnium omnino veterum Chronologorum, videtur aperte demonstrari ex ipso Josepho, quia lib. 17. Antiq. cap. 11. nunc 9. num. 3. narrat instante festo Azymorum nonnullos Judæorum decessisse Matthiam, aliosque Aquilæ aureæ violatores ab Herode supplicio affectos, *clamoribus, & ejulatu in defunctum regem iustantes convicia*: quod Historicus repetit lib. 2. de Bello cap. 1. & licet Judæi ad tempus animi amaritudinem simularint, perperam tamen asseritur a Novembri ad Pascha conceptum dolorem corde intimo compressisse; præsertim cum Herode mortuo necessaria non fuerit hæc simulatio. ad regis indignationem evitandam.

Quamquam vero is ego non sum, qui possim hunc nodum dissolvere, atque ad institutum meum sat est, Herodem vita functum ante festivitatem Azymorum anni U. 751. quod puto evidentissime demonstratum: fateor tamen videri mihi postremam sententiam probabiliorem. Ad quam confirmandam tria addam argumenta. Ac primum sit. Joseph citato cap. 2. lib. 2. de Bello narrat Archelaum diebus septem in lugendo patrem consumptis, epulisque feralibus populo exhibitis, indutum candida veste processisse ad Templum folioque aureo residentem cunctis in gratiam populi postulatis annuisse. Deinde celebratis hostiis, invitasse amicos ad epulas: & ea die post meridiem excitatum fletum eorum, qui plorabant damnatos ob Aquilam auream. Deinde (inquit Historicus ibidem n. 2.) *re divina factis cum amicis convivia inibat. Ibi igitur sub vesperam non pauci ex illis, qui novis rebus studebant congregati, quando pro rege in communi luctu esse deserunt, vicem suam lamentari caperunt eos lugentes quos supplicio affecerat Herodes propter Aquilam e templo auream e templi porta excisam*. Paucis ergo diebus post Herodis funera seditionis auctores tumultus excitaverunt; cumque id factum sit instante festo Azymorum, quis non videt Herodem paullo ante Pascha obiisse? Accedit argumentum alterum. Ait eo loci Josephus hac seditione irritatum fuisse Archelaum, *quod Romam proficisci omni festinatione pararet*, nimirum eò iter arripuerat Antipas paterni regni competitor. Hinc metu perculsus Archelaus immisso tribuno cum cohorte militum studuit cohibere seditionis auctores, deinde irritata multitudine

tudine immiſit exercitum , pedites per civitatem , equiteſque per campum , dum omnes ſacris faciendis intenti eſſent : atque ita compoſitis rebus , & reliſto Philippo , ut ſimul regias tueretur , ſuamque domum curaret , *Iſpe cum matre , nec non & Popla , & Ptolomæo , & Nicolao amicis ad mare deſcendit* . Vide & lib. xvii. Antiq. cap. 11. nunc 9. num. 3. At magna profeſſo eſſet ſolicitudo , & itineris feſtinatio , diſcedere Jeruſolymis poſt feſtum Azy-morum , cum pater ſex antea menſibus e vita migraveſſet ! Tertium argumentum eſt hujusmodi . Eodem libro 2. de Bello cap. 1. nunc 2. num. 2. ait Hiſtoricus : *Illis autem (Archelao & ſociis) Cæſareæ obviam ſit Sabinus Syriæ præſes , in Judæam aſcendens ad pecunias Herodis cuſtodiendas* . Sabinum in itinere properaſſe & ratio proficiſcendi commonſtrat , & tradit idem Hiſtoricus lib. xvii. Antiq. citato loco , pagina poſtremæ edit. Amſt. 851. At eſt prorsus incredibile Sabinum e Syria adventaſſe Cæſaream duntaxat poſt Paſcha , dum properabat ad cuſtodiendam demortui regis pecuniam . Hæc itaque me in tertiam ſententiam magis trahunt .

Si quis ergo hanc præferendam ſentit , momentis , quibus aliæ ſententiæ nituntur , poterit reſpondere eclipſim , quæ contigit ante Herodis obitum , fuiſſe quemdam lunæ pallorem , ut ſolis deliquium , de quo idem Hiſtoricus lib. xiv. Antiq. cap. 21. nunc 12. num. 3. & quod eclipſim ſolare non fuiſſe demonſtrat Petavius lib. x. de doct. Temp. cap. 66. quare illuſtris Pagius in App. n. 142. ait , ex illa eclipſi annum mortis Herodis certo non detegi . Et revera anno 42. Juliano , quo eclipſis contigit , ante Paſcha non attigerat Herodes annum regni trigefimum ſeptimum : quare ſecundæ ſententiæ patroni putant commemorari a Joſepho eclipſim aliam , quæ contigit eodem anno Juliano , & Urbis 750. die quinta Septembris , a qua Herodem protraxiſſe contendunt languidam vitam uſque ad Novembris viceſimam quintam . De exilio autem Archelai ſtandum ſententiæ Joſephi , præſertim cum Dio eodem libro 55. pag. 567. Archelaum appellet Herodem Palæſtinum , eodemque anno U. C. 759. ſcribat partem diſtionis ejus in publicum redactam , quod factum conſtat anno inſequenti ; niſi mavis aſſerere accuſatum quidem Archelaum a fratribus anno 759. ſed anno proximo pulſum in exilium : quo pacto omnia conciliantur . Ad Volumen Jejunii , dicendum pugnare cum hiſtoria , & nihili eſſe faciendum , ut cenſent in Conatu Chronologico Papebrochius , & ad annum , 751. U. C. Samuel Baſnagius . Et quidem in Hebræorum Calendario Tom. 2. Bibl. Rabbin. Julii Bar-tolocci pag. 558. nihil aliud die ſeptima menſis Chisleu annotatur præter jejunium ob combuſtum a *Jeojakim* volumen legis conſcriptum a Baruch . Nummus denique Rigordianus aut cuſus eſt cum ſententia Romæ jam lata nondum promulgata eſſet in Galilæa ; aut

Herodes Antipa in exilium detrusus est, cum vix annum tetrarchiæ 43. attigisset. Verum cum petium ex hoc nummo argumentum sit talis ponderis, ut etiam Norisius, qui in Cenotaphiis Pisanis tradiderat Herodem decessisse *circa festum paschatis*, Tom. 3. p. 232. in Epist. ad Pagium de eodem nummo differens consignet cum Usserio obitum Herodis in labente autumno anni Urbis 750. Tom. 2. pag. 654. & idem Pagius in App. num. 142. post consignatum cum Usserio Herodis obitum in autumno anni U. 750. non audeat negare quin *anno sequenti mortuus fuerit*: hinc fidenter pronuntio Herodem magnum decessisse ante Pascha anni U. 751. ignorans num eodem anno, num verb autumno elapso migrarit e vita, proferens momenta, ob quæ in priorem sententiam propendeam, & haut denegans propriam miserabilem ignorantiam. Ergo Herodes ante festum Azymorum anni Romæ 751. decessit; quo autem mense, vel die, me fugit.

Adversus statutam Epocham Herodianam obijciunt 1. Herodes, cum illi Antipater Galilæam commisit, *quindecim tantum annos natus erat*, ex Josepho lib. xiv. Antiq. cap. 17. nunc 9. num. 2. commendata autem fuit Galilæa Herodi anno U. 707. Cum ergo vixerit annos septuaginta, ex eodem Historico lib. xvi. 1. cap. 8. nunc 6. n. 1. & lib. 1. de Bello cap. 21. nunc 33. num. 1. sequitur Herodem obiisse anno U. C. 759. Ita Baronius ad annum Christi v 111. num. 1. Præterea Archelaus in exilium pulsus est duobus Sextis Cofs., idest, anno U. 767. paullo ante mortem Augusti. At relegatus ille est nono principatus sui anno, ex Josepho lib. 2. de Bello cap. 6. Igitur anno U. 759. obtinuerat suam, mortuo parente, tetrarchiam. Hæc idem Baronius ad annum Christi xv. 1. num. 1. Insuper Herodes magnus urbem Cæsaream in Judæa condidit, & splendidissimis ædificiis ornatam dedicavit *anno regni sui duodevigesimo*, ex Jos. lib. xv. Antiq. cap. 9. nunc 5. num. 1. Perfectam Cæsaream an. U. 745. Druso, & Crispino Consulibus demonstrant accurati quidam Chronologi. Si autem annus 28. regni Herodis incidat in annum Urbis 745. trigessimus septimus ac postremus concurret cum anno U. 754. primo Vulgaris æræ, quo anno Herodem obiisse tenent quidam recentiores, statuentes Christi nativitatem in anno præcedenti 753. Lentulo, & Pisone Cofs. Tandem ex eodem Josepho lib. xv. Antiq. cap. 12. nunc 9. num. 1. liquet annum, quo Herodes condidit Sebastem, fuisse regni sui *decimum tertium*, paullo ante, quam Aelius Gallus in Arabiam felicem suscepit expeditionem. Expeditio Aelii Galli contigit ex Dione anno U. 730. Sebaste ergo condita fuit anno U. 729. Cofs. Augusto IX. & Silano, ut demonstrat Norisius disert. v. de Epochis Syromacedonum §. 1. Tom. 2. pag. 559. Ab hoc ergo anno Romæ 729. & decimotertio regni Herodis, enumeratis aliis 24., (regnavit enim Herodes annos 37.) inchoabitur trigessimus septimus anno U.C.

U. C. 753. ut demonſtratum quoque eſt præcedenti argumentatione.

Hæc argumenta, ſi primum excipias, ſententiam noſtram confirmant, & miramur ſummopere eſſe inter Sodales noſtros, qui eadem plurimum urgeant, magni Noriſii in nos auctoritatem contorquentes, qua ipſimet penitus proſtigantur. Ac de exilio Archelai ſatis dictum ſupra: ſive enim conſignetur cum Joſepho anno U. 760. ſive cum Dione anno præcedenti, utcunque res ſe habeat, ſemper Herodes ante feſtum Aſymorum anni U. 751., ut Noriſius docet, ſatis conceſſerat. Perfeſtam Cæſaream anno 28. Herodis concedo: ſed ſi annos Herodianos numeras *a nece Antigoni*, & annum regni Herodis 28. refers in annum U. 745. reſidui ſunt vitæ Herodis anni ſex tantum, quoniam ab interfecto Antigono non regnavit Herodes annos xxxvii., ſed xxxiv. Ergo hoc eodem argumento petito a dedicatione Cæſaræ evincitur obſiſſe Herodem anno U. 751. quandoquidem ſex anni additi anno *vigeſimo oſtavo* complent numerum annorum xxxiv. additi vero anno U. 745. conſtituunt annum Romæ 751. Quod ſi anni regni Herodiani ſupputentur ab anno U. C. 714. quo declaratus fuit rex a Romanis, *Cæſarea perfeſta fuit anno U. Romæ 742.*, inquit Noriſius in Par. ad Harduinum Tom. 3. p. 1284. non anno R. 745. Ab anno autem 742. ad annum 751. ſunt anni 9. qui una cum 28. conſtituunt annos regni Herodiani xxxvii. Quodcumque ergo te vertas, ex ipſis quoque argumentis in me contortis liquet anno U. 751. Herodem fuiſſe mortuum. Nec aliud ſequitur ex argumento poſtremo. Noriſius diſſert. v. de Epochis Syromaced. Tom. 2. pag. 559. inquit: *Cum vero Joſephus ait Sebaſtem conſtitam anno xlii. regni Herodis, annos regni, non quidem a Triumviris primum A. V. C. 714. accepti, ſed poſt necem Antigoni legitimi Judæorum regis A. V. 717. ab Herode initi, intelligit.* Bene habet. Enimvero ſi primus annus Herodiani regni inchoatus eſt anno Romæ 717. decimoſtertius initium ducit ab anno U. 729. poſtremus vero, & trigefimus quartus ab anno U. C. 750. Mortuus eſt ergo Herodes, etiam juxta adverſariorum noſtrorum calculos, ante feſtivitatem Aſymorum anni U. DCCLI.

Itaque ad argumentum depromptum ex lib. xrv. Antiq. cap. 9. quo videtur evinci mortuum Herodem anno Romæ 759. liquet primum inde potius erui quod obierit anno U. 762. quod nemo unquam ſomniavit. Cum enim Herodes vixerit annos 70. ſi annus 707. fuit Herodis decimoſquintus, ſuperadditis annis vitæ Herodis lv. pervenimus ad annum 762. Reſpondent ergo doctiſſimi viri Poſſevinus Tom. 1. Bibl. Tom. 2. cap. 6. Langius de annis Chriſti lib. 2. p. 1. cap. 6. Caſaubonus exercit. 1. in Baronium, Keplerus de Anno Nat. Chriſti pag. 52. Noriſius in Cenotaphiis diſſert. 2. cap. 6. Pagius in Apparatu num. 62. Hudſonius Adnot. in hunc locum, alique permulti legendum

dum esse *xi*. xxv. non *xi*, xv. quæ literæ potuerunt facile ab Amnensibus permutari, quamquam *xi* legit etiam Photius in Bibl. Cod. 238. pag. 970. Et quidem Usserius, & Pagius putant Ptolomæum, & Nicolaum Damascenum Iosepho antiquiores, non *xi*, xv. sed *xi*, xxv. scripsisse. Norisius verò mendum in Iosephi textum irrepsisse invicte demonstrat, quoniam Herodes anno U. C. 687. jam vivebat, cum proximo anno una cum fratre Pherora, qui Herode erat major natu, datus sit ab Antipatro obfes Aretæ regi Arabum. Herodes ergo anno U. 707. quando illi commissa est Galilæa, jam annum vigesimum excefferat: ideoque in textu Iosephi xxv. non xv. legendum est. Atque mire cohærent omnia; si enim Herodes anno U. 707. expleverat annos tantum xxv. anno U. 751. inchoaverat annum vitæ suæ septuagesimum, quem non explevisse constat ex Iosepho lib. 1. de Bello cap. 21. nunc 33. num. 1. Quod si petas, quomodo Herodes annos natus 25. dici potuerit *adolescens*, sive, ut habetur in Græco, *nîs*, omnino *juvenis*, respondent viri prælaudati, etiam Cæsarem a Sallustio in Catil. appellatum *adulescentem*, dum annos natus 27. superavit Q. Catulum in petitione Pontificatus: a Cicerone in Divinat. contra Verrem, M. Cecilium jam ad Prætoris dignitatem evectum: a Tacito lib. 1. An. anno U. 760. Cæsarem Germanicum, cum ageret 29. ætatis annum. Itaque adolescentia, atque *nîs*, etiam adultis juvenibus convenit, imo iis potius, quàm primum exeuntibus a pubertate, & quos accuratiores Scriptores non adolescentes dixerunt, sed egressos ex ephebis, aut hircitallos. Tandem si in textu Iosephi legendum contendas cum Christiano Noldio in vita Herodum pag. 342. xv. non xxv., dices cum eodem auctore, Herodem vixisse annos lx. non lxx. quod non rejicit Schelstratius pag. 16. Tom. 1. Antiq. Eccl. Verùm scribente Iosepho citato loco de Bello, necnon lib. xv. 11. Ant. cap. 8. nunc 6. num. 1. Herodem vixisse annos fere lxx. ejusque invaletudinem nimium fuisse gravatam *senectute pariter, ac mæore*, non videtur hæc responsio alteri præferenda. Atque hæc de Epocha Herodiana.

C A P U T II.

In quo pertractatur de tempore Dominicæ Nativitatis.

ANNO Herodis emortuali firmato, inquirendum est de anno Nativitatis Dominicæ. Ut autem in re admodum dubia utamur certioribus Chronologiæ principiis, non disputabimus de anno Mundi, sed de annis Julianis, Augusteis, Urbis conditæ, Romanorumque Consulum; quoniam istorum fixa est Epocha Tom. 11. pag.

430. eorumque ignorantia *nonnullos coegit errare*, ut lib. 2. de Doctrina Chriſti. cap. 28. recte Auguſtinus animadvertit. Et quidem, quam variæ ſint annorum ſupputationes a condito orbe ad Reparatoris adventum, legi poteſt in Elementis Hiſt. Vallemontii, apud Sciſſellium in diſſert. de quarta ætate mundi, atque in Tabulis Chronologicis Bibliorum nuper editorum Venetiis . At ſi fixis epochis inſiſtamus, videntur nobis tantorum Auctorum opiniones, ſaltem quæ ſulciuntur momento aliquo, ad ſeptem nunc ſervato annorum ordine, recensendas poſſe commode revocari. Eſt itaque ſententia prima, quæ tenet natum Dominum anno U. C. 748. Conſulibus Balbo & Vetere, ſive anno Juliano 40. Cæſ. Auguſti 39. ac tertio Olym. 193. quam ſententiam propugnant doctiſſimi viri, Antonius Pagius in App. Pagius alter in Brev. Summ. Pontif. in præfixa Operi ſerie Auguſtorum, Emanuel a Schelſtrate Diſſert. 1. Antiq. Eccl. cap. 2. art. 4. Franciſcus Blanchinus in Chronologia Conſulari Tom. 2. Anaſtaſii Biblioth. pag. 164. aliique recentiores. Secunda ſententia reſert Natalem Chriſti in annum proximum U. C. 749. Coſs. Auguſto XII. & Sulla, ſive in labentem annum Julianum 41. Cæſ. Auguſti 40. & 4. Olympiadis 193. quam ſententiam propugnant Decherius apud Petavium lib. xii. de Doctr. Temporum cap. 6. Chronicon Weingartenſe, Cornelius a Lapide in cap. 2. Lucæ, Noriſius in Cenotaph. Piſanis diſſert. 2. Uſſerius, Cappellus, Tirinus, Baſnagius, Alexander Natalis, Graveſonius, Antonius Vitro, aliique complures. Locat ſententia tertia Nativitatem Chriſti in anno U. C. 750. Coſs. Calviſio Sabino II. & L. Paſſieno Rufo, ſive in anno Juliano 42. Cæſ. Auguſti 41. & 1. Olymp. 194. & hanc ſententiam defendit in Apparatu Chronologico Bern. Lamy, neque ab ea videntur abhorrere Irenæus, Tertullianus, Hieronymus, & Severus Sulpitius, quamquam incertum eſt, unde hi ſupputent annos Auguſti. Sententia quarta natum Chriſtum tenet proximo U. anno 751. Coſs. Lentulo ac Meſſalino, ſive anno Juliano 43. Auguſti 42. & 2. Olym. 194. atque ita ſentiunt Baronius, Gerardus Voſſius, Scaliger, Langius, Calviſius, Marianus Scotus, Salianus, Sigebertus, & Cornelius a Lapide in Pentath. quam tamen ſententiam retractavit, ut diximus, in cap. 2. Lucæ. Quinta ſententia eſt Faſtorum Conditoris Panyinii contendentis Chriſtum, natum anno U. C. 752. Coſs. Auguſto XII. & M. Plautino Silvano, ideſt, anno Juliano 44. Auguſti 43. & Olym. 194. anno 3. a qua ſententia non videntur recedere ex Patribus Epiphanius, ex Hiſtoricis Eusebius, Nicephorus, & Sigonius, atque ex ſacrarum literarum Interpretibus Pererius, & Maldonatus. Accedit ſententia ſexta referens Natalem Chriſti ad annum U. 753. Coſs. Cornelio Lentulo, & L. Calpurnio Piſone, Julianum 45. Cæſ. Auguſti 44. poſtremum Olympiadis 194. Habet & hæc ſententia aſſertores plurimos, eoſque graviſſi-

vissimos, Joannem Lucidum, Dionysium Exiguum, Apollinarium Laodicensem, Burgensem, Tostatum, Genebrardum, Labbeum, quos nuper sequutus est noster Augustinus Aetini summopere Chronologicis studiis addictus. Postrema sententia est eorum, qui protrahunt Christi nativitatem ad annum U. 754. Cofs. C. Jul. Cæsare Augusti F. & L. Aemilio Paulo, ad annum nempe Julianum 46. Augusti 45. & Olympiadis 195. annum primum. Traditur hæc sententia ab Auctore Fastorum, quos laudat Joannes Cuspinianus, ac plurimum desiderari aiebat Aegidius Bucherius, erutos autem ex vetusta membrana Bibliothecæ Cæsareæ vulgavit primum ad calcem Operis de Epochis Syromaced. Norisius noster, postea Schelstratius in Append. Tom. 1. Antiq. Eccles. & Collector Epitomes Romanarum Historiarum edit. Florentiæ an. 1723. Videtur in eandem sententiam conspirare Cl. Boffuet in Epitome Univers. Hist. in Latinum conversæ ab Emmanuele de Partenay pag. 92. sed vir doctissimus loquitur de principio Ae. Vulgaris, & Natali Christi Dionysiano, quem a vero Natali distinguendum præmonuimus Tom. 2. pag. 428. ac paullo post demonstrabimus. Cum enim vir doctissimus affirmet Romam conditam anno M. 3250. & Christum natum definente anno M. 4999. consequenter supponit veram Christi nativitatem consignandam anno U. C. 749. definente, ut fert sententia, quam utpote probabiliorem amplectimur.

PROPOSITIO I. Christus natus est anno U. C. 749. P. Julianæ 4709. Olymp. 193. anno 4. Cofs. Augusto x11. & Sulla, anno Julianæ 41. Cæsaris Augusti 40. aut saltim præcedenti anno Romæ 748.

Demonstratur. Supposita Epocha Herodiana Christus natus est ante festum Azymorum an. U. C. 751. At primo non potest retrahi Christi Natalis ad annum U. 747. Christus enim natus est *toto orbe in pace composito*, ex communi & vetustissima PP. traditione. Atqui constat anno U. C. 747. Tiberium Neronem Cof. 11. Kalendis Januariis post devictos Germanos triumphasse, ac paullo post coortis iterum in Germania motibus ad bellum fuisse profectum, Norisio dissert. 2. Cenotaph. Pisan. cap. 10. id evidentissime commonstrante. Non ergo ad annum U. 747. retrahi potest annus Christi Natalis. II. Nec differri potest post annum 750. Enimvero Christus natus est *in diebus Herodis Regis*, atque, ut fert Ecclesiæ traditio inferius comprobanda, viii. Kal. Januariis. Decessit autem Herodes ante Pascha anni U. C. 751. Eodem ergo anno, Decembri mense, & Herode e vivis sublato, Christus nasci non poterat. III. Multo minus consignari potest Christi Natalis, an. U. C. 752. aut sequentibus; quoniam & Herodes obierat, & eo anno erupit bellum, contigit Caji Cæsaris expeditio in Orientem, atque exinde Parthicum bellum per tres annos perduravit: ideoque nec anno 752. nec tribus sequentibus natus est

Rex

Rex pacificus, mundique Redemptor. Nec bellum tantum Parthicum, verum etiam Arabicum, & Armenicum erupit prædicto anno U. 752. & circa exitum ejusdem anni, inquit Norſius, *univerſus Romanus orbis armorum fragore reſonabat*. III. Chriſtus baptizatus eſt, cum eſſet annorum *quaſi triginta*, ex Luca 111. 23. idque retinendum *auctoritate Evangelica*, docet S. P. Auguſtinus lib. 2. de Doct. Chriſt. cap. 28. Baptizatus eſt autem anno U. C. 779. ut cap. 5. demonſtrabo. Si ergo retrocedas per annos xxx., vel trigefimus inchoatus tantum erit, & incidet in annum U. C. 749. vel exactus, incepto jam anno xxxi. & pervenies ad annum U. 748. At quæris, ex his duabus ſententiis quænam eſt probabilior? Arbitror primam, eo quod verba Lucæ, *quaſi annorum triginta*, videantur ſignificare, potius tricimum annum inchoatum, quàm exactum, ut ſuo loco diſcutiendum eſt: & quoniam anno U. 748. etſi nuſquam geſta a Romanis bella commemorentur, Dio tamen apud Zonaram narrat quoddam Armeniæ tumultus, quos Cæſ. Auguſtus conſtituto Armeniis rege Artavaſde compeſcuit. Quia tamen ſedari poterant hi tumultus ante hiemalis brumas, nec parvi ponderis eſt argumentum petitum ex nummis Quintilii Vari paullo poſt producendum, fateor ſententiam referentem Chriſti natalcm ad annum U. C. 748. non poſſe aperte revinci, quamvis non ſit, ut ſidenter quidam pronuntiant, exploratiſſima, & alteri præferenda. IV. Vulgaris Aera Dionyſiana incipit, ut mox oſtendam, anno U. C. 754. Atqui conſtat ex vetuſtiſ Aegyptiacis monumentis apud Laurentium-Alexandrum Zacagnium. Tom. i. Colleſtan. Monum. Vet. Eccl. Græcæ & Latinæ, ac noſtrum Guilelmum Bonjour Exercit. in Mon. Coptica Vaticana, vulgarem Aeram ſolido quadriennio antevcrti a Chriſti Nativitate: ibi enim Euthalius Epiſcopus Sulcenſis ſcribit uſque ad Conſulatum Leonis Auguſti, (qui conſulatum iniiit anno Aer. vulgaris 458. Indiſt. xii. & Epochæ Diocletiani 173.) exactos fuiſſe a Dominica Nativitate, *annos quadringentos ſexaginta duos*. Igitur ſolido quadriennio ante annum U. 754. ideſt, anno 749. labente natus eſt Chriſtus. Obiter nota ſententiam noſtram, priuſquam calculis recentiorum Chronologorum probaretur, fuiſſe olim apud Aegyptios exploratiſſimam, atque receptam.

PROPOSITIO II. Vulgaris Aera incipit anno U. C. 754. Coſs. C. Cæſ. Auguſti F. & L. Aem. Paulo, anno nempe Juliano 46. Auguſti 45. Olym. 195. anno primo, & P. Julianæ 4714. ſolido quadriennio poſt veram Chriſti Nativitatem.

Adverſus Scaligerum, qui in Animadverſionibus Eufebianis aſſeruit Aeram Diocletianam, ſive Martyrum Alexandrinorum inſeruiſſe ducere ab anno Chriſti 288. demonſtrarunt apertiſſime viri clariſſimi, Norſius in diſſert. de duobus Nummis Dioclet. & Licinii, Pa-

gius ad annum Chr. 284. Petavius lib. x1. de Doctr. Temp. c. 29. Emma Schelstrate differt. 2. Antiq. Eccl. cap. 8. revera initium imperii Diocletiani incidere in annum V. Ae. 284. & in Consulatum Carini Augusti II. & M. Aurelii Numeriani Aug. II. Atque id evincitur primo ex Cod. Justin. lib. 3. l. 1. *Ut nemo*, quæ habet Rescriptum, *Dat. Id. Octob. Carino II. & Num. Cof.* Deinde confirmatur ex Consulatu anni proximi Ae. V. 285. quo idem Diocletianus una cum Aristobulo Consul proliit, posteaquam xv. Kal. Octobris elapsi anni Chalcedone renuntiatus fuerat Imperator, ut liquet ex Chronico Alexandrino. Præterea idem probatur ex Epist. Ambrosii ad Episcopos Aemiliæ, in qua annum vulgarem 373. quo luna 14. incidit in diem nonum ante Kal. Aprilis, appellat S. Antistes *annum Diocletiani octogesimum nonum*; & annum 377. quo luna 14. incidit in v. Id. Aprilis vocat *annum Diocletianum nonagesimum tertium*. Detractis autem annis 89. ab anno Chr. 373. residui erunt anni 284. detractisque annis 93. ab anno Chr. 377. erunt pariter residui anni 284. ideoque hoc anno incipit Aera Diocletiani. Idem eruitur ex Inscriptione, quæ extat Romæ in atrio ædium Tiberii Cævuli, & apud Gruterum pag. 279. n. 3. in qua Diocletianus nominatur TRIB. POTES. COS. II. At Diocletianus iniiit Consulatum II. cum Aristobulo anno Vulg. Aeræ 285. ut dictum est paullo supra. Igitur Tribuniciam potestatem consecutus fuerat anno præcedenti 284. Ita ratiocinatur Baronius ad hunc annum, & Petavius lib. x1. de Doctr. Temp. cap. 30. Denique Diocletianam æram initium ducere ab anno vulgari 284. eruitur ex Apographo Græco Fastorum edito a Du-Cange, & latine reddito a Schelstratio, ubi ad Consulatum Carini & Numeriani apponitur titulus, τὸ ἀπὸ θεοῦ πρὸς μὲν Διοκλητιανὸν τὸ β. ἐτη χξ. *Anni a Philippo usque ad Diocletiani secundum*, 607. quod inditium est eodem anno incipere Epocham Martyrum. Hoc autem evidentissime demonstrato sequitur assertum nostrum manifesta illatione: quippe si anni 284. retro numerentur a Consulatu Carini & Numeriani, & ab U. C. 1073. pervenietur ad Consulatum Cæsaris & Pauli, idest, ad annum U. C. 754. & consequenter erit iste vulgaris Aeræ annus primus.

Opp. 1. adversus primam propositionem. Tertullianus lib. 4. contra Marcionem cap. 7. ait *testem fidelissimum Dominica Nativitatis* esse censum a Saturnino in Judæa actum, & inquit acta illius census in Romanis Archivis custodiri: quod repetit cap. 19. Descriptio itaque, quam Lucas cap. 2. ait factam a *Præside Syria Cyrino*, per Saturninum peracta est; unde Valesius in Notis ad H. Eccl. Eusebii lib. 1. cap. 5. demonstrare nititur pro Cyrini, aut Quirinii nomine, scriptum olim in Evangelio nomen *Saturnini*. Atqui Sentius Saturninus anno U. C. 748. Syriæ præfecturam absolvit; nec in superiorem annum retrahi potest Christi Natalis ob bella, quæ tunc grassabantur per

per Romanum orbem. Igitur anno U. C. 748. natus eſt Chriſtus. Et quidem hoc anno Saturninum Syriæ abſolviſſe præfeſturam, conſtat ex nummis Quintilii Vari apud Noriſum de Epoch. Syromacedonum cap. 7. Pagium in Apparatu ad Annal. Harduinum in Antirrhetico, Schellſtratum in App. Tom. 1. ex quibus liquet Varum jam ab anno U. 748. Syriam adminiſtraſſe: unde Noriſius, qui in Cenotaph. Piſ. ſcripſerat Saturninum præſuiſſe Syriæ anno U. 749. ſuos conſeſſus eſt anachroniſmos, & Parergon Præſidum reformavit.

Reſp. 1. A me quoque hanc opinionem exiſtimari probabilem. Deinde, ut appareat hoc argumento non reſutari ſententiam alteram ætati Chriſti, & vetuſtis monumentis magis conſentaneam; concedo Varum præſuiſſe Syriæ anno U. 748. & nego deſcriptionem totius orbis factam tempore Dominicæ Nativitatis vel ætatem fuiſſe a Quintilio Varo, vel indiſtam a Saturnino. De Varo quidem nullam aliam afferunt conjecturam, niſi quod erat tunc temporis præſes Syriæ. Sed quid Syriæ præſidi cum regno Judææ, vivente rege, licet Auguſti beneficentia ad ſolium evecto, nondum tamen veſtigali, quemadmodum factum eſt demortuo Herode, & denegato filiis regio titulo? Peraſtum ergo cenſum illum univerſalem ab adminiſtrante Syriam Præſide eadem facilitate rejicitur, qua aſſeritur. Ac dato etiam ætatem cenſum illum a Syriæ præſide, nullibi legitur peraſtum a Varo, & etiam dato hoc, Varus anno U. C. 749. non diſceſſerat a Palæſtina. Indiſtum vero cenſum a Saturnino, principio, miſſa auctoritate Tertulliani, abſque ulla temeritate negare poſſum. Cyrinum apud Lucam lego, Cyrinum apud Ignatium diſputantem cum Tryphone, Cyrinum apud ceteros Patres univerſos. Eſt ne magis æquum, ut Evangelio credamus, ac Traditioni univerſæ, an uni Tertulliano? Deinde nego Tertullianum agere de cenſu acto tempore Dominicæ Nativitatis, ubi meminit Saturnini. In cap. 7. adverſus Marcionem, in quo de Dominica Nativitate verba facit, cenſum quidem commemorat, Saturninum verò nequaquam. Cap. autem 19. ait utique, *Sed & cenſus conſtat actus ſub Auguſto, nunc in Judæa per Sentium Saturninum*. At iſtic non loquitur Tertullianus de cenſu acto tempore Dominicæ Nativitatis, ſed de aliis, quos ille opinatur actos a Saturnino, cum in Syriæ adminiſtratione ſucceſſit Piſoni, anno Ae. V. 19. ſive U. C. 772. jam Chriſto adulto: atque ita Tertullianus, & Lucæ Evangelium mire concordant, & perperam iſtud emendandum contendunt Valeſius, Cappellus, & alii, qui pro Cyrino legendum putant Saturninum; necnon Huetius, qui ſubſtituendum cenſet Quintilium, nullius vel antiqui Scriptoris, vel Ms. auctoritate. Proſecto Tertullianum citato cap. 19. loqui de cenſu acto per Saturninum adultum Chriſto, demonſtrat particula *Nunc*, id eſt, dum illum Mater fratresque requirebant, ut liquet ex textu: ex vetere ſcriptura ad

marginem Rhenani, quæ talis est, *Nunc, idest, cum Christus illa diceret nuntiantibus adesse matrem, & fratres*; & ex notis in hunc Tertulliani locum Nic. Rigaltii pag. 100. Mirum hæc non observasse aut Pagium, aut Schelstratum, qui unice ob Tertulliani testimonium sententiam nostram repudiarunt. Sane C. Sentium Saturninum præfuisse Syriæ anno U. 772. & Ae. Vulg. 19. probat ex Tacito idem Schelstratus Tom. 1. Antiq. Eccl. pag. 123. & Pagius Tom. 1. pag. 16. num. 3. Nego itaque descriptionem universi orbis factam tempore Nativitatis Dominicæ per Saturninum, & nego id asserere Tertullianum: quem census a'ios ab eo, quem egit Cyrenius, innuere eodem lib. iv. contra Marcionem cap. 36. illum vero neque cap. 7. ejusdem libri, neque adversus Judæos pag. 219. adscribere Saturnino, ex ipso Tertulliano facile deprehendet lector.

Opp. 2. Natus est Christus dum describeretur universus orbis, & hæc descriptio facta est a Cyrino Syriam administrante. Augustus, ut inquit Suetonius in Octavio, *cenfum populi ter egit, primum ac tertium cum collega, medium solus*. Quo tempore acti fuerint singuli, constat ex lapide Ancyrano, quem attulit e Byzantina Legatione Busbequius, apud Andreæ Schottum in Scholiis ad Epitomen Aurelii Victoris, & apud Janum Gruterum lib. 1. Inscript. pag. 230. num. 2. Peractus est prior census Augusto & Agrippa Cofs. anno 726. & cum Lap. Ancyrano concordat Dio lib. 53. Alterum censum peractum constat anno U. 746. si cum Justo Lipsio legatur in fragmento lapidis, *Censorio, & Asinio Gallo Cofi*. Tertius peractus est Cofs. duobus Sextis, paullo ante Augusti obitum, anno U. 767. Horum censuum nullus incidit in annum U. C. 749. Cyrinus vero, aut Quirinius in Judæam redactam in provinciam venit post Archelai relegationem anno U. C. 760. ut dictum est cap. præcedenti, aut juxta Dionem anno 759.

Resp. 1. Non probari, quin descriptio facta tempore Dominici Natalis fuerit media, quam Augustus egit solus: nam anno U. 746. nullum censum commemorat Dio: Consulum nomina abrasa sunt; ac necessum non est, ut asseramus actum censum ubique terrarum eodem anno. Deinde respondeo præter census actos ob exigenda tributa, factam ab Augusto descriptionem omnium capitum, ut ederet totius Imperii Breviarium: quod scriptum reliquisse legimus apud Dionem lib. 56. Suetonium in Octavio cap. 102. Suidam in voce, *Απογραφή*. Hujus Breviarii conficiendi causa in omnes provincias selectos viros dimissos, ibidem Dio & Suidas testantur. De hac universali descriptione loquitur S. Lucas, dum ait: *Exiit editum a Cesare Augusto, ut describeretur universus orbis*. Missus ad hanc rem, non ut Syriæ præses, sed extraordinaria legatione Quirinius, nam in Judæa nondum exigebantur tributa, Herode magno superflite; nec

nec opus erat ad cenſenda Judæorum capita Syriæ Præſidibus . Eorum itaque verborum , *Hæc deſcriptio prima facta a præſide Syriæ Cyreno* , ſenſus magis planus hic eſt : Hæc deſcriptio eſt prima facta a Quirinio , qui ad hunc conſciendum cenſum prius venit , quàm rediret relegato Archelao redacturus illius pecunias in fiſcum , Præſes tunc Syriæ ordinarius . Cur enim dicitur deſcriptio illa *prima* , *prima* , niſi reſpectu alterius ab eodem Quirinio peractæ ? Quod ſi velis , Quirinium faciendæ deſcriptioni præpoſitum , & fortalliſ anno U. C. 749. in Judæa , quæ ditio populi Romani amica erat , poſt devictos Homonadenſes commorantem dici Syriæ præſidem , quatenus imperium aliquod obtinebat , non prout fungebatur munere Proprætoris , neque id abſurdum erit ; cum vox *ἡγεμὼν* , qua utitur Evangeliſta , omnem rectorem , ducemque ſignificet , penes quem eſt arbitrium . Denique ſi contendas geminam Quirinii delegationem eſſe commentitiā , poteſ reſpondere , poſitivum *πρῶτη* habere vim comparativi *πρῶτη* reſpectu genitivi *ἡγεμονίας τοῦ Συρίας Κυρίου* , ut ſenſus ſit : Hæc deſcriptio eſt prior ea , quæ poſtea fuit inſtituta adminiſtrante Syriam Cyrenio . Reſponſio prima eſt apud Interpretes vulgaris , plana , ceteriſque præfertur a Petavio lib. xii. de Doctrina Temp. cap. 8. Fraſſenio in diſquiſit. Bibl. pag. 396. aliique permultis . Alteram , quæ cum prima conciliari poteſt , probat Pagius in Apparatu num. 129. & Noriſius diſſert. 2. Cenot. Piſan. Tom. 3. pag. 509. Uſſerius ad annum M. 4000. pag. 531. Adhærent tertiæ Georgius Hervvartus Chron. cap. 241. Henſchenius in App. ad Chronologiam Pontif. Exercit. 2. Samuel Baſnagius ad an. U. C. 749. pag. 109. Verum quocunq; anno locaveris Natalem Chriſti , hoc tibi argumentum ſolvendum erit , cum Quirinius ordinarius Syriæ præſes fuerit anno 37. Aſtiaco , U. C. 760. & Ac. V. 7. ut diximus capite præcedenti .

Opp. 3. Chriſtum natum anno ab U. condita 752. & anno Imp. Octaviani Auſtugi 42. tenet Eccleſia in Martyrologio Romano : aſſentitur Caſſiodorus vir Conſularis , omniumque ſcientiarum ſplendore clariffimus in Chronico ad Regem Theodoricum , Euſ. in Chronico , Epiph. in Panario lib. 1. H. 20. aliique profitentes Chriſtum natum anno Octaviani 42. Ad quam ſententiā accedunt omnes , qui natum Dominum cenſent anno ejuſdem Octaviani 41. quoniam hi non a nece Julii Cæſaris , ſed a Triumviratu conſtituto Auſtugi annos enumerant .

Reſp. Eccleſiam in Martyrologio Romano adhibere Aeram Dionyſianam , & Vulgarem , licet hæc minime ſit exacta , ut vidimus ſupra , idque prudentiſſime , ne ob tricas & diſſenſiones Chronologicas , Aeram ſemel receptam exantiquando quiſque in annorum computatione propriam opinionem ſequatur : quod inde liquet , quia ibidem

dem in Martyrologio sequitur Ecclesia supputationem Bibliorum Græcorum, asserens Christum natum anno a creatione mundi 5199. ob reverentiam antiquorum Patrum, qui LXX. Interpretum secuti sunt chronotaxim; cum tamen præferat in Vulgata hebraicam supputationem. Usus autem Vulg. Ae. in Ecclesia perantiquus non est, sed illam suadente Blondo adhibuit primum in publicis tabulis Eugenius IV. cum olim in Ecclesia usus obtinuerit annos numerandi per Græcorum Olympiades, per Fastos Consulares, & per Aeram Alexandrinam. Ac Baronius editor novi Martyrologii, (in vetusto enim Martyrologio Ecclesiæ Occidentalis, a Cassiodoro, Beda, aliisque appellato Hieronymi, & ex probatæ fidei codicibus an. 1668. edito a Florentinio, illa annorum partitio non legitur, sed tantum, VII. Kal. Nativitas Domini, & passio Anastasiæ Virginis:) ideò vulgarem Aeram deduxit ab anno U. 752. quoniam imperante Gallieno expunxit Consulatus duos ordinarios, idest, anno Christi 259. Aemilianum & Bassum, & seq. anno 260. Cornelium Secularem, & Julium Donatum, neque in viam rediit rectæ Chronologiæ, nisi anno V. Ae. 280. Similiter Conditor Fastorum Panvinus eandem Aeram adsumens in usum, ac statuens Christi nativitatem Anno Juliano 44. & Augusti 43. in aptando fastis primorum sæculorum historiam integro semper anno aberravit, donec anno Christi 217. prætermisso Consulatu Probi & Paulini, quem existimavit suffectum, in rectam sese reduxit. Neque nos imperiti de viris maximis Baronio, & Panvinio hæc dicimus; sed qui Fastos & Annales emendarunt, Norisius ac Pagius: effossi autem lapides, ac nummi, quos illi cernere non potuerunt, excusant ipsorum errorem; horum vero perspicacitatem commendant. Istorum beneficio Consulares Fastos, Herodianam Epocham non vidimus modo, sed contrectavimus: nec possumus iis assentiri, qui diversis supputationibus, & discrepantibus sententiis Veterum conantur nobis ostendere natum Dominum eo anno, quo Herodem regem invenire non possumus inter vivos. Supputantur utique anni Augusti a nece Julii Cæsaris, five ab anno U. 710. a constituto Triumvirato, idest, ab anno insequenti 711. necnon ab Aëtiaca pugna, & ab anno U. 723. sed nequeunt calculi arithmetici dies Herodianos producere, vel curtare.

Opp. ultimo. In vetustis Consulum Fastis supra commemoratis ad annum U. C. 754. scriptum est: *Hoc Cons. Christus natus est VIII. Kal. Jan. lun. xv.* Igitur vulgaris Aera incipit ab anno Natali Reparatoris. Respondeo in iisdem Fastis hæc verba præter fidem Codicis addita esse ad monstrandum initium Aeræ Dionysianæ; nam anno 782. ibidem signatur Passio Christi, nec potest circumferibi universa Salvatoris nostri ætas annis duntaxat xxviii. quot sunt ab anno 754. ad 782. Eodem anno 754. die 25. Decembris luna signari debebat

bebat xvii. cum ibi proximis Kalendis Januariis ſignetur luna xxiv. & nihilominus ſignata eſt luna xv. quæ duo ſunt manifeſta factæ additionis argumenta. Compertum denique eſt Faſtos ipſos non eſſe tantæ, ut olim credebatur, antiquitatis, ſed Conradus Janningus in Epistoſa ad Schelſtratum ait vix attingere ætatem 500. annorum, Schelſtratus putat nec ſuperare ætatem annorum 300. Vide Append. ad Opus Chronologicum pag. 541.

C A P U T III.

*In quo demonſtratur natum Chriſtum viii. Kalendas
Januarias.*

NON ſolum de anno, verum etiam de menſe ac die Dominicæ Nativitatis litem nobis intentant quamplures. Nonnulli apud Clem. Alex. lib. 1. Stromatum pag. 340. edit. Morelli natum Dominum autumarunt die 25. Pachon, ideſt, 20. Maji juxta Chriſtama-num, & Sylburgium, juxta Baſnagium 25. Quin etiam eo loci quidam dixerunt natum Chriſtum die 24. vel 25. Pharmuthi, Aprilis 19. aut 20. Epiphanius hæreſi 51. num. 24. & 29. ſcribit Chriſtum natum viii. Idus Januarias, qui eſt apud Rom. Januarii dies 6. Aegyptiis autem Tybi 11. Syris, Græciſque Andynæi 6. Et quidem in Eccleſia Orientali celebratam olim ex antiqua traditione Epiphaniam ſimul, ac Domini Nativitatem affirmat etiam Caſſianus Collat. x. cap. 2. Hinc Novatores plurimi aſſerunt nihil certum haberi, & falſam eſſe Eccleſiæ Romanæ vulgarem opinionem, ut Gerardus Voſſius Tom. 6. p. 81. Samuel Baſnagius ad an. ante Chriſtum 5. num. 34. Clericus in diſſert. 1. Harm. Evangelicæ ſubjecta. At Caſaubonus Exercit. 2. in Baronium ſtandum putat ſententiæ Epiphani, & Domini Nativitatem ac Theophaniam, diemque, ut Græci appellant, ſanctorum Luminum eſſe unam eandemque. Joſeph Scaliger natum Chriſtum contendit exeunte Septembri, vel Octobri ineunte, quæ fuit etiam ſententia Matthæi Beroaldi, Hoſpiniani, & Henrici Wolphii gravi cenſura notata in Martyrologio Hiſpano Tom. 11. pag. 386. & a Græſero lib. 1. de Feſtis cap. 29. pag. edit. Ingolſtadii 216. & tamen hanc recudit Harduinus in Antirrhetico cuſo Pariſiis anno 1689. pag. 65. Recentiores Critici quamvis natum Chriſtum viii. Kal. Januarias aut certum, aut ſaltem probabile fateantur; negant tamen id ſequi ex Dominica Incarnatione peracta, ut fertur, die 25. Martii: quod poſtremum vellicant Thomaffinus lib. 2. de Feſtis, Tillemontius Annot. 1. in Jeſum Chriſtum, Serrius Exercit. 31. num. 3. & in Vit. SS. 25. Martii art. 7. Bailletus. Nos a Romanæ Eccleſiæ traditione nulla-

nullatenus recedentes sententiam nostram sequenti propositione explicamus.

PROPOSITIO. Christus natus est VIIII. Kalendas Januarias.

Hæc enim sententia semper in Romana Ecclesia obtinuit, nec quando recepta sit demonstrare poterunt adversarii. Auctor Constitut. Apostol. lib. 5. cap. 13. pag. 312. inquit: *Dies festos custodite, fratres, in primis Natalem, qui celebratur a vobis die 25. x. mensis: post quem Epiphaniæ dies sit in maximo honore.* Vetustissimum Ms. Regium laudatum ibidem a Cotelerio habet: *Sciri debet, quod Annuntiatio facta est die Martii 25. Nativ. vero die 25. Decembris.* Laudat ibidem Cotelerius Ms. Regium alterum num. 1819. Idem tradit Chronicum Alexandrinum. Idem Kalendarium pervetustum editum a Bucherio. Idem omnia Martyrologia Occidentalis Ecclesiæ, cum reformato a Baronio. II. Hujus veritatis fulcimentum est maximum Traditio Patrum, cujus testem locupletissimum laudamus Hieronymum, qui initio Commentar. in Ezech. diem Epiphaniarum a Natali aperte distinguit, hac producta ex *Epiphaniæ* etymo ratione, *Tunc enim absconditus est, non apparuit*: quo in loco Hieronymum contrarium esse præceptori suo Nazianzeno, immerito queritur, ut mox videbimus, Isacius Casaubonus. S. P. Augustinus idem docet in Psalm. 132. lib. IV. contra Cresconium cap. 37. & lib. IV. de Trinit. cap. 1v. nec ex vulgi opinione, sed *ex traditione majorum.* Ut nonnullos ex Græcis proferam, missa Epistola Joannis Nicæni edita a Combessio, quam spurium arbitrantur permulti, ac missis testimoniis aliorum, de quibus plura Suaresius q. 31. de vita Christi, & Natalis Alex. differt. 2. sæc. 1. S. Joannes Chrysostomus homilia in Natalem Domini, quam laudat etiam Vossius Tom. VI. pag. 78. ait, sententiam nostram *Occidentem incolentibus jam a superioribus temporibus notam*: addit, *ab illis, qui exatse hæc norunt, hunc diem se accepisse*: concludit veritatis signum esse apertissimum, quod repente hæc sententia increverit, & ab omnibus recepta fuerit. Vide Tom. V. edit. Com. pag. 446. Produci etiam potest altera Chrysostomi Homilia de Nativitate Domini, in qua ait traditionem de die Servatoris nostri Natali in Romana Ecclesia fuisse servatam, atque in Occidente doceri nos a Petro, non in Oriente, ubi ortæ sunt hæreses, & discordiæ: quæ Homilia extat Tom. 2. edit. Basileensis pag. 1090. ac Lugdun. 522. Quamquam enim apparet spuria, neque Chrysostomi habet salivam, & a Sixto Senensi lib. IV. Bibl. S. aliisque rejicitur; accurate notandum est, a Tito Bostrensi fuisse collectam ex Commentariis Chrysostomi in Lucam, qui licet magno litterariæ Reipublicæ detrimento perierint, a Chrysostomo tamen editos affirmant Suidas, & Euthymius. Asservari enim Florentiæ in D. Marci Bibliotheca perantiquum Ms. collectum ex Commentariis Chrysostomi in Lucam, Tit.

Titi Bostrorum Episcopi inscriptum nomine, in quo hæc eadem oratio est secunda numero, scripsit olim ad Joannem Casam Christophorus Sarrarigus. Atque iis defendi possunt, qui hujus homiliæ ducuntur auctoritate. III. Annunciatio quoque Deiparæ Virginis die 25. Martii recte colitur, atque ita *traditum a Majoribus*, scribit citato libro IV. de Trinit. cap. 5. S. P. Augustinus. Auctor Chronici Alexandrini & die 25. Martii Dominum conceptum asserit, & enumeratis diebus ab apparitione facta Zachariæ mense Septembri explicat, quomodo in Virginis Annunciatione Elisabeth sextum mensem ageret a Præcuroris conceptu, Tom. XI. Bibl. PP. pag. 924. Idem demonstrat Chrysostomus præcitata homilia in Servatoris nostri Natalem; comprobatur Præcuroris Nativitas, quæ contigit, *sicut tradit Ecclesia*, VII. Kal. Julias, ut inquit Augustinus in Psalmum 132. Conceptum Dominum die 25. Martii tradit Tom. IX. Bibliothecæ Patrum pag. 939. Anastasius Antiochenus, & Auctor Chronici Paschalis apud Honoratum in Animadv. Criticis Tom. I. pag. 267. Accedunt vetera Martyrologia, antiquissimum Anglo-Britanicum ante annos mille exaratum, de quo Henschenius Tom. III. Martii, attributum Hieronymo apud Salianum ad annum Christi 34. antiquum Corbenjense, & Ms. Regiæ Suociæ nongentorum fere annorum apud Florentinum pag. 396. Si autem VII. Kal. Aprilis conceptus est Christus; quare in dubium revocatur traditio de die Natali, cum omnes fere infantuli diebus 276. quot numerantur ab illa die usque ad 25. Decembris, idest, novem mensibus materno in utero claudantur? IV. Denique non desunt congruentiæ, cur debuerit in Decembri Salvator nasci: quandoquidem tempus, quo frigus riget, & crescere incipiunt dies, commonstrat mundi Reparatorem pro nobis vitæ hujus incommoda suscepisse, atque ortum justitiæ Solem, ut nos de tenebris revocaret ad lucem; præbuisse nobis exemplum ferendi æquo animo ingruentes calamitates, dum ipse, cujus in arbitrio erat quodcumque vellet eligere tempus, natalem suum asperissimo molestissimoque alligavit; nascendo tandem in fine anni extremam mundi ætatem adventu suo consecratam in mentem hominum revocasse. Verum de his Augustinus citata enarrat. in Psalm. 132. num. 11. Bernardus serm. 3. de Nat. Dom. Guilelmus etiam Durandus lib. VI. Enchiridii divinorum Officiorum cap. 13. num. 2.

Oppones 1. Nequit ex traditione certo colligi dies Christi natalis, cum apud Clementem Alexandrinum diversæ de hac re notentur sententiæ, & Græci, ut liquet ex Epiphania, & Cassiano supra laudatis, Domini Nativitatem cum Epiphania simul celebraverint.

Resp. 1. Traditionem, si apud Orientales aliquandiu fuit incomperta, viguisse perpetuam atque incorruptam in Ecclesia Romana aliarum omnium Magistra: unde Chrysostomus citata homilia

in Servatoris nostri Natalem interprete Petro Pantino, ait: *Quare non erraverit, qui eundem diem novum simul & antiquum nuncupet: novum quidem, quod nunc demum exacta ejus notitia ad nos provenierit: antiquum vero & vetustum, quod celeriter vetustioribus aetate velut suppar redditus sit, & ad eundem cum ipsis temporibus commensum evaserit. De enim generosa & nobiles stirpes (etenim simul terra inferantur, etiam celeriter in altitudinem magnam succrescunt, fructibusque onerantur,) non aliter hic dies, cum ab exordio iis qui in Occidente habitant cognitus fuerit, nunc ad nos demum non ante multos annos transmissis, repente ita increvit, talemque fructum tulit, qualem nunc cernere licet septis nostris ubique refertis, temploque universo pra multitudine concurrentium angustato.* Deinde respondeo Orientales utique priscis saeculis simul Natalem Christi, & Theophaniam celebrasse, ut liquet ex Menologio per Sirletum edito, & ex dissert. de Dominicis Graecorum Leonis Allatii, num. 32. Graecorum tamen complures nativitatem ab Epiphania, Epiphaniam a Theophania, sive diem qua Christus apparuit in carne nascendo, ab illa, qua manifestatus est gentibus distinxisse. Theodorus enim Studita 37. catechesim sic incipit: *Αἱ ἑπτὰ ἡμέραι παραδόντες τῆς διευφρανίας, ἣ ἡμερῆς: Jam seria transiere, cum Theophania, tum Epiphania:* Gregorii Nazianzeni Orat. 39. titulum praefert de secundis Epiphanias appositus, ut inquit Cotelierius ad lib. 5. Constit. Apost., a Rufino. *Duas Epiphanias*, unam qua Christus apparuit Pastoribus, alteram qua, revelatus est gentibus, distinguit etiam Isidorus lib. v. 1. Origin. cap. 18. & Auctor sermonis olim 18. inter Ambrosianos, nunc 137. in Appendice Augustinianorum. Potest ergo Latinorum, Graecorumque traditio facile conciliari, dicendo Orientales duas Apparitiones simul celebravisse: unde plurali numero hujus celebritatis diem nuncuparunt *Epiphaniorum, Theophaniorum, Sanctorum luminum*. Ita Nazianzeno secundas Epiphanias agnoscenti non adversatur Hieronymus, ut conqueritur Casaubonus. De Clemente Alexandrino plura non dicam, cum duas sententias a nostra diversas repudiet, affirmetque primam a curiosis quibusdam confictam, a Basilidianis postremam.

Opp. 2. Non ex Veterum traditione, sed duplici alia ex causa alligavit Romana Ecclesia Natalem Domini v. 111. Kal. Januarias: quarum causarum una est, quod Ethnici celebrabant eadem die ortum Solis; in Calendario enim Romano de Mithra, idest, Sole extabat, v. 111. Kal. Jan. N. Inv. hoc est, *Natalis Inviicti* Inviictum vero esse Solem recte notavit Grævius, & ex Nummis Gallieni demonstravit Harduinus. Igitur congruum visum est eodem die Christi, qui est Sol justitiae, recolere natalitia. Causam alteram praebuit falsa opinio, quod Zacharias fuerit summus Sacerdos: unde quidam iaserunt mense Septembri, in festo Tabernaculorum, ingresso Ponti-

fici

fci in Sancta, quò semel tantum in anno fas erat ingredi, Gabrielem Archangelum prænuntiasse nativatem Joannis Baptistæ, & sexto post mense, ut legimus Lucæ 11. 36., nempe Martio, factam Virginis Annunciationem, ac novem revolutis mensibus natum Christum in Decembri. Id autem & valde dubiam habet supputationem, & falsum supponit; quia revera Zacharias non fuit summus Sacerdos, sed ex una ex 24. familiis, quæ non uno tantum die in Sancto Sanctorum, sed per unam hebdomadam, juxta familiarum vicissitudinem & sortitionem, extra velum, ubi erat ara fustitus, administrabant liturgiam: quod innuit ibidem Evangelista versu 8. illis verbis, *cum Sacerdotio fungeretur in ordine vicis suæ.*

Resp. ineptam esse primam ex hisce duabus causis: nunquam enim Ecclesia Christi celebratum suarum normam accepit ab Ethnicis, imo ex adverso dæmon superstitionis auctor cultus ritusque instituit in veræ religionis contemptum; & hæc cæremonias suas ad idolatriam eliminandam: quare ex ea ratione potius inferendum est, Orientales olim non celebrasse Domini natalitia proprio die, ut se opponerent Ethnicis celebrantibus ortum Mithræ, quàm Occidentales ex hujus cultu in diem impropriad transulisse solemnia salutiferæ Nativitatis. Causam alteram nos quidem non produximus: nequit enim labefactari antiqua traditio per hoc, quod in ea comprobanda quidam scripserint aliquid falsi; quoniam traditio antiquitate sua, & Ecclesiæ auctoritate roboratur, non ratiocinantium additamentis. Sive ergo Zacharias summus Sacerdos fuerit, sive non fuerit; potuit Joannes nasci die xx1 v. Junii, potuit Christus concipi die xxv. Martii: atque ita factum esse accepimus a Majoribus. Age tamen, nonnulla etiam de hac re disseramus. Zachariam simplicem fuisse Sacerdotem non solum tradunt Etherodoxi, verum & Nostratium pluri mi, Lyranus, Salmeron, Janfenius, Barradas, Sylveira, Didacus Stella, aliique Interpretes in Lucam. Adde Sigonium de Republica Hebr. lib. v. cap. 3, & Card. Gotti Tom. 1v. de Verit. R. Ch. cap. 7. Sed Zachariam fuisse Pontificem affirmat Joannes Chrysostomus citata Homilia in Servatoris nostri Natalem pag. 473. Auctor Chronici Alexandrini a Radero latine reddito Tom. x11. Bibliothecæ Patrum pag. 924. Anastasius Sinaita Tom. 1x. pag. 939. Theophylactus in Lucam pag. 300. Ambrosius (quamquam is utitur verbo, *videtur,*) lib. 1. in Lucam num. 22. Augustinus Tract. 44. in Joannem 2. parte Tom. 111. pag. 629. Venerabilis Beda Tom. v. pag. 219. Nec repugnat Hieronymus, qui Epistola 4. ad Rusticum in edit. Martian. 95. appellat Joannem Baptistam *filium Pontificis*. Arbitror non posse pro sententia opposita talem Patrum numerum laudari, imo pro se nulum citati Interpretes proferunt: quare majori ducuntur auctoritate Hofmeisterus, Paulus Burgenfis, & Cajetanus, qui Zachariam con-

metus , armenta toto anno in agris pernoſtant , idque Voſſius , cum ſapius per Angliam iter faceret , a ſe compertum teſtatur : ac veriſimilius eſt , ſi loquamur de Palæſtino agro , non adeo glacie , nivibusque obſito ; & ſi ulterius animadvertamus paſtores mapalia conſtruere , ingredi palearia , ſuccendere arbuſta , ac ſe veſtire caſi pecudis pellibus . Rejicimus tamen ſententiam eorum , qui Lucæ textum exponunt de diurnis excubiis , eo quod *ἀγρυπνῶντες* potius ſit ſub *διο* *ἀγρε* , quam *excubare* : etenim quod ſequitur , *φυλάσσοντες φυλάσσει τῆς νυκτός* , *Cuſtodientes vigilias noctis* , nocturnas excubias ſatis exprimit .

Opp. 4. Etiamſi detur conceptum Dominum die 25. Martii , non ſequitur natum 25. Decembris , cum aliquando infantes ultra novem menſes geſtentur materno in utero , aliquando in lucem breviori tempore proferantur . Reſp. 1. Nos attendere ad Eccleſiæ traditionem . Deinde dicimus cum Auguſtino lib. iv. de Civit. Dei cap. 5. parientibus feminis imputari decem menſes , ideſt , novem menſes & ſex dies , & licet non omnes ad ſextum diem poſt nonum menſem perveniant , corpus tamen Domini diebus 276. fuiſſe perfectum , quia tot computantur ab v 111. Kalendas Aprilis ad v 111. Kal. Januarias . Addimus ſi citius , aut tardius emittatur fœtus , vel cauſam eſſe hujus imperfectionem , vel matris invaletudinem . Denique de Elifabeth legimus Lucæ 1. 57. *Impletum eſt tempus pariendi* , & de Maria Virgine Lucæ 11. 6. *Impleti ſunt dies , ut pareret* : quæ verba nullibi in univerſa Scriptura leguntur , niſi de partu Joannis , & Chriſti , ut percipiamus ſervatum in his ordinarium tempus maturandi partum , quamvis unus fuerit de ſterili , alter de puella conceptus .

Opp. ult. Ammianus Marcellinus de Cæſare Juliano Apoſtata inquit : *Feriarum die , quem celebrantes menſe Januario Epiphaniam diſtitant , progreſſus in eorum Eccleſiam , ſolemniter Numina adorato diſceſſit* : quod referens Tom. 111. Annal. Zonaras ait , *Ipoſe Natali Domini Eccleſiam ingreſſus , adorato Numine diſceſſit* . Dies ergo Epiphaniæ , & Natalis eſt idem prorſus . Reſp. nego conſeq. nam Julianus tunc verſabatur in Galliis , inquit Coteleries , ubi more Occidentali dies Nativitatis & Epiphaniæ ſeparate obſervabantur . Ad hæc nonne potuit utraque die Julianus adire templorum limina . Tandem Zonaras appellare poteſt *diem Epiphaniarum* diem Nataleni , quod Græci olim duas ſimul Apparitiones recolent , ut dictum eſt ſupra . Nota Caſaubonum ipſum reſellendõ ſententiam Scaligeri de Chriſto nato exeunte Septembri hæc verba veritate cogente protuliſſe , *Vetuſta traditio Eccleſiæ non temere nobis rejicienda* . Dignum , quo diſſertatio noſtra abſolvatur , proloquium .

CAPUT IV.

*Vindicantur nonnulla, quæ in vita Christi ante baptismum
aâa perstringunt morosi Critici.*

ITAQUE VIII. Kal. Januariæ anno Cæs. Augusti XL. cum Joseph a Nazareth, sed familia Bethlehemenfis, & Maria desponsata illi uxor Bethlehemum se contulissent, causa census a Casare indicti, ut capita omnia provinciarum, regnorumque amicorum describerentur; impletis diebus ut pareret Virgo habens in utero de Spiritu sancto conceptum Desiderium gentium, ac mundi Reparatorem, enixa hunc est, & reclinavit in præsepio, cum nullus esset ei locus in diversorio referto hospitum multitudine. Paulo post advenerunt Jerosolymam Magi quærentes Regem Judæorum nuper natum, cujus stellam inusitato lumine radiantem in Oriente a se conspectam dixerunt; reique novitate Herode rege, & Jerosolymorum civibus perturbatis, cum assererent Scribæ Christum nasciturum in Bethlehem Judæ oppido, juxta Michæ vaticinium, illuc dimissi Magi profecti sunt, & adorato Pueri, auri, thuris, & myrrhæ munera illi obtulere. Nec ad Herodem reversi sunt; sed diversum arripientes iter, illuso rege ipsorum reditum expectante, patrios lares adierunt. Tunc Herodes infantes omnes bimulos, minorisque ætatis in finibus Bethlehemiticis immanissime trucidavit; at interim Christo circumciso, ceterisque peractis secundum consuetudinem legis, Joseph, cum Maria ac puerulo, ab Angelo monitus in Aegyptum confugit; ibique permansit usque ad Herodis obitum: quo vita functo, Angelo pariter commovente, Joseph cum Virgine, divinoque Pignore in patriam reversus habitavit in Nazareth, quæ est civitas Galiliæ distans a monte Thabor duabus leucis, & ab urbe Jerosolyma trium dierum itinere. Ab illa autem civitate, Domini primum conceptione, Lucæ 1. 26. deinde vero incolatu, Matth. 11. 23. celeberrima, & eo grandiori, quo Judæi dictitabant e Galiliæ nullum prophetam, atque e Nazareth nihil esse boni oriturum, Joan. 1. 46. & v. 52. ab illa, inquam, civitate Jesus Christus appellatus est Nazarenus.

I.

Quantum ad Domini præsepe, & incunabula attinet, arguunt nos quidam nimis credulitatis, quod persuasum nobis sit præsepi alligatos bovem & asinum. Sunt autem argumenta eorum, quæ sequuntur. Primum ea verba Is. 1. 3. *Cognovis vos possessorem suum, & asinus præsepe Domini sui*: & quæ habentur Habacuc 1. 1. 2. *In medio duorum animalium cognoscetis*, non secundum literam debent acci-

accipi, ſed primum locum exponunt Patres de Judæorum erga innu-
mera Dei beneficia ingrato animo: alterum de Gentibus, quæ ad
Chriſtum venerunt, aut de Teſtamenti duobus, ut nos etiam cum
Hieronymo, & Auguſtino diximus Tom. 2. pag. 434: ac præterea
ita legitur juxta LXX. cum Vulgata & Hebraica habeant, *In medio
annorum*. Bos ergo & aſinus ad præſepe accubantes ſunt *irrationabi-
les gentes pecudam intra præſepia more viuentes*, inquit Ambroſius
lib. 1. in Lucam num. 43. & Prudentius in Cathemerinon hym. xi.

*Adorat hæc brutum pecus,
Indoſta turba ſcilicet,*

Argumentum alterum eſt Lucæ ſilentium, qui paſtoribus ab
Angelo hoc brutorum indicium ad puerum inveniendum minime da-
tum commemorat. Ad hæc duo reducuntur quæ adverſus piam fide-
lium traditionem objeſtant Eraſmus in notis ad præſatum hymnum
pag. edit. Hanoviæ 174. Rich. Montacutius P. 1. Originum Eccleſia-
ſticarum n. 30. Baſnagius ad annum 5. ante Chriſtum, num. 21. Til-
lemontius Annot. 5. in *Jeſum Chriſtum*, Serrius Exercit. xxx. n. 4.
& ſeqq.

Nunquam verò ad oppugnandam veritatem producta ſunt inſir-
miora ſophiſmata. Etenim quod bruta *per anagogen* commonſtrent
populum Judaicum, vel Gentilem, nil proſecto hiſtoriam elevat:
aliàs nihil fere in veteri Teſtamento geſtum eſſet, cum omnia ibidem
narrata aliquid præſignarint. Reprobat idem Baſnagius aliorum,
ratiocinationes ad ſola teſtimonia Scripturæ nos provocans, nec ne-
gans Patres bene multos tradidiſſe, quod bos, & aſinus ad præſepe
Dominicum accubuerint. *Nobis conſtat*, inquit, *non allegorice
duntaxat Patres eſſe locator, ſed etiam fide hiſtorica. Allegorica ſi-
quidem explicatio in hiſtoria nititur*. Incaute Novator ille quicquid
alii exſtruxerunt, evertit. Sed vicit aliquando etiam tenebriones
aperta veritas. Hieronymus in Epift. 27. nunc 86. ad Euftochium.
Tom. 4. p. 674. abſque ulla morali interpretatione ſimpliciter de Pau-
la inquit: *In Bethlebem ingreſſa & in ſpecum Salvatoris introiens
vidit ſacram Virginis diverſorium, & ſtabulum, in quo agnovit bos
poſſeſſorem ſuum, & aſinus præſepe Domini ſui*. Paulinus epift. xi.
ad Sev. pag. edit. Platin. 139. *In Bethlebem quoque, ubi cognoverat
bos poſſeſſorem ſuum, &c.* Nazianzenus orat. 38. pag. edit. Morelli
623. *Cognoſce ut bos poſſeſſorem tuum, & cum aſino præſepe Domini
tui, cum ſtella curve, cum Magis adora, cum Angelis tripudia*. Quid
eſt ad literam Scripturæ verba intelligere, ſi hoc non eſt? Vere ſtel-
la anteceſſit, vere Magi adorarunt, vere Angeli gaudium magnum
nuntiarunt. Ergo vere bos, & aſinus ad Chriſti incunabula cubue-
runt. Imo & Ambroſius priuſquam myſticum innueret ſenſum, præ-
cedenti num. 42. inquit: *Non audis bovis Dominum agnoſcentis ma-
gitus;*

gitus ; necnon Prudentius appellaverat cunabula divini pueruli , *Mutis & ipsis credita* , idest , (inquit Georgius Fabricius ejusdem edit. Hanoviae pag. 343. quem opponimus Erasmo Roterodamo ,) *pecoribus , quæ vocem non proferant . Bos & asellus gratiores fuerunt , quam homines .*

Ad primum itaque argumentum respondemus stare allegoricam Patrum interpretationem cum veritate historię : ac priorem locum ex Esaia promptum a Patribus etiam aptari præsepi Dominico : alterum vero etiam ab Ecclesia in Officio Nativitatis & Circumcisionis ad puerum Jesum referri . Neque obstat quod sit in Hebraico , *In medio annorum* , ac ita pariter in Vulgata : quia utrumque cohæret , *In medio annorum* , si loquamur de tempore ; *In medio animalium* , si loquamur de loco . Etiam in Græca LXX. versione *ζῶον* valet , *animalium* , & , *visarum* ; cum olim neque circumflexus accentus fuerit in secundo *omega* , neque acutus in primo : quare *visarum* habent Cyrillus Jerosolymitanus , & Theophylactus , *animalium* ceteri . Utrumque significaret etiam hebraicum כִּכְרֵר וַיֵּם , quemadmodum legisse LXX. opinantur nonnulli . Non ergo exploditur decantata lectio , *In medio duorum animalium* , ut inquit Serrius num. 6. Utramque lectionem probat Ecclesia , utramque tradunt Patres , utramque non solum Versio LXX. verum etiam Hebraici Codices patiuntur . Ad alterum argumentum breviter respondemus , dum Lucas mentionem fecit præsepis , satis innuisse locum , in quo jacebat infantulus ; nec necesse erat sænum , animalia , & cetera hujusmodi commemorare , quæ non esse in præsepe nequit nisi temere denegari ; cum ibidem esse non repugnet , fatente Basnagio . At quod Lucas non scripsit , tradiderunt Majores . Mirum quod Critici subscribant Broccardo asserenti in descript. Terræ sanctæ præsepe illud fuisse *excisum in rupe* , ac studeant Broccardum componere cum iis , qui *lateritium* faciunt atque ex luto costili , & cum Ecclesia , quæ in Basilica Liberiana *lignum* veneratur : ac nolint postea allegoricam significationem cum historia componere ! Sed nec illud satis congrue conciliant , dum inquirunt *lateritium* fuisse cavitatem , cui ad majorem firmitudinem inclusum erat *vas ligneum* , & utrumque , vas , & cavitatem recte dici *præsepe* . Præsepe enim proprie est locus præseptus , ubi pecudes stabulantur , a *sepio* dictus , atque hic locus est lapideus , vel *lateritius* ; & per synecdochen præsepe dicitur *linter* , in quo pabulum jumentis ponitur , atque hic est vimineus , aut *ligneus* . Docet hæc etiam *Calepinus* , sive Latinum lexicon , ita a celebri familiæ nostræ Grammatico nuncupatum .

I I.

De Magis etiam Christi adoratoribus complures nobis succensent , quod Reges illos populari credulitate arbitremur . De qua re pla-

placet mihi admodum exhortatio viri cl. Melchioris Cani lib. x1. de Locis cap. 5. ubi, poſteaquam dixerat extremae dementiæ eſſe fruſtra niti, & nihil aliud quam laborando odium quærere, *Sine*, inquit, *plebem probabiliſſimam opinionem, præſertim quæ penitus inſedit & inveteravit, cum ſuis majoribus retinere.* Quod monitum, cum etiam Rich. Montacutius pag. 206. probarit, & omnibus hîc legendum propoſuerit, decet nos quammaxime cuſtodire. Sed quoniam Magos fuiſſe reges negant præſtaſte, ac ſe evidentè demonſtrare opinantur Caſaubonus adverſus Baronium, Stolbergius, & Dan. Rhoden Tom. 2. Theſ. Theol. Philologici, Schmidius in Matth. alii-que Etherodoxi, necnon in Carm. de Epiph. Domini Mantuanus, & Hyacinthus Serrius Exercitat. 34. num. 2. idque incertum ſaltim atque inexploratum ſcribunt Calmet, Tillemontius, & alii; ideo non videtur omnino hæc quæſtio prætermittenda. De qua, ſi quis poſtea iis, quæ ſubjicimus, plura deſideret, adire poterit Baronium ad annum 1. Chriſti num. 3. Joannem Eckium hom. 2. de Epiphania, Hieronymum a S. Fide Tom. 26. Bibl. Patrum, Salmeronem Tom. 3. Hiſt. Evang. tract. 37. Maldonatum, Barradium, Sylveiram, Janſenium, Cornelium a Lapide, & Natalem Alex. in Evangelia, necnon Aegidium Gelenium in Faſtis Colonienſibus, Suaſeſium Tom. 2. in 3. p. diſput. 14. feſt. 2. Vincentium Cardinalem Gotti Tom. 1v. Verit. Relig. Chriſt. cap. x1. §. 2. Honoratum in Animadv. Criticis Tom. 2. pag. 206. & Richardum ipſum Montacutium P. 1. Originum Eccleſ. pag. 202. ex quorum omnium lectione poterit etiam de hac noſtra lucubratiuncula proferre judicium.

Ac primum non video quæ adverſus piam populorum traditionem urgeri queant, niſi inſequentia. I. Magi dicuntur, qui in re- rum contemplatione, ac præſertim in inſpectione ſiderum ſunt occupati; ſic dicti, quaſi מהנים, ab radicali, מנה, *meditari*, juxta Voſſium in Etym. & Hofmannum in Lexico. Erasmus in Matthæum *ſophos*, aut *philophos* appellat; quidam alii ex Apulejo in Apolog. *ſidolorum ſacerdotes*. Nec deſunt, qui in pravum ſenſum nomen iſtud accipiant, quatenus magia eſt *theurgia*, cultusque dæmonum, in qua ſignificatione dicuntur magi præſtigiatores Aegypti, Simon, & Elymas. De his plura Rhoden, & Storbergius. At ſive Chriſti adoratores dicas inſpectores aſtrorum, ſive ſapientes, ſive ſacerdotes, ſive ariolos, nihil id eſt ad comprobendam regiam eorum dignitatem. II. Quamquam olim Magi regali apud Perſas auctoritate pollerent; tempore tamen Natalis Chriſti dudum ceſſarat in Magis imperium, ſcribente Strabone lib. 1. eodem Magos *non amplius ad regios faſces extolli*: quo argumento utitur in Matth. Schmidius. III. Barradius, alique interpretes traditionis ſuæ ſiculneum auxilium quærunt a licentia pictorum; atque hinc reſelluntur a Caſau-
To.V.
T t t
bono.

bono. IV. Evangelista Magorum regium comitatum, & cetera, quæ in Dei honorem cederent, minime prætermisisset, cum & *Reguli* meminisset, cujus filium Christus restituit sanitati. Accedit veterum quoque Patrum silentium. Scripturæ testimonia; quæ huc a quibusdam adducuntur, non sunt peculiariter accipienda de Magis, sed univérse de regibus gentium advocandis ad Christi fidem. VI. Si reges fuissent Magi, quomodo non præmissis nunciis ingressi fuissent ditionem Herodis? quomodo Herodes ipse cum imperio egisset cum illis, dicens, *Ite, & interrogate diligenter de puerò, & cum inveneritis renuntiate mibi?* Postrema argumenta sunt Walæi in Matth. aliorumque. Vidit hæc & Mantuanus, dum cecinit:

*Nec reges, ut opinor, erant, nec enim tacuissent
Historia sacra Auctores genus istud honoris,
Inter mortales quo non sublimius ullum.
Adde quod Herodes, ut magnificentia Regum
Postulat, hospitibus tantis regale dedisset
Hospitium, secumque lares duxisset in amplas.*

Ut iis respondeam ex ordine, ac simul vindicem piam, ac valde probabilem fidelium traditionem; animadvertendum est splendidissime mentiri Casaubonum Exercit. 2. in Baronium, & Theodorum Bezam in Matthæum, dum inquirunt Romanam Ecclesiam sola tyrannide tradere, ut fide certum, insignitos fuisse Magos dignitate regali, nec pati aliud quomodolibet opinantes. Movit id stomachum etiam Mantacutio, qui Casaubono respondet, aliter de pia traditione loquendum: non prodiisse hanc e gurgustio; sed fulciri Patrum multorum auctoritate. Diximus qua moderatione loquatur Canus: eandem adhibet Cornelius Jansenius in Concordia cap. 9. Cardinalis Gotti pag. 236. & qui vel sententiam oppugnant, vel nihil definiunt, ut præcitatus Mantuanus, & Calmet. Atque nos pariter communiore sententiæ ita assentimur, ut adversariis nullatenus indignemur. Primum itaque argumentum confirmat potius regiam in Magis dignitatem, quàm evertit. Etenim in Oriente, & præsertim in Perside neminem regio potitum fastigio, qui non callet Magorum disciplinam affirmat Cicero in primo de divinatione num. 41. atque olim Magos imperium obtinuisse scribunt Strabo lib. 1. Geograph. Plato in Alcibiade, Plinius lib. 3. cap. 1. Justinus lib. 1. Histor. cap. 9. Ammianus Marcell. lib. 24. Severus Sulpitius lib. 2. Hist. sacræ cap. 13. Ex quo ergo Magi fuerint sapientes, & in astrorum contemplatione occupati, quomodo eosdem non fuisse Reges evincitur? At, inquit Schimidius, Magi ex Strabone ab honore pristino ceciderant. Utique: non erant amplius Monarchæ; sed tamen honore adhuc conspicui, regni *primores*, ut appellantur a Juveneco pio quarti sæculi Vate, sive Dynastæ, Toparchæ, reguli, ac alte-

alterius principis tributarii: quales permultos tunc temporis extiſſe demonſtrant ſubjecti Romano Imperio, Ariobarzanes, Aretas, Tigranes, Dejotarus, Herodes ipſe. Neque enim credibile, eſt deſectos Magos ad fortunæ ludibrium, ſive apud Perſas, ſive apud finitimas gentes; quibus ſemper fuit nomen inſpectorum ſtellarum, Sophorumque præclarum atque honeſtiſſimum. Quod picturas attinet, nec recentiores omnino, nec plebis inventa dicendæ ſunt quæ Magos referunt reges; quippe x. ſæculi extant nummi, ubi ſculpti viſuntur tres reges puerulum Jeſum adorantes; de quibus vide Anſelmum Bandurium Numiſm. Imp. Tom. 2. & Cangium in Familia Zimiſca pag. 152. edit. Billainii.

Cur Evangeliſta, qui & *Regall* meminit, & Herodem immaniſſimum tyrannum non fraudavit regis titulo, regiam iſtorum conditionem nequaquam expreſſerit, rationes ſatis congruas reddiderunt Interpretes. Prima ratio eſt, quod ad veritatem occultam confirmandam regia appellatio otioſa erat, Magorum vox opportuna & præclara. Ita Canus. Alteram aſſerunt Palacius & Salmeron, ut commoneret Evangeliſta neminem mortalium coram ſummo principe Chriſto regia appellatione eſſe dignum. Tertiam aſſignat noſter Simon a Caſſia, quoniam reges quidem erant, ſed parvi. Non militat eadem ratio de Herode, quia erat rex appellandus, ut diſtingueretur ab Herode Tetrarcha, atque ut ex rege alienigena innueretur Meſſiæ adventus. Joannis iv. 46. Regulo non aliud tribuitur nomen, quo diſtinguatur: at Magi proprio designati ſunt charactere. Quid præterea, ſi inſiciamus hunc *Regulum* fuiſſe parvum regem? Si Capharnaïtes erat, & ſub Herodis Tetrarchia, quomodo Rex? *Regulum* dictum arbitror, quoniam erat Herodis, aut Tiberii miniſter. *Barismit*, *Regius*, habent Græci Codices vetuſtiores, & Syrus, & Arabs, *Servus regius*. Non repugno tamen legendum *Barismit*, *Regulus*, & Chriſtum etiam primoribus attuliſſe ſalutem: ſed quid cavilli valeant, oſtendo duntaxat. Regium apparatus utique in Matthæo non legimus, quod humilis fuerit Chriſti Adoratorum inceſſus: legimus tamen ad eorum adventum commotam urbem univerſam: legimus liberos ab Herode dimiſſos: legimus obtuliſſe munera *aperſis theſauris*; quod in reges maxime quadrat.

Quod ſpectat ad Patres, fatemur permultos regiam dignitatem in Magis non celebrare, quosdam etiam id non aſſerere quod contendunt quidam Interpretes. Sed Magos tamen fuiſſe reges probabilius eſt, quod nullus Patrum id expreſſe neget, nonnulli diſerte affirmant. Tertullianus adverſus Judæos cap. ix. inquit: *De hoc auri munere etiam David dixit, Et dabitur illi de auro Arabia: & iterum, Reges Arabum & Saba munera offerent illi. Nam & Magos reges fere habuit Oriens, & Damasceus Arabia retro deputabatur, antequam*

*tequam transcripta esset in Syrophœnicem ex distinctione Syriarum; cuius tunc virtutem Christus accepit. Ubi Judæis objicientibus Christum Messiam non esse, quoniam non accepit Damasci spolia, neque regum obsequia, respondet id completum in Magis, quoniam & reges erant, & ex Arabia, cui deputabatur Damascus. Idem tradit in III. contra Marcionem cap. 13. & utrobique, quicquid alii sentiant, literalem sensum exponit, rationem asserens, cur Magi sint Damasci spolia, atque in iis completum fuerit vaticinium Psalmographi. Quare ut vere juxta Tertullianum erant Damasci robor, quia Arabes, ita vere erant reges. Auctor Hom. de Baptismo Christi inter Opera Cypriani inquit: *Non satis est quod Angeli locuti sunt Pastoribus, quod apparuerit stella Regibus, &c.* Theophylactus in cap. 2. Matth. ait: *Judæi quare turbantur? Oportebat enim gaudere potius, quod regem ipsi habituri essent, qui a Persicis regibus adoraretur.* Innocentius III. serm. 1. de Epiph. *Secundum historiam isti Magi tres Reges fuerunt.* In vetustissimo hymno, quem Damasco adscribunt, legitur:*

*Ecce pastores ovibus relictis
Convoluti Bethlebem, videant ut ortum
Principem mundi, properant & acti
Sidere Reges.*

His accedunt Cæsarius serm. 43. in Append. Augustinensium, Paschasius Radbertus in cap. 2. Matth. & alii. Addere possumus Martyrologia Ufuardi, & Germanicum apud Bollandum Tom. 1. pag. 8. & 323. Ms. Florarium apud eundem Bollandum die XI. Januarii, Moianum in Addit. Ufuardi, vetustum Codicem Carthusianum, Gelenium, & Broelmannum eodem Tom. 1. pag. 664. Flavius Lucius Dextrum in Chronico ad an. 70. qui omnes communem traditionem reddunt probabiliorē, & quartam objectionem abunde refellunt.

Sacræ quoque literæ piæ ipsam traditionem confirmant: nam Isaiæ lx. 3. de Christo prænuntiatum est, *Et ambulabunt gentes in lumine tuo, & reges in splendore ortus tui*: ac Psal. xxxi. *Reges Tharsis & insula munera offerent, reges Arabum & Saba dona adducent.* Accipienda hæc de vocatione Gentium fatemur, sed gentium fuerunt Magi primitivæ. In iis propterea implendum vaticinium, & ad Messiam incunabula adventuros Reges agnoverunt veteres quoque Rabbinæ, de quibus Joannes a S. Fide cap. 6. & Raymundus Martini Pug. Fidei P. 3. dist. 3. cap. 10. Atque impletum reapse videtur tenere Ecclesia, quæ dum celebrat Magorum adventum, laudatque verba frequenter intonat, affirmatque disertissime Leo III. & Fidei propugnator Eckius in homiliis supra laudatis. Et quidem tria in his vaticiniis prænuntiantur: lumen & splendor ortus, oblatio mune-

rum,

rum, & regalis conditio. Primum completum eſt in ſtella, quæ apparuit in Oriente: alterum in auro, thure, ac myrrha: cur tertium quoque non putabitur adimpletum? Accedit quod ſi Magi ex Arabia veniſſe dicantur, ut ſententia fert noſtra, etiam aliæ præcitati Pſalmi notæ in ipſos quadrant. Dicuntur enim verſu 9. *Aethiopes* hebraico vocabulo אֲשִׁיּוּט, quo intelliguntur incolæ *Aethiopiæ Orientalis* habitantes circa *Arabicum ſinum*, juxta Strabonem lib. 2. pag. 89. Aethiopes enim Occidentales appellantur כּוּשִׁיּים. Dicuntur *reges Tharſis* & *inſularum*, מְלָכֵי תְּרַשִׁישׁ וְאִיִּים, nempe, ut Pagninus, & Marinus reddiderunt, incolentes *inſulas maris*. Dicuntur denique *Reges Arabum*, & *Saba*, מְלָכֵי שָׁבָא וְסָבָא, ubi *Saba* ſcriptum cum ש, Hieronymo interprete, *Arabiam* designat, cum ס, vero urbem Aethiopicam. Quare ſi dicamus Magos veniſſe ex Arabia, vel, ut quidam tenent, e Carmania, ex Strabone lib. xv. pag. 449. Arabis, Perſiſque contermina, non erit in Pſalmi lxxi. nono, ac decimo verſu lexis aliqua, quæ Magis ad literam non conveniat. Ipſi Aethiopes, ipſi Arabes, ipſi inſularum incolæ, ipſi Sabæi, ipſi poſtremo Reges.

Quod in eos Herodes cum imperio ſe geſſerit, illius ſuperbiæ tribuit cum Interpretibus ceteris noſter Sanctoſiſſus pag. 144. in Matth. Addo verba illa *Ite, &c.* non eſſe præcipientis, ſed cum ſimulatione dimittentis. In tanta enim perturbatione, ſi fas ei fuit exercere in Magos imperium, cur ut redirent indiſtis pœnis eos non coegit? Cur dies ad redeundum non præſcripſit? Cur liberos abſque ſatellitibus dimiſit? Optime nimirum noverat, (ut in *Catena* inquit ex Chryſoſtomo D. Thomas,) quod tales viros non potuiſſet blandimentis ſteſcere, nec minis terrere, nec auro corrumpere. Nam in regiam urbem ingreſſi, quamquam ſcirent Herodem illic regnare, natum tamen Regem Judæorum, eique ſe detuliſſe munera palam teſtati ſunt, quamquam regi alienigenæ nil poſſet nuntiari moleſtius, quam ortus regis proprii, ac legitimi. Talis ergo conditionis erant Magi, ut Herodis indignationem minime pertimeſcerent.

Baptiſtæ denique Mantuano Carmeliſtæ doctiſſimo opponimus alium ejuſdem Inſtituti virum celebrem Joannem Mariam Verratum Ferrarienſem, qui in *Catena* docet Magos fuiſſe *ſapientes ac reges*. Et ſi Poetarum verſibus certandum eſt; ſententiam pangunt noſtram Alvarus Gomez in Thalichriſt. lib. 7. & Emmanuel Pimenta lib. 3. ſæcrorum Poematum. Contentus ero antiquo Epigrammate:

Dant tibi Chaldaei prænuntia munera Reges.

Mirrham homo, Rex aurum, ſuſcipe thura Deus.

Claudianus tribuitur a multis, eique adſcribendum ex Cuſaciano libro omnium optimo affirmat Joannes Camers in Vita Claudiani, & Gaſ-

Gaspar Barthius in notis . Hunc tamen Poetam fuisse a Christi nomine alienum scribunt Augustinus lib. v. de Civit. Dei cap. 26. & Orosius lib. v. Historiarum cap. 35. Ceterum, *si Claudiani nov est, certe elegantissimi poeta est*, inquit Canus.

I I I.

De exhibita a Magis adoratione autumarunt Sociniani non fuisse religiosam, & quæ possit divinitatis Christi præbere argumentum, sed qualem Orientis populi regibus suis exhibere consueverunt. Idem scripsit in caput secundum Matthæi Grotius; atque in dubium vertit, de qua adoratione loquatur Evangelista, Auctor versionis Gallicæ Bibliorum, quæ typis Trevoltiensibus cusa est anno 1702. ejusdemque versionis Apologista adversus Censuras eodem anno emanatas a Meldensi doctissimo Episcopo Bossuetio, & a Cardinali de Noailles Archipræfule Parisiorum, sive Apologista ille fuerit Simonius, sive alius quispiam. Refellitur autem perniciosus error ipsa Evangelica historia, traditione Patrum, mysterio munerum, necnon manifesta ratione. Primum enim ex Evangelio colligimus, Magos ex Oriente profectos non spectasse ad Judaici Regni ditionem, ut deberent nato regi Judæorum, tanquam regi suo in faciem procidentes præstare obsequium, atque hujus rei causa ex longinqua regione, sponte, ac tanta animi alacritate discedere, digna Deo munera offerre, & jacentem angusto in loco puerulum absque ullo majestatis apparatu, tam demisse venerari; ac tametsi Grotius, & Sociniani observarunt Josephum de Davide Saulem venerante scripsisse, *Adoravit eum in faciem procidens, ut moris erat*; attamen in novo Testamento, nullibi, quem viderim, locus occurrit, ubi ea phrasis *προσκύνηται, procidens adorat*, aliam significet adorationem, quam Deo dignam. Nam Apostolus 1. ad Corinth. xiv. 25. ait: *ὅταν ἑνὶ ἐκείνων προσκύνῃ τῷ κυρίῳ, Cadens in faciem adorabit Deum*: ac diabolus, qui non aliam affectabat adorationem, nisi divinam, inquit Matthæi iv. 9. *Hæc omnia tibi dabo, si cadens adoraveris me*, quæ phrasis etiam usurpatur de Christo Patrem adorante Mat. xxvi. 39. de Petro ad Christi genua provoluto Lucæ v. 8. de leproso Samaritano, cujus fides ceteris præfertur Lucæ xvi. 16. de senioribus ante Dei thronum prostratis Apocal. xix. 4. ubique iisdem Græcis verbis appositis. Historia itaque Evangelica verborumque accurata proprietas commonstrant revelatam Magis pueruli Jesu divinitatem. II. Patres discrete affirmant Magos exhibuisse Christo adorationem, tanquam Deo. Irenæus lib. 111. cap. 10. nunc 9. num. 4. scribit, *deductos Magos a stella ad Emmanuel per ea quæ obtulerunt munera ostendisse quis erat, qui adorabatur*. Origenes lib. 1. contra Celsum ait decrevisse adorare eum, quoniam e stella prænunciatrice conjectarant *potentiorē esse omnibus demoniis*. Nazianzenus Orat. 38.

pag.

pag. 623. *Cum ſtella curve: cum magis dona: offer aurum, thur;*
myrrham, ut Regi, ut Deo, ut tua cauſa mortuo. Theophylaſtus in
 Matth. pag. 14. *Vide anima illuſtrationem. Pauperem videbant, &*
adorabant; multis enim argumentis didicerant quod eſſet Deus: ideo
& ei offerunt munera ut Deo, & ut homini. Conſentiunt Græcis
 Latini PP. quos inter Ambroſius lib. 2. in Lucam num. 48. *Et cogno-*
verunt hanc eſſe ſtellam, quæ hominem, Deumque ſignificat. Ado-
raverunt parvulum: utique non adorarent, ſi parvulum tantummodo
credidiſſent. Hieronymus in cap. 2. Matthæi pag. 10. Tom. IV. *Pul-*
cherrime munerum ſacramenta Juvencus præbyter uno verſiculo com-
prehendit, Thus, aurum, myrrham, regique hominique Deoque Dona
ferunt. S. P. Auguſtinus ſerm. 200. aliàs 30. de Temp. num. 3. in-
 ſtituens antitheſim inter Judæos, & Magos, *Iſti, inquit, in mem-*
bris parvis Deum agnoverunt, illi in factis magnis nec tanquam ho-
mini pepercerunt. Et ſerm. proximo num. 1. *Numquid tanta devo-*
tione requirerent, tanto pietatis affectu deſiderarent, niſi eum agno-
ſcerent regem Judæorum, qui rex eſt etiam ſaculorum? Gregorius
 Magnus lib. 1. in Evang. hom. x. num. 6. *Eum ergo Magi quem ado-*
rant, etiam myſticis muneribus prædicant: auro Regem, thure Deum,
myrrha mortalem. III. Ex iis conſequitur, quod tertio loco poſui-
 mus, Magos fidem ſuam oblatiſ muneribus conſeſtatos, quod ex-
 preſſit etiam auctor antiqui Epigrammatis Claudiano attributi, nec
 non Sedulius lib. 2. num. 97.

Aurea naſcenti fuderunt munera Regi,

Thura dedere Deo, myrrham tribuere ſepulto.

Magos denique puerum Jeſum veneratos tanquam Deum, compro-
 bat ipſamet ratio: primò, quia illi erant *primitiæ Gentium*, atque
 ut ait S. Pater ſerm. 31. de Temp. nunc 201. num. 1. *Inde cepit, quod*
in univerſo mundo fructificaret & creſceret; fides nempe Evangeli-
ca, qua proſitemur Chriſti divinitatem. Præterea hanc *mirabilem*
 in Magis *fidem* oſtendit Chryſoſtomus hom. 8. in Mat. pag. 73. ex eo,
 quod admoniti ne redirent ad Herodem, *in nullum hinc ſcandalum*
commoverentur, nihilque omnino turbantur, neque ipſi ſecum diſpu-
tant dicentes: Si magnum quiddam eſſet hic puer, & potentia aliquid
haberet, nobis adoratoribus ejus quid opus eſſet fuga, occultuſque
diſceſſus? Incredible demum eſt, *viros ſuperni luminis ductum, &*
præviſ ſulgoris indicium intenta contemplatione comitantes, ad
agnitionem veritatis gratiæ ſplendore non perveniſſe, ut inquit S. Leo
 ſerm. 1. de Epiph. cap. 2. præſertim cum ſacramentum fidei ſuæ intel-
 ligentiæque manifeſtarint, & quod cordibus credebant, proteſtati
 ſint muneribus, *ſcienter divinam humanamque naturam venerantes.*

Oppoſita verò argumenta nullius ſunt roboris. Objiciebat au-
 ctor Apologiæ Simonio attributæ, nullum legitimum cenſorem ali-
 cujuſ

cujus Verſionis cenſendum eſſe, niſi habeat exquisitam linguarum peritiā : Lucam Brugenſem, alioſque nonnullos fateri verbum *adoratio*, *adoro*, uſurpari etiam dum homo hominem veneratur.

At reſpondet Cl. Meldenſis Epiſcopus Inſtruct. 1. pag. 122. *Minime a linguarum peritiā pendere præcipuas circa dogmata notas; eoſque decipi, qui contrarium ſentiunt: quo nihil dici poterat verum magis, & utiliſus, cum fidei norma ſit Eccleſiæ traditio, non loquacitas Grammaticorum.* At Cardinalis de Noailles in ſua Cenſura num. 12. arrogantiam quoque Apologiſtæ jure, meritoque hiſ verbis perſtringit: *Il s'élève avec une préſomption inſupportable au-deſſus de tous ceux qui ont traduit de nous jours le nouveau Teſtament: il ne craint pas même de ſe donner cet air de ſupériorité ſur les ſaints Peres, ſaint Chryſoſtome, ſaint Jérôme, & ſur tous les interprètes anciens, & nouveaux: & ſait paroître par ſa vanité, qu'il n'a pas été conduit par l'eſprit, qui a dicté le livre, dont il a entrepris la Traduction.* Oſtendimus præterea paullo ſupra ea phraſi, *Et procident adoraverunt eum*, non uno in loco novi Teſtamenti religioſam adorationem, cultumque latræ designari. Nonnulli denique interpretes, ſi de Catholicis loquamur, dixerunt tantummodo verbum *adorare* ſuapte natura cultum latræ non ſemper præſeferre; ſed Magos civile tantum obſequium præſtitiffe, nullus, quod ſciam, affirmavit: & idem Burgenſis pag. 24. ait: *Proſecuti ſunt puerum honore, eo qui regem, immo qui Deum decet, & paucis interjectis, In ſacrificium munera iſta dederunt.* Quod ſi aliquando interpretes aliqui minus accurate locuti ſunt; exorta nondum erat tanta opinionum licentia, & audacia Criticorum, aut ſaltim hæc nondum Catholicorum ſtudia labefactarat. Quamobrem Simonius, aut quiſquis conſcripſit citatam Apologiam, dum laudat Burgenſem, Huræum, & Biblia quædam Gallica edita an. 1534. & 1541. Antuerpiæ, quemadmodum ait eruditus Auctor Bibliothecæ Criticæ ſacræ Tom. 1v. pag. 107. num. 86. *miſerrimam oſtentat eruditionem.*

I V.

Sunt præterea, qui negant Domum Nazarethanam Angelorum miniſterio e Syria tranſlatam Terſactum, olim Tarſaticam, hinc vero in Picentinum agrum, inter Recinetum & maris Adriatici oram, nunc Lauretum, urbem auguſtiſſimo templo, atque peregrinorum undique confluentium religioſa pietate clariffimam. Conati ſunt præ Novatoribus ceteris translationem hanc oppugnare Apôſtata Vergerius in *Idolo Mariano*, Thomas Bernegerus, Baſnagius, & alii. Sed reſutantur a Hieronymo Angelita in Hiſtoria Virginis Lauretanæ, a Chriſtiano Adrichonio pag. 141. a Caniſio lib. v. de Virgine Deipara cap. 25. a Raynaudo Tom. viii. pag. 145. a Turſellino lib. 1. Hiſtoriæ Lauretanæ, a Francisco Turriano contra libellum Vergerii, a con-

a contreraneo noſtro Sylvio Serralio a Petraſancta, ab Honorato Animadverſionum lib. 111. differt. 1. ac poſtremo a Viro Cl. & de Lauretana Hiſtoria optime merito Petro Valerio Martorelli Auximate, Epifcopo olim Leopolitano . Ut autem ex Angelita, ac Turfellino narrat Tom. XIV. Eccl. Annal. Raynaldus, Nazarena Eccleſia, in qua ſacra Deiparæ ædícula claudabatur, a Saracenis Syriam inundantibus ſolo æquata, Terſaſtum Dalmatiæ oppidum ſacra ipſa ædes divinitus tranſveſta eſt anno 1291. VII. idus Majas, Nicolao IV. Pontifice Maximo: inde vero, ſedente Bonifacio VIII. anno 1294. IV. idus Decembris in Picenum delata, ibique poſteaquam ſedem ſemel iterumque mutavit proximo anno, in loco, in quo etiamnum colitur, ſtationem elegit . Appellatur vero *Lauretana Domus*, & urbs *Lauretum* a loco, ubi conſtitit, ut inquit lib. 6. Agelariorum Mantuanus :

*Et quia tranſveſtam mulier Laureta recepit
Virginis ædiculam, præbens ubi ſiſteret agrum,
Laureta delubra vocant .*

Ut hæc ad fabulas Novatores amendent; negant primo ſacrum Virginis domicilium Nazarethæ ſervatum ad annum uſque 1291. non alio innixi argumento, niſi quod vero ſimile non videatur, a Romanorum legionibus Syriam occupantibus ædiculam illam dirutam non fuiſſe, præſertim cum Hieronymus Epiſt. 17. nunc 44. & 27. nunc 86. jejune admodum loquatur de Nazareth, quam etiam alibi appellat *Nazaram* exiguum *viculum Galilææ* . Utitur hoc argumento Baſnagius ad annum 3. ante Dominum n. 25. At primum ex ipſo Hieronymo colligi poteſt Nazarethanam domum eo tempore perſiſtiſſe, cum vetuſta urbis ſervaretur adhuc exiguus *viculus*, Deo minime permitte, ut profani milites tuguriolum ſacratiffimum violarent; maxime quod in amplas ædes, non in caſas, ideſt, ruſticas domos, ubi nulla ſupellex, furit militaris licentia. Cur etiam Paula, ut ibidem inquit Hieronymus, *percurrit Nazareth nutriculam Domini*? cur is ad hanc inviſendam invitat Euſtochium, ſcribens, *Ibiſus ad Nazareth, & juxta interpretationem nominis ejus, ſorem videbimus Galilææ*, ſi in *Nazara* exiguo tunc viculo, nihil veneratione dignum ſupererat? Verum cum Etherodoxi urgeant negantes conjecturas nullius apud Dialecticos firmitudinis; nos Virginis ædiculam perſiſtiſſe comprobamus etiam teſtimonio Scriptorum. Nam Imperatricem Helenam, cum perveniſſet *Nazareth ſalutationis Angelicæ domo recepta, ibidem peramatum excitafſe templum*, ſcribit lib. VIII. cap. 30. Nicephorus . Ejuſdem templi meminit Venerab. Beda de Locis ſanctis cap. 16. in eo ſe confeciſſe ſacrum teſtatur in deſcript. Terræ ſanctæ Jacobus S. Rom. Eccl. Cardinalis de Vitriaco: & ibidem S. Ludovicum Francorum Regem ſacram accepiſſe communionem, non ſolum

To. V.

V u

lum

Ium affirmat Jodocus Clitovæus laudatus a Turfellino cap. 1. & a Rutilio in Speculo Episcop. disp. 1. q. 1. verum etiam præclari gestorum Ludovici Scriptores, Guilelmus de Nangiaco Monachus S. Dionysii Tom. v. Hist. Francorum pag. 359. & Gaufridus de Belloloco pagina ejusdem Voluminis 457. Casse itaque, & nullo fulti testimonio Sestarii autumant ab exundantibus Romanorum copiis sacram Virginis Aedem fuisse everfam.

Negant præterea Deiparæ ædiculam Tersacti apud Dalmatas constituisse, quum id asserendi nullum aliud habeant fundamentum, quam perviciam. Primo enim traditionis nostræ invictum argumentum est perpetua & constans sententia omnium Illyricorum, ac Liburnensium, qui hæc a majoribus acceperunt; & præter cultum, quem exhibent sacratæ domus vestigiis, quotannis magno in numero Lauretum profecti teneris lacrymis ut ad propria revertatur, exorant. Insuper cum Dalmatiam Prætor regeret Nicolaus Fregipanius, veritate comperta cum juramento Tersactensium, tum missis Nazaretham legatis, in iisdem vestigiis ubi steterat sacra domus, parem extruxit, temploque Virgini sacro circumdedit: ibique in antiquo marmore legitur: *Hic est locus, in quo olim fuit sanctissima domus de Laureto, quæ nunc in Recineti partibus colitur*. Præterea Tersacti sacratam stetisse ædiculam, & illinc anno 1294. ab angelis asportatam, compertum est ex autographo invento in oppido Fluminis ad oram Adriatici sinus adjacente; quod autographum transmissum est ad Leonem X. Pontificem Maximum Illyricis conscriptum literis, nostrisque redditum Lauretana in Aede asservatur.

Derident insuper Novatores transmigrationem sanctæ domunculæ ad Piconos, utpote nullis suffultam momentis: nos contra firmissimis adminiculis munitam contendimus. Ac 1. liquet ex Angelita anno 1296. Recinetenfes quosdam viros probatæ fidei jubente Magistratu Tarfaticam primum in Liburniam transmississe, ac inde Nazaretham, & utrobique recentem populi recordationem explorasse, vestigia transvectæ ædis inspexisse, eademque accurate fuisse dimensos, & omnia prænarratæ historiæ, & Lauretani Cubiculi dimensionibus respondisse. Temere autem Adversarii negant hæc vestigia in Nazareth diu permanfisse; cum ibidem constructum templum ab Augusta Constantini Matre narrent historiæ, imo hodierna die antiqua eadem vestigia superesse scribat in Historia itineris sui Morissonius. II. Paulus Rinaldutus, & Franciscus Recinetenfes cives se ab avis multoties audivisse, quomodo sacra ædes ipsis, aliisque conspicientibus tranarit Lauretum, non semel interposito sacramento asseruerunt; uti relatum est in publicas tabulas, & scriptum ab Angelita. III. Accedunt in veritatis confirmationem miracula innumera ab eodem Autore, a Riera, & a Turfellino e certis monumentis conscripta:

Pauli

Pauli a Sylva anachoritæ per decennium cæleſtium flammæ intuitus in loco eodem, in quo ſtitit ſe Deiparæ ſacroſanctum cubiculum: Turcarum, Judæorumque teſtimonia mirabili eventu corroborata, quæ in Pſalmum LXXXVI. cap. 31. recenſet Lauretanus Epicoſpus Rutilius Benzonius: conſluentium ex tota Europa, non vulgarium modo, ſed procerum, virorumque principum devotio, fides, vota, donaria: Romanorum Pontificum Gregorii XII. Joannis XXIV. Pauli III. Sixti V. Alexandri VII. aliorumque Conſtitutiones, Privilegia, ac Pontificiæ munificentiæ plurima, ampliſſimæque argumenta: quæ omnia apud Martorellum legi poſſunt, cum nequeant brevi hac diſſertatione comprehendi.

Denique obijciunt oppugnatores, ex verbis Bedæ ſcribentis eſſe in Nazareth Eccleſiam, *ubi domus erat, in qua Angelus ad Mariam venit*, everti hujus translationis miraculum; quoniam ex iis verbis inferitur antiquam Virginis domum ætate Bedæ non extiſſe. Addit Baſnagius tuguriolum, quo Maria utebatur, fuiſſe conductitium, ideoque ejus ſanctitatem, poſteaquam Virgo eo reſſit, a profanis hoſpitibus violatam: idque conſectat ex Virginis paupertate. Addit labentibus annis quadringentis Virginis cubiculum in tenebris latitaſſe, cum Euſebius non aſſerat Imperatricem Helenam Nazaretham urbem, & domicilium illud luſtraſſe. Quærit præterea cur Angelicis manibus tranſveſta potius non ſit domus Servatoris Capernaïtica, & conſiſtens Jeruſolymis ſepulchrum? Ait denique rem tam miram ab illius ævi Scriptoriſ ignoſatam, nec traditam a Nicephoro, qui floruit ſub ea ætate, nec ab Antonino, qui annis duntaxat uno & quinquaginta tranſveſtionis hujus tempore poſterior fuit.

Hæc cum leviſſima ſint, breviffime percurremus. Verba enim Bedæ ſic accipienda ſunt, ut eadem ſacræ ædes fuerit ſimul domus, ac templum, & in Dei cultum veneratione fidelium conſecrata: quæ etſi fuiſſet conductitia, ob peractum in ea Incarnationis myſterium, omni foret veneratione digniſſima; ſed inepte ratiocinatur Baſnagius, dum arbitratur conductam, cum poſius ex quo ibidem habitaverit Virgo ab Angelo ſalutata, atque ad eandem redierit cum Viro ex Aegypto reverſa, (quamquam is genere eſſet Bethlehemiticus,) haud obſcure conſicitur, paternum fuiſſe domicilium, etiam ſanctorum parentum habitatione conſpicuum. At de Helena contrarium, quam Baſnagius ſentiat, aſſerimus; cum hoc diſcrimine, quod ille inepte pugnat paucorum ſilentio; nos publica traditione, ac teſtimonio multorum. Cur vero aliæ Terræ ſanctæ monumenta Salvatoris noſtri ſanguine conſecrata ad nos divinitus aſportata non fuerint, cum plura tamen Romæ veneremur, altiffimo Dei iudicio humillime reſervamus. In poſtremo denique argumento nimium Baſnagius exorbitat. Sanctus enim Florentinorum Archiepoſcopus

scopus Antoninus floruit medio sæculo xv. obiitque die 2. Maji 1459. quo tempore Lauretanum templum fuisse *totius Italiae celeberrimum* scribit Blondus Flavius, qui fuit Eugenio IV. a secretis, & ejusdem cum Antonino ætatis, pag. edit. Basileensis 339. &, quod nescio num grantanter audituri sint adversarii, eodem fere tempore concione, liturgia, precibusque Lauretanam Virginem decoravit Erasmus Roterdamus: de quo vide illustrem Canisium lib. v. de Maria Deipara Virgine pag. 798. Floruit paullo post Mantuanus, de quo supra. Sed ante horum ætatem meminit almæ Lauretanæ Domus in Apostolicis literis Benedictus XII. qui Pontificatum iniit anno 1334. apud Turfell. & Martorellum Tom. 1. pag. 47.

Probabilitate non caret Lauretanæ domus mentionem fecisse celeberrimum quoque poetam Danthem Aligherium, natum anno 1265. vel ut quidam scribunt, 1260. & qui tempore transvectionis sacræ ædis ætate, ac fama florebat, dum de Petro Damiani Cantico 111. cant. xx1. inquit:

*In quel loco fu io Pier Damiano
Et Pietro peccator fu nella casa
Di nostra donna in sul lito Adriano.*

Ita legitur in Veneta editione anni 1529. pag. 270. & in altera 1569. pag. 525. Octo editiones similia habentes adnotavit vir clarissimus Joannes-Antonius Vulpus in sua anni 1727. pag. 402. Ipse tamen secutus est lectionem alteram, *Et Pietro peccator fu nella Casa*: quam vidimus haberi in Florentina editione antiquiori anni 1481. & arbitramur fulciri Mss. optimæ notæ; quippe eam probavit Landinus, qui ita in hunc locum scripsit: *In quel luogo. 1. nell'heremo di Catria fu io piero damiano: & pone el nome proprio. Et piero peccatore fu nella casa di nostra donna in sullito adriano: La sententia e io fui beremita in catria dove non si chiama peccatore: perche purgato gia da vitii era dato alla contemplatione. Ma prima era stato monacho in sancta maria di ravenna in sullito del mare adriatico: & quivi si chiama peccatore perche non era ancora purgato da vitii.* Ita juxta editionem anni 1481. Martorellus tamen ex sententia Antonii Magliabeci V. C. priorem lectionem præferendam censet Tom. 2. pag. 394. Mihi compertum est ex Vita Petri Damiani conscripta a Joanne Monacho ejus discipulo, & ex altera edita per Joannem Antonium Flaminium, non in Cœnobio S. Mariæ ad litus Maris Adriani, sed in Eremo Avellana eundem Monachum induisse. Quare falsus est Landinus: qui etiam errat, dum montem Catriæ situm in diœcesi Eugubina locat inter Picenum, & Aprutium. Si ergo Danthes tam primo, quam secundo versu loquitur de Damiano, dicendum est cum Augustino Fortunio lib. v. Hist. Camal. cap. 6. Petrum antequam ad Eremum Avellanam sub Catria sitam commigrasset, sese aliquandiu in

in cœnobio ad Adrianum litus exercuiſſe *ad eremitici rigoris ſimilitudinem*, quamvis Joannes Monachus, & Flaminius ſcribant illum ſe ad eremiticæ ſanctiõis inſtar conformaſſe *in cellula quadam*, nullo commemorato cœnobio. Sed & illud falſum eſt, Petrum priuſquam ad eremum iter arriperet, indulgiſſe vitiis; cum illius afflictationes, eleemoſynas, ſæcularis faſtus contemptum, atque ſupra ætatem ſingularẽ prudentiam laudati Scriptores commendent. Vero itaque ſimilius eſt, Petrum nec *peccatorem* in Danthis Cantico nuncupari, nec ad litus Adrianum poſuiſſe vitæ eremiticæ tyrocinia; ideoque poetam clariſſimum memoriam *Lauretanæ domus* eodem tempore, quo ad Picentes tranſveſta eſt, literis conſignaſſe. Verum quicquid ſit de Danthis Cantico, Lauretanam Aedem Catholici omnes venerantur, atque ut Mantuani verbis hanc abſolvam diſſertationem,

Huc Itali, Siculique ferunt ſolemnia vota:

Huc ſuiſt Epirus, ſuiſt Ulyſis, accola Rheni,

Accola Danubii: venit uſque a litore Narbo

Gallia, & Iſthmiacæ Spartæ ab aquore terræ.

C A P U T V.

Deſinitur Epocha Tiberii Cæſaris, & annus, quo Chriſtus ſuſcepit baptiſmum.

S. Lucas Evangeliſta cap. 111. 1. narrat Joannem Baptiſtam miniſterium ſuum cœpiſſe prope Jordanem anno xv. imperii Tiberii Cæſaris, & verſu 23. Chriſtum ad baptiſmum veniſſe cum ageret ætatis ſuæ annum trigēſimum. Liquido conſtat Tiberium, poſtquam deceſſit Auguſtus, adeptum imperium anno U. C. 767. die 19. ſextilis menſis. Annus itaque xv. erit annus U. 782. quo juxta recentiores Chronologos cœpit Joannes baptizare, & ſi Chriſtum natum dixeris cum Martyrol. Rom. an. U. C. 752. tunc annum trigēſimum ipſe Salvator inierat; ſi placeat Baptiſmum ejus cum iſdem recentioribus referre in annum proximum 783. & ſecundum prædicationis Joannis, juxta veterem Chronologiam inchoaverat Dominus a diebus xiii. trigēſimum primum ætatis annum. Verùm cum iidem recentiores Chronologi nobiſcum Natalem Chriſti retrahant ad an. U. C. 749. & quidam etiam ad præcedentem, ſervata Epocha illa Tiberiana, nequeunt locare baptiſmum Chriſti in Urbis anno 782. Tiberii quintodecimo, vel in proximo U. 783. Tiberii xv1. niſi affirmant baptizatum dominum anno trigēſimo tertio, aut trigēſimo quarto incunte: quam poſtremam ſententiam propugnat vir clariſs. Natal. Alex. diſſ. 11. q. 2. Nobis verò extra controverſiam poſitum eſſe videtur, veniſſe Chriſtum ad baptiſmum cum

cum esset *fere annorum triginta*, idque ex Evangelica historia, ac Traditione compertum esse; ideoque consentientibus jam omnibus Christum natum an. U. 749. aut saltem precedenti, jure contendimus tinctum Joannis baptismo anno U. 779. die sexta Januarii, cum ageret annum trigessimum, vel hunc a paucis diebus expleffet. Verùm, cum iste sit annus Tiberii ab Augusti obitu duodecimus; gravis oritur quæstio, quomodo Joannes incæperit ministrare baptismum anno Tiberii decimoquinto: aut quomodo si hoc anno, vel insequenti baptizatus est Jesus, non attigerit ætatem illam, quam adstruunt Recentiores.

Ut hunc solvamus nodum, recurrendum est ad imperium Tiberii Proconsulare: de quo etiam non levis insurgit quæstio, a quo anno sit deducendum. Pagius enim in dissert. Hyp. censet hanc dignitatem adeptum Tiberium anno U.C. 763. x. Vulgaris Aetæ, Coss. Dolabella & Silano, anno ante obitum Augusti 1v. quam opinionem propugnat dissert. cap. 4. Schelstratius, & dissert. x. de Myst. & An. Christi Cl. Gravesonius. At Pagius postea ad annum Christi x1. n. 2. & 10. retulit hunc Tiberii principatum in annum proximum U. 764. Coss. Lepido & Tauro: quæ fuit quoque sententia Cappelli dissert. de Anno Pass. Christi, & Henschenii in Exposit. vet. Catal. Pontif. Et quamvis Gravesonius asserat non videre se cur doctissimus Pagius a priori sententia recefferit, permotum hunc fuisse momentis firmissimis ea, quæ subijciam apertissime monstrabunt. Tenent præterea Petavius lib. x1. de Doct. Temp. cap. 7. Norisius dissert. 2. Cenotaph. Pisan. pag. 519. Tom. 111. & in Epist. 1v. ad Pagium Tom. 1v. pag. 765. nec non Tillemont. Not. 1v. in hist. Augusti, indeptum Tiberium Proconsularem dignitatem Coss. Cæsare Germanico & Capitone, anno V. Aet. x11. & U. C. 765. quam sententiam nec Pagius rejicit, scribens citato num. 10. incertum esse, an erraverit Vellejus affirmans collatum imperium Tiberio ante triumphum, an Suetonius asserens concessum triumpho acto. Nam possunt hæc in eundem annum convenire, idest, in præcitatum Romæ 765. quo Tiberium egisse triumphum res est apertissima. Pighius denique Tom. 111. Annalium ait datam Tiberio in provinciis parem cum Augusto auctoritatem anno U. 766. C. Silio & Munatio Planco Coss. & V. Aet. x111. quod Suetonius id evenisse scripserit post triumphum.

PROP. 1. Tiberius imperium Proconsulare indeptus est an. U. C. 765. Coss. Cæsare & Capitone, anno 1v. olymp. 197. Juliano 57. P. Jul. 4725. Aet. V. x11.

Etenim Vellejus Paterculus lib. 11. cap. 121. de Tiberio ait: *Cum res Galliarum maxima molis, accensusque plebis Viennensium dissensiones, coercitione magis, quam pœna molisset; & Senatus populusque Romanus postulante patre ejus, ut æquum ei jus in omnibus provinciis exer-*

exercitiſque eſſet : (etenim abſurdum erat non eſſe ſub illo , quæ ab illo vindicabantur ; & qui ad opem ferendam primus erat , ad vindicandum honorem non judicari parem) in Urbem reverſus , jam pridem debitum , ſed continuatione bellorum dilatatum , ex Pannoniis Delmatiſque egit triumphum . Igitur tum primo Imperium Proconſulare Tiberio delatum eſt , cum ſedato Vienneniſium tumultu , compoſitiſque rebus Germanicis reverſus erat ad Urbem , ut ageret triumphum ob Varianam cædem , bellorumque continuationem dilatatum . At Tiberius triumphum egit anno U. 765. Cæſ. Germ. & C. Fontejo Capitone Coſſ. Hoc ergo anno Tiberio æquum cum Auguſto juſ in provinciis collatum eſt . Præterea Suetonius *in Tiberio* cum narraſſet domito Illyrico Tiberium diſtulſiſſe triumphum , mæſta civitate clade Variana , ſcribit proximo anno repetita Germania proſpere rem geſſiſſe , ac e Germania in Urbem *poſt biennium* reverſum , decretum , dilatatumque egiſſe triumphum ; & denique cap. 21. inquit : *Ac non multo poſt lege per Conſules lata , ut provincias cum Auguſto communiter adminiſtraret , &c.* Animadvertit Noriſius in hoc tantum diſcrepare a Vellejo Suetonium , quod unus paullo poſt triumphum , alter paullo ante , Tiberium eveſtum ad honorem Proconſulis , litteris conſignari ; ac Paſgius , *Uter , inquit , erraverit incertum* . At ſive paullo ante triumphum , ſive paullo poſt , affirmes latam per Conſules legem decernentem Tiberio par cum Auguſto juſ in provinciis ; cum certum fit illum triumphum egiſſe anno V. Ae. x11. in hunc annum referri debet Tiberiani principatus initium . Aequum tamen eſt , ut Vellejo potius , quàm Suetonio credamus : illi enim ſtratiſque ſuo triumphantem Tiberium , (ut ſcribit laudato cap. 121.) *inter præcipuos , præcipuiſque donis adornatos viros , comitari contigit* .

Contraria argumenta ſunt . I. Suetonii hæc ſunt verba : *Dedicavit & Concordia adem . Item Pollucis , & Caſtoris , ſuo ſtratiſque nomine de manubiis . Ac non multo poſt lege per Conſules lata , ut provincias cum Auguſto communiter adminiſtraret , &c.* Adem verò Concordiæ dedicatam an. U. 763. die 17. Kal. Februarii conſtat ex Dione lib. 21. pag. 586. & ex Ovidio 1. Faſtorum . Igitur paullo poſt hanc dedicationem , eodem anno 763. Coſſ. Dolabella & Silano Tiberius Proconſulare imperium indeptus eſt . II. Tacitus lib. 2. Annal. cap. 1. inquit : *Nero ſolus e privignis erat : illuc cuncta vergere : Filius collega imperii , conſors Tribunitiæ poteſtatis adſumitur , omneſque per exercitus oſtentatur* . III. Dio Caſſius citato loco pertrahens de rebus geſtis Coſſ. M. Aem. Lepido , & T. Statilio Tauro , ideſt , anno U. 764. inquit : *Tiberius & Germanicus cui Proconſulare erat imperium impreſſionem in Germaniam fecerunt* . Dio autem minime appellaviſſet Tiberium Proconſulem initio anni 764. ſi tantum v. Kal. Septembris ejuſdem anni , vel anno proximo accepiſſet imperium .

IV. Scripserat ibidem Dio ob victoriam a Tiberio relatam e Dalmatis, *Tiberio nomen Imperatorium ac triumphum decretum*; & Suetonius pariter cap. 17. *Triumphus ei decretus est, multique & magni honores*: ideoque Tiberius antequam Germaniam repeteret, potitus erat imperio. V. Plinius lib. xiv. cap. ult. appellat Tiberium Principem, quando Pisonem ad præfecturam Urbis delegit. At Piso obiit anno U. 785. Domitio & Scriboniano Coss. ex Tacito lib. vi. Ann. cap. 2. *viginti per annos probatus*. Si ergo viginti hinc eximas annos, invenies anno U. C. 765. Tiberium Imperii collegam. Hæc sunt argumenta, quibus Schelstratus & Gravelonius certissimum putant Epocham Imperii Proconsularis figendam in anno U. 763. ita, ut Gravelonius scripserit: *Nec sane video, qua ratione doctissimus Pagius ab hac certissima Epocha, quam in sua dissertat. Hyppatica multis stabilierat argumentis, postea in sua Critica Annalium recefferit*.

At recessit, me quidem iudice, jure ac merito, cum nihil his argumentis erui queat circa exordium imperii Tiberiani. Etenim, quantum ad primum attinet, Suetonius non solum eo loci commemorat dedicationem ædis Concordiæ, verum etiam Castoris & Pollucis, quam liquet consecratam anno U. 759. Coss. Lepido, & Arruntio. Suetonius ergo ordinem temporum non servavit, sed utramque dedicationem, nec non manubias, & prædatis pecunias, quæ pompam auxerant, narravit post triumphum ann. U. 765. Quæ cum Norisius per Epistolam Pagio significasset, recte is sententiam verbis Suetonii haud rectè ponderatis innixam retractavit. Igitur ea verba, *ac non multo post*, non ad ædis Concordiæ dedicationem, sed ad triumphum referri debent: maxime cum sint exordium alterius capitis, & a præcedentibus sint sejungenda: ideoque Suetonius sententiam nostram confirmat. Tacitus vero demonstrat sane imperium Tiberii, sed de imperii exordio ne quid. Drusi tantum, & Caji narrat obitum, ex quo colligi nequit Tiberii Epocha: nam Drusus obiit anno U. 755. ut demonstrat Panvinus lib. 2. Fastorum pag. 296. ex T. Livio, & Suetonio, ac Justus Lipsius in lib. 1. Taciti num. 26. Cæsar autem ex Norisio dissert. 2. Cenotaph. Pis. cap. 17. decessit anno Romæ 756. 1x. Kal. Martias. Argumentum quoque tertium corroborat sententiam nostram, nam Dionis verba, *Cui Proconsulare erat imperium*, ut liquet, non ad Tiberium sunt referenda, sed ad Germanicum: quod recte animadvertit Norisius in Cenotaph. dif. 2. cap. 9. & manifestissimum est ex Græco Dionis textu, *Ἰππάρχῳ ἀντὶ ἡμετέρας ἡγεμονίας, Germanicus pro consule imperans*. Cum ergo Tiberius & Germanicus anno U. 764. *impressionem in Germaniam fecerunt*, Tiberius nondum adeptus fuerat æquum cum Augusto in provinciis imperium, sed illud obtinuit anno duntaxat insequenti. Quod sequitur, & nullius est roboris, & sententiam adversariorum evertit: nomen

nomen quippe *Imperatoris* non ſignificat *imperium proconſulare* : ſed appellatio erat militaris, qua duces conſecto bello, primum acclamatione militum, deinde Senatus decreto honeſtabantur, ex Demphero lib. x. Antiq. Rom. cap. 6. quare Tiberius appellatus eſt *Imperator* anno U. 759. ob res contra Illyricos præclare geſtas, ex Panvinio in 2. Faſtorum; & ex ipſo Dione, ac Suetonio ante Varianam cladem, ideoque ante annum U. 763. Sed nec verum eſt conſignandam cladem Varianam anno U. 763. x. V. Ae. & Dolobella & Silano Coſs. ut Schelſtratus ait Tom. 1. Antiq. Eccl. pag. 63. forte deceptus a Baronio idem tradente ad an. x111. Chriſti. Hunc enim anachroniſmum emendarunt ſummi viri, Petavius lib. x111. de Doct. temp. pag. 663. Noriſius in Cenotaph. Tom. 111. pag. 494. Pagius ad annum Chriſti 1x. num. 2. cum ex Dione lib. lv1. pag. 663. quem ſequitur Panvinius in Faſtis p. 41. incidere Variana cædes in Conſulatum Camerini, & Poppæi, ſcilicet, in præcedentem annum Urbis 762. & nonum vulgaris Aeræ. Poſtrema denique argumentatio ejuſdem ſarinx eſt: primo, quia anni xx. inter annum U. 765. & 785. interceſſere, & conſequenter non reſutatur ſententia noſtra ex anno Piſonis emortuali: deinde Lipſius in notis ad lib. v1. Taciti ait ex geminata litera x. errorem in Taciti librum irrepiſſe, quod pluribus confirmat Noriſius Cenotaph. diſs. 2. cap. xvi. §. 12. Denique Suetonius in *Tiberio*, cap. 42. ſcribit Tiberium in epulis, quas noſtem, continuumque biduum cum Pomponio Flacco, & L. Piſone protraxit, illi *Syriam provinciam*, huic vero *præſecturam urbis detuliſſe*. Syria autem Pomponio Flacco commiſſa eſt juxta Noriſium, anno U. 775. Ae. V. 22. non diſſentiente a Schelſtrate Tom. 1. Antiq. Eccl. pag. 124. imo & Pagio ad annum xx11. num. 3. licet is ad annum Chriſti x1. num. 5. ſcribat incertum eſſe, num Flaccus ſtatim demandatam provinciam inierit, an propter ignotas nobis cauſas tardius proſectus fuerit ad Syriam regendam. Ut ut ſit, nequeunt hæc argumenta Tiberianam Epocham e ſuo loco amovere; cumque Pighius ſtatuens illius initium in an. 766. nulla alia ratione utatur, quam petita ex verbis Suetonii ſcribentis lata per Conſules lege, ut cum Auguſto provincias adminiſtraret, *ſimulque cenſum ageret, condito luſtro in Illyricum* Tyberium proſectum eſſe: quorum verborum ſenſus eſt, legem hanc latam *non multo poſt triumphum*, non vero *paullulum ante luſtrum* an. 767. conditum; firmior apparet aſſertio noſtra etiam conſutatione contrariarum, certiſſima autem ex ea quæ conſequitur, poſitione.

PROPOSITIO II. Chriſtus baptizatus eſt anno U. C. 779. Coſs. Cornelio Lentulo Getulico, & Calviſio Sabino, Ae. V. xxvi. ſecundo Olymp. 201. P. Julianæ 4739. ætatis ſuæ trigefimo anno ineunte. Demonſtratur 1. Lucæ cap. 111. deſcribitur tempus prædicationis
 To. V. X x x niſ

nis Joannis, quo baptizante confluentem ad eum multitudinem, ipse Jesus ad nostræ humilitatis exemplum ad baptismum accessit. Est autem tempus istud annus imperii Tiberii Cæsaris xv. *Anno quintodecimo imperii Tiberii Cæsaris*, inquit Evangelista. Atqui hoc loci nequit intelligi annus xv. quo Tiberius regnavit a morte Augusti, juxta enim hanc Epocham quintus decimus imperii annus incipit a die sextilis mensis xix. anno U. C. 781. & si Christus dicatur natus viii. Kal. Januarias, an. U. 749. eadem die, labente præcitato anno Romæ 781. usque ad palilia explevisset annos duos supra triginta, atque die sexta Januarii egisset annum trigesimum tertium, aut, si retrahas Christi natalem in præcedentem annum U. 748. vel unum annum statuas inter inchoatam Joannis prædicationem & Salvatoris baptismum, (ut quidam faciunt,) annum inchoasset quartum supra tricesimum; quod eidem Evangelistæ, & Ecclesiæ auctoritati repugnat. Igitur Evangelista loquitur de anno xv. imperii Proconsularis, qui annus xv. juxta epocham fixam præcedenti propositione incidit in annum U. C. 779. ideoque hoc anno Christus baptismum suscepit. Et Jesum quidem baptizatum anno Tiberii xv. tradunt communiter Patres, & nemo unus, quem legerim, differt Redemptoris baptismum in annum Tiberii xvi. Imo antiquissimus auctor Tertullianus lib. 1. contra Marcionem cap. 15. scribit baptizatum Dominum *anno xxi. Tiberii Cæsaris*: quo in loco perperam Tertullianus a Pamelio, aliisque reprehenditur; cum fixa Epocha Imperii Proconsularis anno U. 765. vere cum anno 779. concurrat annus Tiberii xii. Augustalis.

Præterea confirmatur propositio versu 23. prælaudati capitis Lucæ, *Et ipse Jesus erat incipiens, quasi aunorum triginta*. Cum itaque Christus natus sit anno U. C. 749. inchoaverat annum trigesimum anno U. 779. ideoque hoc anno baptizatus est. Quid vero ad tam expeditum, apertumque momentum Recentiores? Reponunt quidam extare in Græco particulam *ὥστί*, i. *circiter*, per quam particulam ætatem, qua Christus ad baptismum venit, possimus extendere ad annum usque tricesimum quartum inchoatum: respondent alii participium illud *incipiens* non ad baptismum, sed ad prædicationem Christi esse referendum. Mirum doctos viros ad suam chronotaxim defendendam tam absurda effutire! Resellitur enim responsio, sive, ut melius dicam, commentatio prima sequentibus argumentis. Primum dato particulam *ὥστί* idem valere, ac *circiter*, nonne potius innueret annum Christi xxix. aut xxxi. quorum unus per diminutionem, alter per excessum annum circiter tricesimum complectuntur? Deinde particula *ὥστί*, *quasi*, aut diminutionem, aut certe non tantam amplitudinem significat: nam, ut sacra proferrantur exempla, ubi legimus Joan. 1. 39. *Hora autem erat quasi decima*. iv. 6. *Hora erat quasi sexta*. xix. 14. *Erat autem Parasceve*
Pa-

Pafehe hora quaſi ſexta : & verſu 39. *quaſi libras centum* , non habet adverbium *quaſi* amplam ſignificationem ; quemadmodum nec apud Latinos : inter quos dum Suetonius in Caligula ait , *Horæ quaſi ſeptima cunctatus an ad prandium ſurgeret* , dum Terentius Heaut. *Quaſi talenta ad quindecim coegi* , dum Cicero quarto Academ. qq. *Quantulus vobis videtur ? mihi quidem quaſi pedalis* ; in iis , aliisque locis quamplurimis *quæſi* diminutionem , non ampliationem ſignificat . Præterea participium *incipiens* , de quo paullo infra , omnem particulæ *quaſi* tollit ambiguitatem , demonſtratque Chriſtum , dum ad baptiſmum venit , annum inchoaſſe triceſimum . Inſuper cum Latina mire conſpirant Verſiones aliæ : nam habet Syriaca , *Et Jeſus erat quaſi filius annorum triginta* . Aethiopica , *Et ſufficiebat trigēſimus annus Domino Jeſu* . Perſica , & Arabica , *Et Jeſus cæperat ingredi in trigēſimum annum* . Dominum baptizatum eſſe annorum fere triginta , (ut inquit S. P. Auguſtinus lib. 2. de Doct. Chriſt. cap. 28. num. 42.) *retinemus auctoritate Evangelicæ* ; necnon perpetua traditione Sanctorum . Juſtinus enim in Dialogo cum Tryphone pag. 315. ſcribit baptizatum Chriſtum , *cum haberet annos plus , minus triginta* . Irenæus lib. 2. adv. hæreſes cap. 22. num. 1. aliàs cap. 38. *Salvator triginta annorum exiſtens venit ad baptiſmum* . Euſebius lib. 1. Hiſt. cap. 10. *Quando jam ætatis ſuæ annum trigēſimum agere incipiebat , ut ſcribit Evangeliſta , ad Joannem ut lavacro baptiſmatis tingeretur , ſe contulit* . Gregorius Nazianzenus Orat. 39. *Chriſtus cum trigēſimum ageret annum baptizatur* . Hieronymus in cap. 1. Ezech. *Illud quoque intelligendum , quod trigēſimo ætatis ſuæ anno Dominus ad baptiſmum venerit* . Mitto brevitatibus gratia Bedam , D. Thomam , Chronicum Alexandrinum , Zonaram , Genebrardum , Suareſium , Perrerium , Nicolaum Lyranum , Dionyſium Carthuſianum , Toſtatum , Cajetanum , Hugonem , & ex Chronologis Graveſonium , Pagium , Schellſtratium , Noriſium : Quid enim multus ero Scriptores connumerando , cum nec unum aut percelebrem , aut proletarium , qui aſſerat Chriſtum baptizatum anno ætatis ſuæ xxxi i . aut xxxiv. novitiæ hujus ſententiæ patroni in medium proferre valeant ?

Excutitur etiam facillime commentatio altera , quod participium *incipiens* non anni triceſimi , ſed prædicationis Chriſti ſit nota . Enimvero in tertio Lucæ capite , non Chriſti prædicatio , ſed ætas , atque genealogia citato verſu 23. & ſequentibus deſcribuntur : ac ſubinde initio capitis iv. reſreſſus Salvatoris a Jordane , quadragenarium jejunium , & diaboli tentatio enarrantur ; quæ etiam ex capite Matthæi quarto baptiſmum inter & Evangelicæ prædicationis initium interceſſere . Quomodo ergo huc ſpeſtat *quæſi incipiens* ? quomodo e verſu 23. cap. 111. divuſum , ad verſum 15. capitis iv. vio-

lenter pertrahitur? Ad hæc perspicua est Vulgatæ authentica lectio, *Et ipse Jesus erat incipiens quasi annorum triginta*: quibus in verbis *incipiens* ætati conjunctum est. Neque quidquam officit participii postpositio extans in Græco, cum interpunctione, quam ferunt ab Origene appositam, ad hunc plane modum: *Καὶ αὐτὸς τὸν ὅτι ἦν ἄρτι ἰσὺν τριάκοντα, ἀρχίζων*. Ad quid enim, quæso, hæc interpunctio, nisi forte, ut participium *ἀρχίζων* ad rectum *ἦν* pertinere percipiat? Adde, quod emendatissima exemplaria, & omnia, quæ vidimus, inter quæ Angelicæ Bibliothecæ Codex regius, ipsam interpunctionem non habent. Insuper Græcus antiquissimus Vaticanus n. 1209. habet, *Καὶ αὐτὸς ὁ ἦν ἄρτι ἀρχίζων ἄρτι ἰσὺν τριάκοντα*, mire conveniens cum Vulgata, & commentitiam recentiorum interpretationem revincens. Præterea in Græco non extat illud tantum *incipiens*, sed, *incipiens existens, ἀρχίζων ὢν*: quod ad ætatem, non ad ministerium referri debet; unde Vatablus, Isidorus Clarius, necnon Erasmus reddiderunt: *Incipiebat agere annum tricesimum. Incipiebat esse annorum triginta*. Denique si concedamus *ἦν incipiens* ad prædicationem spectare, quid adversum nos erit consecutionis? Nonne post baptismum, jejunio tamen dierum quadraginta præmissio, *capit Jesus prædicare*, ut inquit Matth. 1v. 17. Marcus 1. 14. & Petrus Act. 1. 22? Christus itaque agens annum trigesimum baptizatus est in Jordane, eodemque anno prædicationem incæpit suam.

Insuper propositio confirmatur ex quo in priori anno Dominicæ prædicationis Judæorum quidam de Herodiano templo dixerint, Joan. 11. 20. *Quadraginta & sex annis ædificatum est Templum hoc*, quæ verba de Templi ornatu, non de corpore ædificii accipienda esse ostendimus pag. 50. Ex Josepho insuper lib. v1. de Bello cap. 6. imo ex Mat. xxiv. 1. inferitur in sacræ ædis structura plurimum operis etiam posterioribus annis insumptum, neque, dum ea verba Judæi pronuntiarunt, fuisse amplissimum ædificium undequeque perfectum. At ex eodem Josepho lib. xv. Antiq. cap. 14. nunc 11. Herodes arduum hoc opus aggressus est *anno decimo octavo regni sui*; sive, ut inquit idem Historicus lib. 1. de Bello Jud. cap. 21. aliàs 16. *anno regni sui decimo quinto*, idest, anno xv. a cæde Antigoni; anno xvi11. ab accepto regno a Romanis: ita enim nulla offenditur in probatissimo Auctore contradictio. Herodianum ergo Templum inchoatum est anno U. C. 732. qui est Regni Herodis a cæde Antigoni xv. & ab anno, quo a Romanis declaratus est Rex, xvi11. Addantur modo *quadraginta sex anni*, ac nobis tempora supputanda erunt usque ad annum Romæ 778. quo exacto, nimirum anno U. C. 779. præterierant adamussim anni ædificationis templi xvi1. & consequenter idem annus Urbis est primus Dominicæ prædicationis, & baptismatis Christi.

Opp. 1. Illa Evangeliftæ verba , *Anno quindodecimo* , &c. non ſunt Chronologica nota imperii Proconſularis Tiberii , ſed imperii Auguſtalis . Atqui annus imperii Auguſtei quintus decimus concurrat cum anno U. C. 782. & cum anno vitæ Chriſti triceſimo tertio , id eſt , Ae. V. 29. & Dominus baptizatus eſt altero anno prædicationis Joannis , ut argumentatione proxima demonſtrabimus . Ergo Dominus ad baptiſmum venit anno U. 783. Coſ. Vinitio , & Caſſio , anno Ae. V. 30. atque ætatis ſuæ triceſimo quarto ineunte . Probatum major . 1. Ex Tacito lib. 1. Annalium Livia Tiberii Mater deſuncto Auguſto acribus cuſtodiis domum & vias ſepſit , Filiumque vix ingreſſum Illyricum properis literis revocavit . Quid autem pertimeſcebat Livia , ſi Tiberius Senatuſconſulto ſummum jam indeptus erat principatum ? II. Inquit ibidem Tacitus : *Primum facinus novi principatus ſuit poſtumi Agrippæ cædes* : ubi aperte imperium Tiberii dicitur *novum* , nuper ſcilicet arreptum . III. Aelius Spartianus de M. Aurelio & L. Vero inquit : *Hi ſunt , qui poſtea duo pariter Auguſti primi Rempublicam gubernavere* : ideoque nemo ante M. Aurelium , & L. Verum , in conſortium imperii fuerat aſſumptus . IV. Hiſtorici omnes in ſupputandis annis Tiberii Epocham Auguſtianam uſurpant , dum inquam Tiberium imperaſſe tribus ferme ac viginti annis , ſive annis 22. menſibus ſeptem : quibus accedunt PP. Clem. Alex. lib. 1. Stromat. Tertull. lib. adverſus Judæos cap. 8. & Laſtantiuſ lib. iv. Inſtitut. cap. 10. aſſerentes Chriſtum affixum cruci anno xv. Tiberii , annos natum quaſi triginta , & Conſulibus duobus Geminis . Conſulatus quippe duorum Geminorum concurrat cum anno xv. imperii Auguſtei , non Proconſularis . Commentitium eſt itaque Proconſulare imperium Tiberii , & incredibile omnino eſt Lucam Evangeliftam in hiſtoria ubique terrarum narranda Epocham uſurpaſſe ſacris , profaniſque ſcriptoribus proſus ignotam .

Reſp. nego majorem , quæ nullatenus tribus primis momentis fulcitur ; quippe nos fatemur Tiberium in provinciis tantum parem cum Auguſto adeptum eo vivente auctoritatem , quod & ſcribit Tacitus ; non aſſerimus illum evectum ad imperium Auguſteum , de quo anxia erat Livia , ne illius potiretur Germanicus , *in cujus manu tot legiones , & immenſa ſociorum auxilia* , ut eo loci narrat Hiſtoricus . Nihil ergo adverſum nos aut Taciti , aut Aelii Spartiani teſtimonia . Sed & parum , aut nihil urget argumentum quartum , & quantum ad Patres attinet ſententiam communis noſtram . Quomodo enim Chriſtus mortuus eſt anno xv. Tiberii , uti ſcribunt Clemens Alex. ac Tertullianus , ſi anno xv. venit ad baptiſmum , & adverſarii , qui hæc obſectant , inter baptiſmum , & mortem Chriſti quatuor Paſchata fatentur interceſſiſſe ? Baptizatus eſt ergo Dominus anno xv. imperii Proconſularis , & Auguſtei xxi. mortuus anno xv. imperii

Au-

Augustiani, & Proconsularis xviii. & qui imperium Augusteum a Proconsulari non distinxerunt, maluerunt asserere Christum passum anno trigesimo vitæ suæ, quam exploratissimam traditionem deferere de anno Christi emortuali. Nam e sententia nostra consequitur vere Christum suffixum cruci anno xv. Tiberii, & duobus Geminis Coss. ut suo loco dicetur. Falsum præterea est secutum Evangelistam Epocham ignotam penitus, cum ex dictis manifestum sit illam comprobari ex Tacito, Vellejo, & Suetonio. Idem Clem. Alexandrinus lib. 1. Strom. pag. edit. Morelli 339. ait Tiberii tempora a quibusdam diversa ratione describi. Tertullianus dum scribit baptizatum Dominum anno Tiberii xii. nequit accipi nisi de anno Augusteo, at supponit alteram fixam a nobis Epocham. Atque hanc secutus est Evangelista usurpans notam imperii in provinciis notissimi; quemadmodum Jeremias, & sacra Regum Historia supputant annos Nabuchodonosoris Regis Babyloniorum ab ejus in Syriam expeditione, a quo tempore regnavit annis xlv. quamvis Berosus lib. 3. Chald. hist. Josephus in x. Antiq. & Ptolomæus in Canone nonnisi annos xi. dinumerent, illos supputantes a morte patris. Quare Evangelista secutus quoque est aliorum divinorum Scriptorum consuetudinem.

Opp. 2. Non xv. Tiberii anno, sed xvi. baptizatus est Dominus: inter initium quippe prædicationis Joannis unum, vel alterum annum interfuisse demonstrant viri clarissimi, Pagius, Schelstratius, & Gravefonijs, ex quo Dominus ad baptismum accesserit, cum impleat Joannes cursum suum, ex Act. xiii. 25. & cum baptizetur omnis populus, ex Lucæ xiii. 21.

Resp. doctissimorum virorum, quorum mentio a nobis facta est, chronotaxim nobis nullatenus adversari, cum Epocham imperii Proconsularis Tiberii vel uno, vel duobus annis antevertant. Placet tamen nobis in anno potius xv. quam xvi. Christi baptismum locare, primum quia circa principatum Tiberii subscribendum censemus Norisio: deinde quia nullus aut Historicorum, aut Patrum asseruit Christum lavacro Jordanis tinctum anno xvi. Tiberii, sed concordissime factum id narrant anno xv. excepto Tertulliano, qui posuit annum xii. recte concurrentem in sententia nostra cum anno U. C. 779. computatis annis xii. a morte Augusti, sive ab anno U. 767. & annis xv. ab exordio imperii Proconsularis, scilicet ab anno Romæ 765. Tandem quia argumentum istud nullius est efficaciæ. Annus quippe Tiberii xv. concurret cum anno Ae. Vulgaris xxv. & xxvi. cum Tiberius imperium indeptus fuerit Sextili mense. A Septembri autem anni xxv. usque ad Januarium anni proximi, quatuor mensium decursu potuit Joannis nomen undique resonare, & ad Jordanis fluentia confluere populi multitudo: nam & Christi fama initio prædicationis exiit per universam regionem, Lucæ iv. 14. Atque his accedit,

cedit, quod non expleto Joannis ministerio, sed *cum impleteretur*, (ex iisdem, quæ obijciuntur locis) Christus suscepit baptismum. Sed & Joannes peragravit duntaxat omnem regionem Jordanis, idest, omnia circa Jerichuntem campeſtria, quæ ſacer fluvius perluſtrat, & quæ quatuor tantum menſibus poterat prænuntii ministerio commode circuire.

Opp. 3. Evangelista non ſolum meminit anni Tiberiani xv. verum etiam Pilati eo temporis Judæam procurantis. At Pilatus anno U. 779. nondum erat Procurator Judææ: inde enim urgente Vitellio diſcedens *exactis in ſua Provincia decem annis*, ad Urbem iter ſuſcepit, quo priuſquam perveniret, exceſſit e vita Tiberius. Obiit autem Tiberius Conſulibus Cn. Acerronio Proculo, & C. Pontio Nigrino, iſdeſ, anno Ae. V. 37. & U. C. 790. Pilatus ergo ante annum U. 780. non fuit Judææ Procurator. Vide Joſephum lib. xviii. Antiq. cap. 3. alias 5. & de Bello Jud. lib. ii. cap. 13.

Reſp. Pilatum ex Joſepho ibidem miſſum in Judæam ſucceſſorem Grati, qui exactis annis xi. Romam repetiit anno Ae. V. 25. & U. C. 778. Quomodo ergo Pilatus proximo anno minime Judæam procurabat? Pervenit utique Romam anno U. 790. ſublato e vivis Tiberio xviii. Kal. Apriles: ſed Joſephus ſcribens Romam illum veniſſe *conſumptis decem annis in Judæa*, vel omiſit menſes aliquot primi ac poſtremi anni, ut efferret numerum annorum rotundum, vel pro *duodecim*, ſcripſit *undecim*: vel ſane Pilatus male ſibi conſcius, & judicium refugiens, ſeu morbum finxerit, ſeu ventorum contrarietatem, ſeu cauſam aliam, expectavit in itinere mortem Tiberii Cæſaris.

Opp. 4. Ex Evangelicis verbis, *Et ipſe Jeſus erat quaſi annorum triginta*: inferre non poſſumus, qua ætate Chriſtus baptiſmum ſuſceperit. Particula enim *Quaſi* definitiva non eſt: nam de turbis a Domino ſatiatis legimus Marci viii. 9. *Erant qui manducaverant quaſi quatuor millia*. Joannis vi. 10. *Quaſi quinque millia*; & Matth. xiv. 21. *Erant autem quinque millia virorum, exceptis parvulis & mulieribus*. Poſſumus ergo aſſerere Chriſtum ad baptiſmum veniſſe a quo ætatis ſuæ triceſimo quarto ineunte.

Reſp. neque a nobis uſurpari particulam illam *Quaſi* tanquam anni triceſimi definitivam, cum ſententia noſtra veniens Dominus ad baptiſmum vix triceſimum annum attigerit. Quare affirmamus hujus particulæ eandem vim eſſe, ac ſi diceretur *plus minus*, quemadmodum ait S. Martyr Juſtinus diſputans cum Tryphone. In ſenſu autem diminutivo particulam illam accipiendam putamus, quod participium *incipiens* denotet inchoatum annum triceſimum, non exactum; quod communiter Patres, qui dum ſacræ literæ ambigæ ſunt, nobis facem præferunt, baptizatum Dominum ubique affirmant anno la-

labante tricesimo; quod præterea id maxime cohæreat cum annis Domini tam natali, quam emortuali. In præcitatæ vero Evangelistarum verbis nihil prorsus difficultatis offendimus. Etenim Marcus cap. vii. enarrat aliud Christi miraculum, atque ipsemet cap. vi. 44. *Erant autem (inquit) qui manducaverunt quinque millia virorum*, non secus, ac in capite xiv. Matthæus. Miraculum istud paratum est in deserto, multiplicatis quinque panibus, & duobus piscibus: at quod Marcus narrat cap. viii. contigit prope mare Galilææ in panibus septem, paucisque pisciculis. Perperam itaque hisce exemplis nonnulli nituntur ut differant baptismum Christi ad annum quartum ac tricesimum, passionem vero ad tricesimum septimum, & quod pariter repugnans est, adversatur Patrum traditioni, & paulo post refutabitur.

Opp. ultimo: Negari saltem non potest, quin Dominus ad baptismum accedens annum tricesimum exegerit; quippe id comprobatur expresso testimonio Ignatii Martyris scribentis ad Trallesios, *Et expletis tribus annorum decadibus vere baptizatus est a Joanne*. Adversus autem tam patens de ætate Christi testimonium nemo vel mutire, nedum refragari debet, inquit Baronius. Accedunt Canones præscribentes, *ne quis presbyter ordinetur, nisi triginta ætatis annos impleverit, quoniam & Dominus trigesimo anno baptizatus est*. Ita Canon xi. Concilii Neocæsariensis, 17. Agathensis, 4. Carthagenensis iii. & 20. Toletani iv. Consonat & antiquus Ordo Romanus laudatus ab Albino Flacco de Off. Eccles. cap. 6. nec non cap. *Siquis*, dist. 78. & cap. *Cum in cunctis*, de Elect. & Electi potest.

Resp. 1. His nullo pacto sententiam nostram concuti, si natalem Christi referamus ad annum U. 748. aut inter passionem ac baptismum tria duntaxat Paschata dinumeremus: quæ duo possunt aliqua probabilitate defendi, nec pugnant cum Antiquorum consensu, quemadmodum pugnat sententia eorum, qui contendunt Christum baptizatum anno ætatis suæ xxxiv. Respondemus præterea his quoque momentis demonstrari baptismum Dominum anno xxx. inchoato, nondum autem exacto. Martyr enim Ignatius ad Trallianos inquit: *καὶ τῆς δικάδος ἰσὺν πενήταμιν ἡλικίᾳ ὑπὲρ Ἰωάννη ἀνδρὶς*: *Et triginta annos ætatis baptizatus est a Joanne verè*: non ut vertit olim Vairlenius Silvius, *Et expletis tribus annorum decadibus*. Pagius in Apparatu num. 151. observat hæc verba legi quidem in Epistola Ignatii interpolata, at non in genuina. Revera non comparent in Florentino Codice edito ab Ilacio Vossio. Extant tamen in vetustissimo Vaticano num. 859. & laudantur ab Auctore Chronici Alexandrini. Ignatii itaque testimonio admissio, eodem sententia nostra fulcitur. Canon etiam Neocæsariensis habet, *Presbyter ante triginta annorum ætatem non ordinetur*, nec aliter Agathensis,

thenfis , ac Toletanus . In antiquo pariter Ordine Romano legitur , *Expletis enim Christus quasi triginta annorum curricularis venit ad Jordanem , ut baptizaretur* ; non autem absolute , *expletis* . Aliter legi fatemur in cap. *Siquis* , dist. 78. sed ex regulis Juris , & ex eadem distinct. inferitur canonem explicandum esse de anno tricesimo duntaxat inchoato ; quoniam dum agitur de muneribus & honoribus computatur etiam tempus , quo infans in utero materno delituit , & sat est si annus præscriptus una tantum die attingatur , ut censetur transactus : uti observat Glossa in lib. 1. Decret. tit. 6. c. 7. & de Laicorum muneribus extat ff. *de mun. & bon. ad Remp.* Canone etiam *Cum in sanctis* , nequaquam inhibetur , (servatis terminis juris ,) ne Episcopus eligatur dum tetigit , nec explevit annum trigesium ; sed id inhibetur duntaxat est Constitutione Gregorii XV. edita die 15. Maji an. 1591. ut inquit in hunc titulum Emmanuel Gonzalez . At Joannes Cardinalis a Turrecremata in cap. *Siquis* , definitam quidem censet ætatem tricesimi anni completi : sed ait rationem petitam ex *Christi baptismo* videri Glossæ & Hugoni inefficacem ; cum Christus ad baptismum accedens non attigerit anni tricesimi , nisi diem tertiumdecimum . In distinct. lxxviii. cap. *Nemo presbyter* , definitur , *ne quis dum consecratur , minor triginta annis sit* ; atque proximo cap. *Si triginta* , ut si necessitas exposcat , *a vigintiquinque annis & supra Levite , & Sacerdotes ordinentur* . In veteri quoque Testamento legimus Num. 1v.3. admissos Levitas ad ministrandum in tabernaculo fœderis , *a trigesimo anno & supra* , ut habet Vulgata , & Hebræus Codex , *a filio triginta annorum* . מִן שָׁלֹשִׁים שָׁנָה . At ibi in Versione lxx. legimus , *ἐν τῷ εἰκοστέῳ ἔτει ἢ ἡλικίᾳ αὐτοῦ ἢ ἐν τῷ εἰκοστέῳ , a vigintiquinque annis , & supra* . Hæc spectasse videntur prædictorum canonum Conditores , ac Tridentina Synodus sels. xxiii. cap. 12. dum ait : *Nullus in posterum ad Presbyteratus Ordinem ante vigesimum quintum ætatis annum promoveatur* . Cum igitur in promovendis presbyteris post Tridentinum Concilium requiratur tantum annus vicesimus quintus inchoatus , non autem expletus ; dicendum est eandem ætatem præscribi Canone , *Si triginta* , dist. 78. quemadmodum tricesimum annum Can. *Siquis* , eadem distinctione , necnon præcætatæ definitionibus Toletani , Carthaginensis , & Agathensis Conciliorum ; præsertim cum Toletanum apud Aguirre Tom. 12. pag. 483. præferat legem præcætatæ Numerorum . Ex quibus inferitur præscriptionibus Canonum nequaquam adversari , sed quammaxime consentire sententiam , quæ asserit baptizatum Dominum anno tricesimo nondum expleto ; prout nos hac dissertatione exponere , & comprobare curavimus .

PROPOSITIO III. Christus baptizatus est vii. idus Januarias .

Hanc propositionem addimus adversus recentiores perpaucos ,
To. V. Y y qui

qui unius Epiphanii sententiam secuti baptismum Christi referunt in autumnum, cum idem Epiphanius H. 11. scribat baptizatum Jesum die 12. mensis Atbir, idest, octava Novembris. Verum cum hæc Epiphanii sententia singularis sit, ab ea recedendum esse arbitramur. Movet nos primum traditio Romanæ & Apostolicæ Ecclesiæ, quæ in solemni Epiphaniorum die Magorum adventum, & Redemptoris baptismum concelebrat, affirmatque eadem die recurrente utrumque contigisse. Viget eadem traditio apud Ecclesias ceteras: nam Christiani Copti, ut scribit Scaliger lib. v11. Emendat. temporum, quotannis sexta Januarii die memoriam baptismi Dominici recolentes sese in piscinam immergunt. Armenii pariter v111. idus Januariæ crucem in aquam immittunt Christi baptismum recolentes, appellantque diem illam *Caccicuran*, idest, *Crucis immersionem*: atque hanc Armeniorum cæremoniam se in Perside vidisse scribit Epist. v111. Petrus a Valle. Ecclesiæ Orientis aliæ prædicta die in aquam Christi statuat immittunt trina immersione, atque eandem aquam diutissime incorruptam permanere narrat ad annum Christi 29. Antonius Pagius, referens Iosephum Georgerinum Archiepiscopum in insula Arcipelagi anno 1676. hoc Orientalium ritu servato Aquam consecrassè, quæ limpidissima perduravit annis plurimis, & servata esset diutius, nisi phiala fortuito fuisset confracta. Apud Aegyptios recolit in Epiphaniis Christi revelationem, atque baptismum, scribit Collat. x. cap. 2. Joannes Cassianus. Omnes Orientis Christianos die 6. Januarii in memoriam Dominici baptismatis solemni ritu benedicere flumen, quo regio ipsorum abluitur, narrat lib. 2. de Festis cap. 7. Thomassinus. Est ergo utriusque Ecclesiæ cum Latinæ, tum Græcæ, aliarumque universarum sensus unanims baptizatum Dominum in Jordane v111. idus Januariæ.

Hujus traditionis meminerunt etiam Patres. Nam Eusebius in Epistola ad Marinum apud Baronium ad annum Ch. xxx1. num. 18. ait constare *antiquissima traditione*, quod Christus baptizatus sit sexta die Januarii. Epistolæ Eusebianæ fragmentum posteritati traditum est a Christophorono post Historiam Evagrii. S. Hieronymus in cap. 1. Ezech. Tom. 111. pag. 699. inquit: *Illud quoque intelligendum quod in tricesimo ætatis suæ anno Dominus ad baptismum venerit, in quarto mense, qui apud nos vocatur Januarius, & est in anni primus exordio*. S. Paulinus Nat. 1x. in S. Felicem de Epiphaniorum die cecinit:

*Qua Puerum stella duce mystica dona ferentes
Suppliciter videre Magi; seu qua magis illum
Jordanis trepidans lavit tingente Joanne
Sacramentum cunctis recreandis gentibus undas.*

Accedit Chronicon Alexandrinum, in quo Tom. x11. Bibl. PP. p. 927. legi-

legimus : *Chriſtus verus Deus noſter in Jordane tinſtus eſt die ſexto Januarii menſis , quemadmodum ſine controverſia eodem die Catholica & Apoſtolica Eccleſia in ſuo ipſius typo & xlii. Apoſtolorum ſuorum diem feſtum Luminum , ſive Epiphaniam Domini noſtri Jeſu Chriſti magni Dei & Salvatoris celebrare conſuevit .* In Codice item Regio apud Cotelar. Tom. 1. PP. Apoſt. pag. 312. legitur : *Et cum eſſet annorum triginta , baptizatus eſt a Joanne 6. Januarii menſis , hora 7. diei .* Denique ipſi ſeveriores Critici fatentur hac die Dominum baptizatum . Hyacinthus Serry Exercit. xlv. num. 5. ait : *In id conſentiunt univerſi , ut die 5. aut 6. Januarii fuerit baptizatus , qua die etiam Eccleſia Catholica a primis ſeculis Theophaniam ſolita eſt celebrare .* Tillemontius Not. xvi. in Jeſum Chriſtum ait certiorum eſſe diem baptiſmatis Chriſti , (quod & ipſe alligat diei Januarii ſextæ ,) quàm diem Dominicæ Nativitatis . Ipſe Baſnagius , quavis diem qua Chriſtus baptizatus eſt aſſermet prorfus incertam , menſem quod attinet , fatetur vero ſimile Januarium fuiſſe baptiſmo Dominico conſecratum . De die nutat Baſnagius , quoniam Clemens Alexandrinus lib. 1. Stromatum de Baſilidis ſectatoribus inquit : *Dicunt autem eum eſſe quintumdecimam annum Tiberii , quintumdecimam menſis Tybi . Aliqui autem eſſe undecimam ejuſdem menſis .* Incidit verò Tybi xv. in Januarii x. & Tybi xi. in Januarii vi. Addit Baſnagius Hieronymum in cap. 1. Ezech. alligare baptiſmum Domini quintæ Januarii , non ſextæ diei . Objicit & Epiphanium , qui hæreſi li. num. 24. ait Chriſtum baptizatum vi. idus Novembris . Sed hæc parum urgent . Sectatorum enim Baſilidis nullam rationem habemus ; & qui in ea ſecta baptiſmum Domini celebrabant die x. Januarii , ab aliorum conſuetudine deſciverant . Ex quo præterea aliqui aſſerent conſecratum Dominico baptiſmate diem xi. Tybi , ſive vi. Januarii traditionis noſtræ colligi poteſt antiquitas . Hieronymus ait , *Quintam autem diem menſis adjungit , (Ezechiel) ut ſignificet baptiſma , in quo aperti ſunt Chriſto caeli : ſed feſtivities celebrantur a vespere præcedentis diei , conſuetudine vetuſtiſſima .* Epiphanius denique unus eſt , qui aſſeruit Jeſum baptizatum die octava Novembris , ut etiam Tillemontius adnotavit præcitato loco , etſi ibidem male pro die vii. Novembris ſcripſerit vi. Sane unus Epiphanius non ſufficit ad probandam Eccleſiæ univerſæ traditionem : erratque Bernardus Lamy , qui in apparatu Chronologico pag. 234. ſcribit : *Hac die octava Novembris Jeſus baptizatus eſt juxta veterem traditionem ex S. Epiphania .* Id legi in Panario Epiphanii , verum eſt ; tenendum tanquam traditionem veterem , falſum prorfus , atque ementitum .

CAPUT VI.

De Christi post susceptum baptismum prædicatione.

TAMETSI nonnulli Patrum Christum uno tantum anno prædicasse existimaverint, ut Clemens Alexandrinus lib. 1. Strom. Philastrius hæc. 106. & Gaudentius Tract. 3. de 1. Dominica Paschæ, & quidam alii; necnon fuerint, qui prædicationem Domini dixerint annis duobus completam, ut Apollinarius Laodicensis apud Hieronymum in cap. 9. Dan. & Cyrillus Alex. in Isaïæ 61. omnes tamen hujus ævi Chronologi tribus annis, ac totidem mensibus Dominum Jesum Evangelium annuntiasse fatentur; sive contendant baptizatum Dominum anno x11. Imperii *Augustalis* Tiberii, Ae. V. 26. ac passum anno Tiberii xv. Ae. V. 29. sive baptizatum hoc anno, crucifixum vero anno Tiberii xv111. Ae. V. 32. sive denique baptizatum anno Tiberii xv1. Ae. V. 30. affixum cruci anno Tib. x1x. & Ae. V. 33. In unaquaque enim istarum sententiarum tres anni inter baptismum & mortem Christi intercefferunt, ac præterea tres circiter menses, quibus baptismus antevertit Paschati Azymorum.

Et quidem juxta Augustinum lib. 11. de Doct. Christ. cap. xxviii. n. 42. quot annos Dominus in hac vita egerit post baptismum, ex textu ipso Evangelii animadverti potest, & *ne aliunde caligo dubitationis oriatur, de historia gentium collata cum Evangelio liquidius certiusque colligitur.* Ex Evangelio constat baptizatum Dominum cum esset *fere annorum triginta*; quod & nos *retinemus auctoritate Evangelica*, inquit ibidem S. Pater. Ex Gentilium historiis liquet Consulatum duorum Geminorum incidere in annum U. C. 782. Ae. V. 29. quo anno Christum affixum cruci demonstrabo capite sequenti, & absque ulla hæsitacione asserit idemmet Augustinus lib. xv111. de Civit. Dei cap. 54. Cum itaque demonstratum sit præced. cap. Christum baptizatum anno Ae. V. 26. die 6. Januarii, dum ageret annum tricesimum, idque sit consentaneum historię Evangelicę; si passus est duobus Geminis Cos. quos ex Romanis historiis constat iniisse Consulatum anno Ae. V. 29. apertissime ex Evangelio cum Romanorum Fastis collato sequitur Dominum tribus integris annis prædicasse. II. Idem ex Evangelio potest confirmari, ubi invenimus baptismum inter, ac mortem Domini quatuor Paschata. Primum post miraculum in nuptiis Canę patratum, de quo Paschate Joannis 11. 13. *Et prope erat Pascha Judæorum, & ascendit Jesus Jerosolymam.* Alterum est Pascha, de quo Joannis v. 1. *Post hac erat dies festus Judæorum, & ascendit Jesus Jerosolymam.* Tertium Pascha est, de quo idem Evangelista cap. vi. 4. *Erat autem proximum Pascha, dies festus*

feſtus Judæorum. Quartum denique illud eſt, in cujus ſolemnitate impij Dominum crucifixerunt, Mat. xxvi. 17. & Joannis xviii. 39. Ac de primo quidem, tertio, ac poſtremo Paſchate nulla oriri poteſt dubitatio: diem tamen feſtum, de quo Joannis v. 1. fuiſſe Pentecoſtem tradiderunt nonnulli Patres, quibus ſubſcribit D. Thomas in caput v. Joan. leſt. 1. Sunt & qui putant fuiſſe feſtum Encæniorum. Sed fuiſſe Azymorum ſolemnitatem tenent in Commentariis h. l. Rupertus, Janſenius, Cornelius a Lapide, Pererius in Dan. Suarez diſp. 30. de Vita Chriſti, ſeſt. 3. Natalis Alex. in Synopſi 1. ſec. art. 4. Graveſonius diſſert. xv. §. 2. Cardin. Gotti de Chriſti geſtis cap. 19. necnon Uſſerius ad annum P. l. 4744. Grotius in Joannem, & alii permulti. His ultro ſubſcribimus, quia *dies feſtus* absolute denotat Paſcha, etiamſi in Græco ubique non apponatur articulus, ut Marci xv. 6. & Lucæ xxiii. 17. Conferas Mat. xxvi. 5. & Joan. xii. 12. ac xiii. 29. Adde Joannem, ubi in aliis locis uſurpat vocabulum *diei feſti* ad aliam feſtivitatem commonſtrandam præter Paſchalem, adſicere proprium feſtivitatis nomen, ut *Scenopægia* cap. vii. 2. & *Encæniorum*, cap. x. 22. Præterea Irenæus lib. 2. adv. H. cap. 29. nunc 22. num. 3. ſcribit: *Secunda vice aſcendit (Jeſus) ad diem feſtum Paſchæ in Hieroſolymam, quando paralyticum curavit*: quod enarratur Jo. v. Deinde ex præcedenti cap. iv. Joan. verſ. 35. cum eſſet Dominus in Samaria, ait: *Ait hic quatuor meſes ſunt, & meſis venit*: poſtea adiit Galilæam; & cum ibi aliquandiu eſſet commemoratus, aſcendit Jeroſolymam *ad diem feſtum*: ad quem feſtum, niſi ad feſtum Paſchatis, quo redeunte ſolent in Judæa ſegetes matureſcere? Poſtremo Dominum Jeſum quotannis in Azymorum ſolemnitate Jeroſolymas aſcendiſſe apparet ex ſacra Evangeliorum hiſtoria. Itaque *feſtus dies*, de quo Joannis v. 1., Paſcha erat: & quatuor Paſchata baptiſmum inter, ac mortem Chriſti interfluxerunt. IV. In ſententia quoque D. Thomæ connumerantur quatuor hæc Paſchata; nam inter baptiſmum, & nuptias in Cana Galilææ celebratas Doct. Angelicus Leſt. 1. in cap. 2. Joan. cenſet annum ſolidum interſuiſſe, quod & aſſerunt Interpretum bene multi, ac noſter Simon a Caſſia in Evan. Hiſt. lib. v. capite 1. qui ſcribit eadem die, *revoluto anno*, a Domino primum ſignum patratum, qua die undis tinctus fuerat Jordanis. In hac autem ſententia, ſi inter baptiſmum & prædicationis initia annus ſolidus interceſſit, Paſcha de quo Joan. 11. 13. eſt a baptizato Domino ſecundum, non primum; ideoque in eadem opinione, etſi Joannis v. 1. de Paſchate non fiat ſermo, idem tamen annorum numerus computatur. At nos ſententiæ præcedenti ſubſcribimus; neque arbitramur Dominum Jeſum in baptiſmate divina voce maniſeſtatum, anno integro latitaſſe; præfertim quod ex cap. 1. Joannis verſ. 35. colligitur paucis poſt baptiſmum diebus Andream ac

Pe-

Iesum secutos Dominum, ac paullo post in Cana Galilææ factas nuptias: ex Matthæi autem iv. 1. Marci 1. 12. & Lucæ iv. 1. liquet, Iesum statim post baptismum ductum in desertum a Spiritu, post jejunium vero, ac Satanz tentationem profectum ad prædicandum in Galilæam. III. Tribus annis Dominum prædicasse commonstrat Patrum traditio. Ignatius ad Trallianos, *Tribus annis*, inquit, *prædicavit Evangelium*: atque hunc locum insititium non esse ostendimus supra ex vetustissimo Cod. Vaticano, & ex Chronico Alexandrino: unde quæ non leguntur circa ætatem Christi in editione Vossiana, jure sunt restituta a Schellstrateno Tom. 1. Antiq. Eccl. pag. 58. & a Cotelierio Tom. 11. Pat. Apost. pag. 68. Irenæus cit. loco pag. 147. (quamquam adversus Gnosticos unum prædicationis annum Christo tribuentes asserat passum Dominum circa annum quinquagesimum, ætatis suæ) idem tamen Dominicæ prædicationis spatium ad tres annos extendi ex Evangelica historia demonstrat. Hinc Pagius ad annum 32. num. v., contendit ea, quæ de anno passionis Christi scribit Irenæus, insititia esse & corrupta, quoniam si Irenæus fatetur Christum baptizatum anno tricesimo, & prædicationis tempore tria paschata peregrisse, debuit consignare passionem Christi, non anno ipsius quinquagesimo, sed tricesimotertio. Sed fallitur vir doctissimus, quoniam Irenæus tria Paschata non a baptismo enumerat, sed ab eo tempore, quo magistri munere fungi cæpit, spatio plurium annorum interjecto, ut evidenter probat Massuetus disert. 111. art. 6. num. 72. Verum, cum ex dictis constet tantum annorum intervalum inter baptismi, & prædicationis tempus minime intercessisse; haud obscure ex ipsomet Irenæo ætatem Domini, & maxime tempus, prædicationis inferimus. Tertullianus scribens lib. 1. adversus Marcionem cap. 15. Dominum revelatum anno xii. *Tiberii Caesaris*, & contra Judæos cap. 8. passum anno Tib. xv. *Consulibus duobus Geminis*, sententiæ noster adstipulator est, ac patronus. Joannes Chrysostomus Tom. vi. pag. 509. in illud *Exiit editum*, inquit: *Iesus Tiberio imperante, cum annorum triginta esset, suam apud discipulos divinitatem declaravit, ac per tres deinceps annos prædicavit*. Suffragatur Chrysostomo Leontius Byzantinus, cujus in libro de Scetis hæc sunt verba: *Annos natus xxx. baptizatus fuit, ac post baptismum prodigia facere cæpit, & Judæos docere, atque anno xxxii. in crucem ætus*. Theodoretus in Dan. Tom. 2. pag. 665. *Cum annos* (inquit) *circiter tres cum dimidio prædicasset Dominus, suosque discipulos doctrina & miraculis confirmasset, tunc passus est*. Ex his vero, aliisque apparet cur Beda hanc sententiam adeo certam putaverit, ut eam ad fidem pertinere arbitratus fuerit, scribens de Rat. temp. cap. 45. *Habet, ni fallor, Ecclesiæ fides Dominum in carne paullo plus quàm triginta tribus annis vixisse*. IV. Accedunt fere omnes

omnes Historici: inter quos Eusebius lib. 1. H. E. cap. 10. edit. Valesii pag. 17. inquit: *Servator, ac Dominus noster Iesus Christus anno atatis circiter tricesimo* (est in Græco ἀρχήν αἰῶνός τριῶντά, quæ verba denotant anni tricesimi initia;) *ad Joannis lavacrum accessit, tuncque primum Evangelium prædicare instituit;* & paucis interjectis, *Univerſum prædicationis Dominicæ tempus non totos quatuor annos complecti manifestum est.* Eadem scribit Nicephorus lib. 1. cap. 18. & cap. 29. Historici autem posteriores concordissime. Fate-mur tamen Eusebii, ac Nicephori argumentum petitum ex serie Pontificum ab Anna ad Caiphā, non esse firmissimum; quoniam Cai-phas factus est Pontifex a Valerio Grato, qui ex Judæa discessit anno Tiberii xii. & idem Caiphas unā cum Anna, ex Lucæ iii. 1., anno, quo Christus baptizatus est, erat Pontifex, sive per vices summi Sacerdotii munere fungeretur, sive Anna esset ex-Pontifex, ut contendit Henricus Valesius. Sane series Pontificum Annæ, Ismaelis Ben-Baphi, Eleazari filii Annæ, Simonis filii Camithi, & Cai-phæ, quos Valerius Gratus substituit, ex Iosepho lib. xv. 11. Antiq. præcedit annos Dominicæ prædicationis, quæ proinde nequit ex ipsa, serie Pontificum definiri, præsertim quod Caiphas Pontificatum obtinuit anno baptismatis Christi, & anno Passionis, ac fortassis toto tempore administrationis Pilati. V. Fulcitur denique assertum nostrum vetustissimis monumentis. Christum enim tribus annis prædicasse, & quatuor celebrasse post baptismum Paschata, probat ex Evangelio Joannis Auctor Chronici Alexandrini: idem tradunt Evodius Apostolorum discipulus apud Nicephorum Callistum lib. 11. cap. 3. & Euthymium Zygabenum in cap. 3. Joannis; Hippolytus Thebanus in libro de Cognat. Christi apud Canisium tomo 111. Antiq. lect. & Schelstratium in Append. ad Opus Chronologicum: Auctor antiquissimi Ms. Codicis Florentini conscripti temporibus Honorii primi, cujus meminit Ant. Capellus, & Schelstratius diss. 1. pag. 57. in quo legitur ex traditione Apostolorum, *Christum Dominum mansisse in hac vita xxxiii. annos, & menses 111.* Manuscriptum denique Regium, ac vetustissimum, de quo Cotelierius ad lib. v. Constit. Apostol. pag. 312. firmissimis itaque argumentis Evangelica historia, traditione Patrum, Historicorum testimonio, & antiquorum fragmentorum fide corroboratis constat Dominum Jesum tricesimo anno baptizatum, atque post tres annos prædicationis exactos affixum cruci.

Ab hac sententia recedendum non est, vel ob Irenæum, qui lib. 2. cap. 22. num. 6. scribit passum Dominum, cum non multum a quinquagesimo anno abesset, ductus traditione *Seniorum*, a quibus acceperat Christum quadragenario majorem cepisse prædicationem, necnon textu Joan. vii. *Quinquaginta annos nonnum habes;* &
Abra-

Abraham vidisti? I. Quia hæc traditio Apostolica non erat, cum neque ab Ignatio, neque ab Evodio, neque a Clemente, neque ab aliis Apostolorum discipulis profluxerit, sed vel a Papia, ut putat Feuardentius, vel ab alio quopiam ingenii pertenuis. II. Quia S. P. Augustinus lib. 11. Doct. Ch. cap. 28. scribit, *Ignorantia Consulatus, quo natus est Dominus, & quo passus est, nonnullos coegit errare, ut putarent quadraginta sex annorum ætate passum esse Dominum*, Irenæi sententiam suppresso nomine abiciens. Tertio quia Irenæus Gnosticos asserentes uno post baptismum anno Dominum prædicasse ita refellit, ut Christi ætatem ultra Tiberii Cæsaris Principatum protrahat. IV. Quia ibidem Irenæus num. 4. recte scribit baptismatum Dominum cum tricesimum annum ageret, & posteaquam vinum fecit ex aqua in Cana Galilææ, tria Paschata celebrasse: dempto itaque magno illo annorum spatio inter Christi lavacrum & prædicationis ministerium, ipsius Irenæi sententia a communi traditione parum, vel nihil discrepabit.

Neque ad ætatem Christi definiendam plurimum valent ea Judæorum verba, *Quinquaginta annos nondum habes*, &c. Principio enim subscribendum est Lyrano planè ea verba explicanti, *Nondum vixisti unum Jubilæum*; aut Menochio similiter reddenti, *Ut te maxime provectum ætate facias, certe te facere non potes quinquagenarium*. Theophylactus in Evangelia pag. 690. inquit: *Hoc dicebant, existimantes Dominum ferme quinquaginta annorum esse: tamen tunc triginta & tres tantum annos haberet*: sed post pauca, *Veruntamen dicunt quidam quinquagesimum annum ad honorem anni Jubilæi dictum*. Chrysostomus hom. 54. in Joan. pag. edit. Commel. 779. legit *quadraginta*: in quem locum irrepsisse mendum putat Erasmus ductus præcitatis verbis Theophylacti: quod non assentior; cum Euthymius in Joannem pag. 364. edit. Parisiensis scribat: *Quædam autem exemplaria habent quadraginta*. Aliquo igitur hujus generis exemplari ad Vulgatam tamen, & meliorum Codicum fidem castigando, usus est Chrysostomus, cujus lectiones omnes conspirant.

Eorum quoque opinio, qui Domini prædicationem ad unum contraxerunt annum, & fundata in vaticinio Isaïæ lx1. 2. *Ut prædicarem annum placabilem Domino*, nequit firmo talo consistere: eamque recensitis in Evangelio Joannis Paschatibus refutat cit. loco Irenæus tanquam Gnosticorum commentum, scribens num. 3. *Quoniam autem hæc Paschæ tempora non sunt unus annus, quomodo uno anno tantum Dominus prædicavit?* Ibidem ait Irenæus annum Domini acceptabilem esse *omne ab adventu ejus tempus usque ad consumptionem, in quo ut fructus eos qui salvantur acquirit*. Potest insuper annus acceptabilis accipi non pro toto tempore Dominicæ prædicationis, sed pro anno redemptionis: unde Cyrillus Alex. lib. v.

in Isaiam p. 859. ait : *Acceptus annus erat , quo pro nobis crucifixus est Christus* . Etſi vero Gnoſtici , quos exagitat Irenæus , annum duntaxat unum Chriſti prædicationis ſtatuertint ; Clemens tamen Alexandrinus , Philaſtrius , Gaudentius , & qui pariter coarctarunt Dominicæ doctri-næ miniſterium , nequaquam id acceperunt a Gnoſticis ; ſed in eam ſententi- am abierunt , quod non ſatis diſtinguerent inter imperium Tiberii Proconſulare , & Auguſteum , atque illis aliunde perſuaſum foret Chriſtum baptizatum an. Tiberii xv. & affi- xum Cruci Coſs. Geminio , & Geminio : quorum primum habetur in Evangelio , alterum liquet ex Veterum traditione . Hinc recte de ſententia S. Gaudentii in notis ad ejus Opera edita juſſu doctiſſimi Cardinalis , Brixienſis Antiſtitis , & Apoſtolicæ Sedis Bibliothecarii Angeli Mariæ Quirini , pag. 249. ſcribit vir eruditus Paulus Galear- dus , in eadem fuiſſe complures ex antiquis Patribus , præſertim qui mortem Chriſti anno xv. Imperii Tiberii Cæſaris , duobus Geminis Coſs. conſignarunt : quamquam in ſententia quam propugnamus utrumque verum eſt , Dominum cruci ſuffixum anno xv. imperii Au- guſtalis Tiberii , & in Conſulatu Geminorum , ut complures vete- rum tradiderunt , & tribus annis prædicæſſe , ut demonſtratum eſt modò .

I I.

In Chriſti prædicatione venit priori loco recensenda vocatio Apoſtolorum: quorum nomina hoc ordine recitat Matthæus cap. x. 2. 3. 4. *Primus Simon , qui dicitur Petrus , & Andreas frater ejus , Jacobus Zebedæi , & Joannes frater ejus , Philippus , & Bartholomæus , Thomas , & Matthæus publicanus , Jacobus Alphaï , & Thad- dæus , Simon Chananæus , & Judas Iſcariotes , qui & tradidit eum* . Apoſtolorum Princeps *Simon* vulgari apud Hebræos vocabulo appel- latus , & quo denotatur *vir obediens* , filius *Joannis* , Jo. xx1. 15. & *Jonæ* Mat. xv1. 17. quo nomine etiam *Columba* ſignatur , ſuperin- ditum habet a Chriſto nomen *Petrus* , Matth. xvi. 18. ſive *Cephas* , Joan. 1. 42. eo , quod ipſe ſit Eccleſiæ *petra* , *fundamentum* , & *caput* . Neque hæreticis denegantibus Romanorum Pontificum in Eccle- ſia primatum ſuffragantur illi Patres , qui ea verba Matth. xvi. 18. *Et ſuper hanc petram ædificabo Eccleſiam meam* , aliquando ad Chri- ſtum referunt , aliquando ad fidei confeſſionem ; enim vero hi Patres minime negant Petrum quoque eſſe Eccleſiæ *petram* , & in Eccleſia te- nuiffe primatum ; imo aſſerunt ideo primatum obtinuiffe , quoniam in ejus perſona Chriſti fides inconcuſſa debebat perſiſtere , & ipſe Pe- trus Chriſti , qui Eccleſiæ fundamentum eſt , & angularis lapis , vi- ces gerebat . Quare optime S. P. Auguſtinus Tract. cxxiv. in Joan. num. 5. ait ædificatam Eccleſiam ſuper *Petram* , quæ eſt Chriſtus ; & ſerm. lxxvi. aliàs 13. de Verbis Dom. num. 1. ſuper *Petram* , quam

Petrus confessus fuerat, ac demum lib. 1. Retract. cap. 21. num. 1. ait, ut lector eligat sententiam, quam putat probabiliorem, idest, an *Petra* ad Christum, an ad Petrum sit referenda. Verum S. Pater litem omnem dirimit scribens eodem Tractatu cxxiv. quod si dicamus Ecclesiam ædificatam super *Petram*, quæ est Christus, claves datæ sunt Ecclesiæ, quatenus collatæ sunt Petro, qui ejusdem Ecclesiæ propter *Apostolatus sui primatum gerebat figurata generalitate personam*. Quod Augustinus repetit citato serm. 76. num. 3. scribens: *Idem ergo Petrus a petra cognominatus beatus, Ecclesiæ figuram portans, Apostolatus principatum tenens, &c.* & lib. 1. Retract. loco citato non rejicit quod scripserat adversus Epistolam Donati, quod in *Petro, tanquam in petra fundata sit Ecclesiæ: qui sensus etiam cantatur ore multorum in versibus beatissimi Ambrosii, ubi de gallo gallinaceo ait: Hoc ipsa petra Ecclesiæ canente, culpam diluit.* In Psalmum denique viii. num. 1. ait S. Pater Ecclesiæ Petrum *in figura gestasse personam, propter primatum quem in discipulis habuit*. Sive ergo dixeris Petrum ipsum esse *petram*, sive dici *petram* vel a Christo, qui *petra* est, vel a fidei firmitudine & confessione; semper Petrus habet in Ecclesiæ primatum, ad quem commonstrandum dictus est *Cephas*. Atque hac ratione facilius respondebis Novatoribus, quam si cum Bellarmino lib. 1. de Rom. Pontif. cap. 10. dixeris Augustinum ex ignorantia linguæ Hebrææ fuisse deceptum. Verum de his alibi.

Petro conjungitur Gentium Apostolus Paulus, quamvis post Christi ascensionem vocatus, Act. ix. 4. ex quo loco intelligimus proprium ipsius nomen fuisse *Saulum*. Hinc derivatum nomen *Pauli*, addita terminatione Græcorum more, & priori litera commutata, ut ex vocabulo Syro-hebraico fieret Græcis, Latinisque commune. Alii tamen derivatum putant a Proconsule Paulo. Penes Græcos *Paulus* idem sonat, ac *humilis & quietus*, a *παυλος*; apud Latinos id, quod *pusillus*. Andreas frater Simonis Petri, & qui omnium primus secutus est Dominum, dicitur *ἀνδρὶ τῷ ἀνδρῶς*, idemque valet, ac, *fortis, virilis*. Jacobo & Joanni filiis Zebedæi, quem e Galilææ primoribus putat Turrianus contra Vergerum, nescio quo ductus argumento, superadditum Marci i. 17. nomen *Boanerges*, idest, *filius tonitru*, Syro-hebraice, כְּנִי-רַעַם, *Banereem*, juxta Hieronymum. In Psalmo lxxx. 8. רַעַם, *tonitruum*, nos legimus *sempestatem*, quidam vero *majestatem*, quod ut plurimum divina Majestas cum tonitru apparuerit, ut Exodi xix. 18. Jacobus itaque & Joannes *Boanerges* dicti sunt, quasi ad eximiam eorum electionem præsignandam, quod seorsim a ceteris cum Petro Apostolorum principe assumpti fuerint testes Dominicæ transfigurationis; & unus primus omnium sanguinem pro Christo fuderit: alter Apostolis omnibus superstes testimonium diutissime perhibuerit veritati. *Philippus* Græcum nomen est

tis

tis notum; niſi repetendum velis ab מלמי, quaſi, ore mirabilis, ut cenſet Grotius in v1. Aët. Fuit ille Andree, ac Petri concivis, hoc eſt, a Bethſaida, ſita ad ripam maris Tiberiadis occidentem, in diſtrictu tribus Zabulon, non, ut inquit ad annum 31. num. 70. Baſnagius, in traſſu tribus Gad. Et quidem ad tribum Zabulon Bethſaidam pertinere docent in deſcriptione Terræ ſanctæ Guilelmus Sanſon Tom. 2. Op. S. Hieron. pag. 505. Chriſtianus Adrichomius pag. 137. & in Tabulis Geographicis noſter Lubin, Philippus de la Rue, M. de Fer, & alii; nec dubium eſt, quin Baſnagius deceptus fuerit a Lightfootio locante Bethſaidam ultra Galilææ tractum. Quare imperite ſimul, ac temere idem Baſnagius reprehendit Baronium ſcribentem ad annum 32. num. 7. ex tribu Zabulon fuiſſe prælaudatos Apoſtolos; cum Baronii ſententia vera ſit, ac tradita etiam a magno Palæſtinæ incola Hieronymo in caput 9. Iſaiæ Tom. 111. pag. 83.

Bartholomæus videtur dictus *παρθολομαίος*, quaſi *Filius Ptolemæi*, unde non male Onuphrius noſter, Rupertus, Janſenius, Serarius, necnon Grotius in caput Lucæ 24. opinantur Bartholomæum eſſe *Nathanaelem*, de quo Joan. 1. 46. Matthæus appellatus quoque eſt *Levi*, Marci 11. 14. & Lucæ 14. 27. an patronymice, an proprio nomine, incertum. Sunt qui contendunt *Levin* fuiſſe diverſum a Matthæo, & fratrem Jacobi minoris, ſiquidem a Luca appellatur filius Alphaï, non tamen fuiſſe Apoſtolum: in qua ſententia videtur fuiſſe Origenes diſputans adverſus Celſum. Thomas Joannis xx. 24. dicitur *Didymus*, ideſt, *geminus*; Hebræi namque gemellos appellant תאמיים, *Tbomim*: unde falluntur, qui cenſent eundem Apoſtolum fuiſſe binomium. Thaddæi nomen proprium fuit *Judas*, ideoque in Græco Matthæi textu legitur, *ἐν τῷ ὀνόματι τοῦ Θαδδαίου*, cognominatus *Tbaddæus*. Judam Jacobi appellat Lucas v1. 16. Thaddæus dictus eſt etiam *Λεββαῖος*, *Lebbaeus*, quod Hieronymus interpretatur *corculum*. Romani *corculum* appellabant virum egregie cordatum, & prudentia conſpicuum, ut P. Naſicam ex Cicerone lib. 1. Tuſcul. c.9. Sunt qui Lebbaeum derivant a לכי, quod Hebræi eos, qui nomen habebant Judæ, vocarent ex Jacobi vaticinio *Leones*. Judas idem eſt, ac *laudator*, & *confeffor*: eoque nomine duo inter Apoſtolos vocati ſunt, unus *Domini ſeſſator*, alter *inſeſſator*, inquit Traët. lxxv1. in Joannem S. P. Auguſtinus. Simon dicitur Chanaanæus, non a terra Chanaan, ſed a קנא, *amulari*: appellatur enim *zelotes* apud Lucam v1. 15. quod nomen derivatum a *Cband* legitur etiam Exodi xx. 5.

Apoſtolorum poſtremus fuit Judas *Iſcariotes*, in cujus locum ſuffectum Matthiam legimus Aët. 1. 26. *Iſcariotem* appellatum ab urbe *Cariorb*, communis opinio eſt; quod *Iſcariotes* idem Hebraice ſonet ac *vir*, איש, *Iſc*, קריות, *Kerjiorb*. Hinc Serrius Exerc. 56. num. 7. inquit eos, qui hujus vocabuli originem repetunt a tribu *Iſſachar*,

repugnantem habere Hieronymum, cum aliis Ecclesiæ Patribus: incertum tamen esse, an Judas fuerit ex *Carioth* in tribu *Juda*, de qua Josue xv. 25. an ex *Carioth* in tribu *Ephraim*, de qua Jeremias xlviii. 41. & Amos ii. 2. Puto patriam Judæ fuisse *Scharioth*, aut *Ischarioth*, vicum quemdam tribus Ephraim, non *Carioth* urbem, cujus nomen sine aspiratione in priori syllaba scribitur: quæ est sententia Hieronymi in cap. xxviii. Isaiæ, tom. 111. pag. 234. Ab *Scharioth* dicitur *Schariotes*, sive *Ischariotes* præposita Jod euphoniæ gratia: a *Carioth* dicendus potius erat *Cariotes*. Non probo autem dictum Judam *Ischariotem* ab איש, *Isch*, & קריות, *Carioth*: nam in textu Hebraico, & Syro legitur, סכריותא, *Schariota*, imo & Origenes in 111. Periarchon cap. 3. Judam appellat *Scariorum*: in Mss. etiam Hieronymi legitur cit. loco, de vico ejusdem tribus *Scharioth*. Cum itaque in ea voce סכריותא, neque איש, neque קריות contineatur, imo diversæ omnino sint radicales literæ; dicendum cum Hieronymo vicum *Scharioth*, non urbem *Carioth*, proditoris fuisse patriam. Hac ratione facilius refutatur Lightfootius, qui putat Judam dici *Ischariotem* vel ab אסכריותא, *cinctorio corario*, vel אסכר, *strangulatione*, ob affinitatem horum vocabulorum cum סכריותא. At primum nequit esse hominis distinctivum; alterum non competit Judæ dum viveret. Dicendum est ergo hunc vocari *Ischariotem* a vico *Scharioth*. Ceterum admissa literarum permutatione haud repugnat *Ischariotem* derivari a tribu *Issachar*, quasi idem sit, ac איש ישכר, sed nimia literarum variatio. Non rejicit tamen, (quicquid scribat Serrius,) hanc interpretationem Hieronymus; nam lib. i. in Matthæum Tom. 1v. pag. 35. de Juda inquit: *Vel a vico, aut ab urbe, in qua ortus est, vel ex tribu Issachar vocabulum sumpsit: ut quodam vaticinio in condemnationem sui natus sit. Issachar enim interpretatur merces, ut significetur pretium proditoris. Quidam derivat nomen Ischariotis ex איש, & סכר, concludere in manu hostium; ita, ut significet supplantatorem, ac proditorem. In Hebraicorum vocabulorum Interpretatione in Polyglottis Waltonianis ad calcem Tom. 6. Ischariotes interpretatur vir occisionis & mortis. Hac tantum de nomine xii. Apostolorum.*

I I I.

Prædicationem suam Christus confirmavit miraculis divina virtute patratis, quæ neque ab Evangelistis conficta, neque peracta naturalij aut magica facultate diximus lib. 1. cap. 7. xxi. 3. necnon xxv. 11. Unum duntaxat hoc in loco commemorabo maximum, & præclarissimum, quadridui scilicet Lazari resurrectionem. I. Nequit miraculum istud in dubium revocari: Judæi enim complures, qui in Marthæ ac Mariæ domum convenerant, Joan. xi. 31. spectatores hujus prodigij fuere; ac multi rei novitate, & miraculo victi

cre-

*crediderunt, alii vero livore impulsim occasione inde sumptserunt patrandi ea, quæ invidis mos est, principibusque quod factum erat revelaverunt, inquit Cyrillus Alex. lib. vii. in Joannem Tom. 1v. pag. 691. & idem Evangelista citato cap. xi. 45. & 46. Testantur itaque signi magnitudinem non tantum Apostoli qui aderant, & Lazari piæ forores; verum etiam conversi ad fidem Judæi, necnon invidi ac perveraces, ita ut nullus prodigioſæ rei eventus possit ampliori testium auctoritate firmari. II. Fingi nequit Lazarum apparenter, & imaginatione quadam fuisse suscitatum: enim verò absente Domino idem Lazarus vitæ functus conditus fuerat tumulo; & dum Christus venit Bethaniam, ille quatuor jam dies habebat in monumento, Joan. xi. 17. Non ipse Christus amovit lapidem; sed Judæi, quibus ille ait vers. 39. Tollite lapidem. Curnam, quæſo? Audire præstat eloquentissimum Joannem Chrysostomum hom. lxi. in Joan. pag. 324. *Ait ergo, tollite lapidem; quid tandem absens non idem jussit, atque perfecerat? Quid non dimisso lapide suscitavit? Poterat enim, qui corpus mortuum voce movit, & corrupto animam inspiravit, multo magis lapidem movere: sed cur non fecit? Ut eos testes faceret miraculi, ne dicerent quod & de cæco, Hic est, non est.* Postquam etiam prodiit Lazarus e monumento manibus, pedibusque ligatus, non solvit illum Jesus, sed circumstantibus inquit versu 44. *Solvite eum;* nempe, ut ait prælaudatus Chrysostomus hom. lxi. pag. 331. *jussit solvi, ut tangentes, & propius facti noscerent verè resurrexisse.* Postmodum etiam facta cœna, *Lazarus unus erat ex discumbentibus,* Joannis xi. 2. eoque confluit turba multa, *ut Lazarum viderent,* ibid. versu 9. Præclare magnus Augustinus Tract. l. in Joannem num. 5. *Ne putarent homines phantasma esse factum, quia mortuus resurrexit, unus erat ex recumbentibus, vivebat, loquebatur, epulabatur: veritas ostendebatur, infidelitas Judæorum confundeatur.* Commonstrant itaque nullam hic interfuisse sensuum illusionem funeris apparatus, Judæorum conventus, lapis sepulchralis, membrorum ligamenta, contrectatio manuum, commune epulum, perturbatio malignantium, atque confluentis multitudinis stupor, auditus, aspectus. III. Patratum hoc signum divina virtute, non autem in nomine Beelzebub, aut magico summissoque suffuro, liquet ex oratione facta ad Patrem, ut circumstans populus crederet, & ex magna voce, qua clamavit, *Lazare veni foras,* Joan. xi. 43. quod consultò factum notat Cyrillus pag. 684. *ne amplius dicerent illum facere signa in Beelzebub;* ac Theophylactus pariter in Joann. pag. 727. *Ut ne adversarium Dei illum putarent, ut ne dicerent, Non est ex Deo;* quæ deprompta sunt ex Chrysostomo Hom. lxxv. in Joan. IV. Nulla virtute naturali excitari potest mortuus quatruiduanus. Neque enim Lazarus affectus fuerat lipothymia, asphy-*

apphyxia, syncope, aut alio hujus generis morbo, quo exemplò sensuum facultatibus concidentibus, pulsuque plane abolito interdum viventes instar cadaverum jacent: quandoquidem Lazari legimus languorem, & præcedentem infirmitatem, Joan. xi. 1. ac subinde mortem versu 14. Præterea quamvis tali virium prostratione correpti aliquandiu mortuis similes videantur; superveniente tamen apoplexia, juxta Schenckium, & Benivenium, ac juxta Paulum Zacchiam, ceterosque artis medicæ peritissimos, jacere possunt sensu omni penitus destituti tribus tantum diebus, sive spatio horarum. LXXII. affecti autem forti syncope vix horis vigintiquatuor: atque in his præterea exili aliqua respiratione, admoto ori speculo, minimo saltim circa carotides motu, aliisque experimentis dignosci potest an prostratus vitam agat, an decesserit. Hæc quoque experimenta necessaria non sunt, si ut in Lazaro, certa causâ mortis præcessit; tum enim ægrotus e vivis exemptus deprehenditur ex corporis frigidityte, ac pondere, vocisque, pulsus, & respirationis defectu. At de his plura in magno Opere de Servorum Dei Beatificat. & Beatorum Canoniz. lib. iv. P. 1. cap. 21. vir eruditione Summus, literarum cultu Eximius, dignitate ter Maximus, nobisque, & universæ Ecclesiæ in Pastorem Optimum ac Munificentissimum, hoc labente anno xvj. Kalend. Septembris divinitus datus, BENEDICTUS XIV. Quantum ergo ad Lazarum attinet, & præcedens mortis causâ, & quadriduana sepultura evidentissime comprobant verè illum fuisse mortuum, & ad vitam insigni miraculo revocatum; necnon jure an. 1316. Patavii igni damnata ossa Petri de Apono, quod inter cetera flagitia istud quoque patratum in Lazaro miraculum elevaret, ut scribit lib. iv. Sentent. dist. xxxix. art. 4. præclarus Instituti nostri Theologus Thomas ab Argentina, qui Patavii tum temporis commorabatur. Spondanus tamen ad annum 1316. num. 8. narrat sublato furtim cadavere combustam inanem Petri statuam. Haud rectè itaque ex Inscriptione Patavina opinantur nonnulli, Petrum Aponium *falso barefis postulatum, & absolutum fuisse*, idque frustra confirmant ex libro 2. classe 9. Bernardini Scardeonii, qui licet p. 201. scribat Petrum fuisse orthodoxum; inquit tamen, *Inquistores id, quod præ manibus erat judicium prosequuti, uti ex propriis scriptis convictum, eum vel sic defunctum condemnarunt; præcipientes sub pœna anathematis Potestati, & præfectis Reipublicæ Patavinæ, ut ipsius cadaver effossum publicitus ureretur.* Deinde narrat sublato Petri cadaver a Marieta quadam ejus contubernali, & incensam in medio foro illius statuam. Hinc liquet exscripsisse Spondanum. V. Ut ad Lazarum revertatur oratio; non solum e monumento surrexit, sed etiam *prodiit ligatus manus, & pedes inflatis*, Joan. xi. 44. In quem locum Patres aliud miraculum agnoverunt: unde scribit Chrysostomus hom. LXI. i. in

Joan-

Joannem : *Prodire ligatum non minus admirandum videbatur , quam ſuſcitari* . Auguſtinus Traſt. XLIX. num. 24. *Quomodo proceſſit ligatis manibus miraris , & non miraris quia ſurrexit quatrIduanus ? In atroque potentia Domini erat , non vires mortui* . Baſilius pag. edit. Morelli 360. hom. de Grat. aſt. *Ligatus quoque ambulabat . Admirare miraculum in miraculo , Pedes inſtitis habebat invinctos , nec interim a motu prohibebatur : aderat enim vis quadam ſuperior remorantibus vinculis* . Theophylaſtus pag. 728. *Et miraculum erat verè vinſtum moveri , conjunſtum miraculo reſurreſtionis* . Euthymius denique in Joan. interprete Joanne Hentenio pag. 378. *O maximum , ac duplum miraculum ! Non ſolum qui jam olebat reſurrexit , ſed etiam qui obvinſtus erat , exivit a monumento* . VI. Adaugent poſtremò miraculi granditatem Lazari ante Domini pedes velata quamvis facie progreſſo , repentinus abſceſſus ſætoris atque putredinis , aliæque circumſtantiæ , de quibus ornate tom. IV. pag. 689. Cyrillus Alexandrinus : *Potentem mortuum poſt quartum a morte diem ſepulcro eduxit , vinſtumque ac impeditum ambulare juſſit : tuncque repente & mors auſugit , & mortuus a putredine liberatus cucurrit , abſeſto omni ejus ſætoris portis mortis elapſus , nihil vinculis ſuis vivere prohibitus* . Et vultus quidem velamento videndi uſu privatus , nullo tamen impedimento , quominus ad eum qui vocaverat curreret retardatus agnoſcens Domini vocem , &c. Ex quibus omnibus conſtat Lazari ſuſcitationem ejusmodi eſſe , quæ ſola poſſit confirmare veritatem Evangelicæ prædicationis .

I V.

Fama virtutum ac miraculorum Chriſti extra Judæorum fines reſonante , fertur ad eum epiſtolam dediſſe Abgarus Edeſſenorum . Toparcha , & viciffim Domini literas recepiſſe : quarum exemplum e Syriaco idiomate Græce redditum proſert lib. I. H. Ec. cap. 13. Euſebius . Spuriam utramque epiſtolam cenſent bene multi , Canus lib. XI. cap. 6. Dupinius initio Bibliothecæ , Nat. Alex. diſſert. 3. ſæc. 1. Graveſonius diſſert. 13. de myſt. & annis Chriſti , Cardinalis Gotti de libris Novi Teſtam. cap. 4. & de Geſtis Ch. cap. 9. necnon ex Acatolicis Caſaubonus Exercit. xxxI11. ad an. 31. Clericus ad annum .xxI1. poſt Adſcenſ. num. 13. Baſnagius ad an. Ch. 29. ut mittam Cocom , Rivetum , Spanhemium , alioſque quamplurimos . Ducuntur autem his argumentis . I. Geſaſius utramque Epiſtolam anno 494. declaravit *apocrypham* . II. Auguſtinus lib. 1. de Conf. Evan. cap. 7. Hieronymus in cap. 45. Ezech. & D. Thomas I11. P. q. 42. art. 4. docent Salvatorem nihil ſcripiſſe . III. Si revera Jeſus Chriſtus aliquam propria manu conſcripiſſet Epiſtolam , nonne illius meminiſſent hiſtoriæ Evangelicæ Conditores ? IV. Ex quo ſaltim pervenit ad Eccleſiarum notiſſimam , eamdem divinarum Scripturarum canoni inferuiſſent .

sent. V. Extant in Epistola Abgaro supposita, hæc verba: *Statui in animo meo unum esse e duobus, aut quia tu sis Deus, & descenderis de celo, ut hæc facias; aut quod filius Dei sis, qui hæc facis*: quæ si essent genuina, proculdubio ea usurpassent Orthodoxi Patres contra Arianos; maxime quod in Græco habetur, *ὁ θεός, & τὸ θεὸν υἱόν*, cum articulo. VI. Hanc etiam loquendi rationem, qua exprimitur Deus κατ' ἰδέχῃ, in Ethnicum minime quadrat. VII. In Rescripto quoque ad Abgarum est sententia quædam deprompta ex Evangelio Joannis cap. xx. 29. nondum mandato literis, videlicet: *De me enim scriptum est, eos qui me vident non credituros in me, ut qui non vident credant, & vitam accipiant*. VIII. Abgaro credenti nequaquam piissimus Jesus beneficium distulisset sanitatis. IX. Cur præterea promittere missurum se Edessam post assumptionem ad Abgarum sanandam ægritudinem aliquem discipulorum, dum poterat statim, verbo, vel nutu sanitatem illi præstare? X. Thaddæus etiam dicitur ab Eusebio ex Actis Edessenis venisse ad Abgarum anno Edessenorum cccxxx. qui est primus Olympiadis ccti. cum Osdroëni uterentur Epochæ Seleuci, annos supputantes ab anno 1. Olymp. cxvii. ut animadvertit Valesius in Notis ad Eusebium pag. 23. & Norisius Tom. III. pag. 516. Annus autem 1. Olym. ccii. annum xxxiiii. A. V. quo passus est Christus, solido quadriennio præcedit.

Complures tamen utramque Epistolam Abgari ad Christum, & Christi ad Abgarum genuinam esse propugnant: ac præ ceteris Jacobus Gretserus de Imaginibus non manufactis cap. 3. Tillemontius not. vii. in S. Thomæ Apostolum, Serrinus Exercitat. 46. Honoratus Animadvers. Critic. lib. 1 v. dissert. 2. Gardeboschius de Scriptoribus Ecclesiasticis, & nuper vir Cl. Petrus Thomas Cacciari in notis ad Eusebium: ex A catholicis autem Centuriatores cent. 1. lib. 1. cap. 2. Rich. Montacutius Tom. 1. Orig. Eccles. p. 2. num. 96. Guilelmus Cave initio Historiæ Eccl. Script. & in Spicilegio Joannes Ernestus Grabe, qui datâ operâ studet impugnare Alexandrum. Neque hi rationum præsidio destituuntur. Etenim eruit has literas ex Edessenis Archivis, & Græca lingua donavit primus historiæ Ecclesiasticæ Conditor Eusebius, quem os sibi sublini passum, temere affirmat Jo. Clericus. II. Monumenta Edessena laudat probatque lib. 1. in Matth. Tom. 1 v. pag. 35. Hieronymus; quamquam is ait missum ad Abgarum Osroenæ regem Thaddæum, sive Judam Jacobi, unum ex duodecim Apostolis; cum Eusebius scribat missum ad Abgarum Thaddæum quemdam unum ex septuaginta discipulis: quod eruditi existimant probabilis. III. Meminerunt prædictarum Epistolarum Historici omnes celebratissimi, Evagrius libro 1 v. cap. 27. pag. edit. Valesii 400. Procopius Rhetor lib. 2. Rerum Persic. apud Photium Cod. 63. pag. 75. Cedrenus lib. 2. Comp. hist. & alii. IV. Accedit S. Ephræm

S. Ephræm Syrus & Eccleſiæ Edeſſenæ Diaconus, qui in Opuſculo inſcripto *Teſtamentum Ephram*, Tom. 111. pag. 292. edit. Vatic. Epiſtolas ipſas commemorat. Ipſius vero Ephræmi teſtimonium, quoniam ille eruditione plurimum præſtat, nec ignorare poterat Eccleſiæ ſuæ traditionem, minime eſt contemnendum. V. Earumdem Epiſtolarum mentionem fecerunt viri alii percelebres, Darius Comes Epiſtola ad Auguſtinum 263. nunc 230. num. 5. Theodorus Studita Epiſtola ad Paſchalem Romanum Pontificem, & S. Joannes Damasc. lib. iv. Fid. Orthodoxæ cap. 17. VI. Servatas has literas ad tempora uſque Michaelis Paphlagonis, ideſt, ad annum 1035. tradunt Cedrenus, Zonaras, & Nicetas apud Serrium pag. 312. & Honoratum, pag. 275. VII. Gregorius II. in Epiſtola ad Leonem Iſauricum apud Baronium ad annum 726. & Tom. vii. Concil. Collect. Labbeanæ pag. 14. ſcribit: *Cum Jeruſolyms ageret Chriſtus, Augarus, qui tum temporis dominabatur, & rex erat Urbis Edeſſenorum, cum Chriſti miracula inaudisset, epiſtolam ſcripſit ad Chriſtum, qui manu ſua reſponſum, & ſanciam glorioſamque faciem ſuam ad eum miſit.* VIII. Tandem ad explodenda tanquam ſuppoſititia vetera monumenta idoneæ nequaquam ſunt leviſſimæ conjecturæ; ſed requiruntur teſtimonia Antiquorum, firmiſſimæque argumenta: iſtiſmodi autem non videntur ex Dupinio, Natali Alexandro, Baſnagio, aliisque paullo ſupra deprompta, & innixa duntaxat negantibus ratiocinationibus, quorundam ſilentio, infirmiſque momentis.

Qui ergo pro iſdem Epiſtolis pugnandum cenſet, poterit hæc adverſariis reponere. Primum argumentum inane eſt, quoniam Geſaſius recenſet has Epiſtolas inter apocrypha, *apocryphum* appellans quod non eſt hagiographum, & in Evangelio conſcriptum, non quod eſt conſectum, atque ſuppoſitum, ut animadvertit Baronius ad annum xxxi. num. 6. Alterum facile diluitur, ſi dicamus Auguſtinum ac D. Thomam accipiendos de libris, qui res a Chriſto geſtas enarrent; Hieronymum vero de opuſculis, quæ in Eccleſiæ incunabulis ad Apoſtolica ſcripta læſeſtanda Simon, Cleobius, alique hæretici evulgarunt, ut legitur lib. vi. Conſtit. Apoſtolicæ. cap. 16. pag. 345. Id quod ſequitur, ſacilliſimæ expeditionis eſt; multa enim fecit Jeſus, quæ non ſunt ſcripta in Evangelica hiſtoria, ut inquit Joannes cap. xxi. verſ. ult. Ad proximum reſpondetur ea ſcripta inſerta canoni, quæ ſpectant univerſorum fidelium eruditionem. Ad quintum reſpondent verba Abgari nullius eſſe efficaciæ ad Arianos revincendos, cum diſcrimen ſtatueri videantur inter Deum ſummum, ac Filium. Quod eſt veſtigio additur, nil probat; nam & potuit Ethnicus aliquod ſupremum Numen agnoſcere, & fortalliſ emphatico articulo carebat Epiſtola Abgari Syrorum charactere conſcripta. Septimam argumentationem reſellunt negando Jeſum in ſua Epiſtola digitum in-

Tb.V.

A a a a

tendere

tendere ad cap. Joannis xx. cum videatur potius respicere ad Vaticinium Isaïæ cap. v. 9. ac sæpenumero usus fuerit hujusmodi apophthegmatibus. Octavum, ac nonum diluunt hoc pacto: distulit Jesus impendere regulo sanitatis beneficium, ut ei prius impertiretur Evangelicæ fidei donum, neque è Judæa discessit, ne videretur deserere *oves domus Israël*; quibus nuntiandum erat verbum salutis, antequam Apostoli converterentur ad gentes. Argumentatio postrema nullatenus eos urget, qui tenent passum Dominum anno Tib. xv. Cofs. duobus Geminis, & U. C. 782. iste quippe annus concurret cum 1. Olymp. cc11. unde qui hanc sententiam propugnant, eandem. Actis Edessenis confirmant, ut dicam infra. Habes in epitomen redactum quicquid de Epistolis Abgari ad Christum, & Christi ad Abgarum tradunt fusiori stilo prælaudati Scriptores: & quamvis illas non rejiciam, ut ex dictis arbitror manifestum, imitabor tamen. Augustinum, qui Dario Comiti easdem Epistolas proponenti, respondet ep. 264. nunc 231. sed nullam de his epistolis mentionem facit, ratus, ut arbitror, parum interesse si habeantur tanquam genuinæ, vel rejiciantur inter apocrypha.

C A P U T VII.

Quo anno, ac die Salvator noster cruci suffixus sit.

AMPLISSIMAM, gravissimamque de tempore Dominicæ passionis quæstionem aggredimur, ex præmissis tamen dissertationibus nostris perspicue, ut opinamur, definiendam. Facta enim hypothesi, quod Christus a baptisinate tribus annis, mensibusque nonnullis vitam ad passionem usque protraxerit, undis autem Jordanis tinctus fuerit Cofs. Cornelio Lentulo Getulico, & C. Calvisio Sabino, idest, anno vulgari, juxta communioem supputationem, xxv1. consequitur apertissime crucis patibulum subisse, Cofs. Rubellio Gemino, & C. Fusio Gemino, hoc est, V. Ac. anno xxix. Neque falsa reputanda est hæc sententia, quod eam repudient Chronologorum recentiorum innumeri, atque ii omnes, qui vel fictitium censent Proconsulare imperium Tiberii, vel posterius, ac nos statuimus, Domini natale consignant, & quos in figendis superioribus Epochis laudavimus: cum adstipulentur nobis Ecclesiæ Patres antiquissimi, ac præclarissimi, necnon ex accuratis Chronologis Antonius Capellus in libro de Christi Cœna suprema, Godefridus Henchenius in App. ad Chronol. Pontif. Exercit. 1. Norisius in Cœnotaph. Pis. dissert. 2. Tom. 111. pag. 515. Antonius Pagius ad an. xxx. num. 3. & seq. Em. Schelestratenus dissert. 1. cap. 4. Gravesonius de Myst.

Myſt. & annis Chriſti diſſert. 15. eximius Blanchinus in Prolegom. ad Anaſt. Tom. 11. pag. x. & in Chron. Conſulari pag. clxx., ac ne ſingulos commemorem, cum aliis Acatholicis junioribus Joannes Clericus in Harmonia, & in Hiſtoria priorum ſeculorum ad annum Ch. xxix. Imo non deſunt, qui Patrum auctoritate coaſti conſignent paſſionem Domini in conſulatu duorum Geminorum, quamquam illum biennio tantum ante vulgarem Aeram natum exiſtiant, anno ſcilicet U. C. 752. Coſs. C. Octav. Auguſto xlii. & M. Plautio Silvano, aut anno præced. 751. Coſs. Cn. Cornelio Lentulo, & Valerio Meſſala: quam ſententiam propugnavit olim Jo. Gerardus Voſſius diſſert. 2. de annis Chriſti num. 111. ac nuper Honoratus a S. Maria Tom. 111. pag. edit. Venetæ 32. Sed cum juxta Voſſium Conſulatus Geminorum concurrat in annum ætatis Chriſti xxxi. juxta Honoratum vero in xxx. neque ad tam exiguum tempus coarctari poſſit Domini prædicatio; ac præterea male hi de obitu Herodis, & de anno Chriſti natali ratiocinentur, prout liquido percipiet, qui præmiſſas lucubratiunculas noſtras pervolutarit: nequeunt hi duo viam nobis ſternere, quam inoffenſo pede, & abſque difficultate ingrediamur. Id vero iis, quibus chronologia aridet noſtra, erit tanquam certiſſimum præſupponendum. In Chronologia autem præſantiſſimi viri Franciſci Blanchini ad præcedentem annum Vulg. Ae. 28. conſulatus Geminorum retrahitur, quod non abſque prævalidis momentis factum eſt: tamenſi nos conſulto pervulgatas, probataſque Noſiſio, Pagio, aliſque Faſtorum Tabulas ſecuti ſumus, ne qui his utuntur, rhombi adinſtar agitentur: atque id pariter prænotamus, ne oſcitantia nos damnet qui adierit laudatum a nobis egregium ornatiffimumque Scriptorem. At ne prologio quempiam exanimemus, accedendum ad theorema.

PROPOSITIO I. Chriſtus crucem ſubiit anno U. C. 782. Coſs. Rubellio Gemino, & C. Fuſio Gemino, ætatis ſuæ anno xxxlii. imperii Auguſtei Tiberii Cæſaris xv. imperii autem Proconſularis xviii. anno 1. Olimpiadis ccli. Aeræ Vulg. xxix. Correſt. Jul. 74. Periodi Julianæ 4742.

Ac primum demonſtratur ex præmiſſis Chronologicis theſibus. Chriſtus enim, aſſentientibus iſdem recentioribus, qui mortem Domini protrahunt ad annum Ae. V. xxxlii. ætatis ſuæ xxxvli. & U. C. 786. natus eſt an. U. C. 749. anno 4. Olymp. cxcvii. Fatentur iſdem Recentiores, & præcedenti cap. demonſtratum eſt, poſt ſuſceptum baptiſmum Domini Jeſum quatuor Paſchata celebrare: baptiſmate autem tinctum anno triceſimo ætatis ſuæ, Evangelica hiſtoria, Patres, & recta chronotaxis evincunt; quicquid moliantur adverſarii, ut arenoſo fundamento ſuam de morte Chriſti ſententiam ſuperſtruere nitantur. Quid ergo? Addantur anno U. C. 749. anni

xxx.compertum erit Dominum baptizatum anno U.779.huic anno ad-
 jiciantur quatuor Paschata , ac tres anni Dominicæ prædicationis ; in-
 veniemus Jesum suffixum cruci an.U.C. 782. duobus Geminis consuli-
 bus . II. Prædixit Daniel occidendum Christum in medio hebdomadæ
 lxx. idest , anno ab hebdomadam exordio 486. Incipiunt autem heb-
 domadæ Danielis anno ante Ae.V. 457. & v11. Artax. Longimani , ut
 diximus lib. xxv. cap. 5. At si anno quadringentesimo quinquagesimo
 septimo ante Christianam Aeram addantur anni ejusdem æræ xxix.
 resultabunt anni 486. Idem ergo annus Aæræ communis xxix. est di-
 midium hebdomadæ lxx. in qua juxta Danielis vaticinium delenda
 erat iniquitas , Christo suorum livore in crucem sublato . III. Aper-
 tissimus character ad annum passionis Christi investigandum est Eccli-
 psis illa percelebris , quam recensent Matth. xxv11. 45. Marcus xv.
 33. & Lucas xx111. 44. De hac mentionem fecisse Phlegontem Ha-
 driani Augusti libertum , eximiumque Chronologum scribunt Ter-
 tullianus in Apologetico adversus Gentes cap. 21. Origenes lib. 2.
 contra Celsum , Julius Africanus , qui floruit Heliogabali tempore ,
 apud Georgium Syncellum pag. edit. Regiæ 322. Eusebius in Chro-
 nico ad annum Tib. xv111. Orosius lib. v11. Hist. cap. 4. Nec de alia
 solis defectione potest Phlegon explicari , cum scribat illam fuisse
*magnam , & excellentem inter omnes , quæ antea acciderant , eve-
 nisse autem hora sexta diei :* quæ omnia tenebris moriente Auctore ac
 Redemptore nostro factis super universam terram , conveniunt
 quammaxime . Verùm hinc inferunt passum Dominum anno vulg.
 Aæræ xxx111. Usserius ad annum Per. Jul.4746. Natalis Alex. differt.
 11. 1. sæc. q. 3. Possinus Epist. 1. ad Papebrochium , num. 13. & qui
 vel Usserianam Chronologiam sectantes putant passum Christum anno
 ætatis suæ xxxv1r. vel hærentes adhuc Eusebianæ ad annum xv111.
Augustalem Tiberii referunt tricesimum tertium ætatis Christi : plau-
 duntque sibi plurimum , quoniam apud Eusebium citato loco Phle-
 gon scribit contigisse memoratam Eclipsim *quarto anno Olympiadis*
202. qui incidit in annum vulgarem tertium , ac tricesimum : si
 Olympiades , quæ a solstitio æstatis ducunt initium , cum anno sæculari
 supputentur . At Africanus , ex quo hæc exscriperat Eusebius , ait
 præcitatam eclipsim a Phlegonte commemoratam incidisse *in annum*
Tiberii decimum sextum , & in annum 2. Olympiadis 202. non solum
 apud Syncellum pag. 323. verum etiam apud Eusebium lib. v111.
 Dem. Evangelicæ pag. 558. edit. Basileensis , & apud Hieronymum in
 cap. ix. Dan. Tom. 111. pag. 1111. hoc tantum excepto , quod Hier-
 onymus non annum Tiberii xvi. ponit , sed xv. nulla , ut liquet ,
 contradictione , si anni Tiberii supputentur cum anno sæculari , non
 a sextili mense , & ab obitu Augusti . Igitur anno 2. Olymp. cc11. ex
 Africano , Eusebio , & Hieronymo Phlegon horrendam illam , ac
 mira-

mirabilem eclipſim conſignavit ; quamvis Eufebius in Chronico ehronotaxi inſtitens ſuæ ſcripſerit *Olympiadis* 202. *annum quartum*. Adde modo Africanum antevertere communes Olympiades biennio, eaſque auſpicari ab anno periodi Græco-Romanæ 4716. licet Olympias communis incæperit anno ejuſdem periodi 4718. , ut inquit Schelſtratus Tom. 1. Antiq. Eccleſiæ pag. 73. demonſtratque Pagius ad annum Ch. xxx11. num. 11. quod non animadvertentes illuſtres viri , Petavius , & Keplerus putarunt memoratam a Phlegonte eclipſim contigſſe anno Chriſtiano xxx1. concurrente cum 2. Olymp. 202. poſt ſoliſtitium æſtatis , melius tamen tempora ſupputantes , quàm faciunt rejicientes eclipſim illam in annum 1v. Olymp. præcitatæ , imo in annum 1. Olymp. 203. ut obſervarunt Schelſtratenus & Graveſonius . Dele itaque biennium , quo Africanus anticipavit Aeram Olympiadum communem , & meridiana luce perſpicuum erit mirabilem illam eclipſim conſignandam ex Phlegonte anno vulgari xx1x. Quid vero ingeniolum noſtrum obruimus calculis arithmeticis, dum apud Hieronymum , qui teſtatur proferre ſe verba ipſa Africanī , legimus annum Tiberii Cæſaris xv. , apud Eufebium autem , & Georgium Syncellum annum Tiberii xvi. qui duo anni concurrent cum anno Aeræ Chriſtianæ xx1x. ? Hoc itaque anno accidit magna illa defectio lucis , hoc anno naturæ Auctor mortem oppetiit . IV. Traditur expreſſe ſententia noſtra a Patribus : unde Alexander Natalis ad propriam opinionem firmandam præmittendum cenſuit , non poſſe annum paſſionis Chriſti certo colligi ex traditione , ut etiam affirmat Serrius Exerci. 56. falſd tamen , ut dicam infra . In conſulatu ergo duorum Geminorum paſſum Chriſtum tradit Tertullianus lib. adverſus Judæos cap. 8. ſcribens : *Quæ paſſio bujus exterminii intra tempora LXX. hebdomadarum perfectæ eſt ſub Tiberio Cæſare Coſ. Rubellio Gemino , & Ruſio Gemino , menſe Martio , temporibus Paſchæ , die v111. Calendarum Aprilium , die prima Azymorum , qua Agnum ut occiderent ad velperam a Moyſe fuerat præceptum*. Eodem capite inquit Tertullianus : *Hujus [Tiberii ſcilicet] quinto-decimo anno imperii paſſus eſt Chriſtus , annos habens quaſi xxx. cum pateretur* : ubi Hieronymus Tom. 111. pag. 1116. legit , *annos habens quaſi triginta tres* : quod conſentaneum eſt iis , quæ ſcribit Tertullianus in 1. adverſus Marcionem , *Chriſtum anno x11. Tiberii Cæſ. revelatum* . Tertullianus ergo triplicem nobis notam ad tempus paſſionis dominicæ inveſtigandum ſuppeditat , annum ætatis Chriſti xxx111. annum principatus Tiberii xv. & Conſulatum Gemini , & Gemini ; omneſque hi characteres quadrant in annum vulgarem xx1x. / Laſtantius Firmianus lib. 1v. Inſtit. cap. 10. ait : *Sub imperio Tiberii Cæſaris anno quinto-decimo , ideſt , duobus Geminis Coſ. ante diem ſeptimam Calendarum Aprilium Judæi Chriſtum cruci affixerunt* .

Ha-

Habent nonnulli Codices, *ante diem decimum*: sed *ante septimam* effert, quo utimur, pag. 115. atque ita legendum hoc in loco, & in libro de mortibus Persecutorum, consentiunt Betulejus, Blanchinus, & alii: utroque autem loco signari mortem Christi *in consulatu Geminorum*, nemo unus inficiabitur. Augustinus quoque lib. xv. 11. de Civit. Dei cap. 54. hæc habet: *Mortuus est ergo Christus duobus Geminis Coss. octavo Kalendas Aprilis*. Victorius etiam Aquitanus in Chronico Paschali scripto anno Domini 457. inquit: *Ex tempore Dominica Passionis diebus Kalendarum Januariarum, & nominibus Consulum, a duobus Geminis Ruso scilicet, & Rubellio, usque ad Consulatum Constantini, & Rusi, diligenti annotatione collectis, per cccc. & xxx. annos cum lunis, atque temporibus, &c.* Ubi præter expressum consulatum duorum Geminorum, notanda est summa annorum 430. a Domini passione ad consulatum Constantini & Rusi, idest, ad annum Christi 457. a quo arithmetica numeratione comprehenso, si retrocedas per annos 430. pervenies ad annum communis Aerae 21. Extat in eodem Victorii canone inobservata hætenus nota: in vetustissimo enim MS. S. Andreae de Valle legitur: *Anno a passione Domini cccxl. Lupicino, & Jovino Coss. Gratianus Imperator factus est*: quod vir doctissimus Lucas Holstenius propria manu signavit ad pag. 48. Bucheriani Codicis Angelicæ Bibliothecæ. Constat vero Gratianum a patre dictum Augustum Ambianis 1. Kal. Septemb. anno vulgari 367. a quo pariter connumerato si retrahamur per annos 340. sistendum erit in anno V. Ae. 21. Quid ergo requiritur manifestius, ut eodem anno consignemus Dominicæ Passionis Epocham? V. Alii quoque Patres, quos nobis Natalis Alex. opponit, ut evincat traditionem hac in re non esse attendendam, singuli ex novæ Chronologiæ principiis sententiam confirmant nostram. *Anno quintodecimo Tiberii* passum Dominum scribunt Clem. Alex. Tertullianus, Gaudentius, alique superius laudati. Annum quintumdecimum Tiberii adversantes nobis Chronologi non agnoscunt, nisi imperii Augustei. Ille vero xv. annus nonne occurrit, ante diem 19. Augusti, cum anno vulgari Dionysiano 21. ? Hi ergo Patres, quantum ad annum Passionis attinet, nobiscum consentiunt, quamvis universam Christi vitam triginta annis definiant; quod tamen, si de Tertulliano loquamur, concedendum non est adversariis. Martyr Ignatius, Chrysostomus, Leontius Byzantius, & Ven. Beda Christo 33. annos tribuunt. At quando ex Virginali utero Redemptor in lucem prodiiit? Haud negant novæ Chronologiæ defensores natum anno U. C. 749. Designato huic anno addamus, quæso, annos 33. an non resultat annus U. 782. quo consulatum inierunt duo Gemini? Protrahit Irenæus mortem Domini ad annum fere quinquagesimum; at nonne baptizatum scribit anno ineunte *tricesimo*, nonne

nonne prædicationem *ad tres annos* coarctat ? Triceſimum annum inchoaſſe Dominum anno U. 779. haud negat Natalis : de tempore peracti miniſterii funem contentioniſ non ducit . Cur ergo nobis Ireneum obſectat ? Euſebius ipſe , qui omnium primus ad annum Tiberii xviii . & juxta correctionem Scaligeri xix . protraxit Domini crucifixionem , ſcite animadvertens baptizatum Chriſtum anno Tiberii xv . & vitam egiſſe annis xxxiii . , ſi locaſſet natalem Chriſti in anno U. C. 749. uti locandum annuunt adverſarii , nonne affirmaviſſet baptizatum Dominum anno xv . imperii Proconſularis , qui eſt annus Chriſti *triceſimus* , & in crucem actum anno Ae. V. xxix . qui eſt vita Chriſti xxxiii . ? Sententia ergo noſtra omnium Patrum traditione fulcitur , & quamquam illi ætatem Domini recenſentes in diverſam abeant opinionem , nullus eorum undequaque nobis opponitur . Inquiunt paſſum Jeſum anno xv . Tiberii Cæſaris ? His nos aſſentimur . Annis tribus a ſuſcepto baptiſmate ? Iis adhæremus . Anno triceſimo tertio ætatis ſuæ ? Horum ſententiam propugnamus . VI. Quoniam Euſebium nuper commemoravi , is ſub finem libri .i. H. Ec. loquens de Taddæo ad Edeſſenos proſecto , *Acta* , inquit , *ſunt hæc anno quadrageſimo ac treceſimeſimo* : ita enim reſtituit Valeſius ex vetuſtiſſimis exemplaribus , nec aliter habet interpretatio Ruſſini nuper ab erudito Viro caſtigata ad Codices Vaticanos . Idemmet Euſebius ad annum 1. Olymp. 117 . inquit : *Ab hoc loco Edeſſenſia ſua tempora computant* ; quod diximus ſupra demonſtratum a Valeſio , ac Norſio . Atqui ab anno 1. Olymp. 117 . dinumeratis annis cccxi . pervenitur ad annum 1. Olymp. 202 . Igitur anno 1. Olymp. ccii . peracta a Domino redemptione , Taddæus , ſi Euſebium recipiamus , adiit Edeſſam . Facilius idem comprobatur : Annus primus Olymp. 117 . eſt annus U. C. 742 . Adde annos Epochæ Edeſſenæ , ſive aeræ Seleucidarum , 340 . & conſurget annus Urbis 782 . ex ipſa Euſebii Pamphili chronologia . VII. A paſſione Chriſti ad expugnatas a Tito Jeruſolymas fluxerunt anni 42 . Clemens Alexandrinus lib. 1 . Strom. pag. 340 . ait : *Ex quo verò paſſus eſt ad excidium Jeruſolyma ſunt anni 42 .* Origenes lib. 4 . adverſus Celſum : *Quadrageſima enim duos annos puto ex quo crucifixi erunt Jeſum fuiſſe ad Jeruſolyma verſionem* : & S. Hieronymus in cap. 1 . Sophoniæ Tom. 111 . pag. 1656 . *Post quadrageſima & duos annos Dominica crucis circumdata eſt ab exercitu Jeruſalem* . Quo præciſe anno id evenerit , ſcribit Joſephus lib. vi . de Bello cap. 10 . aliàs 18 . *Ita quidem capta eſt Hieruſolyma ſecundo anno principatus Veſpaſiani , Gorpia (Septembris) menſis die oſtava* . Veſpaſianus renuntiatus eſt Imperator anno Ae. V. 69 . Kal. Julijs . Ab anno itaque communis Aeræ 70 . Veſpaſiani ſecundo , anni 42 . retroflexi incidant neceſſum eſt in annum Chriſtianum , xxix . ob crucem , mortemque Domini celeberrimum . VIII. Accedunt

dunt in sententiæ nostræ confirmationem veterum Historicorum, & Chronologorum notæ. Ac Severus quidem Sulpitius lib. 2. Historiarum ait, *A tempore crucifixi Domini usque ad Stiliconem sunt anni 372.* Incidit vero consultatus Stiliconis in annum V. Aë. quadragesimum, a quo detractis annis 372. residui erunt anni 28. post annum vero xxviii. duo Gemini Consules prodire. In libro Julii Hilarionis de Hebdomadibus Danielis apud Schelstratium p. 103. enumerantur a Consulatu Luculli anni 179. usque ad mortem Christi, & a morte Christi ad Consulatum Cæsarii & Attici anni 369. Consulatum gessit Lucullus anno U. 603. si addas annos 179. resultabit annus U. C. 782. In eodem anno sistendum erit, si a Consulatu Cæsarii & Attici, inito anno Christi 397. ab Urbe condita 1151. per annos 369. retroagamur. Joannes Cuspinianus Comment. in Consules Cassiodori profert indiculum quemdam vetustissimum, in quo legitur: GEMINO. ET. GEMINO. HIS. COSS. CHRISTUS. PASSUS. EST, additque perantiquum Catalogum Pontif. quod incipit: *Imperante Tiberio Cesare passus est Dominus Jesus Christus duobus Geminis Coss. v111. Kal. Apriles.* Idem habetur in fastis Anonymi editis a Norisio ad calcem Operis de Epochis Syro-Macedonum. Haud aliter exhibent Fasti Idatiani editi a viro Clarissimo Jacobo Sirmundo. In Auctario denique Chronici Prosperi apud Labbeum. Tom. 1. Biblioth. MS. legitur: *Vsitatio traditio habet D. N. decimo quinto anno Tiberii Cæsaris duobus Geminis Coss. crucifixum.* Plura addi possent; sed quis productis hætenus momentis non acquiescet?

PROP. II. Christus crucifixus est v111. Kal. Aprilis.

Id primo demonstratur Patrum traditione, Tertulliani, Lactantii, & Augustini, quorum verba producta sunt paullo supra. S. Pater idem repetit in iv. de Trinitate cap. 5. num. 9. scribens: *Octavo enim Kalendas Aprilis conceptus creditur, quo & passus;* eademque repetit lib. lxxxviii. Quæst. q. 56. Accedit Canon Paschalis Sancti Martyris Hippolyti Portuensis ab anno D. 222. marmoreæ tabulæ incisus, & in agro Verano repertus anno 1551. in quo legitur: H. KAL. ΑΠΡΕΙ ΠΑΘΟΣ ΧC. viii. Kal. Aprilis passio Christi. Servatur etiamnum cum Hippolyti statua in Vaticana Bibliotheca: neque in tam vetusto & insigni monumento possumus vel traditionis novitatem suspicari, vel incertiam Scriptoris, vel literarum depravationem. Idem tradere Ecclesiæ Magistros alios scribit Beda de rat. temp. cap. 28. & 45. Confirmatur deinde propositio vetustissimis Martyrologiis. Viginti MSS. in celebrioribus Europæ Bibliothecis se legisse affirmat Heuschenius, omniaque consignare passionem Domini v111. Kal. Apriles. Insigniora sunt Anglo-Britannicum annorum mille, alterum ad usum olim Regiæ Sueciæ exaratum ante annos 890. Consimile Bibliothecæ Barberinianæ, Leodiensæ, Corbejensæ,

ac

ac Bruxellenſe, quæ vide Tom. 111. Martii Aët. SS. Bollandi p. 540. in Propylæo Baertii, & Ianningi, in Martyrologio Florentinii p. 396. & apud Scheſtr. diſſert. 1. cap. 4. Conſentiunt ex editis Martyrologia Adonis, Uſuardi, Hieronymiana, & quod anno 1487. editum eſt Papiæ ad vetuſta monumenta emendatum ab inſtituti noſtri præclaro viro Bartholomæo de Palatiolo: cujus, [ſicut etiam Bellini inter Theologos noſtrates eximii, & cujus Martyrologium laudant plurimum etiam Scriptores Galli, præſertim Launojus diſ. de commentitio Lazari in Provinciam appulſu, atque illud commendat parte 2. lib. 1v. de Canoniz. SS. pag. 137. eruditiffimus Auctor Proſper Cardinalis de Lambertinis, nunc BENEDICTUS XIV.] æquiſſimum eſt, nos hoc loco mentionem facere. Præterea comprobant ſententiam, quam propugnamus, Kalendaria antiquiſſima, Palatinum, Beneventanum, Atrebatenſe, de quibus legendus pag. 69. tom. 1. Antiq. Eccleſiæ Cl. Em. a Scheſtrate. Prætermittendus non eſt Catalogus Romanorum Pontif. quem tranſtulit, ut diximus, in Faſtos ſuos Jo. Cuſpinianus, & de quo vide Bucherium pag. 269. & Volumen 2. Anaſtaſii Biblioth. pag. v111. Corroborat hanc opinionem, quod ex ſententia Patrum diximus lib. xi. cap. 6. eadem die hominem fuiſſe conditum, ac redemptum, nec aliam eſſe diem illam præter xxv. Martii, ut legitur etiam in antiquo Carmine citato Tom. 111. Sanët. ejusdem menſis pag. 541.

Salve feſta dies, quæ vulnera noſtra coerces:

Angelus eſt miſſus, eſt Chriſtus in cruce poſſus:

Eſt Adam factus, & eodem tempore lapſus.

Quum inſuper ab hac communi ſententia tertio decimo Eccleſiæ ſæculo receſſiſſet Rogerus Bachonus, aſſerens Chriſtum mortuum die 3. Aprilis, anno Ae. V. xxx111. ductus calculis Aſtronomis, rejectus eſt ab omnibus, ac ſuſpectus de errore habitus eſt, ut ex Wadingo refert ad annum 32. num. v111. Antonius Pagius. Turbas excitaviſſe plurimas etiam Toſtatum, dum ſedente Eugenio IV. Senis eandem Bachoni ſententiam inſtaurare conaretur, affirmat ibidem Pagius. Damnatam Toſtati aſſertionem nos quidem minime affirmamus, quamvis id aliqui conjecerint ex quodam MS. Cardinalis a. Turrecremata, de quo MS. legendus Salmeron Tractatu Prolegomeno xxxv111. Imo ſatemur ab eo tempore ob editam a Toſtato apologiam, probatamque calculis Aſtronomorum, in eandem ſententiam complures deſcendiſſe. Sed iſtinc tamen inferimus, opinionem nobis contrariam fuiſſe incompertam veteribus, malè apud fideles audiſſe, nec alio ſulciri fundamento, quàm Aſtronomorum paullo poſt diſcutiendis obſervationibus. Tandem ſententia noſtra firmatur inſigni miraculo, & non ſemel Notariorum judiciariis actibus explorato, quod refert Pompejus Sarnelli Epifcopus Vigilienſis Tom. II. Epif.

To. V.

B b b b

Ecll.

Eccl. ep. 33. In urbe enim Andria servatur una ex Spinis coronæ Domini, nonnullis pretiosi Sanguinis confersa guttis, quæ dum concurrunt Parasceve, ac dies Passionis Dominicæ cum viii. Kalendas Apriles, conspicientibus omnibus diffuunt, totamque spinam cruantur: idque etiam thecæ hisce versibus insculptum legitur:

*En cuspis de tot majoribus una Corona,
Qua diræ pupugere manus pia tempora JESU.
Quando Parasceve, & Martii vigesima quinta
Concurrunt, veluti majores ore probarunt,
Tunc hæc (ob quam mirum!) tota cruenta videtur,
Quæ solet esse aliàs guttis aspersa quibusdam.*

Traditione ergo, ac tam mirabili signo tenendum est, non alia die passum Dominum, quàm vicefima quinta Martii.

BREVIS OBJECTORUM DISCUSSIO.

Quicquid opponunt adversarii, nihil difficile tinnit, quod non sit jam explosum præcedentibus theorematibus, uno excepto argumento deprompto ex tabulis Astronomicis, sive ex Bachono, Toftato, & Paulo Burgenfi, ex quorum fontibus, ut inquit Gerardus Vossius in dissert. de temp. dom. passionis num. 8. juniores contententes passum Christum anno Aera V. xxxiiii. & die 3. Aprilis, hortos suos irrigarunt: quare summatis argumentationes ceteras prosequar, istam vero paululum accuratius. Opponunt itaque I. nihil hac in re deferendum Patribus, quorum de ætate Christi sententia tam varia est, & perplexa. II. Augustinus in libro de Civit. Dei xvi. cap. 54. ait annum a Passione Domini 365. expletum fuisse idibus Maji, Honorio, & Eutychiano Cos. idest, anno Ac. V. 398. quo ex numero si subtrahantur anni 365. residui erunt anni V. Ac. 33. III. Crucifixus est Christus in medio hebdomadis lxx. juxta Danielis oraculum, anno scilicet ab hebdomadarum exordio 487. Hebdomadæ autem Danielis initium ducunt ab anno xx. Artaxerxis Longimani, ante Ae. V. 454. Ut ergo coalescat numerus annorum 487. adjiciendi erunt anni 33. æræ Dionysianæ. IV. Defectio lucis ad tres horas protracta, quæ temporis Dominicæ Passionis character est singularis, ex Phlegonte contigit Olympiadis 202. anno quarto: eoque tempore solare hoc deliquium præter naturæ ordinem etiam Sinas in monumentis rerum suarum adnotasse imperante Quamvutio, inquiunt in Historia Sinensium Hadrianus Gressonius, & Huetius in demonst. Evang. prop. lxx. num. 8. V. Litteræ, quibus Pilatus a Senatu petiit Christi apothecism, quas nos pag. 68. vindicavimus, conscriptæ dicuntur in Chronico Eusebiano anno U. C. 788. Ae. V. xxxv. ideoque paullo ante Dominus cruci fuerat affixus. VI. Petrus Apo-

Apoſtolorum princeps martyrio coronatus eſt anno 34. poſt Chriſti mortem, Ae. V. 67. Ab anno autem 67. demptis annis 34. conſurgit annus paſſionis Domini, communisque aeræ tertius ac triceſimus.

Dixi in his nihil offendi difficultatis. Ad primum enim ex dictis conſtat omnes Patres aliquod ſententiæ noſtræ fulcimentum nobis ſuppeditare, ſive afferant paſſum Chriſtum anno Tiberii Cæſaris xv. ſive conſulatam Geminorum producant, ſive deſignent annum ſuſcepti baptiſmatis, ac tempus Dominicæ prædicationis, ipſumque Euſebium nobis conſentire, dum affirmat Chriſtum baptiſmate tinctum anno triceſimo, dum ait prædicaffe tribus ſaltim annis, dum aeram commemorat Edeſſenorum. Perperam ergo quidam diſcrepantes Patres nobis obijciunt; & unâ cum horum traditione, ſacroſanctum Evangelium expreſſe designans tempus Domini baptiſmatis, unde hæc theſis fuit perſpicua conſecutione; inaudito olim, & commentitio ſenſu detorquent. Ad 2. dicimus Auguſtinum eo loci affirmare paſſum Chriſtum *Cof. duobus Geminis*: quomodo ergo credidit mortuum *Sulpitio Galba, & Cornelio Sulla Conſulibus*? Ait affixum cruci v111. Kal. Aprilis: quomodo Aprilis die tertia? At dinumerat, inquirunt, ad Conſulatam Honorii & Eutychiani annos a Chriſti morte 365. Percepisti ne mentem Auguſtini? Jaſtabant Pagani Chriſtianam religionem nonniſi annis 365. duraturam. Stultiſſimum Paganorum mendacium S. P. hoc validiſſimo ratiocinio redarguit: Non verſa eſt Honorio Conſule Religio Chriſtiana; quin potius Carthagine *Gaudentius & Jovius comites Imperatoris Honorii quartodecimo Kal. Aprilis falſorum Deorum templa everterunt, & ſimulaera fregerunt*: & tamen ſuperiori anno Cof. Eutychiano & Honorio, *trecenti ſexaginta quinque anni reperiuntur impleti*. Firmiſſimum eſt Auguſtini argumentum, tamenſi a morte Chriſti præteriſſent anni 388. Connumeravit tamen 365. quia Pagani hunc terminum Chriſtianæ religioni ſtatuebant; aut ſi forte, quidam alio anno mortem Domini conſignarent, adhuc ratiocinatio in ſuo robore permaneret. At argumentum tertium, ſupputantibus nobis Danielis hebdomades ab anno v11. Artaxerſis, ante Ae. Vulg. 457. nihil eſt aliud, quam cantilena, verborumque jaſtatio. Quarto ſatiſfactum iri conſidimus iis, quæ produxiſmus in 1. propoſitione num. 3. nam quæ afferuntur ex Sinenſium hiſtoria, Grefſonius Chronologiæ aptavit ſuæ; nec memorandum ſolis deliquium, quo vehementer Quamvutius Sinarum imperator dicitur fuiſſe commotus, conſignavit anno Ae. V. xxx111. ſed xxx11. in quo plenilunium Niſan contigit feria prima, die 13. Aprilis, aut feria 2. die 14. ideoque adverſarii noſtri Aſtronomis calculis decertantes nequeunt ad Sinenſium annalium monumenta conſugere. Ad 5. di-

cius, si recipiantur Acta Pilati, iis quoque assertum nostrum stabiliri: quippe in iis narratur, Sejanum præfectum Tiberii suscipiendæ Christianæ religioni pervacaciter obstitisse. Videatur Orosius l. 7. cap. 4. At Sejanus a Tiberio interfectus est, *Memmio Regulo Consule*, ex Dione lib. 58. pag. 628. idest, anno vulgari 31. haud repugnante Tacito lib. v. Annal. & Suetonio in Tiberio cap. 65. ubi narrant contigisse Sejani necem in v. Consulatu Tiberii, hoc est, anno U. 784. vulg. æræ 31. ex quibus patet castigandum errorem eorum, qui vel referunt eadem Sejani cum Eusebio ad an. Ae. V. xxxv. vel consulatum Memmii Reguli successi Fulcinio Trio, dum Tiberius anno U. C. 784. consulatum v. agebat, deorsum trudent. Ad 6. ad hunc respondeo modum. Tradunt Patres, præsertim Hieronymus de Script. Eccles. Petrum sub Nerone martyrio coronatum *anno 37. post Christi passionem*: quo Neronis anno, gravis est controversia. Ultimum ponit Hieronymus: Epiphanius hæresi xxv. l. 6. duodecimum. Hinc in partes abeunt Historici, quibusdam referentibus Apostolorum Martyrium ad annum Ae. V. 65. aliis ad annum 66. aliis ad 67. nonnullis quoque ad 69. Non vacat in præsentia controversiam istam dirimere. Subscribamus interim Pagio Tom. 1. pag. 51. referenti Martyrium Apostolorum ad annum Ae. V. 65. In hunc annum incidit xxxv. i. a passione Domini, & xli. Neronis, si eadem passio statuatur anno æræ V. xxix. Quod etiam salvatur, si dicas Petrum occubuisse proximo anno 66. & annis 37. post Christi passionem, probris exactis, & si imperium Neronis auspiceris a die 13. Octobris anni Vulg. Ae. 54., atque ut inquit Lactantius in libro de mortibus Persecut., *anno a morte Christi* xxv. Omnia itaque argumenta hætenus producta non quatiunt sententiam nostram, sed recenti munimento suffulciunt.

Verum discutiendum est perdifficile argumentum, quod sequitur: In die crucifixionis Dominicæ duo concurrere debent, Parasceve sabbati, sive feria vi. qua necatum Christum patet ex Joannis xix. 31. & plenilunium mensis Nisan incidens in eandem feriam sextam, cum feria quinta præcedenti ad vespeream, primo Azymorum die Christum cum Apostolis paschalem agnum comederit, quartadecima die mensis juxta præscriptum legis, Levit. xxii. 5. At hæ notæ in nullum quadrant annum, nisi in Ae. V. xxxiiii. & Christi 37. Tiberii xix. Enimvero juxta emendatissimas tabulas Astronomicas, anno V. Ae. 31. luna 15. mensis Nisan incidit in diem 26. Martii fer. 2. Anno proximo 32. in diem 13. Aprilis feria 1. vel in diem 14. feria 2. Anno 34. in diem 23. Martii feria 3. Anno duntaxat 33. incidit plenilunium in diem 3. Aprilis, sextam feriam, & sabbati Parasceven; ideoque hoc anno ac die consignari debet Passio Salvatoris. Ita Natalis Alex. Tom. 3. pag. 81.

Huic

Huic verò argumento tres adhibemus reſponſiones , propoſitam ſpem habentes quod ad harum unam , vel alteram adverſarii obmutecant , aut fateantur ſaltem non eſſe ſententiam noſtram adeo infirmam , quæ non valeat oppoſitæ contraniti . Ac reſponſio prior eſt ingenua inſcitæ noſtræ conſeſſio , quod nihil prorſus de lunæ phaſibus , & Aſtronomicis regulis edoſti ſimus . Legimus tamen apud eos , qui in hoc ſtudiorum genere plurimum fuerunt exercitati , minime eſſe idoneos Aſtronomorum calculos ad vetuſta Judæorum Paſchata inveſtiganda , ſive hi exacto cyclo non uterentur , ſive ob non ſatis compertum aſtrorum motum mathematicæ tabulæ aliquando ſint minus reſtæ . De hac re legi poterunt in Eclogis Chronologicis Keplerus , Henſchenius Exercit. 1. in Catalogo Rom. Pontificum , Petavius animadv. in Epiphan. ad hæreſim 11. Pagius ad annum 32. num. 8. & Scheſſtratus volum. 1. pag. 70. Revera Judæos anno Paſſionis Chriſti ante legitimum diem Paſchale epulum celebraſſe ſcribit citato loco S. Epiphan. num. 26. necnon Magnus Conſtantineſis in Epistoſa ex Nicæna Synodo ad Eccleſias conſcripta . Aſtronomicas tabulas emendatas a Metone primum , deinde a Calippo tradit idem Keplerus . Quas conſecerat Ptolomæus princeps Aſtronomorum , opus fuit tempore Alphonſi Hiſpanorum Regis ad exactiorem calculum revocare . Alphonſiniſis ſubſequutæ ſunt Prutenicæ exaratae a Nicolao Copernico . Et hæ fortaliſis annorum decurſu experientur fata ceterarum : inſudant enim & nunc in iis caſtigandis viri laboris patientiſſimi . Quantum verò errent , qui Patrum documentis præſerunt Aſtronomicas obſervationes , demonſtrant quæ de Pachomio Aegypto Monacho , & de aqua pro catechumenis baptizandis , (quæ dum contra uſum Eccleſiæ aſtronomici calculi ſervarentur , evanuit è ſacro fonte ,) in libro de rat. temp. cap. 41. narrat Beda . Ob eam rem ait Henſchenius *non videri viri ſapientis* , propter calculos mathematicos recedere a Patrum ſententia . Quod etſi ſas eſſet ſapientibus , mihi ſane Aſtronomiæ penitus imperito non licet .

Si huic non acquieſcas reſponſioni , de Aſtronomicis calculis diſferam aliquid ; & erit reſponſio altera . Concedo nullo ex annis in argumento citatis conſignandam Chriſti paſſionem . Hanc refero ad Conſulatum Geminorum , alligatum communi ſupputatione anno Dionyſiano 2219. Nullam de hoc anno ſitem adverſarii intentabunt circa ſeriam ſextam ; cum anno prædicto 29. litera Dominicali B. ſignando dies 25. Martii fuerit Sabbati Paraſceve : quod & probat argumentum Natalis , nam ſi anno 31. dies 26. Martii fuit feria 2. omni dubio procul anno 29. dies 25. ejuſdem menſis incidit in ſeriam ſextam . De luna tantum remanet inquirendum . Judæi non ſolum luna 14. menſis Niſan obſervabant , ſed etiam æquinoctium vernum , caventes ne ante ipſum immolarent Paſcha , ut probat Petavius animadv. mad.

mad. in Epiph. pag. 169. necnon Vossius Tom. vi. pag. 85. testimoniis Anatolii, Agathobuli, Philonis, Epiphani, & Eusebii: quæ brevitate gratia prætermitto. Illis Herodes Jerosolyma expugnata servandam proposuit *Oſtaeteridem* Lunarem Romanorum, cum Hieronymus in Chronico scribat servasse illos *secundum Romanos lunarem cursum*. Hanc *Oſtaeteridem* tibi propono ex Eclogis Chronologicis Samuelis Petiti Tom. VIII. Theſ. Antiq. Rom. pag. 386. quoniam, perdifficile est ipsam eruere ex tabulis Kepleri ibidem a Petavio productis, & etiam a Vossio permutatis literis, ac numeris sit exscripta. Petitus ergo illam hoc diagrammate delineat.

OCTAETERIS ROMANORUM LUNARIS.

<i>Anni Periodi.</i>	<i>Dies a quo incipiunt.</i>	<i>Lit. Dominicalis.</i>
I.	xviii. Martii.	C.B.
II. Embol.	vii. Martii.	A.
III.	xxvi. Martii.	G.
IV.	xv. Martii.	F.
V. Embol.	ii. Martii.	E.D.
VI.	xxii. Martii.	C.
VII. Embol.	xi. Martii.	B.
VIII.	xxx. Martii.	A.

Expugnata fuit ab Herode Jerosolyma anno U. C. 717. quare Judæi hanc *Oſtaeteridem* ex eo tempore adfuentes in usum, & in Periodo Romano-Judæa anno 1. in 2. *Oſtaeteridis* commutato, ut servarent æquinoctium Romano more, perverterunt lunares phasces, atque hoc pacto constat cur lunam xiv. mensis Nisan è sede sua deturbarent: quod tradunt cum Epiphanio alii Patres, ab iis, qui hanc *Oſtaeteridis* regulam non observarunt, incite, & perperam lacesſiti. Demonstrat autem præcitatus clarissimus Mathematicus recepta a Judæis Romana *Oſtaeteride* necessariò servandam fuisse hanc aliam Romano-Judaicam, ne Pascha æquinoctium præcederet.

OCTAETERIS

ROMANA.

JUDAICA.

<i>Anni Per.</i>	<i>Neomenia.</i>	<i>Anni Per.</i>	<i>Neomenia.</i>
II. Emb.	vii. Martii.	I.	vi. Aprilis.
III.	xxvi. Martii.	II.	xxvi. Martii.
IV.	xv. Martii.	III. Emb.	xv. Martii.
V. Embol.	iii. Martii.	IV.	ii. Aprilis.
VI.	xxii. Martii.	V.	xxii. Martii.
VII. Emb.	xi. Martii.	VI. Emb.	xi. Martii.
VIII.	xxx. Martii.	VII.	xxx. Martii.
I.	xviii. Martii.	VIII. Emb.	xviii. Martii.

In

In hac *Oſtaeteride* diverſa intercalandi Judæorum ratio orta eſt ex prædicta ratione , ne ſcilicet celebrarent Paſcha nondum tranſaſto æquinoctio . Hac *Oſtaeteride* adhibita ad inveſtigandum Paſcha Judæorum anni Dionyſiani xxix. ideſt , diviſo xxix. per 8. & addita unitate juxta arithmeticum canonem , ut reſultet numerus 30. apparebit Neomeniam menſis Niſan incidiſſe in diem xi. Martii , & ſolemnitatem Aſymorum , ſive lunam xv. in feriam ſextam , ac in diem Martii 25. quo pacto omnia , quæ tradunt veteres PP. conciliantur , Judæos ſcilicet tempore Chriſti non ſervaviſſe phaſes lunares , & Dominum Jeſum affixum cruci die Paſchatis , in Paraſceve ſabbati , viii. Kal. Apriles , & Coſſ. duobus Geminis . Quum poſſimus tam facile omnia conciliare , cur hanc reſponſionem a viris doctiſſimis traditam , & a nobis , ni fallimur , dilucide expoſitam nihili faciemus ?

Si adhuc calculos arithmeticos urgeas , en tibi reſponſio tertia . Percelebris Franciſcus Blanchinus Opuſc. iv. Tom. 2. Anaſtaſii pag. x. contendit conſulatum Geminorum eſſe retrahendum in annum Vulg. Ae. xxviii. quoniam eclipſis prænuntia mortis Cæſaris Auguſti , de qua Dio Caſſius lib. 56. nequit inveniri niſi in anno Ae. V. xlii. in quo ſi locemus Conſules duos Sextos , neceſſe eſt , ut Gemini prodierint Coſſ. anno biſſextili xxviii. in hoc autem anno , inquit Blanchinus , ibi pag. xlii. *rationes luna xiv. Paſchalis ita ſunt aperta , ut qui tabulas hac de re tam veteres , quam recentes concinnarunt , inter ſe non diſſentiant.* Fatentur ſiquidem omnes , lunam Paſchalem incidiſſe eo anno in diem 25. Martii , feriam quintam , qua poſt cœnam Chriſtus in horto incœpit paſſionem , poſtera die , feria ſexta conſummatam in cruce . Sanè Blanchini ſententia eruditiſſimo Opere quamprimùm in lucem edendo inviſtiſſimè confirmatur . Hac ratione petitum ex Aſtronomorum calculis argumentum omnino labat : quamvis nobis neceſſarium non videatur ob hoc unum pervertere communes faſtos , & univerſam ætatem Chriſti ex Epochis ſupra firmatis extrudere : quod tamen ſi fiat , nihil erit repugnans Patribus , aliud non commemorantibus ad designandum annum diemque Domini emortualem , quàm annum Tiberii xv. Conſulatum Geminorum , & viii. Kal. Apriles ; quemadmodum & nos hacce Chronologica diatriba propugnavimus .

CAPUT ULTIMUM.

Continet quaſdam notas in Dominicæ Paſſionis hiſtoriam .

DIſ itaque Martii quinta ac viceſima , a vespere primo inchoata , poſtquam cum Apoſtoliſ celebravit poſtremum epulum , gratiis de more peraſtis , trajecit Redemptor torrentem Cedron , conſultique ſe in hortum Gethſemanis , ita appellatum , quaſi גת שמנים , *gallie*

vallis pinguis, quod ad pedes montis *Olivaram* situs esset, umbroso in loco, unde fluentis nomen a קרר, *nigresco*. Ubi eò perventum est, Petro & filiis Zebedæi comitantibus, nonnihil ab iisdem progressus, in genua concidens ter oravit ad Patrem, & vehementissime mortis subeundæ sensu commotus in vultum procidit; disfluxitque e corpore ejus sudor, *sicut guttæ sanguinis decurrentis in terram*, cum illi apparuisset *Angelus de cælo confortans eum*, ut legimus Lucæ xxii. 43. 44. Male hunc locum insititium quidam dixere, quoniam defuit olim in exemplaribus quiquisdam vetustis; male etiam negant aliqui sudorem Christi sanguine fuisse permixtum, putantes Evangelistam designare sudorem crassum, quales esse solent grumi sanguinis. Etenim Patres celebriores, & hunc locum agnoscunt, & illum interpretantur de sudore sanguineo. Primum S. Irenæus lib. iii. adversus hæreses cap. 32. nunc 22. num. 2. contra denegantes in Christo verum corpus, *Nec lacrymasset, inquit, super Lazarum, nec sudasset globos sanguinis*. Præterea Epiphanius in Anchorato num. 31. ut ad literam ex Græco translatus est a Massuetio in. notis ad Iren. pag. 219. inquit: *Sed & ploravit. In iis Lucæ exemplaribus, quæ interpolata non fuerunt, legitur: (eoque testimonio S. Irenæus in Opere contra hæreses ad eos refellendos utitur, quæ Christum specie tenuis apparuisse dicebant; catholici verd timore quodam inducti sententiam eam sustulerant, illius neque finem, neque vim maximam intelligentes) Et in agonia constitutus sudavit, &c.* Hoc Epiphanii loco ex emendatissimis codicibus restituto, liquet errasse Hugonem Grotium, qui in Lucam Tom. 2. pag. 441. ait Epiphanium loqui de fletu tantum, de quo Lucæ xix. 41. nec locum apud Irenæum inveniri; necnon constat, decipi Petavium, qui in Animadv. ad Epiph. pag. 369. indigitat Irenæi lib. 1. cap. 17. Ubi nihil de sanguineo sudore. Ac præter hanc Irenæi, & Epiphanii collationem, Grotius hinc etiam revincitur, quod nullibi legatur e capite xix. Lucæ versum 41. fuisse abrasum, quemadmodum interpolata fuere verba ejusdem Evangelistæ cap. xxi. 1. 43. 44. Cum ergo Epiphanius & Irenæum laudet, & loquatur de exemplaribus Lucæ, & de loco, qui alicubi pia quorundam inscitia, ne hinc hæretici opponerent indiguisset Christum consolatione Angelorum, passus fuerat depravationem; manifestum est S. Epiphanium existimasse textum, de quo differimus, autographum ac genuinum. Hilarius quoque lib. x. de Trinit. num. 40. pag. 1061. scribit, *Angelum existisse confortantem eum, quo assistente orare prolixius cæperit, ita ut guttis sanguinum corporis sudor efflueret*. Chrysostomus item in hunc locum intendit, dum Hom. 84. in Matt. pag. 713. ait: *Et ad hoc sudor quidam, & labor animi apparuit, & ab angelo confirmatus fuit*. Hieronymus denique lib. 2. Dialogi adversus Pelagianos

Tom. IV. pag. 521. ſcribit : *Salvator in paſſione ab angelo confortatur , & Critobulus meus non indiget auxilio Dei habens liberi arbitrii poteſtatem : & tam vebementer orabat , ut gutta ſanguinis prorumperent ex parte , quem totus erat in paſſione fuſurus* . S. Pater Auguſtinus in Pfalm. CXL. num. 4. *Cum oraret globi ſanguinis de toto corpore ejus deſtillabant , ſicut ſcriptum eſt in Evangelio : Oravit Jeſus intenta oratione , & ſudavit ſanguinem* . Igitur tam diſerte Patres hiftoriam ſanguinei ſudoris agnoſcunt , atque explanant , ut revocari nequeat in dubium . Profecto evangelica verba *ὁ ὁρῶν τὸ αἷμα* , ut *gutta ſanguinis* , non ſignificant , (ut quidam cum Euthymio contendunt) nudam comparationem ; nec ſunt capiendi hyperbole quadam proverbiali , ſed planiſſima ſignificatione commonſtrant ſanguinem ita guttatim manaſſe , ut ſanguinolentos grumos efficeret : immo ex quo ſudoris materies adeo ſpiſſa fuerit , ut grumulis transmitteretur , ſequitur rarefactis vaſorum tunicis , cutiſque meatibus , ſeroſum & tenuem ſanguinem profluxiſſe , qui vel deficiente ſudoris materie , vel huic permixtus in grumulos coaleſceret . Quomodo autem talia Chriſtus expertus fuerit in aſſumpta humanitate , etſi fuerit quoque Deus ſummus , cum explicatum ſit Lib. XXVI. a cap. 6. uſque ad 10. rurfus exponendum eſſe non arbitror .

II.

In horto comprehenſus Jeſus a Romana cohorte , miſſiſque 27 Judæorum Senatu apparitoribus , quos illuc adduxit proditor Iſcariotes , arſtaque vinctus cuſtodia ad Annæ & Caiphæ ædes perductus eſt , ac tandem ad Romanum præſidem Pontium Pilatum , ubique ludibriis affectus , & declaratus a Judæorum conſeſſu reus mortis . Proditor interim facti pœnitens retulit pretium execrandi facinoris , *triginta ſcilicet argenteos* , projectiſque in templo , in deſperationem actus laqueo ſeſe necavit . Inquiritur , quanti triginta hi nummi penderent . Sunt , qui tribuunt ſingulis hujusmodi nummis unius *drachmæ* valorem , ita , ut Dominus venditus ſit *ſulis* Romanis ejuſdem plus , minus cum drachma ponderis , xxx. Quidam nummos iſtos *argenteos* putant fuiſſe *ſielos* , ſed an ſacri , an profani fuerint , non dicunt ; nec de pretio conveniunt , adeo , ut alii ſcribant xxx. *argenteos* idem eſſe , ac Romanos *ſulos* 60. alii 150. Pro *argenteis* Baronius ad an. Ch. 34. Eſtius in cap. 26. Matth. necnon Camerarius de *Re nummaria* intelligunt nummos aureos , ſive argenti libras , ita , ut pretium xxx. *argenteorum* ad ſummam 300. coronatorum acceſſerit ; quod abunde ſat erat ad emendum agrum figuli , 2. pretio ſanguinis appellatum Jeruſolymitana dialecto *חֶקְלִי-דָמָא* , *Hacel-dama* . At mihi quidem de triginta *argenteis* ſic ſtatuendum , ſalvo meliori iudicio , videtur . Fuit apud Hebræos argenteus *ſielus* ,

C c c c

diſtus

dictus שקל הקדש, *Schebel haqedese*, Siclus sanctuarii, quod ad ornatum, & structuram Templi impenderetur. Refert ex una parte florentem virgam Aaron, ex altera thuris vasculum cum literis, vel Samaritico, vel Hebraico caractere cufis, שקל ישראל, *Siclus Israel*. Invenies hujus nummi sculptam figuram apud Villalpandum in Apparatu, Kircherum in *Turri Babel*, Waserum de Antiquis nummis Hebræorum, & nostrum Scacchum Myroth. II. cap. 4. Pendebat *Siclus* sacer viginti obolis, Exodi xxx. 13. Levit. xxv. 25. & Num. 111. 47. Pro obolo est in Hebræo גרה, *Gera*, vertitque Onkelos מנא, *Meha*. *Gera*, sive *Meha*, est minutus nummus habens tantum ponderis, quantum 16. grana hordei. *Siclus* ergo pendens 20. *geris*, tanti pendet, quanti hordei grana 320., idest, ut pendent viginti quatuor oboli Attici, sive drachmæ Atticæ quatuor, aut quatuor *Julii* Romani. Obolus enim Atticus octo habet זגגא, drachma verò sex obolos, ut ostendit lib. v. Atticarum Iest. cap. 16. Joannes Meursius. Est itaque idem Hebræorum *Siclus*, & *Tetradrachmum Atticum*, sive, ut dicitur Matth. xvi. 23. *Stater*. His ex clarissimis Auctoribus, qui de re nummaria pertractarunt, depromptis accedit Hieronymus, qui in Ezech. cap. 4. Tom. 111, pag. 722. inquit: *Siclus autem, idest, stater habet drachmas quatuor*. Assentiuntur Rabbini, scribente in 1. Samuelis Rab. Kimchi: *Siclus continet quatuor Susas: Susa est drachma Attica, sive denarius Romanus, & Salom. Jarchi, Siclus pendet quatuor drachmis*. Et quamvis sunt, qui inter drachmam, ac denarium argenteum nonnihil ponant discriminis; certissimum est tamen, atque ex nummis ante Neronem cufis a viris doctissimis comprobatum, tam antiquum denarium, quam drachmam fuisse ejusdem ponderis, octavam scilicet uncie partem, quod plurimi non attendentes differendo de re nummaria deprehenduntur errasse. At a *drachma*, si æqui sit ponderis, non esse discrepantem *Julium*, res est aperta. Poterit quisque id experiri si *siclam*, *tetradrachmum Atticum*, & *Julium* ponderet. Hunc noscunt omnes: *Sicli* notas attuli paullo supra; nummum vero Atticum dignoscas ex *noctua*, Athenarum insigni, atque ex effigie *Palladis*; ac tale.n exhibet Hudsonus Operum Josephi Tom. 1. pag. 139. Hiæc habes xxx. *argenteos*, si fuerunt *Sicli* sacri, idem habuisse pretium, ac 120. drachmæ, sive totidem denarii, quos *Julios* dicimus. Atque his emi poterat ager *figuli*; quem, sive dictum velis a terra inde effossa pro vasis fingendis, sive a testarum fragmentis in eum projectis, emptum non arbitror argenti libris triginta.

At fuit Hebræis *Siclus* alter communis, duplo minor sacro, ac pendens *geris*, sive obolis decem, idest, granis hordei 160. Atticis obolis 12. drachmis Atticis, aut denariis argenteis duobus,

Se-

Semiſtatere , & nummo illo Atticorum , qui reſert ex una parte vultum Theſei , ex altera *bovem* : unde intelligimus vetuſtum proverbium , *Bos in lingua* , de iis , qui pecunia corrupti mentiuntur , vel tacent . Procuſus fuit communis *Siclus* pro tributis ſolvendis ; nam ſicli dimidium ſingulis impoſitum legimus Exodi xxx. 15. *Didrachmum* dicitur Matth. xvi. 22. & ibidem verſu 26. *ſtater* iis datus eſt , qui accipiebant *didrachma* , pro Chriſto , & pro Petro : de qua re plura diximus agentes de Immunit. Clericorum lib. xx. cap. 17. Ex quo autem *ſtater* idem penderet , ac *tetradrachmum* , liquet numinum inventum in ore piſcis non fuiſſe dimidium *ſicli* , aut *didrachmum* , ſed *ſiclum* ſacrum , duplumque communis . Qui ergo putant *argenteos* Judæ perſolutos fuiſſe profanos *ſiclos* , aſſerere debent venditum Dominum drachmis , denariis , ſive *ſulis* Romanis ſexaginta . Eſti autem complures in hanc ſententiam deſcendant , veriſimilius puto designari Matthæi xxvi. triginta *tetradrachma* , ſive *ſiclos* drachmis quatuor pendentes : ubicunque enim in Scripturis nominantur argentei , *ſicli* intelliguntur , ut Gen. xx. 16. 11. Regum xvi. 11. & 11. Paralip. 7. 17. & quidem *ſicli* pendentes viginti obolis ; nam lxx. reddunt pro *ſiclis* , *ſidrachma* ; ac *didrachmum* Alexandrinum ejuſdem eſt pretii , ac *tetradrachmum* Atticum . Deinde ipſum nomen *argentei* numiſma aliquod ſignificat , non ita ob materiam , ſed ob ſingularem nummi ſpeciem dictum antonomatiçè . Præterea Matthæus xxvi. 9. de triginta *argenteis* , quibus venditus eſt Dominus , impletum ait vaticinium Jeremiæ , *Et acceperunt triginta argenteos pretium appetitiſti* : quod verbis conſimilibus extat in Zacharia xi. 12. atque illud de Zacharia ſumptum putat Hieronymus lib. iv. in Matthæum , inveniri tamen ait in apocrypho Jeremiæ volumine , quod ſibi obtulerat Nazarenæ ſectæ vir quidam . In Zacharia & nos vaticinium illud legimus ; at quæ Jeremias non conſcripſit in libro Canonico , ſed vel prædixit ore , vel in fragmento aliquo reliquit ſcriptum , potuit id Zacharias ſuis vaticiniis inferere ; neque Matthæus erraſſe dicendus eſt . Quod huc ſpectat , Zacharias *ſiclos* argenteos , ſive pendentes quatuor drachmis expreſſit . Fuit ergo Iſcariotes adeo avaritiæ mancipatus , ut 120. *ſulis* Romanis ad patrandum maximum , horren-diſſimumque flagitium potuerit impelli , ac tanti Dominum vendiderit , quanti æſtimatur Exodi xxi. 32. caput ſervi .

III.

Tam vili Dominus , & univerſorum Conditor venditus , traditusque manibus peccatorum , poſt quædam judicialia æſta immaniſſime flagellis cæſus eſt , nudus omnino , & ad columnam alligatus . Numerum quidem verberum definire non auſim , quoniam diverſa ratione hæc numerant S. Vincentius Ferrerius ſerm. de Paraſceve, Joannes Eckius de Chriſti paſſione Art. 4. Conſid. 4. Ludolphus de

Cccc 2

I. 5009.
II. 5375.
III. 5475.

vita

IV. 5460.
V. 6666.

vita Christi p. 2. cap. 58. Lanspergius hom. 50. de Passione, & alii : sed opinionem quorundam asserentium Christi flagellationem non fuisse adeo diram atque cruentam, ut solet tradi, jure meritoque tanquam derogantem Dominicæ passionis atrocitati hoc in loco refellam. Sunt ergo qui affirmant Dominum Jesum ab uno duntaxat lictore flagellis cæsum; quoniam Romanorum jure unicus tantummodo verberandi ministerium obibat, juxta formulam illam Juris: *I lictor, alliga manus, caput obnubito, virgis cadito*. Addunt Pilatum indixisse, ut Christus cæderetur flagellis ad correctionem; nam Lucæ xxiii. 16. inquit Præses: *Emendatum ergo illum dimittam*. Objiciunt & legem Deuteronomii xxv. 3. ut servaretur plagarum modus, ne quadragenarium numerum excederent; quam legem ætate quoque Christi servatam testis est Paulus 2. ad Corinth. xi. 24. scribens, *A Judæis quinquies quadragenas una minus accepi*: ictus enim undequadraginta reis infligebantur, ne excederetur numerus Deuteronomii lege definitus. Addunt ad exaggerandam immanitatem supplicii nonnullos scripsisse cæsum Dominum catenis, virgisque spineis; quum flagella nodosis tantum funiculis fuerint contexta.

Quantum hi alucinentur, commonstrant qui accuratius de Christi flagellatione scripserunt, Alphonsus Paleotus Bononiensis Archiepiscopus in Historia de Jesu Christi Stigmatibus sacræ Sindoni impressis, cap. 5. pag. edit. Duaci 80. Daniel Mallonius in Elucidat. ejusdem Capituli pag. 84. Lipsius lib. 2. de Cruce cap. 3. Tom. 2. pag. 777. Jacobus Gretserus lib. 1. de Cruce cap. 8. pag. 36. Consalvus Durantus Not. in lib. 1. cap. 10. Revelat. S. Brigittæ pag. Rom. edit. 21. Jacobus Bosius in Opere, quod Cardinali Petrocchino Augustinensi nuncupavit, de Triumph. Crucis lib. 1. cap. 13. nec non Gerardus Vossius in Harmonia Evangelica, Tom. vi. pag. 176. At ego hæc reponam. Affirmo 1. distinguendum fustuarium a flagellatione: fustibus enim cædebantur liberi, tenuisque fortunæ homines; nam Romani cives fustibus non subiciebantur, ut liquet ex lege 28. *Capitalium*. D. de pœnis. Servi autem, non solum fustibus, sed etiam flagellis cædebantur, ibidem lege 10. *In Servorum*. II. Affero flagella non fuisse funiculis tantum contexta, sed quædam fuisse *flagra talaria*, talis scilicet insertis confecta; quædam *pecuinis ossibus catenata*; quædam *contortis taniis, ac multinodis simbrinata*; quædam *loris taxillatis* compacta; quædam arte fabricata horribiliori; ut ex probatissimis Auctoribus demonstrat citato loco Justus Lipsius. III. Dico in flagellatione servorum non hanc fuisse adhibitam consuetudinem, ut ab uno lictore, vel certo verberum numero servi plecterentur; scribit enim Ulpianus lib. vii. 1. de pœnis eo loci citatus a Lipsio, *ministeriorum immanitate multos sub bu-*
jussu-

juſmodi flagellis interiiffe . Terentius in Adelphis ſcen. 1. Att. 2. inducit Aelſchinum ita alloquentem :

Uſque ad necem operiere loris . Sannio . *Loris liber* ?

Joſephus lib. v. 1. de Bello cap. v. num. 12. pag. 390. de Jeſu quodam filio Anani ruſtico homine , qui quadriennio ante Jeroſolymorum cladem inceſſanter clamabat , *Va, Va* , ſcribit : *Eum ad præſidem Romanum adducunt : apud quem ad oſſum uſque denudationem laniatus , nec preces , nec lacrymas ullas effudit* . Complurcs denique Chriſti Martyres ſub flagellorum iſtibus effuſſe animam recte ſcribit lib. 1. de SS. Martyrum cruciatibus cap. 4. pag. 98. Antonius Gallonius . Vide & Ruinartium in Acta Hippolyti , ubi explicat pag. 146. verſus Aurelii Prudentii , hymno de Coronis x1.

Inde catenarum tractus , hinc lorea flagra

Stridere , virgarum concrepitare fragor .

IV. Præterea affirmo caſtigationem flagris factam , non fuiſſe ſolam admonitionem , ut rei ſe ſe honeſtius gererent ; citato enim tit. de Pœnis habetur lex v 11. Calliſtrati , *Veluti fuſtum admonitio , flagellorum caſtigatio , vinculorum verberatio* : unde apparet caſtigationem flagellorum fuiſſe pœnam fuſtuario acerbioſiorem . Pilatus etiam flagris Dominum ſubjccit , ut Judæorum livor miſerrimo ſpectaculo fatiaretur , nec uſque ad illius internecionem ſæviret : quod & Hiſtoriæ Dominicæ paſſionis eſt ſenſentaneum , & his verbis traditur ab Auguſtino Tract. 116. in Joan. n. 1. *Hoc Pilatus non ob aliud ſeciſſe credendus eſt , niſi ut ejus injuriis Judæi ſatiati ſufficere ſibi exiſtimarent , & uſque ad ejus mortem ſævire deſiſterent* . Nec veriſimilitudine caret , invidos morti Chriſti inhiantes , ac timentes ne ſententia judicis abſolveretur , pecunia ſanguinarios carnifices corrupiſſe , ut plagas infligerent aſperiores , ſceleſtos verò miniſtros annuiſſe , connivente ob cauſſam prædictam Romano præſide , inſtigantibus Judæorum proceribus , ac Deo propter ſalutem peccatorum id permittente . Unde Hieronymus in cap. 37. Mat. Tom. 1v. p. 136. inquit : *Traditus eſt Jeſus militibus verberandus ; & illud ſacra- tiſſimum corpus , peſcuſque Dei capax flagella ſecuerunt* . Hoc autem factum eſt , ut quia ſcriptum erat , *Multa flagella peccatorum , illo flagellato nos a verberibus liberaremur* . V. Dicendum eſt inſuper flagellatum Jeſum dirè , irreverenter , immaniter , & tanquam humilem ſervulum . Id enim primo commonſtrat ipſum flagellationis nomen paullo ſupra explicatum : quod etiam innuit caſum minime fuiſſe , (ut cædebantur milites , & rei honeſtiores) vitibus , aut fuſſibus ſolis , quæ veſtitiſ ut plurimum inferebantur ; ſed prorſus nudum , funiculis taxillatis , infixiſque aculeis , aliſque acerbioribus flagris ſæde laceratum . Flagellum quippe ita explicat Euthymius cap. 67. in Matt. 27. *quædam verber erat e funiculis , aut loris con-*
ſectum .

textum. Theophylactus in cap. xv. Marci pag. 282. ait : *Flagellavit Dominum, hoc est cecidit eum loris*. Nonnus in cap. 19. Joannis : *Horribili Christi corpus flagello rubefecit*. Prudent. in Enchiridio Tom. v. Bibl. PP.

*Vinctus in his Dominus stetit adibus, atque columna
Annexus tergum dedit, ut servile, flagellis.*

Videatur & S. Brigittæ liber quartus Revelat. cap. 70. pag. 309. Illatum istiusmodi flagellis supplicium, futurum utique horrendissimum prænuntiatum fuerat Ps. xxi. 18. xxxiv. 15. lxxii. 14. Isaïæ liii. 2. 5. atque hæc vaticinia fuisse completa etiam ex notis sacræ Taurinensis Sindonis Chiffetius, & Mallonius demonstraverunt. VI. NonJudaico more, sed Romano flagellatus est Dominus, ideoque ex lege Deuteronomii colligi nequit numerus verberum. Lege enim Moisaica verberandus debebat prosterni. At Jesus ad columnam alligatus fuit; quæ etiamnum visitur Romæ in Templo S. Praxedis, huc translata, sedente Honorio III. anno 1223. a Joanne Cardinali Columna, ut narrat Panvinus noster in libro de septem Urbis Ecclesiis, Raphael Volaterranus lib. 2. Anthropologiæ, & citato loco Jacobus Bosius. Quare columna, de qua Hieronymus in Epitaphio Paulæ Tom. iv. pag. 674. *Ostendebatur illi columna Ecclesiæ porticum sustinens infecta cruore Domini, ad quam vinctus dicitur flagellatus*, non est quæ Romæ affervatur, neque hæc illius pars, ut complures scripserunt; sed columna altera, ad quam Salvator vinctus est post carnificum verbera cruore perfusus, quod etiam innuit, si probe intelligatur, Hieronymus. Nam quæ Romæ colitur, integra est, & trium duntaxat altitudine palmorum atque dodrantis, flagellationi quidem accomodatior, cum totum corpus ad eam revinctis manibus alligatum. verberibus plagisque patuerit. Hunc morem servos flagellandi fuisse apud Romanos tradit Josephus Laurentius Lucensis de Tormentis cap. 7. Tom. vi. Thes. Antiq. Græc. idque ostendunt citato loco Lipsius, & Vossius ex Plauto in Bacchide Act. vi. scena 7.

Abducite hunc

Intro, atque adstringite ad columnam fortiter.

Apparet ex dictis quàm infirma sint argumenta initio hujus paragraphi collocata. Gratis enim dato, quod aliquando lictorum unus plagas infligeret, cum fustuarium pars erat extremi supplicii; fustigatio tamen ex Polybio lib. 6. & Sigonio de Antiq. Jure Rom. lib. 1. cap. 16. ac pariter castigatio, idest, verberatio servorum, peragebatur ad nutum tribuni, vel præsidis, quandoque ab universis militibus, ita, ut complures verberum immanitate interierint, id asserente Ulpiano. Quod sequitur redolet grammaticalem incitiam; *admonitio* enim, & *castigatio*, ubi de suppliciis agitur, non significant

eant correctionem , sed plagas fustibus , flagrisque illatas ; ut ostendimus ex lege Callistrati : & quod est in Luca *transiit , emendatum* , respondet Latino , *castigatum* . Quare dum ait Pilatus , *Emendatum ergo illum dimittam* , innuit dimissurum se Christum flagellis caesum : quamquam varia tum animo versaret consilia , ac postea præter fas jusque pronuntiavit sententiam . Petitam ex lege Deuteronomii objectionem id retundit , quod Jesus flagris fuerit subiectus juxta Romanorum consuetudinem : unde recte Hieronymus in cap. 27. Matthæi : *Sciendum est Romanis eum legibus ministrasse* . Postremam facile diluimus , quoniam flagrorum diversa fuerunt genera , nec ea funiculis tantummodo texebantur , sed *servilia* , atque atrociora verbera funibus , virgis , loris , stimulis , & catenis quoque inferebantur , ut Levinus Torrentius commonstrat ad ea verba Horatii lib. 1. sat. 3. *horribili sceleris flagello* . Sævum præterea in servos nequam , hominesque viliores atrocissime , dum ad columnam Meniam verberabantur : de qua Cicero Divinat. in Verrem , & Asconius Pedianus , Carolus de Merouville , alique in Ciceronem

IV.

Flagellis addidere milites coronam spineam , coccineam chlamydem , & pro regali sceptro arundinem ad ludibrium augendum , & risum concitandum , *sive hæc Pilatus jussit , sive permisit* ; inquit Augustinus Tract. cxvi. in Joan. num. 2. Invaluit opinio coronam illam è marinis juncis fuisse contextam : quod asserunt Auctor Dialogi de Passione Domini inter Opera Anselmi , Suarez Tom. 2. in 111. Partem disput. xxxv. 3. Durandus in Ration. lib. vi. cap. 77. Serrius Exercit. 111. num. 7. Gravesonius dissert. xx. §. 2. nec repugnat Sandinus de Christo Domino cap. 15. Fulcitur hæc sententia duplici argumento ; quorum unum petitur ex ipsis marinis juncis , habentibus aculeos oblongos , multoque spinis rubi , aut rhamni duriores : alterum promitur ex eadem corona Domini , quæ a sanctissimo Gallorum Rege Ludovico IX. ingenti redempta ære , summa nunc religione Parisiis colitur . Hinc Serrius pronuntiat ex tripode , spinas omnes , quæ variis in locis ad fidelium cultum asservantur , si ex rhamnibus sint , aut dumis , vel sentibus , omnino habendas tanquam suppositas . Censeo nihilo tamen minus plexam coronam illam ex illo spinarum genere , quod appellant rubum , aut rhamnum , ut contendunt Baronius ad annum Christi xxxiv. num. 86. Daniel Mallo-nius cap. 12. Bosius lib. 1. cap. 14. Jacobus Gretserus lib. 1. de Cruce cap. 12. Lorinus in Psal. 57. Vossius quoque in Harmonia lib. 2. c. 5. necnon Natalis Alexander in Evangelium Matth. pag. 732. Movet autem me primum , quod Evangelistæ expresse ajunt textam coronam illam *ex spinis* , *ἐκ ἀκανθῶν* , Matth. xxviii. 29. Marci xv. 17. Joan. xix. 2. A nullo autem scriptore , inquit Vossius , nomine *ἀκανθῶν* intelli-

telligitur *ἐξῆχμος*, *acutus juncus*. Nullam deinde Versionem reperi habentem aliud vocabulum, quam *spinarum*: imò in Syriaca legitur *coronam rhamnorum*, in Polyglotis Waltonianis Tom. vi. pag. 46. Omnes pariter antiqui Patres coronam *spineam* appellant, Tertull. de Corona cap. 14. Chrysostomus hom. lxxxvi. 11. in Matth. Hieronymus Tom. 4. pag. 136. Augustinus citato loco, & alii. Afferunt præterea Patres coronæ spinæ symbolum: ac Tertullianus ibidem ait Domini tempora spinis *lancinata*, in figuram *delictorum quæ nobis protulit terra carnis*. Similia habet Isidorus lib. 1. epist. 95. Tom. vi. 1. Bibl. PP. pag. 544. S. Pater Augustinus serm. 1v. ex additis a Sirmondo, nunc xix. num. 3. ait Dominum figuratum in ariete hærente vepribus, quem Abraham mactavit pro Isaac. Hieronymus verò in rhamno, quem dicit *sentium genus asperrimum aculeis*, & *flore gratissimum*, figuratam agnoscit duplicem Christi virtutem; nam *justis floret ad ornatum*, peccatoribus *præbet spinas ad confringendum*. Videtis in Pf. 57. Tom. 2. pag. 268. Præterea Clem. Alex. lib. 2. Pedag. cap. 8. pag. 183. disertè docet universorum Dominum olim Moï in rubo apparuisse, postea spinis coronatum instaurasse *veteris descensus principium*: ibique contendit rubum fuisse *ἐκασθῆς ποῖα*, *dumosam plantam*, ac Dominum coronatum *ἐξ ἀκασθῶν*, *ex dumis*. Argumenta denique in contrarium producta nullam vim habent: juncus enim marinus caret in fuste aculeis, ac tantum in oblongam spinam definit illius acumen. Exhibet omnigenas junci acuti species Rembertus Dodonæus Pemptadis 1v. lib. 5. num. 19. & alii, qui pertractarunt de plantis. Nec in Hierosolymorum districtu germinant *ἐξῆχμος*, ubi tamen berberum, rhamnorum, ac sentium copiosus proventus. Sacra ergo Corona Parisiis servata asperrimis rhamni sentibus plexa est, aculeis tamen marini junci parum absimilibus; nullus enim spinosus frutex frequentior eo rhamni genere, quod Arabes vocant *Albansegum*, nascitur in Hierosolymitano agro; ut libro 2. Observationum pag. 344. testatur ocularis inspector Petrus Bellonius Cenomanus. Quare vir eruditissimus Parisiensis, P. Hyacinthi Serry olim præceptor, & quem latere non poterat sacer Parisiorum thesaurus, Natalis Alexander in cap. xxvi. 1. Matth. num. 12. scribit: *E spinis & rhamno acceptis, qui locis illis frequens, coronam ex illis plectentes imposuerunt eam super caput ejus, diadematis instar regii, in ludibrium simul ac supplicium*. Atque talis viri auctoritate Serry, & Grave-sonio abunde satisfactum esse arbitramur.

V.

Dimisso Barabba humani generis typum gerente (*Bar-abba* enim idem sonat, ac *filius Patris*) Christus ad crucem damnatus suppliciumque gestans suum, ad montem urbi Jerosolymæ proximum,

ximum, cui nomen *Calvaria*, trahitur crucifiſgendus . In occurſum ejus veniſſe fertur pia mulier, lineoque, aut bombycino velo manantem e Jeſu vultu ſanguinem, ſudoremque abſterſiſſe, expreſſa divinitus in panniculo ſacrati vultus imagine . Quod, ut alia plura pietatis, ac traditionis monumenta, poſt audacem hæreticorum hominum conatum, alii quoque critici tentarunt evertere . Scripſi autem pag. 118. a me abſque ulla hæſitatione communem ſententiam teneri, ubi præſertim agitur de opinione, quæ fidelium inſedit animis, neque inconcuſſis monumentis obruitur; idque, dum pertractatur de Veronica, (ita piam appellant mulierem) omnino ſervandum exiſtimo . Neque idonea ſunt, quæ virum cordatum nonnihil moveant, criticorum illorum objectamenta . Inquiunt neminem veterum Sudarii Veronicæ meminiſſe: altiſſimum hujus rei eſſe ſilentium non modò in Evangelio, verum etiam apud omnes Eccleſiæ Patres, & medii etiam ævi Scriptores: cadente duntaxat ſæculo undecimo Marianum Scotum, auctorem lubricæ fidei, & eruditionis exiguæ, hanc primum omnium cuſiſſe fabulam: ab illo quidem laudari Methodium quemdam, ſed hunc non eſſe magnum Tyriorum Antiſtitem, in cujus ſcriptis minime iſta narrantur; fuiſſe denique *Veronica* nomen tota retro antiquitate prorfus ignotum; neq; aliud Græce hoc vocabulum *Veronica* ſonare, quàm *vera Imago* . Hæc Exercit. LIII. num. 4. Hyacinthus Serry .

Iſta tamen non videntur ad labefactandam piam traditionem idonea . Servatur enim in Bibliotheca Vaticana Sudarii Veronicæ Hiſtoria antiquiſſimis literis exarata . Ait quidem Serrius non eo titulo libellum auctoritatem obtinere, quod in Bibliotheca Vaticana ſervetur, quæ alibi ab ipſomet Baronio aſſimilatur ſagenæ *ex omni genere piſcium congreganti*: at de antiquitate & auctoritate Vaticani Codicis legendus erat Pameliuſ ad cap. XII. Apologetici Tertulli. num. 184. ubi ait: *Ejus imaginis Romam ſub Tiberio adveſta hiſtoriam graviter conſcriptam, & antiquiſſimo charactere MS. totam perlegiſſe ſe mihi retuliſſimus Theologus Thomas Stapletonuſ Angluſ* . Perperam in Marianum Scotum ſcriptorem ſui ævi præclarum inſcitia fraudiſque notæ ingeruntur . Methodii Martyris extant nunc tantùm Convivium Virginum editum a Combeſſio, & Pouſſino, & fragmenta quædam ex Epiphania & Photio collecta: cetera, ut inquit Dupiniuſ Volum. I. novæ Biblioth., perierunt . Fruſtra ergo conſicitur de *Sudario* nil ſcripſiſſe Methodium, qui in perſecutione Diocletiani Martyr occubuit . Nec movemur noſ ſolius Mariani Scoti teſtimonio, ſed Romanorum Pontificum erga Veronicæ velum antiqua ac ſingulari pietate . Ad illud enim cuſtodendum Joanneſ VII. conſtruxit teſſellati operis *hyparion*, quod dictum eſt *S. Maria in Beronica* . Meminere Imaginiſ Salvatoris

To.V.

D d d d

eodem

eadem in velo expressæ Innocentius III. Serm. in Dom. 1. post Epiph. pag. 19. Honorius III. Alex IV. & alii apud Chiffetium de Lineis Sepulch. cap. 34. Gretserum de Imaginibus non manufactis cap. 17. Mallonium cap. 1. Augustinum Calcagninum de Imag. Edeffena Obf. 27. Sandinum in Historia Familiæ sacræ, de Christo Domino cap. 19. Is tamen post Gretserum, ni fallor, labitur dum ait meminisse *Sudarii Veronicæ* Anastasium Bibliothecarium in vita Stephani II. qui Pontifex renunciatus anno 752. ad opem divinam implorandam adversus nequissimum Longobardorum regem Aistulphum, indixit supplicationem, in qua nudis pedibus incedens gestavit sanctissimam Christi imaginem *non manufactam*. Scripsi pag. 116. confundi a viro doctissimo cum *Sudario Veronicæ* Imaginem SS. Salvatoris *Acbiropitam* ad Sancta Sanctorum: quam gestasse Stephanum liquet ex eodem Anastasio pag. 198. novæ edit. ubi ait sanctissimum Papam gestasse sacram Imaginem *proprio humero* ad Ecclesiam S. Mariæ ad Præsepe, è Lateranensi scilicet Basilica, ubi ante *lataniam* ad populum effusè lacrymantem peroraverat. Attendendus est cum locus, tum gestandi modus: sacra enim ad Sancta Sanctorum Imago in tabula picta est altitudinis palmorum VII. latitudinis III. At de Stephani supplicatione, & gestata ab eodem Imagine Salvatoris Panvinius de VII. Urbis Eccl. pag. 191. Carolus Sigonius lib. III. de Regno Italiæ ad annum 753. Cæsar Rasponi de Basilica Lateranensi lib. IV. cap. 19. & Victorius in Explicat. *Nammi ærei* Musei sui p. 1. cap. 12. Sudarium autem Veronicæ comprobant monumenta alia quamplura, ac vetusta Martyrologia, de quibus eo loci Gretserus, & ad IV. diem Februarii Bollandus. Commemoratur ibidem etiam Missa S. Veronicæ in Missali Ambrosiano typis impresso anno 1560. & in Augustano edito an. 1555. ubi extat *Sequentia*:

*Salve sancta Facies
Nostri Redemptoris,
In qua nitet species
Divini specudoris,
Dataque Veronica
Ob signum amoris, &c.*

Laudantur & monumenta Ecclesiæ Giennensis in Hispania, quæ pariter de *Sudario Veronicæ* gloriatur, fertur enim sanctæ mulieris Velum fuisse duplum, aut etiam triplum. Veronicam dictam ipsam imaginem putat quoque Natalis Alexander in Synopsi 1. sæculi art. 5. num. 5. Accedit vir Cl. Joan. Mabillonius in Itinere Italico Litterario ad an. 1685. num. 9. ubi ipsam imaginem dici *Veronicam* demonstrat Petri Mallii, Romani, Petri Diaconi, Augustini Patricii, aliorumque testimoniis. Verùm ait postmodum Mabillonius: *Si tamen Veronicæ nomen primum mulieri, & ab hac imagini tributum præ-*
fratæ

fraſſe velint alii , per nos licet . Sanè Hieroſolymis diu perman-
ſiſſe S. Veronicæ domum ſcribit Adrichomius 2. p. deſcript. Jeruſalem
n. 44. pag. 154. At , inquiunt , nomen *Veronica* tota antiquitate igno-
tum fuit . Derivatam dicimus a *Berenice* : quod negare non audet
Voſſius ſcribens in Harmonia lib. 11. cap. 6. num. 8. *Veronica nomen
corruptum ex papius , ſive potius ex Beporion .* Ac Tillemontius Not.
xxx 111. in Jeſum Chriſtum : *Mais ce pourroit bien être le même nom ,
que celui de Berenice , aſſez commun en ce tems-là parmi les Juifs .*
Reſtè Baronius *Berenicem* appellat ad annum xxxiv. num. 138. Si-
mulacro tamen ſanctæ mulieris in Vaticana Baſilica ſub Condito-
rium magnificentius extructum ab Urbano VIII. anno Jubilæi 1625.
inſcriptum legimus : S. VERONICA HIÉROSOLYMITANA . Ha-
tenuſ de *Sudario Veronica* .

VI.

Sequitur , ut quambreviſſime agamus de Domini crucifixione ,
de qua cum omnes Interpretes diligentiffime pertractent , fat crit , ſi
perpauca ex accuratioribus delibemus . In diſquiſitionem veniunt
locus , tempus , crux , & modus affixionis . Ad locum quod atti-
net , *Golgorba* Syriaco nomine appellatur , elifa litera ex גולגתא
Golgotha , Hebraico גולגל *Gilgal* , caput , cranium , calvaria : unde
Matth. xxvi 11. 33. *Et venerunt in locum , qui dicitur Golgotha ,*
quod eſt Calvarie locus . Quaritur , an *Calvaria* nomen derivatum
ſit ex eo , quod illic facinorofis detruncaretur caput , vel quod ibi-
dem ſepultum eſſet Adæ *cranium* : at quoniam hac de re diſſeruimus
diſputantes de reſipſcentia primi hominis lib. x 11. cap. 14. eadem non
ducimus repetenda . Eſt *Golgotha ad ſeptentrionalem plagam montis
Sion* , ex Hieronymo de Locis Hebraicis Tom. II. pag. 45. proximus
civitati , extra portam *Jebus* , ſive Judiciariam , petroſus , & me-
diocriter altus , ex Adrichomio in deſcriptione Jeruſalem num. 166.
& 235.

De anno , ac die crucifixionis Dominicæ plura cap. præcedenti .
Nonnihil difficultatis ingerit circa definiendam horam , quod ait Mar-
cus xv. 25. *Erat hora tertia , & crucifixerunt eum* : nam Joannes
xix. 14. id factum narrat *Paraſceves hora quaſi ſexta* . Sunt qui pu-
tant in textum Marci mendum irrepiſſe incuriã Amanuenſium per-
mutata numerali litera γ . in ε . quam ſententiam tradit Hieronymus
Breviario in Pfalt. Tom. 1 11. pag. 316. his verbis : *Error ſcriptorum fuit .
in Marco hora ſexta ſcriptum fuit : ſed multi epiſemum Græcum ε ,
putaverunt eſſe γ : ſicut & ibi error fuit ſcriptorum , ut pro Aſaph ,
Iſaiam ſcriberent* . At de Commentariis Hieronymianis in Pfalmoſ.
legenda admonitio Joannis Martianæi eodem volumine pag. 118.
Quidam è contra cenſent falſatum textum Joannis : & quidem Peta-
vius lib. x 11. de doctrina temp. cap. 19. pag. 454. teſtatur Petrum Ale-

Messiae man. & pedum transf. & hæreticorum alii. Vindicarunt egregie hunc locum Lorinus in Psal. pag. 380. Huetius in Demonstrat. Evangelica Prop. 1x. cap. 127. Galatinus de Arcanis Cath. veritatis, v. 111. 17. aliique bene multi: quorum hæc sunt argumenta. I. Hieronymus Hebraicæ linguæ peritissimus, aliique Veteres reddidere, *Foderunt*. II. Similiter Lxx. verterunt, *ἀπέλασαν ἀντὶς μου, καὶ τὰς τρίδας, Foderunt manus meas, & pedes*. III. Idem habent Versiones Aethiopica, Syriaca, & Arabica, Tom. 111. Polygl. pag. 116. IV. Testatur Isaac Levita apud Huetium, & R. Jacob Ben Chaiim in Masora magna, in quibusdam Exemplaribus correctis scriptum in textu, *Charû*. V. Manifestum est literam *א* aliquando esse *servilem*, & in dictione locari *per epeutbesin*; si autem *radicalis* non sit, nequaquam subsistit lætio, *sicut leo*. Duo hic addimus singularia: ac primum, quod Felix Pratenfis nostri Ordinis in suo Psalterio pag. 13. 2. jurejurando testatur vidisse se quemdam librum magnæ apud Judæos auctoritatis habentem כרר, *foderunt*, & Cabbalistas altiora speculantes fateri, ubi legitur כאר, *Chari*, literam *א* esse *servilem*, ac positam, ut idem in hac voce resuletur numerus, ac est in literis nominis tetragrammaton, ירהר. Alterum est, quod Felicis Pratenfis testimonium confirmat. Doctissimus Martianeus in notis ad Tom. 1. Hieronymi pag. 850. laudat Hebraicum Codicem Colbertinum, qui antiquam & propheticam vocem *Charû* retinet; & nullo puncto apposito literæ *א*, ipsam litera obelo confixâ, aptissime demonstrat eandem esse *servilem*. Atque his præcitatum Psalmi textum extra omnem controversiam, & perspicuum esse contendimus. Nam quod Judæi obiciunt a suis moribus abhorreere suffixionem noxiorum, id miserrimum subterfugium est; cum ipsi tradiderint Jesum extremo supplicio plectendum Romano Præsidi, tunc in Palæstina capitalia judicia exercenti.

Romano itaque more, & quidem clavis, Dominus suffixus est cruci. Ex quo ligno crucem fabricatam existimamus? Non desunt qui scribant ex quatuor lignorum generibus; & est in Glossa ad primam Clementinam de summa Trinitate expressa hæc sententia versus: *Ligna crucis sunt Palma, Cedrus, Cypressus, Oliva*. At unius generis lignum fuisse, & quidem ex quercu, arbore apud Palæstinos crebra & frequenti, contendunt Justus Lipsius lib. 111. de Cruce cap. 13. Noster Angelus Rocca in dissertat. de SS. Crucis particula, Serry Exercit. 54. num. 1. Joseph Laurentius Lucensis in disquisitione ad Lælium Altogradium cap. 7. Gravefoniuss dissert. xx. & alii complures. Ducuntur verò his argumentis. I. In crucifigendo roboris, vel quercus usum esse, colligitur ex Silio lib. 1. ubi ait, *Quem postquam diro suspensum robore vidit*. II. Crux facta est de ligno aliquo obvio ac prompto, qualis profecto est quercus, ob duritiem quoque

que fixationi aptissima. III. In typum hujus transfixionis Deus sub quercu fœdus iniit cum Abraham, Gen. xvi. 1. 18. sub quercu Jacob idola defodit, Gen. xxxv. 4. sub quercu etiam Josue fœdus percussit, Jos. xxiv. 26. Demum sacratissimi Ligni frustra, quæ etiamnum extant, speciem ligni quercus præferunt. Hæc tamen a me nequeunt extorquere assensum, firmum saltem, ac certum. Non primum argumentum; nam Silius *dirum robur* appellat crucem, ut Ennius, Catullus, Maro navim solent appellare *alium*, *pinum*, *abietem*, usurpata specie lignorum pro genere. Non secundum; nam deceptum Lipsium, & quercum in Judæa rarissimam esse liquet ex libro 2. Observationum Petri Bellonii pag. 331. & 344. Non tertium; etenim, in typis non requiritur omnimoda similitudo: ac præterea non subter quercum, sed subter terebinthum Jacob infodit idola; defixioni etiam, & cruci, quæ de Abraham, Jacob, & Josue dicta sunt, non undequaque conveniunt. Non quartum denique; nam lignorum frustra, præsertim Palæstinæ arboris, ac tot annorum intervallo immutata colore, atque attrita, non adeo facile dignoscuntur. Me itaque fugit, cujus generis sit sacratissimum Lignum: aliorumque nec probo, nec refello sententiam.

In eadem sum hæsitatio circa lignum *varium*, *suppedaneum*. Legi quæ de hoc ligno scribunt Feuardentius, & Ernestus Græbe in Irenæum lib. 2. cap. 42. nunc 24. Gretserus lib. 1. cap. 24. Raynaudus in Metamorphosi Latronis cap. 3. num. 2. Honoratus lib. v. Animadvers. dissert. 4. nec non Salmasius de Cruce pag. 362. Vossius libro 11. Harm. cap. 7. num. 2. Nicolaus Fullerus lib. 1v. Miscellaneorum sacrorum cap. 12. Qui *suppedaneum* adstruunt, his momentis ducuntur. I. Irenæus citato loco num. 4. scribit: *Et ipse habitus Crucis fines habet quinque, duos in longitudine, & duos in latitudine, & unum in medio, in quo requiescit, qui clavus affigitur*. II. Antiquior Irenæo Justinus in Dialogo cum Tryphone pag. 318. agnoscit in cruce *lignum in medio impactum, in quo cruciarii vebuntur, ac insident*. Innocent. III. serm. 1. de uno Martyre pag. 171. inquit: *Puerunt in cruce Domini ligna quatuor, stipites erecti, lignum transversum, truncus suppositus, & titulus superpositus*. Gregorius Turonensis de Gloria Martyrum cap. 6. ait: *In stipite erecto foramen factum manifestum est. Pes quoque parvæ tabulæ in hoc foramine inseritur: super hanc verd tabulam, tanquam stantis hominis sive affixæ sunt plantæ*. III. Laudari solet pro hac sententia Tertullianus lib. 11. contra Marcionem cap. 18. & adversus Judæos cap. 10. IV. Traditionem hanc confirmant vetustæ imagines, (inquit Honoratus) de quibus Lipsius in Tract. de Cruce, & Cornelius Curtius in libro de Clavis Dominicis.

Verum, ut fatear, ambigua hæc sunt, excepto solius Gregorii

rii Turonensis testimonio. At Gregorius cum obierit paullo ante, annum sexcentefimum, nequit solus certissimam traditionem constituere. Justinus enim, Irenæus, Tertullianus, an de suppedaneo intelligendi sint, an de mediano ligno prominenti, cui suffixus quodammodo infideret, est valde incertum. Sanè lignum in medio impactum, lignum in quo cruciarii insident, atque, ut loquitur Tertullianus, *sedilis excessus*, sive, *unicornis in medio stipite palus*, denotare potius videntur medianum stipitis arrectarii lignum, quam *hypodion*. Non tamen Salmasio, ac Vossio tantum defero, ut ipsis omnino assentiar. Nam Justinus verba, *ip. d. cruciarii, cui insident*, reddere possumus cum viro docto, *cui insistunt*; Tertullianum verb de ipso palo arrectario, cui accefferit suppedaneum, commode possumus interpretari. Innocentii III. verba vel de *trunco* basi crucis apposito, vel de *trunco*, cui rectus crucis stipes immissus fuerit, possunt facilius exponi: nam *truncus* proprie non est suppedanea tabella, sed pars arboris major, unde rami enascuntur. Imagines crucis apud Lipsium omnes, una excepta, carent suppedaneo; & idem Lipsius lib. 2. c. 10. suppedaneum potius rejicit, quam adstruat, scribens non fuisse *fabricam crucis tam delicatam & accuratam*, ac truncum, de quo Innocentius, fuisse obliquum crucis sustentaculum, non minutam tabellam, cui pedes insisterent. Nec *suppedaneum* habent antiquæ imagines apud nostrum Curtium delineatæ, si unam, vel alteram excipias; & falsus est Honoratus. Argumenta itaque ab hoc auctore, & a Gretsero primum, pro suppedaneo crucis producta, nullius sunt roboris. Quare in dubitationem magis trahor, sed tamen Gregorii Turonensis sententiam temerè non oppugno.

Ex vetustis Crucifixi imaginibus, de quibus erudite pertractat Curtius, potius inferitur, non tribus, sed quatuor clavis Dominum Jesum fuisse suffixum, quam sententiam video probatam Bosio lib. 1. cap. 15. Justo Fontanini de Corona Ferrea cap. 1. & præclarissimis Scriptoribus ab eo laudatis, & quibus addendus noster Angelus Rocca in præcit. dissert. cap. 4. Serry Exercit. 54. num. 3. Gravefoniuss dissert. 20. §. 2. & Sandius cap. 15. Prima itaque ratio pro hac sententia petitur ex prælaudatis Crucifixi *iconibus*: referunt enim Jesum quatuor suffixum clavis, ac pedibus disjunctis, cruribusque divaricatis Imago sanctissimi Crucifixi Lucæ asservata; quæ colitur Siroli in Piceno: *Iconismus* Romæ in Sacratio Apostolico servatus, & quem anno 450. misit Leoni Magno Juvenalis Jerosolymitanus Episcopus: altera Crucifixi imago, quam Carolo Magno fertur attulisse cælestis Angelus: & argentea, quam idem Carolus dono dedit Basilicæ S. Petri: item quæ colitur in Conventu nostro Burgenfi, aliæque complures. II. Eundem clavorum numerum exhibet aureus num-

nummus, de quo Curtius pag. 119. aſſervatus in Hannonia in Monafterio Lætiensi. III. Quatuor clavos connumerant Innocentius III. ſerm. 1. de uno Mart. Gregorius Turonenſis lib. 1. de Gloria Martyrum cap. 6. Lucas Tudenſis lib. 2. adverſus Albigenſes cap. 11. Tom. xxv. Bibliothecæ Patrum. IV. Idem clavorum numerus eruitur ex Revelationibus S. Brigittæ lib. 1. cap. 10. in quem locum legendus Conſalvus Durantus. V. Serrius & Voſſius eundem Clavorum numerum ſtabiliunt ex quo Ruſinus lib. 1. H. Ec. cap. 8. de Helena Conſtantini matre ſcripſerit, *Clavos quoque, quibus corpus Dominicum fuerat affixum, portat ad filium: ex quibus ille franos compoſuit, quibus uteretur ad bellum: & ex aliis galeam fertur arm-poſuit*, quibus uteretur ad bellum: & ex aliis galeam fertur arm-poſuit. Theodoretus pariter lib. 1. cap. 18. pag. 48. edit. Valeſii ait: *Clavorum partem galeæ imperatoris inſeruit: partem vero freno equi illius admixcuit*. At Ambroſius in Orat. de obitu Theodoſii num. 47. inquit: *De uno clavo franos fieri præcepit, de altero diadema intexuit*. VI. Producentur verba Plauti in Moſtellaria Act. 11. ſcena 1. *Affigantur bis pedes, bis brachia*: ſed videtur ſenſus eſſe, ut ſervulus ad majorem cautionem bis affigeretur, ideſt, binis clavis in, utraque manu, & pedibus: quod vidit Lipſius lib. 2. cap. 9. & in Plautum Taubmannus. Adde pro libito affixos reos clavis tribus, aut quatuor, jure Romano, ut legimus Tom. v1. Theſ. Antiq. Græcarum pag. 3691. Nil ergo ex Plauto concludas. Clavi Dominici 25. variis in locis ſervantur: quidam tamen veris conſimiles, horumque contactu, aut ſcobe aliqua conſecrati, quidam forte ex iis, quibus confixi ſunt Martyres myſtica Chriſti membra, ut ait Baronius ad annum 326. n. 54.

Suffixum cruci Redemptorem ſpectaſſe Occidentem, tradunt Germanus in Theoria rerum Eccleſiaſtic. Damascenus lib. 1v. cap. 13. & alii apud Gretſerum lib. 1. de Cruce cap. 27. & Voſſium lib. 11. Harm. cap. 7. num. 36. Hinc mos veterum orandi Orientem verſus, ut legimus lib. 2. Conſt. Apoſt. pag. 264. quam conſuetudinem propter hæreſim Manichæorum corpus inſeſcentes verſus naſcentem Solem ab ipsis adoratum, carpit S. P. Auguſtinus diſp. 1. contra Fortunatum, num. 3. & lib. xiv. contra Fauſtum cap. 11. nec non Magnus Leo ſerm. v11. de Chriſti nat. cap. 4. De Crucifixo ſpectante Occidentem inquit Sedulius lib. 1v. aliàs v.

*Occiduo ſacra lambuntur ſidere Planta,
Arſton Dextra tenet, medium Lava erigit axem.*
VII.

Cetera, quæ ſpectant ad redemptionem peractam, ſpeciali diſquiſitione non indigent. Scimus quæ de crucifixoribus Domini ætate noſtra diſputata ſunt, aut potius recocta, nec deſſe qui immane illud munus adtribuerint Bruttiis, incolis ſcilicet extremi tra-

To.V.

Eccc

Etus

Ætus Italiæ, quem Geographi appellant Calabriam; Bruttiorum enim fines ad Tyrrhenum mare Latius amnis, ad mare Siculum, sive Tarentinum sinum, Sybaris fluvius. Derivata hæc sinistra opinio ex fragmento Catonis apud Gellium lib. x. cap. 3. *Decemviros Bruttiani verberare*: in quem locum scribit idem Gellius, Bruttios ex quo desciverant ad Annibalem, ignominie causa e militum albo dispuñctos, ac Magistratibus in provincias euntibus deinceps vice fervorum ministrasse, quos erant iussi, vincientes ac verberantes. At arenoso fundamento innititur illata Bruttiis calumnia. Primo enim gratis concessis quæ scribit Gellius, non sequitur Bruttios duntaxat objisse lictorum, ac lorariorum munera, ut ad annum Christi xxxiv. num. 84. animadvertit eximius Annalium Auctor. Accedit post prælium ad Cannas commissum defecisse ad Annibalem non solum Bruttios, verum etiam Atellanos, Calatinos, Samnites, Lucanos, Locros, Cispalinos, aliosque Italiæ populos fama ingentis victoriæ permotos, ut liquet ex Tito Livio in fine libri xx. 1. & adnotatum est in Scholiis Ascensianis ad Gellium pag. 71. Rediisse postea Bruttios in pristinum apud Romanos honorem, & in eos deductam Latinam coloniam, scribit idem Livius lib. xxxiv. num. 52. Præterea Brutianos, de quibus Catonianum fragmentum, alios esse à Bruttiis demonstrat in erudita de hoc argumento dissertatione num. 12. & 13. vir Cl. Petrus Polidorus. Nunquam Brutianos aureo flore faculo dictos Calabros, evincit vir doctissimus Tullii, Livii, Plinii, aliorumque testimoniis. Adde Græcos, Dionysium Afrum, Stephanum, Diodorum, Strabonem: de quibus Cluverius lib. iv. Italiæ Antiquæ cap. 15. Ad hæc non lictores tantum, sed & legionarios milites, necnon Tribunos noxiis extremum supplicium intulisse, ante ipsum Polidorum demonstraverat luculenter lib. 1. de Cruce cap. 25. Jacobus Gretferus. Ex Evangelio insuper perspicuum est, crucifixum Dominum a militibus, Joannis xix. 2. 23. 24. 32. 34. Eadem est sententia Patrum. Tertullianum de Corona Milit. cap. 11. produxerat loco citato Baronius. Alios Patres laudat Polidorus num. 47. præcit. dissertationis, & in Prolegomenis ad Barrium Thomas Aceti. Tandem ex quo milites diviserint Christi vestimenta in quatuor partes, & *unicuique militi obtigerit pars una*, Joan. xix. 23. sequitur quatuor milites fuisse Domini crucifixores: *Unde apparet quatuor fuisse milites, qui in eo crucifigendo Præsidi paruerunt*, inquit S. P. Augustinus Tract. cxviii. in Joan. num. 2. Judæi quatuor palliorum angulis assuebant vittas hyacinthinas, Num. xv. 38. & Deut. xxii. 12. Hinc fortasse discisse Christi vestes supernæ. Nam interior inconfutis, utrimque conclusa uni militum forte obvexit. De hac Euthymius in cap. 27. Matthæi pag. 117. scribit: *Hanc verd tunicam è traditione Patrum accepimus opus fuisse Dei*
Ma-

Matris , a ſuperioribus partibus contextam , veluti ſunt apud nos capitulis , aut pedum hyemalia operimenta . Ex his conſtat perperam , in Bruttios unius Auli-Gellii auctoritate conſtari calumniam . Adeat , qui plura deſiderat , Perrimezzium , Poliſichium , Sandinum , Accetium , Polidorum .

De tenebris moriente Chriſto factis *ſuper univerſam terram* , ſatis ſuperiori capite ; ubi oſtendimus de his locutum Phlegontem , ut etiam lib. 2. de Mundi creatione teſtatur Philoponus . Alucinatur ergo , qui putant a Phlegonte notari aliam eclipſim ab ea , quæ deſcribitur in Evangeliiſ : errant etiam , qui *per univerſam terram* putant ſignari Judæam , ducti Origenis expoſitione , ut Eraſmus in cap. 27. Matthæi , Voſſius in Harmonia lib. 2. cap. 10. ac nuper Ser-ry Exerc. 57. Sed reſutantur a Melchiore Cano lib. xi. cap. 2. Huetio Demonſtrat. Evang. prop. 111. num. 8. Schelſtratio diſſert. 1. cap. 4. num. 10. Tillemontio Not. xxxv. in Jeſum Chriſtum , Nataſi Alex. in Evang. , ab aliis . Et quidem oppoſitum argumentum de ſilentio Scriptorum eliditur Phlegontis auctoritate . Adde harum tenebrarum meminiffe Thallum Gentilem apud Julium Africanum , ut vidit etiam Grotius in Matthæum : relatas in Ethniconum Archivis , aſſerunt Tertullianus cap. 21. Apologetici , & Lucianus Martyr Antiochenus apud Ruſ. lib. 1x. Hiſt. Eufebii , cap. 6. Hieronymus in Matth. cap. 27. ait eos , qui ſcripſerunt contra Evangelia , ſuſpicari Evangeliſtas ob imperitiā malè interpretatos deliquium ſolis , quod certis ſtatutiſque temporibus ſolet accidere : id verbò Sanctus Doct̃or reſellit , ex quo nunquam naturalis ſolis defectus contingat in plenilunio , nec breves ac ferrugineæ fuerint illæ tenebræ , ſed ad trium horarum ſpatium protractæ . Eadem tradit S. P. Auguſtinus epiſt. 80. ad Heſychium , nunc 199. num 34. Concludendum itaque cum Theophylacto in Evangelia pag. 176. *Erant autem (tenebræ) in toto mundo , non in parte mundi : ut monſtretur quod luceat in paſſione Conditoris creatura , Judai quoque petentes ſignum de calo nunc videant ſolem obtenebrari .*

Verba Chriſti ꝑ cruce pendentis , & clamantis ad Patrem , *Deus meus , Deus meus , ut quid dereliquiſti me ?* vindicata fuerunt pag. 143. hujus voluminis adverſus blaſphemiam hæreticorum , aſſerentium Dominum Jeſum cum deſperatione luſtatum . Adſcripſi ibidem ſententiam ſæc̃o abſurdam Joanni Fero : cujus tamen Commentaria majori otio pervolutans adinveni orthodoxa ; in editione tamen Romana recognita , atque expurgata : an antiquior editio conſpurcata ſit ſæc̃o Calvinii errore , me latet . Certe Ferum acriter reprehendit Franciſcus Lucas Brugenſis in Matthæum pag. 535. necnon Voſſius Tom. vi. pag. 202. Forſitan Commentarios doct̃i , ſacundique viri quidam hæreticorum depravaverat . *Qua lingua ea*

verba Christus protulerit, non satis compertum est. Prolata Hebraice, & quemadmodum ea scripserat Psalmo xxi. regius Vates, tenent Erasmus in Matthæum, Bellarminus lib. 2. de Verbo Dei c. 16. Estius in loca difficiliora. Pronuntiata Syriace censent hæresi 69. Epiphanius, Brugenfis loco citato, & Lorinus in Psalmos pag. 365. His subscribo, quoniam priores voces, *Eli*, *Eli*, *lamma*, sunt Hebræis, Syrisque communes; immo priorem Marcus effert, *Eloi*, *Eloi*, quod propius accedit ad dialectum Syriacam. At *Sabatibani* vox Syrorum est, non Hebræorum, qui dicunt, יִבְזַאנִי *bbazantani*. Ait Bellarminus scriptum priori modo causa pronuntiatio- nis: at cum uterque Evangelista, Matthæus, & Marcus in hac voce convenient, qui tamen discrepant in priori; quod Bellarminus ait, omnibus non probatur. Sunt qui observarunt, nunquam Græcos reddidisse, ε. pro γ, neque כ. pro ב. Cum ergo in Evangelio habeatur *עֲלֵאֵם*, *Sabatibani*, non videtur Jesum pronuntiassse Hebraice, יִבְזַאנִי *bbazantani*, sed usum fuisse lingua Syriaca, sive potius permixta, aut Hebræa corrupta, qualis per id temporis obtinebat.

Postquam ergo hæc, aliaque nonnulla verba Redemptor noster protulerat, commendata piissima Matre discipulo, repromisso cælorum regno latroni, & consummatis omnibus, quæ de eo scripta erant, *inclinato capite tradidit spiritum*. Hoc habet omnium redemptionis complementum, hanc arrham fidelium expectatio, hunc scopum amantium gemitus, hanc lucubratiuncula nostra coronidem. Optabat Paulinus in Epist. xii. ad Severum pag. 151. ut sanctissimi Crucifixi Imagini, in templis collocata, & aureo diademate redimitæ hi versus inscriberentur:

*Cerne coronatam Domini super atria Christi
Stare Crucem, duro spondentem celsa labori
Præmia: tolle crucem, qui vis auferre coronam.*

Explicit Liber undetrigesimus.



QUINTI VOLUMINIS

PROPOSITIONES.

- I. Aduenisse prænuntiatum in lege Messiam liquet ex vaticinio Jacob, Gen. XLIX. 5
- II. Frustra illud excusitur contortis, peruersisque commentationibus Rabbīnorum. 12
- III. Non iuvant Hebræos variæ de ipsomet vaticinio Catholicorum sententia. 19
- IV. Refellitur quoque pervicacia Hebræorum oraculo Danielis cap. IX. 22
- V. Artaxerxes, cujus Epochæ ad percipiendas Danielis hebdomades plurimum deservit, regno positus est anno 484. ante Æeram Dionysianam. 32
- VI. Haud recte consignatur annus ejusdem Artaxerxis viceſimus anno ante memoratam Æeram 453. 33
- VII. Neque ab anno illo viceſimo, sed a septimo prædeſignatæ a Daniele hebdomades initium ducunt. 34
- VIII. Nihil suffragatur Hebræis falsata Rabbīnorum suorum Chronologia. 41
- IX. Accedit ad eorum confutationem promissio Prophetæ similis Moysi, Deuteronomii XVIII. 44
- X. Item somnium Nabuchodonosoris a Daniele explicatum: 46
- XI. Neenon quæ de Betlebem inquit cap. V. Michææ, 48
- XII. Et Aggæus de gloria secundi Templi. 49
- XIII. Messias verò Prophetarum ore promissus est JESUS NAZARENUS. 52
- XIV. De ipso Jesu Nazareno perhibuit testimonium lib. XVIII. Antiquitatum Josephus, autographum utique, ac genuinum. 57
- XV. Hujus testimonii stilit undequeque præſi Flaviana conformis est. 61
- XVI. Etiam Paganī ad credendum in Christum, nisi sponte clauderent oculos, invictis argumentis pertraherentur. 63
- XVII. De illius Apotheosi egit apud Senatam Tiberius, quamvis mancipatus idolorum superstitioni. 68
- XVIII. Inania prorsus sunt, quæ Gentiles obſectant adverſus Dominicam Incarnationem. 71
- XIX. Venit Christus ad redimendum humanum genus, nequaquam venturus, si Adam in originali justitia perseverasset. 76
- XX. Ex Virgine absque virili semine conceptus est. 84
- XXI. Nallius sunt ponderis argumenta, quæ adverſus perpetuam Dei-
To.V.

<i>para Virginitatem audacter , & sacrilegè proferebat Helvi-</i>	
<i>dus .</i>	89
xxii. <i>Divinum Verbum veram , & corpoream assumpsit carnem ,</i>	92
xxiii. <i>Eamque non aliunde traxit , quàm ex illibato Mariæ Virginis</i>	
<i>utero .</i>	95
xxiv. <i>In Christi Genealogia a Matthæo , & Luca Evangelistis descri-</i>	
<i>pta nulla invenitur oppositio .</i>	102
xxv. <i>Neque inde eruitur parentes Virginis non fuisse proprio nomine</i>	
<i>appellatos Joachimum & Annam .</i>	105
xxvi. <i>Hebræi non abraferunt ex libro Genesis generationem Cai-</i>	
<i>nanis .</i>	108
xxvii. <i>Et tamen idem Cainan in Evangelio Lucæ non est mendose in-</i>	
<i>stitutus , nec per errorem intrusus .</i>	109
xxviii. <i>Assumpta ex Virgine Christi caro non fuit ante passionem ex-</i>	
<i>pers naturalium corporum affectionum .</i>	114
xxix. <i>In eam sententiam propendimus , quæ asserit Christi faciem ne-</i>	
<i>que fuisse insigniter venustam , neque deformem .</i>	116
xxx. <i>Nulla passio accidit Salvatori reluctanti , & invito .</i>	120
xxxi. <i>Sed non caruit tamen ea passione , quæ vero dolore affecerit ipsius</i>	
<i>animum .</i>	121
xxxii. <i>Sanctus Hilarius Pictaviensis , ut Christo tribuit verum cor-</i>	
<i>pus ex Mariæ Virginis carne formatum ,</i>	125
xxxiii. <i>Ita non denegavit Redemptori nostro verissimi doloris sensum .</i>	
	126
xxxiv. <i>Non corpus tantummodo , sed & animam humanam divinum</i>	
<i>Verbum assumpsit ,</i>	132
xxxv. <i>Et quidem mente , sive intelligendi facultate non destitutam .</i>	134
xxxvi. <i>Christi intellectus non tantùm divina scientia , verùm etiam</i>	
<i>infusus , & creatus fuit cumulate exornatus .</i>	136
xxxvii. <i>Habuit & scientiam experimentalem , & acquisitam .</i>	Ibid.
xxxviii. <i>Fuit in eodem Christo adhuc viatore scientia Beatorum , vi-</i>	
<i>ditque perspicuè in hac mortali viâ divinitatem .</i>	137
xxxix. <i>At non habuit , in quantum homo , scientiam infinitam & com-</i>	
<i>prehensivam .</i>	138
xl. <i>Duc quoque admittenda sunt in Christo Domino voluntates : 146</i>	
xli. <i>Quæ adversus Macarium , Pyrrum , ceterosque Monothelitas ap-</i>	
<i>pellari debent duæ voluntates naturales .</i>	149
xlii. <i>Non debet in Christo propugnari una duntaxat operatio .</i>	150
xliii. <i>Honorius I. Romanus Pontifex in suis ad Sergium Epistolis ne-</i>	
<i>quaquam Monothelitis adhefit ;</i>	155
xliv. <i>Nec ullatenus attendendum est quicquid adversus eundem Ho-</i>	
<i>norium vel ex Aëlis Sextæ Synodi , vel aliunde depromitur .</i>	159
	xlv.

- XLV. Beatissima Christi anima iis perfectionibus, quæ ad voluntatem solent referri, cumulatissime prædita, fuit exornata quotibet genere sanctitatis. 170
- XLVI. Nullam habuit, nec potuit habere peccati maculam; 172
- XLVII. Tamesi perfectissima arbitrii libertate polleret. 175
- XLVIII. Unionem utriusque naturæ substantialem, atque hypostaticam revera negavit impiissimus hæresiarcha Nestorius. 183
- XLIX. Quicquid is temerè effutierit; admittenda est in Christo una, duntaxat Persona: 189
- L. Et gloriosissima Virgo verè, ac propriè *Θειαν*, idest, Deipara, est appellanda. 195
- LI. Divus Cyrillus invictissimus insectator Nestoris immeritò insimulatus fuit hæresis Apollinarii, 202
- LII. Singuli enim Anathematismi ejusdem Cyrilli doctrinam continent orthodoxam. 208
- LIII. Joannes Antiochenus, & ceteri Orientales, qui præcudatos Anathematismos aliquando repudiarunt, nunquam probaverunt Nestorii, aut Pelagii nefaria dogmata. 215
- LIV. De Theodoro tamen certum proferrè nequit judicium, nisi tempora, ejusque scripta sedulè distinguantur. 219
- LV. Tria Capitula a V. Synodo jure meritoque fuerunt proscripta. 227
- LVI. Refellitur cum Nestoriana hæresis Eutychetis: duæ enim sunt in Christo post adunationem naturæ, distinctæ invicem, atque impermixtæ, eadem licet hypostasi subsistentes. 246
- LVII. Fungum habuit pro cerebro Avitus Academicus, dum in bombilia quadam Clementis XI. Pontificis Maximi visus sibi est subodorare Eutychiani dogmatis pravitatem. 255
- LVIII. Hypostaticam unionem non esse entitatem quamdam ab extremis, ut inquirunt, distinctam rectè asscrunt Scholasticorum complures. 258
- LIX. Consentiant autem omnes eandem unionem substantialem esse, omnium maximam, & indissolubilem. 260
- LX. Illam nec sancti Patres, nec beatissima Virgo, imò nec ipse Redemptor, potuerunt (quantum ad substantiam attinet) promereri. 262
- LXI. Questionem scholasticam, an eandem naturam, quam Filius assumpsit, potuissent etiam assumere Spiritus sanctus, ac Pater, 266
- LXII. Ac alteram, nam una Persona assumere queat naturas duas, 267
- LXIII. Necnon quæ a nonnullis agitur de natura irrationali, utpote parvi momenti, brevi juxta communiorē sententiā resolvimus. 268

- LXIV. *At paullo accuratius pertractamus de iis, quæ unionem hypostaticam consequuntur, ac primam in Christo Domino propugnans communicationem idiomatum;* 271
- LXV. *Minimè tamen admittenda est permutatio vocabulorum inter unam, & alteram Christi naturam;* 274
- LXVI. *Refutantur propterea Ubiquistæ, autumantes in humanam Christi naturam fuisse transfusam omnipresentiam.* 277
- LXVII. *Deinde refellitur error Felicis & Eupandi, qui affirmaverunt Christum esse Filium Dei adoptivum in sensu Nestoriano;* 285
- LXVIII. *Nequit enim Christus appellari Filius adscititius, aut adoptivus, etiam secundum humanitatem.* 289.
- LXIX. *Et nihilominus Christus Jesus rectissime dicitur ab Apostolo prædestinatus Dei Filius.* 302
- LXX. *Cur verò appellari nequeat filius Spiritus sancti, ratio producit manifesta.* 306
- LXXI. *Esse contradictionem non implicet Christum dici aliquo patto Dei servum,* 310
- LXXII. *Nec repugnet ipsum appellari, ratione assumptæ humanitatis, creaturam;* 315
- LXXIII. *Congruum tamen magis est à iis, & consimilibus enuntiationibus abstinere.* 316
- LXXIV. *Uti possumus pertractantes de unionem hypostatica, compositionis vocabulo, dummodo a nobis Nestorij, & Eurycetis præter caute vitentur.* 319
- LXXV. *Hæc enuntiatio, Unus è Trinitate passus est carne, est Catholica & orthodoxa.* 322
- LXXVI. *Monachi Scythæ hujus propositionis assertores, quamvis tumultuose, ac turbulenter se gesserint, ab hæresi tamen Eurycetiana fuerunt immunes.* 326
- LXXVII. *Disputantes præterea, quantum huc spectat, de Christi Sacerdotio, asserimus Melchisedech non esse Angelum, neque Virtutem quamdam cælestem, neque Spiritum sanctum, neque ipsummet Filium Dei.* 331
- LXXVIII. *An fuerit autem Sem filius Noe, an Chanaanæus genere, incertum: videtur nobis hoc postremum esse probabilius.* 333
- LXXIX. *Christus itaque est Sacerdos secundum ordinem Melchisedech, quoniam in hujus Sacerdotis oblatione præfiguratum fuit sacratissimum Eucharistiæ sacrificium.* 337
- LXXX. *Rex etiam fuit Dominus Jesus Christus, habens regni sui spiritualis, quam temporalis plenissimam potestatem;* 350
- LXXXI. *Caput item omnium Prædestinatorum, universorumque supremus iudex.* 353
- LXXXII. *Insuper de satisfactione & merito Christi differentes, præmittimus*

timus potuisse Deum absolute reparare perditos homines absque Christi morte, & liberali condonatione;	358
LXXXIII. Facta tamen hypothesi, quod Deus decreverit complendam hominum redemptionem reparata injuria sibi per culpam illata, & soluto pretio captivitatis, necessariam fuisse Christi satisfac- tionem.	360
LXXXIV. Ostendimus unde hac in parte proflexerit perniciosissimus er- ror Socinianorum.	361
LXXXV. Adversus pestiferam istorum heresim affirmamus Christum Jesum revera esse humani Generis Redemptorem:	365
LXXXVI. Hanc redemptionem peractam soluto pretio, non predicatio- ne sola, aut exemplo:	366
LXXXVII. Idcirco Christum mortem pertulisse, ut nos erueret a peccato, demonisque captivitate:	368
LXXXVIII. Perferendo mortem peccatorum nostrorum fuisse penas:	371
LXXXIX. Fuisse affixum cruci pro peccatis nostris hostiam & sacrifi- cium:	375
XC. Nos per hanc eandem hostiam Deo reconciliatos fuisse:	379
XCI. In hac reconciliatione veram adinveniri peccatorum expiatio- nem:	381
XCII. Deum noluisse peccata nobis dimittere, non exhibita divina ju- stitia satisfactione:	385
XCIII. Id esse quammaxime decens, Deoque dignissimum:	387
XCIV. Non fuisse injustum, quod Christus subierit pro nobis Crucis patibulum.	390
XCV. Dogma istud Catholicum, quod contra Socinianos defendimus, corroboratur Patrum traditione perpetua.	393
XCVI. Nullius sunt momenti ad ipsum dogma labefactandum qualibet Socinianorum sophismata.	398
XCVII. Exhibita a Christo satisfactio nedum aequivalens fuit, verum etiam superabundans.	426
CVIII. Interfuerunt in eadem satisfactione conditiones omnes, qua requiruntur ad exactas justitiae leges.	430
XCIX. Non poterat Deo condigne satisfacere creatura rationalis ob- strita peccato.	441
C. Immo nec creatura qualibet pura, quantumvis gratia, meri- toque exornata.	442
CI. Pertinet ad universos homines Christi redemptio.	448
CII. Qui asseruit ab hoc universo beneficio alienas esse mulieres, de- clivus fuit, ac insanus.	450
CIII. Erravit ex opposito Origenez autumans Christum esse redempto- rem demonum etiam ac damnatorum.	457
CIV. Apostolorum Princeps non ait Dominum descendisse ad Inferos, us inde	

	<i>inde impios & incredulos liberaret.</i>	461
CV.	<i>Merita Christi infiniti sunt pretii.</i>	467
CVI.	<i>Qualibet ipsius oratio absoluta exaudita fuit a Patre.</i>	470
CVII.	<i>Competit ei peculiari modo titulus Mediatoris.</i>	472
CVIII.	<i>Est autem Mediator, ut Deus, & homo; in quantum opera redemptionis prodierunt ex humana natura, & habuerunt a persona Verbi pretium, valorem, ac dignitatem.</i>	473
CIX.	<i>Etiannum sedens a dextris Dei piissimus Jesus orat, & interpellat pro nobis, atque officium Mediatoris exercet.</i>	475
CX.	<i>Ut nonnulla denique proferamus ad historiam peractæ reparationis spectantia, certum est Herodem, quo in Palaestina regnante natus est Jesus, non fuisse Judæum genere, sed allophyllum.</i>	479
CXI.	<i>Probabilior nobis videtur eorum sententia, qui illum existimant Idumæum, quàm eorum, qui faciunt Ascalonitam.</i>	481
CXII.	<i>Duplex Herodiana Epocha distinguenda est, quarum prima figenda est in anno V.C. 714. Cons. Domitio Calvino II. & Asinio Pollione.</i>	484
CXIII.	<i>Alteræ in anno, quo expugnata fuit Hierosolyma, ab V.C. ut arbitramur probabilius, 717. Cons. Agrippa & Gallo.</i>	485
CXIV.	<i>Obiit autem Herodes ante solemnitatem Azmorum, anno a condita V. 751. Cons. Lentulo, ac Messalino.</i>	487
CXV.	<i>Quod Recentiores definiunt, Herodem decessisse anno Urbis 750. labente Novembri, nobis penitus non probatur.</i>	489
CXVI.	<i>Cum itaque Christus natus sit in diebus Herodis regis, contigit salutifera Natiuitas ante præcitatum Urbis annum 751. ac sententia quidem nostra, anno 749. Cons. Augusto XII. & Sulla.</i>	496
CXVII.	<i>Natole tamen Christi Dionysianum solido quadriennio post veram Natiuitatem locandum est; & initium Aera vulgaris consignandum anno V.C. 754. C. Cæs. Aug. P. & L. Aem. Paulo Consulibus.</i>	497
CXVIII.	<i>Salvator Mundi, ut Romana tenet Ecclesia, natus est VIII. Kalendas Januarias.</i>	504
CXIX.	<i>Perperam submorosi Critici risu excipiunt, quæ de bratis ad præsepe Domini accubantibus plebs Christiana sibimet persuadet.</i>	510
CXX.	<i>Item judicium ferendum est de Magis Christi Domini adoratoribus: quos Toparchas, & reges fuisse probabilitate non caret.</i>	512
CXXI.	<i>Adorarunt Magi puerum Jesum patriæ cultu, non civili duntaxat, qualem Orientis populi Regibus præbent suis.</i>	513
CXXII.	<i>Domus Nazaretana Christi incarnatione atque habitatione per-</i>	

- percelebris, anno 1294. sedente, ut refert Angelita, Bonifacio VIII. siue potius paucis diebus antequam Caelestinus V. proficisceretur in solitudinem, è Tursatica in Lauretanum agrum diuinitus transiecta est. 520
- CXXIII. Cum Dominus sit baptizatus & crucifixus imperante Tiberio, atque ad tempus peractæ Redemptionis definiendum figenda sit Epocha Tiberiana; dicimus ipsum Tiberium indeptum fuisse imperium Proconsulare anno V. C. 765. Coss. Cæsare, & Capitone. 526
- CXXIV. Iesus igitur ad baptismum venit vertente anno xv. imperii Tiberii Cæsaris, Urbis Condita 779. ætatis sue ineunte trigesimo. 529
- CXXV. Baptizatus est viii. Idus Ianuarias. 537
- CXXVI. Inter Christi baptismum, ejusque passionem tres anni, actres fere menses intercesserunt. 540
- CXXVII. Elegit interim Apostolos, & Evangelium nuntiavit. 545
- CXXVIII. Petrus appellatus est Cephas propter Ecclesiæ primatum. Ibid.
- CXXIX. Aliorum Apostolorum nomina explicantur. 546.
- CXXX. Proditoris Judæ patria non fuit urbi Carloth, sed Scharioth oppidum tribus Ephraim. 547
- CXXXI. Confirmauit Dominus prædicationem suam miraculis diuina virtute patratis, inter quæ eximium, maximumque fuit Lazari Juscitatio. 548
- CXXXII. Epistola, quam ad Christum scripsisse fertur Abgarus Edesenorum Toparcha, & altera, qua ad eundem Abgarum dicitur Dominus dedisse responsum, quamvis non sint exploratissima autoritatis, tanquam genuinæ possunt magna probabilitate defendi. 551
- CXXXIII. Subiit Dominus Crucis patibulum anno Vulgar. Aera xxix. Consulibus duobus Geminis. 555
- CXXXIV. Die autem mensis Martii quinta ac vicesima. 560
- CXXXV. Ab hac sententia, Patrum testimonio, & annorum Christi supputationibus corroborata, nequaquam debemus recedere ob lunæ phases, aut calculos astronomorum. 563
- CXXXVI. Prima acerbissima Christi passionis actio evenit in Horto Gethsemanis, ubi factum in agonia sudasse grumos sanguinis, verissima hystoria est, non asuta Evangelio Luca narratio. 567
- CXXXVII. Ibidem a Romana cohorte, missisque a Judæorum Senatu apparitoribus comprehensus est, ductore, ac proditore Judæ, qui Deum, ac Magistrum suum vendidit triginta sictis argenteis, idest, 120. drachmis. 569
- CXXXVIII. Tam villi venditus Dominus, post quædam judicialia acta immanissime flagellis cæsus est, non quadraginta tantum ad cor-
rectio.

- rectionem verberibus, sed innumeris, iisque atrocissimis ad Judo-
 daorum livorem, & odium satandam.* 571
- CXXXIX. *Coronatus deinde ad ludibrium augendum spineo diademate,
 non è marinis juncis plexo, sed è sentibus rbomni.* 575
- CXL. *Proficiscenti ad Golgotbam abstersisse vultum sanguine, ac su-
 dore manantem piam Jerosolymitanam mulierem, & expres-
 sam in ejus Velo Redemptoris imaginem, non est excogitatum a
 Mariano Scoto commentum.* 577
- CXLI. *Non discrepant circa horam Dominica Crucifixionis Marcus,
 & Joannes Evangeliste.* 579
- CXLII. *Crux Domini arrectario, transversoque lignis fabricata est.* 581
- CXLIII. *Ipsi cruci affigendum Dominum prænuntiaverat Ps. XXI. re-
 gius Vates.* 582
- CXLIV. *Non est planè certum sanctissima Crucis lignum fuisse ex robo-
 re, aut quercu; etsi in banc sententiam descenderint Recentio-
 rum quamplurimi.* 583
- CXLV. *In eadem hesitatione sumus circa lignum Crucis suppedaneum.*
 Ibid.
- CXLVI. *Valdè est probabile, non tamen prorsus compertum, Cruci Re-
 demptorem nostrum suffixum fuisse quatuor clavis.* 584
- CXLVII. *Fertur Dominus Jesus dum penderet è Cruce, ad Occiden-
 tem spectasse.* 585
- CXLVIII. *Ludunt operam, qui unius A. Gellii testimonio probare ni-
 tuntur Domini crucifixoress fuisse Bruttios.* 586
- CXLIX. *Moriens Domino tenebra facta sunt super universam ter-
 ram, non super solam Judoarum regionem.* 587
- CL. *Postrema Christi verba linguâ, quæ tunc temporis obtinebat,
 fuisse prolata.* 588





